

**BENEDICTI
PERERIJ
VALENTINI, E'
SOCIETATE IESU,
QUARTUS...**

Benito Perera, Josè Maria
Fonseca de Evora



BIBLIOTECA NAZ.
Vittorio Emanuele III

III

D

24

NAPOLI

III

9

24

BENEDICTI
PERERII
VALENTINI,
E SOCIETATE
IESV,

QUARTVS TOMVS SELECTARVM

Disputationum in sacram Scripturam:

*Qui est prior Tomus Disputationum in Euangelium B. Ioannis
super nouem primis eius Euangelij capitibus, ducentas
& quatuordecim Disputationes continens:*

NUNC PRIMUM IN LUCEM EDITVS.



LVGDVNI,
Sumptibus Horatij Cardon.

M. DCVIII.

CVM PRIVILEGIO REGIS.



REPRODUCED

PERERII

VALLENTIN

REPRODUCED

1824

REPRODUCED

REPRODUCED

REPRODUCED

REPRODUCED

REPRODUCED

REPRODUCED



Sumptibus Horatii Cardon

REPRODUCED

REPRODUCED





ADMODVM
REVERENDO IN
CHRISTO PATRI, PATRI
CLAUDIO AQUAVIVA,
 PRÆPOSITO GENERALI
 Societatis IESV,
BENEDICTVS PERERIVS
 eiusdem Societatis S. D.



QUEMADMODVM inter Scripturas Apostolicas facillè primas tenent Epistola B. Pauli, & inter has, quæ ad Romanos scripta est, in qua de altissimis Fidei, & religionis Christianæ mysterijs admirabilis Paulus sapientia, & eloquentia disseruit: ita B. Joannis Euangelium, ut postremum tempore, sic dignitate primum, inter Euangelica scripta præcellit. In hoc enim CHRISTI æternitas, & diuinitas copiosius, quàm in alijs Euangelijs, expressiusque demonstratur: multa etiam præclara CHRISTI dicta & facta, cognitiu dignissima, & ab alijs prætermissa Euangelistis, diligenter exponuntur: solus quippè Joannes quedam perinsignia CHRISTI miracula, & complures eius sermones diuina planè sapientia splendentes, charitatèque flagrantés, luculenter enarravit. Videtur itaque non in-

omnes Veteris Testamenti Scripturas antecellit statum B. Ioannis
 Euāgelium alijs Novi Testamēti Scripturis prestare. Huius Euan-
 gelij explanationem meam duos in Tomos Disputationū diuisam
 tibi, Pater optime, dicendam esse duxi: consentaneum esse ratus,
 ut cuius nomini, ante quinque annos, meas in Epistolam B. Pau-
 li ad Romanos commentationes inscripseram, in eius nunc etiam
 nomine, in publico disputationes meae in Euangelium Ioannis appa-
 rerent. Spero equidem meum hoc munusculum fore tibi non inui-
 cundum, & quia datum est ab homine tui amantissimo, & obser-
 uantissimo; & quia pertinet ad explicationem, & cognitionem
 Sacrarum litterarum, quarum tu admodum studio delectaris;
 & in eo, cum aliquid tibi, à grauiissima nostrae Societatis
 gubernatione, otij est, libenter versaris. Precor

DEVM, ut te multos annos, magno
 Societatis nostrae bono, seruet
 incolumem. VALE.



AVCTOR





AVCTOR OPERIS

LECTORI.



VANGELIVM B. Ioannis publice in Romano Collegio bis interpretati sumus; Primum quidem annis ab hinc triginta; Secundum autem ante annos viginti, & in ipsum copiosa scripsimus Commentaria. Neque ab eo tempore ad hanc usque diem

ea scripta magis in dies polire, ac locupletare destitimus; ut verè dici queat, fuisse opus hoc nostrum, quod nunc typis mandatur, trigenario studio, & cura elaboratum, atq; confectum. Ex his porrò nostris in Ioannem Commentariis decerpta, quæ nobis visa sunt meliora, redegitur ad formâ Selectarû Disputationû: easq; Disputationes duos in Tomos digessimus; quorû Prior, qui nûc exit in lucē, Disputationes habet ducentas & quatuordecim super nouē primis Capitibus huius Euangelij: Posterior autem Tomus, maxima in parte à nobis iam factus, super duodecim reliquis eiusdem Euangelij Capitibus Disputationes continebit. Si autem DOMINVS, sub cuius nutu vitæ nostræ momenta decurrunt, pauculos aliquot nobis vitæ, mediocrisq; valetudinis annos indulserit, dabimus etiam in publicum duos Tomos quæstio-

num Chronologicarum in omnes libros diuinæ Scri-
pturæ tam veteris , quàm noui Testamenti : optabile
profectò,& perutile opus omnibus, qui in Sacrarum lit-
terarum studio & tractatione versantur , & à viris doctis
diu, multùmque desideratum, & à nobis non semel pro-
missum. Sed quia homini duos iam & septuaginta an-
nos nato, & satis infirma, perpetuísque studiorum labo-
ribus contrita valetudine prædito singulos in annos ex-
pectanda mors est ; iuuat nos etiam hoc loco illud

dicere, quod sæpè aliàs dicere soliti sumus,
& quondam à fortissimo illo duce
Iuda Machabæo dictum est;

*Sicut fuerit voluntas in
cælo, sic fiat.*

1. Machab.
cap. 3.

Facul



*Facultas R. D. D. Antonij Emmanuelis Chalomi
huius libri imprimendi.*

ANTONIUS EMMANUEL CHALOMYS in præfectura Lugdunensi Consiliarius Regius, in primatu Franciæ Iudex, & in Archiepiscopatu Lugdunensi Vicarius Generalis: opus hoc à Benedicto Pererio magno ingenio, excellentique doctrina viro compositum, & à Theologis recognitum, vt in lucem edatur facultatem concedimus, Lugduni 30. Iulij 1607.

CHALOM.

Summa Privilegij à Christianissimo Galliarum Rege obtenti.

HENRICI IIII. Galliae, & Navarrae Regis Diplomate cautum est, ne quis in suo Regno, aliisve locis ditioni suae subiectis, intra proximos annos decem, à die impressionis prima inchoandos, excudat, vendat, excudendum, vendendumque quovis modo, ac ratione conetur librum, qui inscribitur, *Benedicti Pererij Valentini, è Societate Iesu Theologi, Selectarum Disputationum Tomus primus in Euangelium Sancti Ioannis, Disputationes quatuordecim supra ducentas complectens*: præter Horatium Cardon Bibliopolam Lugdunensem: aut illos, quibus ipse concesserit: sub poenis Originali Diplomate contra delinquentes expressis. Datum Parisiis, 30. die mensis Iulij 1607.

De mandato Regis,

Signatum

DE LA FON.

*Facultas R. admodum in Christo P.P. Claudij Aquaviva,
Societatis IESV Prepositi Generalis, huius
libri imprimendi.*

CVM priorem Tomum P. Benedicti Pererij, Societatis nostrae Theologi, in Euangelium S. Ioannis, Disputationes quatuordecim supra ducentas complectentem; tres eiusdem Societatis Theologi, quibus id cõmisimus, recognouerint, ac in lucem edi posse probauerint; facultatem concedimus, ut typis mandetur, si iis, ad quos pertinebit, videbitur. In quorum fidem has literas manu nostra subscriptas, & sigillo nostro munitas dedimus Romae xij. Ianuarij 1608.

CL. AQUAVIVA, Societatis IESV
Prepositus Generalis.



BENEDICTI PERERII PROLE-

GOMENA IN EVAN-
GELIVM BEATI IOANNIS,
oëto Disputationibus
explicata.

PRIMA DISPVATIO.

*De insigni Beati Joannis laude, ducta ex eo, quod erat:
Discipulus ille, quem diligebat IESVS.*



VOD eloquentissimus Romanæ hi-
storix scriptor Titus Liuius de Cice-
rone dixit, ad persequendas Ciceroni-
s laudes, Cicerone laudatore opus
esse: idem verissimè dici à nobis de
Beato Ioanne posset, dignum Ioanne
laudatorem Ioannis, alium neminem,
nisi Ioannem ipsum esse posse. Nam vt
solus hominum Ioannes bona sua no-

*Refert hoc
Seneca in lib.
1. suarum.*

uerat, & quanti eorum esset vnumquodque momenti, suo di-
gnitatis pondere perpendens, planè intelligebat: ita solus bona
sua, quanta essent laude digna, æstimare poterat. Nec ipse hoc
dissimulauit, sed ea dixit, & in scriptis reliquit, quæ maximam
ipsius laudem continebant. Nam etsi omnis humanæ laudis atque
honoris, quàm qui maximè, contemptor fuit: veram tamen &
solidam

solidam laudem ex DEO profectam, atque in DEVM ipsum relatum, & ex amplissimis DEI muneribus efflorescentem atque redundantem nec ipse contempsit, nec contemnere debuit.

Sed quando, aut quomodo Ioannes suarum laudum ipse præco fuit? an exigua videtur illa esse laus Ioannis, quam ipse in sua historia Evangelica frequenter, & libenter vsurpauit: *Hic est Discipulus ille, quem diligebat IESVS?* nihil hac breui sententiâ plenius, nihil sublimius, nihil illustrius, ac magnificentius, nihil ad eximiam Ioannis laudem insignius dici potuit. Contendant alij omnes ingenij sui vires, profundant vniuersum eloquentiæ flumen, cunctasque doctrinæ opes ad laudandum Ioannem conferant atque congerant; minor tamen eorum laus omnis futura est huius breuissimi encomij præstantia: *Discipulus, quem diligebat IESVS.* Sed quid egregiū, & excellens habet illud: *Quem diligebat IESVS?* habet nempe hanc vim, Quem IESVS eximiè, ac singulariter, quem familiarissimè, atque intimè, Quem tenerrimè, ac blandissimè, Quem tanquam vnigenam filium, effuso patris affectu super omnes diligebat.

Nec diuinus erga homines amor talis est, qualis est humanus ² amor, quo inter se amant homines: triplex certè notabilis est inter vtrumque amorem differentia. Humanus etenim amor per se sterilis, & inefficax boni est; non enim qui amat alium, amando eum, quidquam boni tribuit ei, vel sanans eum, si æger est; vel si pauper, ditans eum; vel sapientem faciens, si indoctus est; vel alio vilo bono afficiens eum. Aliud est enim hominem bene velle homini, & aliud est bene facere ei: multi optimè volunt aliis, flagrantissimèq; amant eos, quibus tamen benefacere non possunt: nimirum, diuersa est in homine facultas benefaciendi à facultate bene volendi, & amandi. Scitum est illud, quod Plinius dixit Vespasiano ad Romanum imperium assumpto, cui historiâ suam naturalem dicauit: *Nec quidquam, inquit, mutauit in te fortuna amplitudo, nisi ut prodesse tantundem velles & posses.* Quibus verbis significauit Plinius, antea quidem, Vespasianum propensissimam habuisse bene merendi de hominibus voluntatem; sed eam tamen, quia par voluntati deerat facultas, explere non potuisse: tunc autem maximam imperij potentiam consecutum, quantum

vellet,

Triplex differentia diuini amoris, atque humani.

Plinius in prefatione historiae suae naturalis.

vellet, tantundem posse. At verò, diuinus erga homines amor, boni fecundissimus, & efficacissimus est, immò verò omnium, quæ in homine sunt, bonorum fons, & causa; qui nullo tempore aut sua fecunditate deficitur, aut minuitur vbertate. **DEVM** bene velle homini, est bene facere ei: hominem diligere à **DEO**, est bonis affici ab eo. Deinde, homo excitatur ad amandum alium hominem bonis quæ in eo homine cernit, & miratur, ut prudentia eius, sapientia, fortitudine, liberalitate, aliisque bonis vel animi, vel corporis, vel fortunæ: **DEVS** autem non amat hominem propter bona quæ in ipso videt, non, inquam, incipit amare eum propter bona quæ in ipso, aut ex ipso reperit: sed ipse quicquid in homine boni est, amando eum, inchoat, & promouet, ac perficit; primaque bonorum omnium semina in animis hominum primus ipse ferit, satæque fouet, nutricatur, auget, & ad perfectam fructuum maturitatem perducit. Adhæc, non solum diuinus amor bonorum origo, & causa est, sed modus etiam, atque mensura: si enim veri boni ratio æstimetur, tantus quisque virtutibus, verisque bonis est, quanto eum **DEVS** amore dignatus est. Nimirum, diuini amoris magnitudini, etiam diuinorum munerum & bonorum quæ tribuuntur homini, pariter magnitudo respondet; tantumque boni datur cuique hominum, quantum amoris sui **DEVS** ad eum ex ipsa æternitate applicare voluit.

- 3 Ergo, cum Beatus Ioannes dixit, se illum fuisse Discipulum, quem diligebat **IESVS**, omnia sanè bona comprehendit, quæ de ipso prædicari, & laudibus in cælum efferri possunt. Quod enim bonum ei deesse potuit, quem tanto **DEVS** amore complexus est? cui videlicet in diuini pectoris, & amoris recessum, & sinum recepto, atque inibi tam feliciter, quam familiariter quiescenti, id autem est, ad perennem bonorum omnium fontem proximè admoto, diuina bona non parcè libandi, leuiterque gustandi, sed assatim hauriendi, largèque potandi copia facta est. Sicut igitur nemo alius præter Ioannem nouit, quantum **CHRISTVS** dilexerit Ioannem, & quot, & quanta in eum bona ex illo **CHRISTI** amore redundarint: ita nemo dignus Ioanne laudator Ioannis, præter ipsum Ioannem, esse potuit. Ego de Beato Ioanne dicturus, non mihi assumam laudatoris personam, quam condignè non possum

possum agere; sed nonnullas de eo quaestiuunculas, ad explanatio-
nem Euangelij eius, præcognitu non parum vtilis, partim histo-
rico, partim scholastico modo distinctè, pressèque tractabo.

SECUNDA DISPUTATIO.

*An Ioannes fuerit genere nobilis, & patrimonio dives, &
litteris vel humanis vel sacris doctus?*

IOANNEM, priusquam vocaretur ad CHRISTI 4
Apostolatam, nec generis nobilitate, nec diuitiis,
nec doctrina fuisse præditum, tribus ex locis Diuinæ
scripturæ satis apertè licet cognoscere. Matthæus
enim in capite quarto sui Euangelij, narrans Ioan-
nem vnà cum fratre suo Iacobo, & patre Zebedæo artens piscato-
riam coluisse, & exercuisse, eoque artificio, & exercitio piscandi
victum sibi comparasse, & piscationi, ac reficiendis retibus inten-
tum, à CHRISTO esse vocatum; satis profectò euidenter, cum
non vel nobilem, vel diuitem, vel litterarum deditum stu-
dio fuisse indicauit. Hoc ipsum confirmat id, quod Phariseos
de CHRISTI sectatorum obscuritate & ignobilitate atque in-
scitia, per contemptum dixisse, ab ipsomet Ioanne scriptum est in
capite septimo sui Euangelij. *Quis ex principibus (aiebant illi) cre-
didit in eum, aut ex Phariseis? sed turba hac, quæ non nouit legem.*

Etiam illiteratū & indoctum fuisse Ioannem ante CHRISTI 5
Apostolatam, non obscure indicauit Lucas, cum in quarto capite
historiæ Apostolicæ scriptum reliquit, principes Iudæorum, visa
Petri & Ioannis constantia, cognitioque miraculo sanati ab ipsis
paralytici, propterea vehementer obstupuisse, quòd eos nossent,
homines esse illiteratos atque idiotas; neque rem tantam ab illis,
vel magicarum artium scientia, vel occultiori alio quopiam arti-
ficio patrata esse suspicari possent. Lucæ verba hæc sunt: *Viden-
tes Petri & Ioannis constantiam, comperto quòd homines essent sine litte-
ris, & idiotæ, admirabantur; & cognoscebant eos, quoniam cum IESV
fuerant: hominem quoque videntes stantem cum eis, qui curatus fuerat,
nihil poterant contradicere.* Sic profectò decuit: decuit, inquam,
maximè

maximè Ioannem, qui cœlesti complendus erat sapientia, humanarum doctrinarum expertem esse, vt quam nobis postea doctrinam scriptis suis erat proditurus, eam nos non humanam, sed cœlestem, atque Diuinam fuisse intelligeremus.

- 6 Possumus etiam quæ de humili secundum carnem conditione Ioannis diximus, ea confirmare grauissimis Beati Pauli verbis, quibus ille primorum CHRISTI sectatorum humilitatem, & ignobilitatem, & obscuritatem describit in primo capite prioris epistolæ ad Corinthios: *Videte, inquit, vocationem vestram, fratres quia non multi sapientes secundum carnem; non multi potentes, non multi nobiles: sed quæ stulta sunt mundi, elegit Deus, vt confundat sapientes: & infirma mundi elegit Deus, vt confundat fortia: & ignobilia mundi & contemptibilia elegit Deus, & ea quæ non sunt, vt ea quæ sunt, destrueret; vt non gloriatur omnis caro in conspectu eius.* Hæc Pauli verba Patres interpretantur, præcipuè ad Apostolos pertinere: est sanè non solum vera, sed etiam percelebris illa Patrum sententia, instar maximi ducendum esse miraculi, prædicatione Apostolorum, qui nulla humanæ sapientiæ, aut eloquentiæ, nulla gratiæ, aut potentiæ, nulla diuitiarum, aut nobilitatis commendatione spectabiles, & venerabiles erant; omnem fermè terrarum orbem ad veri Dei cognitionem, & cultum, Christi quæ fidem esse adductum. Sed enim Beatus Hieronymus in epistola quam scripsit ad Principiam virginem; Ioannem facio nobilem, scribens, eum ob generis nobilitatem notum fuisse Pontifici, & tempore passionis Domini, fidenter intrasse domum eius, & illuc Petrum introduxisse, & intrepido animo iuxta crucem Domini stetisse. Sed videtur similis vero, quod nos ex Patrum sententia, & secundum doctrinam scripturæ docuimus.

TERTIA DISPV TATIO.

An Ioannes fuerit cognatus, vel consanguineus CHRISTI?

- 7 **THEOPHYLACTVS**, quasi legisset in Diuinis libris, ita præcisè, atque confidenter dixit, CHRISTVM fuisse Auunculum Ioannis: eius namque matrem fuisse filiam Ioseph ex priori vxore, quam habuerat ante

Theophylactus Christum facit Auunculum Ioannis, sed refellitur.

cōiugiū Deiparę Virginis **MARIÆ**; Ioseph autē pater **CHRISTI** esse putabatur. Theophylacti verba in eius præfatione in Euangelium Ioannis sunt huiusmodi: *Ioannes fuit cognatus Domini: Ioseph enim Deipara **MARIÆ** sp̄sū habuit ex priori uxore liberos septē, quatuor mares, & fæminas tres, Marthan scilicet, & Hesther, & Salomen, quę fuit mater Ioannis, & habita est soror Domini, quia Ioseph pater Salome etiam Domini pater putabatur; quocirca Ioannes eius filius, nepos Domini habebatur.* Sic ille, sed istud Theophylacti dictum neque fidem habet ex antiquis vel traditionibus, vel historiis, vel autoribus fide dignis: & verior multò est sententia Hieronymi, Augustini, Bedę, Ruperti, B. Thomę, aliorumque à quibus creditum, & proditum est, sanctum Ioseph non modò priorem Deipara Virgine aliam coniungem non habuisse, sed etiam perpetuò illibatam coluisse, atque conservasse virginitatem.

*B. Thomas
Ioannem vocat cōsanguineum Christi.*

Beatus Thomas in Quodlibeto quarto, articulo decimo quinto Ioannem vocat **CHRISTI** consanguineum; atque ob eam causam, ait, non Ioanni, sed Petro Ecclesię principatum à **CHRISTO** esse delatum: ut suo videlicet exemplo **CHRISTVS** futuros Ecclesię Principes prædoceret in tribuendis Ecclesię muneribus, & honoribus nullum ad sanguinis propinquitates, ac necessitudines respectum haberi oportere. Alij tradiderunt, Ioannem fuisse **CHRISTI** consobrinum; vtriusque enim matres fuisse inter se sorores, ex eadem quidem matre, diuersis tamen patribus genitas. Aiunt enim, Annam ter nupsisse; & ex primis nuptiis genuisse Deiparam Virginem **MARIAM**: ex secundis, nuptiis **MARIAM**, Salomen uxorem Zehedæi, matrémque Iacobi Maioris, & Ioannis: ex tertiis nuptiis **MARIAM** quę vxor fuit Cleophę, & mater Iacobi Minoris, & aliorum, qui in Euangelio fratres **CHRISTI** appellantur.

*Resolvitur
supra dicta
opinio de Anna
ter nupta.*

At enim, istam de Anna ter nupta opinionem equidem absurdam, non solum improbabilem esse video. Anna etenim, sicut in antiquis, & probatis historiis traditum est, senili iam in ætate annos nempe nata sexaginta Deiparam Virginem peperit; post culus partum maritus eius Ioachim duodecim annos superuixit: non est autem credibile, mulierem propè octogenariam, post primum coniugium, etiam secundum, atque tertium concipiuisse. Deinde,

Deinde, nulla erat lex apud Hebræos, quæ scēminas ad secundas nuptias cogeret: quin etiā laudabile ducebatur, post primas nuptias, secundis abstinere. In ultimo sanē libri Iudith capite, in maximis Iudithæ laudibus ponitur, eam post primi mariti obitum, vidualem castitatem sanctissimē omni vita conseruasse. Sic enim eo loci scriptum est: *Fecisti viriliter, & confortatum est cor tuum, eō quod castitatem amaueris, & post virum tuum, alterum nescieris: ideo manus Domini confortauit te, & eris benedicta in æternum.* Etiam in capite secundo Euangelij Lucæ Anna Prophetissa laudatur, quod post mariti obitū vidua permanserit atque ad octogesimum quartum anñum. Cū igitur apud Hebræos non solum esset licitum, sed etiam laudabile defuncto primo marito, secundis nuptiis abstinere; non obscurum sanē fuisset intemperātis animi argumentum, si Anna post primum matrimonium, ex quo, præsertim talem tantāque prolem susceperat, affecta iam ætate, secundum coniugium, atque etiam tertium expetiuiisset.

- 10 Ego istam de Ioannis cum Domino cognatione opinionem libentissimē amplecterer, si veram esse crederem: sed ægrē adduci possum, vt eam putem esse veram. Si enim Ioannes consobrinus *Auctoris sententia de cognatione Iohannis cū Christo.* CHRISTI fuit, & secundū loquendi cōsuetudinem Hebræorū sæpe in Sacris literis vsurpam, frater Domini esset; cur nusquam in historia Euāgelica, vel Apostolica, vel in epistolis Apostolorum frater Domini appellatus est. Eodem enim cognationis gradu Ioannes, secundū istā opinionē, attingebat CHRISTVM, quo ipse Iacobus: cur igitur Iacobus vocatur sæpius Domini frater, Ioannes verē ne semel quidem? Paulus in epistola ad Galatas nominat Iacobum, & Ioannem, sed illum vocat fratrem Domini, hūc autē minimē; cur, si Ioannes, similiter vt Iacobus, CHRISTI erat cognatus, cur de tali & tanto Apostolo, & dilectissimo CHRISTI discipulo, id scriptura perpetuo inuoluit silētio? Cur de ista cognatione tam memorabili nullum verbum fecerunt Clemens Alexandrinus, Eusebius, Epiphanius, Hieronymus, aliiq̃ antiquitatis Ecclesiasticæ curiosi indagatores? Epiphanius certē disputans aduersus hæresim septuagesimam octauam apertis verbis negat, Ioannem fuisse CHRISTO sanguinis propinquitate coniunctum. Sanctus etiam Hieronymus in libro quem scripsit aduersus *Hieronymus.* Helu

Helucidium copiose disputat de illis qui in nouo testamento appellantur fratres Domini, vbi sæpius ei occasio oblata est appellandi Ioannem fratrem Domini, si Domini frater ille fuisset. Immo, rationem asserens Hieronymus eo in loco, cur CHRISTVS curam Ecclesiæ suæ non Ioanni, quem præ cæteris discipulis diligebat, sed Petro commisisset; non cognationem vel necessitudinem aliquam Ioannis cum CHRISTO causatus est, sed teneram Ioannis ætatem tanto oneri sustinendo immaturam, atque inualidam.

QUARTA DISPUTATIO.

*De Ioannis virginitate, & de ætate qua erat, cum est à
CHRISTO vocatus.*

IOANNEM, & cum est à CHRISTO vocatus ad discipulatum, & deinceps omni vita sua virginem fuisse, confessio est omnium: sed an solus ipse omnium Apostolorum virgo fuerit, non æquè confessum est omnibus. Beatus Ignatius Martyr in epistola, quam scripsit ad Philadelphenses non obscure significat, præter vnum Ioannem, qui virgo fuit, cæteros omnes Apostolos matrimonio fuisse illigatos. Idem sensisse existimare licet eos (sunt autem permulti & graues adprimè scriptores) qui putauerunt, Ioannem propter virginitatis decorem plus cæteris Apostolis à CHRISTO esse dilectum; atque ob eam potissimum causam, matrem ei suam CHRISTVM commendasse. Ex aduerso autem, Epiphanius quinquagesimam octauam hæresim discutiens, etiam Iacobum Apostolum fratrem Ioannis virginem fuisse tradidit: idemque scripsit Hieronymus libro primo contra Iouinianum de Iacobo Minori. Quinetiam eo ipso in loco affirmare non dubitat Hieronymus, præter Petrum, non omnes Apostolos fuisse virgines; ex Sacris litteris probari non posse. Paulum quoque Apostolum virginem fuisse docet Hieronymus in epistola vigesima secunda quam de custodia virginitatis scripsit ad Eustochium. Epiphanius quoque in confutatione hæresis septuagésimæ octauæ virgines facit Ioannem, & Iacobum fratrem eius, & Paulum. Eademque de virginitate Pauli sententia est

*Ignatius
Martyr.*

*Epiphanius.
Vtrumq; Iacobum
Apostolum fuisse
virginem.*

Hieronymus.

*Paulum Apo-
stolum fuisse
virginem.
Hieronymus.
Epiphanius.*

est Chrysostomi, Theodoret, Bedæ, Theophylacti, OEcumenij, aliorumq; plurium istis recentiorum in cōmentariis eorum super septimum caput prioris epistolæ ad Corinthios. Mihi sanè videtur satis probabile, non solum Ioannem inter Apostolos fuisse virginem: eum tamen, propter eximiam & singularem, qua ceteris præstabat, corporis & animi munditiam atque puritatem, & ob ingenij, morumq; præcipuam simplicitatem atque suauitatem, fuisse valde amabilem, & præcipuo quodam amore dilectum à CHRISTO, ei que familiarissimum atque intimum.

- 12 Illud præterea declarandum hoc loco est, qua ætate fuerit Ioannes, cum eum CHRISTVS ad se vocauit. Si verum esset quod scriptum reliquit Dorotheus, Ioannem vixisse annos centum & viginti, cum ille, secundum communem Doctorum sententiam obierit in principio imperij Traiani, ex eo conficeretur, ipsum, cum à CHRISTO vocatus est, fuisse iam quinquagenarium. Sed enim, illud Dorothei dictum, & quod ei consequens est, excedit fidem, & historiis Ecclesiasticis aduersatur. Beatus Hieronymus in libro primo aduersus Iouinianum ait, Ioannem, cum secutus est CHRISTVM, fuisse adolescentulum ac prope puerum; & ob eam causam non ei curam Ecclesiæ suæ CHRISTVM, sed Petro commisisse. Adscribam hic Hieronymi verba: *Super Petrum, inquit, fundatur Ecclesia: cur non Ioannes potius, qui virgo erat, ad id electus est. etati hoc delatum est, quia Petrus senior erat, ne adhuc adolescens ac penè puer, progressæ ætatis hominibus præferretur. Vt autem sciamus, Ioannem tunc fuisse puerum, manifeste docent Ecclesiasticæ historia, quod vixerit vsque ad Traiani imperium, id est, post passionem Domini sexagesimo octauo anno dormierit, quod & nos in libro de illustribus viris breuiter peritrximus.* Hæc Hieronymus.

- 13 Sed non fit verisimile, puerum esse à CHRISTO factum Apostolum, & sacerdotem, & Episcopum, & prædicatorem Euangelij per vniuersum terrarum orbem, & vnum de primis Ecclesiæ principibus, & columnam Ecclesiæ, sicut eum vocat Paulus in epistola ad Galatas: nec est probabile, pueri curæ ac prudentiæ CHRISTVM matrem suam commendare voluisse. Est itaque creditu procliuus illud quod Beda in libro de sex ætatibus mundi scripsit, & quod pluribus etiam doctis viris placuit, Ioannem vno anno

*Chrysost.
Theodoretus.
Beda.
Theophylact.
OEcumenius.*

*Qua ætate
fuerit Ioannes,
cū est à Christo
vocatus.
Dorotheus.*

B. Hieron.

*An cū Ioannes
vocatus
est à Christo,
fuerit puer.*

minorem natu fuisse quam CHRISTVM. Cùm autem CHRISTVS Ioannem ad se vocarit initio suæ prædicationis, quo tempore CHRISTVS erat triginta annorum, vt docet Lucas in capite tertio historię suæ Euangelicæ, ex eo licet intelligere, Ioannem, cùm est vocantem se CHRISTVM secutus, nouem & viginti fuisse annorũ: tempore autem passionis Domini fuisse duorum & triginta annorum, si CHRISTVS, vt & multis, & mihi visum est, trigesimo tertio ætatis suæ anno non completo mortuus est. Quoniam autẽ, secundum Hieronymum in primo libro contra Iovinianum, & in libro de viris illustribus, Ioannes humanis rebus excessit anno post Domini passionem sexagesimo octauo, inde fit manifestum, Ioannem, cùm esset centenarius, obiisse. Quanquam de morte Ioannis nõ inter omnes conuenit, cùm non defuerint qui putauerint, Ioannem etiam nunc viuere, & in paradiso terrestri cum Henoch & Elia manere, & mansurum vsque ad nouissima mundi tempora, & Antichristi aduentum: Verũ hac de re disputandum nobis est, cùm tractabimus illa verba huius Euangelij, quæ Dominus Petro dixit de Ioanne: *Si hic eum volo manere donec veniam, quid ad te?* Inde namque multis accidit dubitatio de morte Ioannis. Erant alia quædam quæ de persona ipsius Ioannis tractari poterant, sed ea in explicatione Euangelij eius, suis quæque locis tempestiue magis, commodèque tractabuntur.

QVINTA DISPUTATIO.

Vbi Ioannes scripserit Euangelium?



TRIA breuiter de Euangelio Ioannis, ante explanationem eius, prædocere lectorem conuenit, Vbi, & Quando, & Cur fuerit à Beato Ioanne cõscriptum. Ioannem scripsisse Euangelium in Pathmo insula, quò fuerat à Domitiano Imperatore relegatus, tradiderunt Dorotheus & Athanasius, vterque in Synopsi, itẽmque Simeon Metaphrastes in Vita Ioannis, & Nicephorus libro tertio capite nono, & Theophylactus in sua Præfatione in Euangelium Ioannis. Sed probabilior est aliorum & plurium & grauiorum Auctorum sententiã, scriptum esse Euangelium

*Euangelium
Ioannis scriptũ
esse in Path-
mo insula, ap-
p̃mo Dorothei,
Athanasij,
Metaphrastis,
Nicephori &
Theophylacti.*

gelium à Ioāne Ephesi post reuerſionem eius ab exilio, vel Nerſia, vel potiùs Traiano imperante. Hoc ſenſit Epiphanius conſutans hæreſim quinquageſimam primam, & Euſebius libro tertio hiſtoriz Ecclèſiaſtica capite vigefimo quarto, & Hieronymus in libro de viris illuſtribus, ubi de Ioanne agit, nec non & Victorinus atque Primatius in ſuis commentariis in librum Apocalypſis, Beda etiam in libro de ſex ætatibus mundi, & in ſua præfatione in Ioannem, Rupertus quoque atque alij complures. Hanc ſententiam valde adiuvat id quod ſcripſit Dionyſius Areopagita in epiſtola quam miſit ad ipſum Ioannem in exilio manentem: in cuius extrema parte vaticinatur, Ioannem exilio liberatum iri, & reuerſum in Aſiam, illie boni DEI imitationes peracturum, & poſteris traditurum; qua verborum circumlocutione inſinuat ſcriptiōnem Euāgelij quam facturus erat. Ponam hic verba ipſa Dionyſij: *Post paululum, inquit, (dicam enim, etſi audax dictu videatur) tibi chariſſima ſocietate iungemur. Ero autem prorsus dignus cui fides habeatur, ſi (qua tibi præcognita ſunt) qua ex DEO didici, hæc loquar: quod ſcilicet & ex Paſſimi cuſtodia dimittendus & liber, & in Aſiaticā terram reuerſurus, & illic perages boni DEI imitationes, eiſque poſteris trades.* Sic Dionyſius.

Euangelium ſcriptum eſſe à Ioanne poſt exilium. Epiphanius, Euſebius, Hieronymus, Victorinus, Primatius, Beda, Rupertus.

Dionyſius Areopagita.

Dionyſius.

15 Hoc ipſum ſenſit & tradidit Primatius, in principio ſuorum commentariorum in Apocalypſim ita ſcribens: *Apocalypſim eo tempore Ioannes accipere meruit, quo tempore in Paſſimo inſula, pro CHRISTO, à Domitiano Caſare exilio miſſus & metallis damnatus terminis arcebatur inclufus. Poſtea verò ſcripſit Euangelium poſt Domitiani mortem ab exilio liberatus: à Congregatione ſacerdotum rogatus, contra Valentinum & Cherintum & Ebionem, qui contra CHRISTI æternitatem, & diuinitatem falſa & impia docere, multoſq; ſuis erroribus irretire caperant.* Sic ille. Equidem ſatis miror Bedam, qui in cōmentariis ſuis in Apocalypſim ſcripſit Euangelium fuiſſe ante Apocalypſim à Ioanne conſcriptum; cū ipſemet in eo libro quem fecit & inſcripſit: *De ſex ætatibus mundi*, ubi agit de Nerſia Imperatore, dicat Ioannem poſt Apocalypſim, & poſt ſuum ab exilio reditum ſcripſiſſe Euangelium.

Primatius.

Beda.

16 Quod autem poſt Apocalypſim ſcriptum à Ioanne fuerit Euangelium, non obſcure ſignificatum eſt in vltimis verbis capitis de-

cum libri Apocalypsis, quæ Angelus dixit Ioanni, sunt autem hæc verba: *Oportet te iterum prophetare gentibus, & linguis, & Regibus multis*; hoc non videtur posse aliter intelligi, quàm quia post id tēporis, liberatus ab exilio scripturus erat Euangelium: per Euangelium quippe suum Ioannes toti mundo prophetauit, id est, CHRISTI mysteria enunciauit. Nam quod quidam ea verba detorquere voluerunt ad probandum, Ioannem etiam nunc viuere, & in extremo mundi sæculo simul cum Enoch & Elia prophetaturum esse contra Antichristum; id manifestè redarguitur, & falsum esse conuincitur eò, quòd initio proximè sequentis capituli duo tantum testes nominantur venturi aduersus Antichristum, qui secundum communem Doctorum interpretationem atque sententiam, Enoch & Elias futuri creduntur.

SEXTA DISPUTATIO.

Quo tempore scriptum à Beato Ioanne fuerit Euangelium.

DE tempore scriptionis Euangelij variæ sunt Autorum 17
sententiæ. Theophylactus in sua præfatione in Euangelium Matthæi & Ioannis ait scriptum esse Euangelium à Ioanne anno trigesimo secundo post passionem Domini, imperante Traiano. Verùm sententia hæc, ipsa se destruit: à morte enim CHRISTI Domini vsque ad initium principatus Traiani, non triginta duo anni, vt dixit Theophylactus, sed anni circiter sexaginta sex præterierunt: trigesimus autem secundus annus post Domini passionem in medium incurrit Neronis imperium. Euthymius in præfatione sua in Ioannem ait, Euangelium scriptum esse multis annis post excidium Hierosolymitanum. Sed hoc nimis ab Euthymio generaliter & indistinctè de tempore scriptionis Euangelij Ioannis dictum est. Epiphanius confutans hæresim quinquagesimam primam ait, Ioannem scripsisse Euangelium cum esset iam nonagenarius, imperante tunc Claudio Cæsare. Verùm in eo lapsus est Epiphanius manifesto Chronologiæ errore. Nam, secundum ipsum, Ioannes scripsit Euangelium post suum ab exilio reditum imperante Nerua, quadraginta

Theophylact.

*Euthymius.
Epiphanius.*

draginta annis videlicet post Claudij obitum. Quamuis enim non expresse dicat Epiphanius; Euangelium scriptum fuisse post reditum ab exilio, sed Ioannem reuersum esse ab exilio imperante Claudio Cæsare; id tamen ex alio eius dicto concluditur, affirmantis, Ioannem iam nonagenarium scripsisse Euangelium & paulò post esse mortuum. Illud præterea dictum Epiphaniij haudquaquam subsistit, Claudio imperante Ioannem fuisse nonagenarium: cum enim à CHRISTI Domini passione vsque ad Claudij Imperatoris obitum anni circiter viginti quattuor trāsacti sint, necessum profectò esset, Ioannem, cum est à CHRISTO vocatus ad discipulatum, annorum fuisse quattuor & sexaginta, quod & per se satis improbabile est, & fuit à nobis paulò supra cōfutatū.

- 18 Est itaque probabilior Bedæ sententia, cui subscripserunt complures posteriorum scriptorum, Ioannem Euangelium suum scripsisse post suum ab exilio reditum in Asiam, imperante Nerua, vel sub initium imperij Traiani, circa annum videlicet à passione Domini sexagesimum sextum, vel sexagesimum septimum, bienio fermè post librum Apocalypsis ab eodem Ioanne conscriptum. Hinc intelligere licet, quod scriptum est in eo Canone qui vocatur Apostolorum, & numeratur Canon octogesimus quartus, ubi Euangelium Ioannis recensetur inter libros Canonicos noui testamenti, hoc inquam, coherere nequaquam posse cum eo tempore, quo fertur Canones illos esse fratres: dicuntur enim conditi esse illi Canones viuente in terris Beato Petro Apostolo; is autem sub Nerone occisus est, annis circiter triginta ante scriptionem Euangelij Ioannis. Nec licet existimare, illi Canoni fuisse postea insertum Euangelium Ioannis ab ipso Beato Clemente Papa, qui superstes fuit Ioanni; ob eandem namque causam Clemens adieciisset illi Canoni librum Apocalypsis scriptum à Ioanne ante Euangelium. Verùm de causis ob quas ille Canon videatur improbabilis, nec temerè à viris doctis repudiatus sit, differuimus nos in tertio Tomo selectarum Disputationum super lib. Apocalypsis, in Disputatione quinta super primum caput eius libri.

*Beda.
Probabilior
sententia de
tempore scri-
ptionis Euan-
gely Ioannis.*

SEPTIMA DISPUTATIO.

Cur Ioannes, post tria Euangelia ab alijs Euangelistis scripta, quartum etiam ipse scribere voluerit Euangelium?

Canon Apo-
stolorum octo-
gesimi quar-
tus.
Eusebius.
Epiphanius.
Hieronymus.

Chrysost.
Beda.
Rupertus.
Theophylact.
Euthymius.

Tria genera
rerum ad Chri-
stum pertinen-
tia, ab alijs
Euangelistis
prætermissa &
à solo Ioanne
descripta.

DVAS causas, cur Ioannes post alios tres Euange-¹⁹
listas scribere voluerit Euangelium afferunt Euse-
bius libro tertio Historiæ Ecclesiasticæ capite de-
cimo octauo, Epiphanius tractans hæresim quin-
quagesimam primam, Hieronymus in libro de scri-
ptoribus Ecclesiasticis, ubi agit de Ioanne, & in primo libro con-
tra Iovinianum, Chrysostomus super Psalmo quadragesimo quar-
to, Beda, Rupertus, Theophylactus, Euthymius in Præfationi-
bus suis in Euangelium Ioannis. Prior causa fuit huiusmodi: Cùm
legisset Ioannes aliorum trium Euangelia, ea quidem, vt verissi-
ma, approbavit; sed multa esse dixit ab illis prætermissa, quæ in
suo ipse Euangelio supplere voluit, earum verò rerum quas alij
Euangelistæ prætermiserunt, tria sunt genera: primi generis sunt
res à CHRISTO gestæ in primo anno suæ prædicationis, prius-
quàm Ioannes Baptista coniceretur in carcerem: alij namque tres
Euangelistæ prædicationem & opera CHRISTI scribere orsi sunt
ab eo tempore, quo Ioannes iam erat in vinculis, vt patet ex quar-
to capite Matthæi & primo Marci, & tertio Lucæ. Secundi gene-
ris sunt insigniores quidam & admodum memorabiles CHRIS-
TI sermones ab alijs Euangelistis omisi, & à Ioanne diligenter
expositi huiusmodi autem sermones sunt, primus cum Nicode-
mo, secundus cum Samaritana, tertius cum Capharneitis, & plu-
res alij sermones Hierosolymæ habiti cum Iudeis, & vltimus ser-
mo quem CHRISTVS post vltimam Cœnam & proximè ante
passionem suam habuit cum discipulis suis. Tertij generis sunt cla-
rissima quædam CHRISTI miracula de quibus alij Euangelistæ
nihil, Ioannes autem copiosè scripsit, vt fuit miraculum aquæ
in vinum mutatæ in nuptiis, & sanati Paralytici iuxta piscinam,
& cæci nati illuminatio, & Lazari iam quatrduo mortui resu-
scitatio.

Alterà

20 Altera causa scribendi Euangelium fuit Ioanni, ut confutaret errorem Cherinti & Ebionis, quem illi, occasione sumpta ex obitu aliorum Apostolorum, & absentia Ioannis in exilio, per Ecclesias Domini disseminare ceperant, docentes CHRISTVM non esse DEVM, sed purum hominem, neque fuisse ante matrem suam, negantes videlicet aeternitatem eius atque diuinitatem. Quem errorem ut planissimè, plenissimèq; confutaret Beatus Ioannes, plurimas in hoc Euangelio multifariam illustres admodum sententias posuit, quibus aeternitatem CHRISTI, Deitatemque declarauit. Ad ostendendam enim CHRISTI aeternitatem spectant illæ Ioannis sententiæ: *In principio erat Verbum: omnia per ipsum facta sunt: antequàm Abraham fieret, ego sum: cum videritis filium hominis ascendentem vbi erat prius: Clarifica me Pater ea claritate quàm habui priusquàm mundus fieret, apud te.*

21 Ad demonstrandam verò Deitatem CHRISTI pertinent illæ Ioannis sententiæ quæ leguntur in eius Euangelio; *Et Deus erat verbum: Omnia per ipsum facta sunt: Omnia, quæ Pater habet, mea sunt: Quaecunque pater facit, hæc & filius similiter facit: Qui videt me, videt & Patrem meum: Ego & Pater vnum sumus.* Ex his apparet, quantum cæteris Euangelii præstet Euangelium Ioannis: nam et si omnium quatuor Euangeliorum principalis materia CHRISTVS est; de eo tamen in aliis tribus Euangelii traduntur potissimum quæ spectant ad eius humanitatem: in Ioannis autem Euangelio præcipuè, disertèq; ac luculentè tractantur ea, quæ ad CHRISTI aeternitatem, Deitatemque pertinent. Quapropter, ausus est Beda dicere, quantum doctrina Evangelica præcedit alias doctrinas sacras, tantum aliis Euangelii præstare Euangelium Ioannis. Ob hanc item causam Dionysius Areopagita in epistola quam scripsit ad Ioannem, vocauit eum Euangelij Solem: & ipse Ioannes quod de CHRISTI diuinitate tam accuratè, copiosèq; scripsisset, à Veteribus cognominatus est Theologus: & comparatus est aquilæ, quæ omnium volucrum subtilissimè volat, & aduersum Solem tota luce sua splendentem, immota oculorum acie contuetur. S. Iob capite trigésimo nono nonnullas aquilæ proprietates descripsit, quas scitè Rupertus in sua Præfatione in Euangelium Ioannis, ad ipsum Ioannem applicat & accommodat.

Beda.

Dionysius
Areopagita.

Rupertus.

OCTA

OCTAVA DISPUTATIO.

*Discutitur mira quedam sententia Beati Chrysostomi aientis,
etiam Beatos Angelos multa didicisse ex Joannis
Euangelio, quæ prius nesciebant.*



IDE TVR ultra omnem fidem esse, quod in sua Præ- 22
fatione, de Ioannis Euangelio dixit Chrysostomus: ait
enim, non tantum homines sed etiam Beatos Ange-
los, nec inferiores modò; sed etiam superiores didi-
cisse multa ex Ioannis Euangelio, quæ prius ignorabant: & ad
huius rei cõfirmationem affert illa Pauli verba quæ sunt in capite
tertio epistolæ ad Ephesios: *Vt innotescat (inquit Paulus) principa-
tibus & potestatibus in celestibus, per Ecclesiam, multiformis sapientia
Dei.* Iuuat adscribere hoc loco ipsa Chrysostomi verba: Nihil no-
bis humanum loquitur Ioannes, sed à spiritus sancti profundis &
abditis thesauris omnia proloquitur; quæ neque Angeli, prius-
quàm Ioannes diceret, nouerant. Namque & ipsi nobiscum per
Ioannis vocem & per nos didicerunt. Quod etiam Beatus Pau-
lus, significauit illis verbis: *Vt innotescat principatibus & potesta-
tibus in celestibus, per Ecclesiam multiformis sapientia Dei.* Si igitur
Principatus & potestates & Cherubin & Seraphin hæc per Eccle-
siam didicerunt, planè constat, ipsos Angelos summa cum atten-
tione, eius sese auditores exhibere. Ex quò nos non parum hono-
ris cõsequimur, quòd nobiscum Angeli discant, quæ nesciunt: hæc
Chrysostomus. Idem sensit & in commentario illius loci Pauli
scripsit Theophylactus: ubi ad eius rei comprobationem citat hæc
verba Gregorij Nysseni: Ante incarnationem (inquit Nyssenus)
simplicem notant Angeli sapientiam DEI, nimirum quòd esset
omnium Creator potentissimus, conseruator benignissimus, &
sapientissimus gubernator: nihil tamen in his variu vel cõtrarium
est, vt aliud quidem sit, & aliud efficiatur. Incarnato autem Verbo
DEI, per contraria, contraria sunt transacta, per mortem vita; per
imbecillitatem, potentia; per contumeliàm, gloria; per omnia
vilia & abiecta, quæ præclara & magnifica & DEO digna sunt.

Hac

Chrysostomus.
viii.

Theophylactus.
Gregorius
Nyssenus.

Hac itaque ratione multiformis, multisque nominibus eximia DEI sapientia nunc cognita est cœlestibus virtutibus. Quando enim nos didicimus, tunc & illæ per nos cognouerunt: & videntes, quantis bonis Ecclesia sit à DEO donata, per ipsam etiam ad cognitionem cœlestes virtutes sunt perductæ. Hæc Nyfenus.

- 23 Sed redeo ad Chrysostomum: qui, nimio laudandi Ioannis Euangelium studio, videtur longè vltra veritatis terminos esse prouectus. Illud enim dictum eius, quod Angeli didicerint multa ex Ioannis Euangelio, quæ prius ignorabant, si præcisè sumatur, & ut ipsa verba sonant, falsum esse tribus posset argumentis probari: primò, quia repugnat ordinatissimæ Diuinæ prouidentiae dispositioni, ut, quæ sunt & naturâ, & gratiâ, & gloriâ superiora & præstantiora, ea perficiantur ab inferioribus & ignobilioribus. Sicut enim docet Beatus Dionysius Arcopagita, in cœlestibus Hierarchiis inferior illuminatur & perficitur à superiori, non autem contra; quapropter etiam humana Hierarchia, quæ est infima, illuminatur & perficitur ab Hierarchia Angelica, non autem contra. Deinde, vel Angeli didicerunt ex Ioannis Euangelio ea, quæ pertinent ad CHRISTI diuinitatem, vel quæ spectant ad eius humanitatem: non illa, ea namque Angeli clarissimè vident per beatificam visionem Diuinæ essentiae diuinarum personarum. Nec dici potest, Angelos cognouisse quæ pertinent ad humanitatem CHRISTI ex Ioannis Euangelio: principale namque mysterium CHRISTI fuit incarnatio eius, quod mysterium Dionysius in libro de cœlesti Hierarchia argumentatur, fuisse præcognitum Angelis, argumento Beatissimæ Virginis MARIE, quæ hoc mysterium per Gabrielem Archangelum cognouit. Ad hæc, Angelica quæ pertinent ad mysteria humanitatis CHRISTI, si prius ignorabant, cognoscere potuerunt ex ipso CHRISTO post ascensionem eius in cœlum, plurimis nempe annis ante scriptiōnem Euangelij Ioannis: vel cognoscere potuerunt ex Euangelis aliorum trium Euangelistarum, qui & multò prius quàm Ioannes scripserunt Euangelium, & mysteria humanitatis CHRISTI copiosius tractauerunt. In illis porro verbis Pauli, quibus suam Chrysostomus firmare vult sententiam: *Et innotescat principibus & potentatibus in cœlestibus, per Ecclesiam multiformis sapientia DEI: illud*

Locus Pauli
ad Ephesios
tertio.

c

per

per Ecclesiam: non significat causam efficientem, quasi Ecclesia siue Apostoli fuerint causa efficiens notitiam Angelorum, docens illos multiformem DEI sapientiam: Sed illud *per Ecclesiam*: denotat obiectum, siue materiam circa quam mirabiliter exhibita & declarata est multiformis DEI sapientia: vt sit hic sensus: Multiformis sapientia DEI cognita est ab Angelis per plurima & maxime admiranda, quæ DEVS operatus est in Ecclesia, siue in Apostolis, circa mysterium redemptionis humanæ factum per CHRISTI crucem, quæ Iudæis erat scandalum, gentibus verò stultitia; & circa vocationem gentium factam per Apostolos, homines videlicet piscatores, & ignobiles, & pauperes, & humanæ sapientiæ, atque eloquentiæ expertes.

*Obseruanda
B. Thomæ do-
ctrina.*

Hæc ipsa quæ diximus confirmare licet autoritate Beati Tho-²⁴
mæ, qui locum illum Pauli ad Ephesios in suis commentariis ex-
planans, hanc ipsam quæstionem de qua nos hoc loco cum Beato
Chrysostomo disceptamus, Vtrum Angeli didicerint aliquid ab
Apostolis, signatè, proprièque tractat, suamque super ea quæstione
sententiam hunc in modum declarat: *Non est, inquit, conueniens,
neque est rationabile dicere, Beatos qui sunt in Patria, doceri à quantocumque
cùmque perfectis viatoribus. Nam etsi inter natos mulierum non superaret
maior Ioanne Baptista; attamen, qui minor est in regno celorum, maior
est illo, vt Dominus dixit, & Matthæus capite undecimo retulit. Dicere,
quod Demones doceantur ab hominibus, id, absque praiudicio credi potest:
at verò quod Beati, qui Verbum diuinum conspiciunt, quod est speculum
sine macula, & in quo relucent omnia, à viatoribus doceantur, id profectò
dici non debet, nec conueniens videtur. Ergo multiformis sapientia DEI
innotuit Angelis per Ecclesiam, id est, per Apostolos predicantes, vt inter-
pretatur Glossa; non quòd Angeli hoc didicerint ab Apostolis, sed quòd in
eis explicatam, & manifestatam DEI sapientiam cognouerint. Hoc vt
melius intelligatur, notandum est, esse quasdam rationes mysteriorum gra-
tia, totam creaturam excedentes: & huiusmodi rationes non sunt indita
mentibus Angelorum, sed in solo DEO sunt occulta: & ideo Angeli non
cognoscunt eas in se ipsis, nec in DEO; sed cognoscunt eas secundum quod
in effectibus explicantur. Cùm igitur rationes pertinentes ad multiformem
sapientiam DEI sint huiusmodi, scilicet in solo DEO abscondite, &
postmodum extrinsecus in effectibus explicatæ; manifestum est, quòd An-
geli*

geli eas nec in se ipsis, nec in ipso Verbo, nec ab Apostolis, nec à viatoribus alijs cognouerunt: sed in ipsis Apostolis explicatus, prius in mente Diuina latentes, cognouerunt. Sicut domum quæ est in mente artificis, vel conceptum artificis de fabricanda domo, nullus scire potest, quandiu latet in mente artificis, nisi D E Û S qui solus illabitur anima humana: sed postquam conceptus ille de facienda domo, iam in effectû extrinseco explicatus est, fabricata iam domo; tunc aliquis de domo facta, quæ prius latebat in mente artificis, edocetur, edocetur, inquam, non à domo, vel per domum, sed in ipsa domo.

Haftenus ex Beato
Thoma.

C 2

CAPVT





CAPVT PRIMVM

EVANGELII IOANNIS.



IN principio erat VERBUM, & VERBUM VERS. I.
erat apud DEVM, & DEVS erat VER-
BUM. * Hoc erat in principio, apud DEVM. 2
* Omnia per ipsum facta sunt, & sine ipso fa- 3
ctum est nihil, quod factum est. * In ipso vita erat, & vi- 4
ta erat * lux hominum: & lux in tenebris lucet, & tenebra 5
eam non comprehenderunt. * Fuit homo missus à DEO, cui 6
nomen erat Ioannes. * Hic venit in testimonium: ut testimo- 7
nium perhiberet de lumine, ut omnes crederent per illum. * Non 8
erat ille lux, sed ut testimonium perhiberet de lumine. * Erat 9
lux vera, quæ illuminat omnem hominem venientem in hunc
mundum. * In mundo erat, & mundus per ipsum factus est, 10
& mundus eum non cognovit. * In propria venit, & sui eum 11
non receperunt. * Quotquot autem receperunt eum, dedit eis po- 12
testatem filios DEI fieri, his qui credunt in nomine eius. * Qui 13
non ex sanguinibus, neque ex voluntate carnis, neque ex vo-
luntate viri, sed ex DEO nati sunt. * ET VERBUM caro 14
factum est, & habitavit in nobis, & vidimus gloriam eius glo-
riam quasi unigeniti à PATRE, plenum gratiæ, & veritatis.
* Ioannes testimonium perhibet de ipso, & clamat dicens: Hic 15
erat, quem dixi: Qui post me venturus est, ante me factus est:
quia prior me erat. * & de plenitudine eius nos omnes accepimus, 16
& gratiam pro gratia. * Quia lex per Moysen data est, gratia, & 17

A veritas

- 18 *veritas per IESVM CHRISTVM facta est.* * *DEVM nemo vidit unquam: unigenitus FILIVS, qui est in sinu PA-*
 19 *TRIS, ipse enarrauit.* * *Et hoc est testimonium Ioannis, quando miserunt Iudei ab Ierosolymis Sacerdotes & Levitas ad eum,*
 20 *ut interrogarent eum, Tu quis es?* * *Et confessus est, & non negavit: & confessus est, quia non sum ego CHRISTVS.* * *Et interrogaverunt eum: Quid ergo? Elias es tu? & dixit: Non sum.*
 22 *Propheta es tu? & respondit Non.* * *Dixerunt ergo ei, Quis es, ut responsum demus his, qui miserunt nos? quid dicis de te ipso?* * *Ait: Ego vox clamantis in deserto, Dirigite viam Domini, sicut dixit Isaias Propheta. Et qui missi fuerant, erant ex*
 24. 25 *Phariseis.* * *Et interrogaverunt eum, & dixerunt ei: Quid ergo baptizas, si tu non es CHRISTVS, neque Elias, neque Propheta?* * *Respondit eis Ioannes, dicens: Ego baptizo in aqua: medius autem vestrum stetit quem vos nescitis.* * *Ipsē est, qui post me venturus est, qui ante me factus est: cuius ego non sum dignus, ut solvam eius corrigiam calceamenti.* * *Hac in Bethania facta sunt trans Iordanem, ubi erat Ioannes baptizans.* * *Altera die vidit Ioannes IESVM venientem ad se, & ait: ecce Agnus DEI, ecce qui tollit peccatum mundi.* * *Hic est, de quo dixi: Post me venit vir, qui ante me factus est: quia prior me erat.* * *& ego nesciebam eum, sed ut manifestetur in Israel, propterea veni ego in aqua baptizans.* * *Et testimonium perhibuit Ioannes dicens: Quia vidi SPIRITVM descendantem quasi columbam de caelo, & mansit super eum.* * *Et ego nesciebam eum: sed qui misit me baptizare in aqua, ille mihi dixit: super quem videris SPIRITVM descendantem, & manentem super eum, hic est qui baptizat in SPIRITU Sancto.* * *Et ego vidi: & testimonium perhibui quia hic est FILIVS DEI.* * *Altera die iterum stabat Ioannes, & ex discipulis eius duo.* * *Et respiciens IESVM ambulātem, dixit: ecce Agnus DEI.* * *Et audierunt eum duo discipuli loquentem, & secuti sunt IESVM.* * *Conversus autem*

autem IESVS, & videns eos sequentes se, dicit eis: Quid quaeritis? dixerunt ei: Rabbi, (quod dicitur interpretatum magister) ubi habitas? * Dicit eis: venite, & videte, venerunt, & viderunt ubi maneret, & apud eum manserunt die illo: hora autem erat quasi decima. * Erat autem Andreas frater Simonis Petri unus ex duobus; qui audierant à Ioanne, & secuti fuerant eum. * Inuenit hic primum fratrem suum Simonem, & dicit ei, inuenimus MESSIAM (quod est, interpretatum, CHRISTVS.) * Et adduxit eum ad IESVM. Intuitus autem eum IESVS, dicit: tu es Simon filius Iona: tu vocaberis Cephias, (quod interpretatur, Petrus.) * In crastinum voluit exire in Galileam, & inuenit Philippum. Et dicit ei IESVS: sequere me. * Erat autem Philippus à Bethsaida, ciuitate Andrea & Petri. * Inuenit Philippus Nathanael, & dicit ei: Quem scripsit Moyses in lege, & Propheta: inuenimus IESVM filium Ioseph à Nazareth. * Et dicit ei Nathanael, à Nazareth potest aliquid boni esse? Dicit ei Philippus: veni, & vide. * Vidit IESVS Nathanael venientem ad se, & dicit de eo: Ecce verè Israelita, in quo dolus non est. * Dicit ei Nathanael: unde me nosti? Respondit IESVS & dicit ei: Priusquam te Philippus vocaret, cum esses sub ficu, vidi te. * Respondit ei Nathanael, & ait: Rabbi, tu es filius DEI, tu es Rex Israel. * Respondit IESVS, & dicit ei, Quia dixi tibi; vidi te sub ficu, credis, maius his videbis. * Et dicit ei, Amen, amen dico vobis, videbitis caelum apertum, & Angelos DEI ascendentes & descendentes, supra filium hominis.

A 2 IN



IN CAPVT PRIMVM

DISPV TATIONES

QVINQVAGINTA DVÆ.



PRIMA DISPV TATIO.

*Quòd Ethnici quidam, insignēsque Philosophi principium
Euangelij Ioannis cum admiratione laudantes,
suis etiam scriptis inseruerunt.*



D tria, quasi principalia capita, redigi possunt ea, quæ in primo capite Euangelij Ioannis tractantur. Primò enim Ioannes agit de Verbo DEI: deinde, narrat præclara testimonia, quæ de CHRISTO Ioannes Baptista publicè dixit: tum, de quorundam discipulorum accessu ad CHRISTVM scribit. De Verbo autem DEI sex breuissimè docet: primò, æternitatem eius, dicens: *In principio erat Verbum*: secundo diuinitatem eius, *Et DEVS erat verbum*: tertio, eius potentiam effectricem omnium, *Omnia per ipsum facta sunt, & sine ipso factum est nihil*: Quartò, quòd sit lux vera quæ illuminat omnem hominem venientem hunc in mundum. Quintò, quòd in propria venerit, & quòd Verbum caro factum sit, & habitauerit in nobis. Sextò, quis & quantus fuerit aduentus & incarnationis eius

eius fructus, *De plenitudine eius nos omnes accepimus, & gratiam pro gratia: quia lex per Moysen data est, gratia autem & veritas per IESUM CHRISTUM facta est.*

1 Multa porro de istis quæ de Verbo DEI scripsit Ioannes, etiam Ethnici Philosophi, præsertim verò Platonici, cum admiratione laudauerunt, & usurpauerunt, & in sua scripta transtulerunt. Videat Lector Eusebium Cæsariensem in libro vndecimo de Præparatione Evangelica capite decimo, & Basilium super initiū Evangelij Ioannis, & Cyrillum Alexandrinum in libro octauo eorum librorum quos scripsit aduersus Iulianum Apostatam, & Augustinum in libro septimo Confessionum capite nono. Eusebius certè, quo dixi loco, multa profert ex Platone & nobilioribus Platoniciis, Plotinum dico & Numenium, & Amelium, quæ persimilia sunt eorum quæ tam in Veteri testamento Moyses, Dauid, & Prophetæ, quàm in nouo testamento Ioannes, & Paulus de Verbo DEI scripserunt. Ego vnus duntaxat Amelij verba ab Eusebio commemorata, & ex principio Evangelij Ioannis sumpta, hoc loco referenda esse censui.

*Eusebius.
Basilius.
Cyrillus.
Augustinus.*

Amelius quoque illustris inter iuniores Platonicos (ait Eusebius) quamuis Ioannis Euangelista nomen calauerit, barbarum ipsum, quia Iudæus fuerat, appellando; verbis tamen eisdem ex principio Euangelij Ioannis sumpta. ferè utitur, ita scribens: Hoc profectò erat Verbum, quo ea quæ sunt facta sunt, ut Heraclitus etiam dicebat. Quod etiam i. barbarus putat, in ordine principij, atque dignitate constitutum, apud DEVM esse, & ipsum esse DEVM, & per ipsum vniuersa simpliciter esse producta: in quo, quæ viuunt, vitam habent: & in corpora ipsum venisse, & carnem indutum, hominem ita videri, ut natura tamen dignitas non lateat: & rursus resolutum in DEVM redire, & DEVM talem esse, qualis fuit antequàm in corpus, & in carnem atque hominem deduceretur. Sic ille: hæc autem (inquit Eusebius) non occultè sed apertè, & ut dici solet, nudo capite, ex barbari Iudæi Theologia in librum suum transposuit Amelius. Barbarum enim neminem alium hoc loco, nisi Saluatoris nostri Euangelistam Ioannem appellauit, qui Euangelium ita exorsus est: In principio erat Verbum, & Verbum erat apud DEVM, & DEVS erat Verbum, hoc erat in principio apud DEVM. Omnia per ipsum facta sunt, & sine ipso factum est nihil, quod factum est: in ipso vita erat, & vita erat lux hominum, &c.

Amelij Platonici Philosophi verba ex principio Euangelij Ioannis sumpta.

*Quid Augu-
stinus legerit
in Platonico-
rū libris sum-
ptum ex prin-
cipio Euan-
gelij Ioannis.*

Beatus Augustinus, in loco paulò suprà à nobis commemorato, ait, se in quibusdam Platoniorum libris ex Græca lingua in Latinam conuersis legisse totum hoc principium Euangelij Ioannis usque ad illa verba : *In propria venit & sui eum non receperunt.* Quæ Ioannes itaque præmiserat ad excellentiam Verbi DEI demonstrandam, ea Platonici illi libenter vsurpârunt, & in libris suis posuerunt : quæ verò deinde subiunxit de Verbi diuini aduentu in mundum, & de incarnatione eius, & de habitatione inter homines ; ea illi, tanquam Verbo DEI minimè condigna, silentio suppresserunt. Augustini verba sunt hæc : In quibusdam Platoniorum libris ex Græca lingua in Latinam versis legi, non quidem his ipsis verbis, sed hoc idem omnino multis & multiplicibus suaderi rationibus, quod in principio erat Verbum, & Verbum erat apud DEVM, & DEVS erat Verbum, & cætera quæ sequuntur usque ad illud : *In propria venit, & sui eum non receperunt*, & cætera deinceps sequentia, quæ in libris illis non legi.

SECUNDA DISPUTATIO.

Super illis verbis:

In principio erat Verbum.

Quid hoc loco significet nomen principij?



X multis & variis significationibus huius vocis *Principium* quas & Aristoteles percensuit in quinto libro Metaphysicorum, & Doctores Ecclesiastici tam super hoc loco Ioannis, quàm super illis primis verbis Moysis in libro Genesis : *In principio creauit DEVS cælum & terram*; exposuerunt; dux potissimum videntur ad sententiam horum verborum Ioannis pertinere. Et altera quidem significatio principij ea est, secundum quam principium significat principium originis siue generationis; sicut Pater dicitur principium filij, quia huius generatio & origo ab illo est. Et hac significatione esse hîc positum à Ioanne nomen principij putârunt Cyrillus & Beda, principium

pium interpretantes DEVM Patrem, qui simpliciter & omnino dicitur principium, quia ipse à nullo est principio, sed est principium aliorum omnium; ad extra quidem, omnium creaturarum; ad intra verò, duarum personarum diuinarum, Filij & Spiritus Sancti. Et hanc interpretationem etiam Origenes & Augustinus commemorant: secundum quam istorum verborum hic est sensus: In DEO Patre erat Verbum. Sed isti sententiæ atque interpretationi valde obstat quod mox subdit Ioannes: *Et verbum erat apud DEVM*, vbi illud (*apud DEVM*) sine dubio DEVM Patrem significat; & ita bis idem, nullo interuallo, dixisset Ioannes. Verum euidentius istam refellit interpretationem quod paulò post adiecit Ioannes dicens: *Hoc erat in principio apud DEVM*: vbi manifestè illud *in principio* distinguitur ab illo *apud DEVM*, id est, Patrem.

Origenes.
Augustinus.

4 Altera significatio nominis *principij* ea est, secundum quam principium denotat initium durationis, qualiscunque & quantacunque ea duratio fuerit: vt sit hic sensus: Quodcunque ponatur siue cogitetur principium durationis, siue in tempore, siue in ætio, siue in æternitate, siue secundum veritatem, siue secundum imaginationem, vel animi nostri cogitationem; in illo ipso principio, qualecunque statuatur, aut fingatur, reperetur, quod iam erat Verbum: ex quo necessariò manifesteq; cõcluditur, Verbum esse æternum. De Mundo dixit Moyses, quod in principio factus est, quare non fuit æternus: at Ioannes de Verbo dixit, *Quod erat in principio*, est igitur æternum, quia est ante omne principium. Atque hæc est interpretatio Basilij, Chrysostomi, Theophylacti, Euthymij, Ruperti, aliorumq;. Nomen porrò *principij* positum esse hic pro initio durationis, tribus ex rebus licet intelligere: primo, quia mox adiunxit Ioannes, *Hoc erat in principio apud DEVM*, vbi vox *principij* non videtur aliter, quam pro initio durationis accipi posse. Deinde, Ioannes eandem hanc sententiã ponens in principio primæ suæ epistolæ, pro eo quod hic dixit: *In principio erat Verbum*, ibi dixit: *Quod fuit ab initio, & erat apud Patrem, & apparuit nobis*, vbi procul dubio significauit initium durationis rerum. Ad hæc, secundum hanc interpretationem, Ioannes primis sui Euangelij verbis statim redarguit Chærintum, qui dixit, CHRISTVM non fuisse ante matrem suam; cuius erroris confutandi causâ, præcipuè scriptum à Ioanne fuisse

Basilius.
Chrysost.
Theophylact.
Euthymius.
Rupertus.

Quos errores
confutauerit
Ioannes primis
verbis Euangelij
sui.

Euange

Euangelium, supra docuimus. Confutauit etiam his primis verbis Ioannes (autore Chrysostomo) vanissimam, & planè fabulosam Gentilium Theologiam, facientium atque colentium Deos natiuos, & temporarios, & alios quidem seniores, alios autè Iuniores: contra quod dixit Moyses in Cantico Deuteronomij: *Non erit in te Deus recens, neque adorabis DEVM alienum.*

Cap. 31.

Quam variè
modò Sacra
scriptura de-
claret anti-
quitatē Verbi
Dei.

Caterum, scire conuenit, solere diuinam scripturam variis modis declarare antiquitatem, & æternitatem Verbi DEI. Dauid Psalmo secundo: *Ego hodie genui te: vbi, secundum plurimum Doctorum interpretationem, illud hodie denotat æternitatem, quæ est quasi vnum nunc præsens & perpetuò manens.* Et in Psalmo centesimo nono: *Ex utero ante luciferum genui te,* & in capite octauo libri Prouerbiorum inducitur diuina sapientia, quæ est Verbum DEI, suam prædicans antiquitatem illis verbis, *Dominus possedit me in initio viarum suarum, à principio, & ab æterno ordinata sum &c.* Et in capite vigesimo quarto libri Ecclesiastici. *Ab initio & ante secula creata sum, & usque ad futurum seculum nō desinam.* Beatus etiam Paulus in primo capite Epistolæ ad Colossenses CHRISTVM, qui est verbum DEI, appellat primogenitum omnis creaturæ, & in capite septimo, Epistolæ ad Hebræos de CHRISTO loquens, *Neque initium, inquit, neque finem dierum vitæ habens.* Ioannes ipse, qui in exordio sui Euangelij dixit: *In principio erat Verbum,* infra capite octauo inducit CHRISTVM de sua antiquitate dicentem illud, *Antequàm Abraham fieret, Ego sum.* Et capite decimo septimo: *Clarifica me tu Pater apud te ipsum, claritate quam habui prius quàm mundus esset apud te.* Et in libro Apocalypsis, *Qui est, & qui erat, & qui venturus est.*

Apoal. 1.

Sed querat fortasse quispiā, cur in isto ipso loco Apocalypseos 6 CHRISTVS de se dicat, *Ego sum primus, & nouissimus:* idèmq; de DEO scripsit Isaias capite quadragesimo primo: si enim primus est, quomodo verè dici potest esse nouissimus? Verum istis verbis significata est perfecta ratio æternitatis, quæ omni caret & principio & fine. Vel significatur, quòd ipse sit primum principium ex quo prodierunt omnia; & quòd sit vltimus finis, propter quem facta sunt omnia; & ad quem omnia referuntur atque ordinantur, sicut ipse in Apocalypsi dixit: *Ego sum Alpha, & Omega, principium*

principium & finis. Vel indicatur illis verbis, CHRISTVM esse filium vnigenitum DE I Patris, vtpote ante quem, & post quem, nullum DEVS Pater alium genuerit filium.

TERTIA DISPV TATIO.

Cur B. Ioannes de verbo dixit quod, Erat in principio, & non potius, quod, fuit à principio?

- 7 **S**ICVT Plato dixit in Timæo, ista, (*erat, fuit, est, erit*) huius nostri volubilis & perpetuò mutabilis temporis sunt differentia: ob idque nēquaquam propriè competunt in perfectissimam DE I aternitatem, quæ totum esse suum habet simul, omnis successione, & qualiscunque variationis prorsus expers. Ista itaque non propriè quidem, sed frequenter tamen, & in vulgari sermone & in Sacris litteris attribuuntur DE O, idque dupliciter. Primò, quò clariùs mortalibus notificetur DE I aternitas; quæ cū ipsa, vt in se est, à nobis capi non possit, aliquo modo intelligitur ex comparatione eius cum differentiis nostri temporis, quibus omnibus illa coëxistit. Nam quia aternitas DE I coëxistit omni præterito tēpori, dicitur, *fuisse*: quia coëxistit præsentī tēpori, dicitur, *quod est*: quia coëxistit futuro tēpori, dicitur, *quod erit*. Deinde, cū de DE O dicitur, *quod fuit*, significatur, quòd in nullo tēpore præterito defuit: cū dicitur, *quod est*; significatur, quòd semper manet, nec vt cætera, deficit, labiturque ad non esse: Cū dicitur, *quod erit*, significatur, quòd numquam deerit, nec tamen in se nouum quidquam accipiet.

Cur aternitati Dei attribuantur differentia temporis.

- 8 Atque hæc, quæ nos breuiter diximus, disertè, luculentèque Beatus Augustinus explicauit in tractatu nonagesimo nono in Euangelium Ioannis, super illis verbis capitis decimi sexti, quæ Dominus de Spiritu Sancto dixit, *Ille me clarificabit, quia de meo accipiet; non enim à semet ipso loquetur, sed quæcunque audiet, loquetur*: vbi Augustinus disquirēs quomodo dicatur de Spiritu Sancto, qui est verus DEVS, *Quæcunque audiet*: quasi verò locuturus esset quæ tunc non audisset vel sciret, sed postea auditurus & sciturus esset;

Quomodo differentia temporis aterni Deo attribuantur, præclara B. Augustinus doctrina.

B hanc,

hanc, inquam, explicans Augustinus quæstionem, ita scribit: Nec quemquam moueat, quod non dictum est, *Quæcunque* audiuit, aut quæcunque audit; sed *Quæcunque audit, loquitur*. Illa quippe Spiritus Sancti audientia, sempiterna est, quia sempiterna est eius scientia. In eo autem quod sempiternum est, cuiuslibet temporis verbum ponatur, siue præteriti, siue præsentis, siue futuri, non mendaciter ponitur. Quamuis enim natura illa immutabilis non recipiat (*fuit*, & *erit*) sed tantum (*est*) siquidem ipsa veraciter est, quia mutari non potest, & ideo illi tantum conuenit dicere, *Ego sum qui sum*: attamen, propter mutabilitatem temporum, in quibus versatur nostra mutabilitas, non mendaciter dicimus de D E O, quod fuit, & est, & erit. Fuit, quia nunquam defuit; erit, quia nunquam deest; est, quia semper est. Neque enim, velut qui iam non sit, cum præteritis occidit; aut cum præsentibus, velut qui non maneat, labitur; aut cum futuris, velut qui non fuerat, oritur. Proinde, cum secundum volumina temporum locutio humana variatur, qui per nulla deesse potuit, aut potest, aut poterit tempora, vera de illo dicuntur cuiuslibet temporis verba. Semper itaque audit Spiritus Sanctus; quia semper scit. Ergo & sciuit, & scit, & sciet; ac per hoc, & audiuit, & audit, & audiet, quia hoc est illi audire, quod scire; & hoc est illi scire, quod est illi esse. Ab illo igitur audiuit, & audit, & audiet, à quo est; ab illo autem est, à quo procedit. Sic eo loco Augustinus.

Dixit porro Ioannes *erat*, potius quam (*fuit*), vel (*est*) vel (*erit*) 9 quod euidentius absolutam Verbi D E I æternitatem declararet. Cum enim de aliquo dicitur, (*fuit*) nescitur, an illud etiam nunc sit, vel iam desierit. De quo dicitur, (*est*) nescitur, an id ante fuerit, & postea futurum sit. De quo dicitur (*erit*) nescitur, an id nunc sit, & an fuerit antea. At illud (*erat*) significat indefinitam quandam durationem, id autem est, præteritum cum perseverantia in ipso esse. Nec est hic silentio inuoluendum quod à Beda, & Basilio adnotatum est, B. Ioannem in hac prima periodo sui Euangelij quater posuisse verbum (*erat*), vt manifestè ostenderet æternitatem Verbi D E I, & statim ab initio validè confutaret errorem Cherinti aientis, CHRISTVS non erat antematrem suam: & duobus post Cherintum sæculis, Arrius dixit: (Erat, quando non erat Verbum.)

Verbum.) Ioannes contrà: *In principio*, inquit, *erat Verbum*, quo indicauit, ne cogitatione quidem animi posse fingi, quando Verbum non erat, vel quando non fuerit. Posset etiam dici, quater esse positum verbum (*erat*), vt intelligeretur, Verbum fuisse ante principium omnis durationis: est autem quadruplex duratio; vna, aui, quod est mensura durationis rerum incorruptibilium: altera est temporis continui, quale est tempus nostrum: tertia est temporis, (vt in scholis Theologorum vocatur) discreti, quod est mensura operationum Angelorum: quarta est temporis imaginarij & commentitij. In quocunque igitur principio istarum quattuor durationum Verbum iam erat.

*Cur in hac
prima periodo
quater pos-
itum sit ver-
bum erat.*

- 10 Sciat autem lector, licet Ioannes hoc loco antiquitatem Verbi DEI declarauerit per verbum (*erat*;) alibi tamen eandem declarasse per verba prateriti, & praesentis temporis. Nam in principio primae suae Epistolae loquens de Verbo DEI, dixit: *Quod fuit ab initio &c.* & apud ipsum in capite decimo septimo Euangelij Dominus suam ostendens antiquitatem, dixit: *Clarifica me tu pater apud te ipsum claritate quam habui, prius quam mundus fieret, apud te.* Dixit *habui*, cum etiam dicere potuisset (*habebam*.) Et in octauo capite eiusdem Euangelij Dominus ad idem ostendendum vsus est verbo praesentis temporis dicens, *Ante quam Abraham fieret, ego sum*; cum etiam potuisset dicere (*Ego eram*) vel (*Ego fui*). In capite vigesimo quarto libri Ecclesiastici diuina sapientia de se dixit: *Ego ex ore Altissimi prodiui, primogenita ante omnem creaturam.* In libro autem prouerbiorum capite octauo praedicatio suam antiquitatem, primò vtitur verbis prateriti temporis dicens: *Dominus possedit me in initio viarum suarum: ab aeterno ordinata sum &c.* Deinde verò vtitur verbis prateriti imperfecti temporis dicens: *Nondum erant abyssi, & ego iam concepta eram: ante omnes collēs ego parturiebar: quando praeparabat caelos, aderam: cum eo eram cuncta componens, & deleclabar per singulos dies &c.*

- 11 Ex supradictis igitur primis huius Euangelij verbis manifesta CHRISTI Domini aeternitas facta est. Sed Arriani Verbum DEI non esse aeternum, sic argumentabantur: Verbum DEI est productum à DEO; sed produciens prius est eo quod ab ipso produciatur; ergo Verbum DEI posterius est DEO Patri, non igitur

In Arrianis

est æternum, sicut est DEVS Pater. Verùm, ista eorum argumentatio multis modis confutari potest. Primò, Solis splendor & radius à Sole procedunt, & nihilominus simul sunt cum Sole, nec fuit vquam Sol sine splendore ac radio. Deinde, simulatque intuetur quispiam speculum, resultat eius imago in ipso speculo: filius autem DEI vocatur à Paulo in primo capite Epistolæ ad Hebræos, *Splendor gloriæ, & figura substantiæ Patris*: & in capite septimo libri sapientiæ appellatur speculum sine macula diuinæ claritatis, sic enim ibi est: *Candor est lucis æternæ, & speculum sine macula DEI maiestatis, & imago bonitatis illius*. Deinde, DEVS Pater produxit Verbum non voluntate, sed naturâ: alia omnia, quæ extra ipsum sunt, fecit DEVS libera voluntate sua, ita vt & non facere potuerit quæ fecit; & aliter facere potuerit quàm fecit: Verbum autem suum genuit naturali quadam necessitate, necessitatem dico eam, quæ excludit libertatem voluntatis ad producendum, & non producendum. Cùm autem aliquid procedit ex necessitate naturæ à suo principio, statim vt positum est principium, nisi quid impediât, procedit ab illo. Quoniam igitur DEVS æternus est, ab illo Verbum ab æterno procedit. Ad hæc, DEVS produxit Verbum per sui, aliarumque rerum omnium perfectissimam intellectionem; hæc autem intellectio, vnica, & simplicissima, & tota simul, & sempiterna est, cùm sit re ipsa idem cum substantia DEI: Verbum igitur per eam productum, erit coæternum DEO producenti. Quid plura? DEVS Pater genuit Verbum & filium suum sibi consubstantialem; accepit igitur Verbum eandem substantiam diuinam, quam Pater habet, simulque omnes perfectiones DEI, cùm sint re ipsa idem cum substantia DEI, inter has verò est esse æternum; ergo Verbum DEI coæternum est Patri; nam si non esset coæternum Patri, nec esset ei consubstantiale, Verùm de Verbi æternitate differendi, dabitur aliàs sæpius in explanatione huius Euangelij, locus. Pergamus igitur ad alia.

QVARTA DISPVATIO.

Super decem varijs significationibus illius vocis, VERBUM.

12 **V**OX Latina [*Verbum*,] quæ dicitur Hebraicè, *Davar*, Græcè verò, *λογος*, varias admodum habet significationes, tam à Philosophis, quàm à Theologis, & à Patribus explicatas: super quibus legendus est Dionysius Arcopagita in libro de Diuinis Nominibus in capite septimo vltimæ partis; & Tertullianus in libro quem scripsit aduersus Praxeam, Lactantius libro quarto capite nono, Nazianzenus in libro quarto Theologiæ, Hieronymus in epistola ad Paulinum, Damascenus libro primo de fide Orthodoxa capite decimo octauo, Augustinus in libro octoginta trium Quæstionum, quæstione sexagesima tertia, ac demum Origenes, Basilii, Chrysostomus, Theophylactus, Euthymius, & complures alij hoc loco.

13 In Sacra itaque scriptura decem huius nominis *Verbum* significationes vsurpatas licet reperire. PRIMÆ, significatio notissima, & vulgatissima est pro verbo, quod ore profertur. SECUNDÆ, pro iussu, & imperio, vt in Psalmo centesimo secundo, de Angelis dicitur: *Potentes virtute ad faciendum verbum eius*, & Psalmo trigesimo secundo, *Verbo Domini cæli firmati sunt*: & illud quod dixit Petrus Domino: *In verbo tuo laxabo rete*, eodem spectat. TERTIÆ, pro pacto, & promisso, vt in Psalmo centesimo quarto: *Et verbi, quod mandauit in mille generationes*; & Psalmo centesimo decimo octauo, *Memor esto verbi tui seruo tuo, in quo mihi spem dedisti*, & in Psalmo centesimo quadragesimo quarto: *Fidelis Dominus in omnibus verbis suis*. QVARTÆ, pro inspiratione & reuelatione prophetica, quod pertinet illud Lucae capite tertio: *Factum est verbum Domini super Ioannem Zachariæ filium*, qui modus loquendi frequens est in Prophetis. QVINTÆ, pro facto, & opere ipso, vt secundo Regum capite duodecimo: *Propter hoc verbum, quod fecisti, non recedet gladius de domo tua*: nomine verbi significatur adulterium & homicidium à Davide factum; & in tertio Regum capite decimo sexto: *Non declinauit Dauid à vjs Domini, excepto sermone Vrie*, id est,

B 3 præter


præter id quod fecit aduersus Vriā. SEXTA, pro verbo mētis, siue cordis: huc pertinet illud: *Dixit inspiens in corde suo: & illud, Eructauit cor meum verbum bonum*; & illud quod frequens est in Sacris litteris: *Dixit intra se, locutus est in corde suo*. SEPTIMA, pro Verbo DEI, qui est verus & naturalis-Filius DEI: hac significatione & hoc loco positum est à Ioanne, & alibi sæpius in hoc Euangelio, & in prima eius epistola. OCTAUA, pro definitione, quæ declarat perfectè quid res sit: hac enim significatione vsurpauit Aristoteles Græcam vocem, λόγος; Et hæc significatio verbi bellè accomodatur ad Filium DEI, quippe qui est imago Patris, perfectè ipsum declarans, quapropter ipse dixit: *Qui videt me, videt & Patrem meum*. Scitum est illud Nazianzeni dictum: *Breuis, inquit, & compendiarie nature Patris definitio, est Filius: omnis enim proles, sui parentis tacita quadam est definitio*. NONA, pro forma, quam Aristoteles in secundo Physicorum appellauit λόγος; & Augustinus in sermone trigesimo octauo de Verbis Domini, explanans principium huius Euangelij, *Verbum*, inquit, DEI est forma, non formata, sed formans omnia formata: forma incommutabilis; forma sine lapsu, sine defectu, sine loco; sine tempore; superans omnia, existens in omnibus; fundamentum, in quo sustentantur omnia, fastigium sub quo continentur omnia: Sic Augustinus. Beatus Thomas in prima parte, Quæstione tertia, Articulo octauo, in Responsione ad secundum, Verbum DEI dei formam ab Augustino, interpretatur formam, non partialem, sed exemplarem. DECTIMA, pro causa cuiusque rei, à qua res habet suum esse. Et quia per Filium DEI, tanquam per summam rationem, & artem, & sapientiam, exemplaremque causam, omnia sunt facta; hac etiam ratione Filius DEI appellatur λόγος, & Verbum. Atque has quidem decem vocis Græcæ λόγος, & Latinæ Verbum significationes, atque vsurpationes obseruare licet partim in Sacris libris; partim apud laudatos & nobiles Autores. Harum porro decem significationum, quæ maximè congruit huic loco, est sexta, secundum quam verbum sumitur pro verbo mentis; quod Augustinus in libris de Trinitate sæpe appellat verbum cordis, mentis conceptam notitiam, formatam cogitationem, prolem mentis, sobolem memoriæ fecundæ. Anselmus in suo Monologio capite quadragesimo tertio ita describit verbum mentis:

Mentis,

Mentis, inquit, verbum est cognitio rei, ad eius similitudinem, in memoria formata.

QVINTA DISPV TATIO.

Verbum D E I sic esse appellatum, ad similitudinem humani verbi mentalis, potius quàm vocalis: & quibus rebus humanum verbum mentale simile sit Verbi diuini, quibûsque rebus sit eius dissimile.

14  V M præcipua huius vocis *Verbum* significatio & vsurpatio apud Theologos & Philosophos duplex sit; Altera quidem pro verbo mentali (liceat mihi hoc loco his verbis uti, quibus vtuntur scholastici Theologi & Philosophi.) Altera verò pro vocali: quætere dignum est in præsentia, an *Verbum D E I* sic appellatum fuerit, secundùm similitudinem humani verbi mentalis, an vocalis: *Basilius, Chrysostomus, Theophylactus, Euthymius* hoc loco, & ante istos omnes *Tertullianus* in libro aduersus *Praxeam*, putant, sic dictum esse *Verbum D E I*, ad similitudinem verbi humani vocalis. Sicut enim verbum humanum vocale arcana & occulta sensa nostri animi foràs effert, & aliis manifestat; ita filius *D E I* in mundum veniens, & nomen, & consilium, & voluntatem *D E I* manifestauit hominibus: vnde ipse dixit, *Pater manifestauit nomen tuum hominibus*. Et alio loco: *Omnia, quacunque audiui à Patre meo, nota feci vobis*.

*Basilius.
Chrysost.
Theophylacti.
Euthymius.
Tertullianus.*

15 At enim, verisimilius sit, *Verbum D E I* sic esse appellatum, secundùm similitudinem humani verbi mentalis, potius quàm vocalis. Etenim *B. Ioannes* dixit: *In principio erat Verbum*; id autem est, ab æterno erat *Verbum*: Filius autem *D E I* nec carnem humanam sumpsit ab æterno, nec ab æterno nomen Patris sui manifestauit hominibus: non igitur propter eam, quam isti Doctores dixerunt, similitudinem verbi vocalis, appellatum est *Verbum D E I*. Deinde, verbum vocale non manet in dicente ipsum, sed exiens for-

tas

ras extra ipsum est; Verbum autem mentale est in dicente ipsum: de Verbo autem DE I Ioannes dixit, *Verbum erat apud DEVM*. Gentiles etiam Philosophi nonnullam diuini Verbi cognitionem habuerunt, vt supra ostendimus; nec ad eam tamen notitiam perueniunt ex similitudine verbi vocalis, sed ex similitudine verbi mentalis. Huc sanè spectat illud quod Augustinus scripsit in libro decimo quinto de Trinitate capite decimo: Quisquis, inquit, potest intelligere verbum, priusquàm per os sonet; immodè etiam priusquàm sonorum eius imagines cogitatione voluantur: is iam potest videre per hoc speculum, atque in hoc anigmate, aliquam diuini Verbi similitudinem, de quo dixit Ioannes, *In principio erat Verbum*.

Omniplex similitudo inter humanum verbum mentale, & Verbum diuinum.

¶ Sed breuiter indicemus, quæ sit inter Verbum diuinum, & verbum humanum mentale similitudo, & item quæ sit dissimilitudo. Sanè, quemadmodum se habet verbum mentale ad ipsam mentem seu intellectum, ita se habet Verbum diuinum ad DEVM Patrem. Primò enim, verbum mentale producit ab ipso intellectu. Secundò est in ipso intellectu à quo producit, ab eo indiuisum. Tertio, producit sine passione, & alteratione, vel motu. Quarto, est imago rei intellectæ. Quintò, mens per verbum intelligibile loquitur secum. Sextò, per mentale verbum artificiale, artifex facit extra se opus artificiosum. Septimò; non potest esse intellectus in actu, & perfectus sine verbo mentali; & contrà, verbum mentale non est nisi in intellectu in actu, & perfectò. Octauò, verbum mentale foràs emissum, & induens sonum, fit sensibile, & manifestatiuum mentis apud homines.

Atque hæc quidem sunt, quibus verbum mentale similitudinem aliquam gerit diuini verbi; siquidem octo illa, quæ diximus esse in verbo mentali, ea omnià perfectissimè licet in Verbo diuino cernere. Sed, quia humanum verbum mentale, si comparatur cum Verbo diuino, est imperfectissimum; idcirco multis etiam rebus est illius perquàm dissimile. Sicut igitur paulò ante ostendì, mentale verbum hominis esse octo rebus simile Verbi diuini: ita nunc cursim ostendam, humanum hoc verbum octo etiam rebus esse diuini Verbi dissimile. PRIMò, mentale verbum hominis est quidpiam accidentale, nec est per se subsistens: Verbum autem diuinum

Mentale verbum hominis esse octo rebus dissimile Verbi diuini.

diuinum est substantiale, per se subsistens, & est persona diuina. SECUNDO, verbum hoc humanum est quid nouum & temporarium, principium durationis habens, & finem: diuinum autem Verbum est æternum. TERTIO, humanum hoc verbum non potest esse ipsum quidem sine intellectu à quo producitur; at intellectus sine ipso esse potest, non enim humanus intellectus semper est actu intelligens: Verbum autem diuinum sicut non potest esse sine DEO à quo producitur; ita nec ipse DEVS potest esse sine Verbo suo. QUARTO, humanum hoc verbum, intellectu à quo producitur, posterius est, non solum ordine naturæ, sed etiam temporis: diuinum autem Verbum omnino coæternum est DEO ipsum producenti. QUINTO, humanum verbum per se insufficiens atque inefficax est ad operandum, faciendumque aliquid extra ipsum hominem: diuinum autem Verbum potentissimum & efficacissimum est ad operandum, utpote per quod omnia facta sunt, & sine quo factum est nihil. SEXTO, humanum verbum diuersæ naturæ est ab intellectu, à quo producitur: Diuinum Verbum eiusdem naturæ est, & cōsubstantiale DEO ipsum generanti. SEPTIMO, humanum hoc verbum est multiplex, ac multiforme: diuinum autem Verbum vnicum omnino est. OCTAVO, mentale verbum hominis nec semper, nec per se est imago intellectus à quo producitur: Verbum autem diuinum per se, & ex propria generationis suæ ratione, est imago & figura substantiæ DEI ipsum generantis.

SEXTA DISPVATIO.

*An nomen istud VERBI DEI notum fuerit hominibus
ante CHRISTI Domini nostri aduentum?*

18 **N**OMEN VERBI DEI ante CHRISTI Domini aduentum non modò fuit notum hominibus, sed etiam pluribus in locis veteris diuinæ scripturæ celebratum est. In capite primo libri Ecclesiastici sic est: *fontis sapientiæ*, VERBUM DEI in excelsis: & in eiusdem libri capite vigesimo quarto sapientiæ diuina (quæ

*Quibus in locis
Sacra scriptura
veteris posita, &
celebratum
sit nomen
Verbi Dei.*

C est

est VERBUM DEI de se ipsa loquens: Ego, inquit, ex ore Abissini prodii: quæ est periphrasis quædam VERBI DEI. In trigésimo capite libri prouerbiorum sic est: *Quod est nomen eius, & nomen filij eius, si nosti?* quibus verbis procul dubio insinuare voluit nomen hoc VERBI DEI, sicut nos B. Ioannes docuit, in capite decimo nono libri Apocalypsis, hæc scribens de Filio DEI: *Et habebat nomen scriptum, quod nemo nouit nisi ipse, & vocabatur VERBUM DEI.*

In multis præterea Sacræ scripturæ locis, in quibus est nomen

*Chaldaica
paraphrasi.*

DEI, vel Domini, pro eo Chaldaica paraphrasis habet nomen VERBI DEI: exempli gratiâ, in capite sexto libri Exod. legitur: *Et nomen meum ADONAI non indicauit eis*, pro quo Chaldaicè est, *Et nomen VERBI MEI non indicaui eis*. Et in capite quinto Deuteronomij scriptum est: *Ego mediator steti inter vos & DEVM*, pro quo Chaldaicè legitur: *Mediator steti inter vos & VERBUM DEI*. Patres etiam ad id probandum adferunt quædam alia scripturæ loca, vt est illud ex Psalmo trigésimo secundo: *Verbo Domini celi firmati sunt.* & ex Psalmo quadragésimo quarto: *Ereclauit cor meum Verbum bonum.* & ex Psalmo centésimo sexto: *Miser Verbum suum & sanauit eos*: & ex capite quadragésimo Isaia: *Verbum Domini manet in æternum*: & ex capite decimo octauo libri sapientiæ: *Omni-potens sermo tuus Domine & regalibus sedibus venit.*

*An Verbum
Dei cognitum
fuerit Ethni-
cis homini-
bus.
Lactantius.
Eusebius.
Cyrillus.
Theodoretus.
Origenes.
Trimegistus.
Heraclitus.
Plato.
Stoici.
Plotinus.
Porphyrius.
Numenius.
Amelius.
Duo errores
Gentilium
circa Verbum
Dei.
Stoici.*

Nec tantum in Sacris litteris, verum etiam in profanis, & ab
Ethnicis Philosophis & Poëtis VERBUM DEI cognitum, maxi-
misque celebratum est laudibus. Lactantius in libro quarto ca-
pite octauo & nono, Eusebius libro septimo de præparatione
Euangelica capite quinto, & libro vndecimo capite decimo,
Cyrillus contra Iulianum libro primo & octauo, Theodoretus in
libris de curatione Græcarum Affectionum clarissima de Verbo
DEI referunt testimonia, & præconia, Orphei, Trimegisti, He-
racliti, Platonis, Stoicorum, Plotini, Porphyrij, Numenij, &
Amelij: qui amplissimis verbis & laudibus *ὁ λόγος ὁ θεὸς* prædica-
uerunt. Quanquam isti erroris vacuam & expertem cognitionem
Verbi DEI nequaquam habuerunt; sed in alterutro duorum er-
rorum versati sunt. Stoici etenim VERBUM DEI putauerunt
idem esse atque ipsam DEI rationem, & sapientiam DEO sub-
stantialem,

stantialem, atque eius perfectionem; non autem esse personam quampiam diuinam. Contrà verò Platonici tres DEOS inter se Platonici. secundùm naturam distinctos posuerunt; primum, vocabant DEVM Patrem, siue ipsum bonum: alterum, appellabant DEVM Verbum, siue mentem, siue Ideam; tertium DEVM nominabant animam Mundi: & hos tres DEOS secundùm naturam distinctos, & secundùm perfectionem dispares faciebant; ita vt primus esset maior secundo, & secundus tertio. Atque ex hoc fonte virulentam & pestiferam doctrinam suam Arrius haurit, Filium DEI nec consubstantialem, neque coeternum, atque aequalem DEO Patri faciens.

SEPTIMA DISPUTATIO.

Cur Latinus interpres Græcam vocem (λόγος) Latine reddiderit Verbum potius, quàm vel sermonem, vel rationem.

21 **Q**UAM GRÆCA VOX λόγος, quæ vsus hoc loco est B. Ioannes, Latine conuerteri possit vel in *Verbum*, vel in *sermonem*, vel in *rationem*; quæritur, an cùm ea vox ponitur pro Filio DEI, possit Latine reddi vel *sermo*, vel *ratio*; & an fuerit hoc loco aptius & congruentius, eam vocem conuertere in *rationem*, vel *sermonem*, quàm in *Verbum*? Negari non potest, quin plures veterum Doctorum Filium DEI appella-uerint sermonem: ea quippe voce vsi sunt & Tertullianus in libro aduersus Praxeam, & Cyprianus libro secundo contra Iudæos capite quinto, Hilarius libro secundo de Trinitate, Hieronymus in primum caput Epistolæ ad Ephesios, Ambrosius libro primo de fide contra Arrianos capite secundo, Lactantius libro quarto capite octauo & nono, Quinetiam Augustinus in centesimo octauo tractatu in Euangelium Ioannis ait; in quibusdam libris legi hoc loco: *In principio erat sermo*. Denique ipsa quoque Sancta Ecclesia in Missa de Natiuitate Domini, verba illa quæ sunt in capite decimo octauo libri sapientiæ: *Omnipotens sermo tuus Domine, e regalibus sedibus venit*, ad CHRISTVM Dominum applicat, eadẽque verba de Filio DEI antiqui Patres vsurparunt.

*Tertullianus,
Cyprianus,
Hilarius,
Hieronymus,
Ambrosius,
Lactantius,
Augustinus.*

An filius Dei
rectius dica-
tur sermo,
quàm Ver-
bum?
Erasmus.

Sed nūquid rectius hoc loco Filius DEI appellatus esset *sermo*, 22
quàm *Verbum*? sanè, Erasmus arbitratur magis huic loco congrue
nomen *sermonis*, quàm *Verbi*. Nam *verbum*, inquit, est simplex
vox, ob idque ad exprimendum omnem animi nostri sensum mi-
nimè idonea: at sermo omnia animi nostri sensa explicare potest.

Autoris sen-
tentia.

Ego contra sentio: Filius enim DEI dicitur *Verbum* secundum
similitudinem humani verbi mentalis, quod à Theologis appella-
tur *verbum*, potiùs quàm *sermo*. Deinde, *sermo* est quid multi-
plex, & multiforme, varièque compositum: *Verbum* autem potest
esse quid simplex, atque ea re magis repræsentare simplicitatem
Verbi diuini. Ad hæc, nomen *Verbi* significare potest & vocem
simplicem, & orationem compositam: nam in illa sententia; *Quod*
est verbum quod dixit tibi Rex: & in illa: *Verbum mihi ad te o princeps*:
procul dubio *verbum* singulari numero positum nō vnā vocem
significat, sed plura verba, & sermonē; & apud Lucam capite octa-
uo, sēmen in bonā terram iactum, & multum fructificans, inter-
pretatur Dominus *verbum* DEI, non sanè prout simplicem ali-
quam vocem significat: & apud Latinos scriptores *verbum* ali-
quando significat prouerbiū; huc enim pertinet illud, *Vetus ver-*
bum est.

4. Regum.
9. Regum.

An melius
fuisse hoc lo-
co ponere no-
men rationis
quàm verbi?
Tertullianus.

Sed videamus, an, cū Græca vox λόγος Latine reddi possit *ratio*, 23
rectius hoc loco reddi debuerit *Ratio*, quàm *Verbum*. Tertullianus
certè in libro aduersus Praxeam, aptius & congruentius esse huic
loco dixit nomen, *Rationis*, quàm *Verbi*, vel *sermonis*: nomen enim
Verbi conuenit Filio DEI ex tempore propter humanam videli-
cet naturam assumptam, per quam *In terris visus est, & cum homini-*
bus conuersatus est: nomen autem *Rationis* conuenit ei ab æterno.
Verum, Tertulliano contradicit Augustinus in libro octoginta
trium Quæstionum Quæstione sexagesima tertia scribens, vocem
Græcam λόγος in hoc loco Euangelij Ioannis, rectius Latine con-
uertere in *Verbum*, quàm in *Rationem*: Quoniam *Verbum*, inquit,
non tantum significat respectum ad Patrem, à quo producitur;
verum etiam ad ea quæ per *Verbum* facta sunt potentiā eius ope-
ratiua: *Ratio* verò, etiamsi per eam nihil fiat, verè tamen, rectèque
dicitur *ratio*. Nomen præterea *Verbi* multis rebus, & satis expressè
refert proprietates Verbi diuini, vt suprà docuimus in Disputatio-

Baruch ter-
tio.

Augustinus.

ne quin

ne quinta; quas ratio non similiter refert. Et illa quidem Tertuliani argumentatio nō esset fortasse inualida, si Filius DEI appellaretur hoc loco Verbum ad similitudinem humani verbi vocalis, non autem mentalis; quod nos tamen in ea, quam proximē nominauimus, Disputatione refutauimus.

- 24 Vna etiam nunc reliqua est de Verbo DEI quæstiuncula hoc loco tractanda: Cur B. Ioannes loquens hoc loco de CHRISTO, appellauit eum *Verbum*, ac nō potius *Filium*? potuit enim ita dicere: (In principio erat Filius: & Filius erat apud DEVM: & DEVS erat Filius, & hic erat apud DEVM:) sed cur Ioannes maluerit ponere nomen *Verbi*, quā *Filij*, quinque causas siue rationes minimē improbables afferre licet. Prima ratio Chrysostomi, Euthymij, & Theophylacti: Ne statim in principio Iudæos alienaret à lectione huius Euangelij: illi enim horrebāt nomen *filij*, & nomen generationis in DEO; & dicere plures diuinas personas, perinde quasi multiplicare DEOS, blasphemiam esse putabant. At nomen *Verbi* DEI, cū frequens in veteri Testamento sit, nec nouum ipsis, nec respuendum videri poterat. Secunda ratio Basilij: Ne Gentilibus nomen filij suspicionem ingereret, etiam secundū Christianos, in DEO esse carnalem quampiam generationem, qualem nempe antiqui eorum Theologi, & Poëtæ confinxerant. Tertia ratio B. Thomæ: Propositum fuisse B. Ioanni in hoc Euangelio, scribere de CHRISTO, prout à DEO Patre missus est in mundum ad manifestandum hominibus nomen, & voluntatem eius: respectu autem huius muneris & officij magis ei conuenit nomen *Verbi*, quā *filij*. Quarta ratio Iansenij; Vt magis inuitaret & alliceret ad lectionē huius Euangelij Gentiles, à quibus sciebat Verbum DEI fuisse cognitum, amplissimisque laudibus celebratum. Quinta ratio nostra est: Consilium B. Ioannis fuit statim in principio Euangelij ostendere CHRISTI aternitatem, & indissolubilem coniunctionem eius cum DEO, & effectricem rerum omnium potestatem: ad hæc autem expressius demonstranda nomen *Verbi* aptius est, quā *filij*.

Cur Ioannes non posuerit nomen filij, potius quā Verbi.

Chrysost. Euthymij. Theophylact.

Basilij.

B. Thomæ.

Iansenij.

OCTAVA DISPUTATIO.

Super illis verbis:

Et verbum erat apud DEVM.

De sex rebus valde obseruandis, quæ significantur istis verbis.

Basilius.



CUM dicitur, Verbum fuisse apud DEVM, sex de- 25
notantur. Primò quidẽm (ait Basilius) quia dictum
fuerat, Verbum fuisse in principio, id est, ante om-
nia; hoc legentem, vel audientem subire poterat
huiusmodi quædam dubitatio, *Vbi erat Verbum, an-
tequam quidquam fieret?* isti cogitationi, siue dubitationi occurrit
Ioannes dicens: *Erat apud DEVM*, Patrem videlicet suum. Quasi
diceret, non est quærendus naturæ incorporeæ locus corporeus;
nec æternæ, tempus; neque infinitæ, terminus: nusquam alibi Ver-
bum esse poterat nisi apud DEVM à quo productum est. Deinde,
Verbum diuinum sic est dictum ad similitudinẽ humani verbis
hoc autem, si est mentale, est accidens quoddam inherens in men-
te tanquam in subiecto: si est vocale, est sonus quidam extra dicen-
tem fluens per aëra. Ne quid igitur tale de Verbo diuino existi-
maretur, continuò Ioannes adiunxit: *Et Verbum erat apud DEVM*:
id autem est, neque Verbum erat in DEO tanquam in subiecto,
neque tanquam quid separatum, & extraneum DEO. Ad hæc,
significatur isto loquendi modo, Verbum esse natura per se sub-
sistentem, & personam diuinam: si enim non esset, non diceretur
de eo, quod *erat apud DEVM*: non enim calor dicitur esse apud
ignem, sed esse in igne; neque vllum accidens dicitur esse apud
subiectum, sed in subiecto. Valentinus, & alij quidam hæretici, vt
refert Origenes hoc loco, dixerunt, Verbum DEI non esse hy-
postasim, siue personam aliquam, sed esse tantum vocem, DEI
prolatione formatam: etiam Lactantius libro quarto capite nono
nescio quid simile videtur effutuisse.

Valentinus
hæreticus.
Origenes.

Lactantius.

Significatur præterea isto loquendi modo personalis distinctio 26
Verbi

Verbi diuini à DEO Patre, contra Sabellium tollentem è medio realem diuinarum personarum inter se distinctionem. Distinctionem porro personalem Verbi, & Filij à Patre Cyrillus hoc loco multis probat & manifestis Diuinæ scripturæ sententiis. Sanè, esse Filium & Patrem, generantem & genitum, procedentem & à quo procedit, mittentem & missum, esse imaginem DEI & figuram substantiæ eius, demonstrant euidenter personalem distinctionem Filij à Patre. Declaratur etiam istis verbis origo Filij à Patre, & autoritas Patris ad Filium; autoritas, inquã, non maioris antiquitatis, vel perfectionis, sed autoritas tantum principij, & originis; quia Filius est à Patre, Pater autè nō est à Filio. Postremò, isto loquendi modo denotatur summā concordia, & indissociabilis coniunctio Filij cum Patre, cōtra fabulas Poëtarum gentilium dissidia & bella fingentium inter ipsos DEOS: & contra insaniam Marcionis, qui fecit duo prima rerum omnium principia inter se contraria.


Cyrillus.

- 27 Rupertus hæc verba explanans, Erat, inquit, Verbum apud DEVM, tanquam apud sapientem sapientia; apud fortem fortitudo; apud Solem splendor; apud exemplar imago substantialis; apud Patrem Filius; & apud dicentē Verbū. Et erat apud DEVM in maximo honore; in intima coniunctione; in perfectissima rerum omnium communione, & in summa dilectione.

Marcio hereticus.


Rupertus.

- 28 Non est hoc loco in præteritis relinquendum illud Hilarij documentum, ab eo traditum in libro secundo de Trinitate: ait, Ordinem, quem Filius habet ad DEVM Patrem, in Diuina scriptura variè significari per diuersas præpositiones, præcipuè autem per has quattuor, *Apud, In, Cum, Ex*, vel *A*, vel *De*. Per *Apud*, ut hoc loco: *Verbum erat apud DEVM*, quo significatur socialis coniunctio Verbi DEI cum ipso DEO, cuius est Verbum. Per *In*, ut cum Dominus dixit, *Ego in Patre, & Pater in me est*, quo significatur consubstantialitas Patris & Filij, eorūque inuicem inseparabilitas. Ad hæc, per *Cum* in capite octauo libri Prouerborum loquens de se diuina Sapientia ait; *Cum ipso aderam, cuncta componens*, quo significatur æqualitas potestatis Filij cum Patre in omnibus quæ producuntur & sunt extra DEVM. Præterea, per *Ex*, vel *A*, vel *De*, huc spectant illa: *Ex utero ante luciferum genui te. & Exiui à Patre, & veni in mundum.* & Filius dicitur missus à Patre, & procedens à


Observandum Hilarij documentum.

Patre:

Patre: & Sancta Ecclesia in Symbolo canit de Filio, *Ex Patre natum ante omnia secula, DEVM de DEO, Lumen de lumine, DEVM verum de DEO vero.* Per hoc autem significatur Filij à Patre origo, siue processio, atque generatio.

Illud quoque lectorem hoc loco animaduertere volumus, B. 29 Ioannem in hoc principio sui Euangelij complures sententias eleganti quodam artificio sic inuicem nexuisse, atque colligasse, vt idem esset antecedentis sententiæ finis, & initium proximè sequentis, vt cernere est hoc loco: *In principio erat Verbum: Verbum erat apud DEVM: DEVS erat Verbum: hoc* (scilicet Verbum) *erat in principio apud DEVM;* & paulò post, *In ipso vita erat: & vita erat lux hominum: & lux in tenebris lucet: & tenebræ eam non comprehenderunt.* Est autem hæc figura rhetorica magnam orationi gratiam & venustatem addens, multumque ad memoriæ facilitatem, firmitatēque conducing: qua etiam figura vsus est Isaias in capite vigesimo sexto.

NONA DISPUTATIO.

Super illis verbis:

Et DEVS erat Verbum.

Quod ex Sacris litteris euidenter ostendatur, Verbum DEI esse verum DEVM?



BEATUS Ioannes in prima sententia sui Euangelij 30 indicauiet æternitatem Verbi DEI dicens: *In principio erat Verbum:* in secunda sententia dicens: *Verbum erat apud DEVM,* demonstrauiet coniunctionem Verbi cum DEO Patre: in hac verò tertia sententia: *& DEVS erat Verbum:* ostendit Verbi Deitatem; ne quis fortè suspicaretur, audiens Verbum esse apud DEVM, ipsum Verbum non esse DEVM. Scire autem conuenit, in hac sententia: *Deus erat Verbum,* vocem illam DEVS esse prædicatum; vocem autem illam *Verbum* esse subiectum: & eundem sensum habere,

bere, atque si dictum esset à Ioanne, *Verbum erat Deus*. Sed B. Ioannes, ut à fine præcedentis sententiæ inchoaret proximè subsequenter, mutauit rectum ordinem vocum dicens; & *Deus erat Verbum*: vtrouis tamen dicatur modo, idem planè significatur, id autem est, Deitas Verbi.

- 31 Sed quia sententia hæc Arrianos negantes CHRISTVM esse verum DEVM manifestè redarguebat; duplici eam cauillo obsecrare, ac pervertere conati sunt. Primò quidem, referente B. Augustino in libro tertio de doctrina Christiana capite secundo, lectionem huius sententiæ ita distinguebant, ut finirent eam in illo *erat*, sic, & *Deus erat*: Vocem autem illam proximè sequentem, *Verbum*, iungebant cum subsequenti sententia hoc modo: *Verbum hoc erat in principio apud Deum*. Sed enim, absurditas huius lectionis & distinctionis Arrianorum manifesta sit ex eo, quod secundum illam tollitur pulchra illa harum sententiarum inter se connectio, de qua paulò ante diximus. Et dicere *Deus erat*, nullatenus cohereret cum præcedentibus, quin etiam planè vacat. Cum enim ante dictum esset, quod *Verbum erat apud Deum*, iam pro certo positum fuerat, quod *DEVS erat*: ergo superuacaneum fuisset adiungere, & *DEVS erat*.

- 32 Alter circa sententiam hanc Ioannis cauillus Arrianorum, est huiusmodi: in istis verbis, *Deus erat Verbum*, non esse præpositum articulum illi voci *DEVS*, ideoque significari, Verbum nominari quidem DEVM propter singularem perfectionis eius excellentiam, eximiamque diuinitatis participationem; non esse tamen summum & perfectissimum DEVM. Atque hoc etiam videri potest sensisse Origenes, cum scribat hoc in loco, Patrem esse *αὐτὸν Θεόν*; Filium verò dici DEVM propter eximiam quandam Deitatis participationem. Sed impia hæc est sententia, & ratio qua fulcitur, perinfirmæ & futile. Nō enim semper in Sacra scriptura præponitur articulus illi voci *DEVS*, etiam cum per eam vocē significatur verissimus & sūmus DEVS. Etenim, paulò infra dicitur, *fuit homo missus à Deo*: & paulò post: *Deum nemo vidit vnquam*, utroque tamen in loco vox *DEI*, significans vtrique verissimum DEVM, sine articulo posita est: sicut etiam in illis Pauli verbis: *Gratia vobis à Deo Patre*. Ad Rom. 1.

Contra verò vox DEI, significans Filium, sæpenumero præ- 33
 positum habens articulum inuenitur in scriptura; vt in secundo
 capite epistolæ ad Titum in illis verbis: *Expectantes beatam spem, &
 aduentum gloria magni Dei*, vbi filius dicitur DEVS præposito ar-
 ticulo. Et item ad Romanos nono capite loquens Paulus de CHRIS-
 TO, *Qui est*, inquit, *super omnia Deus benedictus*: vbi etiam vox
 DEI præpositum habet articulum. Causa verò cur Ioannes in hac
 sententia *Deus erat Verbum*: non præposuerit articulum illi voci
 DEVS, ea fuit, ne personas Patris & Filij inuicem confunderet:
 cum enim proximè ante dixisset, *& Verbum erat apud Deum*, &
 præposuisset articulum illi voci DEVM, significando DEVM Pa-
 trem; si nunc etiam voci DEVS præposuisset articulum dicens,
Et ille Deus erat Verbum, visus profectò esset significare, Patrem
 esse Verbum, illud enim relatiuum (ille) non aliò, nisi ad proximè
 dictum DEVM referri poterat. Ipse porro Ioannes, quòd CHRIS-
 TVS sit verissimus DEVS, expressissimè docuit in vltimo capi-
 te primæ epistolæ suæ, ita scribens, *Vt simus in vero filio eius; hic est
 verus Deus, &c.*

f
 Sex modi,
 quibus in Sa-
 cra scriptura,
 secundum Hi-
 larium, osten-
 ditur Christi
 Deitas.

Hilarius in libro septimo de Trinitate docet, in Sacra scriptura 34
 sex modis ostendi CHRISTVM esse, *Deum, Nomine, Naturâ,
 Duratione, Natiuitate, Potestate, & Professione*. *Nomine*, quia pluribus
 in locis diuinæ scripturæ nomen DEI tribuitur CHRISTO, vt
 ex iis quæ paulò suprà diximus, manifestum est. *Naturâ*, quia ipse
 dixit: *Ego & Pater vnū sumus*, illud *Vnum* ostendit eandem esse na-
 turâ Filij DEI, & DEI Patris; natura Patris est Deitas, ergo etiam
 ad Philip. 2. Filij: eodem spectat illud Pauli de CHRISTO, *Qui cum in forma
 Dei esset &c.* *Duratione*, quia Sacra scriptura æternum esse ipsum
 ad Hebræos 1. multis locis docet; & de ipso Paulus, *Per quem*, inquit, *fecit & sæ-
 cula*. *Natiuitate*, quia cum Ioannes dixerit, ipsum esse verum DEI
 Filium, ex eo concluditur necessariò, ipsum esse consubstantialem
 DEO Patri; natiuitas enim sit secundum naturæ similitudinem,
 non enim est verus filius hominis, nisi verus homo. *Potestate*, quo-
 niam ipse dixit: *Quidquid facit Pater, & Filius similiter facit, & Om-
 nia quæ Pater habet, mea sunt.* & quod Ioannes hoc loco dixit, *Om-
 nia per ipsum facta sunt, & sine ipso factum est nihil.* *Professione*, quia
 ipse profitebatur, Patrem suum esse DEVM, æqualem se faciens
 DEO;

DEO; quamobrem Iudæi voluerunt eum lapidare. Hactenus ex Hilario.

- 35 Istis sex modis ab Hilario traditis, quibus in scriptura demon- Septem alij
modi, quibus
scriptura de-
monstrat
Christum esse
Deum.
stratur CHRISTI deitas; alij septem modi possunt adiungi. Pri-
mò, demonstratur CHRISTVM esse DEVM sicuti est DEVS
Pater, ex pari atque eadem inuocatione nominis CHRISTI, at-
que nominis ipsius DEI Patris: Dominus enim dixit Matthæi
ultimo, *Baptizantes eos in nomine Patris, & Filij, & Spiritus sancti.*
Secundò, ex omniscientia CHRISTI, quæ est propria DEI: In
CHRISTO enim, (sicut Paulus dixit) *sunt omnes thesauri sapientia* Ad Coloss. 2.
& scientia. Tertiò, ex eo quòd ipse est vltimus finis, & æterna vita
hominũ: nam ipse dixit, *Hæc est vita æterna, ut cognoscant te solum* Ioannis deci-
mo septimo.
verum DEVM, & quem misisti IESVM CHRISTVM. Quartò,
quia ipse à Paulo vocatur *Imago inuisibilis DEI, & figura substan-* Ad Coloss. 1.
ad Hebr. 1.
tia eius. Quintò, ex plenitudine diuinitatis corporaliter in CHRI-
STO habitantis, testante Paulo, *Quia in ipso inhabitat omnis pleni-* Ad Coloss. 2.
tudo diuinitatis corporaliter. Sextò, ex generali omnium rerum con-
seruatione & gubernatione: CHRISTVS enim, vt Paulus dixit, Ad Hebræos
primo.
Portat omnia Verbo virtutis sue; Verbum portandi continet signifi-
cationem & conseruandi, atque sustentandi, & item regendi ac
dirigendi. Septimò, ex honore qui soli DEO debetur, & tribui-
tur ipsi CHRISTO, secundum illud, *Dixit Dominus Domino meo,*
sedes à dextris meis; Sessio enim ad dexteram DEI, denotat æqua-
litate[m] honoris & gloriæ sic sedentis, cum ipso DEO. Huc etiam
spectat quod scribit Ioannes in capite quinto libri Apocalypsis:
Millia millium Angelorum voce magna dixisse, *Dignus est Agnus*
qui occisus est, accipere virtutem, & diuinitatem, (id est, honorem
& gloriam soli DEO debitam) *& honorem, & gloriam, &*
benedictionem, & omnem creaturam que in celo est, & in
terra, & sub terra, & in mari. Et audiui omnes
dicentes, sedenti in throno, & Agno,
benedictio, & honor, & gloria,
& potestas in sæcula
sæculorum.

DECIMA DISPUTATIO.

Super illis verbis:

VERS. 2.

Et hoc erat in principio apud DEVM.

*Confutatur error Eunomianorum, qui fecerunt duplex DEI
Verbum & impie de CHRISTO senserunt.*

DV O, quæ Ioannes in duabus primis sententiis disuncto 36
de Verbo DEI dixerat, & ipsum fuisse in principio, &
fuisse apud DEVM; ea nunc in hac quarta sententia
coniuncte dixit de ipso Verbo, dicens: *Quod Verbum
erat in principio apud DEVM.* Nec est mera duarum illarum senten-
tiarum repetitio, nihil adiunctum noui habens: hoc enim noui
habet additum, quod non modò Verbum erat in principio, nec
modò erat apud DEVM; sed quod à principio semper fuit apud
DEVM: ita vt, ex quo Deus fuit, & Verbum fuit, semper Verbum
fuerit apud DEVM: vt intelligatur, societas & coniunctio Verbi
cum DEO Patre, sempiterna fuisse. Illud relatiuum *Hoc*, licet se-
cundum Latinam lectionem, non possit aliò referri, quam ad Ver-
bum, quia est neutrius generis: Græcè tamen quia est *ἄτος*, quæ vox
est masculini generis, æquè referri potest & ad vocem *λόγος*, & ad
vocem *θεός*; tria enim hæc in Græca lingua sunt masculini gene-
ris. Verùm, quia in istis sententiis ita connectendis Ioannes
ab eadem voce inchoauit sequentem sententiam, quæ finierat pro-
ximè antecedentem; propterea etiam Græcè illud pronomen *ἄτος*,
congruentius ad *λόγον*, quam ad *θεόν*, refertur.

*Cyillus.
Error Euno-
mianorum fa-
ciuntium du-
plex Verbum
Dei.*

Cyillus hoc loco refert Eunomianos hæreticos duplex fecisse 37
Verbum DEI; alterum quidem, naturaliter insitum & intimum
DEO, eique coæternum, nec ab eo distinctum, nec secundum sub-
stantiam, nec secundum personam. Alterum autem Verbum fa-
ciebant externū, extra ipsum DEVM existens, illius prioris Verbi
perfectam imaginem: & hoc Verbum dicebant factum esse car-
nem, & in Scriptura vocari Filium DEI & CHRISTVM. Quòd
autem DEVS Pater habeat suum proprium Verbum distinctum à
Filio,

Filio, sic argumentabantur: In psalmo secundo scriptum est: *Dominus dixit ad me Filius meus es tu*, & in psalmo centesimo nono: *Dixit Dominus Domino meo, sede à dextris meis*. Si DEVS Pater dixit illud Filio, ergo per aliquod Verbum dixit; habet ergo DEVS Pater Verbum distinctum à Filio. Quinetiam ipse Dominus hoc ipsum indicauit apud Ioannem capite decimo quarto dicens, *Sermo, quem audistis, non est meus, sed eius, qui misit me Patris*.

*Argumenta
Eunomiano-
rum.*

- 38 Sed istum Eunomianorum errorem facile est refellere; B. Ioan- nem hoc in loco agere de Verbo DEI summo & perfectissimo & intimo ipsi DEO, eique coæterno, satis indicat articulus præpositus illi voci λόγος & quod Verbum fuisse apud Patrem, & per idem istud Verbum omnia esse facta dixit, Loquitur itaque Ioannes de proprio DEI Verbo & summo, & intimo, & æterno, & rerum omnium principio. Atqui hoc ipsum Verbum Ioannes dixit factum esse carnem, & habitasse inter homines: ergo distinctio illa summi Verbi DEI ab alio Verbo DEI quod factum est caro, & vocatur Filius DEI, & CHRISTVS, impia, & perabsurda est. Deinde, Ioannes in ultimo capite primæ epistolæ suæ CHRISTVM vocat verum DEI Filium: si verus est DEI Filius, ergo consubstantialis DEO, & coæternus est: non igitur potest esse quidpiam externum, siue extraneum DEO. Ad hæc, summum illud & intimum DEI Verbum, omnem habet sapientiam & scientiam; hoc autem de CHRISTO dixit Paulus scribens ad Collossenses capite secundo omnes thesauros sapientiæ & scientiæ in CHRISTO esse. Ergo CHRISTVS est summum & perfectissimum & intimum DEI Verbum. Præterea, non potest dici CHRISTVS Verbum externum & extraneum DEO, cum non aliter quam per fecundissimum DEI Patris intellectum, & per communicationem eiusdem naturæ productum sit. Quoniam autem Verbum DEI, quod est CHRISTVS, verus est DEI Filius, & verè genitus à DEO, necessum est, personam esse distinctam à persona DEI Patris generantis.

*Cōfutatio su-
pradi-
cti Eu-
nomiano-
rum erroris.*

- 39 Ad Eunomianorum argumenta sit hoc breue responsum: in illis verbis: *Dominus dixit ad me Filius meus es tu*, ego hodie genui te: illud dicere DEI Patris ad CHRISTVM, si ad generationem eius diuinam pertinet, non est aliud quam Patrem producere Filium,

*Responso ad
Eunomiano-
rum argumēta.*

Ad Philipp.
ses 2.

quod est Verbum suum: aut manifestare humanitati eius vnionem ipsius personalem cum æterno DEI Verbo, per quam homo ille verè Filius DEI est. In illis autem verbis, *Dixit Dominus Domino meo, sede à dextris meis*, illud *dixit*, significat collationem summæ dignitatis & gloriæ à DEO datam homini CHRISTO propter meritum passionis & mortis eius iuxta illud Pauli dictum: *Propter quod & DEVS exaltauit illum, & donauit illi nomen quod est super omne nomen, ut in nomine IESV omne genu flectatur Cælestium, terrestriū, & infernorum, & omnis lingua cōfiteatur, quia Dominus IESVS. CHRISTVS in gloria est DEI Patris*. Iā verò cū CHRISTVS dicit, se DEI Verbum, vel sermonem seruare, vel manifestare hominibus, nomen verbi significat vel mandatum, vel decretum, vel promissum, vel pactum, vel doctrinam DEI Patris, vel aliud quidpiam simile; sicut nos docuimus supra in quarta Disputatione super hoc primum caput, vbi decem significationes huius vocis *Verbum* exposuimus.

VNDECIMA DISPUTATIO.

Super illis verbis:

VERS. 3. Omnia per ipsum facta sunt, & sine ipso factū est nihil.

Ostenditur per illam vocem Omnia profligari septem errores hominum circa generationes rerum.



DEITATIS CHRISTI argumentum fuit, quod 40
In principio, id est, ab æterno fuit Verbum apud
DEVM: sed hoc quod nunc dicitur, euidentissimum eiusdem Deitatis est argumentum; indicatur enim his verbis omnipotentia CHRISTI, & infinita virtus omnium effectrix. Sed quia hæc Ioannis sententia fecundissima est, & celeberrima, per partes distinctè ac subtiliter excutienda, & pensanda est. Ac primò quidem consideranda est illa vox *Omnia*, & obseruandum est, quantò breuius, & quantò plura Beatus Ioannes paucissimis hisce verbis nos docuerit, quam

quàm Moyſes in principio libro Genefis. Moyſes namque pluribus verbis rerum corporearum generationem dixit eſſe à D E O factam: Ioannes verò dicens *Omnia*, nihil excepit, aut reliquit cuncta, ſive corporea ſive incorporea, ſive viſibilia ſive inuiſibilia,

hac vna voce *Omnia* complexus eſt: eaque voce ſeptem errores Philoſophorum, & hæreticorum circa rerum omnium effecti- nem diſcuſſit. Primus error fuit Epicureorum, qui negarunt, ra- tione, & arte, & ſapientia D E I mundum eſſe factum, & proui- dentia eius gubernari, ſed caſu & conditum eſſe, & regi. Alter fuit error Platonis in Thimæo primam effectiōnem rerum morta- lium non ſummo & vni D E O, ſed minoribus diis assignantis. Ter- tius fuit Alexandri Aphrodiſæi, & quorundam Peripateticorum,

aiētiū, res incorruptibiles, vt ſunt Cœli, & Cœleſtes intelli- gentiæ, à nullo eſſe factas, nec habere poſſe cauſam efficientem. Quartus fuit Stoicorum, quos Hermogenes hæreticus ſequutus eſt, affirmantiū, materiā primā non eſſe productā à D E O, ſed eſſe alterum principium rerum, coeternum D E O; ita vt ſint duo prima, & inproducta principia rerum, D E V S, & materia prima: quam ſententiā egregiè confutauit Tertullianus in libro, quem ſcripſit aduerſus Hermogenem, & Euſebius in libro ſepti- mo de præparatione Euangelica capite octauo. Quintus error fuit Manichæorum, qui faciebant duo prima rerum principia; alte- rum, rerum corporearum & corruptibilium; alterum, rerum in- corruptibilium: & illud, eſſe malorum omnium, quæ in rebus cer- nuntur, cauſam; hoc autem, bonorum omnium: & hæc princi- pia eſſe inter ſe contraria. Sextus fuit Arrianorum, qui dixerunt, etiam ipſum D E I Verbum eſſe factum: Quos deridens atque il- ludens Auguſtinus, *Quomodo*, inquit, *Verbum D E I factum eſſe po- tuit, cum Ioannes dicat, Omnia per Verbum D E I eſſe facta? vel enim Verbum D E I factum eſt à ſe ipſo, ſed hoc implicat contradictionem, quod enim efficit, iam erat; quod autem fit, non erat. Vel Verbum D E I factum eſt ab alio Verbo; aut igitur iſtud Verbum eſt factum, ab alio Verbo, vel non: ſi non eſt factum ab alio Verbo, ne res procedat in infinitum, iſtud ipſum Verbum nō factū, nos dicimus eſſe CHRISTVM, ſiquidē Ioannes ait, Omnia per ipſum eſſe facta.* Septimus error fuit quorundam ar- bitrantium, in prima rerum creatione omnia eſſe à D E O facta, &

per

Hac ſententiā Ioannes con- futauit ſeptē errores circa rerum omnium generationē. Epicurei. Plato.

Alexander Aphrodiſæi & Peripate- tici.

Stoici. Hermogenes.

Tertullianus.

Euſebius.

Manichæi.

Arriani.

Auguſtinus.

per Verbum DEI esse facta: postea verò in rerum propagatione solas causas secundas concurrere ad rerum productiones, per naturalem virtutem datam à DEO causis secundis in exordio mundi. At enim, B. Ioannes præcisè, & absolute, & vniuersè dixit, Omnia per Verbum esse facta, & sine ipso factum esse nihil; istorumque sententiam propriè ac directò redarguit infra capite quinto referens verba illa quæ dixit Dominus: *Pater meus usque modo operatur, & ego operor.*

DVODECIMA DISPUTATIO.

Cum dicitur, Omnia per ipsum facta sunt, disputatur, quam vim, & propriam significationem habeat hoc loco illa prepositio PER?

*Prepositionem
PER quatuor
modis
vsurpat.*



PREPOSITIO PER & in diuina scriptura, & in 41
communi & vulgari loquendi modo, quattuor modis vsurpari solet. Primò enim significat obsequium, & ministerium; vt cum dicitur Imperator facere aliquid per militè, vel Dominus per seruum.

Deinde, significat instrumentum; vt faber dicitur per malleum, vel securim opus facere. Tum, significat formam & principium agendi; Sol enim dicitur illuminare per lucem, & ignis calefacere per calorem. Ad hæc, denotat causam efficientem, vt homo per liberum arbitrium humanas & morales actiones facit, & artifex per artem dicitur facere opus artificiosum.

*Arrianorum
impietas.*

Arriani in istis verbis Ioannis: *Omnia per ipsum facta sunt*, illud 42
per interpretantur primo & secundo modo: quasi Verbum concurrerit ad effectiorem rerum, tanquam obsequium & ministerium exhibens DEO, principali rerum effectori. Nec Arrianis dissimilia sensisse, ac scripsisse videri potest Clemens Alexandrinus, Eusebius Cæsariensis, Tertullianus, & nonnulli etiam Iustinus, interdum appellantes filium ministrum Patris, & in prima rerum creatione Verbum ministrasse Patri.

*Clemens Alex-
andrinus.
Eusebius Cæ-
sariensis.
Tertullianus.
Iustinus.
Syrmenensis Sy-
nodus.*

Quinetiam Syrmienensis synodus contra Fotinum hæreticum congregata, cuius acta & Canones in libro de synodis refert Hila-
rius,

rius, in symbolo fidei, & in Canone tertio hæc habet verba: *Si quis non confitetur, CHRISTVM in creatione rerum fuisse Patri obsequentem, Anathema sit.* Sed profectò, pia interpretatione hoc dictum illius synodi subleuandum, & accipiendum est; non enim aliud istis verbis synodus illa significare voluit, quàm Filium & voluntatem, & potentiam, & sapientiam creandi mundum non à se habuisse, sed à Deo Patre accepisse. Ergo, cùm dicitur, Omnia per Verbum esse facta, illud *Per* secundum tertiam, & quartam significationem, paulò supra expositam, accipiendum est: vt significetur summa ars & sapientia, per quam DEVS fecit omnia. Sicut igitur (si parua licet componere magnis) Sol per splendorem suum illuminat omnia; sicut fons per fluuium ex se promanantem irrigat & fecundat terram; sicut artifex per rationem & idæam artis facit opus artificiale; ita DEVS per Verbum suum condidit vniuersa: quamquam in supradictis similitudinibus multiplex inest dissimilitudo.

- 43 Quòd autem ista præpositio *Per* non semper in diuina scriptura significet obsequium, vel ministerium, vel instrumentum, sed non rarò etiam causam efficientem principalem, Chrysostomus & Cyrillus probant hoc loco manifestis testimoniis Sacre scripturæ, quæ nonnunquam ista præpositione *Per* vtitur, cùm loquitur de DEO Patre: vt in primo capite prioris epistolæ ad Corinthios: *Fidelis DEVS* (inquit Paulus) *per quem vocati estis in societatem* IESV CHRISTI *Filij eius.* Et in quarto capite epistolæ ad Galatas: *Si Filius, & hæres per DEVM:* & in primo capite posterioris epistolæ ad Corinthios: *Paulus Apostolus IESV CHRISTI per voluntatem DEI.* Illud etiam hoc loco lector aduertat, idem, quod Ioannes generatim & breuissimè dixit, Omnia per Verbum esse facta; Paulum in primo capite epistolæ ad Colossenses distinctiùs, explicatiùsq; dixisse, omnia rerum genera per CHRISTVM facta esse ostendendo: sic enim eo loco scribit: *In ipso condita sunt vniuersa in cælis, & in terra, visibilia, & inuisibilia: siue Throni, siue Dominationes, siue Principatus, siue Potestates; omnia per ipsum & in ipso creata sunt: & ipse est ante omnia, & omnia in ipso constant.*

- 44 Sed quærat fortasse quispiam, cùm omnes tres personæ diuinæ eadem prorsus potentia & actione ad procreationem rerum om-

*Cur omnia
dicantur fa-
cta per Verbum
potius quam
per Deum
Patrem.*

nium concurrant, nihil enim in rebus est vlllo modo factum, quod non à qualibet personâ diuina pariter factum sit; cur Ioannes hoc loco dixerit, omnia esse facta per Verbum, potius quam per DEVM Patrem, vel per Spiritum Sanctum? Respondeo, licet vna sit & omnino eadem in tribus personis potentia creandi; non tamen ea in illis est eodem prorsus modo ac ratione. Pater quippe potentiam creandi non ab alio sed à se ipso habet: Filius eandem potentiam habet, non tamen à se, sed à Patre tantum: eandem quoque potentiam habet Spiritus Sanctus non à se, sed à Patre & Filio. Cum autem dicitur aliquid produci per aliud, duo colloquendi modo denotantur; & id, per quod producitur; & id, quod producit. Vt igitur significaret Ioannes, DEVM Patrem & DEVM Filium produxisse omnia; sed illum, suâ virtute à nullo accepta; hunc verò, eadem omnino virtute, sed accepta à Patre; ideo dixit per Verbum omnia esse facta, à Patre videlicet. Neque illud ignorandum est Lectori, cum in scriptura dicitur solus DEVS sine societate alterius fecisse omnia; ibi nomen DEI vel non significare DEVM Patrem, vt est persona distincta à persona Filij, & Spiritus Sancti, sed DEVM trinum & vnum: vel si DEVM Patrem significat, illa vox (solus) non excludit alias personâs diuinas, sed alias omnes personas vel naturas, quæ sūt extra DEVM, diuersam ab eo naturam & substantiam habentes. Et cum dicitur solus DEVS fecisse omnia, & nullus alius cum illo, isto loquendi modo excluditur cooperatio cuiuscunque creaturæ, non sanè instrumentalis, & vt ita loquar, ministræ, sed principalis, tanquam efficientis causæ principalis. Ex qua apparet, quemadmodum intelligenda sint illa Domini verba, quæ sunt apud Isaiam capite quadragesimo quarto: *Ego sum Dominus faciens omnia, extendens celos solus, stabilieus terram, & nullus mecum.* Etiam Spiritui Sancto effectiōem rerū tribuit diuina scriptura: vt in Psalmo trigésimo secundo, *Verbo Domini caeli firmati sunt, & spiritu oris eius omnis virtus eorum:* in quibus verbis tres diuinæ personæ significantur, nam Verbum Domini denotat personâ Filij & Patris; spiritus autem oris DEI denotat Spiritum Sanctum procedentem à Patre & Filio. In primo, etiam cap. lib. sapientiæ scriptū est, *Spiritus Domini repleuit orbem terrarum, & hoc quod continet omnia, sciētiam habet vocis.*

*Locus Isaiæ
cap. 44.*

DECI

DECIMA TERTIA DISPUTATIO.

*Super illo, FACTA SVNT.**De quinque modis effectiōis rerum, & quòd excellentia Verbi
DEI elucet maximè in modo, quo fecit omnia.*

45 **F** *L* *I* *V* *D* *f* *a* *c* *t* *a* *s* *u* *n* *t*, comprehendit omnes modos, quibus possunt res fieri: sunt autem quinque modi. Primus modus est, creando rem ex nihilo; hoc nempe modo facti sunt Angeli, animæ rationales, & materia prima. Alter modus est, producendo rem ex materia quidem præexistente, sed sine cooperatione causarum secundarum efficientium, & per solius DEI potentiam; sic in exordio mundi facta est prima productio plantarum, & animalium, & formatio corporis Adami & Eux. Tertius modus est, producendo res & ex materia, & per causas secundas, & tempore, & loco, & modo, atque ordine naturali: & hac ratione fit in hoc mundo sublunari productio rerum omnium naturalis. Quartus modus est, producendo rem præter ordinem & suprà vim naturæ, & hoc modo facta sunt & fiunt miracula, cuiusmodi fuit subita vini ex aqua generatio, facta in nuptiis à Domino. Quintus modus est superna-
turalis, & circa supernaturales, & spirituales effectus, & hac ratione DEVS per Sacramenta producit in animis hominum gratiam & virtutes. Omnes itaque hos quinque modos effectiōis rerum complexus est Ioannes, cùm dixit, *Omnia per ipsum facta sunt.*

46 Si quæras, quàm bona fuerint omnia, quæ per Verbum facta sunt? Respondebit tibi Moses, *Vidit DEVS cuncta quæ fecerat. & erant valde bona.* Et idcirco scriptura dicit, *DEVM diligere opera sua, & letari in operibus suis: sic enim scriptum est, Diligis omnia quæ sunt, & nihil odisti eorum quæ fecisti: & alio loco: Letabitur Dominus in operibus suis.* Ex quo intelligere licet, quòd verè ac propriè malum est, id non esse rem vel naturam quampiam; si enim esset, procul dubio factum esset per Verbum DEI, ideoque bonum esset. Si quæras, quanta arte, & sapientia per Verbum DEI
E 2 facta

*Genes. 1.
Quàm bona
sunt omnia
verbi Dei
opera.
Sapientia 11.
Psalms 103.*

psalms 103.

facta sint omnia? Respondebit Dauid, *Quàm magnificata*, inquit, *sunt opera tua Domine? omnia in sapientia fecisti*: quæ DE I sapientia elucet in eo, quòd omnia certo quodam ordine, mensura, &

Sapientia 11.

numero constituit, sicut in libro sapientiæ scriptum est: *Tu Domine omnia in pondere, & numero, & mensura disposuisti.*

Deum fecisse
omnia prout
voluit.

Si præterea quæras, an omnia per Verbum facta sint secundum 47
omnem eius voluntatem, vt omnino ita vt volebat, fecerit omnia? non enim semper artifici quamuis scientissimo, & exercitatissimo, & accuratissimo, & faciendis operibus intentissimo, opera omnia succedunt ex animi eius sententia. At enim, non ita res habet in DE O: is enim omnia quæ voluit, fecit in Cælo & in terra; & quo modo voluit, eo modo fecit: nempe de ipso scriptum est in psalmo centesimo decimo: *Magna opera Domini exquisita secundum omnes voluntates eius*, id autem est, prout DE V S, voluit fieri opera sua, ita sunt omnino facta. Denique, illud etiamsi quæreretur, an omnia quæ per Verbum facta sunt, sine vlllo eius labore, ac molestia sint facta? Respondebit Salomon, inducens DE I sapientiam ita de se loquentem: *Cum eo aderam cuncta componens, & delectabar per singulos dies, ludens coram eo, omni tempore, ludens in orbe terrarum*, illud *delectabar*, significat omnis prorsus laboris, & molestiæ vacuitatem, quin etiam voluptatem & delectamentum. Illud *ludens coram eo*, denotat gaudium & iucunditatem, & delectationem, qualem solent homines ex iucundo ludo capere. Vel significat, vniuersitatem omnium creaturarum, quasi pro nihilo esse apud DE V M; vt pote quam DE V S, velut per ludum & iocum, fecerit. Sanè, apud Isaiam capite quadragesimo, & in libro sapientiæ capite vndecimo, scriptum est, omnes gentes, omnemque terrarum orbem esse apud DE V M velut vnâ guttam pluuiæ, seu rosis antelucanis; & sicut exiguum puluerem, & tâquam nihilum.

Vel isto loquendi modo significare fortasse voluit diuina scriptura, productionem rerum omnium ad extra esse velut ludum & iocum, in comparatione productionis ad intra diuinarum personarum.

DECIMAQVARTA DISPVATIO.

Super illis verbis:

Et sine ipso factum est nihil.

48 **E**TSI iam dictum erat, omnia per Verbum esse facta; non superuacaneè tamen hoc B. Ioannes adiunxit: *Et sine ipso factum est nihil.* Huius enim additionis plures causæ reddi possunt. Primò enim, ne quis fortè putaret illud *Omnia*, non absoluté significare omnia rerum genera, sed omnes tantùm res incorporeas, & incorruptibiles, & innoxias homini, sicut putârunt Manichæi; ideo Ioannes adiecit, *Et sine ipso factum est nihil*, declarans, omnia se rerum genera comprehendere. Deinde, in scriptura nonnunquam illæ voces, Omnis & Nullus, non vsurpantur vniuersaliter, & sine vlla exceptione; sed pro eo, quod plurimùm, & in plurimis est, & maxima in parte: ne putaretur itaque hoc modo dictum fuisse à Ioanne, omnia esse facta per Verbum, id est, pleraque omnia; idcirco omnem exceptionem excludens, illud adiunxit, *sine ipso factum est nihil.* Ad hæc, sicut illud, per Verbum facta esse omnia, indicat ordinem originis Verbi à DEO Patre, tanquam à quo & substantiam, & potentiam agendi habet: ita hoc, *sine ipso factum est nihil*, denotat indissolubilem societatem, & coniunctionem Verbi cum DEO Patre, & vtriusque distinctionem personalem; significat etiam, Patrem atque filium eadem voluntate, pari virtute, ac potentia, & æquali maiestate fecisse vniuersa.

49 Græca lectio Latinè reddit hanc sententiam, *sine ipso factum est ne vnum quidem.* Sed vocem illam *Nihil* in Sacris litteris triplici significatione vsurpatam animaduërto. Sæpe quidem significat nullam rem, vt hoc loco & alibi sæpius; interdum tamen vsurpatur pro re despicabili & contemptibili, & quæ tanquam nihilum æstimatur: sicut in capite quinto libri Esther dixit Aman: *Nihil me habere puto, quandiu videro Mardocheum Iudeum sedentem ante fores regias.* Nonnunquam etiam res aliqua dicitur nihil, non quia nihil sit, sed quia in cõparatione alterius rei longè præstantioris, quasi

Tres in diuina scriptura significationes huius vocis Nihil.

nihil aestimatur : & iuxta hanc significationem est quod legitur in libro sapientiae capite septimo de diuina sapientia : *Diuitias, inquit, nihil esse dixi in comparatione illius.* Huc etiam referri posset illud 1. ad Cor. 13. Pauli aientis, se, si charitatem non habeat, etiamsi omnem fidem & scientiam, & alia, quæ maxima ducuntur bona, habeat, nihil esse.

Ex eo quod
omnia facta
sunt per Ver-
bum Dei, du-
cuntur quin-
que documen-
ta.

Ex supradicta porro sententia, quod *Omnia per Verbum facta* 50
sunt, & sine ipso factum est nihil, quinque licet ad maiestatem Verbi

DEI demonstrandam, deducere documenta. Hinc enim primo
liquet, æternum esse DEI verbum : si enim per ipsum omnia fa-
cta sunt, ergo & tempus, & æuū, & æternitas participata, omnis-
que duratio quæ DEI non est, facta est per Verbum : quod autem
tale est, non potest esse non æternum. Deinde, hinc patet, Verbum
DEI esse virtutis ac potentiae infinitæ. Si enim omnes res per Ver-
bum factæ sunt, cum inter ipsas res multæ sint quæ non aliter fieri
possunt, quàm ex nihilo, vt res immateriales, sicut Angeli, & ani-
mæ rationales : ad creandum autem ex nihilo esse opus infinita
virtute ac potentia, extra controuersiam est ; ergo necessum est
fateri, infinitam esse in Verbo DEI potentiam. Præterea, hinc
enotescit, omnes perfectiones quæ sunt in rebus omnibus creatis,
esse in Verbo per quod creatæ sunt ; sed esse tamen excellentiori
modo quàm sint in ipsis rebus. Etenim omnis perfectio quæ est in
effectu, est quoque in causa efficiente ; vel æqualiter, si fuerit cau-
sa vniuoca, id est, causa eiusdem ordinis cum effectu, vt homo ge-
nerat hominem, & ignis producit ignem. Vel perfectio effectus
eminentiori modo est in causa efficiente, si ea fuerit causa æqui-
uoca, id est, superioris ordinis quàm est effectus, sicut Sol generat
in rebus sublunaribus calorem & alias res. DEI autem Verbum
est causa efficiens æquiuoca rerum omnium quæ per ipsum factæ
sunt. Ad hæc, hinc etiam manifestum fit, si per Verbum omnia
facta sunt, ipsum esse verum DEVM : hoc enim tanquam proprio
DEI quodam insigni diuina scriptura solet manifestare & prædi-
care verum DEVM ; quod ipse sit qui fecit cælum & terram, &
omnia quæ in eis sunt. Hieremias certè non dubitauit dicere illud :

Hierem. 10.

Iona 1.

Psalms 110.

Dij, qui cælos & terram non fecerunt, pereant. Et Ionas interroganti-
bus nautis, quid ipse esset ? Respondit : *Hebraus ego sum, & Domi-*
nus Deus cæli ego timeo, qui fecit mare & aridam. Et Dauid, *Au-*

xilium

xilium meum à Domino, qui fecit calum & terram. Hinc denique licet intelligere, quemadmodum affecti animo erga Verbum DEI esse debeamus. Si enim omnia per Verbum DEI facta sunt, videntes nos & considerantes tantam operum eius multitudinem, varietatem, ordinem, pulchritudinem, & tot tantâsque ex operibus eius peruenientes ad nos vtilitates; oportet immensam eius prædicare potentiam, admirari sapientiam, amare bonitatem, venerari maiestatem, & beneficentiam eius erga nos grato animo laudare, agendisque gratiis celebrare.

DECIMA QUINTA DISPUTATIO.

Super illis verbis:

Quod factum est, in ipso vita erat.

Exponitur, & perpenditur multiplex horum verborum lectio, & interpretatio.

51 **I**LVD *Quod factum est*, variè distinguitur, ideòque variam facit lectionem, variasque peperit interpretationes. Prima lectio est hæc: *Quod factum est in ipso*, vt hic ponatur coma, & deinceps addatur: *Vita erat.* Sic legébant hæc verba hæretici Macedoniani, & Manichæi. Illi enim referentes hoc ad Spiritum Sanctum, quem à Verbo creatum esse dicebant, sic hunc locum legebant & interpretabantur: *Quod factum est in ipso*, id est, Spiritus Sanctus qui factus est per Verbum, *Vita erat*, id est, viuificans omnia: solet enim scriptura Spiritui Sancto appropriare munus viuificandi. Dominus enim dixit: *Spiritus est qui viuificat*: & in Symbolo dicitur: *Et in Spiritum Sanctum Dominum viuificantem.* Sed ista lectio & interpretatio & sententia ex ipso verborum contextu manifestè refellitur: illud enim *Vita erat*; non pertinere ad Spiritum Sanctum, sed ad verbum, ex eo liquet, quod proximè subditur: *Et vita erat lux hominum, & lux in tenebris lucet, &c.* quæ deinceps sequuntur, perspicuè ad Verbum DEI pertinentia. Manichæi verò, eandem sequuti lectionem, ex ea pro

Quadruplex lectio horum verborum.

Prima lectio, Macedonianorum & Manichæorum.

Augustinus. ea probare volebant, vt memorat hoc loco Augustinus, omnia quæ facta sunt per Verbum, habere vitam, etiam terram, & lapides, & metalla: quia Ioannes dixit, Quicquid factum est in ipso Verbo, vitam fuisse, id est, habuisse vitam. Verum falsitatem istius lectionis arguit & conuincit absurditas ipsa sententiæ, vt non alia opus sit confutatione.

2. lectio, Hilarij.

Alteram horum verborum lectionem indicat Hilarius in libro secundo de Trinitate hunc locum sic legens: *sine ipso factum est nihil, quod factum est in ipso*: & sic interpretatur: Ne putaretur, sine ipso quidem nihil esse factum, multa tamen non ab ipso, sed ab alio quopiam principio esse facta; ideo post illud *sine ipso factum est nihil*, proximè adiunctum est, *Quod factum est in ipso*, quali significans, nec sine ipso, nec nisi per ipsum, quidpiam esse factum; illud significat voluntatem, hoc efficientiam. Sed enim, propterea lectio hæc atque interpretatio non est admodum probabilis, quia iam paulò ante dictum fuerat omnia per Verbum esse facta; superuacaneum igitur fuisset, iterare eandem sententiam dicendo, *Quod factum est in ipso*, si hoc ita, vt dixit Hilarius, intelligatur.

3. lectio, Chrysostomi, Theophylacti, & Euthymij.

Tertius modus distinguendi & legendi hæc verba est Chrysostomi, Theophylacti, & Euthymij: qui illud *Quod factum est*, iungunt cum proximè superioribus illis verbis, & *sine ipso factum est nihil*; ita legentes hunc locum: *sine ipso factum est nihil, quod factum est*: & post hæc verba, aliam inchoant sententiam, *Vita erat, & vita erat lux hominum, &c.* Secundum itaque istam lectionem sensus horum verborum est huiusmodi: Ne putaretur, Ioannem, cum dixit, omnia per Verbum esse facta, intellexisse simpliciter omnia quæ sunt, & occasionem dedisse putandi, etiam Spiritum Sanctum fuisse factum per Verbum, sicut dixerunt Macedoniani; ad hanc propulsandam opinionem, continuo adiecit, *Quod factum est*, vt sit sensus, cum dictum est, omnia esse facta per Verbum, intelligere oportet id non de omnibus simpliciter quæ sunt, sed de omnibus quæ facta sunt. Hanc certè lectionem Epiphanius in Anacorato ad eò probat, vt aliam quancunque, ceu hæreticam damnare videatur: odio videlicet Macedonianorum, & Manichæorum, qui aliter hunc locum legentes, ex eo falsa dogmata sua construere atque subornare conati sunt. Sed contra istam lectionem

Epiphanius.

facit

facit illud, quòd per eam planè destruitur artificiosa & pulchra illa sententiarum inter se connexio, qua vsum esse Ioannem in principio sui Euangelij, suprà ostendimus. Apparet enim Ioannem in exordio huius primi capitis plerasque sententias sic inuicem continenti serie nexuisse atque colligasse, vt ab eadem voce sententiam sequentem inchoaret, in qua terminauerat antecedentem. Hoc autem tollitur secundum istam lectionem; secundum quam præcedens sententia est hæc: *sine ipso factum est nihil, quod factum est in ipso*. sequens autem sententia est hæc: *Vita erat, & vita erat lux hominum &c.* Liquet autem, principium sententiæ sequentis longè diuersum esse à fine antecedentis sententiæ.

- 54 Quarta distinctio & lectio horum verborum eiusmodi est, vt post illud, *Quod factum est*, ponatur coma, & subiungatur, *In ipso vita erat*. Hanc lectionem similiter quidem sequuti sunt Cyrillus & Augustinus; dissimiliter tamen eam intellexerunt atque interpretati sunt. Cyrillus enim putat, quia Ioannes superiori sententia declarauerat, Verbum fuisse causam efficientem rerum omnium; ideo nunc eum ostendere supradictis verbis rerum omnium conseruationem, & quasi vitam à Verbo pendere. Sicut enim nihil fieri potuisset, nisi per Verbum esset factum; ita nihil perduraret atque permaneret, nisi per Verbum DEI conseruaretur, & quasi manu teneretur. Quocirca Paulus dixit, Filium DEI omnia portare Verbo virtutis suæ: atque hoc idem significauit Dauid in Psalmo centesimo trigesimo octauo dicens, *Ecce Domine tu formasti me*, significans DEVM esse conditorem & effectorem ipsius: deinde subdit, *Et posuisti super me manum tuam*, significans DEVM esse conseruatorem & rectorem ipsius; quasi manu ipsum teneret & sustentaret & regeret: huius item simile est quod in capite vndecimo libri sapientiæ legitur: *Quomodo, inquit, posset aliquid permanere, nisi tu voluisses? aut quod à te vocatum non esset, conseruaretur?*

- 55 Ad hanc igitur lectionem & interpretationem Cyrilli applicando hæc verba Ioannis, dupliciter exponi potest illud, *In ipso vita erat*, nam illud, *In ipso*, referri potest vel ad ipsum Verbum, vel ad id quod factum est: si referatur ad Verbum, reddit hunc sensum: Quod factum est à Verbo, id erat vita in ipso Verbo, id

F est,

est, conseruabatur, & quasi viuificabatur à Verbo: nomen enim vitæ tum hîc, tum alibi sæpe in Sacris litteris, latè sumitur, ita vt significet conseruationem, sicut verbum viuificare, frequenter vsurpatur pro eo quod est conseruare. Omnia igitur quæ facta sunt, in Verbo sunt vita, quia per Verbum viuificantur & conseruantur. Sin autem illud, *In ipso*, referatur ad id quod factum est; & illud, *Vita erat*, referatur ad ipsum Verbum, erit hic sensus: In omni eo quod factum est, Verbum erat vita, id est, Verbum rebus à se factis vitam & vigorem & conseruationem præstabat, vt subsistere possent: atque hæc est quidem Cyrilli explicatio huius loci; eaque magis congruit coniunctioni huius sententiæ cum sequentibus; nam cum subditur, & *Vita erat lux hominum*, sine dubio illud, *Vita*, refertur ad Verbum DEI: ergo etiam in præcedenti sententia illud, *Vita erat*, ad Verbum referri debet, vt eadem vox & præcedentem claudat sententiam, & inchoet sequentem. Quod autem verbum viuificare latè sumatur pro conseruare, patet ex eo quod Paulus de DEO dixit, *Qui viuificat omnia*: & Dauid in Psalmis loquens cum DEO sæpè vsurpat illud, *Viuifica me secundum verbum tuum*: & in primo libro Regum capite vigesimo septimo scriptum est, Dauidem cum irrueret in hostes populi DEI, nullum eorum viuificasse, id autem est, nullum conseruasse in vita, sed omnes dedisse neci. Sicut illud, *Viuifica me secundum verbum tuum*, hæc significat, serua me in vita, nec me in mortis discrimen venire patiaris, *secundum verbum tuum*, id est, secundum promissionem tuam; quam promissionem ipse pluribus verbis exponit in Psalmo octogesimo octauo.

Prima ad Timotheum 6.
Psal. 118.

DECIMA SEXTA DISPUTATIO.

Diligenter explicatur eorundem istorum verborum, Quod factum est, in ipso vita erat, interpretatio, quam tradit B. Augustinus, quæ est valde subtilis & planè theologica.



EATVS Augustinus in primo Tractatu super hoc Euangelium explanans hæc verba Ioannis, *Quod factum est, in ipso vita erat*: illud, *In ipso*, refert ad Verbum DEI; illud autem,

autem, *Vita erat*, refert ad illud, *Quod factum est*, hoc sensu: Quidquid per Verbum factum est, id vita est in ipso Verbo. Omnia enim quæ facta sunt, prius quam fierent, erant in potentia effetrice ipsius Verbi: & nunc etiam, postquam iam facta sunt, in eiusdem Verbi notitia & cognitione sunt: quidquid autem est in DEO, est ipse DEVS, & ideo habet esse viuens & diuinum. Sicut domus quæ sit ab architecto, prius fuit secundum artem in mente architecti habens ibi esse intelligibile: quemadmodum igitur domus facta est quidem materialis & sensibilis, sed prius quam fieret, in mente artificis erat, habens esse immateriale, atque intelligibile: ita, licet non omnia quæ facta sunt, habeant in se vitam; ea tamen ratione ut in DEO sunt, cum idē sint quod ipse DEVS, habent utique vitam diuinam: quocirca peruulgatum est apud scholasticos Theologos illud Anselmi dictum, in capite tertio sui Monologij, quod, Creatura in DEO, est creatrix essentia, & Deitas. Hanc porro interpretationem fuse tractat idem Augustinus in libro quinto super Genesin ad litteram capite decimo quarto & decimo octauo: cuius explanationi subscripsit hoc loco Rupertus, & adstipulari sunt, qui post Augustinum fuerunt, omnes ferme Latini Doctores. Nobilitas itaque ac celebritas huius interpretationis & sententiæ poscit, ut eam paulò subtilius, enucleatiusque tractemus.

Anselmus.

57 Scire igitur conuenit, omnia quæ facta sunt, tripliciter esse in DEO, & in ipso Verbo. Primò quidem, sunt in DEO secundum causalem eius efficientiam; omnis enim effectus secundum virtutem causalem, præexistit in causa eius efficiente. Deinde, sunt omnia in Verbo secundum cognitionem: habet enim Verbum distinctam & propriam cuiuslibet rei cognitionem: omne autem quod cognoscitur, est in ipso cognoscente per intelligibilem eius speciem quæ repræsentat ipsum intellectui: in ipso autem Verbo non est alia species repræsentans ei omnia intelligibilia, nisi ipsa diuina essentia. Ad hæc, omnia quæ facta sunt, in DEO sunt propter eminentiam perfectionis diuinæ, quæ cum sit infinita, necessariò continet omnes perfectiones quæ sunt in rebus creatis, sed eminenter. Hæc autem eminentia diuina in quattuor rebus posita est: primò, quia continet eandem perfectionem, sed infinitis

Tribus modis omnia quæ facta sunt esse in Deo.

Diuinæ quattuor modis continere omnia eminenter.

partibus excellentius, quàm sit in re creata, exempli gratiâ, sapien-
tiam, iustitiam, & potentiam, quæ est in hominibus & in Ange-
lis, habet D E V S eminentissimo modo: sicut Sol eminenter dici-
tur lucidus, & ignis calidus respectu aliorum quæ lucida & calida
sunt. Deinde, D E V S continet perfectiones rerum creatarum se-
cundum esse multò nobilius quàm sint in ipsis rebus, habent enim
in D E O esse diuinum: sicut artifex formam domus in animo &
arte sua continet, secundum esse immateriale atque intelligibile.
Præterea; quia vnica & simplicissima D E I perfectio æquipollet,
immò infinitè præpollet cunctis perfectionibus quæ sunt in rebus
creatis: sicut vna præstantissima gemma, vt Adamas, vel Marga-
rita, maioris pretij est, quàm plurimi nummi argentei vel aurei.
Postremò, D E V S eminenter continere dicitur omnes perfectio-
nes, quia continet eas citra vllam imperfectionem & defectus, qui
cum perfectionibus permixti sunt in ipsis rebus creatis: sunt autem

*Perfectio rerū
creatarum
mixta est cū
triplici im-
perfectiōe &
defectū.*

tres eiusmodi defectus. Primò, perfectionem suam creatura non
habet à se, sed à D E O pendentem. Deinde, habet perfectionem
determinatam, & certo quodam gradu definitam. Tum, præstan-
tissima perfectio quæ est in nobilissima creatura, hominem dico
& Angelum, est autem ea perfectio suprema eius felicitas in clara
D E I visione consistens; hæc, inquam, perfectio non est homini
nec Angelo substantialis neque naturalis; sed accidentalis & su-
pernaturali dono D E I eis data.

*B. Dionysius.
Triplex simi-
litudo, qua
ostenditur,
quemadmodū
omnia conti-
neantur in
Deo.*

Ad hoc declarandum quod diximus, omnia in D E O contine- 58
ri, vtitur Beatus Dionysius in libro de Diuinis Nominibus triplici
similitudine: vna est circuli, de cuius centro exeunt plures lineæ;
sed in centro lineæ illæ sunt vnitè, atque indiuisibiliter, quò lon-
gius autem recedunt à centro, eò magis ac magis inter se disjun-
guntur & distant. Altera similitudo est Monadis siue Vnitatis,
quæ principium est omnium numerorum: & sicut numerus non
est aliud quàm vnitas ipsa variè multiplicata; ita non est aliud crea-
tura, quàm natura diuina variè atque imperfectè participata. Ter-
tia similitudo est lucis solaris; quam similitudinem pluribus verbis
prosequitur Dionysius in prima parte libri de Diuinis Nominibus,
& in capite quarto. Quoniam igitur omnia quæ facta sunt, in ipso
Verbo sunt tripliciter, & secundum causalem potentiam, & se-
cundum

cundum omnimodam notitiam, & secundum eminentiam diuinæ perfectionis; ea verò ratione qua res in DEO sunt, idem plane sunt quod ipse DEVS qui est vita; ex eo apparet, verissimè dictum esse, quicquid à Verbo factum est, in ipso Verbo esse vitam.

- 59 Cæterum, quæri hoc loco dignum est, *Vbi creatura verius esse habeat, in Deo, an in se ipsa?* Sed ad hanc quæstionem facilis est & prompta responsio. Illud enim (*verius*) ambiguae significationis est: si enim significet idem quod nobilius & perfectius, procul dubio res habent verius esse in DEO quàm in se ipsis; habent enim in DEO esse viuens, intelligens, increatum, infinitum, & ut verbo dicam, diuinum. Sin autem illud (*verius*) significet idem quod magis proprium & conueniens naturæ ipsius rei; habet profectò res verius esse in se ipsa: nam esse conueniens, exempli gratià, naturæ hominis, est esse corporeum, & mortale, & sentiens, & per discursum intelligens, & finitæ perfectionis, & à naturis aliarum omnium rerum distinctum: tale autem esse non habet homo prout est in DEO, sed prout extra DEVM est in, se ipso & in mundo. At enim, cognitio rerum creaturarum prout illas Beati cognoscunt in Verbo, multò nobilior & suauior est quàm earundem rerum, prout extra DEVM sunt in se ipsis, cognitio: quemadmodum longè suauius est comedere pirum vel cerasum, prout melle vel saccharo sunt optimè condita, quàm ea comedere, qualia ex arbore producuntur & decerpuntur: & ad hoc significandum B. Augustinus cognitionem rerum in Verbo appellauit matutinam; earundem verò rerum cognitionem in ipsismet rebus, verspertinam nominauit.

Verum creatura verius esse habet in Deo, an in se ipsa.

Augustinus.

DECIMA SEPTIMA DISPUTATIO.

Super illis verbis:

Et vita erat lux hominum.

VERS. 4.

- 60 **T**RIA super his verbis distinctè sunt, explicatèque tractanda: Primò, cur Verbum dicatur vita? deinde, cur vocetur lux? tum, cur præcipuè ac propriè appelletur lux hominum? Vita nominatur Verbum per quandam excellentiam, habet enim

Verbum Dei appellari vitam propter sex vita perfectiones, quas excellenter habet.

F 3 excel

excellenter sex perfectiones vitæ. Primò, habet vitam æternam sine principio & fine; & idcirco in Sacris litteris appellatur *Viens in æternum*, sicut legitur apud Daniele capite duodecimo, & apud Ioannem in Apocalypsi capite quinto & decimo, Angelum iurasse per *Viuentem in sæcula sæculorum*; & in capite decimo octauo libri Ecclesiastici scriptum est, *Qui viuunt in æternum, creauit omnia simul*. Deinde, Verbum habet vitam omnino inuariabilem atque incommutabilem, eodémque in statu vigoris & perfectionis perpetuò consistentem. Tum, totus ipse **DEVS** est vita, nec in eo quidquam est quod non uiuat, eius namque sapientia, & potentia, est vita; eius intellectus, & voluntas est vita. Ad hæc, à se ipso habet vitam, & solus ipse **DEVS** sibi sufficiens est ad perfectè beatèque viuendum. Præterea, habet vitam infinitæ virtutis & perfectionis, ita vt per eam omnia quæ sunt in **DEO** & uiuant & sint vita. *Aristoteles.* Postremò, talis est eius vita, vt sit fons omnis vitæ. Aristoteles in libro secundo de Anima distinguit quattuor gradus viuentium, faciens quadruplex viuere, scilicet, nutrirî, sentire, moueri à se ipso secundum locum, & intelligere; & licet hic vltimus gradus viuendi tantum sit in **DEO**, propter imperfectionem aliorum trium; omnes tamen gradus vitæ, qualescunque fuerint, ex infinita illa **DEI** vita promanant.

Deus quadruplicem vitam tribuit animæ rationali, Ephes. 1.

Animæ autem rationali quadruplicem vitam tribuit **DEVS**: **61**
 vnâ quidem naturalem, qua & ipsa per se viuunt anima, & viuificat corpus mortale. Altera est vita gratiæ, de qua loquens Paulus dixit: Nos, cum essemus mortui peccatis, viuificatos esse per **CHRISTVM**: & sicut in diuina scriptura peccatum sæpe nomine mortis appellatur; ita nomine vitæ frequenter vocatur gratia. Tertia vita est gloriæ cœlestis, nondum tamen complete, atque consummatæ; & hæc vocatur æterna vita, quam nunc in cœlis beatæ animæ sine corporibus suis viuunt. Quarta vita, est gloriæ consummatæ; cum resuscitatis corporibus, suo quæque corpori tribuet anima beata vitam immortalem. Quoniâ igitur tam multiplex & admirabilis vita ex Verbo **DEI** promanat, meritò B. Ioannes hoc loco dixit, Verbum esse vitam: meritò etiam Dauid illud cecinit: *Quoniam apud te est fons vitæ, & in lumine tuo videbimus lumen.*

Locus Psalmi 35.

DECIMA OCTAVA DISPUTATIO.

Cur Verbum DEI dicatur lux hominum?

62



EINCEPS explicandum est, cur Verbum sit dictum lux, & cur præcipuè ac propriè lux hominum? Non est Verbum lux corporalis, vt sit ipse Sol non hominibus solum, sed etiam ipsis brutis lucens, quemadmodum stultè Manichæi dixerunt:

Sed appellatur in diuina scriptura CHRISTVS lux metaphorice, propter septem nimirum huius proprietates, quæ adumbrant & referunt diuinas Verbi proprietates. PRIMA, est pulchritudo & decor lucis; quæ tanta est, vt non solum ipsa lux per se decora & pulchra sit, verum aliis etiam rebus decorem ac pulchritudinem impertiatur: vnde in Canticis dicitur: *Pulchra vt Luna*, & in Psalmo centesimo tertio dicitur DEVS amictus lumine tanquam vestimento. SECUNDA, est puritas & munditia lucis: ea namque, licet per omnia permeet, etiam sordidissima, nullius tamen impuritatis contagione inquinatur. TERTIA, est efficacia lucis; per lucem enim cœlestem cuncta quæ sub cœlo sunt, generantur, conseruantur, augentur, & ad maturitatē, perfectionēmq; adducuntur. QUARTA, est lætitia & gaudium quo implet omnia, præsertim verò animantes, & in his præcipuè hominem: quocirca Salomon in capite vndecimo Ecclesiastæ dixit: *Dulce lumen, & delectabile oculis videre Solem*, & cæcus ille Tobias: *Quod gaudium, inquit, mihi esse potest, qui in tenebris sedeo, & lumen cæli non video?* QUINTA, est manifestatio rerum; etenim sine luce, indifcreta iacet rerum omnium facies; per lucem verò manifestantur rerum differentiæ; & per aspectum cœlestis lucis non solum motus, & ordo, & magnitudo, & figura, & immortalitas, & virtus cœlestium corporum deprehenditur; sed etiam vsque ad incorporearum mentium cognitionem penetrat & peruenit humanus intellectus. SEXTA, est mira velocitas lucis in illuminando; subito enim, & velut puncto temporis maximum quodvis spatium, lucis capax, vsquequaque collustrat. SEPTIMA, est generalis virtus illuminandi quam habet lux, per omnes res corporeas, tã sublunares, quàm cœlestes, perti-

Septem proprietates lucis, ob quas Deus vocatur lux.

Cant. 6.

Tobia 5.

nens

Dionysius.

nens atque peruadens. Et hæc quidem septem proprietates lucis corporalis, secundum spiritualem intelligentiam acceptæ, mirificè cōpetunt Verbo DEI; de quo legendus est B. Dionysius in quarto capite primæ partis libri de Diuinis Nominibus, vbi diuinam virtutem cum luce Solis variè comparans affirmat, lucem esse pulcherrimam imaginem diuinæ potentix atque bonitatis.

*Cur Verbum
Dei appelletur
lux hominū.*

Restat explicandum, cur Verbum DEI dictum sit esse lux ho-⁶³minum? Respondeo, sic esse appellatum Verbum DEI ob quattuor bona spiritualia, quæ præstat homini, & quæ similitudinem habent quattuor proprietatum lucis. Lux enim manifestat res, facitq; vt eas videre & discernere possimus: similiter Verbum DEI primò donat homini lumen fidei, per quod manifestantur diuina mysteria, quæ lumen rationis naturalis excedunt. Deinde, CHRISTVS largitur homini gratiam quæ est donum supernaturale & diuinum, mira pulchritudine decorans & ornans animam hominis, faciēsq; DEO eam gratam & amabilem: quamobrem diuina scriptura gratiam, propter decorem & pulchritudinem quam præstat animæ nostræ, sæpe appellat nomine lucis. Ad hæc, CHRISTVS homini tribuit charitatem, & alias virtutes infusās, per quas homo facit bona opera, Deoq; accepta, & præmiis æternis digna. Quam ob causam, cum aliæ virtutes, tum maximè charitas, lux in diuinis litteris nominari solet. Præterea, CHRISTVS post hanc vitam, seruis suis æternam præbet felicitatem, quæ ineffabili lætitia, sempiternoque gaudio Beatos complet; ob idq; cœlestem gloriam & beatitudinem nomine lucis multifariam in Sacris litteris adumbratam legimus. Quin etiam, mos est Sacræ scripturæ, ingens aliquod gaudium & prosperitatem, etiam corporalem atque temporalem, nomine lucis denunciare; contra verò, maximas hominum calamitates, & miseras, nomine tenebrarum significare, idq; per frequens in Prophetis.

*Cur Verbum
dicatur lux
hominū tan-
tium, & non
etiā Angelo-
rum?*

Sed cur Verbum dicitur lux hominū præcisè, & non etiam lux⁶⁴ Angelorū, cum illuminatio Angelorū per Verbū DEI, multò sit, quàm hominū illuminatio, præstātor? An quia propositū B. Ioanni fuerat scribere de Verbo DEI, ea potissimum ratione, vt ipsum præcipuam quandā prouidentiam & curā gerit hominū; non solum eos creando, & naturali atque ordinaria prouidentia conseruando, illumi

illuminando, & regēdo : sed etiam per singularem quandam & admirabilem providentiam docendo eos diuina & supernaturalia mysteria ; ostendendo rectam viam quæ ducit ad æternam vitam ; eripiendo potestati Dæmonum, à seruitute peccati liberando, donis cœlestibus & diuinis ornando & honorando ? An quia illuminatio hominum facta per verbum DEI, notissima fuit ipsi homini : Verbum enim caro factum est per suam prædicationem, & per doctrinam & prædicationem Discipulorum suorum manifesta illuminatione tenebras errorum atque vitiorum expulit, luce veritatis & iustitiæ atque sanctitatis oblata ? An vt exploderet falsam quorundam Philosophorum sententiam aientium, humanum intellectum illuminari ab infima intelligentia cœlesti, sicut dixit Auicenna, & alij quidam Arabes Philosophi ? An potius ita B. Ioannes locutus est, quia si intellectus humanus, qui Angelicorum ordinum intellectibus comparatus, est infimus, & à DEI cognitione remotissimus, ab ipso tamen DEO illuminatur ; quanto magis putare conuenit, etiam Angelos à DEO illuminari ? Mihi istarum rationum prima præ cæteris probatur.

DECIMA NONA DISPUTATIO.

Super illis verbis:

Et lux in tenebris lucet, & tenebræ eam non comprehenderunt.

VERSV 5.

65 **D**ECLARANDVM primo loco est, quid significetur hic nomine tenebrarum ? deinde, quomodo lux in tenebris luceat, & quomodo tenebræ eam non comprehenderunt ? Quid significetur nomine tenebrarum, sex reperiō interpretationes. PRIMA est Cyrilli tenebras interpretantis creaturam rationalem ; hæc enim quia lucem intelligentiæ non habet à se, sed ignorantiam magis, quamquam capax est intelligentiæ ; idcirco nomine tenebrarum significata est à B. Ioanne. SECUNDA interpretatio est Caietani, per tenebras significari creaturas irracionales, sic appellatas, quia carent lumine

Quid nomine tenebrarum significetur, sex interpretationes. Prima Cyrilli.

Secunda Caietani.

G intel

*Tertius Chry-
sostomi.*

intellectualis; & ideo non possunt lucem Verbi comprehendere, quia cognitionem DEI nullo modo attingunt. TERTIA est Chrysostomi, tenebras interpretantis & mortem, quæ est humani generis commune malum, & errores gentilitatis. Etenim virtus CHRISTI eluxit in morte, cum eam sua morte destruxit, nec mors cum potuit comprehendere ac detinere; sed statim à morte resurrexit ad vitam immortalem, & beatam. Nec infidelitas gentilium, erroresque veritatem fidei & doctrinæ CHRISTI comprehendere, id est, obscurare potuerunt; quin potius errores gentilitatis CHRISTVS infusa veritatis luce discussit. QUARTA interpretatio quorundam, nomine tenebrarum significari existimantium aduersarias potestates & ipsos Dæmones, quos etiam Sacra scriptura appellat principes & potestates tenebrarum. In istis autem luxit CHRISTVS dupliciter: eos namque potentia CHRISTI ex humanis corporibus inuitos atque repugnantes eiecit, etiã palàm testificantes ipsum esse virum iustum & sanctum, & Filium DEI, & CHRISTVM. Effulsit quoque CHRISTI potentia in victoria Dæmonis, quem, ut ait scriptura, CHRISTVS alligauit, & spoliauit, & foràs eiecit.

*Matth. 8. &
alibi.
Luca 11.
Ioan. 12.*

*Quinta inter-
pretatio Au-
gustini, Bedæ,
Ruperti, etiã
ipsius Caieta-
ni.*

*Locus ad
Ephesios c. 5.
Ad Rom. 13.*

QUINTA interpretatio est Augustini, & Bedæ, & Ruperti, & 66 quam Caietanus posteriori loco commemorat, eamque cum sequentibus sententiis huius capituli maximè congruere fatetur. Secundum istos, nomine tenebrarum significantur homines peccatis & erroribus obtenebrati & obcecati: solet enim diuina scriptura & ipsa peccata, & ipsos homines peccatores appellare tenebras: sanè, Paulus ad Ephesios scribens capite quinto, *eratis*, inquit, *aliquando tenebre, nunc autem lux in Domino, ut filij lucis ambulatis.* & alibi Pàulus distinguit filios lucis & filios tenebrarum. Quemadmodum autem Verbum DEI in huiusmodi hominibus peccatoribus tam exterius quàm interiùs, & multis, variisque modis luceat, opportunius declarabitur paulò infra super illis verbis, *Erat lux vera quæ illuminat omnem hominem venientem in hunc mundum.* Ioannes porò signatè in præsentì tempore dixit, *luet*, & non, (luxit, aut lucebat), ut significaret, illuminationem DEI super homines, etiam peccatores, nunquam intermitteri, sed esse perpetuam; ut ob eius defectum non possit quisquam peccatum suum excu

Tribus modis
tenebra non
comprehende-
runt lucem.

excusare. Hanc verò lucem tenebræ non comprehenderunt, quia multi peccatis obcæcati eam recipere noluerunt: alij receptam, & perspectam, scientes & volentes auerfati sunt, præpositis vitiorum & voluptatum tenebris. Alij, ne hoc quidem contenti, etiam opugnare lucem ipsam ausi sunt; & quantum in ipsis fuit, extinguere conati; de quibus nempe Dominus dixit: *Lux venit in mundum, Ioan. 3. & dilexerunt homines magis tenebras quam lucem.* Ad istos quoque pertinent verba illa Iob quæ sunt in capite vigesimo quarto libri eius, *Ipsi fuerunt rebelles lumini, nescierunt vias eius, nec reuerfi sunt per semitas eius.*

- 67 **S E X T A** interpretatio est, nomine tenebrarum significari quidem homines peccatores, non tamen generatim atque indifferenter quoslibet sicut in quinta interpretatione dictum est, sed speciatim & propriè ipsos perfidos Iudæos, quibus Verbum caro factum præcipuè luxit; ipsi verò eius lucem repudiârunt & abiecerunt. Hanc sextam interpretationem valde adiuuat illud quod paulò post hæc verba subiungitur: *In propria venit, & sui eum non receperunt;* quod de Iudæis dictum esse, dubitari non potest. Quin etiam, Ioannes ipse infra capite duodecimo ad Iudæos pertinere affirmat verba illa quæ sunt apud Isaiam capite sexto, *Excæca cor populi huius, & aures eius aggraua, & oculos eius clauda; ne forte videant oculis suis, & auribus suis audiat, & corde suo intelligat, & conuertatur, & sanem eum.* Quinque porrò modis luxit **CHRISTVS** Iudæis: per cælestis doctrinæ salutiferam prædicationem: per clarissima virtutum exempla & sanctitatis vitæ: per effectiōem supernaturalium operū & miraculorum: per impletionem veterum prophetiarum quæ de ipso **CHRISTO** in veteri testamento erāt: per testificationem Ioannis Baptistæ, aliorūque Iudæorum insigni iustitia ac pietate præstantium; quibus adiungi potest ipsorum etiam Dæmonum testimonium de **CHRISTO** Domino.

Sexta interpretatio.

Locus Isaiæ cap. 6.

Quinque modis
Christus
luxit Iudæis.

- 68 Sed enim, dicet fortasse aliquis, si lux in tenebris lucet, quomodo tenebræ non sunt illuminatæ, ipsam lucem comprehendentes, præsentia enim lucis extemplò tenebras fugat, & locum ante tenebrōsum reddit lucidum? Respondeo: si corpus aliquod opacum sit in media luce, extrinsecus quidem secundum externam superficiem illustratur, intrinsecus tamen lucem non admittit,

Quomodo
lux lucens in
tenebris non
eas dispartiat.

quia lucis, nisi corpus diaphanum, capax non est. Si quis item cæcus sit, vel clausos habeat oculos, quamuis multa sit luce circumfusus, lucem tamen nullatenus cernet: consimili quadam ratione homo peccator, licet diuina luce perfusus sit, attamen propter interiorem quandam animi opacitatem & cordis cecitatem ex diuturno peccandi usu contractam, atque inolitam, diuinæ veritatis & gratiæ lucem haud quaquam comprehendit. Audiat lector, quid in hanc ipsam sententiam de Iudæis in capite duodecimo huius Euangelij scripserit B. Ioannes: *Cum tanta*, inquit, *CHRISTVS signa fecisset coram eis, non credebant in eū.* Similis profecto fuit de Iudæis expositio Mosis, in capite vigesimo nono Deuteronomij hisce verbis exposita: *Vos* (loquitur Moses Iudæis) *vidistis vniuersa quæ fecit Dominus coram vobis in terra Ægypti, signa & portenta ingentia: & non dedit vobis Dominus cor intelligens, & oculos videntes, & aures quæ possint audire, usque ad præsentem diem.* Similia eorum quæ diximus, tradit Augustinus, super hoc ipso loco ita scribens: Homo positus in Sole cæcus, præsens est illi Soli, sed ipse Soli absens est: sic omnis stultus & iniquus atque impius, in corde suo cæcus est. Præsens est illi sapientia DEI, sed cum præsens est cæco, oculis eius absens est; non quia ipsa sit ei absens, sed quia ipse est absens ab illa. Quid ergo faciet iste hominem, vnde sapientia DEI possit videri. Si enim propterea quis videre non posset, quia sordidos vel faucios haberet oculos, irruente puluere, aut pituita, aut fumo; diceret illi Medicus, *Purga ex oculo tuo quidquid mali est, vt lucem oculis tuis videre possis.* Puluis, pituita, fumus, peccata sunt, tolle ista ex corde tuo, & videbis lucem sapientiæ quæ præsens est tibi; *DEVS* enim, qui vbique est, est ipsa sapientia: & dictum est à Domino:

Beati mundo corde, quia ipsi

DEVM videbunt. hæc

Augustinus.

VIGE

VIGESIMA DISPUTATIO.

*Super illis verbis:*Fuit homo missus à DEO, cui nomen erat Ioannes, VERS. 6.

*Et cetera quæ sequuntur usque ad illud, Erat lux
vera quæ illuminat omnem hominem
venientem in hunc mundum.*

69 **P**AVCA quædam interponuntur hoc loco de B. Ioanne Baptista, duas ob causas: primò quidem, ut ex eius comparatione, cuius magna erat apud Iudæos sanctitatis & auctoritatis existimatio, clariùs enotesceret CHRISTI Domini excellentia; Si- quidem summa Ioannis dignitas in eo fuit, quòd CHRISTI præcursor, & prænūcius, & testis, & præco fuit. Deinde, verba hæc de Ioanne Baptista facere voluit Ioannes Euangelista, ut quia mox dicturus erat, Iudæos non recepisse missum ad se CHRISTVM, præmonstraret, eorum ignorantiam CHRISTI, prorsus esse inexcusabilem: etenim Ioannes Baptista præmissus à DEO fuerat, ut aduentum CHRISTI Iudæis denunciaret, & digito suo præsentiam eius demonstraret.

70 Appellatus est autem Ioannes Baptista *homo*, ne fortè quisquam vel propter inusitatam eius vitæ asperitatem, vel propter vaticinium Malachia, appellantis ipsum Angelum, putaret non fuisse eum verum hominem. Origenes certè non dubitavit hoc loco Ioannem dicere fuisse Angelum incarnatum: quin etiam verisimile putat, incarnato verbo DEI, nonnullos etiam Angelorum incarnari voluisse; tum, in obsequium & ministerium ipsius Verbi incarnati: tum, quoquo modo assimilari ei cupientes: quemadmodum, si Rex vulgarem & vilem aliquem sumat vestitum, confestim aulae principes similem induendi vestitum incessit cupido. At enim Ioannem fuisse Angelum, non modò falsum, sed absurdum & impossibile est. Ioannes enim, ut verus homo, & conceptus, & natus, & educatus, & conuersatus cum hominibus, & mor-

*Origenis er-
ror.*

tuus est. Nec potuit, qui verus homo erat, fuisse Angelus, nisi vel Angelo informante corpus humanum, eo modo quo anima rationalis informat ipsum; sed cum Angelus sit natura quædam omnino completa in gradu Angelico, non potest esse forma & pars essentialis naturæ humanæ, quæ tam diuerso in gradu constituta est. Vel id factum esset, assumente Angelo naturam humanam sine eius personalitate, in vnitate personæ Angelicæ, sicut Verbum DEI assumpsit naturam humanam in vnitate suæ personæ; sed hoc proprium est Verbi DEI, nec alij naturæ conuenit quàm infinitæ potestatis & perfectionis. Malachias porro in capite tertio vocauit Ioannem Baptistam Angelum, siquidem ipsemet Dominus Malachiæ verba referens, ea de Ioanne Baptista esse scripta dixit; Ioannem inquam vocauit Malachias Angelum, vel propter admirabilem eius sanctitatem vitæ, Angelicā nempe magis quàm humanam: vel propter officium annunciandi aduentum CHRISTI. Angeli enim nomen significat nuncium.

Sed quid significat illud, *missus*? verbū Græcum quod in hoc loco 71 est, propriè significat mittere cum mandatis, siue legationis munus iniungere: vnde ductum est nomen Apostoli, cuius nominis vim quasi interpretans Paulus in quinto capite posterioris Epistolæ ad Corinthios, *Pro CHRISTO*, inquit, *legatione fungimur*. Ac licet omnes etiam Prophetæ missi fuerint à DEO, Ioannis tamen Baptistæ missio multis rebus eximia & singularis fuit. Primum enim, missio Ioannis prophetata fuit à multis, vt ab Esaia capite quadragesimo illis verbis: *Vox clamantis in deserto*, & à Malachia capite tertio, cum dixit: *Eccē ego mitto Angelum meum*. Quinetiam putat Cyrillus, eam fuisse prophetatam à Dauide in Psalmo centesimo trigesimo primo illis verbis: *Parauī lucernam CHRISTO meo*: Ioannes enim dictus est à CHRISTO *lucerna ardens & lucens*. Missio quoque Ioannis prædicta est ab ipso eius patre Zacharia, cum dixit: *Et tu puer Prophetā altissimi vocaberis, præbis enim ante faciem Domini, parare vias eius*. Deinde, missio Ioannis multis & magnis prædecorata est miraculis, in eius cōceptu & in ortu. Ad hæc, propter incredibilem vitæ eius asperitatem & sanctitatem, tot annos in deserto cum omnium admiratione transactæ, missionis eius præstantia comprobata est. His adde, quod alij Prophetæ missi sunt,

*Angelum non
pisse incarna-
ri.*

*Car Ioannes
Baptista di-
ctus fuit An-
gelus?*

*Matth. 11.
Lectus Mala-
chia cap. 3.*

*Ioannis missio
quinque re-
bus fuit exi-
mia.*

*Ioan 5.
Lucæ 1.*

sunt, ut longè post venturum Messiam prænunciarent: Ioannes verò missus est, ut præsentem mundo demonstraret. Denique ut non solum verbis, sed factis etiam CHRISTVM præiceret, missus est Ioannes; nam & nasciturum, nascendo; & baptizaturum, baptizando; & prædicaturum, prædicando; & moriturum, moriendo præcessit. Quomodo autem Ioannes missus à DEO fuerit, an per exteriorem aliquam apparitionem; an per visionem quampiam imaginariam; an per interiorem illuminationem & instructionem, & destinationem ad munus quod obiturus erat; an potius per hæc omnia, aut pleraque simul, in Sacris litteris expressum non est. Illud tantum dixit Lucas, *Factum est verbum Domini* Luca 3. *super Ioannem Zacharia filium in deserto: & venit in omnem regionem Jordanis, prædicans Baptismum penitentiae in remissionem peccatorum.*

- 72 Sequitur illud, *cui nomen erat Ioannes.* Nomen Ioannis, si etymologiam eius euoluas, significat gratiam & misericordiam DEI: & duplex eius nominis claritas fuit; Altera ex impositore eius nominis, qui fuit DEVS per Gabrielem Archangelum; impositio autem nominum à DEO facta, ut est rara, ita magni alicuius boni prænuncia est, sicut animadvertere est in Abraham, & Israel, & in Petro. Altera claritas istius nominis elucet ex significatione eius, significat enim ut diximus, gratiam & misericordiam DEI; quod sanè ad B. Ioannem bellè quadrat. Etenim ipse, per DEI gratiam & misericordiam, parentibus infæcundis & impotentibus generandi concessus est: ipse gratiâ repletus est, & sanctificatus in utero matris suæ: ipse per gratiam DEI, omnibus qui ante se fuerant Prophetis & Sanctis præcelluit: ipse fuit quasi Horizon legis antiquæ, & Euangelij, veterem statum legis Mosaicæ & doctrinæ Propheticæ terminans, & inchoans statum noui testamenti & gratiæ Euangelicæ: denique, ipse præco fuit CHRISTI, per quem, & à quo omnis gratia data est hominibus.

- 73 Restat illud explicandum, *ut omnes crederent per illum.* Hic primò scire conuenit, illud *ut*, non denotare effectum & fructum consecutum missionem & testificationem Ioannis; non enim ita euenit, ut omnes per Ioannem crediderint, immò verò pauci crediderunt: sed significare finem intentum per eam missionem & testificationem Ioannis; intentum dico à DEO, non per absolutam

1. Timoth. 2.

tam eius voluntatem, quæ vocatur à Theologis, voluntas beneplaciti, hæc enim semper impletur, & ad effectum peruenit; sed per voluntatem DEI quam Theologi vocant antecedentem, vel signi, qua scilicet voluntate Paulus dixit DEVM velle omnes homines salvos fieri, & ad agnitionem veritatis venire, qua voluntate DEVS voluit legem Euangelicam eiusque sacramenta in commune publicari & exponi cunctis hominibus ad eorum salutem. Illud porro *omnes*, vel ad Iudæos tantum referri potest, de quibus nempe deinceps loquitur Ioannes Euangelista, ad illos enim tantum & non ad Gentes missus est Ioannes Baptista, & apud illos tantum non autem apud Gentes testimonium de CHRISTO perhibuit. Vel etiam referri potest ad omnes tam Iudæos quam Gentes, omnes enim per Ioannem crediderunt in CHRISTVM, non quidem (vt ita loquar) immediatè, sed mediatè; nam per Ioannem Baptistam crediderunt Apostoli, alijque Iudæi, per quos deinde omnes Gentes fidem CHRISTI receperunt, aut certè recipere potuerunt. Nec videri profectò debet absurdum, sicut Caietano visum est, homines per Ioannem credidisse in CHRISTVM; creditur enim in CHRISTVM per hominem, tanquam per instrumentum & administrum DEI, prædicando nimirum, & miraculis confirmando doctrinam fidei: hoc enim docuit nos B. Paulus in quinto capite posterioris Epistolæ ad Corinthios ita scribens: *DEVS erat in CHRISTO, mundum reconcilians sibi, non reputans illis delicta ipsorum: & posuit in nobis verbum reconciliationis. Pro CHRISTO ergo legatione fungimur, tanquam DEO exhortante per nos: obsecramus pro CHRISTO, reconciliamini DEO.* Quamvis itaque illud pronomen *illum*, secundum Græcam lectionem referri queat & ad lumen & ad Ioannem, quoniam & masculino & neutri generi euenire potest; rectè tamen Latinus interpres istud pronomen Græcum Latine reddit *illum*, referens utique ad Ioannem, cui profectò, secundum verborum sententiam, magis conuenit quam lumini; quidquid Erasmus & Caietanus dicant, Latinam translationem, ubicunque possunt, carpentes. Quod autem dicere, per hominem credi in CHRISTVM, non modò non sit falsum, sed etiam maximè congruens Diuinæ scripturæ, quæ isto loquendi modo utitur, satis indicat, vel vnus ille locus Euangelij Ioannis.

Ioannis, in cuius capite quarto scriptum est, complures Samaritanorum credidisse in CHRISTVM propter verbum mulieris Samaritanæ: per illam igitur mulierem, Samaritani crediderunt in CHRISTVM.

VIGESIMA PRIMÂ DISPUTATIO.

Super illis verbis:

Erat lux vera, quæ illuminat omnem hominem
venientem in hunc mundum. VERS. 9.

De tredecim modis quibus hominem DEVS illuminat.

74 **E**T illi voci lux & illi voci *vera* in Græca scriptura præpositus est articulus; quo significatur prima illa & summa lux, omnisque lucis fons: & de hac luce intelligendum est id quod proximè ante dictum est de Ioanne Baptista, *Non erat ille lux*: hæc nimirum lux vera. Nam quod quidam dixerunt, ibi Ioannem dici lucem sine articulo, Verbum autem appellari lucem præposito articulo; id sanè non valde firmum est: siquidem apud Matthæum capite quinto Apostoli appellantur à CHRISTO *Sal terra, & lux mundi*, articulo utrique voci præposito. Ioannes itaque non erat lux vera, de qua hic agitur: Verbum autem erat lux vera; idque probatur manifesto signo, proprioque effectû veræ lucis, quia Verbum illuminat omnem hominem. Dicitur porro Verbum lux vera tripliciter: Primò, contra falsam lucem Philosophorum, scilicet permixtam multorum tenebris errorum: deinde, contra umbratilem & figuratiuam lucem legis & doctrinæ Iudaicæ: ad hæc; contra participatam & diminutam lucem, qualem habent creaturæ intellectuales per diuinæ lucis participationem. Rectè enim adnotauit Iansenius, hæc vocabula, *Verum & Veritas*, tribus modis in Sacra scriptura usurpari: vel ut opponantur falso & falsitati, quo pertinet illud Pauli ad Ephesios quarto, *Deponentes mendacium, loquimini veritatem*. Vel qua ratione opponuntur ei quod est umbratile vel figuratiuum, sicut Ioannes paulò infra dixit, *Lex per*

Cur verbum dicatur lux vera.

Iansenius. Verum & Veritas tribus modis usurpatur in scriptura.

H *Mosen*

Mosen datus est, gratia & veritas per IESVM CHRISTVM facta est. Vel prout opponuntur ei quod est tale per participationem, sicut Ioannes dixit in ultimo capite primæ Epistolæ suæ, *Et simul in vero Filio eius*, CHRISTVM appellans verum Filium DEI, quia est filius naturalis; ad differentiam nempe sanctorum hominum qui dicuntur filij DEI, sed quia non sunt filij secundum naturam, sed per gratiam adoptionis, idcirco non sunt veri filij, sicut est CHRISTVS.

*¶ Tredecim m.
di quibus
Deus illumi-
nat homines.*

Super illis verbis, *Illuminat omnem hominem*: scire conuenit, 75
DEVM variè admodum, multisque modis illuminare homines. Primo: Illuminat hominem creando animam rationalem, & in ea naturale lumen rationis accendendo: de quo munere gratias DEO agens Dauid dixit in Psalmo decimo quinto, *Benedicam Dominum qui tribuit mihi intellectum*, & ad hoc multi applicant illud quod scriptum est in quarto Psalmo, *Signatum est super nos lumen vultus tui Domine*. Secundo: illuminat hominem per sinderesin conscientie, & habitum primorum principiorum tam speculatiuorum, quàm practicorum, quem DEVS cunctis hominibus naturaliter indidit. Atque his duobus modis homo in vniuersum, & naturaliter, & super cuncta animalia, illuminatur à DEO: & huc spectat illud quod est in trigesimo quinto capite libri Iob, *Qui docet nos*, inquit, *super iumenta terra, & super volucres cæli erudit nos*. Tertio: per creaturas quæ sunt in mundo, quarum aspectus & contemplatio, propter earum multitudinem, ordinem, pulchritudinem, admirabiles effectus, & plurimas maximasque vtilitates, quæ ad hominem ex ipsis perueniunt, docet hominem creatoris earum potentiam, sapientiam, & bonitatem: vnde Paulus dixit, inuisibilia DEI, per ea quæ facta sunt, intellecta conspici: & in decimo tertio capite libri sapientiæ ita scriptum est: *A magnitudine speciei creature, cognoscibiliter creator horum videri potest.*

*Locus Iob ca.
35.*

Ad Rom. 1.

*Iustinus Mar-
tyr. Clemens
Alex. Adrinus.*

Quarto modo DEVS homines illuminat per humanam phi- 76
losophiam & scientiam; de eo quippe dixit Dauid in Psalmo 93. *Qui docet hominem scientiam*. Iustinus Martyr & Clemens Alexandrinus affirmant, sicut DEVS Iudæis dedit legem & Prophetas; ita cum gentibus dedisse philosophiam per quam videlicet & DEVM ipsum cognoscerent, & bonum à malo discernen-
tes,

res bene viuendi rationem ab ea perdiscerent. Quinto: illuminat DEVS hominem vel interiùs vel exteriùs per Angelos, sicut pluribus verbis docet Dionysius Areopagita in libro de cœlesti Hierarchia. Sexto: per infusum lumen fidei, quo illuminatur homo ad cognoscenda & credenda supernaturalia diuinarum rerum mysteria. Septimo: per quatuor illa Spiritus Sancti dona, quæ ad illuminationem & directionem humani intellectus pertinent, consilij, intellectus, scientiæ, ac sapientiæ. Octauo: per Sacrarum scripturarum doctrinam. Nono: per supernaturalia opera & miracula, quæ sunt certa veritatis & potentiæ DEI argumenta. Decimo: per extraordinarias illuminationes, & inspirationes. Vndecimo: per occularum rerum reuelationes, & propheticas visiones, siue in somno, siue in vigilia. Duodecimo: per sanctorum hominum prædicationes, exhortationes, scripta, & vitæ ac virtutum exempla. Decimo tertio: per lumen gloriæ, quæ est perfectissima hominis illuminatio, de qua dixit Dauid, *In lumine tuo videbimus lumen.* P^{sal.} 35.

Dionysius
Areopagita.

P^{sal.} 35.

VIGESIMA SECVNDA DISPUTATIO.

Cùm multi homines non habeant in se lumen siue illuminationem DEI, quomodo intelligendum sit, omnem hominem illuminari à DEO?

77



YRILLVS faciliè hanc difficultatem expedit, interpretatus illuminationem naturalem, cunctis hominibus per rationis lumen inditam. Hanc ipsam secutus interpretationem Caietanus: Non alicui tantum homini, inquit, sed vniuersaliter omnibus hominibus illuminationem præbet Verbum, vt intelligamus, Ioannem loqui de naturali lumine intellectus, quo videmus immediate, absque studio, veritatem primorum principiorum, & per hoc confurgimus ad videndum inuisibilia DEI per ea quæ facta sunt, intellecta: hoc enim lumen præbet omni homini lux illa suprema. Tempus autem quo fit ista illuminatio hominum exprimitur, cùm subiungitur, *Venientem in mundum.* Tunc enim omnis homo illuminatur, quando venit in mundum: tunc autem venit in mundum,

Cyrius.

Caietanus.

Ad Rom. 8.

H 2

quando

quando fit siue generatur; imò ipsum fieri siue generari, est ipsum venire in mundum: nam si priùs fuisset, etiam priùs fuisset in mundo, & non diceretur tunc venire in mundum. Sic Caietanus.

Sed plures Doctorum istiusmodi illuminationem omnium hominum, interpretantur de speciali quadam & gratuita DEI illuminatione, ad spiritualem hominum salutem pertinente: variè ta-

Chrysoſt.

men propositam suprà difficultatem solvunt. Chrysoſtomus ait, omnem hominem illuminari à DEO, quantum in ipso DEO est: Si homo lumen diuinum non accipit, non luminis defectu, sed culpa hominis id accidit. Verùm, obiiciet fortasse quispiam illud quod in cap. 5. lib. Sap. scriptum est de impiis hominibus qui dixe-

Locus libri
ſapientia c. 5.

runt, *Iuſtitie lumen non luxit nobis, & Sol intelligentie non eſt ortus nobis.* Ad hanc obiectionem respondendum est; diuinum lumen lucere omnibus, quia omnibus propositum & oblatum est, & ſufficiens est illuminare hominem: verùm quod attinet ad efficaciam illuminandi, & ad principalem effectum diuinæ illuminationis, qui est liberatio à peccatis, & reductio hominis ad DEVM, & denique consecutio vitæ æternæ; hac, inquam, ratione, non omnis homo illuminatur à DEO; sed id contingit, vt diximus, non defectu illuminationis diuinæ, sed hominis culpa. Origenes hominem venientem in hunc mundum interpretatur venientem & ingredientem in Ecclesiam CHRISTI, per fidem ſcilicet, & Sacramenta. Sed ista interpretatio & planè allegorica est non autem litteralis; & mundum ſumere pro Ecclesia CHRISTI, ſatis est inſolens in Sacris litteris.

Origenes.

Rupertus.

Rupertus hoc loco DEVS omnem hominem, inquit, illuminat, non quia omnes homines illuminentur, sed quia omnes qui illuminantur, per ipsum illuminentur. Quamquam igitur homines non omnes illuminantur; omnes tamen homines qui illuminantur, non ab alio quàm à DEO illuminantur: & hac ratione Rupertus interpretatur etiam illud quod est in Psalmo centesimo quadagesimo quarto: *Dominus erigit omnes eliſos, & alleuat omnes qui corruunt*, quia nimirum omnes qui eriguntur & alleuantur, ab ipso DEO eriguntur & alleuantur. Dionysius Carthusianus: illuminat, inquit, DEVS omnem hominem, quia ex omni hominum sexu, ætate, natione, & conditione, aliquos illuminat, ita vt signum illud

Carthusia-
nus.

illud vniuersale *omnes*, non denotet singulos homines, sed omnia genera, omnesque differentias hominum. At enim, & Rupertus & Carthusianus suas istas loci huius interpretationes acceperunt à B. Augustino, qui eas in suo Enchiridio capite centesimo secundo his verbis tradidit: Cùm legimus illud quod de D E O Aposto-

Augustinus.

lus dixit: *Qui vult omnes homines saluos fieri, & ad agnitionem veritatis venire*, quamuis nobis certum sit, non omnes homines saluos fieri; non ideo tamen debemus omnipotentissimæ D E I voluntati aliquid derogare; sed ita intelligere, tanquam diceretur, nullum hominem fieri saluum, nisi quem D E V S saluum fieri voluerit: non itaque omnis homo saluus fit, sed omnis qui saluus fit, D E I voluntate saluus fit. Sic etiam intelligimus id quod in Evangelio Ioannis scriptum est: *Qui illuminat omnem hominem*, non quia nullus hominum sit, qui non illuminetur à D E O; sed quia nullus homo illuminatur, nisi à D E O, & quicumque hominum illuminatur, non ab alio quàm à D E O illuminatur. Aut certe per illud, *Omnes homines*, omne genus hominum intelligamus per quascunque differentias distributum, verbi gratiâ, Reges & priuatos, nobiles & ignobiles, doctos & indoctos, sanos & ægrotos, ingeniosos & tardicordes, fatuos & prudentes, diuites & pauperes, marces & feminas, infantes, pueros, adolescentes, iuuenes, senes; in linguis omnibus, in moribus omnibus, in artibus omnibus, in voluntatum & conscientiarum varietate innumerabili constitutos, & si quid aliud differentiarum est in hominibus. Isto enim locutionis modo vsus est Dominus, cùm dixit Phariseis: *Decimatis mentam, & rutam & omne olus*, non quòd Pharisei omnia olera vbicumque locorum singularim decimarent; sed quòd ex omni olerum genere decimarent: consimili ratione intelligere possumus D E V M velle omnes homines saluos fieri, quia ex omni genere hominum vult homines aliquos saluos fieri. hætenus ex Augustino.

1. ad Tim. 1.

*Luca 11.
Matth. 23.*

- 80 In illis verbis, *venientem in hunc mundum*, sciat lector, illud pronomen, *hunc*, non esse in scriptura Græca, sed sine ipso legi præcisè, *mundum*, præposito tamen articulo Græco τοῦ; Latinus autem interpres & hic, & alibi articulum Græcum τοῦ, vertit in pronomen, *hunc*, quo vsus est hoc in loco non ad distinguendum hunc mundum inferiorem & sublunarem à mundo superiori & cœlesti,

Augustinus.

sed loco signi demonstratiui, sicut in vulgari sermone dici solet, hoc cælum, hic Sol, hæc Luna. Quamquàm B. Augustinus istud pronomen *hunc*, quasi notam distinctionis accipiens, interpretatur mundum hunc inferiorem, & diuersum à cœlesti Patria & Paradiso, locum videlicet non solum corporalibus tenebris, sed multo magis spiritualibus errorum & peccatorum tenebris obscurum & caliginosum: vt ob eam causam, veniens homo in hunc mundum, maximè indigeat illuminatione diuina. Per id autem quod dicitur, *venientem in hunc mundum*, significatur quàm generalis sit hæc DEI illuminatio, quippe non tantum pertinens ad homines in vnum aliquem terræ angulum conclusos, veluti ad Iudæos; sed ad omnes vbique terrarum atque locorum degentes.

Quid sit venire in mundum.

Venire porro in mundum, & exire de mundo, phrasæ propriæ 81

sunt diuinæ scripturæ: per illam significatur idem quod generari siue nasci; per hanc verò, idem quod mori. Isto autem loquendi modo voluit fortasse Sacra scriptura significare, animam rationalem esse substantiam quandam per se existentem, & separabilem à corpore; eiusque originem non esse à materia, vt ex eius potentia educatur; sed extrinsecus esse à DEO. Hoc etiam vidit, & luculentis verbis scriptum reliquit princeps Philosophorum Aristoteles, affirmans, alias quidem animas intrinsecus ex ipso semine produci: solam verò mentem & intellectum extrinsecus aduenire. Aurea eius verba, in libro secundo de generatione animalium capite tertio, huiusmodi sunt: *Quorum principiorum actio est corporalis, hæc sine corpore esse non posse certum est, verbi gratia, ambulare sine pedibus: itaque extrinsecus ea venire impossibile est; nec enim ipsa per se accedere possunt, cum inseparabilia sint; neque enim corpore, semen enim excrementum alimenti mutati est. Restat igitur vt mens sola extrinsecus accedat, eaque sola diuina sit; nihil enim enim eius actione communicat actio corporalis.* Sic eo loco Aristoteles. Hoc etiam Caietanus ani-

Caietanus.

maduertit: explanans enim hæc verba, *venientem in hunc mundum*, sic, inquit, locutus est Ioannes ad significandum quod anima rationalis venit ab extrinsecò; hoc est, producitur non per educationem ipsius de potentia materiæ, sicut fiunt animæ reliquorum animalium; sed simplici emanatione à DEO: nec fit tamen prius quàm infundatur corpori, sed creando infunditur, & infundendo creatur.

creatur. Ad significandum igitur singularissimum productionis modum, quo anima rationalis cuiuslibet hominis, sive, dixit illud: *venientem in mundum*. Dixit autem potius hominem venire in mundum, quam animam hominis venire in mundum, ne erraremus suspicando, animas præexistere & præilluminari, antequam homo existat & illuminetur: & omni antiquitate exclusa intelligamus, tunc intellectum animæ nostræ illuminari, cum nos generamur in mundo, id est, ut iam diximus, dum anima creando infunditur corpori, & infundendo creatur. Ita Caietanus.

VIGESIMA TERTIA DISPUTATIO.

Ponitur multiplex confutatio sententiae Origenis aientis, animas rationales ante corpora fuisse in caelo, & propter peccata inibi admissa, in corpora, tanquam in carcerem, supplicij causâ, esse detrusas.

82. **N**ON igitur, quia dictum est, DEVM illuminare omnem hominem venientem in hunc mundum, cogitandum vlli est, animas hominum fuisse ante corpora, & cum quis generatur animam de caelo venire ad corpus eius: quemadmodum Origenes deceptus nonnullis scripturæ sententiis perperam intellectis, vel potius Platonicis dogmatibus imbutus, censuit. Istam enim Platonis sententiam, nomine tamen tacito Platonis, indicavit Aristoteles in primo libro de Anima textu quadragesimo nono ita scribens: *Laboriosum est, commixtum esse corpori, non potens absolui, idque fugiendum est; Siquidem melius est intellectu, non cum corpore esse, quemadmodum & consuetum est dici, & multis placet*. Sic Aristoteles. Hoc verò dogma suum Origenes exposuit cum alibi, tum super illis verbis Psalmi sexagesimi quinti: *Induxisti nos in laqueum*. Conatur autem huic sententiæ fidem astruere ex eo quod Ioannes dixit, hominem venire in mundum, tanquam significans, animam rationalem, propter quam homo est homo, aliunde, ubi prius fuerat, venire ad corpus. Huc etiam applicat illud quod est in Psalmo centesimo decimo octavo. *Prinsepsum ego humiliatus sum, deliqui*. Quibus verbis significari putat, animam propter priora peccata, humiliari & deijci

Aristoteles.

deijci in corpus; Huc item detorquet illud quod est in Psalmo centesimo quadagesimo primo, *Educ de custodia animam meam.* Corpus vocat custodiam & carcerem: & frequentissimum est in Sacra & Ecclesiastica doctrina, separationem animæ à corpore per mortem, vocare solutionem animæ à vinculis corporis. Hoc etiam significare voluit scriptura cum ait, per mortem hominis spiritum eius reuerti ad DEVM qui fecit illum: si enim anima reuertitur ad DEVM, ergo prius fuerat apud DEVM. Et hæc quidem, atque alia quædam huius generis sunt argumenta, & argumentationes Origenis. Putauit itaque Origenes, animas hominum fuisse multò ante assumptionem corporum, & fruenter quidem magnis bonis; sed satietate, vt fit, eius status, licet optimi; & terrestris vitæ turpi cupiditate captas, supplicij causâ, delapsas esse in corpora. Hanc Platoniam sententiam elegantissimis versibus exposuit Virgilius in libro sexto *Æneidos*. Hunc Origenis errorem refutauit Epiphanius in libro secundo Panarij; contra Hæresim sexagesimam quartam, & in epistola ad Ioannem Ierosolymitanum Episcopum, & B. Hieronymus in epistola ad Pammachium de erroribus Origenis. Et istum Origenis errorem multo post tempore suscitauit atque renouauit Priscillianus Hæreticus: de quo legendus est Augustinus in libro de hæresibus numero 26. & Leo Magnus Papa in epistola ad Astoligensem Episcopum; Concilium præterea primum Braccarense, in cuius capite sexto error iste damnatus est.

Ecclesi. 13.

*Virgilius.
Epiphanius.*

Hieronymus.

*Augustinus.
Leo Papa.
Primum Concilium Braccarense.*

Novem rationibus refellitur sententia Origenis animæ animas fuisse ante corpora.

Ego cursim hoc loco attingam aliquot rationes ex variis Sacra- 83
rum litterarum sententiis petitas atque contextas, quibus falsitas & absurditas istius Origenis sententiæ ostenditur atque conuincitur. Prima ratio ducitur ex illis verbis B. Ioannis quæ sunt in hoc loco, *illuminat omnem hominem venientem in hunc mundum.* Si anima hominis tunc venit in mundum cum homo generatur, ergo ante generationem hominis non erat anima: nam si ea fuisset, in mundo vtrique fuisset tanquam pars aliqua vniuersitatis rerum. Secunda ratio: si tunc illuminatur anima cum venit in mundum, & copulatur corpori; ergo ante vnionem eius cum corpore non illuminabatur; cum tamen, secundum Origenem, tunc maximè erat illuminata cum erat separata à corpore, cum autem iungitur corpori,

corpori, obtenebratur magis quàm illuminatur; Tertia ratio: si anima delapsa est in corpus propter antè commissà peccata, vt sic puniatur; quomodo tunc dicitur, secundùm B. Ioannem, illuminari à D E O, potius enim deberet supplicij causà, obtenebrari: si quidem illuminari à D E O, non pœna nec supplicium est, sed magnum D E I beneficium. Quarta ratio: diuina scriptura in capite primo & secundo libri sapientiæ negat, mortem esse opus D E I, sed eam inuidiâ Diaboli accedisse homini; quo significatur, eam non esse bonum quodpiam, sed malum: D E V S mortem, inquit, non fecit: sed creauit D E V S hominem inextermabilem; Diaboli autem inuidiâ mors intrinuit in orbem terrarum. At si corpus est animæ carcer, & detentio animæ in corpore supplicium est, vt dixit Origenes; Mors ipsa profectò, per quam anima exoluitur corpore, hoc est, carcere ac vinculis liberatur, magnum quoddam bonum æstimari deberet.

- 84 Quinta ratio est huiusmodi: B. Paulus in capite nono Epistolæ ad Romanos ait, Iacob & Esau, cùm nondum essent nati, nec boni quidquam aut mali egissent; Iacob tamen esse à D E O dilectum, Esau autem odio habitum: ergo, ante coniunctionem animæ cum corpore, animæ illorum nihil boni vel mali fecerant, contra id quod sensit & dixit Origenes. Idem quoque Apostolus in eiusdem Epistolæ capite quinto scripsit, propter peccatum Adami regnasse mortem in omnes homines, etiam in eos qui non peccauerunt; significans vtique infantes, qui propria voluntate proprium peccatum, vt vocant, actuale, nullum fecerunt. Hoc autem verum non esset, si, vt dixit Origenes, animæ hominum peccassent ante ipsorum generationem. Hoc etiam confirmatur eo quod Paulus dixit in capite quinto posterioris Epistolæ ad Corinthios, omnes homines manifestari oportere ante tribunal C H R I S T I, vt referat vnusquisque, prout gessit in corpore, siue bonum siue malum. Non dixisset Apostolus tantùm, *in corpore*, si ante corpus esset aliquod animæ hominis vel malum vel bonum meritum. Huc etiam pertinet quod Dominus noster in capite nono Euangelij Ioannis dixit de cæco nato, illum non peccasse vt cæcus nasceretur; quia videlicet ante ortum, nullum poterat ille fecisse peccatum. At, secundùm Origenem, anima illius cæci propter antè actæ vitæ peccata,

cata, in tale corpus includi taliq̃ue puniri cœcitate meruerat.

Sexta ratio hanc vim habet: D E V S in veteri lege atrocissimâ scelera puniri morte iussit, tanquam maxima & acerbissima pœna: & ipse vindicaturus maxima hominû flagitia per diluuium, omnes homines, octo duntaxat exceptis, morte deleuit. Atqui, si corpus carcer est animæ, & esse in corpore, supplicium est eius; mors utiq; tali carcere ac supplicio liberans, non pœna, sed beneficium fuisset. Septima ratio: secundum istam Origenis sententiam, generatio hominis in mundo magnum esset malum; per quam scilicet anima de cœlo deiecta in corpus, quasi teterrimum in carcerem detruderetur. At diuina scriptura generationem Isaac, & Samuelis, & Sampsonis, & Ioannis Baptistæ in magnis diuinæ potentiz miraculis, & bonitatis eius muneribus numerat. Octaua ratio: Si corpus est carcer animæ, & supplicium eius est manere in corpore, cur Ezechias Rex tantopere perhorrescebat mortem, vitamque sibi prorogari flagrantissimè cupiebat? cuius Regis precibus & lacrymis permotus D E V S, quindecim ipsi vitæ annos insuper adiecit. Id enim fuisset totidem annos ipsi carceris & supplicij prorogare. Cur etiam Dominus noster amicum suum Lazarum, iam quatrîduo mortuum, reuocauit ad vitam? hoc enim, ex sensu Origenis, fuit, eum iam eduçtum ex carcere, vinculisque solutum, recludere iterum in carcerem & vinculis reuincire? Cur tantopere Sancti resurrectionem corporum optabant, eamque C H R I S T V S Dominus pro summo beneficio & premio seruis suis promisit, cum ea potius, secundum Origenem, auersanda & fugienda esset? Nonna ratio: si vera esset Origenis sententia, coniunctio animæ cum corpore, inuoluntaria & violenta & acerba esset homini; dissolutio verò, & separatio animæ à corpore esset maximè optabilis & letabilis: quod tamen contrà omnino euenit: Apostolus enim dixit, nolle nos spoliari corpore, sed super vestiri, scilicet, accepta eius impassibilitate & gloria: & Aristoteles dixit, omnium terribilius maximè terribile esse mortem. His accedit, quod isti sententiæ Origenis necessariò consequens est, speciem humanæ naturæ, quæ præstantissima omnium mundi huius specierum est, per accidens est in mundo, & ex mala occasione vel causa, ob peccata scilicet animarum facta, priusquàm in corpus veniret.

Cæterum,

1. ad Corinth.

5.

Aristoteles 1.
Eth.

86 Cæterum, quispiam fortasse in suffragium & præsidium sententiae Origenis afferet illum Sacrae scripturae locum, qui est in capite octauo libri sapientiae, ubi Salomon inducitur hæc verba loquens: *Cum essem magis bonus, veni ad corpus incoinquinatum.* Sed enim, Locus libri sapientia e. 8. verba hæc, si attento animo pensitentur, aduersantur magis quam fauent Origeni: Etenim Salomon ait, animam suam, quia erat bona, venisse in corpus incoinquinatum: at Origenes censet, quoniam animæ hominum erant antea malæ, & quia peccauerant, detrusas esse in corpus, tanquam in carcerem. Vera porro istorum Salomonis verborum sententia, huiusmodi est: Quoniam DEVS dederat mihi, inquit Salomon, animam excellenti ingenio, aliisque naturalibus animæ rationalis perfectionibus eximie præditam; (hoc enim Salomon significauit eo in loco illis verbis, *Puer eram ingeniosus, & sortitus sum animam bonam.*) Idcirco, vt, par erat, talem animam copulauit cum corpore pariter bono & perfecto, id autem est, cum corpore optimè temperato, & ad prauas cupiditates, impurâsque voluptates, & flagitia minimè propenso: & huiusmodi corpus vocauit ipse corpus incoinquinatum.

VIGESIMA, QUARTA DISPUTATIO.

Super illis verbis:

Quotquot autem receperunt eum, dedit eis potestatem VER. 12.
filios DEI fieri, his qui credunt in nomine eius: qui non ex sanguinibus, neque ex voluntate carnis, neque ex voluntate viri, sed ex DEO nati sunt.

87 **P**ROXIME antè ostendit B. Ioannes cæcitatem Gentilium, qui ex mundi opificio non cognouerunt mundi conditorem DEVM, dicens, *In mundo erat, & mundus per ipsum factus est, & mundus eum non cognouit.* Ostendit etiam Iudæorum cæcitatem simulque perfidiam atque impietatem, qui Verbum DEI factum hominem, & ad ipsos præcipue missum aut non cognouerunt, aut cognitum non receperunt, dicens, *In pro-*

prævenit, & sui eum non receperunt. Hoc autem loco, verbis illis in titulo huius quæstionis propositis demonstrat B. Ioannes, quanta utilitas & dignitas, recipientibus Verbum D E I contigerit, dicens, istis datam esse potestatem, ut filij D E I fierent.

Quomodo qui iam receperunt ipsum Christum, sint etiam tunc in potentia, ut fiant filij Dei.

At enim, horum verborum sententia perobscura est, tribusque 88 de causis ad intelligendum difficilis. Primò, qui iam receperunt Verbum D E I, quomodo isti potestatem acceperunt ut fierent filij D E I, cum recipiendo ipsum Verbum, facti iam sint filij D E I? Deinde, si, qui receperunt Verbum, isti ex D E O nati sunt, ut ipse paulò post dicit; ergo iam erant filij D E I, per hoc enim fiunt filij D E I, quia ex D E O nascuntur. Illud enim relatiuum, *qui non ex sanguinibus*, procul dubio refertur ad illud, *quotquot receperunt eum*, non autem ad illud, *filios D E I fieri*; sicut falsò putavit Caietanus: id enim apertè demonstrat lectio Græca, in qua relatiuum illud, *qui*, est masculini generis, vox autem illa, *filios*, neutrius generis est. Ad hæc, potestatem ut filij D E I possint fieri, habent etiam qui nondum receperunt C H R I S T V M, sicut potestatem habent credendi in ipsam: nam, ut dixit Augustinus in libro de Spiritu & littera, posse credere, naturæ hominis est; credere autem, gratiæ D E I est.

Augustinus.

Sextuplex proposita difficultatis solutio. Theophylact.

Sex modis nodus hic solui potest, quorum primos tres expo- 89 suit hoc loco Theophylactus. Primus modus est, Ioannem locutum esse de receptione C H R I S T I, quæ fit per solam fidem, & ante gratiam iustificantem quæ datur in Baptismo: sicut videre est in Catechumenis, qui credunt in C H R I S T V M, & postea per Sacrum Baptisimum diuinitus regenerati, fiunt D E I filij. Secundus modus est, Ioannem loqui de perseverantia in filiatione, D E I usque ad finem vitæ. Tertius modus est, Ioannem loqui de gloriosa filiatione, quæ continget homini post resurrectionem corporis; de qua videlicet Paulus in capite octauo Epistolæ ad Romanos dixit, *Adoptionem filiorum D E I expectantes, redemptionem corporis nostri.* Et hunc tertium modum approbauit in hoc loco Caietanus: licet in quinto suo Ientaculo, quæstione quinta alium ponat modum, qui erit hoc in loco quartus: Quotquot, inquit, receperunt C H R I S T V M per fidem charitate informatam, habuerunt potestatem ut filij D E I fierent; sed illa potestas præcessit filiationem,

non

Caietanus.

non ordine temporis, sed ordine tantum naturæ. Quintus modus est, potestatem illam ut fierent filij DEI, datam fuisse recipientibus CHRISTVM ante ipsam eorum receptionem; videlicet per fidei prædicationem, & miracula, & per interiores animi motiones, & specialia DEI auxilia.

- 90 Sextus modus, qui supradictis aliis quinque modis videtur probabilior, est Iansennij, sumptus à Cyrillo super illis verbis, *Dedit eis* Cyrillus. *potestatem*, pro illa voce, *potestatem*, Græcè legi, *ἐξουσίαν*, quæ vox Iansennius. etiam significat auctoritatem, & ius, & dignitatem. Hac significatione Apostolus ea voce usus est in decimo tertio capite Epistolæ ad Romanos cum dixit: *Omnis anima potestatibus sublimioribus subdita sit: &* *Non est potestas, nisi à DEO.* Et in decimo nono capite huius Euangelij scriptum est, Dominum nostrum dixisse Pilato, *Non haberes potestatem aduersum me ullam, nisi tibi datum esset de super.* Præterea, in illis verbis, *Filios DEI fieri*, pro illo, *fieri*, Græcè est *ὑποτάξαι*, etiam significans, *esse*. Ergo plana & germana horum verborum sententia est huiusmodi: Qui receperunt Verbum, illis tanta collata est auctoritas & dignitas, tantumque datum est ius, ut sint filij DEI. Ad hanc ipsam profectò sententiam idem Ioannes in prima sua Epistola dixit: *Videte qualem charitatem dedit nobis* Cap. 3. *Pater, ut Filij DEI nominemur, & simus.*

- 91 Illis autem proximè sequentibus verbis, *qui non ex sanguinibus, neque ex voluntate carnis, neque ex voluntate viri, sed ex DEO nati sunt*, B. Ioannes excellentiam filiationis DEI collatæ recipientibus Verbum demonstrat ex comparatione eius cum humana filiatione, quæ tota carnalis est. Eius namque materia est sanguis menstruus fœminæ, quem Latinus interpres pluratiuè appellauit sanguines, sequutus indubiè Græcam lectionem quæ plurali numero eam vocem habet hoc loco. Nisi fortè quis velit, nomine sanguinum significari vtrumque semen tam fœmineum quàm virile, quod est residuum sanguinei alimentii; & secundum Galenum, Galenus. etiam materialiter concurrat ad generationem hominis. Per illa autem verba, *Neque ex voluntate carnis, neque ex voluntate viri*, denotantur causæ efficientes generationis humanæ, mās, inquam, & fœmina: hæc significata per carnem, ob molliorem sexum, infirmiorémque rationem. Vel significatur duplex appetitus ad gene-

I 3

rationem

Caietan.

rationem humanam concurrens, sensitivus, & rationalis. Caietan-
nus nouam, & valde subtilem, sed non admodum congruam, ho-
rum verborum explanationem tradit, quam ego, studio breuitatis,
in præsentia referre supersedeo.

*Quid sit nasci
ex Deo. &
quibus in re-
bus consistat
hæc natiui-
tas.*

Restant explicanda illa verba, *sed ex Deo nati sunt*: quibus aper- 92
tè ostenditur, filiationem recipientium Verbum, planè diuinam
esse. Hæc autem Natiuitas diuina, siue natum esse ex Deo, in his
rebus consistit: in peccatorum remissione: in gratiæ ac virtutum
infusione: In consortio diuinæ naturæ: In participatione diuini
esse: In eleuatione ad ordinem & gradû rerum supernaturalium:
& in similitudine Naturæ diuinæ, non secundum substantiam, sed
per gratiæ & gloriæ participationem: vt qualis Deus est per na-
turam, & secundum infinitam excellentiam; talis quodammodo
sit homo per determinatam quandam gratiæ & gloriæ ipsius par-
ticipationem.

*Differètia in-
ter Iudæi &
Christianum
circa filiatio-
nem Dei.*

Caterùm, dicit aliquis, etiam ante CHRISTI aduentum, in 93
veteri Testamento, Iudaicus populus appellatus est filius DEI,
atque adeo etiam primogenitus: quid ergo post CHRISTI ad-
uentum, & in nouo Testamento Christianus ex eo quod est filius
DEI, ampliùs habet quàm Iudæus? Respondeo, Iudaicum popu-
lum propterea vocatum esse filium & primogenitum DEI, quod
eum Deus præ cæteris gentibus singulari quadam, & quasi pa-
terna beneuolentia, & cura, & protectione tueretur & regeret ac
defenderet, plurimis aduersùs hostes eius editis prodigiis; vt in
eductione eius ex Ægypto, in deductione per desertum annis qua-
draginta, atque in eiusdem introductione in terram promissionis,
apparuit. Credentes autem in CHRISTVM, dicuntur filij DEI,
non propter istiusmodi bona temporalia; sed propter supernatu-
ralium & diuinorum bonorum participationem, & propter ius
quod habent adeundi & possidendi hæreditatem æternæ felicitat-
is. Cyrillus ex eo quod hîc dicitur, *ex Deo nati sunt*, argumen-
tatur, Spiritum sanctum esse DEVM: Siquidem infra in capite
tertio huius Euangelij scriptum est, Dominum dixisse Nicodemo,
Nisi quis renatus fuerit ex aqua & Spiritu sancto, non introibit in regnum
DEI. Ergo idem est nasci ex Spiritu sancto, atque nasci ex Deo.

Cyrillus.

VIGESIMA QUINTA DISPUTATIO.

Super illis verbis:

Et Verbum caro factum est.

VER. 14.

*Quid in istis verbis significet nomen illud, caro: Et cur
Ioannes dixerit, Verbum esse factum carnem, &
non potius, esse factum hominem?*

94



Æc sententia cum duabus proximis superioribus
sententiis connecti potest: vel cum illa, *in propria
venit & sui eum non receperunt.* Dubitari enim pos-
set, si Verbum ab initio mundi erat in ipso mun-
do, vt supra dictum est, *In mundo erat & mundus
per ipsum factus est:* Quomodo dicitur venisse postea in mundum,
& in particulam quandam mundi, id est, in Iudæam? declarat
ideo Ioannes modum quo Verbum certo quodam tempore venit
in mundum, dicens, *Verbum caro factum est, & habitauit in nobis.*
Nam etsi Verbum semper fuit in mundo secundum suam diuini-
tatem; nouo tamen modo, per incarnationem factus homo, cœ-
pit esse in mundo secundum assumptam à se humanitatem, & in
terris visus est, & cum hominibus conuersatus est: Vel possunt hæc ver-
ba connecti cum illa sententia, *Dedit eis potestatem filios DEI fie-
ri.* Nam ne putaretur esse impossibile, hominem fieri DEI fi-
lium; declarat id, & quasi probat Ioannes ex alio, quod & maius
illo est, & causa illius est: vt, si id factum fuerit, credibilius sit, il-
lud fieri potuisse. Etenim DEVM fieri hominem, maius est, &
minùs credibile, quàm hominem euadere in filium DEI: cum igi-
tur illud factum sit, nequaquam incredibile hoc videri debet.

95

Huius porro sententiæ prima illa vox, *Caro*, diligenter explican-
da est. Nomen carnis multis & variis in scriptura significationibus
vsurpatur. Primò sumitur pro parte corporis distincta ab ossibus
& nervis, vt Lucæ 24. *Spiritus carnem & ossa non habet.* & Iob 10.
Pelle & garnibus vestisti me, ossibus & nervis compegisti me. Secundò,
pro carnali concupiscentia, vt ad Romanos 7. *Scio quia non habitat*

Baruch 3.

Septem varia
significationes
huius vocis
Caro, in Sa-
crii litteris
vsurpata.

in car

in carne mea bonum : & ad Galatas 5. *Caro concupiscit aduersus spiritum.* & ad Romanos 8. *Si secundum carnem vixeritis, moriemini.* Tertiò, pro parte hominis inferiori, vt est distincta à superiori quæ vocatur ratio vel spiritus ; vt apud Matthæum cap. 26. *Spiritus quidem promptus est, caro autem infirma.* Quartò, pro homine carnali, secundum carnem sapiente ac viuente, vt in priori Epistola ad Corinthios cap. 15. *Caro & sanguis regnum DEI non possidebunt.* Quintò, pro generatione carnali, quæ fit naturali & ordinario modo, vt ad Romanos 1. *Qui factus est ei ex semine Dauid secundum carnem.* Et in Epistola ad Galatas cap. 4. Ismaël dicitur esse natus secundum carnem, Isaac verò, per repromissionem. Sextò, nomen carnis interdum significat statum hominis secundum præsentem vitam mortalem & passibilem, vt in posteriori Epistola ad Corinthios cap. 5. *Et si cognouimus secundum carnem CHRISTVM, sed nunc iam non nouimus.* & ad Hebræos 5. *CHRISTVS in diebus carnis sue preces, supplicationesque DEO cum clamore valido & lacrymis offerens, exauditus est pro sua reuerentia.* Septimò, nomen carnis frequenter in scriptura vsurpatur pro toto homine; per figuram videlicet quæ appellatur Synecdoche, qua pars ponitur pro toto: sic Ioelis 2. *Effundam de spiritu meo super omnem carnem*, id est, super omnem hominem : & ad Romanos 3. *Ex operibus legis non iustificabitur omnis caro coram illo*, id est, omnis homo. & ad Ephesios 6. *Non est nobis colluctatio aduersus carnem & sanguinem*, id est, aduersus homines. Sicut etiam nomen animæ frequenter ponitur pro toto homine, vt apud Ezechielem cap. 18. scriptum est, *Anima quæ peccauerit, ipsa morietur.* & Actorum 27. Scriptum est, fuisse animas ducentas septuaginta sex in nauì in qua erat Paulus; sic etiam Italicè vulgò loquimur cum dicimus, tot animas esse in hac vel illa ciuitate. Secundum hanc verò vltimam significationem huius vocis, *caro*, sumitur id nomen hoc loco, idémque significat, *Verbum caro factum est*, atque, *Verbum homo factum est.*

Cum non potius dicitur, *Verbum esse factum hominē, quàm esse factū carnem*, expenditur duodecim rationes.

Sed hoc loco existit quæstio, cum clarius esset, faciliusque ad 96 intelligendum, & ab omni remotius errore, dicere, Verbum factum esse hominem, quàm, factum esse carnem; cur non illud potius dixit Ioannes, quàm hoc? Respondeo, multis de causis B. Ioannem sic loqui voluisse. Primò, ne putaretur Verbum assumpsisse personam

personam hominis, quam ferè significat vox, *homo*. Nam etsi nonnunquam Patres aiunt, assumptum esse hominem à Verbo; per vocem tamen hominis, intelligunt ipsam humanitatem, siue naturam humanam. Secundò, vt significaretur, Verbum assumpsisse integram naturam humanam; si enim carnem assumpsit, multò magis credibile est, assumpsisse animam & mentem. Tertiò, secundùm Chrysostomum & Theophylactum, quo euidentius DEI erga homines bonitatem declararet, qui se ad assumptionem carnis, rei nempe abiectionis & vilissimæ, hominum causâ demisit: nimirum de carne hominis dictum est, *Omnis caro fanum*. Quartò, quò credibiliùs faceret, quod paulò ante dixerat, eos qui recipiunt Verbum, fieri DEI filios: si enim DEVS factus est caro, cur non fiat credibile, hominem fieri posse DEI filium per gratiam adoptionis? Quintò, quò pernotesceret, Verbum venisse in mundum, vt totum hominem saluum faceret, id est, non modò secundùm mentem, sed etiam secundùm carnem: ideoque dicitur, assumpsisse id, quod maximè corruptum fuerat, & reparatione indigebat; & ita carni etiam spes daretur gloriosæ resurrectionis, per quam ipsa fieret immortalis atque impassibilis. Sextò, significare voluit Ioannes, filium DEI etiam secundùm carnalem cognationem nobis esse coniunctum, & verè appellari fratrem nostrum: audiat lector in hanc sententiam, verba B. Pauli, quæ sunt in secundo capite Epistolæ eius ad Hebræos: *Propter quam, inquit, causam, non confunditur fratres eos vocare, dicens: Nunciabo nomen tuum fratribus meis.* & iterum, *Eccè ego & pueri mei, quos dedit mihi DEVS. Quia ergo pueri communicauerunt carni & sanguini, & ipse similiter participauit eisdem.* Septimò, vt sic mirabiliter exaltaretur caro hominis, etiam supra Angelos: & daretur homini potestas conficiendi Sacramentaliter in Sacramento Eucharistiæ corpus & sanguinem CHRISTI, & potestas claudendi & aperiendi cælum, & viuificandi mortuos; denique tanta potestas, quantam habet in terris summus Pontifex. Videat lector quæ ad hanc sententiam scripsit B. Gregorius in lib. 2. Dialogorum cap. 23. Octauò, vt sic totius mundi, atque omnium creaturarum quodammodo fieret deificatio, toto homine secundùm omnes partes eius deificato: siquidè in homine continetur gradus omniù creaturarù.

Nona causa siue ratio sit hæc: ex eo modo loquendi planè intelligitur causa, cur caro CHRISTI adoretur à Christianis: cur caro & sanguis eius det homini vitam æternam: Cur Beatissima Virgo dicatur mater DEI, quæ in generatione CHRISTI tantum materiam præbuit: cur dicatur DEVS passus & mortuus: causa enim istorum omnium fuit, quia *Verbum caro factum est*. Decimò, omnis caro, vt ait scriptura, diligit sibi simile; & homo, valde affixus cupiditatibus rerum terrenarum, ægrè adduci poterat ad amandum bona inuisibilia. Verbum igitur factum est caro, vt sic caro carni confociaretur, & adhæresceret: vnde canit Ecclesia: [Quia per incarnati Verbi tui mysterium noua nostræ mentis oculis lux tuæ claritatis infulsit; vt dum visibiliter DEVM cognoscimus, per hunc in inuisibiliū amorem rapiamur.] Vndecimò, vt hac ratione præmuniret Ecclesiam Catholicam aduersus errores Manichæorum aientium, carnem humanam per se malam esse & à malo principio factam; & carnem CHRISTI non fuisse veram carnem humanam. Duodecimò, vt ita cognosceretur, quemadmodum superbia Adami qui similis DEO fieri voluit, per humilitatem expiata sit Verbi DEI quod caro factum est; & secundum Apostolum, *exinaniuit semet ipsum, formam serui accipiens, in similitudinem hominum factus, & habitu inuentus vt homo*.

VIGESIMA SEXTA DISPUTATIO.

Super illo: Factum est.

De quinque modis quibus vna res fit alia res, cum aliqua sui mutatione: & de aliis quatuor modis quibus vna res fit alia res, sine vlla sui mutatione.



EX eo quod dicitur Verbum esse factum carnem, 98
quidam Hæretici argumentabantur, Verbum esse
cōuersum in carnem, vel ex coniunctione & com-
mixtione Verbi atque carnis tertiam quādam sub-
stantiam esse compositā atque conflata: aiebant
enim, cum vnum sit aliud, id fieri alterutro duorum modorum;
vel

vel quia vnum conuertitur in aliud; vel quia ambo conuertuntur in tertium quoddam. Sed impium hoc dogma manifestè coarguit immutabilitas DEI, quam vllò modo in aliud mutari, est impossibile. Post incarnationem etiam Verbi prædicatur CHRISTVS esse Filius DEI, & verus DEVS, & fuisse ante Abraham & ante constitutionem mundi, & alia de eo dicuntur in Euangelio & in Epistolis Apostolicis, quæ demonstrant apertè, etiam post factam incarnationem Verbi, diuinam Verbi substantiam permansisse in CHRISTO.

- 99 Nos igitur dicamus, quinque modis vnum aliquid fieri aliud cum sui mutatione. Primo, secundum totius substantiæ suæ conuersionem in aliud, quæ in Ecclesia Catholica vocatur transubstantiatio: & hoc modo per verba consecrationis, panis fit corpus CHRISTI, & vinum sanguis eius. Secundo, per conuersionem formæ substantialis in aliam formam substantialem, circa eandem vtriusque formæ materiam: sic aqua fit aër, & aër fit ignis. Tertio, per mixtionem; & hoc modo Elementa fiunt ipsum mixtum, quia per mutuam eorum mixtionem, in eorum materia generatur forma mixti. Quarto, per susceptionem perfectioris formæ substantialis; sic embryo fit homo. Quinto, per assumptionem perfectioris status naturalis: sic puer fit iuuenis & vir. Et his quidem quinque modis vnum fit aliud cum sui mutatione.

Vnum fieri posse aliud cum sui conuersione quinque modis.

- 100 Quatuor etiam modis reperire licet vnum dici fieri aliud sine vlla sui mutatione. Primo, in specie tantum, & vt vulgò dicitur, secundum apparentiam: sic virgæ Magorum, secundum opinionem multorum, factæ dicuntur in scriptura serpentes: hoc etiam modo dici posset, Angelos fieri homines, cum assument corpus ad similitudinem humani corporis figuratum, ita vt homines esse videantur & putentur. Secundo, per assumptionem noui alicuius honoris vel dignitatis, vel muneris & potestatis; sic dicitur quis fieri Sacerdos, Episcopus, Cardinalis sine vlla substantiæ suæ mutatione. Atque huiusmodi exemplo vsi sunt ad demonstrandum incarnationis Filij DEI modum, Athanasius, Nazianzenus, Flauianus, Ambrosius, Seuerianus, & Chrysostomus, vt refert Theodoretus in Dialogo qui inscribitur (Immutabilis.) Tertio, vnum dicitur fieri aliud propter summam vtriusque inuicem con-

Quatuor modis dici vnum fieri aliud sine sui mutatione. Exod. 7.

1. ad Cor. 6.

iunctionem: sic Matthæi 19. vir & vxor dicuntur à Domino fieri vna caro, propter arctissimam & indissolubilem eorum inter se coniunctionem: & secundum Paulum, *Qui adhæret Domino vnus spiritus est.* Quarto, vnum fit aliud per relationem, sine vlla illius mutatione, sed ob solam alterius mutationem: exempli gratiâ, vnicus patri filius, si postea alius filius ex eodem patre generetur, ille fit frater huius citra sui mutationem: & ego, non motus loco, efficior nunc dexter, nunc sinister alij qui locum mutat: sic etiam creato mundo, D E V S factus est Dominus & gubernator & conseruator mundi: sic Dauid in Psalmo 69. dixit, *Domine refugium factus es nobis à generatione in generationem.* B. Thomas in tertia parte quæstione decima sexta articulo sexto, in responsione ad secundum docet, hoc modo intelligendum esse quod dixit B. Ioannes hoc loco, *Verbum caro factum est*, & quod dici solet, *D E V S factus est homo*: illud enim, (factum) non dicitur de Verbo nec de D E O nisi terminatiuè, & extrinsecè; at intrinsecè dicitur & realiter de carne & humanitate propter vnionem eius cum Verbo. Itaque quartus hic modus proprius est huius mysterij, nec in alio similiter aut est aut fuit vnquam: secundum quem, id quod est perfectum suppositum vnius naturæ, fit de nouo suppositum alterius naturæ distinctæ. Etenim verbum, cum ab æterno fuisset subsistens in natura diuina, ex tempore cœpit esse subsistens in natura humana: & quia illa humanitas non habebat aliam personalitatem, nisi diuinam Verbi personalitatem; ideo verè dicitur & D E V S esse factus homo, & homo esse factus D E V S.

Locus Epistolæ ad Philippenſes cap. 2.

At enim, obiiciet nobis fortasse quispiam illud quod Apostolus 101 in secundo capite Epistolæ ad Philippenſes scripsit dicens, Filium D E I semet ipsum exinaniuisse, cum factus est homo: si enim Filius D E I per incarnationem exinanius est, ergo mutatus aliquo modo est, & aliquid perdidit, vel dereliquit quod habebat antea; id enim significare videtur illud, *exinanius esse.* Ad hanc obiectionem ita respondendum est: Apostolum continuè proxime sequentibus verbis declarasse, quemadmodum Filius D E I exinaniuerit semet ipsum, subdens, *Formam serui accipiens, in similitudinem hominum factus, & habitu inuentus vt homo.* Exinanius igitur dicitur Filius D E I per incarnationem, eò quod apparere voluit sub forma hominis

hominis mortalis & passibilis, & humilis atque pauperis, & sub conditione serui: Etenim ipse, tanquam seruus, lauit pedes; tanquam seruus, pecuniâ venditus est; tanquam seruus maleficus, verberibus cæsus est, & crucem gestauit, & in crucem sublatuſ est.

VIGESIMA SEPTIMA DISPUTATIO.

Exponuntur, simulque refelluntur nonnulli Hæreticorum errores circa hæc verba B. Ioannis & circa Incarnationem VERBI DEI.

102



ISVM nobis est, cursim indicare hoc loco aliquot Hæreticorum errores qui circa hæc verba Ioannis à veritate fidei Catholicæ aberrarunt. Arrius, quia Ioannes dixit, Verbum esse factum carnem, putauit, Verbum nihil assumpsisse de natura humana nisi nudam carnem, carentem anima. Sed iste non animaduertit Ioannem posuisse hoc loco nomen carnis pro toto homine, secundum phrasin in Sacra scriptura frequentatam. Quòd autem post Verbi incarnationē fuerit in CHRISTO anima distincta à Verbo, & à carne, luce clarius est in diuinis litteris: hoc enim ostendunt illa Domini verba, *Tristis est anima mea usque ad mortem.* & illa, *Potestatem habeo ponendi animam meam, & iterum sumendi eam.* Quid quòd esurire, sitire, fatigari, crescere secundum ætatem, dolere, lacrymari, turbari, quæ de CHRISTO leguntur in Euangelio, non possunt sine anima verè esse in vlllo; & ipsa caro, si est in anima non est, nisi æquiuocè, caro; multò minùs, caro hominis.

Quinque errores Hæreticorum circa hæc verba B. Ioannis. Primus error Arrij.

*Math. 26.
Ioan. 10.*

103

Apollinaris, quia Verbum dicitur factum caro, & nomen carnis nonnunquam in scriptura sumitur pro inferiori hominis parte quæ est irrationalis; dixit, Verbum assumpsisse carnem cum anima quidem vegetatiua & sensitiua, sed sine anima rationali, cuius vicem suppleuit ipsum Verbum Dei. Atqui, si animam rationalem non habuisset CHRISTVS, verè nō fuisset homo; nec fuisset obediens DEO patri; nec meruisset vel redemptionem humani generis, vel exaltationem sui nominis; neque creuisset in gratia & sapientia,

Secundus error, qui est Apollinaris.

Lucæ 1.

vt de eo scripsit Lucas : hæc enim omnia, quæ de CHRISTO dicuntur in Euāgelio, sine anima rationali consistere haudquaquam possunt. Præterea, Verbum non potuit carni præstare vim animæ rationalis, quæ est forma & pars hominis: DEVS enim supplere non potest immediatè vicem causæ materialis, vel formalis; id enim continet imperfectionem, diuinæ perfectioni contrariam.

Tertius error,
qui est Nesto-
rii.

Nestorius negauit, verbum esse factum carnem, siue hominem substantialiter, sed tantum accidentaliter. Dixit enim, duas esse in CHRISTO personas, & personam VERBI, & personam illius hominis, vnitas inter se archissimo charitatis vinculo, & summa conformitate voluntatis humanæ cum diuina voluntate. Hic error damnatus est in Concilio Ephesino: & damnatur multifariam in Sacra scriptura, quæ de eodem CHRISTO & diuina prædicat, & humana. Contra quem errorem apertè facit illud quod B. Ioannes in quarto capite suæ primæ Epistolæ scripsit his verbis: *Omnis spiritus qui soluit IESVM, ex DEO nõ est. Dixit, Qui soluit IESVM,* in eos qui diuidunt in CHRISTO personam diuinam & humanam; & vnionem naturæ diuinæ cum humana substantialem atque personalem tollunt.

Quartus er-
ror, qui est
Eutycheii.

Eutyches confundebat naturas, dicens, per incarnationem Verbi fuisse inuicem mixtas, & conuersas in vnā quandam tertiam substantiam. Damnatus est hic error in Concilio Chalcedonensi. Sanè, talis commixtio & conuersio repugnat immutabilitati Deitatis Verbi: & post incarnationem euidentè & distinctè apparuerunt in CHRISTO propriæ operationes diuinitatis, & humanitatis. Marcion, & Manichæi dixerunt, Verbum DEI non sumpsisse veram carnem humanam, sed tantum speciem externam, & figuram atque similitudinem carnis humanæ: sicut Angelus Raphaël apparuit Tobie sub specie hominis iuuenis; & tres Angeli, quos sub humana & virili specie Abraham vidit, & hospitio accepit. Valentinus autem & Apelles dixerunt, corpus illud CHRISTI non fuisse ex materia humanæ carnis, sed ex materia corporum cælestium. Sed huius sententiæ falsitas ex eo manifesta fit, quòd Dominus post Resurrectionem suam discipulis apparens, & ambigentibus illis an ipse phantasma quoddam esset, eam ab ipsis dubitationem remouens dixit: *Palpate, & videte, quia spiritus carnem &*

Tob. 6.
Genes. 18.

Quintus er-
ror, qui fuit
Manichæorum
Valentini &
Apelles.

Lucæ 24.

ossa

ossa non habet, sicut me videtis habere. Et verò si CHRISTVS veram carnem humanam non habuisset, verè neque conceptus, neque natus, neque mortuus, nec resuscitatus fuisset, sed hæc omnia secundum speciem tantum & simulationem in eo facta essent; quambrem nec verè hominum redemptio per CHRISTI mortem facta esset; nec ipse CHRISTVS per humiliationem passionis & mortis meruisset exaltari super omnia, sicut ait Paulus. Quapropter B. Ioannes aduersus istum errorem in quarto capite suæ primæ Epistolæ, hæc verba scripsit: *Omnis spiritus, qui confitetur IESVM in carne venisse, ex DEO est: qui autem non confitetur; hic seductor est, & Antichristus.* Tertullianus ad hunc refellendum errorem, librum sanè quàm eruditum & disertum de vera CHRISTI carne scripsit: eum quoque errorem Ignatius Martyr execratur in Epistolis suis ad Tarsenses, & ad Philippenfes, & Dionysius Areopagita in Epistola ad Caium. *Ad Philipp. 2. Tertullianus. Ignatius. Areopagita.*

VIGESIMA OCTAVA DISPUTATIO.

De multis, & varijs modis quibus in Sacra scriptura Veteris Testamenti figuratè præsignificatum est mysterium incarnationis VERBI DEI.

106 **M**ULTIS profectò, variisque modis diuinam scripturam veteris Testamenti adumbrasse, atque insinuasse mysterium incarnationis Verbi DEI, licet obseruare. Primò, Salomon in capite nono libri Prouerbiorum ita scripsit: *Sapientia edificauit sibi domum.* Quod complures Patrum de Verbi DEI incarnatione interpretati sunt. Secundò, in vigesimo quarto capite libri Ecclesiastici: *Qui creauit me,* ait anima CHRISTI, *requieuit in tabernaculo meo,* id est, in corpore meo, cui vnitum personaliter fuit Verbum DEI: & ideo Paulus dixit in secundo capite Epistolæ ad Colossenses, in CHRISTO inhabitare plenitudinem diuinitatis corporaliter. Quòd autem corpus humanum in scriptura non raro metaphoricè significetur nomine domus & tabernaculi, notius est, quàm vt prolatis in medium scripturæ locis demonstrari necesse

Decem in locis Sacra scriptura veteris Testamenti fuisse mysterium incarnationis Verbi adumbratum, & præsignatū.

neceſſe ſit. Tertio, Eſaias cap. 6. *Vidi, inquit, Dominum ſedentem ſuper ſolum excelfum & eleuatum*: per illud *Dominum*, intelligunt Patres Verbum & Filium DEI, & ſic eſſe intelligendum docuit nos CHRISTVS, vt ſcribit Ioānes in capite duodecimo huius Euangelij. Per *ſolum excelfum & eleuatū*, ſignificatur humanitas CHRISTI, ſcientia, poteſtate, gratia, honore & dignitate, & gloria, ſuper omnes creaturas eleuata. Triplex autē illa acclamatio Seraphim, *Sanctus, Sanctus, Sanctus*, denotauit triplicem in CHRISTO ſanctitatem, diuinæ naturæ, & animæ, & corporis. Quarto, apud eundem Eſaiam cap. 11. *Egredietur, inquit, virga de radice Ieſſe, & ſlos de radice eius aſcendet*. Quibus verbis metaphoricè inſinuatur incarnatio filij DEI ex ſemine Dauid. Quinto, apud eundem Eſaiam cap. 45. ſignificatur hoc myſterium nomine roris, & pluuiæ, & germinationis: ſic enim apud illum eſt: *Rorate cali de ſuper, & nubes pluuant iuſtum; aperiatur terra, & germinet Saluatorem*. Sexto, apud Dauidem in Pſalmo ſeptuageſimo primo inſinuatur hoc myſterium per deſcenſum pluuiæ in vellus, illis verbis: *Deſcendet ſicut pluuiæ in vellus*. Huiusque rei perilluſtris figura fuit, quod in ſexto capite libri Indicum narratur de vellere Gedeonis. Septimò, eodem ſpectat illud Hieremiæ vaticinium ſcriptum in capite trigeſimo primo illis verbis: *Nouum creauit Dominus ſuper terram, mulier circumdabit virum*. Id autem eſt, mulier in vtero ſuo habebit hominem perfectum; perfectum dico, ſecundum rationis uſum, & ſecundum omnem perfectionem ſuperioris partis animæ. Octauò, illud etiam luculentum eſt hac de re vaticinium Baruch cap. 3. *In terris viſus eſt, & cum hominibus conuerſatus eſt*. Nonò, huc quoque pertinet myſticus ille, viſus Danieli, lapis abſciſſus de monte ſine manibus. Decimò, in decimo ſeptimo quoque libri Numerorum capite inſignis huius myſterij figura legitur, virga ſcilicet Aaronis ſine humore & ſine ſemine frondeſcens, & floreſcens, atque fructificans.

Danielis 2.

Vndecim nomina, quibus figuratè ac myſticè in ſacra ſcriptura ſignificatur caro & corpus Chriſti Domini noſtri.

Illud præterea obſeruandum eſt, carnem ſiue corpus CHRISTI 107
DOMINI, ob multas & varias eius ſingulares proprietates atque excellentias, variis etiam nominibus metaphoricis in diuina ſcriptura deſignari, ſicut ex proximè dictis licet intelligere. Significatur enim nomine domus, Prouerbiorum 9. Et tabernaculi, Eccleſiaſtici

clericali 24. & lapidis, Danielis 2. & Habitus, ad Philippenfes 2. Cùm dicitur, *Habitu inuentus ut homo*, & Templi, vt Ioannis 2. *Soluite templum hoc &c.* Et Nubis, Esaia 28. & Panis ac cibi, Ioannis 6. & Velaminis, ad Hebræos 10. Et Grani frumenti, Ioannis 12. Et Strolæ ac Pallij, Genesis 49. & Indumenti ac vestis, Esaia 63. & Apocalypsis 19.

VIGESIMA NONA DISPUTATIO.

De quatuor similitudinibus, quibus mysterium hoc incarnationis Verbi à Patribus declarari solet.

108 **P**RIMA similitudo est insitionis; sed contrario modo quàm ab hominibus ferè solet fieri; fit enim insitio meliori arbore insita in deteriore, vt ei bonitatem suam communicet. In hoc autem mysterio contra factum est, deteriori nimirum natura insita quodammodo perfectissimæ naturæ. Et hunc insitionis modum spectauit Paulus, cùm in vndecimo capite Epistolæ ad Romanos scripsit illa verba: *Tu autem cùm Oleaster esses, insertus es, & socius radicis, & pinguedinis olivæ factus es.* Secunda similitudo est ferri siue gladij igniti: in gladio enim ignito & gladij, & ignis proprietates atque operationes, vt sunt, vrere, & scindere, distinctè apparent. Tertia similitudo est crysalli, quæ Solis luce tota penetratur & perfunditur: manet enim in ea distinctè vis lucis, & ipsius crysalli: & quamuis, fracta vel diuisa crysallo, partes eius separentur inuicem; lux tamen ab earum partium nulla separatur. Quarta similitudo, qua frequenter vsi sunt Patres, & quæ videtur huic mysterio congruentissima, est similitudo coniunctionis animæ rationalis cum humano corpore: sicut in Symbolo Athanasij dicitur, (sicut anima rationalis & caro vnus est homo; ita DEVS & homo vnus est CHRISTVS.) Hac similitudine vsus est Augustinus in Epistola tertia & quinquagesima septima, & in capite decimo septimo libri decimi tertij; de Trinitate Gregorius Nazianzenus in Epistola prima ad Elidonim; Cyrillus in libro de incarnatione capite octauo, & Concilium Ephesinum, &

Athanasius.

Augustinus.

Nazianzenus.

Cyrill. Alex.

Concilium Ephesinum.

L. B. Tho

B. Thomas.

B. Thomas in cap. quadragesimo primo libri quarti, contra gentes.

Quoniam igitur huiusmodi similitudo satis celebrata est à Pa- 109

tribus, operæ pretium fuerit, non in curiosè eam similitudinem de-

clarare: sunt enim in coniunctione animæ rationalis & corporis,

& in vnione Verbi & humanitatis CHRISTI multa similia; sunt

etiam pariter multa dissimilia; hæc autem separatim ac distinctè

lectori notificanda esse duximus. Prima similitudo: Sicut in ho-

mine anima & corpus, cum sint naturæ actu distinctæ & disiunctæ,

substantialiter tamen coeunt inuicem ad vnum constituendum:

ita in CHRISTO diuinitas & humanitas inuicem coeuntæ sunt,

ex quibus constitutus est CHRISTVS. Secunda similitudo: Si-

cut post coniunctionem animæ cum corpore, manent vtriusque

inconfusè, ac distinctè naturæ proprietates, & operationes: ita

post incarnationem Verbi, manent in CHRISTO duæ naturæ

diuina & humana inconfusæ, earumque proprietates & operatio-

nes distinctæ. Tertia similitudo: Sicut in homine, & quæ sunt ani-

mæ, & quæ sunt corporis, licet inter se admodum diuersa sint, &

nonnulla etiam contraria; ea tamen, propter substantialem earum

inter se vnionem, eidem homini attribuuntur: ita in CHRISTO

quæ sunt diuinitatis, & quæ sunt humanitatis, propter persona-

lem earum vnionem, eidem CHRISTO attribuuntur. Quarta

similitudo: Sicut anima & corpus; licet naturæ sint distinctæ, in

vna tamen persona humana vniuntur: ita etiam in CHRISTO

diuina & humana natura vniuntur in vna persona Verbi. Quinta

similitudo: Sicut corpus est organum internum & coniunctum

animæ participans eius operationes: ita in CHRISTO caro eius

erat organum internum & coniunctum diuinitati, participans

diuinas operationes; vt sunt, facere miracula, remittere peccata,

dare vitam æternam. Sexta similitudo: Sicut propter vnionem

animæ & corporis dicitur homo generare hominem, licet animam

rationalem non producat: ita Beata Virgo, licet in generatione

CHRISTI substantiam tantum corporis præbuerit, ea tamen, pro-

pter hypostaticam vnionem corporis cum diuina natura Verbi,

verè dicitur genuisse DEVM: vnde in Concilio Ephesino decre-

tum est contra Nestorium, Beatissimam MARIAM verè nomi-

nari matrem DEI. Quæ sunt itaq; similia in coniunctione animæ

cum

Sex similitu-
dines inter
coniunctionem
animæ ratio-
nalis & cor-
poris & inter
vnionem Verbi
Dei & hu-
manæ naturæ.


cum corpore, & in vnione humanæ naturæ cum diuina in Verbo, huiusmodi fermè sunt.

- 110 Septem verò alia cernuntur dissimilia. Primò: in homine anima & corpus sunt duæ naturæ incomplete, atque imperfectæ: in CHRISTO diuinitas & humanitas, sunt duæ naturæ integræ, completæ, atque perfectæ. Secundò: anima est actus formalis, & perfectio corporis: in CHRISTO diuinitas non est actus formalis, nec perfectio humanitatis. Tertiò: anima & corpus sunt partes substantiales hominis, ex quibus fit tertia quædam substantia per quam homo est homo: in CHRISTO diuinitas & humanitas non sunt partes componentes tertiam substantiam. Quartò: in generatione hominis & anima & corpus de nouo producuntur, illa quidem per creationem ex nihilo, hoc autem per generationem physicam ex materia: in CHRISTO humanitas de nouo producta est; diuinitas ab æterno fuit. Sextò: in homine ex coniunctione animæ cum corpore resultat de nouo persona humana, quæ antea nullo modo fuerat: in CHRISTO non fuit alia persona quàm diuina ipsius Verbi, quæ fuit æterna; licet ea ipsa de nouo subsistens fuerit in natura humana. Septimò: in morte hominis separatur anima à corpore, pereunte tertia substantia composita, & persona ipsa humana: in illo triduo mortis CHRISTI, separata quidem est anima eius à corpore; sed persona Verbi neque ab anima neque à corpore vnquam separata est, sed vtrique coniuncta perpetuò fuit.

Septem dissimilia inter coniunctionem animæ cum corpore hominis, & inter mysteriū incarnationis.

TRIGESIMA DISPV TATIO.

De octo miraculis, quæ in sanctissima Incarnatione Verbi DEI facta sunt.

- 111  CTO miracula cernere licet in mysterio incarnationis Verbi DEI: quorum tria facta sunt in corpore; tria item in anima; duò autem in toto coniuncto. Vnum miraculum fuit in corpore, quòd illud corpus non per virtutem seminis virilis, vt in generatione aliorum hominum fieri solet, sed per solam virtutem

Tria miracula in corpore Christi.

Spiritus sancti formatum est. Cùm enim Beata Virgo dixisset Angelo, *Quomodo fiet istud, quoniam virum non cognosco?* respondit ei Angelus, *Spiritus sanctus superveniet in te, & virtus altissimi obumbrabit tibi: ideoq; quod nascetur ex te sanctum, vocabitur Filius DEI.* Alterum miraculum fuit, quòd illud corpus non paulatim & multo tempore, vt fit in generatione aliorum hominum; sed vno temporis instante totum simul perfectè organizatum est. Tertium miraculum fuit, quòd illud corpus, eo ipso instanti quo formatum est, fuit hypostaticè vnitum diuino Verbo, nunquam imposterum ab eo separandum.

Tria miracula in anima Christi.

Tria itidem miracula obseruare licet in anima CHRISTI & 112 in hoc mysterio incarnationis. Primum miraculum fuit, quòd anima illa à primo instanti suæ creationis habuit perfectum rationis vsum, & perfectam vim intelligendi. Secundum miraculum fuit, quòd etiam à primo vsque instanti suæ creationis, habuit beatificam DEI visionem. Tertium miraculum fuit, quòd etsi pars superior illius animæ beatificis gaudiis perpetuò frueretur; nihilominus tamen pars inferior eiusdem animæ passioni, & tristitiæ, & dolori subiacebat; nec gaudium illius impediēbat tristitiam & dolorem huius; neque huius tristitia & dolor, illius gaudium vllatenus turbabat. Immo verò, secundum aliquos Doctores Theologos, illa ipsa superior pars animæ CHRISTI, in tempore passionis, summum gaudium, simulque summam tristitiam sensit, secundum diuersas tamen rationes, & respectu diuersorum obiectorum. Denique, duo etiam miracula in toto coniuncto spectabilia sunt. Alterum est, quòd homo ille CHRISTVS comprehensor fuit simul & viator, & in termino existens & in via. Alterum verò fuit, quòd habens humanam naturam perfectam & per se existentem, non tamen habuit personalem subsistentiam, intrinsecam, & naturaliter conuenientem naturæ humanæ; sed humanitas illa extrinsecè à verbo DEI, (vt ita loquar) suppositatur, siue personabatur.

TRIGESIMA PRIMA DISPVATIO.

Super illis verbis:

Et habitauit in nobis.

113 **T**RIPLEX horū verborū apud explanatores huius Euangelij reperitur interpretatio. Vna est Caietani, interpretantis hoc de spirituali inhabitatione Verbi in animis nostris per gratiam: sicut Paulus dixit, *CHRISTVM per fidem inhabitare in cordibus vestris*. Hoc autem ideo B. Ioannes, secundum Caietanum, adiecit, ne putaretur, quia Verbum factum erat caro, non potuisse post incarnationem habitare spiritualiter in cordibus hominum. Verum, hæc interpretatio satis incongrua & aliena est consilio & proposito B. Ioannis in hoc loco; nec ea cum antecedentibus & sequentibus eius sententiis aptè cohæret. Altera interpretatio est fermè communis explanatorum tam Græcorum, quàm Latinorum: qui illud *in nobis*, interpretantur, *in nostra natura*. Idque propterea putant adiunctum esse à Ioanne, ne quia dixerat, Verbum esse factum carnem, existimaret quispiam, Verbum esse mutatum in carnem. Hoc igitur remouens Ioannes dixit, Verbum, etiam postquàm factum est caro, habitasse in carne & in natura humana: habitans verò diuersum quid & distinctum est ab eius habitaculo. Sed profectò tertia interpretatio, simplicior, & planior, & sententiæ B. Ioannis cōgruentior videtur: secundum quam, illud *in nobis*, non aliud significat nisi, *inter nos*, vel *nobiscum*. Et hoc dixit Ioannes, vt indicaret, non modò Verbum esse factum hominem, sed etiam habitasse inter homines, & conuersatum esse cum hominibus; ad homines videlicet erudiendos, & sanandos, & ad DEVM conuertendos. Illa autem præpositio *in*, frequenter ponitur pro *inter* (quod sanè non animaduertit Caietanus) tam apud bonos scriptores Latinos, quàm apud Sacros scriptores; tale enim est illud in capite quinto prioris Epistolæ B. Petri: *Seniores qui in vobis sunt, consenior ego obsecro*. & illud Dauidis, *Moyse & Aaron in sacerdotibus eius*, id est, (inter sacerdotes eius) quod ipse continuò declarauit

Triplex interpretatio. Prima interpretatio quæ est Caietani.

Secunda interpretatio, quæ est ferè communis.

Tertia interpretatio, quæ potissimè auctor sequitur.

Psal. 98.

adiungens, *Et Samuel inter eos, qui innocant nomen eius.*

*Quadruplex
observatio su-
per hoc loco.*

Cæterum, quod plenior, & illustrior sit loei huius explanatio & 114

intelligentia, nonnulla sunt super his verbis observanda. Prima

observatio sit hæc: Quod Ioannes dixit hoc loco, Verbum habi-

Matth. 3.

In omni tempore quo intravit, & exiit inter nos Dominus IESVS. Et

Ibidem.

Ioannes Baptista dixit: *Medius vestrum stetit, quem vos nescitis.* Et

ipse Dominus noster idem significare volens dixit: *Veni filius ho-*

minis manducans & bibens &c. Et Paulus ad Philippenfes 2. *In simili-*

tudinem hominum factus, & habitu inuentus ut homo. Id autem est, se-

Ambrosius.

cundum Ambrosium, tali fuit victu, vestitu, & conuersatione,

quali sunt cæteri homines. Sed clarissimè, sine figura, vel meta-

phora, hoc ipsum prædixerat Baruch cap. 3. *In terris visus est, &*

cum hominibus conuersatus est.

Perpenditur

Græca lectio

huius loci.

Tabernaculum

sæpe usurpari

metaphoricè

pro corpore

hominis.

Altera observatio est: pro Latino illo Verbo, *habitauit*, verbum 115

Græcum quo hic vsus est Ioannes, esse (ἰσκηνοῦσα) ductum à nomi-

ne σκηνή, quod significat *Tabernaculum*, & *Vmbraculum*. Solet au-

tem Sacra scriptura vti metaphoricè vocabulo tabernaculi, ad si-

gnificandum corpus humanum: vt apud Paulum in capite quinto

posterioris Epistolæ ad Corinthios: *Qui sumus, inquit, in hoc taber-*

naculo, ingemiscimus grauati &c. Et apud Petrum in Epistolæ secun-

dæ capite secundo: *Quandiu sum in hoc tabernaculo: certus quod ve-*

lox est depositio tabernaculi mei. Ergo, istorum verborum, *habitauit*

in nobis, sensus est hic: Verbum factum caro, tabernaculum suum

posuit inter homines, id est, habitauit, & commoratus est inter il-

los. Habitare autem in tabernaculis, erat militum, & pastorum, &

eorum qui firma, mansuræque domicilia non habebant: quod bel-

le quadrat ad eam vitæ rationem, quam CHRISTVS Dominus

egit in terris ad similitudinem scilicet peregrinantium: vnde Iere-

mias de eo prædixit: *Quare tanquam colonus futurus es in terra, &*

quasi viator, declinans ad manendum? Altera verò significatio eius-

dem vocis pro, *Vmbraculo*, bene conuenit huic mysterio: corpus

enim CHRISTI fuit ceu Umbraculum diuinitatis: quo, secun-

dum nonnullos Doctores, spectauit illud quod Gabriel Archan-

gelus dixit B. MARIÆ: *Et virtus altissimi obumbrabit tibi.*

Lucæ 1.

Tertia observatio: Ex eo quod Ioannes dixit, Verbum habi-

tasse

tâsse in nobis, argumentabatur Nestorius, Verbum non fuisse in CHRISTO substantialiter, sed tantum accidentaliter, per spirituales in habitationem excellentis gratiæ in eo: habitans enim, non est substantialiter coniunctum habitaculo suo; ergo, si Verbum habitauit in natura humana, non fuit ei substantialiter vnitum. Sed hæc Nestorij argumentatio, si quid valeret, non contra tertiam interpretationem horum Verborum Ioannis, quam nos prætulimus aliis; sed contra secundam tantum interpretationem valeret. Quamquam neque contra secundam interpretationem vim ullam habet: similiter enim argumentari possemus, neque animam B. Petri, neque B. Pauli substantialiter fuisse in corporibus eorum, quoniam ipsi corpora sua appellauerunt tabernacula, vt paulò supra, commemoratis eorum verbis, ostensum est: vtitur igitur Sacra scriptura Verbo habitandi, & vocabulo tabernaculi non propriè, sed metaphoricè. Si autem DEVS tantum per gratiam habitâset in CHRISTO, non verè diceretur, Verbum factum caro, vel DEVS factus homo: siquidem etiam per gratiam DEVS habitauit in Sacris Patriarchis & Prophetis. Nec valida est illa responsio, DEVM habitâsse in CHRISTO per excellentiorem gratiam, quàm in aliis sanctis: nam, vt Philosophi dicunt, magis & minus non variant speciem. Apostolus etiam scribens in Epistola ad Colossenses, in CHRISTO habitâsse plenitudinem diuinitatis corporaliter, satis ostendit illo vocabulo, *corporaliter*, DEVM non tantum spiritualiter habitâsse in CHRISTO per gratiam, sed etiam substantialiter, corpore eius vnito personaliter diuinitati.

Argumentatio Nestorij refellitur.

Ad Coloss. 2.

- 117 Quarta observatio: DEVS in veteri Testamento dicebatur habitare in populo Iudaico dupliciter: Vno modo dicebatur habitare in populo Iudaico in vniuersum, quia communiter populum illum singulari quadam beneuolentia & cura regebat atque tuebatur; multisque prodigiis editis, eius se gentis protectorem & defensorem esse declarauit. Altero modo, & magis speciali quadam ratione, dicebatur esse DEVS in illo populo, propter Moisaicum tabernaculum, & sanctuarium, & templum postea fabricatum à Salomone: illic enim specialiter DEVS esse dicebatur, quia ibi tantum & non alibi sacrificari sibi à Iudæis volebat: ibique frequenter

Diuerso modo Deum clam habitasse in Iudæis, quàm post incarnationem Verbi habitauit in hominibus.

quenter reddendis Oraculis atque responsis præsentiam suam declarabat. At verò, post incarnationem Verbi, non vno in populo, sed in omnibus gentibus; non vno in loco, sed per omnem terrarum orbem; non vno modo, sed plurimis & clarissimis modis

Quingue modis Deum habitare in hominibus post incarnationem Verbi.

DEVS in hominibus habitare voluit. Primò, in natura nostra, eam sibi ad vnitatē personæ diuinæ assumendo. Deinde, nobiscum conuersando: præterea, mala etiam nostra & ærumnas ac misérias corporales, nostræ salutis causâ, subeundo: ad hæc, realem præsentiam sui corporis in Sacramento ad fidelium suorum consolationem mirabiliter exhibendo: ac demum, perpetua suæ protectionis & dilectionis assistentia Ecclesiam regendo, pascendo, tuendoque ad consummationem vsque sæculi: sicut ipse promiserat Apostolis dicens, *Ego vobiscum sum omnibus diebus vsque ad consummationem sæculi.*

Matth. ult.

Locus Deuteronomij c. 4.

Moses in quarto capite Deuteronomij tanquam eximium quid 118 atque inauditum prædicat, quòd Hebræi audierint voces DEI, cùm in montem Sina descendit daturus eis legem: *Interroga*, inquit, *de diebus antiquis qui fuerunt ante te, ex die qua creauit DEVS hominem super terram; à summo cæli vsque ad summum eius; si facta est aliquando eiusmodi res, aut si vngquam cognitum est, vt audiret aliquis voces DEI loquentis de medio ignis, sicut tu audisti, & vixisti:* Et in capite octauo libri tertij Regum inducitur Salomon quasi mirabundus, quòd DEVS in templo à se fabricato habitare vellet, & exclamans: *Ergone putandum est, quòd verè DEVS habitet super terram? si enim cælum, & cæli cælorum te capere non possunt; quando magis domus hæc quam adificauit?* Atqui, hæc quæ Moses & Salomon vsque aded' magnificârunt, si comparantur cum tot tantisque donis & bonis, quæ per incarnationem Verbi DEI, hominibus collata sunt; non solùm ea non videbuntur

Locus libri tertij Regum cap. 2.

maxima diuinæ erga homines beneuolentiæ

miracula, sed inter minima, vel certè

mediocria DEI beneficia

censebuntur.

TRIGE

TRIGESIMA SECVNDA DISPV TATIO.

Super illis verbis:

Et vidimus gloriam eius, gloriam quasi
vnigeniti à patre.

VER. 14.

119 **H**OC adiecit B. Ioannes, ne putaretur Verbum, quia factum erat caro, perdidisse gloriam suam: aut certe ita fuisse gloriam eius carne velatam & contectam, vt ea nunquam postea appareret. Dixit etiam hoc Ioannes, vt indicaret, vnde ipse, aliique Apostoli cognouissent, hominem illum IESVM fuisse verum DEI filium, æternumque DEI Verbum: id enim perspicue cognitum habuerunt ex gloria, quam in eo viderunt, non humana sed diuina. Pro illo *vidimus*, Græcum verbū hoc loco *ἰδραόμῃα* magnam habet emphasin: significat enim, non quodlibet, nec quocunque modo videre; sed tanquam nouum quid & admirandum, magna cum admiratione ac stupore aspicere, & spectare: ab isto enim verbo ductum est nomen Theatrum, vbi mira, & iucunda spectacula exhibebantur. Quod autem hoc loco dixit Ioannes *vidimus*, id ipsum multò plenius, expressiusque dixit in principio primæ suæ Epistolæ illis verbis: *Quod audimus, quod vidimus oculis nostris, quod perspeximus, & manus nostra contrectauerunt de verbo vitæ, & vita manifesta est. Et vidimus, & testamur, & annunciamus vobis vitam æternam, quæ erat apud Patrem, & apparuit nobis.* Eandem quoque sententiam in capite primo posterioris Epistolæ suæ Petrus his verbis extulit: *Speculatores facti illius magnitudinis, notam fecimus vobis Domini nostri virtutem & præsentiam, &c.* Vidit autem Ioannes Verbi DEI gloriam in CHRISTO, ex tot tantisque ab eo patratis miraculis; præsertim verò in Transfiguratione eius, in morte, in Resurrectione, & in Ascensione.

120 Pro illa particula *quasi*, Græcè est *ὡς*, quam vocem Latinus interpres variè reddidit Latine: hoc loco per *quasi*, ad Philippen-
ses 2. per *vt*, in illis verbis, *habitu inuentus vt homo.* Ad Romanos 3. per *tanquam*, in illis verbis: *Quid adhuc & ego tanquam peccator iu-*

M dicor?

Lauretius Valla
malè reprehē-
denti Latinū
interpretum,
vera & iusta
reprehensio.

dicor? & in capite quarto eiusdem Epistolæ: *Vocat*, inquit, *ea que non sunt, tanquam ea que sunt*. Laurentius Valla Latinum interpretem reprehendit, quod hoc loco verterit *quasi*. Cum ea vox non significet veritatem rei, sed quandam duntaxat veritatis similitudinem: Ioannes autem significare voluit, CHRISTVM fuisse verum vnigenitum: Putat igitur ipse verti debuisse *tanquam*. Sed bonus iste Grammaticus nō animaduertit, eandem esse rationem & vim istarum duarum vocum *quasi*, & *tanquam*, vt quod de vna dicitur, idem quoque de altera dicendum sit: Eandemque calumniam ipsius, non minùs isti voci *tanquam* quàm illi *quasi*, strui posse.

Quasi & tanquam, interdū veritatis, nonnūquam similitudinem tātam veritati significare.
Chrysost.

Verius igitur dictū fuerit, quod Chrysosthomus super hoc loco 121
dixit, vocem istam *quasi*, vel, *tanquam* interdum significare veritatem rei, vt cum de Rege aliquo dicitur, ingressus est urbē quasi, vel tanquam Rex, id est, regali maiestate & magnificentia; qualis decebat eum qui erat Rex. Nonnunquam verò denotat non veritatem ipsam, sed vmbra & similitudinem veritatis: vt si dicamus, Diabolum aliquando hominibus apparere quasi bonum Angelum, vel tanquam Angelum lucis. Ioannes hoc loco priori modo sumpsit illud *quasi*: vt verborum eius hic sit sensus: Vidimus eum tali & tanta gloria, qualis & quāta decebat vnigenitum DEI Patris. Caietanus putat, istam vocem *quasi* iungi debere non cum voce *vnigeniti*, sed cum illa voce *gloriam*: vt sensus sit huiusmodi: Nos quidem non vidimus gloriam eius, vt ipsa in se est, ea quippe incomprehensibilis est mortalibus: sed vidimus tamen quasi gloriam eius, id est, multa signa & argumenta gloriæ, quam habet non sicut famulus in domo DEI, vt de Mose scripsit Paulus in Epistola ad Hebræos, sed vt filius vnigenitus DEI. Sed enim, hæc interpretatio, etsi verum sensum continet, ea tamen contextui verborum Ioannis aptari non potest. Secundum enim istam interpretationem debuerat Ioannes ita dicere, *Vidimus quasi gloriam vnigeniti à patre*. At non ita dixit, sed dixit hoc modo: *Vidimus gloriam eius quasi vnigeniti à patre*. Ex quo palam est, illud *quasi* non cum *gloriam*, sed cum *vnigeniti* esse iungendum.

Quatuor mo-
di Christum
dici vnigeni-
tum ex Na-
zianzeno, Ba-
silio.

Restat explicandum illud *vnigeniti à Patre*. CHRISTVS ap- 122
pellatur vnigenitus quatuor ob causas, quas ex Nazianzeno in li-
bro quarto Theologiæ, & ex Basilio in homilia de fide, & ex
Dama

Damasceno libro primo capite nono licet colligere. Primò, quia *Damasceno.* ex vno tantùm parente genitus est: secundùm naturam quidem diuinam, ex solo patre: secundùm autem humanam naturam, ex sola matre. Deinde, quia vtraque in generatione vnicus fuit filius, nullum habens naturalem fratrem. Præterea, modus vtriusque generationis eius fuit proprius ipsius, nullique alij communicabilis. Modus enim diuinæ generationis eius, fuit ex infinita fecunditate paternæ mentis: modus verò generationis humanæ, fuit ex admirabili virginalis vteri fecunditate. Ad hæc, CHRISTVS dicitur, secundùm Basilium Filius DEI, quia bona DEI naturaliter possidet: dicitur vnigenitus DEI, quia omnia DEI bona vnicus solusque filius possidet, non habens alios fratres, cum quibus ea bona partiri debeat: ipse enim dixit, *Omnia quæ pater habet, mea sunt.* Significat igitur Ioannes, secundùm Basilium, gloriam Verbi, non ex DEI munere, vel ex gratia, ei contigisse, sed, quia vnigenitus erat, naturaliter ei conuenisse. Hinc porro licet colligere, CHRISTVM fuisse perfectionis infinitæ: si enim fuit DEI vnigenitus, in eius generatione omnis DEI patris fecunditas, quæ est infinita, expleta est. Apostolis autem pernotuit, CHRISTVM esse Filium DEI, primùm testimonio DEI patris in transfiguratione eius, cùm dixit: *Hic est Filius meus dilectus, in quo mihi bene complacui.* Deinde, Angelorum ministerio, & tanquam Domino seruientium: tum, testificatione ipsius-met CHRISTI, hoc ipsum non modò per verba affirmantis; sed etiam per multa miracula comprobantis.

Christum, qui est vnigenitus Dei, ex eo concludi, esse perfectionis infinitæ. Matth. 17.

- 113 Illud à Patre, iungi potest cum illo *vnigeniti*; & tunc supplementum est, *procedentis, vel missi*, vt ita legatur: *Vidimus gloriam eius quasi vnigeniti, à Patre procedentis vel missi.* Potest etiam istud à Patre, connecti cum illo *gloriam*, & ita permulti connectunt. Tunc autem suppleri debet, *exhibitam ipsi*, vt hæc sit integra lectio: *Vidimus gloriam eius quasi vnigeniti, exhibitam ipsi à Patre.* Quæ lectio mirè congruit cum eo quod scribit B. Petrus in 1. cap. posterioris Epistolæ suæ illis verbis: *Accipiens à DEO Patre honorem & gloriam, voce delapsa ad eum huiusmodi, à magnifica gloria: Hic est filius meus dilectus in quo mihi complacui, ipsum audite.* Et hanc vocem nos audiuimus de caelo allatam, cùm essemus cum ipso in monte sancto.

Locus secunda Epistola Petri cap. 1.

TRIGESIMA TERTIA DISPUTATIO.

Super illis verbis:

Plenum gratiæ & veritatis.



NOMEN illud *Plenum*, cum pro eo Græcè sit *πλήρης*, 114
constat esse nominatiui casus: quapropter iungi
non potest cum verbo illo *vidimus*, sic enim esset
accusatiui casus: sed iungi debet cum illo *Verbum*
caro factum est, vt sic legatur hic locus: *Verbum*
caro factum est, & habitauit in nobis plenum gratiæ & veritatis. Illud
verò *vidimus* gloriam eius quasi unigeniti à Patre, tanquam interpo-
situm per parenthesin, legendum est. Erasmus, eumque secutus
Caietanus aptius esse putant, hic nouam inchoare sententiam,
iungendo hæc Verba cum verbis proximè sequentibus, hunc in
modum: testimonium perhibuit de ipso plenus gratiæ & veritatis
Ioannes, vt sic voluerit Euangelista probabilius facere testimo-
nium Ioannis Baptiste de CHRISTO, præfatus eximiam Ioan-
nis dignitatem, quòd esset vir sanctissimus & veracissimus, ob idq;
dignissimus, cui fides ab omnibus haberetur. Sed hæc lectio & in-
terpretatio, multas ob causas probabilis non est. Primò, quia sa-
tis duram & insolentem facit verborum constructionem: si enim
Euangelista istud significare voluisset, sic potius dixisset: Ioannes
plenus gratiæ & veritatis, testimonium perhibuit de ipso. Deinde,
quotquot sunt huius Euangelij explanatores antiqui, omnesque
Patres, ista verba interpretati sunt de CHRISTO, non autem de
Ioanne. Et verò, ad CHRISTVM ea verba pertinere, patet ex
eo quod subditur, *De plenitudine eius nos omnes accepimus, gratiam*
pro gratia. Et ex illo. *Lex per Moysen data est, gratia & veritas per*
CHRISTVM facta est.

*Cur Verbum
incarnatum
dictū sit plū
gratiæ & ve-
ritatis, secun-
dum interpre-
tationē Theo-
phylacti &
Iansenij.*

Dicitur porro Verbum DEI plenum gratiæ & veritatis, secun- 115
dum Theophylactum & Iansenium, ad similitudinem humani
verbi siue sermonis. Duplex autem humani sermonis virtus &
laus est, veritas, & gratia; vt sit verus, simulque gratus atque iucun-
dus audientibus. Vtrumque hoc Verbo incarnato plenissime com-
petit:

petit: non enim tantum verax fuit, sed etiam ipsa veritas: & de ipso prædictum fuerat per Dauidem in Psalmo quadragesimo quarto, *Diffusa est gratia in labiis tuis*: & in capite quarto Canticorum de ipso sponsa dixit: *Fauus distillans labia tua*. Lucas etiam in capite quarto sui Euangelij: *Mirabantur*, inquit, *omnes in verbis gratiæ quæ procedebant de ore eius*.

126 Cæterum, quomodo intelligendum sit, Verbum fuisse plenum gratiæ & veritatis, verissimè ac doctissimè B. Thomas in tertia Parte quæstione septima articulo nono hunc in modum declarat: Plenitudo alicuius rei dupliciter attendi potest; vel secundum gradum intentionis, ut plenè dicatur haberi aliquid, quia habetur quantum haberi natum est. Altero modo plenitudo alicuius rei attendi potest secundum virtutem, ut si quis plenè dicatur habere aliquid, quia ipsum habet secundum omnem virtutem & secundum omnes operationes eius: sic homo dicitur plenè habere vitam, quoniam habet omnem virtutem, omnesque operationes omnis vitæ, tam vegetatiuæ, quàm sensitiuæ, & intellectiuæ, quod nulli aliorum animalium convenit. Vtroque modo CHRISTVS habuit gratiæ plenitudinem. Habuit enim gratiam secundum perfectissimum modum quo haberi potest. Quando enim aliquod receptium propinquius est causæ influenti, tantò abundantius recipit eius influxum: Anima verò CHRISTI, super omnes creaturas intellectuales proximè coniuncta fuit DEO; quapropter maximam gratiæ eius accepit influentiam. Deinde, anima CHRISTI ita recipiebat gratiam, ut ex ea quodammodo transfunderetur in alios: oportuit igitur ipsum maximam habere gratiam: sicut ignis, qui est causa caloris in omnibus calidis, ipse est maximè calidus. Habuit quoque CHRISTVS gratiæ plenitudinem secundum virtutem gratiæ; quia gratiam habuit ad omnes operationes & effectus gratiæ; tanquam vniuersale quoddam principium in genere omnium habentium gratiam. Virtus autem primi principij alicuius generis, vniuersaliter extendit se ad omnes effectus illius generis: quemadmodum Sol, qui est vniuersalis causa generationis (ut ait Dionys. in libro de diuinis nominibus in cap. 4. primæ Partis) eius virtus extendit se ad omnia quæ ad generationem pertinent. Et ita secunda plenitudo gratiæ attenditur in CHRISTO,

Præclara B. Thomas declaratio, quomodo Verbum incarnatū, fuerit plenum gratiæ & veritatis.

Dionys. Areop.

in quantum eius gratia extendit se ad omnes gratiæ effectus, qui sunt virtutes, & dona, & alia huiusmodi. Hactenus ex Beato Thoma.

Triplex gratia plenitudo in Christo.

Triplex autem fuit in CHRISTO plenitudo gratiæ: fuit enim 127 in eo gratia habitualis, & gratia capitis, & gratia vnionis; & in his tribus habuit plenitudinem CHRISTVS. Habitualis gratia animæ CHRISTI concreta, fuit plenissima; quia fuit in summo gradu, & in summo modo, & in summa excellentia qua potest haberi, secundum rationem gratiæ, & secundum finem ad quem gratia ordinatur, qui est vnio intellectualis naturæ cum DEO: fuit, inquam, plenissima gratia, habens omnem virtutem gratiæ ad omnes operationes, & effectus gratiæ. Gratia etiā capitis, fuit in CHRISTO plenissima; vtpote permanens ad omnes electos, non solum homines, sed etiam Angelos: quamobrem paulò post in hoc loco dixit Ioannes: *De plenitudine eius nos omnes accepimus*. Gratia verò vnionis fuit infinita, quia vnio facta est in persona Verbi, quæ est infinitæ virtutis atque perfectionis. Alia etiam de causa, gratia hæc vnionis potest dici plenissima, quia Verbum non assumpsit in vnitatem personæ suæ tantum mentem vel animam hominis; verum etiam corpus, & omnes eius partes, quæcunq; ad veritatem atque integritatem humanæ naturæ pertinent: nec eas sibi vniuit ad certum aliquod tempus, sed in perpetuum, & nunquam ab ipso separandas. Cum hac sententia Ioannis dicentis, Verbum fuisse plenum gratiæ & veritatis, mirificè congruit etiam illud quod scribit Paulus in primo capite Epistolæ ad Colossenses de CHRISTO illis verbis: *In ipso complacuit omnem plenitudinem inhabitare*. & in capite secundo eiusdem Epistolæ: *In ipso habitat omnis plenitudo di-*

An plenitudo gratiæ fuerit propria Christi, neg. aliorum vbi conueniens.
Luca 1.

uinitatis corporaliter. Quomodo autem huiusmodi plenitudo gratiæ fuerit propria CHRISTI, nec aliis communicata vel communicabilis; cum Archangelus Gabriel B. MARIAM appellauerit gratiā plenam; & in capite septimo Actuum Apostolicorum dicatur Stephanus fuisse plenus gratiā & fortitudine; verissimè declarat B. Thomás in tertia parte, in quæstione septima, & in eius quæstionis articulo decimo; vnde lectori, quæstionis huius explanationem petere licet.

Quadruplex plenitudo veritatis in Christo.

Reliquum est, vt demonstremus, quemadmodum CHRISTVS 128 fuerit

fuerit plenus veritatis. Nomen veritatis quatuor modis sumi potest, atque his omnibus modis verè dictū est, CHRISTVM fuisse plenum veritatis. Primò, veritas dicitur, vt opponitur mendacio & simulationi atque fictioni: CHRISTVS autem non solum veracissimus fuit, sed ipsa etiam veritas, in cuius ore nunquam inuentus est dolus, vt de ipso prædixerat Esaias cap. 53. Deinde, vt veritas significat fidem siue fidelitatem in promissis: & hac quidem ratione CHRISTVS, veritatis plenus fuit, plenissimè implens promissa omnia sua, & quæ de ipso per Prophetas in veteri Testamento prædicta fuerant. Ad hæc, vt veritas opponitur umbræ & figuræ: lex enim Mosaica, quasi per umbras & figuras præmonstrabat gratiam, & gloriam, æternamque salutem à DEO per CHRISTVM dandam hominibus; eam verò ipsa nec præstabat, nec præstare poterat. Venit CHRISTVS, qui omnes illas umbras & figuras, exhibita veritate, sustulit, vel potius impleuit; & bona promissa, reuera, & cumulativè præstitit. Quarto modo sumitur veritas, vt idem significat atque scientia & sapientia: cuius quàm fuerit plenus CHRISTVS, non attinet demonstrare aliis verbis, quàm illis Pauli in capite secundo Epistolæ ad Colossenses: *In quo sunt omnes thesauri sapientia, & scientia absconditi.* Atque huius scientiæ & sapientiæ maiora indies CHRISTVS, secundum ætatis incrementum, signa & opera edebat: Idèoque Lucas cap. 2. de eo dixit: *Puer IESVS crescebat sapientiâ etate, & gratiâ, apud DEVM & homines.* Eodem spectat illud eiusdem Lucæ: *Qui fuit Luca vlt. vir potens opere & sermone.* Dicitur opere, propter plenitudinem gratiæ operantis in ipso. Dicitur sermone, propter plenitudinem veritatis & sapientiæ quæ in eius verbis & sermonibus elucebat.

TRIGESIMA QVARTA DISPUTATIO.

De testimonijs, quæ Ioannes Baptista dixit de CHRISTO.

Super illis verbis:

Ioannes testimonium perhibet de ipso.

VER. 15.

129



Ic incipit secunda pars huius primi capituli, continens quatuor Ioannis Baptistæ de CHRISTO testimonia.

Cur autem omnes quatuor Euangelistæ testimonia Ioannis de

*Cur omnes
Euangelistæ
tam diligenter*

*Ioannis de
Christo testi-
monia scripse-
riat.*

nis de CHRISTO tanta cura & diligentia scripserint, plures afferri causæ possunt. Primò quidem, vt pateret, Ioannem fideliter ac diligenter præstitisse munus, cuius obeundi gratiâ missus fuerat à DEO, scilicet, vt testimonium perhiberet de lumine, sicut paulò supra dictum est. Deinde, vt constaret, quæ Apostoli prædicauerunt & scripserunt de CHRISTI præstantia, ea vera esse, & credi à Iudæis oportere; vtpote consentanea testimoniis Ioannis Baptista, quæ Iudæi, propter summam eius viri auctoritatem, improbare non poterant. Ac demum, vt tam illustria de CHRISTO Ioannis testimonia, consignata litteris, proderentur posteritati, ad totius Ecclesiæ confirmationem atque consolationem. Nec verò putandum est, Ioannem aut non sæpius quàm quater, aut non plura, quàm quæ hîc memorantur, testificatum esse de CHRISTO: siquidem & infra cap. 3. aliud eiusdem Ioannis de CHRISTO ponitur testimonium ab istis quatuor diuersum; & satis credibile est, qui ad hoc munus testificandi missus fuerat à DEO, eum quàm sæpiissime, & quacunque oblata occasione id perfecisse. Sed illud quoque simillimum vero est, quatuor hæc testimonia exposita hoc loco à Ioanne Euangelista, fuisse insigniora, & in quibus principalis aliorum omnium sententia fermè comprehenderetur. Nec fanè quatuor hæc testimonia eo ordine, quo hîc narrantur, dicta sunt à Ioanne Baptista: nam, quod hîc ponitur primum, non fuisse ante omnia alia dictum, satis indicauit ipse Baptista verbis illis quæ sunt in hoc loco: *Hic est quem dixi vobis:* quibus verbis significat, idem se antea fuisse testatum. Secundum verò testimonium datum legatis Iudæorum, quoniam nulla sit in eo prioris testimonij mentio, nō temerè quispiam putauerit, fuisse primum. Denique, summa omnium testimoniorum Ioannis de CHRISTO, hæc fuit: Primò, testificari ipsum esse super omnes homines: *Qui de sursum est*, inquit, *super omnes est*: & dicere, se non esse dignum soluere corrigiam calcamenti eius. Secundò, non se, sed ipsum esse verum CHRISTVM. Tertiò, ipsum esse verum Ecclesiæ sponsum, se autem, ceterosque sanctos omnes esse amicos sponsi. Quartò, ipsum baptizare non in aqua tantum, sed in Spiritu sancto. Quintò, ipsum esse Redemptorem, & Saluatorem mundi, & Agnum DEI, qui tollit peccata mundi. Sextò, ipsum,

iudicem

*Sex res præci-
pue ac princi-
paliter Ioan-
nem de Chri-
sto testificatū
esse.
Ioan. 3.*

iudicem omnium hominum esse futurum cùm ait, *Cuius ventila-
brum in manu sua, &c.* quæ refert Matthæus cap. 3. Sicut autem sa- Matth. 3.
tis manifestum est, quædam testimoniorum Ioannis fuisse dicta
ante CHRISTI baptismum, & alia post baptismum: ita, quanto
tempore ante vel post dicta fuerint, & quanto temporis interuallo
vnum præcesserit aliud, minimè compertum est.

TRIGESIMA QVINTA DISPVATIO.

Super illis verbis:

Qui post me venturus est, ante me factus est, VER. 16.
quia prior me erat.

130 **D**IXIT Baptista, post se venturum CHRISTVM; *Quid sit, Chri-
stum esse sa-
ctum ante
Ioannem.*
non quidem in mundum, quippe iam per viginti
nouem annos CHRISTVS fuerat in mundo, cùm
hoc ipse dixit: sed illum post se venturum dixit ad
Baptizandum & ad prædicandum. Pro eo autem
quod hîc dictum est, *Ante me factus est*, Marcus & Lucas dixerunt,
fortior me est. Vnde licet intelligere, illud *Ante me*, non significare
temporis antiquitatem, sed virtutis & honoris atque dignitatis
præstantiam. Secundùm hanc etiam significationem, ista præpo-
sitione *ante*, vsus est Moïses in capite quadragesimo octauo, li-
bri Genesis, cùm narrat, Iacob in benedicendo filiis Ioseph, po-
suisse Ephraim, qui minor natu erat, ante Manassè natu maio-
rem; id autem est, illum prætulisse huic.

131 Fuit sanè quàm futilis & nugatoria Arrianorum argumentatio, *Futilitas ar-
gumentationis
Arrianorum
contra Christi
diuinitatem,
ostenditur.*
ex hoc loco probare volentium, CHRISTVM, etiam secundùm
illam, quam dicebatur habere, diuinitatem, esse à DEO factum,
& esse creaturam. Si enim CHRISTVS factus est ante Ioannem,
& non est factus ante eum secundùm humanitatem, quia sic sex
mensibus fuit illo posteriori; ergo factus est secundùm alteram eius
naturam diuiniorè. Verùm, illud *ante*, non posse referri ad tem-
pus, quo detorquebant Arriani, sed ad honorem & dignitatem
referri oportere, patet ex eo, quod proximè post subditur, *Quia
prior*

prior me erat. Si enim Baptista significasset, CHRISTVM fuisse factum ante se, ineptam profectò rationem reddidisset, an scilicet, CHRISTVS ante me factus est, quia prior me erat; nam & DEVS prior erat quàm Ioannes, nec ideo tamen ante ipsum factus fuerat. Ergo, *Ante me factus est*, idem significat, atque honore ac dignitate, gratiâ & scientiâ & potentiâ præstantior me est: & secundùm hanc significationem, etiam elegantes scriptores Latini præpositionem istam *ante*, frequenter vsurpant.

Decem Christi opera, quæ maximè eius virtutis atque fortitudinem demonstrant.

Cæterùm, nos perpendamus id quod paulò supra diximus, pro hoc *Ante me factus est*, Marcum & Lucam dixisse, *fortior me est*. Sannè, maximam CHRISTI fortitudinem, plurima & maxima opera eius, quæ hîc cursim percensebo, apertè declarârunt. Primò, solus ipse potuit regnum peccati delere. Secundò, Diaboli potentiam euertere. Tertiò, destruere mortis imperium. Quartò, infernum spoliare, atque inde captiuos educere. Quintò, ianuam cœli, vsque ad id temporis, cunctis mortalibus clausam, in perpetuum aperire. Sextò, DEVM nostris offensum peccatis, placatum nobis & propitium reddere. Septimò, ex mortuis propria virtute resurgere. Octauò, terrenum corpus super omnes cœlos extollere, & ad dexteram DEI omnipotentis collocare. Nondò, omnem propè terrarum orbem, per Euangelij ac fidei prædicationem, & receptionem, suo imperio subiicere. Decimò, Ecclesiam suam per vniuersum mundum prolatatam, perpetua suæ prouidentiae assistentia, & ab hominibus, & à Dæmonibus inexpugnabilem atque insuperabilem facere.

De hac CHRISTI fortitudine Dauid prophético spiritu prædixit illud quod legitur in Psalmo vigesimo tertio: *Quis est iste Rex gloria? Dominus fortis & potens, Dominus potens in prælio*. Et Esaias cap. 9. *Vocabitur nomen eius, fortis & Abacuch cap. 3. Cornua in manibus eius, ibi abscondita est fortitudo eius*. Hanc suam fortitudinem significauit ipse Dominus Ioannis 16. *Confidite, ego vici mundum*. Et Ioannis 12. *Nunc princeps huius mundi eijcietur foras, & ibidem: Ego, si exaltatus fuero à terra, omnia traham ad me ipsum*. Sed apertissimè hoc indicauit per parabolam, quam Lucas in capite vndecimo sui Euangelij refert illis verbis: *Cùm fortis armatus custodit atrium suum, in pace sunt omnia quæ possidet. Si autem fortior eo superueniens*

perueniens vicerit eum, vniuersa arma eius auferet, in quibus confidebat, & spolia eius distribuet. Atque eò admirabilior est CHRISTI fortitudo, quòd ea in iis quæ videntur infirmissima, vt in Passione & Morte, in paupertate & in humilitate, suam maximè vim ostendit: vt verissimum sit illud Pauli dictum: *Quod infirmum est DEI*, ad Corin. 1. *fortius est omnibus hominibus.*

TRIGESIMA SEXTA DISPVATIO.

Super illis verbis:

Et de plenitudine eius, nos omnes accepimus.

VER. 16.

134 **R**IGENES, Theophylactus, Rupertus, & Caietanus, & hæc verba, & quæ deinceps proximè sequuntur, putant esse ipsius Ioannis Baptistæ, & ad eius testimonium pertinere; idque ita probant: Primo, quia hoc demonstrat illa particula *Et*, coniungens quæ sequuntur cum præcedentibus verbis Baptistæ. Deinde, quia post hæc verba subditur: *Hoc est testimonium Ioannis.* Ad hæc, quia satis ineptum fuisset, inchoatam testimonij Baptistæ narrationem, Ioannem Euangelistam, interpositione verborum suorum, interrompere ac perturbare. Ideo autem volunt, hæc verba dixisse Baptistam, quòd planius ostenderet id, quod obscure dixerat, CHRISTVM fuisse factum ante ipsum, & fuisse priorem ipso.

135 E diuerso autem Chrysosthomus, Augustinus, Cyrillus, Beda, Iansennius, censent, ista verba esse Ioannis Euangelistæ, quibus declaratur, verum fuisse prænarratum Baptistæ de CHRISTO testimonium. Quid enim mirum, fuisse CHRISTVM priorem atque præstantiorem Ioanne Baptista, cum sit ipse vnigenitus à patre, in sinu eius requiescens, & gratiæ atque veritatis effector, & fons, vnde omnis gratia permanat ad homines. Probabiliorem faciunt hanc sententiam, tum quòd illa nomina vnigenitus, & IESVS, & CHRISTVS, non fuere vñitata Baptistæ: tum quòd illa *gratia & veritas per IESVM CHRISTVM facta est*, & illud, *Ipse enarrauit*, non possunt pertinere ad tempus quo Baptista hæc lo-

cutus est, sed ad posteriora tempora, quibus CHRISTVS iam hominibus doctrinam & potentiam suam manifestauerat. Illa porro verba, *Hoc est testimonium Ioannis*, non ad præcedens eius testimonium pertinent, sed ad proximè subsequens testimonium, dictum legis Iudæorum, missis ad Baptistam.

Sed nos enucleatè declaremus illa verba: *De plenitudine eius nos* 136

Triplex plenitudo gratiæ.

omnes accepimus. Triplex est plenitudo gratiæ: vna est gratiæ sufficientis ad explendum munus & ministerium à DEO iniunctum homini: & hæc plenitudo gratiæ fuit in Baptista, in Stephano, & in Apostolis. Altera est plenitudo gratiæ, non tantum sufficientis, sed etiam superabundantis; qualis fuit in Beatissima MARIA, & quam significauit Gabriel, cum ei dixit: *Aue gratia plena.* Tertia est plenitudo gratiæ redundantis & supereffluentis in omnes; & hæc propria est CHRISTI. Propter hanc plenitudinem gratiæ CHRISTVS dicitur radix, Sancti verò, rami: ille, vitis; hi, palmites: ille, fundamentum, hi, superfundati & superædificati in ipso: ille, Sol; hi, stellæ: ille, fons; hi, riuuli ex eo fonte promanantes: ille, quasi cor; hi, tanquam venæ, & arteriæ, & nerui: denique, ille, caput; hi, membra.

Luca I.

Qualis sit gratia & in Christo, & in Sanctis eius.

Præpositio De multiplicem significationem & vim hoc loco habere potest.

In illis autem verbis *De plenitudine eius*, illa præpositio *de*, varia 137 significare, & varias reddere potest sententias. Primò, significare potest efficientiam, quia plenitudo gratiæ CHRISTI, effectrix fuit omnis gratiæ quæ data est aliis. Secundò, significare potest exuperantiam quandam & redundantiam illius plenitudinis CHRISTI in alios. Tertiò, potest significare participationem; in CHRISTO enim fuit plenitudo gratiæ: Alij verò non totam plenitudinem, sed aliquantam eius partem, alij quidem maiorem, alij verò minorem habuerunt. Quartò, potest etiam significare velut quandam similitudinem, vt sensus sit: Accepimus nos gratiam aliquatenus similem ei gratiæ, quam CHRISTVS habuit in ipsa plenitudine gratiæ. Consimile huius videri potest illud, quod Dominus dixit Moysi, & scriptum est in capite vndecimo libri Numerorum: *Auferam de spiritu tuo, & dabo illis.* Id autem est, dabo illis spiritum & gratiam, aliqua ex parte similem ei quam tu habes. Cum autem dicitur *De plenitudine eius*, illud pronomen *eius*, denotat CHRISTVM, non tantum, quæ DEVS est; sed etiam, quæ est

Locus libri Numerorum cap. 11.

est homo, & est caput omnium electorum, & causa meritoria & efficiens omnis eorum gratia. Iam verò, dixit: *Nos omnes accepimus*, quia, licet omnes iusti qui præcesserunt aduentum CHRISTI, & iustificati sunt per fidem eius, vel explicitam vel implicitam, adepti sint æternam salutem: tamen, qui post aduentum CHRISTI fuerunt iusti & sancti, vberiores & perfectiores gratiam acceperunt; sicut Dominus ipse dixit apud Ioannem cap. 19. *Ego veni ut vitam habeant, & abundantius habeant*. Et ante istos omnes, Apostoli de plenitudine CHRISTI plenissimè acceperunt, primitias videlicet spiritus habentes, id est, & prius, & abundantius aliis gratiam accipientes. Dixit absolutè, & præcisè *accepimus*, non declarans hoc vel illud bonum, quod acceperint; ut generatim indicaret omnia bona; qualiacunque, & quantacunque sint, dari hominibus per CHRISTVM.

TRIGESIMA SEPTIMA DISPUTATIO.

Super illis verbis:

Et gratiam pro gratia.

VER. 16.

138



ONNVLII Codices, ut innuit Beda, nō habent illam coniunctionem *Et*: Augustinus tamen vult, eam omnino esse de contextu verborum Ioannis: sanè, habent eam vetustiores & emendatiores libri tam Latini quàm

Beda.

Augustinus.

Græci. Sed valde obscuram habent sententiam ista verba, *Gratiam pro gratia*: ideoque plures & admodum varias eorum interpretationes apud explanatores huius Euangelij reperire licet, quas nos ad sex redeigimus. Prima est Augustini & Bedæ: Pro gratia iustificante accipere gratiam glorificantem, si tamen in gratia iustificante quis perseveret vsque ad finem: gloria verò quæ redditur à DEO meritis ex gratia iustificante profectis, etiam gratia vocatur à Paulo in sexto capite Epistolæ ad Romanos. Secunda interpretatio: pro prima gratia bene operante accipere secundam gratiam, per quam crescimus & confirmamur in gratia. Tertia: pro gratia & meritis CHRISTI, accipimus gratiam, qua nos forma-

Sex interpretationes, quid sit gratia pro gratia accipere. Augustinus, Beda.

liter iusti efficiuntur: ut illud *Pro*, dictum sit pro eo quod est *Propter*. Quarta: Pro gratia legis Mosæicæ, quæ erat imperfecta, ut quæ nec diuina perfectè doceret, nec humana mala sanaret; pro hac inquam gratia legis Mosæicæ, accepimus gratiam legis Euangelicæ, quæ & diuinarum rerum apertiore & copiosiore doctrinam continet; & sanandis animorum morbis efficacia præstat remedia. Hæc interpretatio est Chrysostomi, Cyrilli, & Rupertii; quæ magnam ex eo fidem habet, quod proximè post subditur: *Lex per Moysen data est; gratia autem & veritas per IESUM CHRISTUM facta est.*

Chrysost.
Cyrillus.
Rupertus.

Caietanus.

Quinta interpretatio est Caietani, noua illa quidem, sed acuta, 139 & planè redolens ingenium Caietani: quam ego propriis eius verbis hic appositis, referam: explanans enim verba hæc, *Gratiam pro gratia*, ita scribit: Ne erraremus intelligendo, quòd accepimus de plenitudine CHRISTI bona, per modum cuiusdam naturaliter effluentis redundantia; sicut nonnulli Philosophi putarunt, DEVM, omnis perfectionis plenum, communicasse bonitatem suam aliis rebus & hominibus naturali necessitate, ceu per quandam redundantiam siue effluentiam; idcirco Ioannes, ad hoc excludendum, adiunxit hæc verba, *Gratiam pro gratia*, significans communicationem diuinæ bonitatis cum hominibus non esse factam ex necessitate naturæ, sed mera eius voluntate ac liberalitate; hoc enim significat nomen Gratia, donum scilicet voluntariè, gratuitòque datum. Et quia sæpe bona quæ DEVS gratuitò dat, putant homines, vel casu sibi obtigisse, vel aliorum hominum fauore, vel cælorum aut naturæ virtute sibi collata esse; ideo Ioannes addidit illud, *Pro gratia*, significans, bona quæ de plenitudine CHRISTI accepta sunt, esse gratiam, tam ex parte donantis, qui dat ea gratuitò; quàm ex parte accipientium, qui agnoscunt ea, non tanquam meritis suis debita, sed ut prorsus indebita, & gratuitò sibi esse donata. Hoc enim est accipere gratiam pro gratia, id est, sub ratione gratia: sicut accipere aurum pro auro, & non pro aurichalco, & accipere margaritam pro margarita, & non pro alio lapide. Hactenus ex Caietano.

Sexta interpretatio est huiusmodi: Hæc locutio, *Gratiam pro gratia*, videtur esse phrasis Hebraica significans plenitudinem & velut 140

velut quandam vniuersalitem gratiæ. Et videtur similis illis locutionibus satis in Sacra scriptura frequentatis: De die in diem: à generatione in generationem: de virtute in virtutem: à sæculo in sæculum: quarum locutionum hæc est sententia, per omnem diem, per omnes virtutes, in omni generatione, omni sæculo siue per omnia sæcula. Sed huic locutioni Ioannis, *Gratiam pro gratia*, simillima videtur illa locutio, quæ est in secundo capite libri Iob: *Pelle[m] pro pelle, & cuncta quæ habet, dabit homo pro anima sua.* Quorum verborum hæc est sententia: Pro anima sua, siue pro vita sua conseruanda, dabit homo pellem pro pelle, id est, omnes pelles; id autem est, omnes diuitias, & omnia bona sua: Priscorum enim hominum opulencia, in abundantia gregum & armentorum posita erat.

TRIGESIMA OCTAVA DISPVATIO.

Super illis verbis:

Quia lex per Moysen data est, gratia autem & veritas VER. 17.
per IESVM CHRISTVM facta est.

141 **V**ERBA hæc trimembrem continent, pulcherri-
mâmq; antithesin: vnâ, inter Moysen & CHRIS-
TVM; alterâ, inter legem veterem & legem
Euangelicam, quæ est gratia & veritas: Tertiam,
inter esse datam & esse factam. Prima itaque anti-
thesis inter Moysen & CHRISTVM, multis modis significat
excellentiâ CHRISTI super Moysen. Primò, quia Moyses
fuit tanquam famulus & seruus in domo DEI: CHRISTVS fuit
vnigenitus DEI, in sinu eius manens. Secundò, Moyses fuit dux
Hebræorum: CHRISTVS perpetuus Rex & dominus omnium
hominum, quorum fuit Cõditor atque Redemptor. Tertio, Moy-
ses, quia assumptus fuit ex aquis, nomẽ istud accepit: CHRISTVS,
quia super omnes & homines & Angelos vnctus à DEO est oleo
letitiæ, CHRISTI nomen habuit. Quartò, Moyses homo tan-
tùm fuit, nec sine peccatis: CHRISTVS, homo simul & DEVS;
& quâ

*Off duplex An-
tithesi inter
Moysen &
Christu Domi-
num de-
monstrâs ex-
cellentiam
Christi super
Moysen.*

& quâ homo, segregatus à peccatoribus, & purior cœlis. Quinto, Moyses non potuit Hebræum populum introducere in terrâ promissionis: CHRISTVS innumerabiles ex cunctis Gentibus introduxit, & introducet in cœlestem patriam; ipse namque clausam mortalibus cœli ianuam, in perpetuum referauit. Sexto, Moyses liberator fuit Hebrææ Gentis ab Ægyptiaca Pharaonis seruitute: CHRISTVS liberator fuit omnium hominum à seruitute peccati, & à potestate Diaboli, & à reatu mortis æternæ; ipse iustos ex carcere inferni eduxit, & in cœlum extulit. Septimo, Moyses propter consuetudinem familiarissimè loquendi cum DEO, radiantem habebat faciem, & velo tegebat eam cum loquebatur Iudæis: CHRISTVS, propter substantialem vnionē cum DEO, erat splendor ipse gloriæ DEI; quem, veniens ad homines, velo carnis obtexit. Octauo, Moyses umbras & figuras futurarum rerum atque bonorum præferebat: CHRISTVS veritatem ipsam rerum & bonorum demonstrabat, & implendo præstabat.

Decem differentia inter legē veterem & legē Euāgelicam.

Marci ult.

Altera est antithesis inter legem, Mosaicam videlicet, & inter gratiam & veritatem, quæ est lex Euangelica, quæ appellatur lex gratiæ & spiritus. Primò, lex vetus vni tantum Hebrææ Genti data est: Lex Euāgelica omnibus gentibus lata est, sicut Dominus Apostolis dixit, *Prædicate Euāgelium omni creatura*. Secundò, lex vetus fuit quodammodo carnalis, populo nimirum carnali congruens; quamquam alio nomine, etiam ipsa spiritualis fuit, & sic appellatur à Paulo in capite septimo Epistolæ ad Romanos. Lex Euangelica est omnino spiritualis, non corporalia & temporalia bona promittens: sed spiritualia & æterna. Tertiò, lex vetus erat lex paruulorum, qui solidum cibum non ferunt, sed lacte tanquam paruuli aluntur: Lex Euangelica est lex virorum, solido cibo virtutis & doctrinæ gaudentium. Quartò, lex vetus erat onerosa, & vt dixit B. Petrus, importabilis: Euangelicæ legis iugum est suauē, & onus leue, sicut dixit Dominus. Quintò, lex vetus erat lex timoris: lex Euangelica est lex amoris, & charitatis quæ foras mittit timorem. Sextò, lex vetus erat lex seruitutis, terrens, & comminatione suppliciorum compellens & quasi cogens homines ad sui obseruantiam: Lex Euangelica est lex libertatis, ad sui obseruantiam ducēs homines nō metu poenæ, sed amore iustitiæ. Septimò, lex

lex vetus erat lex temporaria, nec semper mansura: Lex Evangelica nunquam cessabit, ut in eius locum alia lex melior & perfectior sufficiatur. Octauò, lex vetus imperfectè, & subobscurè tradebat res diuinas, & quæ ad æternam salutem hominum pertinent: lex Evangelica tradit copiosam, & apertam, explicatamque cognitionem diuinarum rerum, & eorum, quæ nosse vel necessarium sit, vel perquam utile ad bene beatèque viuendum. Nonò, lex vetus fuit umbratilis, & figuratiua rerum: lex Evangelica sine umbris & figuris docet hominem & diuina mysteria, & quæ necessaria sunt homini ad salutem animæ comparandam. Decimò, lex vetus indicabat peccatum homini, sed id non tollebat, non præbens efficacia sanandis animorum morbis remedia: lex Evangelica sanat morbos animæ, tollitque peccata, quia præstat abundantem gratiam. Etenim per gratiam Evangelicam hæc bona præstantur homini: Primò, delentur peccata: Secundò, datur facultas bene operandi, & deinceps vitandi peccata: Tertiò, domatur concupiscentia, ut sit obediens rationi & legi DEI. Quartò, validè resistitur Diabolo, ita ut ei præualeat homo iustus: Quintò, vincitur mundus, & mundana bona & gaudia contemnuntur: Sextò, facit homo iustus opera DEO accepta, & quorum merces in cœlis est vita æterna. Septimò, per istam gratiam fit homo non solum amicus DEI, sed etiam filius, & hæres bonorum eius. Octauo per hanc ipsam gratiam omnia aduersa & mala non tantum patienti animo, sed etiam gaudenti, & gloriabundo perferuntur; quin etiam mors ipsa expetitur, tanquam breuis ad DEVM perueniendi via: quemadmodum sancta Ecclesia de sanctis martyribus canit:

*Octo bona,
qua præstat
homini lex
& gratia Evan-
gelica.*

*Terrore victo sæculi,
Pœnisque spretis corporis,
Mortis sacræ compendio
Vitam beatam possident.*

Tertia antithesis est inter illud *Data* & illud *Facta*. Moyses enim, ne illius quidem legis imperfectæ fuit author & conditor, sed promulgator tantum: CHRISTVS autem perfectissimæ legis & gratiæ Evangelicæ fuit non solum prædicator & doctor, sed effector, & largitor.

O TRIGE

TRIGESIMA NONA DISPUTATIO.

Super illis verbis:

VER. 18.

DEVM nemo vidit vnquam.

BEATVS Ioannes prætulit CHRISTVM Ioanni 143 Baptistæ, cùm paulò supra dixit: *Non erat ille lux, sed ut testimonium perhiberet de lumine*: prætulit CHRISTVM etiam Moyfi, cùm dixit, Moysem fuisse datorem legis, CHRISTVM autem gratiæ & veritatis effectorem. Hoc, ne mirum, aut etiam incredibile videretur Iudæis, reddit hanc eius rei causam: neque Moyfes, neque Prophetæ DEVM viderunt, CHRISTVS verò non solum vidit DEVM; sed etiam, tanquam vnigenitus, manet in sinu Patris, omnis potentiæ ac sapientiæ eius consors. Non igitur mirum videri debet, CHRISTVM plus gratiæ ac sapientiæ attulisse hominibus, quàm Moysem & Prophetas: hi enim serui fuerunt DEI; ille, filius vnigenitus, habens omnia quæ Pater habet. Huius sententiæ: DEVM *nemo vidit*, similem omnino sententiam habet idem Ioannes in capite quarto primæ suæ Epistolæ, & in capite sexto huius Euangelij similem refert sententiam dictam à Domino Iudæis, illis verbis, *Non quia Patrem vidit quisquam, nisi is qui est à DEO, hic vidit patrem*. Paulus quoque in primo capite prioris Epistolæ ad Timotheum, DEVM appellat inuisibilem: & in capite ultimo eius Epistolæ hæc scribit de DEO: *Qui lucem habitat inaccessibilem; quem nullus hominum vidit, neque videre potest*. Et in trigesimo tertio capite libri Exodi scriptum est, Moyfi cupienti ac petenti videre faciem DEI, respondisse DEVM: *Faciem meam videre non poteris; non enim videbit me homo, & vivet*.

Hanc sententiam Deum nemo vidit, tribus modis intelligi posse.

Hæc porro sententiæ, (nullum fuisse vnquā qui viderit DEVM,) 144 tribus modis intelligi potest. Primò, nullum naturali lumine ac facultate intellectus vidisse DEVM, id est, clarè vidisse ipsam DEI essentiam, vt in se est; de hac enim visione DEI loquitur scriptura & hoc loco, & alibi cùm negat, fuisse vllum qui DEVM viderit. Nimirum, cùm essentia DEI sit supernaturale obiectum intelli

intelligibile respectu cuiuscunque intellectus creati tam humani quam Angelici, idcirco nullus intellectus creatus, nisi supernaturali gratia DEI eleuatus, ad visionem diuinæ essentiae adspirare potest. Altero modo potest hæc sententia intelligi, de visione DEI comprehensiuâ, quâ DEVS tantum cognoscitur, quantum est cognoscibilis: & quia DEVS, cum sit infinitæ virtutis, atque perfectionis, est infinitè intelligibilis, propterea nullus intellectus creatus, cum sit finitæ virtutis & capacitatis, huiusmodi visione comprehensiuâ aut vidit, aut etiam videre potest DEVM: & istis duobus modis videndi, neque in hac vita, neque in cælo, neque ab homine, neque ab Angelo DEVS videri potest. Tertio modo sententia hæc intelligi potest de visione diuinæ essentiae, quam homo habeat vitam agens in terris mortalem, vt sit hic sensus: Nullus hominum mortalem in terris vitam agens, DEI vidit essentiam: & hoc indicauit Dominus illis verbis quæ supra retulimus, *Non enim videbit me homo, & vinet.* At verò, CHRISTVS Dominus etiam dum in terris erat, omnibus supra dictis tribus modis videbat DEI essentiam: nam, quâ DEVS erat, & naturaliter, & comprehensiuè DEVM videbat: quâ verò erat homo, etiam dum vixit in terris, vidit DEVM, quia eius anima ab initio suæ creationis fuit beatâ, clarè videns DEVM, & beatificam eius visionem atque fruitionem habens.

Christus Dominus, etiam cum in terris mortalem degerebat vitam, tribus modis videbat Deum.

- 145 Verum, huic sententiæ planè aduersari videtur, quod in diuina scriptura de Moyse scriptum est & in trigesimo tertio capite Exodus, & in duodecimo capite libri numerorum: illic enim sunt hæc verba: *Loquebatur Dominus ad Moysen facie ad faciem, sicut solet loqui homo ad amicum suum.* Hic autem ita scriptum est: *Seruus meus Moyses in omni domo mea fidelissimus est: ore ad os loquor ei: & palam, & non per aigmata, & figuras Dominum videt.* His verbis diuinæ scripturæ permoti non pauci veterum Doctorum & patrum senserunt, Moysen vidisse DEI essentiam: hoc enim indicat Basilius in homilia prima in Hexameron. & Ambrosius libro primo in Hexameron. cap. 2. & Augustinus in libro duodecimo super Genesim ad litteram cap. 27. & in Epistola centesima duodecima cap. 12. & S. Thomas in prima parte quæstione duodecima articulo vndecimo, & clariùs in secunda secundæ quæstione centesima septuagesima

Quæstio an Moyses videret Dei essentiam. Explicatur copiosè locus Exod. cap. 33. & libri Numerorum cap. 12.

Basilius.

Ambrosius. Augustinus.

S. Thomas.

gesima quarta, articulo quarto, & quaestione centesima septuagesima quinta articulo tertio. Horum sententia maximè nititur supradictis illis verbis, quæ de Moyse scripta sunt Exod. 33. & Numeror. 12. quòd Moyse non per ænigmata, nec per figuras videbat Dominum, sed palàm, & facie ad faciem: visio autem DEI facie ad faciem, est clara visio diuinæ essentiae, secundùm illud quod Paulus dixit in capite decimo tertio prioris Epistolæ ad Corinthios: *Nunc videmus in speculo & in ænigmate, tunc autem facie ad faciem.*

*Locus prima
ad Corinthios
cap. 13.*

*Dionysius
Areopagita.*

Ex aduerso autem, complures alij & grauissimi patres contra 146
fenserunt, negantes, Moysen vidisse DEI essentiam: horum princeps Dionysius Areopagita in quarto capite libri de cœlesti Hierarchia confirmat his verbis: Si quis fortasse dixerit, ex DEO ipso, absque vllò medio, quibusdam sanctorum diuinas apparitiones contigisse; is illud ex sacratissimis libris sapienter intelligat, quòd, secretum ipsum DEI, quodcunque tantùm illud est, nemo vnquam vidit, neque videbit. Atque eo in loco latè disputat, omnes DEI visiones & apparitiones factas hominibus sanctis in veteri Testamento, non à DEO immediatè, sed per Angelos esse illis factas. Idem Dionysius in primo capite libri de Mystica Theologia, cùm locutus esset de familiarissima consuetudine & sermocinatione & cōuersatione, quam Moyses in mōte Sina cum DEO habuit, subdit hæc: Atque ibi non ipsi congregitur DEO, neque ipsum cernit, est enim inuisibilis DEVS, sed locum vbi stetit. Sic Dionysius. Eandem sententiam tenuit Nazianzenus in libro secundo Theologiæ, & Hieronymus super sextum caput Esaie, & Cyrillus in libro primo commentariorum super hoc Euangelium Ioannis cap. 22. & S. Gregorius in libro decimo octauo Moralium cap. 6. quin etiam ipsemet Augustinus in hoc loco, & S. Thomas in prima secundæ apertè negârunt, Moysen vidisse DEI essentiam; licet aliis in locis contra sensisse videantur:

*Nazianzenus.
Hieronymus.
Cyrillus.
Gregorius.
Augustinus.
S. Thomas.*

sed istorum Patrum verba, quæ firmant
hanc sententiam, paulò infrà
referemus.

QVADRAGESIMA DISPV TATIO.

Super eadem questione, An Moyſes viderit eſſentiam DEI? exponitur Auctoris ſententia; quæ non eſt aliud, niſi proxime ſuperioris ſententiæ maior quedam explanatio, & quadruplex confirmatio.

147 **M** IHI poſterior, quam proximè retuli, Patrum ſententia aientium, Moyſem nunquam in terris vidiffe DEI eſſentiam, ſimillima vero fit, & probabiliffima: maximam verò eſſe probabilitatem huius ſententiæ, quatuor modis argumentari poſſum. Ac primo quidem, id ſatis euidenter perſpicitur ex hoc ipſo loco, in quo dicitur, *DEVM nemo vidit vnquam*. Etenim eo maximè Ioannes oſtendit, tam gratia, quàm veritate longè præſtantiorem fuiſſe *CHRISTVM* quàm Moyſem; quia Moyſes nunquam in terris vidit *DEVM*; *CHRISTVS* autem non ſolùm vidit *DEVM*, verùm etiam in ſinu eius, tanquam vnigenitus ipſius, erat: quapropter & apud *DEVM* gratioſiſſimus, & omnium *DEI* ſecretorum conſcius fuit. Et hoc ipſum confirmant illa verba Domini, quæ refert Ioannes infra cap. 6. *Non quia Patrem vidit quiſquam, niſi is, qui eſt à DEO; hic vidit Patrem*. Quibus verbis ſatis oſtendit Dominus, præter ipſum *CHRISTVM* nullum aliorum omnium hominum vidiffe *DEVM*. *Quatuor modis probatur, Moyſem non vidiffe in terris Dei eſſentiam.*

148 Deinde, in illo ipſo trigeſimo tertio capite libri Exodi, in quo ſcriptum eſt, Dominum loqui ſolitum cum Moyſe facie ad faciem, paulò poſt, ipſi Moyſi vehementer cupienti & petenti videre faciem & gloriam *DEI*, reſpondit *DEVS*: *Faciem meam videre non poteris; non enim videbit me homo, & viuet*. Ergo, illa viſio *DEI* facie ad faciem quam dicitur Moyſes habuiſſe, non erat viſio diuinæ eſſentiæ: ſi enim eam habuiſſet Moyſes, non petiſſet eam, tanquam quid nouum & inſolitum ſibi, nec *DEVS* eam denegäſſet ei, tanquam impoſſibilem ipſi, & cuius mortalium. Et ſolùm conceſſit ei, vt videret, non faciem, ſed poſteriora ipſius tranſeuntis. Sic enim eo in loco ſcriptum eſt: *Non poteris videre faciem meam, non enim videbit me homo, & viuet. Sed ecce, eſt locus apud me, &*

stabis supra petram : cūque transibit gloria mea , ponam te in foramine petrae , & protegam te dextera mea , donec transeam ; tollamque manum meam , & videbis posteriora mea , faciem autem meam videre non poteris.

Ad hæc , si vnquam Moyſes vidisset essentiam DEI , tunc præcipuè vidisset , cū fuit in monte Sina manens cum DEO per quadraginta dies , nihil comedens nec bibens ; & iterum per alios quadraginta dies ibidem manens cum DEO ; duabus enim istis vicibus maiorem , atque interiorem , & diuturniorem quàm alijs vnquam , habuisse dicitur cum DEO familiaritatem , & sermocinationem , & conuersationem . At , Mosē non vidisse tūc DEVM , imò nec immediatè locutum esse cum DEO , sed cū Angelo , & legem ipsam non à DEO immediatè , sed per Angelos accepisse , affirmat B. Dionysius in primo capite libri de Mystica Theologia , & in capite quarto libri de cœlesti Hierarchia , idque confirmat auctoritate Sacræ scripturæ idipsum attestantis : haud dubiè significans Paulum , qui hoc in tertio capite Epistolæ ad Galathas tradit ; & B. Stephanum , qui hoc ipsum dixit in ea concione , quam proximè ante mortem suam habuit ad Iudæos , vt refert Lucas in septimo capite libri de Actibus Apostolorum . Quòd autem in monte Sina non DEVS immediatè loqueretur cum Moyſe , sed Angelus , apertè dixit B. Stephanus , in loco proximè citato , vbi loquens de Moyſe , hæc dixit : *Hic est , qui fuit in Ecclesia in solitudine , cum Angelo qui loquebatur ei in monte Sina ; & accepit verba vite dare nobis.*

Postremò , si propterea putatur Moyſes vidisse DEI essentiam , quia scriptura dicit , eum vidisse DEVM , & locutum esse cum DEO facie ad faciem : ob eandem sanè causam dicendum esset , etiam sanctum Patriarcham Iacob vidisse DEI essentiam ; quoniam scriptura in trigésimo secundo capite libri Genesis inducit eum loquentem hæc verba : *Vidi Dominum facie ad faciem , & salua facta est anima mea.* Nemo tamen fuit vnquam neque de Patribus , neque de Theologis , aut explanatoribus Sacræ scripturæ , qui arbitratus sit , Iacob vidisse DEI essentiam . Et verò , illum , quem viderat Iacob , non fuisse DEVM immediatè , sed Angelum , ex eo ipso loco manifestum est . Dicitur enim ille luctatus esse cum Iacob , nec præualere potuisse contra ipsum ; & Iacob interrogasse eum,

*An Iacob ,
quia dicitur
vidisse Deum
facie ad faciem ,
viderit
Dei essentiam.*

eum, quod esset nomen eius. Sanè, nullum dubitandi de hac re locum reliquit Propheta Oseas, qui capite duodecimo, hæc de luctatione Iacob cum Angelo verba scripsit: *In fortitudine sua directus est cum Angelo: & inualuit ad Angelum, & confortatus est: fleuit, & rogauit eum.* B. Thomas in prima parte in quæstione duodecima in articulo vndecimo, & in responsione ad primum: Quòd dicitur Iacob, inquit, vidisse DEVM facie ad faciem, referendum est non ad ipsam diuinam essentiam, sed ad figuram in qua repræsentabatur ei DEVS; quod etiam pertinet ad quandam Prophetiæ eminentiam. Vel illud dixit Iacob, ad designandam quandam eminentiam intelligibilem contemplationis, supra communem statum. Sic B. Thomas. Iacob certè, quia viderat Angelum in specie corporali & visibili per corpus assumptum ab eo, & ad similitudinem corporis humani figuratum; & sic viderat eum sibi præsentem, & ore ad os secum loquentem; propterea dixit, vidisse se Dominum facie ad faciem; Dominum appellans Angelum, sicut Abraham & Loth, & Manue pater Sampsonis appellârunt.

*Genesi 18. &
19.
Iudicum 13.*

151. Hanc porrò sententiam placuisse aliquando B. Augustino, duobus ex locis scriptorum eius manifestū lectori faciam. In tractatu tertio in Euangelium Ioannis explanās Augustinus hæc ipsa Ioannis verba, DEVM *nemo vidit unquam.* Ita scribit de Mose: Moyses vidit nubem, vidit ignem, vidit Angelum: omnis illa creatura typum Domini sui gerebat, non ipsius Domini præsentiam exhibebat. Scriptura dixit, quòd Moyses loquebatur cum Domino ei contra in contra, sicut amicus cum amico suo: sed eadem tamen scriptura paulò post hæc ait, Moysen petiisse à DEO: *Si inueni gratiam in conspectu tuo, ostende mihi te ipsum manifestè, vt videam te.* Et DEVM ei respondisse: *Non potes videre faciem meam.* Loquebatur ergo cum Moyse Angelus, portans typum Domini: & illa omnia, quæ ibi per Angelum facta sunt, futuram gratiam & veritatem quæ per CHRISTVM facta est, promittebant. Sic hoc loco Augustinus. Idem Augustinus in libro duodecimo super Genesi ad litteram, & in eius libri capite vigesimo septimo hæc scribit: In libro Exodi dicitur, quòd Dominus locutus est Moyse facie ad faciem: & paulò post subditur, dixisse Moysen DEO: *Ostende mihi gloriam tuam.* Sentiebat ergo Moyses quod videbat de DEO; & quod

*Duo loca B.
Augustini, in
quibus ipse
negat, Moysem
vidisse
Dei essentiam.*

& quod non videbat, videre desiderabat & petebat. Sic ibi Augustinus. Ergo, secundum ipsum, Moyses non videbat DEI essentiam, quam videre desiderabat, & cuius visionem DEVS ei denegavit. Hanc quoque sententiam approbavit, & secutus est B. Thomas in prima secundæ, quæstione nonagesima octava, articulo tertio, in responsione ad secundum. Cum enim docere ac probare vellet, Moysen non immediatè legem accepisse à DEO, sed per Angelos; contra hoc ponit huiusmodi obiectionem: Scriptura dicit, Moysen vidisse DEVM facie ad faciem, & ore ad os locutum esse cum eo: ad hanc obiectionem ita respondet ipse: Cum dicitur Moyses vidisse DEVM facie ad faciem, loquitur scriptura secundum opinionem populi, qui putabat Moysen ore ad os loqui cum DEO; cum per subiectam creaturam, id est, per Angelum & in nube ei loqueretur, & appareret, vel per visionem faciei intelligitur quædam eminens contemplatio & familiaritas cum DEO, quæ est infra essentia diuinæ visionem. Hæc Sanctus Thomas: qui, quòd Moyses non viderit DEI essentiam, probat verbis Augustini productis ex capite vigesimo septimo libri duodecimi super Genesi ad litteram, quæ nos paulò supra commemorauimus.

*Locus B. Tho.
in quo ipse
sentit & da-
cet apertè,
Moysen non
vidisse Dei
essentiam.*

QVADRAGESIMA PRIMA DISPVATIO.

*Super tribus quorundam Veterum scriptorum falsis, circa
visionem DEI, sententijs.*

*Origenis er-
ror, quòd Fi-
lius Dei non
videat sub-
stantiam Dei
Patris.
Epiphanius.
Hieronymus.*



RIGENES non est veritus dicere, ne ipsum qui- 152
dem Filium DEI videre substantiam DEI Patris.
hoc nempe de eo scripsit Epiphanius disputans in
Hæresin sexagesimam quartam, & in Epistola ad
Ioannem Episcopum Hierosolymitanum: idemque
attribuit ei B. Hieronymus in Epistolis quas scripsit ad Auitum, &
ad Pammachium. Sed error iste Origenis manifestè redarguitur
ex hoc ipso loco Ioannis: is enim cum dixisset, DEVM *nemo vi-
dit vnquam*, subdit, *vnigenitus qui est in sinu Patris, ipse enarrauit*. Si-
gnificans his verbis, CHRISTVM non modò vidisse DEVM,
sed etià, tanquam vnigenitum eius filium, in sinu eius recumbere.

Ex

Expressius hoc demonstraui ipse Dominus, cuius hæc verba refert Ioannes infra cap. 6. *Non quia patrem vidit quisquam, nisi is qui est à DEO; hic vidit Patrem.* Idemque Dominus apud Matth. cap. 11. dixit: *Nemo nouit Patrem, nisi Filius.* Si enim omnia quæ *Ioan. 5. & 17.* Pater habet, etiam Filius habet, vt ipse dixit; habebit quoque visionem paternæ substantiæ. Si Filius videt substantiam suam, videbit etiam substantiam Patris, cum vna sit, eademque substantia vtriusque, dicente filio, *Ego & Pater vnus sumus.* Et ipse Filius, secundum Paulum, est figura substantiæ Patris, & imago inuisibilis DEI: ideoque Dominus dixit Philippo: *Qui videt me, videt & Patrem.*

*Ad Hebr.
Ad Coloss. 1.
Ioan. 14.
Secundus error quorundam
circa visionē
Dei.*

153 Altera sententia fuit quorundam, qui dixerunt, nec homines, neque Angelos, neque in terris, neque in cælis videre, aut visuros esse vnquam DEI substantiam, vt ipsa est in se: propterea tamen eos qui sunt in cælis, dici videre faciem DEI, quia vident splendentem quandam similitudinem gloriæ DEI, & tam clarè vident DEVM, quàm visionis eius capax est creata natura: Nam etiam Iacob Genesis 32. dicitur vidisse DEVM facie ad faciem, cum tamen in confesso apud omnes sit, Iacob non vidisse DEI essentiam. Pro hac sententia facere videtur illud, quod scripsit B. Petrus in capite primo prioris Epistolæ his verbis: *Spiritu sancto misso de cælo, in quem desiderant Angeli prospicere.* Si Angeli desiderant videre Spiritum sanctum, ergo non vident eum: desiderium enim non est nisi eorum quæ quis non habet, & habere cupit. Videtur hoc sensisse Theodoretus in primo Dialogo qui inscribitur immutabilis, idemque annuere videntur & Chrysosthomus Homilia decima quarta in Ioannem, hunc ipsum locum Ioannis explanans; & item Euthymius, & Theophylactus. Sed enim, huic sententiæ aduersatur diuina scriptura: Paulus enim capite decimo tertio prioris Epistolæ ad Corinthios scripsit: *Videmus nunc per speculum in enigmate, tunc autem facie ad faciem.* Idem paulò etiam expressius docuit nos B. Ioannes in capite tertio primæ Epistolæ illis verbis: *Scimus, quoniam cum apparuerit, similes ei erimus; quoniam videbimus eum, sicuti est.* Dominus etiā dixit: *Beati mundo corde, quoniam ipsi DEVM videbunt.* Chrysosthomus autem, si quis verba eius bene pensitet, loqui videtur de cognitione & visione DEI comprehensua, qua

*Theodoretus.
Chrysost.*

*Euthymius.
Theophyl.*

*Locus prima
Epistolæ Ioannis
cap. 3.*

*Matth. 5.
Chrysost.*

P tantum

tantum videtur DEVS, quantum omnino est visibilis: huiusmodi autem visionem DEI nulli creato intellectui possibilem esse constat.

*Explicatur
locus prima
Epistola Petri
cap. 1.*

Illud porro dictum B. Petri, quod Angeli desiderant prospicere in Spiritum sanctum, duplicem habet interpretationem, & neutra isti sententiæ suffragatur. Vel enim illud *desiderant*, dictum est pro eo quod est, (summe gaudent & letantur prospiciendo:) vel illud *desiderant*, non significat eo loco priuationem visionis DEI, ea quippe incredibiliter, atque immortaliter affligeret Angelos: sed tantum denotat remotionem & vacuitatem omnis satietatis & fastidij circa visionem DEI: ad hunc enim intellectum, in vigesimo quarto capite libri Ecclesiastici diuina Sapientia de se dixit: *Qui edunt me, adhuc esurient: & qui bibunt me, adhuc sitient.* Codices Græci pro illo, *in quem*, habent *in qua*, id autem refertur ad mysteria fidei, partim ad CHRISTVM, partim ad Ecclesiam eius & electos pertinentia; & partim iam impleta, partim deinceps implenda usque ad finem mundi; de quibus mysteriis proximè antè locutus est Petrus. Quomodo autem hæc mysteria desiderent Angeli prospicere, bene declarauit Caietanus in Commentario eius loci, ynde lector petere germanam istius lectionis Græcæ intelligentiam poterit.

Caietanus.

*Tertius error
circa visionem
Dei.*

Tertia sententia fuit: cum dicitur hoc loco DEVM nemo vidit unquam, id de visionè DEI patris tantum intelligi debere. Etenim in DEI apparitionibus & visionibus quæ sanctis viris factæ in veteri Testamento, commemorantur in diuina scriptura, nunquam DEVS pater apparuit, sed tantum DEVS Filius; quod ipse postea, sumpta carne humana, in terris videndus, & cum hominibus conuersaturus erat. Hoc sensit, & scriptum reliquit Tertullianus in eo libro quem aduersus Praxeam scripsit: eademque fuit aliorum quorundam veterum scriptorum opinio: quam hoc loco Augustinus, non sine eius detestatione, commemorat; & discutit in libro secundo de Trinitate.

Tertullianus.

Augustinus.

Sed istam sententiam manifestè refellunt duæ apparitiones & visiones DEI, duobus factæ Prophetis; Altera, quæ in veteri Testamento facta est Danieli, & narratur ab eo in capite septimo: Altera verò, quæ in nouo Testamento facta est B. Ioanni, & ab eo exponitur

156

ponitur in capite quarto & quinto libri Apocalypsis. Ac Danieli quidem visus est antiquus dierum sedens in throno: simulque visus est quasi filius hominis, cum nubibus cœli veniens ad illum antiquum dierum, & accipiens ab eo immensam potestatem, & gloriam, & imperium super omnes gentes, & regnum sempiternum. Ex qua narratione satis elucet, per illum antiquum dierum, significatum & representatum esse DEVM Patrem: per illum autem filium hominis venientem in nubibus ad illū antiquum dierum, & ab eo accipientem tantam gloriam & potestatem, significatum esse CHRISTVM Filium DEI. Beatus autem Ioannes vidit DEVM patrem in cœlo sedentem in throno: vidit etiam iuxta thronum eius CHRISTVM in specie, & figura agni occisi, accedentis ad DEVM sedentem in throno, & accipientis ab eo librum, quem in dextera sua tenebat, scriptum intus & foris, & signatum septem sigillis.

QVADRAGESIMA SECVNDA DISPUT.

Super illis verbis:

Vnigenitus filius, qui est in sinu Patris, ipse enarrauit. VER. 18.

157 **Q**UID significet, (esse in sinu Patris) multis, & variis *Quid sit, Christum esse in sinu Dei Patri, septem interpretati-ones.* modis explicitur. Primo, secundum Augustinum, quod est in sinu, est occultum aliis: sic enim scribit in tractatu tertio in Ioannem, Quid est, in sinu Patris? in secreto Patris. Non enim DEVS habet sinum, sicut nos habemus in vestibus: sed quia sinus noster intus est; secretum DEI Patris, sinum Patris appellauit. In secreto igitur Patris, qui Patrem nouit, ipse enarrauit. Sic Augustinus. Secundo, *Augustinus.* esse in sinu, metaphorice significat, esse dilectissimum & charissimum Patri. Tertio, esse apud Patrem in maximo pretio, & honore, & gloria. Quarto, esse apud Patrem gratiosissimum, ut quidvis facillime ab eo obtinere queat. Quinto, esse Patri coniunctissimum, & familiarissimum, atque intimum. Sexto, esse consciū omnium Patris consiliorum, & secretorum. Septimo, secundum Cyrillum, sinus Patris significat substantiam Patris: CHRISTVM *Cyrius.*

P 2 igitur

Locus Lucae
cap. 16.

igitur esse in sinu Patris, significat, esse ipsum eiusdem substantiæ cum Patre. Hac item locutione vsus est Lucas in decimo sexto capite sui Euāgelij scribens, Lazarum, cū mortuus est, receptum fuisse in sinum Abrahæ. Illud etiam dici posset, B. Ioannem hac locutione vsū, fortasse ad veterem Romanorum morem seruari solitum in conuiuiis, allusisse. Romani enim, in conuiuiis vel vxorem, vel liberos, vel alias sibi charissimas personas, vt auctor est Plutarchus, infra se collocabant, id autem est, in sinu suo. Mores autem & instituta Romanorum in conuiuiis seruari solita, Iudæi etiam, id temporis, sequebantur: quapropter, B. Ioannes, qui omnium maximè charus erat CHRISTO, in vltima eius cæna recubuit in sinu in pectore eius. Ambrosius certè, explanans illa verba Lucae cap. 15. *Cecidit in collum eius*, scribit, Ioannem in sinu IESV, ceruice recubuisse reflexa.

Plutarchus.

Ioan. 13.

Ambrosius.

Ex occasione huius locutionis (in sinu Patris esse) mihi venit in mentem, cū hæc scriberem, etiam hoc loco quasi obiter inter-

Locus Psalmi
109.

pretari locutionem illam qua vsus est Dauid in Psalmo centesimo nono, inducens Dominum patrem dicentem hæc verba Domino filio, *Ex vtero ante luciferum genui te*. Cū enim generare ex vtero suo, sit matris, non autem Patris; quomodo DEVS Pater dicitur ex vtero suo genuisse filium? sed est sciendum, istiusmodi locutionem esse phrasin Hebraicam, qua significatur, eum sic genitum, esse genitum ex substantia eius qui dicitur genuisse ex vtero, & esse verum & naturalem filium eius. Ac ne quis fortè suspicetur, ista locutione vt tantum scripturam, cū loquitur de diuina generatione Filij DEI; scire conuenit, ea locutione vt quoque scripturam cū loquitur de generatione aliorum. Nam idem Dauid in capite decimo-sexto libri secundi Regum loquens de filio suo Absalone, sic ait: *Ecce filius meus, qui egressus est de vtero meo, quærit animam meam*. Multi tamen opinati sunt, istam locutionem esse mysticam, & per eam significari, DEVM patrem in generatione filij, & patris & matris partes implēsse, ipsumque filium vno tantum parente genitum esse. Qua etiam de causa, cū scriptura loquitur de Messia ex semine Dauid generando, ait ipsum generatum iri ex vtero, siue de ventre Dauidis, vt videre licet in capite septimo lib. 2. Regum, & in Psalmo centesimo trigesimo primo.

Signifi

Significatur enim isto modo loquendi, Messiam genitum iri ex vtero tantum matris, sine vlla cooperatione virili: B. enim Maria progenita est ex semine Dauid, & per eam CHRISTVS dicitur fuisse ex semine Dauid, & filius ipsius Dauid. Et hæc quidem istorum est opinatio.

DE SECVNDO TESTIMONIO

Ioannis Baptistæ de CHRISTO.

Super illis verbis:

Et hoc est testimonium Ioannis, quando miserunt

VER. 19.

Iudæi ab Hierosolymis Sacerdotes & Leuitas

ad eum, vt interrogarent eum,

Tu quis es?

159



ER hanc legationem, præcipue atque inprimis explorare cupiebāt Iudæi, an Ioānes esset Messias. Chrysothomus & Theophylactus aiunt, eam legationem esse à Iudæis factam in odium & contemptum CHRISTI, quod mihi non fit verisimile: siquidem eo tempore CHRISTVS obscurus & ignotus erat Iudæis; nec dum enim publicè prædicare, & miracula facere, & concursus hominum habere cœperat: ideoq; causas omnes odij & inuidiæ, irarumque aduersus CHRISTVM Iudæi procul habebant. Illud sanè credibilius est, quia multi ambigebant, num Ioannes esset Messias, permoti videlicet miraculis quæ in eius conceptu atque ortu contigerant; & admirantes maximam vitæ eius sanctimoniam, & nouam doctrinæ ac prædicationis rationem, & insolitum baptizandi ritum; & quia iam in proximo adesse Messisæ aduentum, non Doctorum modò, sed vulgi etiam erat opinio; propter hæc, inquam, omnia simillimum vero est, Principes Iudæorum misisse legatos ad Ioannem, vt ex eius confessione responsisque, ambiguitate omni discussa, veritas liquidò, certèque cognosceretur. Hoc ipsum confirmatur auctoritate Lucæ, cuius in capite tertio Euangelij hæc sunt verba: *Existimante autem populo,*

*Chrysoth.
Theophylact.*

pulo, & cogitantibus omnibus in cordibus suis de Ioanne, ne forte ipse esset CHRISTVS &c. Sed profectò hinc satis apparet, quemadmodum Iudæi clarissima in luce hallucinarentur. Ioannes etenim nihil fermè habebat eorum, quæ futura esse in Messia, multifariam à Prophetis prædictum fuerat: neque eam Ioannes erat ex semine Dapid, neque ex tribu Iudæ; neque natus fuerat in Bethleem, neque signum vllum fecerat, quæ omnia prædictum fuerat à Prophetis, in CHRISTO esse futura.

QVADRAGESIMA TERTIA DISPVTATIO.

Super illis verbis:

VER. 2. I. Et interrogauerunt eum, Elias es tu? Et dixit, Non sum.

*Cur Iudæi
quarebant an
Ioannes esset
Elias.*



VIA Ioannes negauerat, se esse CHRISTVM, & 160 Iudæi legerant in Prophetia Malachie, Eliam venturum esse ante CHRISTI aduentum; incessit eos dubitatio, num Ioannes esset Elias: præsertim verò,

quòd Ioannes victu, vestitu, habitatione deserti, libertate reprehendendi, & ardore prædicandi quàm simillimus Eliæ videbatur.

Quæstio, quomodo Iudæi opinari potuerint, Ioannem fuisse Eliam.

Sed magnam habet quæstionem simulque admirationem, quomodo potuerit Iudæis in mentem venire, vt suspicarentur, Ioannem esse Eliam: cum Ioannem ante annos circiter triginta ex Zacharia & Elisabeth natum esse scirent; Eliam verò ante nongentos annos fuisse, & in cælum esse raptum, partim ex Sacra scriptura, partim ex antiquissima suorum Maiorum traditione compertum haberent.

4. Reg. 2.

Opinio Iansenij, quòd Iudæi fuerint in errore Pythagoræorum de transmigratione animarum in diuersa corpora. Iansenius.

Hanc quæstionem explicans Iansenius, ait, complures Iudæo- 161 rum, tẽpore Ioannis & CHRISTI, fuisse in errore Pythagoræorum de transmigratione animarum, quòd eadem scilicet anima, diuersis in temporibus, diuersa in corpora humana immigraret. Id verò duplici scripturæ testimonio confirmat Iansenius. Matthæus enim 14. Euangelij capite refert, Herodem, audita fama miraculorum CHRISTI, dixisse: *Ipse est Ioannes quem ego decollavi: & ideo virtutes operantur in ipso.* Apud eundem Matthæum quoque cap. 16.

cap. 16. CHRISTO interroganti discipulos suos, quem dicerent homines esse ipsum, responderunt illi: *Alij Ioannem Baptistam, alij autem Eliam, alij verò Hieremiam, aut unum ex Prophetis.* Putabat vulgus Iudæorum videlicet, animam alicuius illorum intrasse in corpus CHRISTI.

161 Sed ego sententiam istam minimè probabilem esse, sex rationibus possum ostendere. Primò, ut error ille fuisset vulgi, non fuisse tamen Phariseorum, quales erant qui hanc ad Ioannem legationem obibant, ex eo perspicere licet, quòd nec Clemens Romanus libro sexto Constitutionum Apostolicarum cap. 6. nec Epiphanius in Exordio sui operis aduersus Hæreses, subtiliter Phariseorum decreta recensentes, hunc tam insignem de transmigratione animarum errorem illis attribuunt: Deinde, Dominus noster apud Matthæum cap. 23. non obscurè indicat, Doctrinam Phariseorum fuisse sanam, & rectam, licet eorum vita esset praua & vitiosa: *Super cathedram, inquit, Moysi sedebunt Scribæ & Pharisei: omnia quaecunque dixerint vobis, seruate & facite: Secundum autem opera eorum, nolite facere.* Et cum Dominus multis aliis de rebus accusauerit Phariseos, si in hoc illi fuissent errore, qui est contrarius Sacrae Doctrinae, & vitæ hominum exitialis, non eum Dominus dissimulasset, sed, ut par erat, & sæpius, & seuerissimè reprehendisset, atque confutasset. Ad hæc, Paulus in Actis Apostolorum cap. 23. 24. & 26. apertè ostendit, Doctrinam Phariseorum fuisse veram, & probatam, siue, (ut significat verbum Græcum quo Paulus utitur cap. 26.) exactissimam & exquisitissimam; quam nimirum Paulus ab initio se esse secutum quodammodo gloriatur. Præterea, ex his quæ in supradictis locis dixit Paulus, & ex narratione Iosephi in libro decimo octavo Antiquitatum, & Epiphanius in Exordio sui operis aduersus Hæreses, manifestum est, bene sensitse Phariseos de Resurrectione mortuorum: ea verò sententia, illi de transmigratione animarum opinioni, planè repugnati. Illud denique potest adiici, peruulgatam fuisse tunc apud Iudæos ex antiqua traditione existimationem, Eliam non esse mortuum: quòd si putabant illi Eliam viuere, quomodo poterant suum in animum inducere, ut crederent, Eliæ animam transmigrasse in corpus Ioannis.

Sex argumentis probatur, Iudæos non fuisse in errore Iudæorum de transmigratione animarum, Clemens Rom. Epiphanius.

Iosephus. Epiphanius.

Testimo

*Explicatur
loci Matth. c.
14. & cap. 16.*

Testimonia porro Sacræ scripturæ quæ Iansennius affert, parum ¹⁶³ eius opinionem adiuuant. Etenim, tam Herodes, quàm Iudæi putarunt, & Ioannem, & CHRISTVM Dominum fuisse vnum aliquem de antiquis Prophetis; non quia illorum animæ in horum corpora demigrassent; sed quod illi resurrexissent ex mortuis, & sub diuersis nominibus apparuissent, & conuersarentur cum hominibus. Sed posset nobis obiici auctoritas Iosephi Iudæi, qui in libro secundo de bello Iudaico cap. 7. scribit, Phariseos sensisse, animas bonorum transmigrare in corpora. Verùm scire conuenit, Iosephum eo loco abusum esse verbo (transmigrare) id quæ posuisse pro verbo (remigrare); significare enim voluit resurrectionem mortuorum, quam scriptura in Actis Apostolorum dogma fuisse Phariseorum confirmat. Certè Iosephus ipse in libro decimo octauo Antiquitatum, (libros autem Antiquitatum scripsit post libros de Bello Iudaico) quod non propriè dixerat in libris de Bello Iudaico, id propriis & apertis verbis dixit in libro decimo octauo Antiquitatum, scribens, Phariseos sensisse, animis bonorum hominum facilem patere ad sua corpora reditum.

*Responsio ad
questionem su-
pra positam.*

Cæterùm, ad quæstionem supra positam, quomodo Iudæi po- ¹⁶⁴ tuerint suspicari, Ioannem fuisse Eliam, dupliciter responderi potest. Dubitabant enim Iudæi, num Elias, quia ad id usque temporis cunctis fuerat mortalibus occultus; tunc, prænunciaturus Messie aduentum, qui erat in proximo, manifestasset se hominibus: sed errore opinionis hominum putaretur, & nominaretur Ioannes. Multi quippe de Ioanne, quod iam pridem decesserant eius parentes, & ipse à prima ætate in solitudine perpetuò delituisset; non satis exploratam, neque explicatam opinionem habebant. Illud etiam dici potest, quod paulò supra diximus Iudæos eo tempore credidisse, Eliam non fuisse mortuum, id non fuisse communem Iudæorum omnium existimationem; nec paucos fuisse qui crederent, Eliam verè mortuum fuisse, propterea tamen vulgò dici non esse mortuum, quod scriptura nullum de morte eius verbum faceret; sicut etiam Melchisedech dicitur à Paulo ad Hebræos cap. 7. fuisse sine patre, sine matre, sine genealogia, neque initium dierum, neque finem vitæ habens; quod istiusmodi rerum nulla in Sacris litteris fiat mentio.

QVA

QVADRAGESIMA QVARTA DISPUTATIO.

*Super illis verbis:*Cuius ego non sum dignus, vt solvam eius
corrigiam calceamenti.

VER. 27.

165



ANc Ioannis Baptiste de CHRISTO sententiam omnes Euangelistae commemorarunt: quod ea perquam insignis, maximèque illustris esset ad ostendendam CHRISTI excellentiam; vt cui Ioannes, quo nullus inter homines maior erat, indignum se iudicauit, vt vel infimum, & abiectissimum seruorum obsequium praeſtaret. Sed eam tamen sententiam satis variè referunt Euangelistae: Matthaeus sic cap. 3. *Cuius non sum dignus calceamenta portare.* Marcus ita cap. 1. *Cuius non sum dignus, procumbens, soluere corrigiam calceamentorum eius.* Lucas cap. 3. hoc modo: *Cuius non sum dignus soluere corrigiam calceamentorum eius.* Ioannes denique ita vt diximus: *Cuius ego non sum dignus, vt solvam eius corrigiam calceamenti.* Est itaque in cōmemoratione huius sententiae Ioannis Baptistae ab Euangelistis facta quadruplex varietas. Primò enim, pro eo quod Ioannes secundum Latinam lectionem habet: *Non sum dignus*, Graecè est, ἀξιό, quod Latinus interpres congruè reddidit hoc loco *dignus*: Alij verò Euangelistae licet secundum Latinam lectionem habeant itidem: *Non sum dignus*, Graecè tamen est vox ἰσχυρός idem significans Latine quod *sufficiens, vel idoneus*. Deinde, Ioannes habet vocem *calceamenti*, in singulari numero; Alij verò omnes in plurali. Ad haec, vnus Matthaeus dixit, *portare calceamenta*, cū alij dixerunt, *soluere corrigiam calceamentorum, vel calceamenti*. Denique, Solus Marcus addidit illud, *procumbens*. Itaque fit mihi admodum verisimile, Ioannem Baptistam diuersis temporibus eandem sententiam diuersis verbis dixisse: aut certè ipsos Euangelistas non tam spectasse verba, quàm sententiam Ioannis, qui voluit indicare infimum serui obsequium erga calceos Domini sui, eos vel soluendo, vel ligando, vel portando. Hoc autem Baptista de CHRISTO, non solū insigni humilitate, sed etiam summa veritate dixit: Ioannes enim dignus non erat exhibere illud obse-

*Quadruplex
varietas in-
ter Euangeli-
stas in com-
memoratione
huius senten-
tia Ioannis de
Christo.*

Q quium

quum CHRISTO, non solum quâ CHRISTVS erat DEVS sed etiam quâ erat homo, habens triplicem illam, de qua supra dictum est, plenitudinem gratiæ, vñionis, capitis, & gratiæ habitualis. Sanè, si calceos, vel cingulum, vel saccum B. Francisci, aliûve insigni sanctimoniâ viri, tanta religione veneramus, vt eam manibus contrectare, irreligiosum putemus, & ore tantum deoscullemur: quantò plus reuerentiæ, & honoris ac venerationis CHRISTI pedibus, & calceis debitum est? ad similem quandam demissionem animi & humilitatem declarandam spectat modus ille loquendi qui est apud Esaiam cap. 49. *Lingent puluerem pedum tuorum.* & cap. 60. *Adorabunt vestigia pedum tuorum.*

*Quæstio, si
Christus non
viebatur cal-
ceis, quomodo
Ioannes dixe-
rit, se non esse
dignum solu-
ere calcea-
menta eius.
Chrysost.*

At enim, dictum hoc Baptiste de CHRISTO quæstionem 166 excitat huiusmodi: Cùm CHRISTVS non sit vsus calceis, sed nudis pedibus ingredi solitus sit; quomodo Ioannes Baptista dixit, se non esse dignum portare calceamenta CHRISTI, vel soluere corrigiam calceamentorum eius, quasi CHRISTVS calceamentis vteretur? CHRISTVM autem & Apostolos non esse vsos calceis, indicat Chrysosthomus super caput decimũ Matthæi ita scribens: Apostoli cum vnica tunica, & sine calceis circuibant totum mundum, & superabant. Expressius hoc ipsum docet nos Hieronymus in quadam Epistola ad Eustochium scripta: Moyses & Iosue, inquit Hieronymus, nudis pedibus in terra iubentur incedere: Apostoli sine vinculis pellium & onere calceamentorum, ad prædicationem noui destinantur Euangelij. Milites, vestibus CHRISTI sorte diuisis, calceos non habuere quos tollerent: neque enim Dominus habere poterat, quod seruos suos habere prohibuerat.

*Lyrani.
Toitani.*

Eadem est sententia Lyrani super caput tertium Matthæi, & 167 Toitani super idem caput quæstione sexagesima octaua: id autem confirmant isti duplici ratione. Quomodo enim, inquirunt, Magdalena, pedes CHRISTI in conuiuio discumbentis, nisi nudos, lauare, ungere, ac tergere potuisset? Deinde, si CHRISTVS vsus esset calceis, non vtrique vsum calceorum discipulis suis interdixisset, vt in capite decimo sui Euangelij referunt Matthæus & Lucas: Dominus quippe in omnibus quæ præcipiebat docendo præbat exemplo, prius faciens, quàm docens & iubens.

Lucæ 7.

Ad

168 Ad quæstionem itaque suprà positam responderi potest dupliciter. Modus enim ille loquendi Ioannis Baptistæ; figuratus fuit, & ceu prouerbialis: in quo non attenditur quid propriè verba significant, sed ad quid significandum adhiberi soleant, ad declarandū videlicet infimum, & abiectissimum seruitutis obsequium. Ut si quis aliquem manibus carentem salutans, honoris causā diceret, se manus eius deosculari. Illud etiam responsum non est improbabile: quo tempore Ioannes Baptista hæc dixit de CHRISTO, eo tempore nondum ei de facie notum fuisse CHRISTVM, & putasse Ioannem communi aliorum hominum vestitu & habitu CHRISTVM VTI.

*Responso ad
quæstionem
suprà positā.*

QVADRAGÈSIMA QVINTA DISPUTATIO.

*Discutitur proximè declarata opinio, quòd CHRISTVS
non sit vsus calceis, sed nudipes fuerit.*

169 **S**ENTENTIAM, quam in proxima superiori disputatione retulimus, eorum qui dixerunt, CHRISTVM non esse vsum calceis, sed nudis fuisse pedibus, non esse admodum probabilem, tribus minimè aspernandis rationibus lectori facilè probari & persuaderi posset. CHRISTVS etenim communem cum cæteris hominibus in victu & vestitu, & habitatione vitam agebat, ut ex verbis ipsius quæ refert Matthæus capite vndecimo, & nos paulò post referemus, perspicuè intelligitur: Ingressi autem nudis pedibus, minimè vsitatum erat apud Iudæos; siquidem apud Isaiam cap. 20. scriptum est, DEVM præcepisse Esaia, ut exutus tunica

*Locus Esaiæ
cap. 10.*

incederet coram Iudæis: ut eius rei nouitate ac stupore illis terrorem incuteret, secum reputantibus, illud magnæ alicuius calamitatis esse portentum. Deinde, si CHRISTVS nudis fuisset pedibus, non id tacuissent Euangelistæ, perinsigne videlicet humilitatis & austeritatis exemplum, præsertim autem in CHRISTO, qui regionem illam, pluribus locis montosam & asperam, prædicando, & sanando infirmos, sæpius peragtrauerat. Ad hæc, Ioannes Baptista,

Q 2 qui

qui duriores & austeriores, quàm CHRISTVS, vitam agebat non erat nudis pedibus: nimirum, Euangelistæ qui vestitum eius ex pilis camolorum, & zónam pelliceam, & victum ex locustis & ex melle syluestri, tam subtiliter, curioseque descripserunt; hoc de nuditate pedum eius, quod erat inprimis nouum & mirabile, scriptis proderet non prætermisissent. Quòd autem CHRISTVS talem ageret vitam, qualem homines communiter agere solebant, & quòd Ioannes Baptista vitâ degeret austeriores, quàm CHRISTVS, liquidò perspicitur ex illis verbis Domini, quæ refert Matthæus cap. 11. sunt autem hæc: *Venit Ioannes neque manducans, neque bibens, & dicunt, Daemonium habet. Venit filius hominis manducans & bibens, & dicunt, ecce homo vorax & potator vini, publicanorum & peccatorum amicus.*

Locus Matth.
cap. 11.

Hesychius.
Quid sit Sanda-
lium.

Locus Marci
cap. 6.

Locus Atha-
næi cap. 12.

Hieronymus.
Augustinus.
Beda.
Lyranus.
Bonauentura.
Solus B. Petri,
tẽpore B. Bona-
uentura, Roma
ostendebatur.
In urbe Hi-
spaniensi, Ovie-
do, Sandalium
B. Petri.
Tertullianus.

Equidem facile mihi persuaderi patiar, CHRISTVM Domi- 170
num & Apostolos esse vsos calceis, si non integris, certè dimidia-
tis, qui pedem non supernè, sed infernè contegunt; huiusmodi
calceos Græci vocant Sandalia; Hesychius autem, & alij Græcè
doctissimi tradunt, Sandalium esse genus calceamenti non totum
pedem tegens, sed infernè constans solea, supernè autem patens,
& apertum. Huiusmodi calceis sine Sandaliis vti voluit CHRIS-
TVS Apostolos, cuius hæc verba dicta illis refert Marc. c. 6. *Præcep-
tit eis ne quid tollerent in viam, nisi virgam tantum: non peram, non paræ, non
in zona as, sed calceatos Sandaliis, & ne induerentur duabus tunicis.* Hu-
iusmodi etiam calceis vsus est Petrus, vt manifestum sit ex verbis
illis quæ dixit ei Angelus: *Calcea te caligas tuas*, pro illo, *caligas*,
Græcè est; *Sandalia*; quæ vox significat dimidiatum calceum, vt
diximus: licet B. Hieronymus in libro quinto commentariorum
in Esaiam super caput vigesimum scribat, Sandalium Latine si-
gnificare caligas. Videat lector Augustinum in libro secundo de
consensu Euangelistarum cap. 30. & Bedam ac Lyranum super cap-
put sextum Marci.

S. Bonauentura in quadâ Epistola quæ ponitur inter eius opu- 171
scula, affirmat, Romæ seruari, & ostendi solere B. Petri soleam. In
Hispania, in Ecclesia Ouetensi, vulgò Ouedo, ostenditur Sanda-
lium B. Petri. Tertullianus in libro de Pallio scribit, calceos tegere
totum pedem: & sui temporis Christianos, præsertim verò disci-
plinæ

plinae CHRISTI studiosiores atque obseruantiores, eiusmodi calceis non esse vfos. Iam verò, quod supra obiiciebatur de Magdalenâ, facile diluitur. Nam vt infra, cùm super nouissima CHRISTI Cœna disputaturi sumus, copiose dicemus, mos fuit veterum tam Romanorum quàm Iudæorum, vt conuiuentes, in lectis ac-cumberent nudis pedibus, & prius bene lotis. Quorum autem calceorum Apostolis suis vsum CHRISTVS interdixerit, & quo-rum concesserit, ex eis quæ paulò antè diximus, manifestum est.

*Responsio ad
argumenta
contraria opi-
nioni.*

QVADRAGESIMA SEXTA DISPUTATIO.

Super illis verbis:

Vidit Ioannes IESVM venientem ad se, & ait: Ecce VER. 29.
agnus DEI, ecce qui tollit peccata mundi.

172 **E**T illud aduerbium *ecce*, & articulus Græcè præpo-situs vocî *Agnus*, significant, CHRISTVM dici agnum non quocumq; modo, sed eximia quadam & singulari ratione; denotando scilicet Agnum illum à Prophetis toties prædictum, & tantopere prædicatum, & in lege veteri variis modis præfiguratum. CHRISTVS autem vocatur Agnus septem ob causas. Primò, ob incom-parabilem eius puritatem atque innocentiam: quamobrem B. Pe-trus in primo capite prioris Epistolæ suæ CHRISTVM appellauit Agnum immaculatum atque incontaminatum. Secundò, propter admirabilem eius patientiam & mansuetudinem: quam significa-re volens Esaias cap. 53. *Quasi Agnus*, inquit, *coram tondeute se obmu-tescet.* Et Petrus in supradictæ Epistolæ capite secundo de CHRIS-TO loquens sic ait: *Qui cùm malediceretur, non maledicebat; cùm pateretur, non comminabatur; tradebat autem iudicanti se inuictè.* Ter-tiò, quia in cruce immolatus & mactatus est pro salute hominum, sicut eodem in loco dixit Petrus: *Peccata nostra ipse pertulit in cor-pore suo super lignum.* Quartò, quoniam CHRISTI perquam in-signis atque illustris figura fuit Agnus ille Paschalis: cuius sanguis foribus Hebræorum aspersus seruaui eos à cæde primogenito-rum, sicut narratur in capite duodecimo libri Exodi. Quin etiam

*Septem causæ,
ob quas Chri-
stus vocatur
Agnus.*

Q 3 care

ceremoniæ quæ in edendo agno Paschali, iussu DEI, seruabantur ab Hebræis, multa & præclara CHRISTI mysteria adumbrârunt, de quibus nos copiosè disputauimus in primo tomo nostrarû Selectarum Disputationum super libro Exodi. Quintò, secundum legem Mosaicam, in leprosi mundatione, & patientis mulieris purificatione immolabatur agnus: in celebrioribus etiam festis Iudaicis plures semper agni quàm aliæ pecudes offerebantur. Sextò, celeberrimùm illud & religiosissimùm apud Iudæos, quod vocabatur iuge sacrificium, duplici constabat agni immolatione, & altera fiebat manè, altera verò fiebat vesperi. Denique, oblatio agni erat in lege frequentior & potior: videat lector hæc de re multa in Leuitico, & in libro Numerorum. Ac licèt CHRISTVS etiam figuratus sit in lege veteri per hircum, animal scilicet malè olens, ac turpe, non tamen propter conditionem propriæ personæ CHRISTI, sicut Agnus, fuit CHRISTI figura; sed propter factorem nostrorum peccatorum quæ CHRISTVS in se suscepit, & propria morte purgauit. Septimò, Ioannes Baptista CHRISTVM appellauit Agnum, secutus morem veterû Prophetarum: sic enim appellauerat eum Esaias cap. 16. illis verbis: *Emitte agnum Domine dominatorem terra, de petra deserti, ad montem filia Sion.* & idè cap. 53. *Quasi agnus coram tondente se obmutescet.* Et Hieremias cap. 11. *Ego quasi agnus mansuetus qui portatur ad victimam.*

*Aliter hircus
& aliter agnus fuit
Christi figura.*

*Tres loci, Esai.
cap. 16. & 53.
& Hieremias
cap. 11.*

*Locus Ioannis
cap. 13. Apoc.*

*Tres causa,
cur Christus
dicatur Agnus
ab origine
mundi etc.*

Ioannes porrò Euangelista in libro Apocalypsis vix alio nomine quàm Agni, CHRISTVM appellat: non solum dum CHRISTVS in terris erat humilis & mansuetus, & in cruce mactatus esse. verùm etiam vt gloriosus, & omnipotens regnat in cœlis. Et in capite quinto eius libri scribit, vidisse se CHRISTVM in specie Agni habentis septem oculos, & septem cornua; septenario oculorum plenitudinem sapientiæ eius; septenario autem cornuum magnitudinem roboris & fortitudinis, eius denotante. Sed illud inprimis est notabile, quòd in capite decimo tertio eius libri scribit, hunc Agnum occisum esse ab origine mundi. Quod quidem tribus modis potest intelligi: Primò, quòd occisio CHRISTI prædefinita fuerit ab origine mundi, immò etiam ex omni æternitate: cuius simile scripsit Petrus in primo capite prioris Epistolæ suæ dicēs, nos esse redemptos pretioso sanguine CHRISTI, quasi Agni

Agni immaculati & incontaminati, præcogniti quidē ante mundi constitutionem, manifestati autē nouissimis temporibus. Deinde dictus est Agnus occisus ab origine mundi, quia mors CHRISTI ab initio mundi præfigurata fuit in occisione innocentis Abel. Ad hæc, quia quicumque iusti fuerunt ab initio mundi, & iustitiam, & salutem æternam consecuti sunt virtute futuræ passionis & mortis CHRISTI: idem enim erga priores iustos operata est futura mors CHRISTI, quod in posterioribus fecit iam peracta.

Genes. 4.

- 174 CHRISTVS autē dicitur Agnus DEI, vel quia sic erat agnus, vt simul esset DEVS: nisi enim fuisset DEVS, non potuisset talem facere humani generis redemptionem, talēque pro peccatis hominum satisfactionem, qualem ipse, summo rigore iustitiæ fecit. Vel quia ipse à DEO patre traditus est ad immolationem & necem pro salute hominum: quemadmodum Paulus in capite octauo Epistolæ ad Romanos scripsit his verbis: *Qui etiam proprio filio suo non pepercit, sed pro nobis omnibus tradidit illum.* Vel quia ipsemet CHRISTVS sua sponte, summæque voluntate, atque ineffabili charitate, vt saluum faceret genus hominum, obtulit se DEO ad mortē, mortem autē, crucis, de qua oblatione loquens alio loco Paulus: CHRISTVS, inquit, *dilexit nos, & tradidit semet ipsum pro nobis oblationem & hostiam* DEO. De qua CHRISTI tam voluntaria & prompta oblatione extat illustrissimum illud Davidis in Psalmo trigesimo nono vaticinium: *Sacrificium & oblationem nolui, aures autem perfecisti mihi: Holocaustum & pro peccato non postulasti, tum dixi, Ecce venio. In capite libri scriptum est de me, vt facerem voluntatem tuam: DEVS meus, volui & legem tuam in medio cordis mei.*

*Tres ob causas
Christi dici
Agnem Dei.*

*Locus Pauli
ad Romanos
cap. 8.*

*Ad Philip. 2.
Ad Ephes. 5.*

*Locus Psalmi
39.*

- 175 Sed perpendamus illa verba: *Qui tollit peccata mundi.* CHRISTVS dicitur tollere peccatum. Primò, quia penitus ipsum aufert, & delet: non enim, vt nugantur nostri temporis Hæretici, in iis qui per CHRISTVM iustificantur peccata remanent reuera, sed idco dicuntur auferri, quia dissipulantur à DEO, nec imputantur eis ad penam: Deinde, CHRISTVS dicitur tollere peccata, quia ipse omnium peccata suscepit, & portauit, & in suo corpore per sanguinem & mortem suam expiauit, pro illis abundè satisfaciēs DEO. Prædixerat hoc multò antè disertissimis verbis Esaias cap. 53. cum de CHRISTO loquens dixit: *Verè languores nostros*

*Cur Christus
dicatur tollere
peccata.*

*Locus Esaiæ
cap. 53.*

ipse

ipse tulit, & dolores nostros ipse portauit: vulneratus est propter iniquitates nostras, attritus est propter scelera nostra: & liuore eius sanati sumus. Et B. Petrus in cap. 2. prioris Epistolæ suæ. *Peccata nostra*, inquit, *ipse pertulit in corpore suo super lignum.* Signatè autem dictum est in præsentì tempore *tollit*, vel vt est Græcè, in participio præsentis temporis *tollens*, vt significaretur, CHRISTI virtutem tollendi peccata non esse temporariam, & ad certum aliquod duntaxat tempus efficacem, sed esse perennem, atque indeficientem. Virtus quippe mortis CHRISTI quotidie operatur hunc tollendi peccata effectum in omnibus, quibus applicatur per fidem eorum, & per sacramenta Ecclesiæ.

*Qua dicitur
peccata mundi,
vel peccatum
mundi.
Locus Ioannis
prima Episto-
le cap. 2.*

Restat declarandum, quid sit illud, *peccata mundi*, vocantur pec- 176
cata mundi, peccata omnium hominū, qui vnquam fuere, & sunt,
& futuri sunt in mundo. Et huius simile est illud, quod scripsit
Ioannes in 2. cap. primæ Epistolæ suæ: *Ipse est propitiatio pro peccatis
nostris, non pro nostris autem tantum, sed etiam pro totius mundi.* Græcè
ponitur in singulari numero *peccatum mundi*; & sic legit hunc lo-
cum Augustinus in libro duodecimo contra Faustū Manichæum
cap. 30. & libri tertio ad Bonifacium; & Cyprianus in libro de du-
plici martyriō, & Origenes Homilia decima & vigesima septima
in librum Numerorum, & Beda super hoc loco, nec non & B. Tho-
mas in prima secundæ quæstione octuagesima secunda titulo se-
cundo. Significatur autem per istud *peccatum mundi*, vel ipsa ty-
rannis peccati dominantis homini; vel ipsa peccati malitia: vel
peccatorum omnium colluies, & vt Paulus vocat ad Romanos 6.
corpus peccati. Vel per istud peccatum mundi significatum est
præcipuè peccatum originale, quod singulari numero vocatur

*Augustinus.
Cyprianus.
Origenes.
Beda.
S. Thomas.*

*Cur dicitur
singul. r. nu-
mero peccatū
mundi.*

*Peccatū ori-
ginale quo
modo dicitur
vnum, &
multa.*

*Locus Daniel
Psalm. 50.*

peccatum, quia ex vno peccato Adami natum est; & quia eius ef-
fectus, vniuersi modi est in omnibus; scilicet amissio iustitiæ origina-
lis, & necessitas moriendi, & priuatio regni cœlestis. Denique, ori-
ginale peccatum vnum est in vnoquoque homine. Dauid tamen
in Psalmo quinquagesimo vocauit ipsum numero plurali dicens:
In iniquitatibus conceptus sum, & in peccatis concepit me mater mea.
Quia peccatum originale seminarium est omnium peccatorum:
& quia multas partes & potentias hominis vitiat: & quia ad varia
peccata inclinat hominem.

QVA

QVADRAGESIMA SEPTIMA DISPVATIO.

Super illis Verbis:

Et ego nesciebam eum; sed qui misit me baptizare in VER. 33.
 aqua, ille mihi dixit, super quem videris Spiritum de-
 scendentem, & manentem super eum, hic est qui Ba-
 ptizat in Spiritu sancto.

*An Ioannes Baptista cognouerit CHRISTVM,
 prius quàm eum baptizauit?*

Exponuntur Doctorum super hac re nouem sententiæ.

177 **N**DICAT supradictis verbis Baptista, se non prius
 cognouisse CHRISTVM quàm eum baptizauit
 eum: tunc enim descendit super CHRISTVM
 Spiritus sanctus in specie columbæ. At enim, con-
 trarium videtur colligi ex cap. 3. Euangelij Mat-
 thæi: vbi Ioannes baptismum CHRISTO petenti dare recusans,
 dixit: *Ego à te debeo baptizari, & tu venis ad me?* Quo significauit
 aperte, sibi tunc excellentem CHRISTI dignitatem fuisse com-
 pertam. Hunc nodum soluendi varias admodum rationes Docto-
 res excogitarunt: Ego nouem reperio super hac re Doctorum
 sententias.

178 Prima sententia est B. Hieronymi, sicut eam refert B. Thomas: *Prima sen-
 tentia B. Hie-
 ronymi.
 Hieronymus.
 S. Thomas.*
 is dixit, Baptistam, ante Baptismum CHRISTI, nouisse ipsum
 esse Filium DEI, & Messiam; sed non cognouisse, ipsum esse
 Saluatorem mundi per Baptismum suum. Verùm isti sententiæ
 aduersari videntur tres alij Euangelistæ: narrant enim, Baptistam,
 priusquàm baptizaret CHRISTVM, dixisse de illo, ipsum esse
 baptizaturum homines in Spiritu sancto. Secunda sententia est *Secunda sen-
 tentia.
 Augustinus.*
 Augustini super hoc loco, & libro secundo de consensu Euangeli-
 starum cap. 15. & libro quinto de Baptismo contra Donatistas
 cap. 13. affirmantis, Baptistam nouisse multa de CHRISTO an-
 te Baptismum eius: illud tamen vnum ignorasse, quod postea co-
 R gnouit.

gnouit in eius Baptismo, ipsum scilicet fore solum effectorem gratiæ baptismalis; & Baptismum à quocunque ministro traditum, dummodo in eius nomine sit ritè administratus, æquè futurum esse validum, & efficacem. Sed contra istam sententiam facere videtur, quod Baptista dixit hoc loco: *Et ego nesciebam eum*, id enim profectò ad ignorantiam personæ CHRISTI, non autem potestatis tantum, pertinet. Deinde, quodd Augustinus putat ignorasse Baptistam ante CHRISTI Baptismum, fuit id quod significatur his verbis, Baptizare scilicet in Spiritu sancto: atqui, hoc ipsum de CHRISTO testificatus fuerat Ioannes ante CHRISTI Baptismum.

*Tertia sententia.
Chrysost.
Lyrani.*

Tertia sententia est Chrysosthomi in Homilia decima sexta in Ioannem & Lyrani super hoc loco: Aiunt, CHRISTVM non fuisse notum Baptiste antequàm ab eo baptizaretur: sed postea, cum CHRISTVS venit ad Ioannem petens ab eo Baptismum, tunc duplex cognitio CHRISTI data est Ioanni; vna quidem per anteriorem inspirationem & reuelationem, qua Baptista cognouit excellentiam CHRISTI tunc, eum CHRISTVS ab eo petiit baptismum. Altera cognitio CHRISTI est data Ioanni tunc, cum CHRISTVM baptizauit, per externum videlicet signum columbæ descendentis super ipsum. Ergo, illud: *Et ego nesciebam eum*, non debet refertri ad totum tempus præcedens Baptismum CHRISTI, sed ad id temporis tantum, quod præcessit aduentum CHRISTI ad Ioannem, accipiendi ab eo Baptismi causâ. Theophylactus commemorat hoc loco duas supradictas sententias, Augustini & Chrysosthomi.

Theophylact.

*Quarta sententia.
Cyrillus.*

Quarta sententia est Cyrilli in capite secundo libri secundi 179 Commentariorum in Ioannem: qui illud: *Ego nesciebam eum*, sic interpretatur: non ex me, nec ex humana conuersatione quam cum ipso habui, noui eum: sed ex sola DEI reuelatione: quam interpretationem in Commētario huius loci sequitur Euthymius. Sed non videntur proximè superiores duæ sententiæ tangere, nedum tollere difficultatem propositæ quæstionis: hæc enim in eo posita est, quodd Baptista significat, se tantum ex signo columbæ cognouisse CHRISTVM, sibi antea prorsus ignotum. Quinta sententia est Bedæ super hoc loco, illud: *Et ego nesciebam eum*, sic interpretantis: Tantam de illius excellentia cognitionem accepi in eius

Euthymius.

*Quinta sententia.
Beda.*

in eius Baptismo, ut in eius cognitionis comparatione, cognitionem quam de ipso prius habueram, pro nihilo ducam, & quasi ignorantiam quandam existimem. Sed enim, si quis pensitet ea quæ Baptista testificatus est de CHRISTO, antequam eum baptizaret, & quæ narrantur ab aliis Euangelistis; comperiet, ea fuisse plurima, & amplissima, & præstantissima, nec ullo modo pro minimis, nedum pro nihilo ducenda. Sexta sententia est Tostari super tertium caput Marthæ aientis, cum CHRISTVS venit ad Baptistam, non fuisse illi notum tanquam Messiam, sed ut hominem omnium mortalium sanctissimum, reuelante id sibi DEO; ideoque Ioannes tantopere illi se submittebat dicens: *Ego à te debeo baptizari, & tu venis ad me?* Postea verò Ioannes in Baptismo CHRISTI cognouit ipsam esse Messiam, & filium DEI, & Saluatorem mundi. Verum, Tostato aduersantur alij tres Euangelistæ, qui aiunt, ista ipsa fuisse nota Ioanni ante CHRISTI baptismum, eaque ipsum publicè testificatum esse Iudæis. Septima sententia est Caietani: Bis (inquit Caietanus) columba super CHRISTVM descendit: semel quidem cum CHRISTVS petiit à Ioanne Baptismum; & tunc primùm Baptista cognouit CHRISTVM; & de hoc descensu columbæ loquitur Ioannes Euangelista in hoc loco. Iterum autem descendit columba super CHRISTVM iam Baptizatum; quam solum columbæ descensum alij tres Euangelistæ commemorarunt. At enim verò, cum nullus Euangelistarum, nullusque Patrum ullo modo significauerit, bis descēdisse columbam super CHRISTVM, sed tantum semel; fatis apparet, id esse nouum, & proprium Caietani commentum. Adiciæ, quòd etiam ante CHRISTI aduentum ad Ioannem, multa de illo, & quidam præclara, & eximia testificatus fuerat Ioannes: ergo iam ipsi notus fuerat CHRISTVS priusquàm ab eo Baptismum peteret.

180 Octaua sententia est Ioannis Fabri, & Erasmi: qui illud *Nesciebam eum*, putant esse dictum pro eo quod est, Non habebam à DEO mandatum manifestandi eum hominibus; quod mandatum accipit Ioannes post illud signum columbæ super CHRISTVM descendentis. Nec improbabilis videri debet hæc interpretatio, cum persimili locutione vsus CHRISTVS Dominus fuerit, cum dixit se nescire diem Iudicij, scilicet ut eum manifestaret hominibus.

*Sexta sententia.
Tostatus.*

Martij.

*Septima sententia.
Caietanus.
An in Baptismo Christi columba bis descendit super ipsum.*

*Octaua sententia.
Ioannis Fabri.
Erasmus.*

Marc. 12.

R 2 Sed

*Nona senten-
tia.
Iansennius.*

Sed profecto, quidquid isti dicant, nimis dura est interpretatio ista, & magnus verborum scripturæ abusus; ad quem nunquam confugere conuenit, nisi scripturæ veritas cogat. Nona sententia est Iansennij arbitrantis, Ioannem, ante visum columbæ signum, certam habuisse cognitionem CHRISTI per interiorē DEI reuelationem. Neque enim Ioannes dixit, se non aliter cognouisse CHRISTVM, quàm ex signo columbæ; sed tantum dixit, sibi notum fuisse CHRISTVM ex signo columbæ; cui non repugnat, quòd antea ipsi fuerit alio modo notus. Sanè, columbæ signum non tam Ioanni datum est, vt ipse CHRISTVM cognosceret; quàm quòd suum de CHRISTO testimoniū efficacius probaret, & persuaderet Iudæis, tanto nempe miraculo confirmatum. Verum, facit contra Iansennium quod hoc loco Baptistam dixisse refert Euangelista: *Et ego, inquit, nesciebam eum; sed qui misit me baptizare, ille dixit mihi, super quem videris.* Quibus verbis nec dubiè nec obscure significatur ante visum columbæ signum, Baptistæ CHRISTVM fuisse ignotum.

QVADRAGESIMA OCTAVA DISPVT.

Ponitur Authoris sententia, super eadem questione, breuis explicatio.

*Decima sententia, qua est
Authoris.*



*Ioannes tribus
modis cognouit
Christum
ex signo co-
lumbæ.*

GO meam quoque lectori sententiam indicabo: 181
quæ, quod mihi similis vero sit super hac quæstione, breuiter, & distinctè, expresseque declarabit. Equidem censeo, Ioannem non aliter cognouisse CHRISTVM, quàm ex signo colubæ super ipsum descendentis, & manentis; id enim videntur euidenter indicare verba ipsa Baptistæ, quæ refert hoc loco Euangelista, & super quibus nos in præsentia disputamus: cum aliis igitur omnibus, qui putarunt, aliunde CHRISTVM notum fuisse Ioanni quàm ex solo columbæ signo, nos dissentimus. Verum, Ioannes triplici modo cognouit CHRISTVM ex signo columbæ: primò quidem, indefinitè atque indistinctè. Quando enim DEVS misit Ioannem ad manifestandum CHRISTVM Iudæis, quia cum Ioannes de facie

facie nequaquam nouerat, dixit illi **DEVS**: super quem videris, de iis quos baptizabis, descendentem columbam, ipse est filius meus, & Messias, & saluator mundi, & ipse baptizaturus est omnes in Spiritu sancto, & futurus est Iudex omnium. Et hæc fuit prima cognitio **CHRISTI**, quam ex futuro columbæ signo habuit Ioannes: & ad huiusmodi cognitionem pertinent illa Baptistæ verba quæ referuntur hoc loco: *Ego nesciebam eum, sed qui misit me baptizare in aqua, ille mihi dixit, super quem videris Spiritum descendentem, & manentem super eum, hic est qui baptizat in Spiritu sancto.*

181 Deinde, cum **CHRISTVS** venit ad Ioannem, petens ab eo Baptismum, tum **DEVS** ei per interiorē reuelationem manifestauit, eum qui perebat ab ipso Baptismum, esse illum, super quem prædixerat ei descensurum Spiritum sanctum: quomobrem Ioannes tanti viri aspectu, maximam animo suo reuerentiam & venerationem concipiens, summa erga illum submissione dixit: *Ego te debeo baptizari, & tu venis ad me?* Postremò, cum Ioannes baptizauit **CHRISTVM**, & vidit Spiritum sanctum, in specie columbæ descendentem & manentem super eum, tunc perfectè ipsum cognouit. Nec modò cognouit ipse, verum etiam per tale signum & miraculum potuit **CHRISTVM** maiori cum fide & auctoritate prædicare Iudæis, testificando quæ viderat & audierat, ex quibus manifestè cognouerat ipsum esse Messiam & saluatorem mundi. Patet igitur ex hac breui disputatione nostra, **CHRISTVM** non fuisse aliter notum Ioanni quàm ex signo columbæ, vel futuro, vel iam instanti, vel præsentī: & nihilominus tamen Ioannem nouisse **CHRISTVM** ante aduentum eius ad petendum ab ipso

Baptismum; quoniam futurum signum columbæ, ante

Baptismum **CHRISTI**, cognouit à **DEO** Ioannes:

& hinc apparet, nullam esse inter Ioannem

& alios tres Euangelistas, super

hac re, narrationis dis-

sonantiā;

ROM. 3. QVA

QVADRAGESIMA NONA DISPVATIO.

Super illis verbis:

VER. 42.

Tu es Simon filius Iona: tu vocaberis Cephas,
quod interpretatur Petrus.

*An hoc primum tempore impositum Simoni fuerit
nomen Petri?*

*Prima opinio.
Caietani.*



CAIETANVS arbitratur, non hoc tempore, sed 183
tunc fuisse impositum hoc nomen Petri, cum
CHRISTVS elegit duodecim Apostolos. Etenim
Marcus cap. 3. ita scribit: *Et imposuit Simoni nomen
Petrus.* Lucas etiam cap. 5. Enumerans duodecim
Apostolos sic ait: *Et Simon, quem cognominauit Petrum:* Nec sanè,
(Caietanus inquit) hoc in loco dicitur, quòd CHRISTVS Simo-
nem vocauerit Petrum; sed id tantum dicitur, CHRISTVM ei
dixisse: *Tu vocaberis Petrus*, quo significatum est, id nomen postea
ei fuisse imponendum. Alij opinantur, tunc primum fuisse impo-
situm Simoni nomen Petri, cum Dominus ei dixit, sicut refert
Matthæus cap. 16. *Tu es Petrus, & super hanc petram edificabo Eccle-
siam meam.* At enim, istis verbis magis significatur, Simonem iam-
pridem eo nomine appellari solitum: nam ex significatione nomi-
nis quod gerebat, demonstrare voluit Dominus eximium hono-
rem, atque potestatem quā mirandum in modum decorandus, &
extollendus ab ipso erat.

*Secunda opi-
nio.*

*Tertia opinio.
Augustini.*

Est igitur multò probabilius quod sensit B. Augustinus, & scri- 184
ptum reliquit in libro secundo de consensu Euangelistarum cap.
17. & 53. & in libro quarto cap. 3. Nomen Petri fuisse inditum eo
primum tempore, quo narrat Ioannes hoc in loco. Illorum quip-
pe Domini verborum: *Tu vocaberis Petrus*, germana & propria hæc
est sententia: Tu posthac appellaberis Petrus: non quòd nomine
Simonis nunquam deinceps appellandus esset, sed quòd vtrunque
nomen esset habiturus, & denique, posthabito Simonis nomine,
Petri tantum nomine appellari deberet. Nā etiā post resurrectionē
suam CHRISTVS eum appellauit Simonem, cum ei dixit: *Simon,*
diligis

diligis me plus his? Et ipse Petrus, licet initio prioris Epistolæ suæ Ioannis 12. appellet se tantum Petrum; in principio tamen posterioris Epistolæ nominat se Simonem Petrum: Paulus verò nusquam vocat eum nomine Simonis, sed Petri vel Cephæ, ut videre licet in nono & decimo quinto capite prioris Epistolæ ad Corinthios, & in primo & secundo capite Epistolæ ad Galatas.

185 Quodd autem in electione Apostolorum, impositionem nominis Petri commemorant Marcus & Lucas, non ideo eam narrant quasi tunc primum factam; sed, ut sæpe solent, quod ante factum erat, per figuram Recapitulationis tunc referunt; occasione scilicet recensendi nomina duodecim Apostolorum, & ne quis putaret, nomen Petri fuisse impositum ei ab initio, tanquam ipse fuisset binominus. Cæterum, illud hoc loco scire lectorem volumus, aliquando DEVM imposuisse nomen alicui etiam ante ortum eius, quo deinceps appellandus esset, ut nomen Isaac Genes. 17. & ipsius Ioannis Baptistæ Luc. 1. & Domini nostri nomen IESV, Matthæi & Lucæ 1. Interdum vetus nomen interpositis vel adiectis litteris variasse, quod ad significationem nominis attinet, ut in nomine Abraham, & Sara, Genesis 17. Nonnunquam priori nomini adiecit alterum nomen, nouæ cuiusdam dignitatis & excellentiæ signum, ut in Iacob, quem appellauit Israël, Genesis 32. & in Simone, quem nominauit Petrum, ut narrat hoc loco Ioannes. Imposuit præterea DEVS nomen aliquibus, non quodd eo nomine essent appellandi, sed ut per id nomen futura eorū excellentia significaretur: sic Esa. cap. 7. prædixit de Messia. *Et vocabitur nomen eius Emmanuel.* Et in cap. 9. illustrissimū de eodē vaticiniū illud edidit: *Et vocabitur nomen eius admirabilis, consiliarius, DEVS fortis, Pater futuri sæculi, princeps pacis.* Hac etiā ratione Iacobum & Ioannem fratres, vocauit Dominus (ut refert Marc. cap. 3.) Boanerges, id est, filios tonitru. Quamquam B. Hieronymus ait, mendosè legi Boanerges: sic enim scribit super primum caput Danielis: Dominus in bonam partem nomina mutat antiqua, & ex rebus imponit virtutum vocabula; ut Abram appellaret Abraham, & Sarai vocaret Sara: in Euangelio quoque, quondam Simon, Petri nomen accepit; & filij Zebedæi appellati sunt filij tonitru: Quod non, ut plerique putant, Boanerges, sed emendatiùs legitur Benereen. Sic Hieron.

*Quam variè
Deus imposuit nomina
hominibus.*

Emendatio vocabuli Boanerges, secundum Hieronymum.

QVIN

QUINQVAGESIMA DISPUTATIO.

Super illis verbis:

VER. 47. Vidit IESVS Nathanaël venientem ad se, & dicit de eo,
Ecce verè Israëlita, in quo dolus non est.

An fuerit Nathanaël ex numero duodecim Apostolorum: & an fuerit idem qui vocatus est alio nomine Bartolomæus?

EX supradictis diuinæ scripturæ verbis, & aliis quæ nar- 186
rantur hoc loco de Nathanaële, ad magnam eius lau-
dem pertinentibus, existit quæstio, à nobis minimè
dissimulanda, nec in præteritis relinquenda, an hic
Nathanaël fuerit ex numero duodecim Apostolorum? negat præ-
cisè Augustinus tractans hæc verba Ioannis de Nathanaële scri-
pta: hæc alia ratione sententiam suam firmat, cur non fuerit à
CHRISTO in Apostolorum numerum adscitus, nisi ne dignitas
Apostolatus, & Apostolicæ prædicationis fructus humanæ probi-
tati, vel prudentiæ, vel scientiæ attribueretur. Quod etiam maxi-
mè comprobatur illa Pauli in primò capite prioris Epistolæ ad Co-
rinthios sententia: *Videte vocationem vestram, Fratres, quia non multi
sapientes secundum carnem, non multi potentes, non multi nobiles: sed
quæ stulta sunt mundi elegit DEVS, ut confundat sapientes: & infirma
mundi, elegit DEVS, ut confundat fortia: & ignobilia mundi & con-
tempnibilia elegit DEVS, & ea quæ non sunt, ut ea quæ sunt destrueret,
ut non gloriaretur omnis caro in conspectu eius.* Hic autem Nathanaël, &
Domini testimonio, vir admodum probus, & moribus integer erat,
& fuisse cum legis diuinæ peritum ex iis quæ hoc loco narrantur
de eo, satis elucescit. In hanc fermè sententiam Augustinus.

187
Sed cum Augustino super hoc dissentiens Rupertus, opponit
ei Paulum, qui fuerat vir valde prudens, & sacratum literarum
egregiè doctus, utpote quas, ad pedes Gamalielis doctissimi viri
edoctus fuerat: nec tamen id obstitit, quò minùs ad Apostolatam
vocaretur, & inter primos Apostolos excelleret. Et in eo ipso loco,
quem pro sua sententia citat Augustinus, scribens. Paulus, non
multos,

*Augustinus.**Rupertus.
Ad. 11.**Augustinus.*

multos primorum CHRISTI sectatorum fuisse sapientes, non negat fuisse aliquos, imò id potius significat. Visum itaque Rupertum est admodum probabile, Nathanaëlem fuisse e numero duodecim Apostolorum, atque eum ipsam fuisse, qui ab aliis Evangelistis alio nomine appellatur Bartolomæus. Rupertii sententiæ Iansennius accessit.

Iansennius.

188 Verum nos hanc istorum sententiam discutiamus, rationes eorum distinctè ac singillatim commemorando, simulque confutando. Prima eorum ratio est hæc: dignus fuit Nathanaël ut in Apostolatū allegeretur, tum propter eximiam eius animi sinceritatem testimonio CHRISTI tantopere laudatū: tum propter egregiam confessionē quam de CHRISTI excellentia fecit, nō dissimilem cōfessionis Petri; dixit enim Domino: *Rabbi, tu es Filius DEI, tu es Rex Israël.* Infirma est hæc ratio, non enim gratia & dignitas Apostolatus datur propter virtutes vel bonā merita hominum; sicut nec denegatur propter peccata & pessima hominum merita; ut apertè licet cernere in Iuda, qui vocatus est ad Apostolatū, & in Saulo, qui postea dictus est Paulus. Secunda ratio; Ioannes Evangelista alios omnes Apostolos in suo Evangelio sparsim nominat, præter vnum Bartolomæum; verisimile igitur est, eum designasse nomine Nathanaëlis. Falsum est quod sumitur in hac ratione: nam nec Iacobum Alphæi, nec Simonem Chananæum, seu Zelotem vsquam nominavit. Tertia ratio: Alij Evangelistæ recensentes numerum duodecim Apostolorum, semper Philippo proximè adiungunt Bartolomæum; significantes utriusque magnam aliquam inter eos societatis & familiaritatis fuisse cōiunctionem; qualē nimirum fuisse inter Philippū & Nathanaëlem satis ostendit hoc loco Ioannes Evangelista. Et levis admodum est coniectura hæc, eaque falso nititur fundamento: siquidem liceret idem existimare de Matthæo & Thoma, qui in enumeratione Apostolorum proximè consociantur: & in Actis Apostolorum, capite primo ubi enumerantur Apostoli, Philippus & Bartolomæus dissociantur, & post Philippum proximè nominatur Thomas. Quarta ratio: nomen Bartolomæi non videtur nomen proprium sed commune, significans filium Tolomæi, sicut non erat nomen proprium Petri, Barjona. Cum igitur alij tres Evangelistæ appel-

Discutitur opinio Rupertii & Iansennii aientium, Nathanaëlem fuisse Apostolum qui alio nomine dicitur Bartolomæus.

lāssent eum nomine commūni Bartolomæum; Ioannes voluit eum, nomine proprio semper appellare Nathanaëlem. Sed enim, isti sumunt pro certo, quod probari ab ipsis deberet, nomen scilicet Bartolomæi non fuisse nomen proprium; id enim ex partium eius nominis significatione argumentari, futile est: ista enim ratione nec Barfabas, nec Barnabas, nec Barrabas, fuissent nomina propria: nec sanè, Tolomæus, est nomen vel Hebræum, vel Syriacum, sed Ægyptiacum, vel potius Græcum. Quinta ratio: Ioannes in capite ultimo sui Euangelij, inter Apostolos quibus apparuit CHRISTVS post suam resurrectionē, nominat & numerat Nathanaëlem, quasi etiam ipsum CHRISTI Apostolum. Verū hęc ratio, nihilo quàm superiores firmior & probabilior est. CHRISTVS enim post Resurrectionem non Apostolis tantum apparuit, sed aliis etiam discipulis, vt duobus illis euntibus in castrum Emmaus. Quinetiam complures alij, præter Apostolos, ab initio prædicationis CHRISTI secuti eum fuerunt, ex quibus videlicet vnum aliquem ad Apostolatū, in locum præuicatoris Iudæ, Petrus censuit esse deligendum. Confirmatur hoc ipsum illis Pauli verbis quæ sunt in capite decimo quinto prioris Epistolæ ad Corinthios: CHRISTVS *resurrexiss tertio die, secundum scripturas: & visus est Cepha, & post hoc, undecim. Deinde visus est plusquàm quingentis fratribus simul; ex quibus multi manent vsque adhuc, quidam autem dormierunt.* Satis igitur apparet ex hac nostra disputatione, supra dictam Ruperti & Iansennij de Nathanaële sententiam, parum esse firmam, minimèque probabilem.

Lucæ 24.

Apostolorum 1.

QVINQVAGESIMA PRIMA DISPUTATIO.

Exponitur Auctoris sententia, Nathanaëlem nec fuisse Bartolomæum, nec fuisse ex numero Apostolorum CHRISTI.



VLTO itaque probabilius est atque credibilius, 189 non fuisse Nathanaëlem ex numero Apostolorum CHRISTI: idque his argumentis probari potest. Primò, cū in Sacra scriptura nqui Testamenti quatuor in locis ponatur integer cathalogus Apostolorum

stolorum CHRISTI, apud Matthæum capite decimo, apud Marcum capite tertio, apud Lucam capite sexto, & apud eundem in capite primo libri de Actis Apostolorum, in nullo istorum locorum Nathanaël in Apostolorum numero recensetur. Nec probabiliter ad hoc responderi potest, eum fuisse binominum, ut & Nathanaël, & Bartolomæus nominaretur, & in cathologo Apostolorum positum eum esse sub nomine Bartolomæi non autem Nathanaëlis. Si enim, ita fuisset, id profectò significassent alicubi Euangelistæ, ne diuersitas eorum nominum, errorem faceret lectori, diuersos fuisse homines fortasse opinaturo. Hoc enim ipsi fecerunt in aliis quibusdam Apostolis, ut in Thoma, qui etiam vocabatur Didymus; & in Matthæo qui dicebatur Leui; & in Simone cui etiam nomen fuit, Zelotes & Chananæus; deniq; in Thaddæo, qui etiam Iudas Iacobi nuncupabatur. Deinde, si, ut isti aiunt, nomen Bartolomæi, erat nomen cōmune, nomen autem Nathanaëlis erat nomen proprium; cur alij tres Euangelistæ semper eū appellârunt nomine cōmuni Bartolomæum, & ne semel quidem proprio eum nomine vocârunt Nathanaëlem, cū magis nomen proprium notificet hominem, quàm commune? Ad hæc, cur Ioannes Euangelista, sicut infra in capite vigesimo nominans Thomam, qui erat binominus, continuò adiecit illa verba: *Qui dicebatur Didymus*. Cur, inquam, non itidem, nominans Nathanaëlem, saltem vel semel adiunxit: (*Qui dicebatur Bartolomæus*.) Adice, quòd Ioānes nouissimus omnium Euangelium scripsit, euulgatis iam pridem aliorum trium Euangeliiis: in quibus ipse viderat hunc, de quo nunc loquimur, semper ab illis appellatum esse Bartolomæum: Aut igitur, ne lectori occasionem errandi præberet, eodem illum nomine appellare debebat: aut, si libuit potius eum nomine Nathanaëlem, debebat certè alterius etiam nominis meminisse, ut eum fuisse binominum ostenderet. Ergo, ex iis quæ dicta sunt satis est manifestum, istum Nathanaëlem nec fuisse Bartolomæum, nec de numero fuisse Apostolorum.

190 * An verò is fuerit ex numero illorum duorum & septuaginta discipulorum CHRISTI, mihi quidem certè incomportum est: nam etsi quidam id opinati sunt, sine vllō tamen probabili argumento, vel coniectura. Ego nullum de ista re (quod equidem meminerim)

*An fuisse
Nathanaël
ex septuagin-
ta discipulis
Christi disci-
pulis.*

verbum legi apud Clementem Alexandrinum, vel Eusebium, vel Epiphanium, vel Hieronymum, vel Nicephorum, vel demum apud copiosissimum & diligentissimum Historiæ & Antiquitatis Ecclesiasticæ scriptorem Cardinalem Baronium. Dorotheus certè in Synopsi, vbi de septuaginta duobus discipulis CHRISTI agit, inter eos, hunc Nathanaëlem minimè recenset.

Dorotheus.

QVINQVAGESIMA SECVNDA DISPVTV.

Super historia Andrea & Petri, qui secuti sunt CHRISTVM; quæ narratur à Ioanne in posteriori parte huius primi capitis.



QVATVOR in locis Euangelicæ Historiæ legimus, 191
Andream & Petrū secutos esse CHRISTVM: apud
Ioannem hoc in loco versu trigesimo septimo & sequentibus: apud Matthæum cap. 4. apud Marcum cap. 1. apud Lucam cap. 5. Dubium igitur & controuersum inter Doctores est, an in istis locis vna & eadem describatur Andree & Petri sequela CHRISTI, an verò diuersæ, id autem est, vel quatuor, vel tres, vel saltem dux. In hac porro quæstione sunt quædam extra controuersiam, nempe omnium concessu certa: horum vnū est, Andree & Petri sequelam CHRISTI, quam Matthæus & Marcus scripserunt, esse prorsus eandē; omnino enim congruit locus, tempus, & modus sequelæ istorum duorum, iisdem non sententiis modò, sed verbis etiam ab utroq; Euangelista narrata. De illo etiam consentitur, accessum Petri & Andree ad CHRISTVM quem hoc loco exponit Ioannes, fuisse diuersum, ac tempore priorem vocatione istorum quam Matthæus & Marcus descripserunt. Siquidem hæc facta est in Galilæa iuxta mare Tyberiadis; ille verò fuit in Iudæa iuxta Iordanem: hæc facta est, Ioanne Baptista iam in carcerem coniecto; ille, Ioāne adhuc baptizante: in hac vterque Apostolus à CHRISTO vocatus est in illo, Andreas vltro CHRISTVM sequutus est, & fratrem suum Petrum adduxit ad CHRISTVM: in illo denique memoratur vocatio Philippi; in hac verò nulla Philippi fit mentio, sed Iacobi & Ioannis vocatio commemoratur. Omnis igitur controuersia in eo vno vertitur,

titur, An vocatio Petri & Andreæ quam narrât Matthæus & Matheus, eadem sit, atque ea quam refert Lucas, an vero diuersa?

- 192 Beatus Augustinus in lib. 2. de consensu Euangelistarum cap. 17. *Augustini & Lyrani sententia de vocatione Petri & Andreæ.*
 & Lyranus super caput quartum Matthæi, vocationes istas fuisse diuersas, his probant argumentis. Primò, secundum Matthæum CHRISTVS inuenit illos piscantes; at secundum Lucam, inuenit eos lauantes rētia sua. Deinde, secundum Matthæum Petro simul & Andreæ CHRISTVS dixit: *Faciam vos fieri pisces hominum*; at secundum Lucam soli Petro dixit: *Ex hoc iam eris homines capiens*. Præterea, secundum Matthæum illi secuti sunt CHRISTVM, ab ipso prius vocati; secundum autē Lucam, vltro & spōre sua CHRISTVM sequuti sunt, miraculo scilicet capturæ piscium permoti. Postremò, Lucas facit CHRISTVM ex nauī Petri prædicantem turbis, memorâtque insigne miraculum eius in captura piscium, atque alia quædam narrat quorum nihil à Matthæo scriptum est.
- 193 Putant igitur Auctores isti, Petrū & Andream ter fuisse, diuersis temporibus, CHRISTVM sequutos: Primū quidē, ad capeffendam eius notitiam, & hoc narrare Ioannem in extrema parte primi capitis Euangelij sui; deinde, ad ineundā cum ipso consuetudinem & familiaritatem; tunc nimirum, cū ea contigerunt, quæ scribit Lucas in cap. 5. Postremū verò, ad perfectum CHRISTI discipulatum, perpetuamque eius sequelam, nepe renunciandō omnibus quæ habebant, firmōque proposito non vltra reuertendi ad sua, & de hac vltima eorum sequela CHRISTI scripsit Matthæus in cap. 4.

- 194 Tostatus super quartū caput Matthæi in quæstione nonagesima sexta ait; Lucam in cap. 5. duas Petri & Andreæ vocationes, vna cōplexum esse narratione: priorem quidem latiùs explicans, quæ diuersa fuit ab ea quam Matthæus & Marcus descripserunt: posteriorem verò strictim attingens, quasi iam à Matthæo & Marco expositam, eius tantū conclusionem commemorans, quæ tangitur illis verbis: *Et subductis ad terram nauibus, relictis omnibus, secuti sunt eum*. Sic Tostatus. At enim, ista ipsa quam dicit Tostatus, conclusio, vsque adeò coheret, & connexa est cum rerum præcedētium narratione, vt planē vnius vocationis histōria cōtinuari videatur. Illud enim: *subductis ad terram nauibus*. & illud: *Relictis omnibus secuti sunt eum*, consideranti narrationem Lucæ liquet, tunc esse factum, cū

ea contigerunt quæ idem proximè antè narrauerat.

Iansenij sententia, quæ videtur Augustini probabilior.

Mihi profectò videtur probabilior esse Iansenij sententia, vo- 195
cationem Petri & Andrea à Luca, & à Matthæo, Marcoque descriptam, prorsus eandem esse: licet Matthæus qui prior scripsit, ea quæ pertinebant ad ipsam vocationem perstrinxerit, omisiss aliis quæ vocationi adiuncta fuerant. Lucas verò, qui post Matthæum scripsit Euangelium, prætermisiss quæ ab eo narrata fuerant, prodere voluit memoriæ plures illius vocationis circumstantias, à Matthæo prætermisiss: quæ, propter miraculum capturæ piscium, & alia quædam valde notabilia tunc facta & dicta, erant inprimis memoratu, & cognitu dignæ. Ac, nisi ego fallor, hoc ipsum sentit Epiphanius, ut licet ex iis cognoscere, quæ in disputatione quam fecit contra Hæresin quinquagesimam primam, scripta reliquit.

Epiphanius.

Hanc porò sententiã, esse probabiliorẽ opinione Augustini 196
& Lyrani, ex eo apparet, quòd illi putant, post vocationem quam narrat Lucas, Petrum & Andreã discessisse à CHRISTO, & ad sua reuersos esse: quod euidenter tamen excludit Lucas, cùm ait: *Relictis omnibus secuti sunt eum*; idẽ namq; de ipsis narrat Matthæus & Marcus, qui secundum istos Auctores, vltimam eorum vocationem descripserunt. Nimirũ, si illud: *Relictis omnibus sequuti sunt eum*, non arguit, illam eorũ vocationem fuisse vltimam, neq; id arguet apud Matthæum: vnde enim sciẽmus, vocationem eorum cõmemoratam à Matthæo, fuisse vltimam, nisi ex istis ipsis verbis? Nam quod Augustinus ait, vocationẽ eorum narratam à Luca nõ fuisse vltimam, nec tunc eos secutos esse CHRISTVM, consilio & proposito remanendi apud ipsum, ex eo conijci, quod Lucas dixit, eos subduxisse à terra naues, quasi animo reuertendi ad sua, postquã CHRISTVM honoris & reuerentiæ causã vel domũ, vel aliqũd vsq; comitati fuissent: hæc, inquam Augustini coniectura, non est admodum firma. Siquidem illi non appulerunt naues ad littus, consilio & proposito redeundi ad piscandum; sed, quia cùm essent in naui, non aliter poterant, nisi appulsis ad terram nauibus, exire: nisi fortè deiecissent se in mare, ut natando in terram euaderent.



CAPVT SECVNDVM

EVANGELII IOANNIS.



*I*n die tertia nuptiae factae sunt in Cana VERS. I.
Galilae: & erat Mater IESV ibi.

* Vocatus est autem & IESVS, & 2

Discipuli eius ad nuptias. * Et defi- 3

ciente vino, dicit Mater IESV ad

eum: vinum non habent. * Et dicit 4

ei IESVS: Quid mihi, & tibi est mu- 5

lier? nondum venit hora mea. * Di- 6

cit Mater eius ministris: Quodcumque dixerit vobis, facite. * Erant 6

autem ibi lapideae hydrae sex posita secundum purificationem lu- 7

deorum, capientes singulae metretas binas vel ternas. * Dixit eis 7

IESVS: implete hydras aqua. Et impleuerunt eas usque ad 8

summum. * Et dicit eis IESVS: Haurite nunc, & ferte archi- 8

triclinio. Et tulerunt. * Vt autem gustavit architriclinus aquam 9

vinum factam, & non sciebat unde esset, ministri autem scie- 10

bant, qui hauserant aquam: vocat sponsum architriclinus, * & 10

dicit ei: omnis homo primum bonum vinum ponit: & cum ine- 11

briati fuerint, tunc id quod deterius est. Tu autem seruasti bo- 12

num vinum usque adhuc. * Hoc fecit initium signorum IESVS 11

in Cana Galilae: & manifestauit gloriam suam, & crediderunt 12

in eum Discipuli eius. * Posthac descendit Capharnaum ipse, & 12

mater eius, & fratres eius, & Discipuli eius: & ibi manserunt

non

- 13 non multis diebus. * Et propè erat Pascha Iudeorum, & ascendit
 14 IESVS Ierosolymam: * Et inuenit in templo vendentes boues,
 15 & oues, & columbas, & numularios sedentes. * Et cum fecisset,
 quasi flagellum de funiculis, omnes eiecit de templo, oues quoque,
 16 & boues, & numulariorum effudit as, & mensas subuertit. * Et
 his qui columbas vendebant dixit: Auferte ista hinc, & nolite
 17 facere domum PATRIS mei, domum negotiationis. * Recordati
 verò sunt Discipuli eius quia scriptum est: Zelus domus tue co-
 18 medit me. * Responderunt ergo Iudei, & dixerunt ei: Quod signum
 19 ostendis nobis, quia hæc facis. * Respondit IESVS, & dixit eis:
 20 Soluite templum hoc, & in tribus diebus excitabo illud. * Dixe-
 runt ergo Iudei, quadraginta & sex annis edificatum est tem-
 21 plum hoc, & tu in tribus diebus excitabis illud. * Ille autem di-
 22 cebat de templo corporis sui. * Cum ergo resurrexisset à mortuis,
 recordati sunt Discipuli eius, quia hoc dicebat, & crediderunt
 23 scripturæ, & sermoni quem dixit IESVS. * Cum autem esset Ie-
 rosolymis in Pascha in die festo, multi crediderunt in nomine eius,
 24 videntes signa eius, quæ faciebat. * Ipse autem IESVS non
 25 credebat semet ipsum eis, eò quòd ipse nosset omnes, * &
 quia opus ei non erat ut quis testimonium
 perhiberet de lumine: ipse enim
 sciebat quid esset in
 homine.



IN CAPVT SECVN- DVM DISPVATIONES SEXDECIM.

PRIMA DISPVATIO.

Super illis verbis:

Et tertia die nuptiæ factæ sunt in Cana Galilææ.

VERS. I.

Respectu cuius temporis, illa dies nuptiarum dicatur tertia?



LLA coniunctio *Et*, auctore Ruperto denotat, quod narratur in hoc secundo capite, id proximè post ea quæ in extremo capite primo commemorata sunt, contigisse. Sed ex supradictis verbis existit quæstio, respectu cuius temporis, illa dies nuptiarum dicatur fuisse tertia dies. Faber in suis annotationibus ait, dici tertiam diem respec-

*Prima sen-
tentia.*

Faber.

ctu Sabbathi quod proximè antecefferat. Verùm, nec vlla Sabbathi fuerat mentio facta; & Ioannes, secundum consuetudinem loquendi Sacræ scripturæ, dixisset (tertia Sabbathi.) Euthymius arbitratur denominari tertiam diem ab eo tempore, quo CHRISTVS relicto deserto regressus est in Galilæam. Sic ille. Et in narratione quidem præcedentis capitis nō obscurè notantur tres dies post illum CHRISTI regressum transacti ante diem nuptiarum: Primus quidem dies in versu vigesimo nono in illis verbis: *Alter*

*Secunda sen-
tentia.
Euthymius.*

T die

die vidit Ioannes IESVM venientem ad se, &c. Secunda dies in versu trigesimo quinto illis verbis: *Altera die iterum stabat Ioannes &c.* Tertia dies in versu quadragesimo tertio significatur illis verbis: *In crastinum voluit IESVS exire in Galileam, & inuenit Philippum.* Sed incertum est, an illi tres dies fuerint continui: quin etiam fuisse eos, vel omnes, vel aliquos aliquanto temporis interuallo inter se disiunctos, probabilius est.

Tertia sententia.
Epiphanius.
Rupertus.
S. Thomas.
Iansenius.

Epiphanius contra Hæresin quinquagesimam primam, Rupertus, B. Thomas, & Iansenius hanc tertiam diem denominant ab ea die qua Andreas & alius discipulus, permoti Ioannis Baptistæ verbis, secuti sunt CHRISTVM: postridie autem CHRISTVS vocauit Philippum; & tertia die venit ad nuptias. Sed contra hoc illud videtur esse, si nuptiæ factæ sunt postridie vocationis Philippi, cur Euangelista dixit, *tertia die*, & non potius, *In crastinum*: sicut dixerat de die qua vocatus est Philippus? Néc verisimile est, eodem die quo Andreas secutus est CHRISTVM, adduxisse fratrem suum Simonē ad eum: cū enim secutus est CHRISTVM, erat iam, vt narrat Euangelista, hora decima, id autem est secundum morem Iudæorum, duabus horis ante noctem. Nimirum, credibile est, mansisse Andreā tota illa nocte apud CHRISTVM: videlicet, sic ab eo tunc edoctus fuerat, vt pro certo crederet, ipsum esse Messiam. Et hæc ipsa est B. Augustini super hoc loco sententia. Caietanus tertiam istam diem nuptiarum deducit ab ea die, qua Nathanaël venit ad CHRISTVM, hoc enim proximè antecesserat; vnde putandum est, Ioannem proximè sequens tempus denominare voluisse. Sed illud opinioni obstat Caietani, quòd, tempus illud quo Nathanaël venit ad CHRISTVM; à Ioanne non est signatè notatum; verisimile autem est, tertiam illam diem nuptiarum denominari ab aliquo tempore priùs designato.

Quinta sententia, quæ est Origenis, & cui Auctor ipse adilipulatur.

Origenes super hoc loco censet, tertiam diem nuptiarum denominari à tempore proximè antè signato in præcedenti capite: hoc autem fuit dies egressionis CHRISTI in Galileam & vocationis Philippi. An verò Nathanaël isto ipso die venerit ad CHRISTVM, incertum est: fortasse postridie istius diei CHRISTVS venit in Cana Galilææ, & illuc venit ad ipsum Nathanaël, tertio autem die factæ sunt nuptiæ. Et hæc quidem opinatio atque coniectatio

iectatio mihi quidem magis, quàm superiores sententiæ, probatur.

4 Nec vacat mysterio (si quis præter historicum sensum, etiam spiritualem requirat intelligentiam) nuptias istas esse factas tertia die: significantur enim tria mundi tempora: tempus naturæ; tempus legis Mosaicæ; & tempus legis Euangelicæ: & in hoc tertio die siue tempore Filius DEI venit in mundum, nuptias cum natura humana, vel cum Ecclesia facturus: cui mysterio congruit etiam locus ipse qui dicitur Cana Galilææ, si notionem vocum excutias: & has nuptias significauit illa Domini parabola, quam refert Matthæus cap. 22. de homine rege qui fecit nuptias filio suo. Præterea, in Sacra scriptura, dies figuratè significat cognitionem, & interdum etiam virtutem, & gratiam: sicut contrà, nox significat ignorantiam, & peccatum. Hominis autem cognitio triplex est; Prima, sensitiua; secunda, intellectiua, sed naturalis vel humana; tertia, supernaturalis & diuina, per fidem scilicet & donum sapientiæ, & hi sunt tres dies cognitionis humanæ. Virtus quoque hominis triplex est; Prima, est virtus naturalis; secunda, est virtus moralis; tertia, est virtus supernaturalis & infusa, vt virtus charitatis, & aliæ virtutes infusæ, & hi sunt tres dies virtutum hominis. Homo itaque spirituales cum DEO nuptias facit in tertia die, hoc est, per cognitionem tertij gradus quæ est per fidem & sapientiam: & per virtutem tertij gradus, hoc est, per virtutem charitatis. Ad hæc, in ipso Matrimonio tres notantur dies siue tempora: Primus dies fuit in exordio mundi, ante peccatum, & in statu innocentie; tunc enim primum à DEO institutum est Matrimonium in officium naturæ, ad speciem humanæ naturæ propagandam, & perpetuandam vsque ad finem mundi. Secunda dies Matrimonij, fuit tempus post Adæ peccatum vsque ad CHRISTI aduentum & legem Euangelicam; in quo Matrimonium non modò fuit in officium naturæ, verùm etiam in remedium concupiscentiæ. Tertia dies Matrimonij fuit post CHRISTI aduentum, & in lege Euangelica; hoc tempore Matrimonium non tantùm fuit in officium naturæ & in remedium concupiscentiæ, sed etiã in sanctificationem coniugij: factum est enim Sacramentum dans gratiam, magnùmque continens mysterium, significationem dico coniunctionis CHRISTI cum Ecclesia: sic enim interpretatus est Paulus in cap. 5. Epi-

*Mythica interpretatio
tertia diei illarum nuptiarum.*

istolæ ad Ephesios, vbi loquens de Matrimonio ita scribit : *Propter hoc relinquet homo patrem, & matrem suam, & adharebit uxori suæ; & erunt duo in carne vna. Sacramentum hoc magnum est: ego autem dico, in CHRISTO & in Ecclesia.*

SECUNDA DISPUTATIO.

An eodem ipso die quo factæ sunt istæ nuptiæ, sed in anno proximè antecedenti, CHRISTVS baptizatus fuerit?



ON leuis est quæstio, nec facilem habens explicatum, An istæ nuptiæ factæ sint eodem ipso die, sed in diuerso anno, quo CHRISTVS Dominus baptizatus fuerat? Est autem Dominus baptizatus sexto die Ianuarij, tredecim scilicet diebus postquam expleuerat vigesimum nonum ætatis annum. Quæritur itaque, an in proximè sequenti anno, eodem illo die factæ sint istæ nuptiæ, ita vt tunc Dominus iam expleuisset trigessimum annum, superque dies tredecim. Epiphanius disputans contra Hæresin quinquagesimam primam, ait, CHRISTVM esse natum die sexto Ianuarij; baptizatum verò esse octauo die Nouembris, exacto iam anno vigesimo nono, & insuper decem mensibus: duobus autem mensibus post, qui explendo trigesimo anno decrant, die videlicet sexto Ianuarij qua natus fuerat, has nuptias esse celebratas. Sed ego missam in præsentia faciam opinionem istam Epiphaniij, vtpote ab antiquissima Ecclesiæ traditione, communique sensu ac persuasione populi Christiani planè discrepantē. CHRISTVM enim Dominum esse natum in vigesimo quinto die Decembris, & antiquissima constat traditione, & in animis, sensibusque omnium fidelium penitus infixum est.

Prima sententia, quæ est Epiphaniij.

Secunda sententia, quæ per multis placet.

Est igitur altera sententia permultis probata, & peruulgata, in 6 eodem ipso die sexto Ianuarij, in diuersis tamen annis, tria illa celeberrima contigisse mysteria: nam eo die CHRISTVM infantem à Magis fuisse adoratum: & viginti nouem annis post, fuisse baptizatum in Iordane à Ioanne Baptista: & vno anno post Baptismum, interfuisse istis nuptiis, & mutasse aquam in vinum. Hoc tradit

tradit Sanctus Bernardus in sermone primo & secundo de Epiphania, & B. Thomas, & vt dixi, complures alij. Et in hanc quidem sententiam inclinasse videtur Sancta Ecclesia: ea quippe in Antiphona quam canit in secundis vesperis Festi Epiphaniæ, ait, Tribus miraculis ornatum diem Sanctum colimus: hodie Magos stella duxit ad præsepium: hodie vinum ex aqua factum est ad nuptias: hodie CHRISTVS in Iordane à Ioanne Baptizari voluit.

- 7 Quamquam B. Augustinus in sermone trigesimo septimo de tempore, qui est sermo secundus de Dominica infra octauam Epiphaniæ, & B. Maximus, & Eusebius Emisenus in suis Homiliis de festo Epiphaniæ, & Isidorus de officiis Ecclesiasticis, vbi agit de festo Epiphaniæ, tanquam dubium atque incertum tradunt, quodnam illorum trium mysteriorum in hoc sexto die Ianuarij factum sit. Ponam hic Augustini verba: licet, inquit, de solemnitate huius diei, veterum sit diuersa traditio, vna tamen sanctæ deuotionis est fides. Nam quamuis nonnulli CHRISTVM hoc die stella duce à Magis existiment adoratum: alij verò asserant, eum aquam in vinum vertisse in nuptiis: quidam verò baptizatum esse à Ioanne confirment: in omnibus tamen DEI Filius creditur, in omnibus est vera solennitas. hæc Augustinus. B. autem Maximus ad eandem sententiam ita scribit: In hac celebritate, sicut relatu paternæ traditionis instruimur, multiplici nobis est festiuitate latandum. Ferunt enim, CHRISTVM hodie vel stella duce à gentibus adoratum; vel inuitatum ad nuptias, aquam vertisse in vinum; vel suscepto à Ioanne Baptismate, Iordanis fluentia consecrassse. Sed quid horum præsentī hoc die potissimum sit factum, nouit ipse qui fecit.

- 8 Nec isti sententiæ suffragari videtur sancta Ecclesia in supradicta illa antiphona dicens, *Hodie stella Magos duxit ad præsepium, &c.* nam illud *hodie* non refertur ad tempus rei gestæ, quasi sensus sit, eo die tria illa mysteria esse facta: sed refertur ad commemorationem & celebrationem eorum trium mysteriorum eo die fieri solitam, vt sit eorum verborum hic sensus: Hodie colitur & celebratur cōmemoratio istorū trium mysteriorū. Hac nimirum ratione interpretari oportet, quod eadem sancta Ecclesia canit in Festo Resurrectionis, & Ascensionis CHRISTI, & in Festo Pentecoste

partim in Missa, partim in officio Ecclesiastico eorum festorum dicens, eo die CHRISTVM resurrexisse à mortuis, & ascendisse in cœlum, & missum esse Spiritum sanctum: quia eo die à Sancta Ecclesia fit cōmemoratio & celebratio Resurrectionis, & Ascensionis CHRISTI, & missionis Spiritus sancti: alioqui, rarò evenit ut celebratio Paschatis & Pentecoste incidat in eum ipsum diem, quo reuera CHRISTVS resurrexit à mortuis, vel ascendit in cœlum, vel misit Spiritum sanctum.

Tertia sententia.

Est tertia sententia, quæ non paucis viris doctis satis visa est 9 probabilis: nuptias illas non esse factas in sexto die Ianuarij, quo die baptizatus fuerat CHRISTVS, ut factæ sint vno anno post Baptismum: sed factas esse istas nuptias duobus circiter mensibus tantum post susceptum à CHRISTO Baptismum; ante primum videlicet illud Pascha, quod commemorat Ioannes in hoc capite secundo. Quodd autem illæ nuptiæ non sint factæ vno anno post CHRISTI Baptismum, ita argumentantur: B. Petrus in primo capite libri de Actis Apostolorum dixit, in locum Iudæ præuicatoris, eligi oportere ad Apostolaturn, vnum atiquem ex illis CHRISTI discipulis qui fuerant cum eo à baptismo Ioannis, usque ad diem Assumptionis eius ad cœlum: id autem est, ab initio prædicationis CHRISTI usque ad tempus Ascensionis eius in cœlum. Ex narratione autem Ioannis in posteriori parte primi capituli, & in hoc secundo capite, satis liquet, CHRISTVM, paulò ante illas nuptias cœpisse habere discipulos: ergo nuptiæ illæ non vno anno post Baptismum CHRISTI factæ sunt: cum tamen Petrus supradictis verbis indicet, CHRISTVM, statim post Baptismum suum quem à Ioanne acceperat, discipulos habere cœpisse. Deinde, omne prædicationis CHRISTI tempus Patres tribus annis, & aliquot præterea mensibus definierunt: CHRISTVS autem prædicare orsus est post nuptias; quæ, si vno anno post Baptismum factæ sunt, non nisi duo anni assignari possent prædicationi CHRISTI; quia ipse baptizatus est initio trigesimi anni ætatis suæ, nuptiæ autem, secundum istos factæ fuissent initio trigesimi primi anni; mortuus autem est inchoato tantum trigesimo tertio anno: ergo, paulò amplius duobus annis in prædicatione eius consumptum fuisset. Nisi fortè CHRISTI ætas extendatur usque ad trige

trigesimum quartum annum, quod nolunt tamen istius sententiæ probatores atque sectatores. Placet mihi hæc tertia sententia: nec displicet tamen secunda sententia, quam suprà dixi esse Sancti Bernardi & B. Thomæ, aliorumq; complurium. Quemadmodum verò argumenta, quibus secunda illa sententia oppugnatur, dissolui queant, copiosè à nobis ostensum est in libro vndecimo Commentariorum nostrorum in Danielelem, in explicatione septimæ quæstionis, quæ est de tempore mortis CHRISTI Domini.

TERTIA DISPV TATIO.

*An in illis nuptiis sponsus fuerit Ioannes, qui hoc Euangelium,
& in eo historiam harum nuptiarum scripsit?*

- 10 **B**EDA in Præfatione Commentariorum suorum in *Beda.*
Euangelium Ioannis, harum nuptiarum sponsum
facit Ioannem, quem CHRISTVS à nuptiis auo-
cando, præseruauit eius virginitatem. Idem sen-
sisse videtur B. Thomas, in secunda secundæ, quæ- *B. Thomas.*
stione centesima octuagesima sexta, articulo quarto, in responsio-
ne ad primum, hæc scribens: CHRISTVS Petrum, quem inue-
nit matrimonio iunctum, non separauit ab vxore: Ioannem tamen
volentem nubere, à nuptiis reuocauit. Caietanus etiam super hoc *Caietanus.*
loco sponsum facit Ioannem; & quia Ioannes, inquit, erat consan-
guineus CHRISTI & nepos B. MARIÆ, idcirco ad eas nuptias
vocatus est IESVS, & Beatissima Virgo MARIA. Syluester in *Syluester.*
quæstionibus super Euangelia, in quæstione decima septima hanc
ipsam probat sententiam auctoritate Alberti Magni. Rupertus ait, *Albertus Magnus.*
istam esse cōmunem Doctorum sententiā. Lyranus scribit, ex hoc *Rupertus.*
loco Doctores Theologos argumētari, Matrimonium ratū & non
consummatum dirimi posse per alterius coniugum ingressum in *Lyranus.*
Religionem. Historia Scholastica super Historia Euangelica, in ca-
pite trigesimo octauo tradit, hanc sententiam probatam esse mul-
tis; sed eam tamen negat esse certam. *Historia Scho-
lastica.*
- 11 Afferuntur in eius sententiæ cōprobationem Præfationes quæ-
dam Augustini & Hieronymi in Euangelium Ioannis: sed eas non
esse

*Augustinum
& Hierony-
mum nō fuisse
in supradicta
sententia.*

esse ipsorum, facillè cuius est animaduertere. Nam quæ tribuitur Augustino, ea sine dubio est ipsius Bedæ; iisdem nempe, atque illa Bedæ, non sententiis tantum, sed etiam verbis constans. Quæ autem Hieronymo affingitur, ea nec stylo, nec sententia, Hieronymi dictionem, & ingenium redolet. Quin, duos istos doctores procul ab ea sententiâ fuisse, perspicuū est consideranti quæ scripsit Augustinus in ultimo Tractatu in Euangelium Ioannis dicens, & aliis Ecclesiæ doctoribus placuisse, sibi que placere, Ioannem nullis fuisse vnquam nuptiis implicatum, sed perfectam vsque à prima ætate virginitatem coluisse. Hæc sunt Augustini verba: sunt qui senserint, & hi quidem non contemptibiles sacri eloquij tractatores, à CHRISTO Ioannem Apostolum propterea plus amatum, quod neque uxorem duxerit, & ab incunte pueritia castissimus vixerit. Hoc quidem in scripturis Canonicis non euidenter apparet: Verumtamen id quoque multum adiuuat congruentiam eius sententiæ, quod per Ioannem significata sit vita æterna, in qua non erunt nuptiæ. Sic Augustinus. Hieronymus verò in primo libro contra Iovinianum ait, Ioannem vocatum esse à CHRISTO cū esset adolescentulus, ac propè puer. Ea verò ætate Ioannem uxorem duxisse, non est credibile.

*Probatum ali-
quot rationi-
bus, illas nu-
ptias nō fuisse
Ioannis Apo-
stoli.*

Equidem nescio, vnde Beda istam de nuptiis Ioannis opinio- 12.
nem hauserit. Nam ante Bedam, nullum memini legere, à quo id proditum fuerit. Siquidem nec potest id colligi ex Sacra scriptura, nec ab antiquis Patribus traditum scriptis est, nec ex antiqua fidelique traditione acceptum, nec vlla probabili coniectura, nedum necessaria ratione firmatum est: imò verò contra, nec paucis, nec dubiis rationibus id refellitur. Principio, si posthabitis istis nuptiis Ioannes secutus esset CHRISTVM, procul dubio hæc fuisset vltima & perfecta eius vocatio: at postrema eius vocatio, quæ fuit ea quam descripsit Matthæus in capite quinto sui Euangelij, vno anno post has nuptias facta est; nempe, iam in carcerem incluso Ioanne Baptista. Deinde, si Ioannes sponsus fuisset in istis nuptiis, non utique seruasset perfectam virginitatem, nec verè diceretur fuisse perfectè virgo; quippe qui, saltem consilio proposito animi, carnali copulæ consensisset: perfectæ verò virginitatis ratio firmissimum propositum à carnali copula perpetuò absti-

abstinendi requirit. Ad hæc, secundum Chrysostomum, Augustinum, Cyrillum, pluresque alios Patres, CHRISTVS interesse voluit istis nuptiis, vt præsentia sua matrimonium honoraret, declarans, id per se bonum esse, Deoque gratum: & iam ex eo tempore, isto facto suo præmunienti Ecclesiam suam aduersus futuros Hæreticos, Marcionem, Tatianum, & alios qui nuptias, vt per se malas, nec homini Christiano licitas, damnaturi erant. At enim, si CHRISTVS à nuptiis ad suum discipulatum auocato Ioanne, nuptias eius dissoluisset; magnam sanè dedisset aniam istis Hæreticis calumniandi matrimonium; hæc sua præsentia, vt dixerunt Patres, nuptias honorasset, atque comprobasset. Non est igitur verisimile, istas nuptias fuisse Ioannis Apostoli. Apud Nicephorum libri octauæ Historiæ Ecclesiasticæ capite trigésimo legitur, istas nuptias fuisse Simonis Cananæi qui fuit vnus de numero duodecim Apostolorum. Sed contra istam opinionem pugnare etiam tertia ratio quam paulò ante exposuimus.

*Chrysost.
Augustinus.
Cyrillus.*

Secundum Nicephorum, istas nuptias fuisse Simonis Cananæi, qui fuit ex numero duodecim Apostolorum.

QUARTA DISPUTATIO.

Quis locus fuerit Cana Galilææ, vbi factæ sunt istæ nuptiæ?

13 **S**CIAT lector, duas fuisse Galilæas: vnâ, inferiorem; alteram verò, superiorem: & hæc superior, dicta est à Matthæo in capite quarto Galilæa gentium; quod cum esset maritima, & portuosa, à variis gentibus, commerciorum causâ, frequentabatur. Duplex item fuit Cana: vna, quæ dicta est Maior, in tribu Aser, & in Galilæa superiori, quæ commemoratur in capite decimo nono libri Iosue, non procul Sidone, per celebri quondam vrbe: & hanc putat Sanctus Hieronymus in libro de locis Hebraicis fuisse eam, in qua istæ nuptiæ factæ sunt. Altera fuit Cana, quæ dicta est Minor, & erat in Galilæa inferiori, & in Tribu Zabulon; quatuor horarum itinere, secundum Masium, distans Ptolemaide, & tantundem fermè ab vrbe Nazareth, sita super vallem Carmeli. In hac autem Cana, secundum Andreæ Masium in suis Commentariis in librum Iosue super decimū nonum eius libri caput, &

Duplex Galilæa & duplex Cana.

Hieronymus.

Andreas Masius.

V - secun

Brocardus.

secundum Brocardum in sua descriptione terræ Sanctæ, nuptiæ istæ quæ narrantur à Ioanne hoc loco, factæ sunt. Scribit porro Brocardus, suo etiam tempore cerni illud ipsum triclinium in quo factæ sunt istæ nuptiæ, & ubi erant sex hydræ aquæ, ait esse subterraneum locum, ad quem per gradus descenditur. Ex hac vrbe fuisse creditur Simon Cananæus, vnus ex numero duodecim Apostolorum CHRISTI hanc certè fuisse Nathanaëlis patriam, aperte indicat B. Ioannes infra in capite vigesimo primo huius Euāgelij. Fuit hic locus duplici miraculo CHRISTI nobilitatus; altero quod factum est in his nuptiis, mutata in vinum aqua, & fuit primum miraculum à CHRISTO publicè factum per quod discipuli eius vehementer commoti sunt ad ei credendum & adherendum. Alterum fuit miraculum, quo CHRISTVS manens in Cana Galilææ, rogatus à Regulo, solo verbo filium eius ægrotantem in vrbe Capharnaï, & iam moribundum sanauit. In hoc ipso loco postea mater Constantini Helena Sacram Ædem ædificauit ad conseruandam eius loci, & eorum quæ à CHRISTO inibi gesta sunt, religiosam memoriam & venerationem.

Helena mater Constantini.

Triples mystica interpretatio illarum vocum Cana, & Galilæa, ubi factæ sunt illæ nuptiæ.

Vox (Cana) Latine interpretata, significat zelum: vox autem 14 (Galilæa) Latine sonat transmigrationem. Et hoc non vacat mysterio, & ad spiritualem intelligentiam bellè accomodari potest. Sanè, Filius DEI venit in mundum nuptias facturum cum natura humana, vel cum Ecclesia, zelo transmigrationis, hoc est, volens hominem transferre à seruitute peccati ad libertatem iustitiæ; à potestate Diaboli ad adoptionem filiorum DEI; ab exilio huius mundi ad cælestis patriæ felicitatem. Sancti etiam qui perfectas cum DEO nuptias spirituales facere ardentè cupiunt, id est, per inseparabilem, & suauissimam amoris coniunctionem cum DEO copulari; flagrant zelo transmigrationis, ex hac scilicet vita mortali & misera, ad immortalem & beatam vitam, ubi beatissimo DEI conspectu, & dulcissima eius fruitione perpetuè gaudeant.

Ad Philip. 1.

Hoc nimirum zelo ardens Paulus dixit: *Cupio dissolui, & esse cum CHRISTO.* Denique Matrimonium ipsum fieri debet zelo transmigrationis, hoc autem est, desiderio generandæ proles; per quam scilicet parentes, quodammodo transmigrant in filios, in quibus etiam mortui viuere videntur. Huc spectat illud quod in capite

trige


trigesimo libri Ecclesiastici scriptum est: *Mortuus est pater eius, & quasi non est mortuus: similem enim reliquit sibi post se.*

QVINTA DISPVTATIO.

Super illis verbis:

Et erat ibi mater IESV: vocatus est autem IESVS, & discipuli eius ad nuptias.

VERS. 2.

15  REDITVR in illis nuptiis vel sponsum, vel sponsam fuisse de cognatis, aut de intimis amicis & familiaribus beatissimæ MARIÆ. Nec desunt qui putent, sponsum fuisse consanguineum aliquem Nathanaëlis, qui erat, vt diximus, ex illa ipsa vrbe & iam sectator factus erat & familiaris CHRISTI. Beatæ profectò nuptiæ, in quibus adfuerunt MARIA, IESVS, & discipuli eius; per hæc autem significantur tria optatissima Matrimonij bona, Fides, Proles, & Sacramentum. Quibus autem nuptiis CHRISTVS abest, & ista desunt, eas nuptias, quasi adulterinas atque incestas, Patres improbârunt atque damnârunt. Quocirca Euaristus Papa ex traditione Apostolicâ constituit, vt Matrimonium publicè celebraretur, & sacerdotis benedictio adhiberetur: Eadem etiam de causâ Patres Concilij Tridentini nuptias clandestinas fecerunt irritas.

Euaristus.

Concilium Tridentinum.

16 Sed hoc loco quæri dignum est, Qui fuerint illi discipuli IESV, qui cum eo vocati sunt ad nuptias? Epiphanius disputans contra Hæresin quinquagesimam primam negat, in illis nuptiis fuisse Petrum & Andream, quòd isti postridiè quàm venerant ad IESVM, ad sua reuerfi sunt. Nec fuisse filios Zebedæi, Iacobum & Ioannem: sed quosdam alios, qui tunc sectabantur CHRISTVM. Sic Epiphanius. Equidem nescio, vnde istud compertum habuerit Epiphanius. Ego contrâ sentio, fuisse in illis nuptiis Petrum & Andream, ne principes Apostolorum videlicet abessent primo CHRISTI miraculo quo manifestata est gloria eius, & discipuli crediderunt in eum. Quia etiam puto, Ioannem, qui historiam

Qui fuerint illi discipuli Iesu, qui cum eo fuerunt in nuptiis. Epiphanius.

hanc scripsit, illis nuptiis interfuisse: hoc enim indicat tam subtilis, & distincta, & curiosa, exactaque narratio eorum quæ in nuptiis illis facta, dictaque sunt, quam ipse, quasi oculatus testis fecit. Crediderim quoque, nec defuisse Nathanaëlem, nec sodalem eius Philippum.

Quales discipulos habuit Christus in tempore illarum nuptiarum. Historia Scholastica.

Cæterum, cum CHRISTVS tunc predicare nondum cœpisset, nec vocasset ad se Apostolos, quomodo dicitur, tunc habuisse discipulos? ob hanc causam narrat Historia Scholastica in trigésimo septimo capite historię Euangelicę, quosdam putasse, nuptias illas esse factas post vocationem Apostolorum à Matthæo scriptam in quarto capite, & post sermonem Domini in monte. Verum, isti manifesto opinionis errore decēpti sunt. Illa enim vocatio Apostolorum facta est post inclusionem Ioannis in carcerem, ut scribit ipse Matthæus in illo capite quarto: Quæ autē narrat Ioannes & in hoc secundo capite & in tertio, ante carcerem Ioannis esse facta, ipsemet testatur infra in capite tertio. Appellati sunt igitur illi discipuli IESV, vel, secundum Augustinum, per figurā anticipationis, quia post futuri erant discipuli, & verē postea facti sunt discipuli IESV. Vel dicti sunt discipuli, quia CHRISTVM priuatim docentē sequebantur, maximē testimonio Ioannis Baptistę de CHRISTO vehementer incitati.

An B. Ioseph sponsus sanctissima Maria fuerit in illis nuptiis. Chrysost.

Sed cur, dicit aliquis, ad illas nuptias non est vocatus Sanctus Ioseph B. Marię sponsus: aut si vocatus est, cur non eum Ioannes, sicut alios nominavit? nam Ioseph in viuis eo tempore fuisse, quin etiam vsque ad tempus Passionis Domini vixisse, & Chrysostomus Homilia quadragesima septima super Matthæum, & Ambrosius super vigesimum tertium caput Lucę, nō obscurē significant. Sed enim, mihi verisimilior sit opinio Epiphani, qui disputans contra Hæresin quinquagesimam primam opinatur, Ioseph non multo post duodecimum annū ætatis CHRISTI mortē obiisse. Huic nimirum opinioni suffragari videtur Historia Euangelica, quæ post id temporis nullam B. Ioseph mentionem facit.

Discrepant opinio Epiphani de ætate extrema sponsete S. Ioseph, sponsi genitricis Marię.

Nec in eo tamen assentior Epiphanio, quod scribit de ætate S. Ioseph: in eodem enim illo, quem dixi, loco ait, B. Ioseph duos & nonaginta annos vixisse; & fuisse iam octogenarium, cum B. Virginem accepit coniugem. Hac fortasse imbutum opinione vulgus

Pictorum

Pictorum effigiat Sanctum Ioseph quasi hominem senio confectum : quod meliorem fuisse putet custodem futurum virginitatis Beatæ Mariæ, si homo esset iam extremè senex, quàm iuuenili aut virili ætate præditus. Hoc ego, multis de causis inducere meum in animum non possum, ut credam. Principio, non fuisset temperantis viri, in extrema senectute, nullaque spe generandæ sobolis, conjugales voluptates concupiscere. Deinde, parentes B. Mariæ homini decrepito, ex quo nullam sperassent prolem, filiam suam minimè despondissent. Ad hæc, non satis consultum esset famæ B. Virginis & ipsius CHRISTI apud Iudæos; quippe qui filium ex Virgine natum non ex decrepito coniuge susceptum fuisse vulgò dicerent. Postremò, non bene prouisum esset tam virginis, quàm ipsius CHRISTI infantis & pueri tutelæ, & administrationi rerum ad eos pertinentium; non enim homo senili ætate confectus, viribusque defectus, laboribus in cura coniugis, & infantis CHRISTI gerenda, tolerandis suffecisset.


SEXTA DISPUTATIO.

Super illis verbis:

Quid mihi & tibi est mulier?

VER. 4.

Confutantur tria Hæreticorum impia dogmata, malè ex hoc loco deducta: & discutitur opinio quedam Chrysostomi minimè probanda.

10  Ec verba occasionem dedisse videntur quibusdam Hæreticis varios fingendi errores, & impia dogmata. Hinc enim Valentinus, & Apelles, & Manichæi argumentabantur, CHRISTVM à B. Virgine non accepisse humanam carnem. At, si ita esset, quomodo verè dictū esset illud ab Angelo: *Concipies in utero, & paries filium.* Si enim à matre substantiam corporis humani non accepit, non utique fuit ex ea conceptus, nec natus. Ex hoc quoque loco Nestorius cōcludi putabat, B. MARIAM verè dici nō posse genitricem & matrem DEI. Atqui, Paulus in capite 4. Epistolæ

Tria Hæreticorum impia dogmata ex hoc loco prauè conficta. Hæresis Valentini, & Apellis, & Manichæorum explositur. Luca 1. Hæresis Nestorii refellitur.

V 3 ad

ad Galatas dixit, DEVM misisse filium suum factum ex muliere: & Gabriel dixit B. Virgini: *Quod nascetur ex te sanctum, vocabitur Filius DEI.* Heluidius præterea ex hoc loco probare volebat, sanctissimam MARIAM, post partum CHRISTI, cognitam fuisse à coniuge suo, & alios filios peperisse, quia in hoc loco appellatur mulier, quod nomen, non nisi de corrupta fœmina dicitur. Sed manifesti conuincitur mendacij: Siquidem Eua, in secundo & tertio capite libri Genesis, priusquàm cognita esset ab Adamo, non semel nomine mulieris appellatur.

Hæresis Heluidij.

Improbabile Chrysostomi dictū de Beatissima Virgine refellitur.

B. Thomas.

Ioan. 7.


Cæterum, huiusmodi planè falsa, & impia, & infana Hæreticorum dogmata iam pridem explosa, nihil homini Christiano & Catholico faceffunt negotij. Illud sanè molestius accidit, quòd magnus Ecclesiæ Doctor Chrysostomus minùs piè ac reuerenter quàm decebat, & super hoc ipso loco, & super caput duodecimum Matthæi, de B. MARIA locutus est: eam namq; insinuat muliebris cuiusdam ambitionis, & inanis gloriæ, atque iactantiæ; vt quæ ex filij sui claritate in docendo, & in patrandis miraculis, etiam ipsa famam & gloriam apud homines captaret. B. Thomas in tertia parte in quæstione vigesima septima in articulo quarto, docere volens, Beatam Virginem nullum vnquam fecisse peccatum, contra id obiectionem quandam præmittit ductam ex verbis Chrysostomi, ita scribens: Chrysostomus super Matthæum exponens illud: *Ecce mater tua, & fratres tui foris stant querentes te,* dicit, manifestum est, quòd solùm ex vana gloria hoc faciebant. Et Ioannis secundo super illud: *Vinum non habent,* dicit idem Chrysostomus, volebat illis ponere gratiam, & se ipsam clariorem facere per filium. Et fortasse quid humanum patiebatur, quemadmodum & fratres CHRISTI, dicentes ei: *Manifesta te ipsum mundo,* & post pauca subdit, nondum enim de CHRISTO, quam oportebat, opinionem habebat. Hoc autem totum quod dicit Chrysostomus, constat esse peccatum: non igitur B. Virgo præseruata fuit immunis ab omni peccato. Ad hanc obiectionem respondens B. Thomas, hæc scribit: Ad tertium dicendum est, quòd Chrysostomus in verbis illis excessit. Possunt tamen sic exponi, vt intelligatur, Dominum in B. Virgine cohibuisse non inordinatum inanis gloriæ motum quantum ad ipsam, sed id quod ab aliis posset

posset aestimari. Sic B. Thomas. Quòd autem dixit, Chrysostomum in illis suis verbis excessisse, ego interpretor non solum de excessu veritatis, quia falsum est quod dixit de B. Virgine; sed etià de excessu in modo loquendi de tanta Virgine, parum scilicet honorificè ac reuerenter.

- 21 Sanè, Chrysostomi sententiam necessario consequitur, Beata Virginem, saltem venialiter peccasse: quòd tamen prorsus auerfatur B. Augustinus; cuius in capite trigésimo sexto libri de *Augustinus.* Natura & Gratia hæc sunt verba: De Sancta Virgine MARIA, propter honorem CHRISTI, nullam prorsus, cum de peccatis agitur, habere volo quæstionem. Inde enim scimus, quòd ei plus gratiæ collatum fuerit ad vincendum ex omni parte peccatum, quod concipere ac parere meruit eum, quem constat, nullum habuisse peccatum. Hoc ipsum confirmatum est in Concilio Tridentino, in sessione sexta. *Concil. Trid.* Quibus consonant voces Sanctæ Ecclesiæ, de B. Virgine canentis illud quod in 4. cap. libri Canticorum scriptum est: *Tota pulchra es amica mea, & macula non est in te.* *Locus Cant. cap. 4.*

SEPTIMA DISPUTATIO.

Ponuntur quatuor interpretationes supradictorum illorum verborum: Quid mihi & tibi est mulier?

- 23  VATOR sunt istorum verborum interpretationes, veram doctrinam continentes. Prima interpretatio, quam tradit Augustinus hoc loco, est huiusmodi: Auctoritas & potestas faciendi miracula, propria est diuinitatis; quam ego non accepi à te, nec eam tecum communem habeo. Veniet tempus passionis & mortis meæ, cum quod abs te accepi, naturam scilicet mortalem & passibilem, manifesto mortis meæ argumento declarabo. Et secundum hanc interpretationem Augustini, cõfutatur apertè Cherintus, & Ebion, atque Photinus, qui dixerunt, CHRISTVM fuisse purum hominem, nec ante matrem suam fuisse. *Prima interpretatio secundum Augustinum.* Secunda interpretatio est hæc: Non est tuum præscribere mihi, ubi, vel quando facere debeam miracula; hoc enim à Patre meo mihi præfinitum *Secunda interpretatio.*

tum est : & quæ Pater meus vult me facere, & vbi & quando vult facere, ea tantum & eo modo quo vult ipse, oportet me facere. Similiter dixit Apostolis : *Non est vestrum nosse tempora vel momenta quæ Pater posuit in sua potestate*, & filiis Zebedæi dixit : *Sedere ad dexteram meam vel sinistram, non est meum dare vobis, sed quibus paratum est à Patre meo.*

Act. 1.
Matth. 10.

Tertia interpretatio.

Tertia interpretatio hanc habet sententiam : Ad peragenda, quæ ad gloriam DEI & ad utilitatem hominum pertinent, ut est miraculorum effectio, non decet, moueri me humano affectu, respectuque carnalis necessitudinis ; sed sola diuinæ voluntatis, & gloriæ eius obseruatione. Non itaque CHRISTVS his verbis matrem suam aut increpuit, aut aliquo modo perstrinxit : sed illud tantum in ea docuit nos, quæ ad DEVM spectant, ea propter affectus humanos, aut carnales cognationes, nec agenda esse, nec omittenda. Et quia documentum hoc, perquam salutare ac necessarium Ecclesiæ futurum erat, tam lubrico in contrarium hominum lapsu ; propterea quinquies legitur in Euangelio, CHRISTVM, in specie, durè quodammodo & asperè locutum esse de matre sua. Primò, ut refert Lucas cap. 2. dixit : *Quid est quod me querabatis ? nesciebatis, quia in iis quæ patris mei sunt oportet me esse ?* Secundò, in hoc ipso loco quem tractamus, cum dixit ei : *Quid mihi & tibi est mulier ?* Tertiò, apud Matthæum cap. 12. *Quæ est mater mea, & qui sunt fratres mei ?* Quartò, refert Lucas cap. 11. exclamante quadam muliere : *Beatus venter qui te portauit, & ubera quæ suxisti* : Dominum, quasi hoc non magni faceret, respondisse : *Quinimò Beati qui audiunt verbum DEI, & custodiunt illud.* Quintò, cum iuxta crucem Domini staret Beata Mater eius, & Ioannes, dixit matri, mulier, *Ecce filius tuus* : & Ioanni, *Ecce mater tua.* Sed in istis quinque locis quæ Dominus de matre sua durè visus est dicere, ea profectò ipsam nullo modo sinistrè tangebant ; sed in ipsa, & per ipsam, docebat nos Dominus, quæ ad obsequium & gloriam DEI spectant, ea, nullo ad humanum affectum carnalemque cognationem habito respectu, omni studio atque omni cura esse querenda & perficienda. Apparet etiam ex iis quæ legimus in Euangelica historia, nonnunquam CHRISTVM se obsequentem & subiectum ostendisse matri suæ, ut sic probaret nobis veritatem hu-

Quinquies in Euangelio visus est Christus durè quodammodo loqui de matre sua.

Ioan. 19.

manæ

manæ naturæ quam acceperat ab ipsa: vnde Luc. cap. 2. de CHRISTO & parentibus eius scribens ait: *Descendit cum eis, & venit Nazareth, & erat subditus illis.* Interdum autem visus est Dominus magna quadam auctoritate, & quasi seueritate agere cum matre sua, vt in supradictis quinque locis paulò antè ostendimus: vt ita proderet, & indicaret diuinitatem suam in carne latentem, qua erat matre maior, & infinitè præstantior.

- 25 Quarta interpretatio, quam ego tribus aliis iam expofitis probabiliorem cenfeo, est Epiphaniij. contra hæresin § 1. & Cyrilli, & Caietani super hoc loco Ioannis, verba ista, *Quid tibi & mihi est mulier?* sic interpretantium: Quid mea, vel tua interest, si vinum deficit? hæc enim cura non ad inuitatos pertinet, sed ad sponsum & Architriclinum, à quibus ego rogari & sollicitari debeo. Atque hanc interpretationem clariorem reddit, certiorèquæ facit lectio istorum verborum quam habet Epiphanius in hunc modum: (*Quid mihi & tibi curæ est mulier?*)
- 26 Sciat lector, hanc locutionem, *Quid mihi & tibi*, esse phrasin Hebraicam, nec in scriptura noui Testamenti neque veteris infrequentem, pro eo quod est, *Quid mihi tecum est: & quid tibi & illi?* pro eo quod est, *Quid tibi cum illo.* Huius phrasidis compluria afferri possint exempla: apud Matth. cap. 8. Dæmones, quos Dominus eiiciebat, dixerunt ei: *Quid nobis, & tibi IESU fili DEI?* Apud eundem, cap. 27. vxor Pilati misit, qui marito diceret: *Nihil tibi & iusto illi.* in libro 2. Regum cap. 17. dixit Dauid: *Quid mihi & vobis filiij Saruia:* & in quarto libro Regum cap. 9. *Quid tibi & paci?*

Quarta interpretatio, qua est Epiphanius, Cyrilli, Caietani.

Qualis sit ista locutio, Quid mihi & tibi? Marc. 5. Luc. 8.

OCTAVA DISPUTATIO.

Super illis verbis:

Nondum venit hora mea:

VERS. 4.

- 17 **H**ORVM verborum variæ sunt interpretationes: quarum prima, quam his fermè verbis tradit Augustinus: Nondum, inquit, venit tempus à Patre meo præfinitum, in quo demonstrerid quod habeo tecum commune, & quod à te accepi, mortalitatem videlicet, atque passibilitatem

Prima interpretatio, qua est Augustini.

*Secunda interpretatio
qua est Iansennij.*

litatei carnis humanæ. Iansennius ista verba sic interpretatur: Nondum venit tempus, passim & publicè faciendi miracula: hoc enim fuit, postquàm Ioannes inclusus est in carcerem; quapropter ab eo tempore cæteri Euangelistæ historiam suam Euangelicam scribere orsi sunt. Alij explicant hoc modo: Nondum venit tempus à me, vel mihi à Patre meo præstitutum edendi miracula: CHRISTI enim & prædicatio, & miraculorum effectio, & passio, atque mors certis à DEO fuerat temporibus definita, quæ CHRISTVS Patri obsequentissimus, exactissimè obseruabat.

*Quarta interpretatio,
qua est Cyrilli & Gaesarii.*

Quarta interpretatio, quæ mihi satis placet, est Cyrilli, & Gaesarii, verba ista: *Nondum venit hora mea*, hoc modo interpretantur: Nondum venit tempus opportunum faciendi hoc miraculum: oportet enim prius defectum vini cognosci ab omnibus, & remediū expeti, & quærì ex me, quò sit gratus, & acceptius. Non ferè solet CHRISTVS, ait Cyrillus, vtrò & non rogatus, ad miraculorum effectiorem accedere; sed necessitati & vsui hominum id expetentium hanc gratiam præbere. Etenim, sæpe vsuuenit, vt quæ aliquantisper differuntur, postea sint chariora, & quæ non petita, vtrò donantur, minùs grata sint, minorique habeantur in pretio.

Non est dicendus error, sed insania & furor, eorùm sententia qui dixerunt, omnes actiones, omniàque euenta omnium hominum, etiam ipsius CHRISTI potestatibus ac virtutibus cœlestium syderum teneri ac regi. Hunc errorem veteres Ecclesiastici scriptores attribuerunt cuidam Bardefani, homini, illis temporibus, ob multiugem doctrinam, præsertim autem Astrologiæ, famoso: de quo legendus est Eusebius libro quatto historię Ecclesiasticæ, in capite vltimo; & Nicephorus in capite vndecimo libri quarti suæ Historię Ecclesiasticæ; & Epiphanius in disputatione quam facit contra Hæresin quinquagesimam sextam. Hunc errorem denuò, multo pòst tempore suscitauit Priscillianus: de quo legendus est Augustinus in libro de Hæresibus in numero 35. & 70. Et Magnus Leo Papa in Epistola septuagesima prima quam scripsit ad Astoricensem Episcopum, nec non & primum Braccarense Concilium in capite nono.

Error Bardefanis.

Eusebius.

Nicephorus.

Epiphanius.

Error Priscilliani.

*Augustinus.
Leo Papa.*

*Braccarense
Concilium.*

NONA DISPVATIO.

Super illis verbis:

Ut autem gustauit Architriclinus aquam vinum
factam, & non sciebat unde esset &c. VERS. 9.

*De qualitate, & quantitate illius vini, per CHRISTI
potentiam ex aqua facti.*

30 **V**ISSE vinum illud optimum, præter illius Architriclini iudicium ac testimonium, ea quoque constat ratione: Quæ DEVS facit supra omnis naturæ potestatem per infinitam potestiam suam, ea multò præstantiora sunt similibus operibus à natura factis: quæ admodum, quæ ipsa facit natura, præstantiora sunt similibus rebus & operibus factis ab arte. Etenim, quæ DEVS per causas secundas, & ordinario modo solet facere, ea nonnunquam meliora, aliquando deteriora existunt: nimirum, DEVS concursum suum accommodat ad conditionem & dispositionem causarum secundarum. At, quod ipse DEVS proximè, ac sine causis secundis, extraordinario modo facit, id cum per infinitam eius potentiam fiat, & ad gloriam DEI declarandam, nihil ob stare potest, quò minus usquequaque perfectum, & absolutum sit.

31 Quærat fortasse quispiam, An vinum illud fuerit album, an nigrum? Respondeo, id esse incertum, nec admodum utile cognitu. Si tamen mihi hoc loco diuinare liceat, credibilius esse dixerim, vinum illud fuisse rubrum; sic enim euidentior erat miraculi fides, & hoc spectasse videtur Sancta Ecclesia in illo Hymno quem canit in Festo Epiphaniæ dicens:

*Novum genus potentia:**Aque rubescunt hydria:**Vinumque iussa fundere,**Mutauit vnda originem.*

Scriptura certè plurimam rubri vini mentionem facit; vel quia

Opera Dei miraculosa, præstantiora sunt similibus operibus, naturali modo factis.

An vinum illud fuerit album an rubrum.

id frequentius & copiosius, vel quia melius esset in illis regionibus: unde per metaphoram appellat vinum, sanguinem vix. Videat lector caput quadragesimum nonum libri Genesis, & trigessimum secundum Deuteronomij, & sexagesimum tertium Esaiæ, & quinquagesimum libri Ecclesiastici, & sextum prioris libri Machabæorum: & in capite vigesimo tertio libri Prouerb. vbi nos legimus: *Ne intuearis vinum, quando flauescit in vitro*: pro illo, *flauescit*, Hebræum verbum significat, *rubescit*, quo etiam modo vertit Pagninus.

Quærum vini fuerit illud, miraculo factum à Domino.


Illud præterea inquiri hoc loco posset, quantum vini tunc illo 32 miraculo factum sit à Domino? Sed non est difficile id coniicere ex quantitate aquæ, qua erant plenæ sex illæ hydriæ aquæ; tota enim aqua illa conuersa est in vinum, quare tantum fuit vinum, quanta fuerat aqua. Quantitatem porro illius aquæ ita significat hoc loco B. Ioânes: *Erant ibi lapideæ hydriæ sex, capientes singula metretas binas vel ternas. Dicit eis IESVS, implete hydrias aqua: & impleuerunt eas usque ad summum.* Quod autem dixit Ioannes, quod singulæ hydriæ capiebant metretas binas vel ternas, significare voluit, non omnes fuisse eiusdem mensuræ & capacitatis, sed alias maiores, & alias minores. Ponamus igitur, fuisse tres hydrias, quarum singulæ capiebant tres metretas: & alias tres fuisse, quarum singulæ capiebant duas metretas; omnes itaque simul capiebant quindecim metretas. Ergo, vt cognoscatur quantitas illius aquæ, declarandum est, quod genus mensuræ fuerit metreta. Metreta est vox Græca significans mensuram capacem duodecim congiorum: congius sex capiebat sextarios: ergo metreta continebat septuaginta duos sextarios. Sextarius verò erat mensura respondens ei mensuræ, quam Italicè appellamus (foglieta) addita tamen quinta eius parte; continebat enim sextarius foglietam & insuper quintam eius partem. Si metreta igitur continebat septuaginta duos sextarios; continuisset etiam octoginta sex foglietas. Vt in præsentia vocabulis mensurarum Italicè vulgò vsurpatis, ad Latinæ tamen declinationis formam redactis. Quatuor foglietæ implent vnum bocale: quare vna metreta capiebat bocalia viginti & vnum ac dimidium. Vnus barilus continet triginta duo baccalia; & vna botta, Latine dolium, ferè continet nouem barilos. Quocirca

Metreta, quod genus fuerit mensuræ.

vna hydria capiens binas metretas, continebat boccalia quadraginta tria, id est vnum barilum & vndecim boccalia. Sex itaque hydræ, quæ capiebant quindecim metretas vt initio posuimus, capiebant vnâ bottam siue dolium, & insuper tredecim boccalia.

DECIMA DISPVATIO.

De modo quo factum est illud miraculum vini ex aqua: & de alijs quibusdam similibus miraculis, ad huius miraculi testificationem pertinentibus, quæ refert Epiphanius.

33  OGITARE possumus, quatuor modis miraculum illud fieri potuisse: Primò, producendo vinum ex nihilo: deinde, inuisibili angelorum ministerio, subtracta ex hydriis aqua, tantundem vini in illas ponendo: tum paucum illud vinum quod supererat, multiplicando, sicut Elias & Eliseus pauxillum farinæ & olei multiplicârunt, & Dominus noster panes & pisces. Postremò, aquam conuertendo in vinum, & hoc modo factum est illud miraculum. Sic autem fieri, multis de causis congruentissimum fuit. Primùm, quò euidentius esset omnibus miraculum, liquidò intelligentibus, non id præstigiatoriis, aut magicis artibus esse factum. Deinde, vt manifestum fieret, CHRISTVM esse eum qui per singulos annos de nubibus effundens aquas, & iis vites, tanquam hydrias, implens, aquam mutat in vinum. Ad hæc, vt ostenderet, se creatorem & Dominum esse rerum omnium, qui vtatur rebus à se creatis suo arbitratu, & præter, ac supra propriam eorum naturam. Præterea, vt demonstraret, se illum ipsum esse, qui veteri Testamento tam multa miracula in aquis edidisset: exempli gratiâ, in mari rubro; in Iordane; in Marara quæ erat aqua amarissima; in aqua Nili, quæ in pœnâ Ægyptiorû versa est in sanguinem; in aqua quæ scaturiuit de petra, & in ea quæ, ad preces Samsonis, ex asini maxilla profluxit. Ac demum, ita miraculum hoc fieri voluit Dominus, vt eo fidem præstrueret Sacramento Eucharistiæ quod erat.

De quatuor modis quibus per miraculū, fieri vinū potuit.

3. Reg. 17.

4. Reg. 6.

Matth. 14.

Ioan. 6.

Multis de causis conueniens fuit, vt miraculum illud fieret, per conuersionem aquæ in vinū.

Exo. 14.

Ioſue 2.

4 Reg. 2.

Iud. 15.

ab ipso instituendum, in quo vinum in sanguinem ipsius mutandum erat.

Miracula quorundam fontium, similia huic miraculo Domini, ex Epiphanio.

Narrat Epiphanius tractans Hæresin quinquagesimam primam, 34 ad huius miraculi à Domino facti testificationem atque confirmationem, postea quibusdam in locis, eodem illo die, eademque hora qua miraculum illud Dominus fecerat, aquam mutari solitam in vinum. Epiphaniij verba sic se habent: Quapropter etiam in multis locis, usque in hunc diem; hoc fit quod tunc factum est, diuinum signum in testimonium incredulis: velut testantur in multis locis fontes ac fluuij in vinum conuersi. Cibyles vrbs Carix fons, vinum fudit, ea ipsa hora qua in illis nuptiis hauserunt ministri, & illis dixit Dominus, *Date architriclino*. Testatur etiam Gerasa, Arabix fons similiter. Et nos quidem bibimus de Cibyles fonte, fratres autem nostri biberunt de eo fonte qui est in Gerasa, in martyrum templo. Multi quoque in Ægypto testantur, Nili aquæ idem accidere quibusdam in locis. hæc tenus verba fuere Epiphaniij.

Mystica consideratio huius miraculi.

Consideret hoc loco lector, quemadmodum plerunque sanctis 35 vitis qui CHRISTVM domi suæ excipiunt, & pascunt, & honorant, ipsum videlicet per gratiam in animis suis habitantem religiosè colentes deficiat vinum, id est, subsidia & solatia præsentis vitæ, quæ præbent bona temporalia: & pro vino, iubeat DEVS eorum hydrias impleri aqua, hoc est magnis eos periculis & calamitatibus affligari, ac penè obrui: hydrias intelligo potentias animæ, tam sensus exteriores quàm interiores, & tres illas nobiles animæ rationalis potentias, intellectum, memoriam, voluntatem. Sed in eo ipso magnum fit miraculum, quòd per gratiam suam DEVS, mala illa omnia mirè vertat seruis suis in multò dulciora & optabiliora bona prioribus bonis quæ perdidierant. Licet etiam in hoc miraculo cernere differentiam mundi atque DEI. Mundus, quo decipiat homines, primò speciem quandã bonorum quæ mortales maximè concupiscunt, illis ostendit, & promittit; sed in occulto, maximè verò in extremo, maxima illis reservat mala & exitia. Contra omnino facit DEVS; rebus enim aduersis, tanquam in igne aurum, seruos suos initio probat, & perficit; sed eos & in hae vita spiritualibus donis replet, & post mortem æternis remunerat præmiis. Huius differentiae mundi atque DEI perillustis


stris fuit ceu imago quædam & figura, illa statua quæ regi Nabuchodonosoro visa est in somno, eamque describit Daniel cap.2. Illius statuæ caput erat ex auro, extrema verò pedum ex terra: huiusmodi est prosperitas huius mundi. At verò lapis qui statuam illam percussit, & destruxit, præsignans CHRISTVM, & statuam iustorum hominum, primò fuit paruus lapis, sed postea maximum creuit in montem.

VNDECIMA DISPVATIO.

Super illis verbis:

Hoc fecit initium signorum IESVS in Cana Galilææ; VER. II.
& manifestauit gloriam suam, & crediderunt
in eum discipuli eius.

*An illud miraculum simpliciter fuerit primum omnium
miraculorum CHRISTI?*

36  HRYSTOMVS super hoc loco in Homilia decima sexta in Ioannem ait, ante Baptismum CHRISTI nullum fuisse ab eo factum miraculum: An verò post Baptismum, hoc in nuptiis factum, fuerit primum, nec ne, non audet affirmare. Alij dixerunt, hoc miraculum non fuisse primum simpliciter, sed fuisse primum quod factum est coram discipulis ad fidem eorum confirmandam. Aliorum sententia est, fuisse primum quod factum est in Cana Galilææ; & primum appellari, respectu secundi miraculi quod postea in eadē Cana Galilææ fecit Dominus, cum sanauit filium Reguli, vt infra cap.4. narrat Ioannes.

37 Mea super hac quæstione breuis hæc est sententia. Cùm CHRISTVS ab initio suæ incarnationis fuerit perfectus homo secundum vsum rationis, & habuerit perfectam gratiam, & sapientiam, & potentiam faciendi quæcunq; miracula; sine dubio potuit multa miracula facere ab initio ætatis suæ. Quocirca, miraculum stellæ, quæ duxit Magos ad præsepe CHRISTI infantis, & miraculum

Chrysostomus.

Autoris sententia.

Matth. 2.

Matth. 4.

Matth. 3.

lum ieiunij quadraginta dierum in deserto, & miraculum columbæ quæ super ipsum, cùm baptizatus est, descendit, ab ipso etiam quâ homo erat, fieri potuerunt. Cæterùm, si loquamur de miraculis quæ fecit CHRISTVS ad gloriam suam declarandam, & ad confirmandam auditorum & discipulorum suorum fidem, miraculum hoc in nuptiis factum, sine dubio primum omnium censeretur debet. Hoc enim apertè B. Ioannes hoc loco indicauit supra dictis illis verbis: *Hoc fecit initium signorum IESVS, & manifestauit gloriam suam, &c.* Nam, quod quidam dicunt, & nos paulò supra retulimus, propterea miraculum illud dici primum, quia primum fuit eorum quæ facta sunt in Cana Galilææ; hoc sanè infirmum est, atque improbabile. Nimirum, nulla erat ratio cur Ioannes notaret primum miraculum factum in Cana Galilææ potius, quàm in Capharnaum, vel in ipsa vrbe Hierusalem: & hoc ipsum ostendunt verba illa Ioannis: *manifestauit gloriam suam & crediderunt in eum discipuli eius.* Quibus verbis significatur CHRISTVM antea non manifestasse gloriam suam, per miraculorum effectiorem.

Liber de miraculis infantie Christi Apocryphus. Glosst. Epiphanius. Gelasius Papa. Sex rationes, quid Christus in pueritia vel infantia non fecerit miracula.

Hinc licet intelligere, librum quendam de Saluatoris infantia 38 inscriptum, & de miraculis in ea ætate ab ipso factis, planè Apocryphum esse: vt meritò Chrysostomus Homilia decima sexta in Ioanem, Epiphanius contra Hæresin quinquagesimam primam, Gelasius Papa in distinctione decima quinta, quæ incipit (Sancta Romana Ecclesia) eum librum omnino reiiciant. Cur autem non sit credibile, CHRISTVM in pueritia vel etiam infantia fecisse miracula, multæ rationes, multumque probabiles afferri possunt. Primò, quia incarnatio eius non vera, sed phantastica fuisset existimata. Secundò, putassent homines, miracula illa non esse vera, sed præstigiis, magicisque fallaciis assimilata veris. Tertiò, oportuit illum assumptæ carnis & naturæ humanæ fidem facere manifestis, certisque argumentis, nempe, per actiones & opera infantie & pueritiæ humanæ congruentia. Quartò, si antea fecisset miracula, procul dubio ante Baptismum notissimus fuisset Ioanni Baptiste; at ille confessus est, sibi eum, ante signum columbæ, fuisse ignotum. Quintò, si CHRISTVS antea fecisset miracula, non fuisset opus testimonio Ioannis Baptiste ad manifestandum eum Iudæis, quippe qui per miracula sua fuisset eis notus, & apud omnes

omnes famosus. Atqui Ioannes ipse testatus est, propterea se missum fuisse, vt manifestaret eum Iudæis: quibus etiam dicebat: *Medius vestrum stetit, quem vos nescitis.* Sextò, ideo miracula CHRISTVM facere conueniens fuit, vt doctrinam suam confirmaret: non igitur priùs facere debuit miracula, quàm docere inciperet, id autem factum est post Baptismum, cum iam trigelimum ætatis annum esset ingressus. Quapropter, cum esset duodecim annorum, inuentus est in templo, non docens, sed audiens, & interrogans. Lucæ 2.

- 39 Quæri potest, quæ fuerit gloria illa, quam dicitur CHRISTVS per miraculum illud manifestasse. Potest intelligi gloria diuinitatis, intra corporalem, & adspectabilem hominibus humanitatem eius latentis. Vel gloria potentia, quam homo ille super omnes creaturas à DEO acceperat. Vel, quia sic apparuit vera fuisse quæ de ipso Ioannes Baptista & alij testificati fuerant, ipsum esse Filium DEI, & Messiam, & Saluatorem mundi, & Iudicem omnium, quæ res ad maximam eius gloriam pertinebant.


DVODECIMA DISPV TATIO.

Super illis verbis:

Et crediderunt in eum discipuli eius..

VER. II.

Quibus maximè rebus adducti sint discipuli CHRISTI ad credendum in eum?

- 40  VINQVE potissimum rebus adducti sunt illi discipuli ad credendum in CHRISTVM. Primò quidem, luculenterissimo Ioannis Baptiste testimonio de CHRISTO: hac ratione Andreas & alius quidam discipulus (sicut narrauit supra Ioanes in capite primo) secuti sunt CHRISTVM. Deinde, allesti priuatis sermonibus CHRISTI, & suauissima eius conuersatione, quæ persuasus est Andreas, ipsum esse Messiam, idèoque ad eum duxit fratrem suum Simonem: quem admodum etiam Philippus Nathanaëlem duxit ad CHRISTVM. Ad hæc, prophetici eius dictis permoti: nam Simoni prædixit, Y ipsum.

Quinque res quibus illi discipuli moti sunt, ad credendum in Christum.

Ioan. x.

ipsum postea vocatum iri Petrum: Nathanaëli verò prophetavit de præterito, cum dixit: *Præquam vocares te Philippus, cum esses sub ficu, vidi te.* Prophetavit etiam de præfenti, cum de eo dixit: *Ecce verè Israëlita in quo dolus non est.* Prophetavit quoque de futuro, cum dixit: *Videbitis cælum apertum, & Angelos DEI adscendentes & descendentes supra filium hominis.* Præterea, commoti sunt maximè eo miraculo quod in nuptiis à CHRISTO factum est. His denique addi potest quod ad hanc ipsam sententiam scripsit Beatus Hieronymus in Commentariis suis in Matthæum, super caput nonum, explanans vocationem ipsius Matthæi, ab ipso met Matthæo in eo capite enarratam. Adscribam hic Hieronymi verba, quæ sunt huiusmodi: Arguit hoc loco Porphyrius, & Iulianus Augustus, vel imperitiam historici mentientis; vel stultitiam eorum qui statim secuti sunt Salvatorem, quasi irrationabiliter quemlibet vocantem hominem sint secuti: cum tantæ virtutes, tantæque signa præcesserint, quæ Apostolos, antequàm crederent, vidisse non est dubium. Certè fulgor ipse, & maiestas diuinitatis occultæ, quæ etiam in humana facie relucebat, ex primo ad se, videntes trahere poterat, adspectu. Si enim in Magnete lapide, & in succinis hæc esse vis dicitur, ut annulos, & stipulas & festucas sibi copulèt: quanto magis Dominus omnium creaturarum, ad se trahere poterat, quos vocabat?

Quomodo discipuli Christi dicantur credidisse in Christum post illud miraculum, cum antea iam credidissent. Fidem tribus modis crescere.

Lucæ. 12.

Matth. 14.

Ibid. 15.

Sed magis explicemus illud: & crediderunt in eum, nonne ante hoc miraculum iam illi crediderāt in CHRISTVM? non enim facti essent discipuli eius, nisi prius ipsi credidissent. Hoc igitur tripliciter potest intelligi: Fides enim tribus modis crescit & perficitur. Primò, extensivè, ut plura credantur: & fortasse discipuli illi propter illud miraculum plura de CHRISTO crediderunt; non modò eum credendo esse Messiam, sed etiam verum DEI Filium incomparabili potentia præditum. Deindè crescit fides intensivè, quia virtus ipsa fidei augetur, quo firmiùs credatur: nam & discipuli dixerunt Domino: *Domine adauge nobis fidem.* & Dominus dixit Petro: *Modicæ fidei, quare dubitasti?* Dixit etiam Cananæa: *O mulier, magna est fides tua.* Ad hæc, fides perficitur adiunctione aliarum virtutum, quæ ipsam fidem vivificant, & ornant, & perficiunt, ut est virtus humilitatis & charitatis & deuotionis. Atque

his

his quoque duobus vltimis modis existimare licet, fidem illorum discipulorum fuisse tunc eo miraculo multum auctam atque confirmatam.

- 42 Illud præterea indicandum lectori est hoc loco, B. Gregorium in Homilia quinta in Euangelia, explanando vocationem Apostolorum scriptam in quarto capite Euangelij Matthæi, affirmare, illos Apostolos relictis omnibus secutos esse CHRISTVM, nullis antea visis miraculis, sed simplici tantum CHRISTI voce per-motos. Hoc B. Gregorij dictum, si vt verba ipsa sonant accipiatur, non videtur esse verum. Siquidem vocatio illa Apostolorum quam scribit Matthæus, facta est sub finem primi anni prædicationis CHRISTI, & post inclusionem Ioannis Baptiste in carcerem; ante quod tempus, multa iam CHRISTVS ediderat miracula, & inter alia, hoc quod factum est in nuptiis. Immò verò, Petrus & filij Zebedæi moti miraculo capturæ piscium, ad CHRISTVM se contulerunt, vt narrat Lucas capite quinto. Sed quia Matthæus ante narrationem vocationis Apostolorum nulla commemoraue-rat CHRISTI miracula, hoc videlicet spectans B. Gregorius di-xit Apostolos, non visis ante miraculis secutos esse CHRISTVM.

Explicatur dictum quod-dam B. Gre-gorij, quod in specie & pri-mo aspectu, nō videtur verum.

DECIMA TERTIA DISPVATIO.

Super illis verbis:

Dixerunt ergo Iudæi: quadraginta & sex annis
ædificatum est templum hoc, & tu in
tribus diebus excitabis illud? VER. 20.

*De trina Hierosolymitani templi ædificatione: & primò,
de ea quæ facta est à Rege Salomone.*

- 43 **T**EMPLVM Hierosolymitanū ter in diuersis tem-poribus ædificatum esse legimus: Primò quidem ædificatum est à Salomone, vt narratur in capite sexto libri tertij Regum. Deinde, iterum est ædi-ficatum post reuersionem Iudæorum à captiuitate

Y 2

Babylo

Babylonica; vt scriptum est in primo libro Esdræ. Tertium, ab Herode fabricatum est in anno decimo octauo regni sui, vt tradit Iosephus Hebræus in capite vltimo libri decimi quinti Antiquitatum Iudaicarum. De harum trium vnaquaque ædificationum separatim in præsentia disputandum est.

Salomon cœpit ædificare templum in anno quarto regni sui & mense secundo: absoluit autem ædificationem mense octauo anni vndecimi regni sui, consumptis in ea septem annis, & mensibus quatuor. Longitudo templi interioris erat cubitorum sexaginta; latitudo, viginti; altitudo, triginta, scilicet vsque ad primum tectum, vt traditur in tertio Regum capite sexto: Namque altitudo vsque ad summum totius ædificij fastigium, erat cubitorum centum viginti, vt est in secundo libro Paralipomenon, in capite secundo. Dedicatio eius templi facta est mense septimo vt est in capite octauo libri tertij Regum: quæ quidem cœpta est decimo die eius mensis, finita verò est vigesimo tertio eiusdem mensis die, sicut habes in capite septimo libri secundi Paralipomenon.

*Magnificetia
ædificationis
templi Salo-
monis.*

Quanta porro eius operis magnificentia fuerit, duabus ex re- 44
bus æstimare licet, ex multitudine videlicet operariorum, & ex
magnitudine impensarum. Etenim, vt legitur in capite quinto li-
bri tertij Regum, eorum qui portabant humeris suis onera, erant
septuaginta millia; eorum autem qui cædebant è montibus lapi-
des, erant octoginta millia; eorum qui præerant operi, erant am-
plius tria millia. Verum, quod in capite vigesimo secundo primi
libri Paralipomenon traditur de impensis quas Rex Dauid ædifi-
cando templo præparauerat, nisi proditum esset in Sacris litteris,
fidem non caperet. Siquidem eo in loco scriptum est, Dauidem
dedisse Salomoni ad impensas futuri operis centum mille talenta
auri, & argenti mille millia, vt immensum æris & ferri pondus in
præsentia taceam. Sed quanta fuerit istarum impensarum sum-
ma, explicatiùs demonstrandum est. Apud varias gentes varium
quoque fuit olim talenti pondus & pretium: erat enim talentum
Hebraicum, & Syriacum, & Ægyptiacum, & Babilonicum, &
Græcum siue Atticum. Talentum Hebraicum, auctore Iosepho
in capite septimo libri tertij Antiquitatum, pendebat minas cen-
tum: mina verò Hebræica, vt tradit Ezechiel cap. 45. pendebat
siclos

*Quantum va-
leret talentum
Hebraicum,
secundum Iose-
phum.*

ficlos sexaginta: siclus pendebat quatuor drachmas: nam septuaginta duo interpretes loco sicli nonnunquam Græcè reddiderunt, *tetradrachma*, & pro dimidio siclo, posuerunt *didrachma*: sic etiam interpretatur Iosephus libro tertio Antiquitatum, & Hieronymus super quartum caput Ezechielis. Patet igitur, vnam minam Hebraicam continuisse ducentas quadraginta drachmas, id autem est secundum nostrates libras, duas libras & dimidiam. Ergo talentum Hebraicum pēdebat viginti quatuor millia drachmarum; vel, quod idem est, nummorum aureorum. Centum igitur millia

Iosephus.
Hieronymus.

Summa im-
pensarum in
edificatione
Templi Salo-
monis.

45 Caterum, Rabbi Salomon, & Agricola, & quidam alij qui accuratè scripserunt de ponderibus & mensuris, tradunt, idque colligunt ex trigésimo octauo capite libri Exodi secundum lectionem Hebraicam, duplex fuisse talentum Hebraicum; alterum, quod vocabatur talentum sanctuarij, quod tantum pendebat & valebat, quantum paulò supra expositum est. Alterum erat, quod appellabatur talentum congregationis, & erat in vsu vulgi, hoc autem dimidiatè minus erat priore, pendens tantum quinquaginta minas. Secundum huius talenti aestimationem, centum millia talenta auri, de quibus supra diximus, valuissent mille & ducentos milliones.

Rabbi Salo-
mon.
Agricola.
Duplex talen-
tum Hebrai-
cum.

46 Equidem crediderim, in tota Europa, & in Africa, & in magna Asia parte tantum auri, quantum supra dictum est à Davide relictum, vix posse reperiri. Sed nimirum Dauid per quadraginta annos quibus regnauit, pluribus partis victoriis, multisque subiugatis gentibus, vim illam auri & argenti collegerat; maximè verò debellata Syria vsque ad Euphratem, quæ, id temporis, erat auri & argenti refertissima, atque ditissima: quam omnem fuisse à Davide opibus spoliatam refert diuina scriptura. Vt nunc taceam, DEVM, singulari quadam ratione tantam copiam auri & argenti comparandi facultatem exhibuisse Dauidi: tum vt eum regem sibi charissimum super omnes magnificaret: tum vt amplissimam ædificando templo materiam suppeditaret. De simili opulentia legendus est Plinius in capite tertio libri trigésimi tertij: & de præ-

Consideratio
opulentiæ Da-
uidi.

1. Reg. 3.

Plinius.

Triplex maxima opulentia.

librum secundum nostrorum commentariorum in Daniele. De incredibili opulentia quam habuit Rex Sardanapalus, eamque secum iniecit in rogam, legenda sunt quæ Ctesias Gnidius narrat apud Diodorum Siculum.

Animaduersione in dictum quoddam Chrysostomi Theophylacti & Euthymij.

Hoc templum à Salomone fabricatū stetit per annos quadringentos & triginta, usque ad Babylonicam videlicet captiuitatem, sub Sedechia rege Iuda factam. Ergo Iudæi dicentes, templum fuisse quadraginta sex annis ædificatum, non loquebantur de hac prima, quæ à Salomone facta est, templi ædificatione, ea quippe septem annis completa est. Quapropter, quod Chrysostomus in Homilia vigesima secunda in Ioannem, & Theophylactus, & Euthymius hoc in loco tradunt, templum à Salomone fuisse viginti annis exædificatum, si de solius templi ædificatione intelligatur, falsum est, hæc enim septem annis absoluta est. Sin autem complectamur ædificationem templi, simulque domus regis, quod de viginti annis dictum est, pro vero haberi potest: Sic enim legimus in nono capite tertij libri Regum: *Expletis annis viginti, postquam adificauerat Salomon duas domos, id est, domum Domini, & domum regis &c.*

DECIMA QUARTA DISPUTATIO.

De secunda templi ædificatione quæ post Iudæorum à captiuitate Babylonica reuersionem facta est: & de hac ostenditur, verum esse quod dixerunt Iudæi, templum fuisse quadraginta sex annis ædificatum.

SE C U N D A illius templi ædificatio facta est post reuersionem Iudæorum à captiuitate Babylonica, principe populi Zorobabele, & Iesu maximo sacerdote & Pontifice, prophetantibus eo tempore Aggeo, & Zacharia. Hæc secunda ædificatio cœpta est, primū iactis templi fundamentis anno secundo regis Cyri: sed opus per quadraginta annos intermissum est; anno autem secundo regis Darij Hystaspis repetitum est, & anno sexto eiusdem regis perfectum. Perfectum dico, quod attinet ad ædificationem

cationem interioris templi, ad quod solis sacerdotibus patebat ingressus. Nam in atriis & porticibus & gazophilaciis construendis tres præterea anni consumpti sunt: ita ut totius templi structura non ante nonum eius Regis annum absoluta sit, secundum Iosephum in libro vndecimo Antiquitatum, & Eusebium in libro octauo de demonstratione Euangelica.

*Iosephus.
Eusebius.*

- 49 Et hac profectò ratione cõstat planè numerus quadraginta sex annorum, quibus Iudæi dixerunt Domino, templum illud fuisse fabricatum: tot enim anni à secundo Regis Cyri anno quo ceptum est ædificari, vsque ad nonum Regis Darij annum, quo ædificatio templi consummata est, numerantur. Frenim Cyrus regnavit annis triginta: post eum Cambyfes, simulque Magorum regnum fuit octo annorum: His si addantur nouem anni Regis Darij, consistit supradicta summa quadraginta sex annorum. Iansennius bene sensit, scribens hoc loco illud Iudæorum dictum de quadraginta sex annis ædificationis templi, intelligendum esse de secundi templi ædificatione: Sed is tamen malè colligit & computat illos quadraginta sex annos; mendosas Chronologias videlicet Ioannis Annij Viterbiensis imprudenter secutus.

*Computatio
vera quadra-
ginta sex an-
norum secun-
dæ ædificatio-
ni templi.*

Iansennius.

- 50 Hoc secundum templum intactum mansit vsque ad decimum octauum annum Regni Herodis, per annos circiter quadringentos nonaginta. Stetit verò vsque ad excidium eius sub Tito Imperatore Romanorù factum per annos quingentos octoginta quatuor. Nam annus nonus Regis Darij, quo anno finita est secundi templi ædificatio, competit in Olympiadem sexagesimam sextam: Decimus autem octauus annus Regni Herodis concurret cum Olympiade centesima octogesima nona: excidium verò secundi templi factum sub Tito Romanorum Imperatore, contigit in Olympiade ducentesima duodecima.

*Quandiu ste-
terit templum
secundum.*

- 51 Impensarum porro, quas Iudæi contulerunt ad secundi templi fabricationem, summa fuit ea quam in secundo capite primi libri Esdras narrat his verbis: *Secundum vires suas dederunt impensas operis, aurum solidos sexaginta millia & mille; argenti verò minas siue minas, quinque millia, & vestes sacerdotales centum.* Hæc autem summa auri & argenti continet nummorum auroreorum centum octoginta millia: vnde apparet, quantò maior fuerit primi illius templi à Salomone

*Quantò infe-
rius fuerit se-
cundum tem-
plum illo Sa-
lomonis &
quantum ad
impensas ædi-
ficationis, &
quantum ad
altitudinem
ædificij.*

Salomone fabricati magnificentia ædificationis, quàm huius secundi. Fuit etiam magnitudo huius secundi templi multò minor quàm primi: siquidem totius templi secundi altitudo fuit sexaginta duntaxat cubitorum, cum primi templi altitudo fuisset centum viginti cubitorum, id autem est, duplo maior. Quapropter, in ædificatione secundi templi, Iudæorum seniores qui viderant primum templum, cum eius magnificentia & magnitudine comparantes secundi templi paupertatem & paruitatem, flebant voce magna, ut narrat Esdras sub finem capitis tertij.

Quomodo prædictum sit ab Aggæo, secundum templi gloriosius fore, quàm fuerat primum. Responsio Iudæorum.

Iosephus.

At enim, cum secundum illud templum & amplitudine, & opulencia, & magnificentia multò inferius fuerit primo illo Salomonis templo; quomodo Aggæus Propheta in capite secundo vaticinatus est, maiorem fore gloriam secundi templi, quàm fuerat primi? Respondent Iudæi, id esse dictum propter Alexandrum magnum, qui visere illud templum voluit, & ipsum, & summum Pontificem plurimum honoravit, ut memorie prodidit Iosephus in libro undecimo Antiquitatum: & ante Alexandrum Magnum, tres maximi reges Persarum, multum fauerunt, multumque adiumenti contulerunt ad ædificium & ornatum templi: Regem dico Cyrum, Darium Hystaspem, & Artaxerxem Longimanum, de quibus scribit Esdras. Post Alexandrum verò, Ptolomæus Philadelphus Rex Ægypti amplissimam misit munera ad ornatum templi, ut in libro duodecimo refert Iosephus. Eodem spectat, quod initio tertij capitis libri secundi Machabæorum scriptum est his verbis: *Ipsi reges & principes locum (templum) summo honore dignum ducebant, & templum maximis muneribus illustrabant: ita ut Seleucus Asia Rex de reditibus suis præstaret omnes sumptus ad ministerium sacrificiorum pertinentes.* Ob hæc igitur Iudæi aiunt, prædictum fuisse ab Aggæo, gloriosius fore secundum templum, quàm fuerat primum.

Iosephus. Locus libri secundi Machabæorum c. 3.

Sed ista sunt futilia, & nugalia Iudæorum commenta. Non enim quæ reges illi contulerunt ad honorem & ornatum secundi templi, tanti fuerunt, ut ob ea templum illud factum sit gloriosius templo Salomonis: ex supradictis enim manifestum est, multò fuisse inferius templum secundum quàm illud primum Salomonis, tam secundum magnitudinem, quàm secundum opulentiam, & magnificentiam & gloriam. Neque tantus fuit honor, nec tanta fuere.

fuere munera quibus illi reges secundum templum coluerunt & ornauerunt; quantus fuit contemptus, & ignominia, & opprobrium quo Rex Antiochus Epiphanes illud ipsum templum dedecorauit, & contaminauit, & conculcauit, & multifariam incendit atque destruxit, omnibusque rebus pretiosis quæ in eo erant spoliavit. Audiat lector quæ ad hanc sententiam spectant, & scripta sunt in primo capite prioris libri Machabæorum de Rege Antiocho his verbis: *Intrauit in sanctificationem cum superbia, & accepit altare aureum, & candelabrum luminis, & vniuersa vasa eius, & mensam propositionis, & libatoria, & phialas, & mortariola aurea, & velum, & coronas, & ornamentum aureum quod in facie templi erat: & comminuit omnia: & accepit argentum & aurum, & vasa concupiscibilia, & accepit thesauros occultos quos inuenit; & sublatiis omnibus abiit in terram suam & fecit eadem hominum, & locutus est in superbia magna. & paulò infra: Edificauit Rex Antiochus abominandum idolum desolationis super altare DEI: & per vniuersas ciuitates Iuda edificauerunt aras: & ante ianuas domorum, & in plateis incendebant thura, & sacrificabant: & libros legis DEI combusserunt igni, scindentes eos: & apud quemcunque inueniebantur, trucidabant eum. & in eiusdem libri capite quarto sunt hæc verba: *Viderunt sanctificationem desertam, & altare profanatum, & portas exustas, & in Atriis virgulta nata, sicut in saltu, vel in montibus, & psilophoria diruta: & sciderunt vestimenta sua, & planxerunt planctu magno, & imposuerunt cinerem super caput suum &c.* Ecce tibi, quantò maiora fuere mala quibus Rex ille Antiochus secundum templum dehonestauit, & contaminauit, & opprobriis repleuit; quàm fuerant bona, quæ priores quidam reges in templum illud contulerant.*

- 54 Ergo prædictum est ab Aggæo, secundum illud templum gloriosius esse futurum quàm primum, non ob materiale siue corporalem eius templi structuram, nec propter opulentiam, vel magnificentiam; sed propter Messiam, cuius frequenti præsentia, & prædicatione, & miraculis super omnia magnificandum & glorificandum erat. Et vt hoc Propheta significaret, præmisit de Messie aduentu verba illa: *Adhuc unum modicum est, & ego commouebo cælum & terram, & mare & aridam, & mouebo omnes gentes: & veniet desideratus cunctis gentibus, & implebo domum istam gloria, dicit*

Dominus exercituum. Post hæc autem subdit supradictum vaticinium dicens : *Magna erit gloria domus istius novissima, plusquam prima.* Hac porro, qua diximus, ratione intelligendum esse illud Aggæi vaticinium, pluribus verbis luculentè, doctèque Beatus Augustinus nos docet in quadragesimo quinto capite libri decimi octavi de Civitate DEI.

DECIMA QUINTA DISPUTATIO.

De tertia templi ædificatione, quæ ab Herode rege facta est.



TERTIA templi ædificatio, ab Herode rege facta est 55 in anno decimo octavo regni eius; & decem annis, ex toto confecta & absoluta est; quatuor annis videlicet ante ortum CHRISTI Domini nostri. Mira fuit amplitudo templi: longitudo enim fuit centum cubitorum; altitudo centum viginti: coagmentatum est ex candidissimis & firmissimis, maximisque saxis; quorum longitudo cuiusque erat viginti cubitorum, altitudo autem & latitudo duodecim cubitorum. In porticibus erant quatuor ordines columnarum, erant autem omnes columnæ centum sexaginta duæ, pulchræ ad miraculum; tantæque crassitudine, ut eam vix tres homines simul complecti possent. Multa alia, sanè quàm mira, de magnificentia eius operis narrat Iosephus in libro decimo quinto Antiquitatù capite ultimo. Huc spectat quod scribit Marcus cap. 13. illis verbis: *Et cum egrederetur de templo, ait illi unus ex discipulis suis, Magister, aspice, quales lapides & quales structura: & respondens IESVS, ait illi: Vides has omnes ædificationes? Non relinquetur lapis super lapidem, qui non destruat.*

At enim, ex iis quæ dicta sunt duplex hoc loco existit quæstio. 56 Prior quæstio est hæc: Altercatio illa Iudæorum cum CHRISTO, sine dubio facta est non in illo secundo templo, sed in tertio quod ædificatum fuerat ab Herode; hoc enim quatuor vel quinque annis ante ortum CHRISTI ædificatum fuerat: quomodo igitur verum est quod Iudæi dixerunt, templum illud in quo ipsi tunc erant, fabricatum fuisse quadraginta sex annis, id enim, ut verè dicitur de secundo templo, ita falsò dicitur de tertio, quod, ut refert Iosephus,

Locus Marci cap. 13.

Duplex quæstio super illo templo Herodis.

sephus, decem annis ab Herode constructum fuerat. Altera questio est huiusmodi: Vaticinium illud Aggæi de secundo templo, quòd ipsum gloriosius futurum erat quàm primum; videlicet, vt nos supra interpretati sumus, propter Messie in eo templo presentiam, & prædicationem, & miracula: At Messias non in illo secundo, sed in hoc tertio templo versatus est.

- 57 Verùm, huic duplici obiectioni & questioni vnica responsione sic est occurrendum & satisfaciendum: templum illud Herodis non esse habitum à Iudæis tanquam diuersum à secundo templo, sed quasi renouationem quandam illius & amplificationem, maioremque exornationem. Non enim secundum templum euersum fuerat ab hostibus, nec dirutum aliquandiu iacuerat. Immò Rex Herodes, sicut narrat Iosephus supradicto loco, priusquàm vetus illud templum demoliretur, circum ipsum ædificauit templum nouum, vt videretur Iudæis non aliud templum esse factum, sed renouatum prius templum, & amplificatum, maioriq; ornatum magnificentia. Semper itaque apud Iudæos illud Herodis templum, secundi templi nomen, existimationem, venerationem, atque religionem habuit. Stetit porrò illud Herodis templum vsque ad excidium eius sub Tito Romanorum Imperatore factum, per annos circiter nonaginta.

Responsio ad supra dictam duplicem questionem.

Quandiu steterit templum Hierosolymitanum ab Herode fabricatum.

DECIMA SEXTA DISPV TATIO.

Explicatur sententia quedam Beati Augustini aientis, numerum illum quadraginta sex annorum ædificationis templi, pulchrè conuenire simili numero dierum formationis corporis

CHRISTI in vtero matris.

- 58 **B**EATVS Augustinus in libro secundo de doctrina Christiana cap. 28. & in libro quarto de Trinitate, cap. 5. & in Tractatu quinto in Ioannem, & in libro octoginta trium questionum, in questione quinquagesima sexta, ait, numerum illum quadraginta sex, conuenire formationi corporis CHRISTI in vtero matris; Formationem enim humani corporis, perhibent Physici,

Z 2 qua

quadraginta sex diebus in utero materno absolui: & in hoc etiam Beda & Rupertus secuti sunt Augustinum. Sed enim hoc, si præcisè accipiat, videtur falsum. Etenim formatio & organizatio corporis Domini nostri, per quam fit conceptio fœtus & animatio, in instanti facta est, ut duplici ratione probat optimè Sanctus Thomas in tertia parte, in quæstione trigesima tertia & in Articulo primo.

Magister sententiarum in libro tertio in distinctione tertia, & ibidem Sanctus Bonaventura sic Augustini sententiam interpretantur: Corpus CHRISTI fuisse in primo instanti formatum, sed aded paruum, ut eius figuratio, membrorumque distinctio humano visu discerni non posset. At post quadraginta sex dies, in similitudinem & modum corporum aliorum hominum, fuit adspicibilis & notabilis. Ergo anima CHRISTI à principio fuit in corpore, omnium humanorum corporum quotquot fuerunt, aut erunt, minimo: servata tamen proportionem corporis CHRISTI secundum magnitudinem, quam postea in ætate adulta & natura habiturum erat: quod dictum sit, propter eos qui vocantur Nani. Et interpretatio quidem sententiæ Augustini secundum Magistrum & Bonaventuram, huiusmodi est.

Sed verior Beati Augustini sententiæ interpretatio est ea, quam tradit S. Thomas, in tertia parte in quæstione trigesima tertia, in Articulo primo in responsione ad primum ait, Beatum Augustinum non loqui de formatione tantum fœtus usque ad eius conceptum & animationem, sed de universa formatione & perfectione corporis Dominici facta in utero matris ab eius conceptu usque ad ortum eius: quæ quidem continet tempus quadraginta sex dierum, sexies multiplicatum; & sic explicat dictum suum ipsemet Augustinus in libro octoginta trium quæstionum, in quæstione quinquagesima sexta, & in libro quarto de Trinitate in cap. 5. dicens: A die vigesimo quinto Martij, quo Dominus creditur esse conceptus, usque ad diem vigesimum quintum Decembris, quo die natus est, præterierunt sexies quadraginta sex dies, hoc est, ducenti septuaginta sex, qui efficiunt novem menses & sex dies; quantum ferme tempus est quo fœtus in utero matris commoratur usque ad egressum ex utero & ortum eius.

Idem

Quomodo supradicta Augustini sententiam interpretati sint Magister sententiarum & Bonaventura.

Vera interpretatio sententiæ Augustini quam tradit B. Thomas.

Augustini verba.

61 Idem Augustinus in capite vigesimo octauo libri secundi de Doctrina Christiana scribit, quosdam ex hoc numero quadraginta sex annorum argumentari voluisse, CHRISTVM Dominum non minus quadraginta sex annis vixisse in terris. Fortasse Augustinus istis verbis significare voluit Irenæum, qui in libro secundo in capite quadragesimo non dubitauit affirmare, CHRISTVM proximè ad quinquagesimum ætatis annum accessisse. Verùm, id non probat Irenæus ex hoc loco, sed ex eo quod infra in capite octauo refert Ioannes, Iudæos dixisse CHRISTO: *Quinquaginta annos nondum habes, & Abraham vidiisti?* Sed vndecunque id probet Irenæus malè profectò probat, falsaque eius sententia est: vt Irenæus. pote secundum quam necessum esset, CHRISTVM nec sub Pontio Pilato procuratore Iudææ, nec sub Tiberio Imperatore mortuum esse: quorum illud manifestè habet Euangelica historia: hoc autem omnis tradit Ecclesiastica historia. Nos aduersus istam Irenæi sententiam copiosè disputauimus in libro vndecimo nostrorum Commentariorum in Daniele, in Tractatu septimæ quæstionis.

62 Restat, vt quasi pro clausula disputationum nostrarum super hoc secundum caput Ioannis, explicemus verba illa quæ sunt in versu vigesimo quarto, propè finem capituli: *Multi crediderunt in nomine eius: ipse autem IESVS non credebatur semetipsum eis, &c.* Declarandum est, quid sit illud, IESVM non se credidisse eis qui credebant in eum. Quatuor huius loci sunt interpretationes. Prima est Augustini: Cognoscens CHRISTVS, fidem illorum fuisse admodum imperfectam, non credebatur se eis, id est, non exponebat illis altiora sua mysteria; sicut nec Catechumenis maiora Fidei mysteria explicari solent in Ecclesia. Secunda interpretatio est Chrysostomi & Cyrilli: Sciens IESVS fidem illorum fore instabilem, & defecturam; non admittebat eos in suam familiaritatem, atque discipulatum. Et duplex hæc interpretatio procedit, referendo illud pronomen *eis* ad eos qui dicti sunt credidisse in CHRISTVM. Tertia interpretatio est Caietani & Iansennij referentium illud pronomen *eis* non ad illos credentes in CHRISTVM, sed ad alios quosdam illis credentibus mixtos: hi simulabant fidem & beneuolentiam erga CHRISTVM, cum tamen

Quid sit, Iesum nō se credidisse creditum in ipsū quatuor interpretationes.

Augustinus.

Chrysost. Cyrillus.

Caietanus. Iansennius.

iam ex eo tempore cepissent odisse eum, vt sibi dissimillimum moribus, & detegentem, palamque reprehendentem Phariseorum hypocrisin, & Sacerdotum ambitioni & avaritiæ insensum, & aduersantem. Quarta interpretatio, illud *en* refert ad Iudæos in vniuersum: apud quos palam conuersari noluit CHRISTVS, sciens, non sine periculo se inter illos futurum. Quocirca, vt be-

Iansennius.

ne aduertit Iansennius, IESVS relicta Iudæa in Galilæam rediit: nam hoc Ioannes nusquam alibi significat, cum tamen infra in capite tertio scribat, IESVM venisse in Iudæam.

Ergo post celebrationem Paschæ, & altercationem cum Iudæis habitam Hierosolymis, ex Iudæa ipse discesserat.

CAPVT





CAPVT TERTIVM

EVANGELII IOANNIS.



NAT autem homo ex Pharisaïs, Ni- VERS. 1.
 codemus nomine, princeps Iudæorum.
 * Hic venit ad IESVM nocte, & 2
 dixit ei: Rabbi, scimus quia à DEO
 venisti magister, nemo enim potest hæc
 signa facere, quæ tu facis, nisi fuerit
 DEVS cum eo. * Respondit IESVS, 3
 & dixit ei: Amen, amen dico tibi, nisi
 quis renatus fuerit denuò, non potest videre regnum DEI. * Di- 4
 cit ad eum Nicodemus: Quomodo potest homo nasci cum sit se-
 nex? nunquid potest in ventrem matris suæ iteratò introire, &
 renasci? * Respondit IESVS: Amen, amen dico tibi, nisi quis re- 5
 natus fuerit ex aqua, & SPIRITV sancto, non potest introire
 in regnum DEI. * Quod natum est ex carne, caro est: & quod 6
 natum est ex spiritu, spiritus est. * Non mireris, quia dixi tibi: Opor- 7
 tet vos nasci denuò. * SPIRITVS ubi vult, spirat: & vocem 8
 eius audis, sed nescis unde veniat, aut quò vadat: sic est omnis, qui
 natus est ex spiritu. * Respondit Nicodemus, & dixit ei: Quo- 9
 modo possunt hæc fieri? * Respondit IESVS, & dixit ei: Tu es, 10
 magister in Israel, & hæc ignoras? * Amen, amē dico tibi, quia quod 11
 scimus loquimur, & quod vidimus, testamur, & testimonium no-
 strum non accipitis. * Si terrena dixi vobis, & non creditis: quo- 12
 modo

- 13 modo, si dixerō vobis cœlestia, credetis? * Et nemo ascendit in
 cœlum, nisi qui descendit de cœlo, Filius hominis qui est in cœ-
 14 lo. * Et sicut Moyses exaltauit serpentem in deserto, ita exalta-
 15 ri oportet Filium hominis: * Vt omnis, qui credit in ipsum non
 16 pereat, sed habeat vitam æternam. * Sic enim DEVS dilexit,
 mundum, ut FILIVM suum vnigenitum daret: ut omnis,
 17 qui credit in eum, non pereat, sed habeat vitam æternam. * Non
 enim misit DEVS FILIVM suum in mundum, ut iudicet
 18 mundum: sed ut saluetur mundus per ipsum. * Qui credit in
 eum, non iudicatur: qui autem non credit, iam iudicatus est: quia
 19 non credit in nomine vnigeniti FILII DEI. * Hoc est autem
 iudicium: quia lux venit in mundum, & dilexerunt homines
 20 magis tenebras, quàm lucem: erant enim eorum mala opera. * Om-
 nis enim qui malè agit, odit lucem, & non venit ad lucem, ut
 21 non arguantur opera eius: * qui autem facit veritatem, venit ad
 lucem, ut manifestentur opera eius, quia in DEO sunt facta.
 22 * Posthec venit IESVS, & discipuli eius in terram Iudeam:
 23 & illic demorabatur cum eis, & baptizabat. * Erat autem &
 Joannes baptizans in Ennon, iuxta Salim, quia aque multa
 24 erant illic, & veniebant, & baptizabantur. * Nondum enim
 25 missus fuerat Joannes in carcerem. * Facta est autem questio ex
 26 discipulis Ioannis cum Iudeis de purificatione. * Et venerunt ad
 Joannem, & dixerunt ei: Rabbi, qui erat tecum trans Iorda-
 nem, cui tu testimonium perhibuisti, ecce hic baptizat, & omnes
 27 veniunt ad eum. * Respondit Ioannes, & dixit: Non potest
 28 homo accipere quidquam, nisi fuerit ei datum de cœlo. * Ipse
 vos mihi testimonium perhibetis, quòd dixerim: Non sum ego
 29 CHRISTVS: sed quia missus sum ante illum. * Qui habet
 sponsam, sponsus est: amicus autem sponsi, qui stat, & audit
 eum, gaudio gaudet propter vocem sponsi. Hoc ergo gau-
 30 dium meum impletum est. * Illum oportet crescere, me autem mi-
 31 nui. * Qui de sursum venit, super omnes est. Qui est de terra, de

terra

de terra est, & de terra loquitur. Qui de cælo venit, super omnes est. * Et quod vidit, & audiuit, hoc testatur: & testimonium eius nemo accipit. * Qui accepit eius testimonium, signavit quia DEVS verax est. * Quem enim misit DEVS, verba DEI loquitur: non enim ad mensuram dat DEVS Spiritum,

* PATER diligit FILIUM: & omnia dedit in manu eius. * Qui credit in FILIUM, habet vitam æternam: qui autem incredulus est

FILIO, non videbit vitam,
sed ira DEI manet
super eum.





IN CAPVT TERTIVM

DISPV TATIONES

SEXDECIM.

PRIMA DISPV TATIO.

Super illis verbis:

VERS. I. Erat homo ex Pharisæis, Nicodemus nomine, Princeps Iudæorum: hic venit ad IESVM nocte.



N hoc tertio capite B. Ioannes sermonem quēdam refert cœlesti refertum doctrina, quem Dominus noster habuit cum Nicodemo. In hoc sermone tria indicātur magna Christianæ Religionis mysteria: primò enim demonstratur necessitas accipiendi Baptismū CHRISTI ex aqua & Spiritu Sancto ad comparandam vitā æternam, cūm dicitur, *Nisi quis renatus fuerit ex aqua & Spiritu sancto, non potest introire in regnū DEI.* Deinde, ostenditur utilitas Passionis & Mortis CHRISTI illis verbis: *sicut Moyses exaltauit serpentem in deserto, ita exaltari oportet filium hominis, ut omnis qui credit in ipsum, non pereat, sed habeat vitam æternam.* Tum, indicatur utilitas & necessitas incarnationis Filij DEI, cūm dicitur, *Sic DEVS dilexit mundum, ut filium suum vnigenitum daret, ut omnis qui credit in eum, non pereat, sed habeat vitam æternam. Non enim misit DEVS filium suum*

in mundum ut iudicet mundum, sed ut saluetur mundus per ipsum. Post hæc, commemoratur amplissimum quoddam & luculentissimum testimonium, quod de CHRISTO dixit Ioannes Baptista. Hunc sermonem CHRISTVS habuit extra Iudæam, nam finito eo sermone dicitur in hoc ipso capite, CHRISTVM iuisse in Iudæam, ibique cum discipulis suis mansisse. Credibile est, sermonem hunc esse habitum in Galileæ, & fortasse, Capharnai, quæ vocabatur Ciuitas CHRISTI, quod in ea frequens esset prædicando verbum DEI. Illic autem erat Nicodemus, vel quod eius vrbs ciuis esset; vel quia, cum ea vrbs celebris esset & quasi Emporium quoddam, eò se negotiandi causâ Nicodemus contulerat. Quo autem tempore hic sermo habitus sit à CHRISTO incertum est; nisi quod verisimile videtur, non multò post ea quæ supra extremo in capite secundo narrata sunt, esse habitum.

1 Sed videamus, qualis vir fuerit Nicodemus: ego sex eum rebus insignem ac memorabilem reperio. Principio, erat Phariseus, id autem est, sectæ omnium probatissimæ atque exactissimæ, maximæque auctoritatis apud Iudæos, sic enim appellauit eam Paulus, ut refert Lucas in Actis Apostolorum. Deinde, Ioannes appellat Nicodemum Principem Iudæorum, significare volens, eum fuisse de Primoribus Gentis Iudaicæ, vel propter nobilitatem, vel dignitatem, vel opulentiam, vel sapientiam. Tum erat senex, & ipsa senectute grauis & venerabilis. Erat quoque magister in Israel, sic enim Dominus eum appellauit, sicut hoc ipso in capite refert Ioannes: sic autem appellatus est propter excellentem doctrinam, qua cæteris longè præstabat. Ad hæc, CHRISTI fuit studiosissimus: is quippe, ut infra in capite septimo scriptum est, in quodam Iudæorum concilio, aliis CHRISTVM calumniantibus atque damnantibus, ipse omnibus sese constanter opposuit, CHRISTI patrocinium suscipiens. Ipse mortuo CHRISTO, mixturæ aloë & myrrhæ centum libras attulit, quo eius corpus honorificè conditum, reponeretur in sepulchro. Fuit præterea vir ille salutis animæ suæ admodum satagens & sollicitus; ideo enim ad CHRISTVM adiuit, ut ab eo doceretur, quæ ad salutem animæ suæ conducebant. Sub nomine huius Nicodemi euulgatum fuit olim Euangelium quoddam, sed tanquam falsò ei affictum, ab Ecclesia

*Nicodemus
sex rebus in-
signis.*

Petrus Natalis quid scribat de Nicodem.

Catholica reiectum est. Petrus de Natali in libro quarto Historie sanctorum cap. 3. tradit, Nicodemum fuisse nepotem Gamalielis, ad cuius pedes B. Paulus Sacris litteris eruditus est: Ait etiam, propter fidem CHRISTI à Iudæis eum fuisse occisum. Constat sanè ex historiis ecclesiasticis, tempore Honorij Imperatoris inuentos esse sub terra Hierosolymis loculos, in quibus erant corpora Gamalielis, Nicodemi, & B. Stephani, quorum contactu multa curandis ægrotis edita sunt miracula, vt cognoscere licet ex epistola Luciani, qui eius inuentionis historiam fideliter edidit.

Inuentio corporis Nicodemi.

Cur Nicodemus noctu uenit ad Iesum, tres causa redduntur. Iudicum 6.

Sed cur Nicodemus nocte iuit ad IESVM; An pudore, ne palam videretur esse CHRISTI discipulus, qui habebatur magister in Israël? An metu, ne offensionem atque odium incurreret Phariseorum & Scribarum atque sacerdotum, quos infensos admodum, & infestos CHRISTO esse nouerat? similis vtique Gedéoni, qui noctu aram Baal destruxit, metu cultorum eius, de die demoliri non ausus. Enimvero, duæ istæ animorum nostrorum affectiones, pudor & timor mundi, ægrè, tardèque vincuntur. An potius noctu venit ad CHRISTVM, quietem nocturni silentij docendo & audiendo opportunissimam captans; simulque ratus, CHRISTVM, id temporis, à diurnis occupationibus vacuum, expeditiorem fore ad ipsum docendum. Sanè, ad Nicodemum istum bellè quadrat, quod apud Salomonem loquitur diuina sapientia:

Proverb. 3.

Beatus homo, inquit, qui vigilat ad fores meas quotidie, & obseruat ad Postes Ostij mei; qui me inuenerit, inueniet uitã, & hauriet salutẽ à Domino.

SECUNDA DISPUTATIO.

Super illis verbis:

VERS. 2.

Scimus, quia à DEO venisti Magister: nemo enim potest facere signa quæ tu facis, nisi fuerit

DEVS cum eo.

Christum venisse à Deo magistrum, significare non res obseruant dignas.



OVEM res paucis illis verbis, *A DEO venisti Magister*, significantur. Primò significatur, CHRISTVM fuisse eximium & singularem & præstantissimum Doctorem: nam cum aliquid rarum & singulare significare

care volumus, id à DEO missum, vel de cælo lapsum dicere solemus: quo spectat illud, instar habens prouerbij, *Tertius è cælo cecidit Cato*. Secundò, ostenditur etiam, CHRISTVM auctoritatem & potestatem docendi homines non ipsum sibi arrogasse, nec eam ab hominibus accepisse, sed à DEO ei donatam esse: Deumque voluisse per CHRISTVM docere homines ea, quæ ipsorum intererat scire ad comparandam salutem & vitam æternam. Et hoc videtur spectasse Nicodemus dicens, *A DEO venisti Magister*: atque hisce verbis indicasse ipsum esse Messiam, quem DEVS per Isaiam promiserat missurum se Doctorem gentium: *Ecce, inquit, Locut. Isaiæ cap. 55. testem populis dedi eum, ducem, ac præceptorem gentibus*: Talem autem fore Messiam etiam in vulgus erat notum, & vsque ad Samaritanos peruulgatum; Mulier enim illa Samaritana dixit Domino: *Cum venerit (CHRISTVS) ille nobis annuntiabit omnia*. Tertio, si- Ioannis 4. gnificatur quoque istis verbis, doctrinam CHRISTI non fuisse ab hominibus sed à DEO, nec humano studio & industria partam, sed à DEO ei donatam. Quocirca, mirabundi dicebant Iudæi: *Vnde hic litteras scit, cum non didicerit?* Et CHRISTVS ipse, Ioan. 7. *Mea, inquit, doctrina, non est mea, sed eius qui misit me*. Quarto, si- Ibid. gnificatur præterea, CHRISTVM ab initio suæ incarnationis fuisse perfectum doctrina & sapientia. Si enim venit à DEO Magister, venit autem & exiuit à DEO propter assumptionem humanæ naturæ: ergo simul vt homo factus est, fuit perfectus magister & doctor. Quintò ex his verbis patet, in CHRISTO præter naturam humanam, fuisse alteram naturam longè sublimiorem: nam si venit à DEO Magister, ergo fuerat apud DEVM: non autem ratione corporis, tanquam id esset cœlestis substantiæ, vt nugabatur valentinus Hæreticus: nec ratione Animæ, quasi ea fuisset ab exordio mundi in cælo, vt Platonizans Origenes fabulabatur. Sextò, hinc liquet, ea quæ CHRISTVS de DEO & rebus diuinis docebat homines, sicut erant ignota aliis hominibus qui DEVM non viderant; sic ipsi, qui venerat à DEO, & viderat DEVM, erant notissima. Quamobrem, supra dixit Ioannes, DEVM nemo vidit unquam: *unigenitus qui est in sinu patris, ipse enar-* Ioan. 1. *rauit*. Et Dominus ipse dixit, *Nos quod scimus loquimur; & quod vidimus, testamur*. Dixit plurali numero *vidimus*, propter duplicem

visionem DE I quam habebat CHRISTVS: alteram quidem increatam, ea ratione vt DEVS erat: alteram verò creatam, prout erat homo, fuit enim ab initio suæ incarnationis, secundum partem superiorem animæ, beatus. Septimò, si CHRISTVS venit à DE O Magister, ergo doctrina eius diuina est, ideòque verissima & vtilissima & pretiosissima; ob idque ab hominibus maximo studio amplectenda, summâque diligentia obseruanda: vt sine dubio contemptus eius, grauissimis à DE O suppliciis vindicandus sit. Octauò, si à DE O venit Magister, ergo doctrina Moy- si non erat sufficiens homini ad comparandam æternam salutem; alioqui aduentus CHRISTI in mundum non fuisset necessarius hominibus: hac de re disputat Paulus in octauo capite Epistolæ ad Romanos, sed propriè in Epistola quam scripsit ad Galatas. Non itaque CHRISTVS in mundum venit vt per ipsum tantum melius esset homini, cui sine ipso bene esse posset: sed venit in mundum, vt simpliciter bene esset homini, cui sine ipso bene esse nullo modo poterat. Hoc indicare voluit Dominus, cum dixit, *Ego veni, vt vitam habeant, & abundantius habeant.* Nonò, si homini verè disciplinas & res humanas docenti æquum est credere, secundum illam vulgò iactatam sententiam, oportet addiscentem credere; quantò iustius & dignius est, CHRISTO qui venit à DE O Magister, diuina, sibi que notissima, & cunctis hominibus vtilissima docenti fidem habere?

Ioan. 10.

Vera miracula esse quasi sigillum Dei.

Sed perpendamus illa verba: *Nemo potest facere signa quæ tu facis, nisi fuerit DEVS cum eo.* Vera miracula sunt quasi sigillum quoddam DE I: quo sigillo doctrina quæ prædicatur obsignata, euidenter ostenditur esse vera, Deoque accepta: alioqui DEVS, cuius solius virtute verum miraculum fieri potest, falsitati testimonium perhiberet, fidemque faceret, quod vel cogitare, impium est. Nec obstat, malos homines interdum miracula facere, vt Dominus dixit apud Matthæum cap. 7. Nam ea miracula non faciunt illi ea ratione vt mali sunt, nec faciunt ea in nomine suo, sed in nomine veri DE I, ad eius doctrinæ quam prædicant confirmationem. Ex veris porrò miraculis euidenter ostenditur, veracem esse doctorem & prædicatorem doctrinæ ad cuius confirmationem fit miraculum: quamobrem vidua illa Sareptana viso miraculo resuscitati à mor-

Mali homines: quomodo vera miracula interdum faciant.

à mor

à mortuis filij sui ab Elia, dixit ei, *Nunc in isto cognoui, quoniam vir* 3. Reg. cap. 17.
DEI es tu, & Verbum Domini in ore tuo verum est. Et Hebræi visis
 tot & tantis in Ægypto factis per Mosen prodigiis, sicut ait scriptu-
 ra, crediderunt Domino & Moyse seruo eius. *Quin etiam Magi*
 Pharaonis qui se se Moyse opposuerant, acriterque restiterant, post *Eand. 14.*
 tertiam tamen plagam non ausi sunt ei aduersari, sed veritate
 conuicti, cedentesque dixerunt, *Digitus DEI est hic:* & Raab me- *Ibid. 8.*
 retrix, ut in libro Iosue scriptum est, exploratores à Iosue missos
 domo sua accepit, seruauitque propter prodigia quæ pro liberatio-
 ne Hebræorum in Ægypto facta esse audierat.

TERTIA DISPUTATIO.

*Confutantur variae impiorum hominum calumnie, quibus fidem
 illi miraculis CHRISTI abrogare conati sunt.*

5 **I**LLIS Nicodemi verbis: *Nemo potest signa facere quæ tu
 facis, nisi fuerit DEVS cum eo,* aperte ostenditur, mira-
 cula quæ faciebat CHRISTVS, talia fuisse, ut ea non
 alia ratione fieri potuerint, quam per infinitam DEI
 potestatem, idcircoque verissima esse & ab omnibus credenda & ve-
 neranda. Sed enim, multi fuere diuersis temporibus homines im-
 pij, & Christiani nominis & doctrinæ hostes, qui propter tot &
 tanta CHRISTI miracula doctrinam eius & religionem veram
 esse fateri cogerentur; variis modis eorum miraculorum fidem la-
 befactare, claritatemque infuscare conati sunt. Quidam dixerunt,
 ea non fuisse vera miracula, sed ficta, & speciem quandam tan-
 tum & simulationem veritatis habentia, & ita spectantium homi-
 num sensus fallentia. Alij dixerunt, miracula CHRISTI non po-
 testate DEI, sed adiutorio & artificio Dæmonum esse patrata;
 Christumque insignem fuisse Magum. Nonnulli etiam CHRI-
 STI miracula referebant ad excellentem quandam temperamen-
 ti corporis eius rationem, ob quam in CHRISTO erat naturalis
 quædam virtus faciendi miracula; quemadmodum in herbis, &
 lapidibus, & animalibus, propter occultam rationem tempera-
 menti, insunt singulares quædam facultates & virtutes naturales
 rerum

*Quatuor mo-
 di, quibus ho-
 mines quidam
 impij fidem
 miraculorum
 Christi de-
 struere conati
 sunt.*

rerum mirabilium effectrices ; vt in lapide qui vocatur Magnes, naturalis est virtus ad se ferrum attrahendi ; & in pisce qui appellatur Remora, mira virtus & potentia est vel incitatissimum nauigij, cui adhærescit, cursum sistendi. Nec defuerunt, qui miraculorum CHRISTI causas conferebāt in potestates & virtutes cœlestium syderum; vel quia CHRISTVS sub felicissima syderū positura & cōstitutione natus, inde vim faciēdi talia miracula traxisset : vel, quod syderalis doctrinæ peritissimus cū esset, sapienter obseruaret virtutes astrorū, per quas talia opera siue miracula fierent. Atque his quatuor modis homines impij veritatem & fidem miraculorum CHRISTI obscurare ac destruere conati sunt.

*Ostenditur
Christi mira-
cula non fuisse
facta sed ve-
ritate.*

Verū huiusmodi aduersus CHRISTI miracula calumniæ, 6
falsæ, nugales, ridiculæ, absurdæ sunt. Principio, miracula CHRISTI fuisse vera, constat iudicio eorum hominum qui ea spectabant, non tantū ea credentium vera, sed admirantium etiam atque venerantium, ob idque doctrinam CHRISTI amplectentium. Nec sanè, veritatis diuturna est simulatio, confestim enim patescit, & vanescit : miracula verò CHRISTI, eadem semper manebant, eorum permanente semper effectu, qui certum erat veritatis argumentum. Et circa quos ea miracula fiebant, illi experiebantur in se ipsis ea esse vera ; vt cœci à CHRISTO illuminati, sentiebant se videre ; surdi, audire ; paralytici, expeditè ingredi ; mortui, denuò viuere : scitēque dixit cœcus ille natus & à CHRISTO illuminatus, *Hoc unum scio, quia cum cœcus essem, modo video.*

Ioan. 9.

*Miracula
Christi, Dæ-
monum opera
non esse facta.*

Deinde, miracula CHRISTI non fuisse facta Dæmonum ad- 7
iutorio & artificio, luce ipsa meridiana clarius est. Nullus enim mortalium, adeò fuit vniuerso Dæmonum generi contrarius, vt CHRISTVS ; vtpote quos ex humanis corporibus eiiciebat : quorum insidias & occultas fallacias euulgabat ; à quorū cultu ad veri DEI cultum & venerationem homines reuocabat ; quorum imperium in homines funditus euertebat. Et euentus ipse ostendit, post CHRISTI aduentum, & prædicationem Euangelij, in vniuerso terrarum orbe cultum Dæmonum ex mentibus animisq; hominum maxima in parte, explosum fuisse. Adiice, quod multa fecit CHRISTVS miracula, quæ omnem Dæmonum, omnisq; naturæ

naturæ creatæ potentiam longè superabant, vt cæcos natos subito illuminare, & mortuos ad vitam reducere: penetrare in corda hominum, malosque animorum affectus subito in contrarium mutare.

- 8 Quòd autem miracula CHRISTI ad vires causarum naturalium vel cæli, vel temperamenti, vel alius cuiusquam rei naturalis nullo modo referri queant, ex paucis quæ hoc loco subiiciam, planè lector intelliget. Omnis virtus naturalis non potest operari quidquam nisi per contactum: CHRISTVS autem multa fecit miracula circa res absentes, longèque remotas: sic enim filium Reguli, & puerum Centurionis, & filiam Chananæ sanauit. Virtus item naturalis non subito agit & producit effectum suum, sed certo quodam ad agendum, & producendum effectum, temporis indiget spatio: nec sine certa præparatione materiæ, nec nisi per ordinatas quasdam mutationes ad effectum peruenit. At CHRISTVS subito miracula faciebat: dixit ei leprosus, *si vis, potes me mundare*. Respondit ei CHRISTVS, *Volo mundare: & confestim mandata est lepra eius*. Præterea, virtus naturalis determinata est ad vnum aliquem effectum, nec potest quodlibet facere: CHRISTVS verò miracula omnis generis faciebat, in cælo, in aëre, in aqua, in piscibus, in arboribus, in hominibus, & in Dæmonibus; omnia genera morborum sanabat, idque vel solo verbo, vel tactu corporis sui, vel vestis, vel etiam sine istis. His accedit, quòd virtus naturalis habet naturale subiectum in quo solo est, & extra quod nec esse, nec operari potest: CHRISTVS autem, non solum ipse vim habuit faciendi miracula, sed eam quibuscumque voluit etiam impertiuit: ita, vt per ipsum, ad vmbra prætereuntis B. Petri multi sanarentur. Denique, omnis causa naturalis finitam habet virtutem & potentiam: CHRISTVS suscitabat mortuos, quod sine infinita DEI potentia effici non potest. Cùmque CHRISTVS imperiū haberet in Dæmones qui nullis subiacent causis naturalibus, satis apparet, virtutem eius faciendi miracula non fuisse à causis naturalibus. Hoc ipsum etiam declarat modus quo CHRISTVS faciebat miracula, magna scilicet auctoritate, & propria potestate, dicens, *Volo mundare: tibi dico, surge & ambula: obmutescet, & exi de homine*.

Miracula Christi non posse referri ad causas naturales, neque cælestes, neque sublunares.

*Iou. 4.
Matth. 15.
Ibid. 15.*

Ibid. 8.

Matth. 2.

*Matth. 8.
Luc. 7.
Mar. 1.*

QUARTA DISPUTATIO.

Super illis verbis:

VERS. 3. Amen amen dico tibi, nisi quis renatus fuerit denuò,
non potest videre Regnum DEI.



ICODEMO credenti, & dicenti, IESVM venisse à DEO Magistrum, Dominus, Magistri erga ipsum munere fungens, declarare cœpit ei doctrinam suam; incipiens tanquam à ianua & ad Christiani-
nismi, qui est Baptismus. Nec est non verisimile, Nicodemum nonnulla fuisse à CHRISTO sciscitatum, velut de recta & compendiaria via perueniendi ad vitam æternam; & num præter obseruantiam legis Mosaycæ, alia re quapiam opus esset ad comparandam salutem æternam. Et quia CHRISTVS, & Ioannes Baptista prædicabant, appropinquasse iam Regnum DEI, existimare licet, Nicodemum quæsiuisse de CHRISTO, quale, & vbi esset illud Regnum, & qua ratione comparari ab homine posset: Hæc autem tacuit Ioannes Euangelista, vt quæ ex Nicodemi responsis faciliè coniectari possent.

B. Hieronymus.
De significatione vocis Amen, & triplici eius usurpatione.

De significatione illius vocis Hebraicæ *Amen* legenda sunt, 10
quæ scripsit B. Hieronymus in Epistola 137. quam scripsit ad Marcellam. Eius porro vocis triplex in Sacris litteris est usurpatione ali-
quando ea vox est optantis, & precantis vt quod dicitur, *eueniat*:
sic multi terminantur Psalmi in quorum fine ponitur, *Amen, Amen*,
pro quo interpres Látinus, secutus indubiè septuaginta interpre-
tēs, posuit *fiat, fiat*. Videat lector caput quintum libri Numerorum, & vigesimum septimum Deuteronomij. Interdum vox *Amen*
est vehementer aliquid asseuerantis, pro quo Latine dicitur, *verè*,
vel *certè*. Marci cap. 12. Dixit Dominus *Amen dico vobis, quòd vi-*
dua hæc pauper plus omnibus misit. Hoc ipsum narrans Lucas, pro il-
lo, *Amen dico vobis*, posuit, *Verè dico vobis*. Nonnunquam ea vox
gerit vicem nominis, significans verum & fidelem, vt apud Isaiam
cap. 65. *Qui benedictus est super terram, benedicetur in DEO Amen*:
id est, in DEO veraci & fideli: & in Apocalypsi cap. 3. *Hæc dicit Amen,*

LUCÆ 21.

LUCÆ ISAIA
65.

Amen, testis fidelis & verus, qui est principium creatura. DEI: ubi nomen *Amen* quid significaret, declarauit subdens illa verba, *Fidelis & verus.* In hoc Euangelio Ioannis crebro, vsurpatur hæc vox *Amen* & ferè geminata; quod sublimiora mysteria quæ in eo tractantur, maiori essent asseueratione firmanda.

- II Sequitur *Nisi quis renatus denuò fuerit*, illa dictio: *Nisi* sæpius à CHRISTO vsurpata est ad significandam necessitatem eius quod dicebat, vt infra cap. 6. *Nisi manducaueritis carnem filij hominis, non habebitis vitam in vobis*; & apud Lucam. *Nisi poenitentiam egeritis, omnes similiter peribitis*, & apud Matthæum, *Nisi conuersi fueritis, & efficiamini sicut paruuli, non intrabitis in Regnum cælorum.* Hoc etiam loco, per eam vocem significatur, tantam esse Baptismi necessitatem, vt sine eo, peruenire ad regnum DEI nemo possit. Et quia Dominus simpliciter & sine vlla exceptione locutus est, ex eo intelligitur, necessarium esse Baptismum cunctis hominibus tam iustis, quàm peccatoribus, tam adultis, quàm paruulis: legenda sunt quæ super hac re disputat Augustinus in libro quarto contra Donatistas cap. 22. & libro decimo de Genesi ad litteram cap. 23. & quæ scribit Origenes in libro quinto commentariorum in Epistolam Pauli ad Romanos, & Dionysius Areopagita in capite vltimo libri de Ecclesiastica Hierarchia. Pro illo autem *Renatus* Græci codices habent simpliciter, *natus* vel *genitus*, & sic legit hunc locum Augustinus in libro vigesimo quarto contra Faustum: creduntque nonnulli, sic vertisse Latinum interpretem, quòd alioqui superflua videretur alterutra vox, vel *Renatus* vel *Denuò*. Sed enim, istud *Renatus* habent pleræque exemplaria Latina, eaque emendatiora, & in his Biblia Sixtiana, Romæ nuper diligenter emendata & in lucem edita. Quocirca putandum est, Latinum interpretem non tam voluisse exprimere significationem vocis Græcæ, quàm sententiam Domini docere volentis, opus esse homini regeneratione quadam spiritali, & quasi secunda quadam Natiuitate. Sanè, in capite tertio Epistolæ ad Titum Baptismus nominatur lauacrum regenerationis: & B. Petrus in capite primo suæ prioris Epistolæ ita scripsit: *Qui secundum suam misericordiam regenerauit nos in spem viuam.*

- II Cæterum, scire lectorem volumus, triplicem in Sacra scriptura

generations
hominis.

Hominis nasci
flentem & nu-
dum & cur-
uum, quid si-
gnificet.

Locus 1. Pe-
tri cap. 1.

Quomodo Fi-
deles in pra-
senti vita sint
infra vterum
Ecclesie.

Locus Ioannis
cap. 16.

Ad Philip. 1.

Esai. 119.
Isai. 4.

Animaduer-
sio in Caieta-
num.

Varia & ho-
nificatio na-
m in Baptis-
mo.

tradi generationem hominis: primam quidem Carnalē, per quam nascimur vt simus in hoc mundo; & nascimur obnoxij peccatis & miseriis: cuius rei signum esse videtur, quod homo nascitur flens, & nudus, & curuus. Flens nascitur, quasi pręlagiens miseras quę ipsum manent: nudus nascitur, quasi spoliatus veste iustitię originalis & innocentię: nascitur curuus, quasi auersus à rebus cęlestibus, & pronus ad res terrenas. Altera generatio hominis est spiritualis, & fit per Baptismum; per hanc nempe efficiamur boni & iusti, sed non beati; & ab omni quidem peccato mundamur, sed non ab ærumnis & miseriis liberamur. De huiusmodi generatione hominis spirituali dixit Petrus: *Sicut modo geniti infantes, rationabile, sine dolo lac concupiscite.* Tertia est generatio cęlestis ad vitam immortalem & beatam tam animę quàm corporis, quę fiet per gloriosam resurrectionem hominum: etenim CHRISTVS Dominus, vt refert Matthæus cap. 19. futuram hominum resurrectionem appellauit regenerationem: & Paulus apud Lucam in Actis Apostolorum cap. 13. Illam Dauidis sententiam in Psalmo secundo, *Ego hodie genui te*, de CHRISTI resurrectione interpretatus est. Ergo, iusti & sancti homines dum in terris viuunt, sunt tanquam intra vterum Ecclesię, & in eam conuenit illud Domini dictum: *Mulier cum parit, tristitiam habet; cum autem peperit, iam non meminit pressurę, propter gaudium, quia natus est homo.* Sicut igitur humanus fœtus, dum est imperfectus, non desiderat ex vtero exire; cum autem iam perfectus est, gessit erumpere ex vtero, ampliorem desiderans locum, vberiorēque cibatum, & liberiorem respirationem: similiter etiam imperfecti Christiani non cupiunt ex hac vita exire; perfecti autem flagrantissimē cum B. Paulo cupiunt dissolui, & esse cum CHRISTO: & gemebundi clamant cum Dauid: *Hei mihi, quia incolatus meus prolongatus est:* & cum eodem suspirantes dicunt: *Quando veniam, & apparebo ante faciem DEI.* Illo autem verbo *Renatus, denuo natus*, manifestē arguitur falsa Caietani sententia putantis, infantes vtero matris inclusos, si periculum eis vitę imminet, vice Baptismi, per fidem parentum, & caremonias & preces aliquas exteriores eis adhibitas saluari posse.

Baptismus porro, multis & variis & honorificis nominibus, cum 13
in

in Sacris litteris, tum à Patribus appellatur atque insignitur. Vocatur à Paulo lauacrum regenerationis & renouationis; mors peccati; resurrectio à peccato ad iustitiam; noua creatura nominatur Sacramentum Christianæ militiæ; matrimonium spirituale animæ cum DEO; adoptio filiorum DEI; Sacramentum illuminationis; spiritualis quædam initiatio & incorporatio in CHRISTVM; donatio ciuitatis cœlestis, qua efficimur ciues sanctorum & domestici DEI; acquisitio iuris hæreditatis æternæ; Ostium Ecclesiæ, & ianua Christianismi.

14 Neque verò Dominus his verbis voluit tunc imponere necessitatem hominibus accipiendi Baptismum, quasi ex eo tempore lata sit lex Baptismi accipiendi obligans omnes, sicut putarunt quidam tempore Hugonis & Beati Bernardi, cuius extat Epistola septuagesima septima istam refellens opinionem. Sanè lex, nisi ante publicata, non obligat: CHRISTVS autem dixit hæc noctu, & priuatim cum Nicodemo sermocinans. Nec ipse nisi post resurrectionem suam; iussit Apostolos legē Baptismi promulgare: Enimvero, satis onerosum fuisset, obligare Iudæos necessitate Baptismi, qui erant obstricti lege circumcisionis, quæ lex viguit vsque ad passionem & mortem CHRISTI. Nec illa verba: *Nisi quis renatus fuerit*, declarant necessitatem Baptismi tunc accipiendi: similiter enim infra cap. 6. de Sacramento Ecclesiasticæ Dominus dixit: *Nisi manducaueritis carnem filij hominis, non habebitis vitam in vobis.* Constat autem, Eucharistiæ Sacramentum fuisse in vltima Cœna à CHRISTO institutum. Ergo Dominus illis verbis significauit necessitatem Baptismi, suo tempore, id est post Euangelij promulgationem futuram.

15 Pro illa particula *Denuò* Græca vox (ἀνωθεν) est ambiguæ significationis, significat enim & *supernè*, & *iterum*, vt hic monuit Chrysostomus. Priori modo Cyrillus & Theophylactus; posteriori autem modo Augustinus, Caietanus, & Iansenius acceperunt. At enim, posteriori modo eam vocem esse interpretandam, patet ex responso illo Nicodemi: *Quomodo potest homo nasci, cum sit senex; Nunquid potest, in ventrem matris sue iteratò introire, & renasci?* CHRISTVS enim non Græcè ista verba dixit, sed Hebraicè; non est autem apud Hebræos, sicut neque apud Latinos, vna vox signifi-

*Quando sit
lata lex obli-
gans homines
ad baptismum
accipiendum.
Hugo.
Bernardus.*

*Vox denuò,
quæ vim hoc
loco habeat.
Chrysost.
Cyrillus.
Theophylact.
Augustinus.
Caietanus.
Iansenius.*

ficans, & *superne*, & *iterum*, bene igitur Latinus interpres Græcam vocem vertit *Denuò*.

QVINTA DISPVATIO.

Super illis verbis:

VERS. 5.

Nisi quis renatus fuerit ex aqua & Spiritu sancto,
non potest intrare in Regnum DEI.

NON intellexerat Nicodemus, quod ei Dominus dix- 16
erat, *Nisi quis renatus denuò fuerit, non potest videre regnum DEI*, quin etiam mirabundus responderat: *Quomodo potest homo nasci cum sit senex? nunquid potest in ventrem matris iterum introire & renasci?* Quocirca Dominus repetens eandem sententiam, adiecit illud *ex aqua & Spiritu sancto*, declarans, illam de qua locutus fuerat hominis renascentiam, non per carnalem generationem fieri, sed per spiritualem, per aquam scilicet & Spiritum sanctum. Atque his verbis indicauit propriam Baptismi materiam, quæ est aqua, & principalem causam efficientem, qui est Spiritus sanctus, vnde Baptismus virtutem habet regenerandi, & renouandi, & sanctificandi hominem. Similiter Paulus in capite tertio Epistolæ ad Titum appellauit Baptismum, lauacrum regenerationis & renouationis Spiritus sancti, ita scribens: *Secundum suam misericordiam saluos nos fecit per lauacrum regenerationis & renouationis Spiritus sancti, quem effudit in nos abunde, per IESVM CHRISTVM saluatorem nostrum.* Et licet aqua per se vim non habeat renouandi & sanctificandi animum hominis; proprietates tamen naturales aquæ convenientiam quandam habet cum iis rebus quas DEVS in animis hominum operatur per Baptismum. Etenim aqua est diaphana siue translucida, totaque penetrabilis à luce; aqua lauat, fecundat, refrigerat, & vehit nauigia; horum similia virtus Baptismi per Spiritum sanctum facit in animis hominum.

Quingue naturales aquæ proprietates, quarum similes sunt spirituali effectui Baptismi in animis.
Qualis aqua sit materia Baptismi.

Aquæ verò nomine, in qua fieri debet Baptismus, semper Ec- 17
clesia Catholica intellexit aquam veram & naturalem: & in ea semper

semper Ecclesia, usque à tempore Apostolorum, Baptismum administravit. Quapropter, contra omnes Hæreses aliter sentientes nouissimè in Concilio Tridentino in sessione septima editus est Canon secundus, in quo feriuntur Anathemate, quicumque dixerunt, aquam veram non esse necessariam Baptismi materiam; & cum in hoc loco & alibi dicitur, Baptismum fieri ex aqua, nomine aquæ ad metaphoricæ interpretationes detorquendo dixerunt significare mortificationem, aut vim Spiritus purgantem peccata & recreantem animum, & ardorem concupiscentiæ refrigerantem. Sed enim, renasci in Spiritu, absolute & in omni tempore necessarium fuit; at renasci ex aqua non fuit necessarium, nisi post promulgationem Euangelij, & ubi fuerit aqua, & qui baptizare queat.

Concilium Tridentinum.

- 18 Hanc Baptismalem aquam mulea præfigurarunt in veteri Testamento. Aqua egrediens de templo Domini sanans & viuificans omnia, de qua est apud Ezechielem cap. 47. Fons ille de quo dixit Zacharias cap. 13. *In die illa erit fons patens domui David, & habitantibus Hierusalem, in ablutionem peccatoris.* Aqua Iordanis mundans lepram Naaman, sicut scriptum est in quarto Regum cap. 5. Transitus Hebræorum per mare rubrum subductæ nubi, de qua sic Paulus 1. ad Corinthios 10. *Patres nostri omnes sub nube fuerunt, & omnes mare transierunt, & omnes in Moyse, baptizati sunt in nube & in mari.* Diluuium Noëticum, de quo B. Petrus. *In qua* (scilicet arca Noë) *octo anima salua facta sunt per aquam: Quod & vos nunc similis forma salus facit Baptisma; non carnis depositio sordium, sed conscientie bonæ interrogatio &c.* Denique Probatica piscina omnes sanans infirmitates, de qua scribit B. Ioannes in capite quinto huius Euangelij.

Sex res in veteri testamento præfigurantes virtutem aquæ Baptismalis.

Exod. 14.

1. Pet. 3.

- 19 Illud porro *ex Spiritu sancto* denotat causam principalem à qua provenit admirabilis effectus quem facit aqua Baptismalis in animis hominum: Quocirca qui fide vel indignè baptizatur, in aqua quidem baptizatur, sed non in Spiritu sancto, non accipiens principalem eius effectum, qui est remissio peccatorum, & renouatio interioris hominis per dona cœlestia. Aqua itaque est instrumentum Spiritus sancti à quo vim habet abluendi sordes animorum: sicut virga Moïsi vim habuit faciendi miracula; pallium Eliæ, di-

Vnde aqua Baptismi tantam vim habet ut animorum peccata abluat & tollat.

4. Reg. 2.

uidendi

Cyrillus.

uidendi aquas Iordanis & ipsa Iordanis qua, lauādi leprā Naaman;
& ipsa Probatice piscina, vt supra diximus, sanandi omnes infirmi-
tates. Noli cōsiderare inquit Cyrillus, naturam aquæ, sed virtutem
Spiritus qui vtitur aqua : nam vt aqua ex se non habet vim calefa-
ciendi, sed commixta igni calefacit : ita nec per se vim habet re-
mittendi peccata, sed coniuncta Spiritui sancto, peccata remittit.
Sciat lector, Græcè non esse illud *sancto* sed præcisè *Spiritus*, addi-
tum autem fuit ab interprete illud *sancto* ad tollendam ambigui-
tatem vocis *spiritus*, quæ sæpenumero in Sacris litteris significat
uentum.

SEXTA DISPUTATIO.

Super illis verbis :

VERS. 5.

Non potest introire in Regnum DEI.

P

R I M O dixerat Dominus, quod supra scriptum 20
est, *Non potest videre Regnum DEI*, postea dixit,
quod est in hoc loco, *nō potest introire in Regnū DEI*.
Sed vtroque significatur idem, & diuersis verbis
eadem res declaratur; Regnum enim DEI, intran-
do in ipsum, videtur, & videndo Regnum DEI, intratur in ipsum.
Quid autem hoc loco significet Regnum DEI, quatuor sunt in-
terpretationes. Quidam Regnum DEI interpretantur DEI es-
sentiam, cuius visionem beatificam nemo assequi potest tempore
legis Euangelicæ, sine Baptismo. Quemadmodum oculo ad clarè
videndum, opus est aqua & Spiritu, id autem est, humore aqueo
& crystallino, vbi fit visio; & spiritu visiuo, per quem fit visio. Alij
illud, *videre*, interpretantur cognoscere & intelligere : Regnum
autem DEI significare aiunt sublimiora CHRISTI mysteria, &
doctrinam Euangelicam, quam nemo sine fide, quæ datur in Ba-
ptismo, potest capere sicut oportet. Nonnulli dicunt, hoc loco
illud, *videre*, positum esse more Hebraico pro sentire, experiri, per-
cipere, vt in Psalmo 15. *Non dabis sanctum tuum videre corruptio-
nem*. Et Lucæ 2. & in capite octauo huius Euangelij dicitur videre
mortem. Regnum verò DEI, secundum istos, significat vel glo-
riam

Quatuor opi-
niones de si-
gnificatione
Regni Dei.

riam celestem quam sancti suspirantes aduenire petunt quotidie, dicentes, *Adueniat Regnum tuum.* Vel Regnum DEI significat etiam in hac vita iustitiam, & pacem, & gaudium in Spiritu sancto, secundum illud Pauli ad Romanos cap. 14. *Regnum DEI non est esca & potus, sed iustitia & pax, & gaudium in Spiritu sancto.* Caietanusa ait, Regnum DEI duplicem habere statum: alterum quidem in presenti vita, in mentibus fidelium per iustitiam, & pacem, & gaudium in Spiritu sancto sicut dixit Apostolus: Alterum verò statum habet Regnum DEI in futura vita æternæ felicitatis; unde videre Regnum DEI in statu felicitatis, est proprium Beatis, quibus solis datum est videre felicitatem celestem in se ipsa, videre autem sic Regnum DEI in presenti vita, nullis, aut paucis Electis conceditur, in fide enim illius Regni, & non in euidenti eius visione nunc ambulamus. Cum autem Dominus dixit: *Non potest videre Regnum DEI* de expectata, & desiderata, & præparata cunctis Electis visione Regni DEI, secundum statum futuræ vitæ ac felicitatis æternæ, locutus est. Sic ille.

Matth. 6.

Caietanus.

- 21 Quod si nemo introire potest Regnum DEI sine Baptismo, ergo Baptismus aperit aditum homini ad Regnum DEI: cuius rei figuram illud prætulit, quod Elias transito Iordane raptus est in cælum: eodémque Iordane flumine transmissio, intrauerunt Hebræi terram promissionis: & Baptizato Domino nostro aperti sunt cæli. Etenim duæ res prohibent hominem ingressu in cælum: & ipsum peccatum, & quamuis nullum esset peccatum, ipsa naturæ humanæ indignitas, quæ cælesti felicitate, quæ est quid supernaturale ac diuinum, non est digna: utrunque porro impedimentum tollitur per Baptismum, per quem scilicet tolluntur peccata, & datur homini gratia faciens eum dignum vita æterna.

Quid Baptismus aperiat homini cælum, triplex figura, 4. Reg. 2. Iosue 2. Duo hominū impedimenta introeundi in Regnum Dei. Matth. 3.

- 22 Legimus in Sacris litteris, triplex fœdus cum homine DEVM pepigisse, adhibito signo aliquo externo eius fœderis. Primò quidem, fœdus pepigit cum Noë de non mittendo in terram iterum diluuii; & huius fœderis signum fecit arcum celestem in nubibus apparentem, ut scriptum est in capite nono libri Genesis. Deinde, fœdus pepigit cum Abraham de danda posteris eius in possessionem terræ Chanaan, cuius fœderis signum statuit circumcisionem carnalem ut legimus Genesis 17. Postremò veniens ipse

Triplex fœdus Dei cum hominibus per aliquod signum externum.

DEVS in mundum homo factus, fœdus pepigit cum omnibus hominibus de aperiendo eis introitu in Regnum DEI, & huius fœderis signum fecit Baptismum, cum dixit, *Nisi quis renatus fuerit ex aqua & Spiritu sancto, non potest introire in Regnum DEI.* In exordio mundi Spiritus Domini ferebatur super aquas, ut mundum hunc corporatum & adspectabilem conderet: id autem quodammodo præfigurauit Baptismum, qui fit per aquam & Spiritum sanctum, & per quem fundata est Ecclesia. Et sicut in mundi principio: ex aqua producti sunt pisces, atque etiam aues, ut multorum fert sententia: ita per Baptismum regenerantur Christiani; sed eorum alij, ut pisces aquis immersi, in rerum terrenarum cupiditatibus & curis versantur: Alij verò, tanquam aues, ad sublimium & cœlestium rerum euolant contemplationem.

SEPTIMA DISPUTATIO.

Super illis verbis:

VERS. 8. Spiritus ubi vult spirat, & vocem eius audis, & nescis unde veniat, aut quò vadat: sic est omnis qui natus est ex Spiritu.

Quid significet hoc loco vox Spiritus, dua sententia doctorum. & prior quòd significet ventum. Chrysost. Cyrillus. Theophylact. Euthymius. Dionysius Areopagita.



Hæc verba duas habent difficultates; quarum altera est, quid hoc in loco significetur nomine *Spiritus*, utrum ventus, an Spiritus sanctus, nam utrumque in Sacris litteris vocabulo Spiritus appellari solet. Altera difficultas est, quomodo verba ipsa vel ad ventum, vel ad Spiritum sanctum aptè commodèque applicari queant. De significatione vocis *Spiritus*, in hoc loco, duæ sunt Doctorum sententiæ. Altera est Chrysostomi, Cyrilli, Theophylacti, Euthymij, &, qui ante istos omnes fuit, Dionysij Areopagitæ, cuius verba paulò infra referemus. Isti censent, nomine Spiritus intelligendum esse hoc in loco ventum; & voluisse Dominum similitudine ventri declarare, quales sint homines qui per aquam & Spiritum sanctum renascuntur. Hæc porro verba hunc in modum connectunt cum superioribus: Non esse mirum, regenerationem

generationem.

nerationem hominis ex Spiritu, non intelligi à Nicodemo, quamuis ipsa verè fiat, & satis manifestos habeat effectus: nam nec ventus, quamuis & sono & tactu, & per alios eius effectus, cognobilis sit, per se tamen ignotus nobis est, quia inuisibilis est, nec vnde veniat, aut, quò tendat, notum est. Tres autem proprietates venti supradictis Domini verbis significantur; vna est, quòd spirat vbi vult; altera est, quòd vox eius auditur; tertia est, quòd nescitur vnde veniat, aut quò vadat.

Offo proprietates venti accommodabiles ad Spiritu sanctum, & ad venat ex Spiritu scto.

- 24 Dicitur ventus spirare vbi vult, non propriè loquendo, non enim habet voluntatem, neque consilio atque electione mouetur & operatur: sed metaphoricè loquendo, quia naturali suo impetu fertur, non pendens à consilio & voluntate & imperio hominum. Est igitur figurata locutio, sicut illa Pauli ad Romanos cap. 8. aientis, creaturam ingemiscere & parturire, & expectare gloriam filiorum DEI, & subiectam esse vanitati non volentem. Secunda proprietas venti, significatur illis verbis: *Et vocem eius audis*, dixit vocem, pro sonitu; solet enim scriptura vocem tribuere rebus etiam inanimis, in Psalmo centesimo tertio dicitur vox tonitru, *A voce tonitru tui formidabunt.* & in Psalmo vigesimo octauo, septies dicitur vox Domini, & significatur tonitruum: frequens etiam est dicere voces aquarum, vt in Psalmo nonagesimo secundo, *Eleuauerunt flumina vocem suam, eleuauerunt flumina fluctus suos à vocibus aquarum multarum.* Ergo vox venti appellatur ingens sonitus quem edit ventus cum est vehemens, & in corpora solida impingit: sicut dixit Lucas: *Factus est repente de caelo sonitus tanquam aduenientis Spiritus vehementis.* Licet enim ventus lateat visum, afficit tamen sonitu suo, feritque auditum; tactum quoque, tum motu quo propellit corpus; tum qualitatibus quibus est infectus, vt si valde calidus aut frigidus fuerit. Tertia proprietas indicatur verbis illis: *Nescis vnde veniat, aut quò vadat*, quod ita est intelligendum: Quamuis in alia quapiam re visibili quam ventus mouet, discerni queat vnde spiret ventus; & quamuis ratio ipsa & experientia demonstret, Boream flare à Septentrione, Austrum à Meridie, Eurum ab ortu, Zephyrum ab occasu; ex quo tamen loco primum fiat initium motus cuiusque venti, & vbi denique ex toto deficiat, ignoratur; & illa ipsa quæ cognoscun-

Quomodo intelligendum sit, ventu spirare vbi vult.

Alia.

*Locus Eccle-
siæ c. 11.*

tur, non ex ipso vento, qui latet visum, sed vel ex effectibus eius, vel ex aliis rebus quæ mouentur à vento deprehenduntur. Rectè igitur in capite vndecimo libri Ecclesiastæ ita scriptum est: *Ignoras quæ sit via spiritus*. Et in Psalmo 134. dicitur *DEVS* producere ventos de thesauris suis, id autem est, de locis secretis & abditis, in quibus eos quasi coercens, reclusos continet.

Præter supradictas tres venti proprietates, sunt aliæ quinque satis obseruabiles. Quarta proprietas: etsi ventus est inuisibilis & tenuissimus, est tamen potentissimus & violentissimus; arbores quippe nonnunquam radicitus euellit, turres deuicit, saxa raptat, & in sublime iactat, montes tremefacit, atque dirumpit. Quinta proprietas: per omnia se ventus insinuat, & permeat, atque penetrat, omniaque implet. Sexta proprietas: ventus quibusdam est noxijs, alijs salubris; quibusdam in mari nauigantibus est secundus, alijs aduersus, quosdam feliciter prouehit ad portum, alios deturbat & demergit in profundum mare. Septima proprietas: Nonnunquam ventus est lenis & placidus, interdum est vehemens & turbidus, & violentus. Octaua proprietas: Ventorum alij ex alijs mundi partibus spirant, variisque modis tam homines, quam alias res afficiunt. Atque has octo proprietates venti non fuerit difficile vel ad Spiritum sanctum, vel ad hominem ex Spiritu sancto renatum, secundum spiritualem intelligentiam, accommodare.

*Obiectiones
contra supra-
dictam inter-
pretationem
ponuntur &
soluuntur.*

Aduersus hanc interpretationem, secundum quam nomen Spi- ritus hoc loco accipitur pro vento, nonnulla obijci solent, sed quæ facilem habeant solutionem. Aiunt, non conuenire vento quod Dominus dixit de Spiritu, *Spiritus ubi vult spirat, & vocem eius audis*. Præterea, non est verum, origenes, & exitus atque terminos ventorum nesciri ab hominibus, cum non modò Philosophis, sed etiam nauis ista sint explorata & nota. Deinde, cum paulò ante Dominus nomen Spiritus posuerit pro Spiritu sancto, dicens, *Nisi quis renatus fuerit ex aqua & Spiritu &c.* Et paulò post etiam nomen Spiritus sumat pro Spiritu sancto, dicens, *Sic est omnis qui natus est ex Spiritu*; non est profectò verisimile, hoc in loco variasse significationem nominis spiritus sumendo pro vento, nulla distinctione præmissa, vel eius rei significatione data. At enim,

enim, istiusmodi obiectiones in promptu est diluere ex his quæ paulò supra diximus. Quin etiam, auctor quæstionum veteris & noui Testamenti falsò præferens nomen Augustini, in quæstione quinquagesima nona hunc ipsum locum quem tractamus, de vento interpretatur, & supradictas obiectiones refellit. Beato certè Dionysio Arcopagite placuisse hanc interpretationem, secundùm quam nomen Spiritus hoc loco significat ventum, satis indicant eius verba illa quæ sunt in capite decimo quinto libri de cœlesti Hierarchia. Hic æreus Spiritus, inquit ille, qui ventus dicitur, diuinam quoque cœlestium Spirituum præfert speciem, habet enim & ipse diuinæ actionis imaginem atque figuram: secundùm scilicet mobilitatem suam, vimque animandi; & secundùm celereim, insuperabilemque discessum, & mobilium principiorum, atque finium incognitas nobis, atque inuisibiles latebras. *Non enim scis, dixit Dominus, unde venit, & quò vadit.* Hæc B. Dionysius.

B. Dionysius.

OCTAVA DISPUTATIO.

Exponitur altera sententia, quæ est plurimorum, nomen Spiritus hoc loco non de vento, sed de Spiritu sancto interpretantium.

SUPRADICTA Domini verba, *Spiritus ubi uult spirat, &c.* Plurimi & grauissimi Doctores non de vento, sed de Spiritu sancto interpretati sunt, ut Hilarius libro secundo de Trinitate, Hieronymus in Epistola ad Hedibiam in responsione ad quæstionem nonam, Ambrosius libro secundo de fide cap. 3. & libro tertio de Spiritu sancto cap. 11. Augustinus in Tractatu duodecimo in Ioannem, Gregorius libro vigesimo septimo Moralium cap. 13. & hos secuti sunt omnes fermè Latini huius loci tractatores & explanatores. Nec Latini modò, sed etiam Græci verba ista Domini de Spiritu sancto intellexerunt, ut Athanasius in lib. 1. & 5. de vnica Deitate Trinitatis, Basilii lib. 5. contra Eunomium, Nazianzenus in oratione quinta Theologiæ, Nissenus in oratione de sancto Baptismo.

Hilarius.
Hieronymus.Ambrosius.
Augustinus.
Gregorius.Athanasius.
Basilii.
Nazianzenus.
Nissenus.

*illis verbis
Spiritus ubi
vult spirat,
quatuor si-
gnificari de
Spiritu sancto.*

Censent itaque doctores isti in supradictis Domini verbis de- 28
scribi nonnullas proprietates Spiritus sancti, ad confirmationem
& declarationem sententiæ quam Dominus Nicodemo dixerat,
pertinentes. Ac primò illis verbis, *Spiritus ubi vult spirat*, quatuor
de Spiritu sancto significantur. Primò significatur, Spiritum san-
ctum nulla necessitate impelli ad agendum, sed cum agere ex ele-
ctione & libera voluntate: sicut Paulus dixit in capite duodecimo
prioris Epistolæ ad Corinthios: *Hæc, inquit, omnia operatur unus
atque idem Spiritus, diuidens singulis prout vult.* Et in primo capite
Epistolæ ad Ephesios dixit de DEO, *Spiritus autem sanctus DEVS
est, qui operatur omnia secundum propositum voluntatis suæ.* Deinde,
significatur illis verbis, bona quæ largitur Spiritus sanctus homi-
ni, ea bona non dare cum homini ex debito, sed omnino libera-
liter & gratuito, nam vt ait Apostolus, *Quis prior dedit illi, & re-
tribuetur ei?* Ad hæc, significatur etiam omnipotentia Spiritus
sancti, vtpote cui subest posse, cum vult: hoc enim ip'sum demon-
stratur in capite duodecimo libri sapientiæ, DEVM esse omni-
potentem. Præterea, cum dicitur *Spiritus ubi vult spirat*, indica-
tur modus operandi Spiritus sancti, nimirum spirando: nam sicut
ipse producit à Patre & à Filio per spirationem, ita quæcunque
operatur ipse in hominibus, per spirationem, id est, per amorem
& charitatem operatur: quapropter, opera diuina quæ sunt amo-
ris & bonitatis, per quandam appropriationem, assignantur Spi-
ritui sancto.

Ad Rom. 10.

*Augustinus.
Qua sit vox
Spiritus san-
cti & quam
varie loqua-
tur homini.*

Secunda proprietas Spiritus sancti significatur illis verbis, *Vo-* 29
cem eius audis, sed quænam est vox Spiritus sancti? sonat Psalmus,
inquit Augustinus, vox est Spiritus sancti; sonat Euangelium, vox
est Spiritus sancti; sonat sermo diuinus, vox est Spiritus sancti:
multis itaque modis vocem Spiritus sancti audimus. Variis itaque
modis loquitur Spiritus sanctus homini, per sanctas scripturas, per
miracula, per sanctorum hominum verba, opera, & exempla; per
Prophetarum vaticinia, per correptiones & flagella, frequentissi-
mè autem per interiores inspirationes; ad quam vocem audien-
dam attentissimus erat Dauid, cum dixit, *Audiam quid loquatur in
me Dominus DEVS.* Et per Oseam cap. 2. Dixit DEVS: *ducam eam
in solitudinem, & loquar ad cor eius.*

*Locus Psal.
14.*

Tertia

30 Tertia proprietas Spiritus sancti declaratur illis verbis, *Nescis unde veniat, aut quò vadat*. Non raro vsuuenit vt aliquis sentiat se interiùs nouo & miro modo affici, illuminari mentem suam, accendi voluntatem, incitari se & rapi ad aliquid agendum, nesciens vnde sibi accidat, & quorsum euasura sit talis & tanta animi commotio. Etiam de Spiritu sancto dici potest quod dixit Iob de DEO cap. 9. *Si venerit ad me, non videbo eum; & si abierit, non intelligam*. Sanè, nec principium diuinarum inspirationum, qui est DEVS, nec finis earum, qui est vita æterna, à nobis comprehendendi potest. Enimuero, sancti sæpe DEI Spiritu rapiuntur ad multa, quorum ipsi rationem & exitum ignorant, ad ea tamen fidenter & alacriter pergunt.

31 Ad sanctum quoque Spiritum quinque proprietates venti, quas suprà exposuimus, bellè quadrant. Nam Spiritus sanctus est potentissimus & efficacissimus, vnde scriptum est quod Spiritui qui loquebatur in Stephano, Iudæi non poterant resistere: & in eius rei signum, in die Pentecostes, eùm descendit Spiritus sanctus in discipulos Domini, *factus est repente de cælo sonus, tanquam aduentantis Spiritus vehementis*. Spiritus quoque sanctus per omnia permeat & penetrat, & implet omnia: De eo namque in capite primo libri sapientiæ scriptum est, *Spiritus Domini repleuit orbem terrarum*. & in Psalmo 138. Dauid dixit. *Quo ibo à Spiritu tuo?* Hic Spiritus penetrauit in fornacem ignis, vt sub specie torantis & refrigerantis venti tres illos iuuenes Hebræos ab incendio seruaret: penetrauit in lacum Leonum, vt Daniele custodiret illæsum. Nihil aduersus hunc Spiritum est validum, nihil ei obscurum, neque abditum, neque clausum, nihil est impenetrabile aut insuperabile: etiam in ipsos hominum animos illabitur, miris modis eos illuminans, & mundans, & sanctificans, & cælestibus bonis ornans.

32 Sexta quoque & septima proprietas venti satis congruit Spiritui sancto: nam sicut ventus quibusdam est noxius & aliis salubris; ita Spiritus sanctus quibusdam vitam affert, aliis mortem, sic eorum exigentibus peccatis. Quod plurimis manifestum est exemplis, præsertim verò Iudæorum, & gentium: vt in Spiritum sanctum verè dici queat, quod senex ille Simeon de CHRISTO dixit,

Quomodo 5.
proprietates venti bene
conueniant
Spiritui sancto.

Act. 7.
Ibid. 1.

Danielis 3.
Ibid. 6. & 14.

Lucæ 1.

dixit, cum fuisse futurum, & in ruinam, & in resurrectionem multorum. Est item Spiritus sanctus quibusdam terribilis, & saevissimis flagellis ad resipiscendum, & cognoscendam veritatem eos corrigens & erudiens: vt Regi Nabuchodonosor contigit, qui non ante DEI agnouit potentiam, & publicè confessus est, quàm fuisset eiectus è regno suo, & in bestiam quodammodo transformatus, cuius rei in quarto capite libri Danielis narratur historia.

Actuum 9.

Quid ego dicam de B. Paulo, qui deiectus in terram, visuque priuatus, tunc demum agnouit CHRISTVM, quem antea insectabatur? Solet porro diuinus hic Spiritus primò esse vehemens & terribilis, deinde placidus & lenis: quod adumbratum & præfiguratum fuit in illa nobili Eliæ visione, quæ narratur in capite decimo nono libri tertij Regum: in qua visione præcessit ingens ventus: & post ventum, commotio; & post commotionem, ignis; & post ignem, sibilus auræ tenuis.

4. Regum 3.

1. Ibid. 10.

Actuum 2.

Vltima proprietas venti optimè congruit Spiritui sancto: variis enim admodum modis adspirat, & afflat, & afficit hominum animos: Eliseus audiens psalterem canentem, afflatus est prophetico spiritu: Saul videns chorum Prophetarum psallentium & prophetantium, simili & ipse prophetandi spiritu correptus est: Apostolis vno in loco congregatis, & orantibus miro modo aduenit Spiritus sanctus in die Pentecostes: CHRISTVS Apostolis in sufflando dedit illis Spiritum intelligendi sacras scripturas, & remittendi peccata: Cornelius audiens prædicantem B. Petrum, cælitus accepit Spiritum sanctum: Beatissimæ MARIÆ Gabrielis Archangeli dictis credenti, atque consentienti superuenit Spiritus sanctus.

Iohannis 10.

Actuum 10.

Lucæ 1.

NONA DISPUTATIO.

Super illis verbis:

VERS. 8.

Sic est omnis qui natus est ex Spiritu.



VI superiora verba interpretati sunt de vento, consequenter dicunt, hominem spiritualiter regeneratum ex aqua & Spiritu sancto, habere proprietates, proportionem quadam respondentes

ai xib

dentes proprietatibus venti suprà expositis, & hoc declarari in supradictis Domini verbis. Qui autem putarunt superiora verba esse intelligenda non de vento, sed de Spiritu sancto, similiter dicunt, supradictis Domini verbis indicari, proprietates Spiritus sancti paulò ante enarratas, etiam inesse & elucere in iis qui per Spiritum sanctum regenerati & reuoluiati sunt. Primò itaque, vir spiritualis ubi vult spirare, quo significantur tria. Primò, significatur, ipsum voluntariè ac liberè operari non enim gratia DEI tollit voluntatis humanæ libertatem, quin potius auget eam, & roborat atque confirmat; nam vt dixit Dominus, *Si vos filius liberauerit, verè liberi eritis*. Et Paulus dixit, *Vbi spiritus Domini, ibi libertas*. Sanè, vera libertas est, liberum esse à seruitute Diaboli, à tyrannide concupiscentiæ, & à necessitate peccandi, & à reatu mortis aternæ. Deinde, significatur, quàm sit potens & efficax in agendo vir spiritualis; idque manifestè patet in Apostolis post datum eis Spiritum sanctum: DEVS Hieremiæ dixit: *Dedi te in ciuitatem munitam, & in columnam ferream, & in murum æneum; bel labunt aduersum te, & non praualebunt*. Saul, cùm insiluisse in eum Spiritus DEI, nulla difficultate bouem manibus suis in duodecim frustra concidit; Sampson eodem roboratus spiritu, & leonem manu sua discersit, & vincula quibus constrictus erat, dirupit. Paulus ipse, in se ostendens potentiam quam à Spiritu DEI accepit, non dubitauit dicere: *Omnia possum in eo qui me confortat*. ad hæc, significatur, virum iustum & spiritualiter renouatum quasi spirando operari, hoc est, omnia ex amore & charitate facere; hoc enim admonebat Paulus dicens, *Omnia vestra in charitate fiant*. Nos dum spiramus, attrahimus ad nos spiritum, & item emittimus eum: sic vir iustus bona quæ à DEO accepit, & in se diligenter conseruat, & libenter atque liberaliter ea cum proximo communicat, & quoad potest, in aliorum confert vtilitatem.

35 Illud autem quod dicitur, *Vocem eius audis*, significat, iusticiam & sanctimoniam viri spiritualis, licet ipsa per se inuisibilis & incognita sit aliis, pluribus tamen atque illustribus signis prodi & declarari. Nam hominem spiritu mentis suæ renouatum, esse nouam DEI creaturam, nouumque hominem factum, manifestè ostendit nouitas eius in sermone, in operatione, in conuersatione,

D d & in

Quomodo supradicta proprietates veri Spiritus sancti, etiam in homine spirituali reperiuntur & certantur. Quid sit virum spirituale sperare ubi vult. Ioan. 3.

Hieremia 1.

1. Regum 10. Indicum 14. & 25.

Ad Philipp. 4.

1. ad Cor. 16.

Matthæi 12.

7.

1. Petri 3.

& in omni vita; *Ex abundantia enim cordis os loquitur: & arbor bona bonos fructus facit.* Et B. Petrus hortatur Christianos, ut sedulò studeant & insistant bonis operibus, quæ manifestant euidenter veritatem doctrinæ quam prædicant, & diuinitatem Religionis quam colunt, & innocentiam vitæ quam agunt, eadèmq; impios homines qui Christianorum religionem & vitam calumniantur, manifesto redarguunt argumento Dominus noster dixit Iudæis: *Si mihi non vultis credere, operibus credite.* & paulò ante dixerat, *Opera quæ ego facio in nomine Patris mei, hæc testimonium perhibent de me.* Tali hoc argumento persuasus atque conuictus Nicodemus dixit Domino: *Scimus quia venisti à DEO. Magister: nemo enim potest hæc signa facere quæ tu facis, nisi fuerit DEVS cum eo.*

Ioan. 10.

Quod denique dicitur: *Nescis unde veniat, aut quò vadat;* bene 36

1. ad Cor. 12.

nim, ut Paulus scripsit, *Animalis homo non percipit ea quæ sunt spiritus DEI, stultitia enim est illi, & non potest intelligere, quia spiritualiter examinantur: spiritualis autem omnia iudicat, & ipse à nemine iudicatur.* Hinc fit, ut carnales homines non intelligentes à quo, & quem ad finem moueantur viri spirituales, iudicent, eos temerè, imprudenter, stultè, & inutiliter agere. Id nempe confessi sunt impij de iustis, quorum verba in capite quinto libri sapietix commemorantur huiusmodi: *hi sunt, quos habuimus aliquando in derisum, & in similitudinem improperij. Nos insensati vitam illorum estimabamus insaniam, & finem illorum sine honore.* Similiter Iudæi videntes Apostolorum libertatem, & constantiam, & ardorem animi in prædicando fidem CHRISTI, ebrietati id assignabant dicentes: *Multo pleni sunt isti.* Et hæc quidem dux sunt celebres loci huius interpretationes; quarum prior nomen *spiritus* accipit pro vento; posterior vero pro Spiritu sancto; & utraq; interpretatio magnorum virorum fulta est auctoritatibus, satisque probabilis est. Sed posterior interpretatio sublimiorem quandam, magisque theologicam continet doctrinam: prior autem videtur simplicior, & planior, & quæ magis declaret atque illustret similitudinem qua Dominus hoc loco vititur, ut indicet qualis sit regeneratio hominis ex Spiritu sancto: dixit enim: *Spiritus ubi vult spirat, & vocè eius audis, sed nescis unde veniat, aut quò vadat: sic est omnis qui natus est ex spiritu.*

Locus cap. 5.
lib. sapientia.

Alterum 2.

Tertiam

37 Tertiā quandam loci huius interpretationem affert noster Maldonatus; Nouā quidem illā, & ab ipso primū cogitatā, litterisq; proditā; minimē tamen aspernandā, nec supprimendā silentio, quin etiā commemoratiōe dignā & laude. Putat ille, nomen *spiritus*, hoc in loco satis commodē, apteq; sumi posse pro anima hominis, hęc nāq; vocabulo spiritus in Sacra scriptura sapissimē vsurpatur. Dicere igitur, *spiritus ubi vult spirat*, perinde est quasi dicas, *Anima ubi vult, animat*: maluit autem appellare eam spiritum, quā animā, quia nomen *spiritus* maiorem habebat congruentiam cum regeneratione hominis ex Spiritu sancto, de qua loquebatur. Videtur itaq; Dominus istis verbis quæ dixit Nicodemo, hoc significare voluisse: Mirum non est, si tu, Nicodeme, non intellexisti regenerationem hominis ex spiritu, quā dixi tibi necessariā esse ad videndum Regnū DEI; nam ne ipsā quidem intelligis carnalem hominis generationem, quæ sit per occultā & admirabilem tum formationem corporis in vtero matris, tum per animæ productionem in corpore. Verum est profectō quod virilis illa fœmina, & generosa mater septem fratrum Machabæorum dixit eis: *Nescio, qualiter in vtero meo apparui: neque enim ego spiritum & animam donavi vobis & vitam, & singulorum membra non ego ipsa compegi, sed mundi creator, qui formauit hominis natiuitatem, quiq; omnium inuenit originem &c.*

Locus lib. 2.
Machabæorū
cap. 7.

38 Sed videamus, quemadmodum tres illæ sententiæ quæ supradictis Domini verbis continentur, ad hanc tertiā interpretationem accommodari queant. Prima sententiā est, *Spiritus ubi vult spirat*, hoc est dicere, Anima, ubi vult, & quod vult corpus, animat, ac vitali spiritu afficit. Non quod anima arbitrio suo eligat animare hoc vel illud corpus, cum in eodem temporis puncto & ipsa producat in corpore, & corpus ipsum, animet: sed quia, vt supra etiā de vento diximus, animā viuificare vel animare corpus hoc vel illud, non ab hominum arbitrio, nec voluntate, neque imperio pender. Altera sententiā est, *Vocem eius audis*, vox animæ appellatur hoc loco id, per quod anima foris manifestat interiorem suā in corpore præsentiam. Triplex autem indicium est animā esse in corpore, atque ipsum animare: vnum est ipsa vox & locutio & sermo hominis, qui non nisi per animā in corpore

D d 2

residen

residentem effici potest. Alterum indicium est motus progressi-
uus corporis, qui principaliter ab anima proficiscitur & pendet.
Tertium indicium est motus cordis, & pulsus arteriarum, quo de-
prehenditur corpus illud viuere & animam habere. Per hæc igitur
audimus vocem animæ, id est, cognoscimus eius in corpore
præsentiam, & virtutem. Tertia sententia est: *Nescis unde veniat,
aut quò vadat*, quia nec modus quo anima corpori aduenit, nec
quo discedit ex corpore, notus est homini; sicut nec post disces-
sum eius à corpore, quem ad locum eat, & quomodo extra cor-
pus moueatur per locum, manifestum est homini; idcirco dictum
est: *Nescis unde veniat, aut quò vadat*. Huc spectare videtur illa ho-
minum sententia quam refert Salomon: *Quis nouit, si spiritus filio-
rum Adam ascendat sursum, & si spiritus iumentorum descendat deor-
sum?* Hæc pluribus verbis dixi, vt tertiam hanc à Maldonato pro-
ditam interpretationem, nouam licet, minimè tamen inanem ac
futilem, sed probabilem esse ostenderem.

Ecclesiast. 3.

DECIMA DISPUTATIO.

*Referuntur atque consulantur quatuor errores quos impij
quidam homines ex supradictis Domini verbis
adstruere ac probare voluerunt.*

Primus error,
licere regenera-
tioni ex spiri-
tu, facere
quodcumque
volunt.



1. ad Timot. 1.

Locus ad Ga-
lat. 5.

EX supradictis Domini verbis quidam impij ac per- 39
diti homines quatuor valde absurdos & exitiales
errores adstruere & persuadere hominibus conati
sunt: Primus error fuit, hominibus in Spiritu re-
generatis licere facere quidquid eis libuerit, nullif-
que eos legibus teneri: quia Dominus dixit: *Spiritus ubi vult spi-
rat.* & Paulus dixit, *lex in isto non est posita*. Quasi verò Christiana
libertas sit licentia quodlibet agendi. Aduersus istos valet illud
Pauli quod est in Epistola ad Galatas cap. 5. *Vos in libertatem vocati
estis fratres, tantum ne libertatem in occasione detis carnis.* Cōtra istum
errorem Iacobus, & Petrus, & Ioannes Epistolas suas scripserunt,
in quibus obseruantiam mandatorum DEI, & bonorum operum
effectiōnem grauissimis verbis & sententiis cōmendat Christianis.

Secun

- 40 Secundus error fuit quorundam Hæreticorum, qui sic argumentabantur: si spiritus ubi vult spirat, vt Dominus dixit, & Vñtio Spiritus sancti, vt Ioannes inquit, docet omnia: ergo ad intelligendas sacras scripturas, & quæ ad æternam animæ salutem pertinet, non opus est magisterio Ecclesiæ, nec instructione Doctorum: sed ad omnia ista sufficit impulsus, & ductus, & inspiratio sancti Spiritus, quæ omnibus adest regeneratis ex spiritu. At enim, errorem istum manifestè confutat illa Pauli sententia quæ est in capite duodecimo prioris Epistolæ ad Corinthios, & in capite quarto Epistolæ ad Ephesios: Posuisse DEVM in Ecclesia quosdam Apostolos, & alios Prophetas ad consummationem sanctorum, in opus ministerij, in ædificationem corporis CHRISTI; vt non simus paruuli fluctuantes, & circumferamur omni vento Doctrinæ, in nequitia hominum, in astutia ad circumuentionem erroris. Quibus verbis expressè, graphicèque descripsit Paulus nostrorum Hæreticorum ingenium, fallacias, variasque fraudes: & idem dixit, non omnes esse doctores, nec omnium esse prophetare, id est, arcana sacrarum scripturarum, & diuinarum rerum mysteria rectè scrutari, intelligere, & alios docere.

v. Ioan. 1.
Secundus error, omnes regeneratos ex spiritu per se intelligere sacras scripturas, nec indigere aliquo magisterio.

- 41 Tertius error & olim fuit, hodièque est quorundam hominum qui videri vult spirituales, cum tamen multa inordinatè, indecorè, insipienter, atque inhonestè faciant: dicunt autem illi, se ad id quod agunt impelli Spiritu DEI, qui ubi vult spirat. Sed mentiuntur profectò: nam Spiritus DEI est Spiritus consilij, & sapientiæ, & pietatis, & timoris DEI: & Paulus præcepit Corinthiis *Omnia, inquit, honestè, & secundum ordinem fiant in vobis.* Et Iacobus cap. 3. Epistolæ suæ dixit, *Qua desursum est sapientia, pudica est, & pacifica, modesta, suauis, bonis operibus consentiens.* Et Ioannes in capite quarto primæ epistolæ suæ, *Nolite, inquit, omni spiritui credere, sed probate spiritus, si ex DEO sint.*

Tertius error, hominem spirituale quoddam faciat, & quomodoque faciat, id Spiritus sancti insinuari fieri.
Isaia 11.
1. ad Cor. 14.

- 42 Quartus error fuit Priscilliani & Mōtani qui dixerunt, prophetas DEI, cum prophetabant, in modum arreptitiorum, furore quodam mentis percitos prophetasse, non intelligentes quæ dicebant: Dominus enim dixit. *Spiritus ubi vult spirat, & vocem eius audis, sed nescis vnde veniat, aut quò vadat:* Atqui Daniel dixit, se intellexisse visionem quæ sibi facta fuerat, & subdit, *intelligensia opus*

Quartus error, prophetas spiritu Dei incitatos prophetasse quæ non intelligebant.
Danielis 10.

Montanus. est in visione. Super qua sententia à nobis multa sunt pertractata in libro duodecimo nostrorum Commentariorum in Daniele. Sanè, Prophetæ olim appellabantur *Videntes*, quòd multa animo viderent & cognoscerent, & verbis prædicerent, quæ aliis essent incognita. Atque ob hanc causam Nabuchodonosor, & Balthasar, & Pharao, licet visiones propheticas habuerint, quia tamen ipsi eas non intellexerunt, non fuerunt prophetæ. Ba filius in præfatione suorum commentariorum in Isaiam bene longa & accurata oratione quartum hunc errorem confutat, aduersus quem valet etiam illa Pauli sententia quæ est in decimo quarto capite prioris epistolæ ad Corinthios, spiritum prophetarum, prophetis ipsis esse subiectum.

VNDECIMA DISPUTATIO.

Super illis verbis:

VER. 13. Nemo ascendit in cælum, nisi qui descendit de cælo, filius hominis qui est in cælo:

DIXERAT paulò suprà Dominus: *Quod scimus*, 43
loquimur; & quod vidimus, testamur. Nunc aperit Dominus causam, cur sibi diuina mysteria notiora sint quàm prophetis; quia nimirum solus ipse hominum in cælo fuit, & de cælo descendit; & tunc etiam cum ista loquebatur, in cælo erat: ne quis fortè suspicaretur, post eius de cælo descensum, accidisse ipsi aliquam rerum cælestium obliuionem.

Quomodo solus Christus ascendit in cælum, triplex interpretatio.

Quomodo autem CHRISTVS dicatur solus ascendisse in 44
cælum, tres habet interpretationes. Prima est: quia solus CHRISTVS ascendit in cælum sua virtute, suo merito, suoque iure: cæteri autem non nisi eius merito ac virtute. Secunda interpretatio: Cæteri non ascendunt in cælum nisi tanquam membra CHRISTI; nam quemadmodum cum CHRISTO ascendunt omnia membra naturalis corporis eius: sic etiam cum eo ascendunt omnia membra mystici corporis eius, qui sunt electi: vnde dixit ipse discipulis

scipulis suis: *Assumam vos ad me ipsam, ut ubi ego sum, & vos sitis.* *Priscillianus, Ioann. 14. & 17.*
 Idemque dixit: *Volo patet, ut ubi ego sum, ibi sit & minister meus.* Et
 apud Matthæum cap. 24. *Ubi fuerit corpus, illuc congregabuntur & aquila.* Tertia interpretatio est: quia illud verbum, *Ascendit* non
 est presentis temporis, sed præteriti, ut patet ex Græca scriptura,
 significatur quod ante id temporis quo CHRISTVS hæc locu-
 tus est, nullus hominum (non enim de Angelis Beatis, sed de ho-
 minibus tantum hoc loco locutus est Dominus) ascenderat in
 cælum, & viderat DEVM. CHRISTVS autem ascenderat in
 cælum ratione animæ suæ, quæ secundum partem superiorem, ab
 initio suæ creationis, beatifica DEI visione fruebatur. Dicitur
 autem CHRISTVS descendisse de cælo, non ratione humani-
 tatis assumptæ, quasi eam de cælo detulerit, vel habens corpus
 ex materia cælesti formatum; vel habens animam quæ multo
 tempore ante incarnationem ipsius fuerit in cælo: istos enim duos
 Hæreticorum errores iam pridem explosit & damnavit Catholica
 Ecclesia: sed CHRISTVS dicitur descendisse de cælo, quia cum
 antea, ut DEVS fuisset in cælo, postea, humana carne & natura
 indutus apparuit in terris, secundum illud vaticinium Baruch: *In* *Baruch 3.*
terris visus est, & cum hominibus conuersatus est.

- 45 Illis porro verbis, *Filius hominis qui est in cælo*, significauit CHRI-
 STVS, quod tunc cum istud loquebatur, erat ipse in cælo, & vide-
 bat DEVM. Hoc autem verè dicitur de CHRISTO prout Filius
 DEI erat: nam propter vnitatem personæ in qua vnita erat na-
 tura humana cum natura diuina, verè Filius DEI dicitur Filius
 hominis: & hoc valde commendat vñionem personalem duarum
 naturarum, aduersus Nestorium Hæreticum. Dicitur etiam verè
 CHRISTVS fuisse tunc in cælo, ea ratione ut homo erat; nam id
 significat illud, *Filius hominis*, secundum phrasim Hebraicam: Ni-
 mirum anima CHRISTI tunc erat in cælo, beatissimo DEI
 conspectu fruens; quam DEI visionem atque fruitionem, ab in-
 stanti suæ conceptionis habuit: licet Bucerus Hæreticus id nega-
 uerit, & Erasmus vel malè Catholicus, vel Catholicum simulans,
 in dubitationem adducere sit ausus. Verum, super hac re copiose
 differuit, eleganti, eruditòque vir ingenio Melchior Canus in ca-
 pite decimo quarto libri duodecimi de locis Theologicis. De hoc
 autem

Nestorius.

Bucerus.

Erasmus.

Melchior Ca-
nus.

autem Dogmate Theologico, quod pro indubitato & certo habetur, licet non admodum distinctè, expressèque disputatum fuerit à Patribus, maximus tamen & concordis Theologorum scholasticorum est consensus: ut hac ex re satis appareat, concordiam & consensum Theologorum scholasticorum in adstruendo & comprobando aliquo Christianæ disciplinæ dogmate, maximum habere pondus auctoritatis, maximamque vim ad persuadendum.

DVODECIMA DISPUTATIO.

Explicantur decem Quæstiones.

Super illis verbis:

VER. 14. Sicut Moyses exaltauit serpentem in deserto, ita exaltari oportet filium hominis, ut omnis qui credit in ipso, non pereat, sed habeat vitam æternam.

ECCE tibi, cur Filius DEI descendit de cælo; nempe, 46
ut per mortem suam in Cruce obitam, genus humanum ab æterna morte vindicaret. Ecce, unde Baptismus CHRISTI vim habeat regenerandi hominem in Spiritu, eique aditum aperiendi ad Regnum DEI ex Passione scilicet CHRISTI & Crucis morte. Ecce tibi, vnum de præcipuis Christianæ fidei mysteriis, cuius hominum, ut æternam salutem consequi valeat distinctè, explicatèque credendum, CHRISTI videlicet in Cruce CHRISTI Passio & Mors. Sæpe CHRISTVS futuram mortem suam in Cruce prædixit; hoc enim loco prænuñciauit eam Nicodemo; aliàs, discipulis suis; nonnunquam etiam Iudæis, quibus dixit: *Si exaltatus fuero à terra, omnia traham ad me ipsum.* Contrà verò, suæ mortis prænuñtiatione manifestum, testatùmque facere voluit, se scienter, ac voluntariè mortem oppetere. Ac licet complures aliæ sint in veteri Testamento figuræ Crucis & mortis CHRISTI: hæc tamen figura exaltati à Moyse serpentis, omnibus aliis expressior atque illustrior

strior fuit. Etenim, hæc præmonstrauit genus mortis CHRISTI per exaltationem eius in Cruce: hæc præsignificauit conditionem ipsius in Cruce patientis, qui fuit, velut serpens æneus: hæc præsignauit causam ob quam passus est, simulque maximum passionis eius fructum, quod per fidem eius homines liberandi essent à morte æterna, & ad æternam vitam perducendi: est enim duplex Passionis & Mortis CHRISTI fructus, depulsio mortis æternæ, & immortalis vitæ donatio.

- 47 Verum, quò melius intelligatur admirabilis inter serpentem illum in deserto exaltatum à Moyse, & CHRISTI exaltationem in Cruce mystica analogia & convenientia, paulò distinctius, enucleatiusque historia illius serpentis enarranda est. Scriptum est in capite vigesimo primo libri Numerorum, propter peccatum murmurationis Hebræorum aduersus DEVM & Moysen, de cibi & aquæ penuria, immisos esse à DEO aduersus illos murmuratores, ignitos serpentes, quorum morsu plurimi eorum interierunt. Sed cum Moyses pro Hebræis deinde peccatum suum agnoscens, & dolentibus obnixè supplicaret DEO; iussit DEVS fieri ex ære simulacrum serpentis, idque in sublime elatum, quasi pro signo statui: quem serpentem quicumque percussit à serpentibus ignitis adspiciebant, continuò sanabantur. Hæc est historia: super qua decem breues quæstiones tractandæ sunt, ex quarum tractatione, & ipsius historię, & mysterij quod in ea latebat, maior atque illustrior exisset cognitio.

Historia serpentis auri in deserto exaltati copiosa enarratio per decem quæstiones.

- 48 Prima quæstio: Cur DEVS illud peccatum Hebræorum per serpentes vlscisci voluerit, potius quàm vel per leones, per quos postea impietatem Samaritanorum puniuit, vt est in libro quarto Regum cap. 17. vel per vrsos, sicut puniuit contumeliam puerorum aduersus Eliseum Prophetam, sicut narratur in eodem libro cap. 2. vel per alia animalia per quæ puniuit Ægyptios, vt scriptum est in libro Exodi? Videtur illa huius rei causa fuisse, quòd in illo deserto magna erat serpentum copia, qui, vt antea, DEO prohibente, fuerant Hebræis innoxij; ita tunc, DEO iubente, in eorum vindictam incitati sunt. Illa quoque fuit causa, vt poena similis esset culpæ: Hebræi cordis malitia, & oris murmuracione, ac blasphemia peccauerant: ritè igitur puniuntur per animal callidissi-

Cur Deus per serpentes vlscisci voluerit peccatū murmuracionis & blasphemie Hebræorum.

E e mum,

imum; & astutissimum; atque oris veneno mortiferum: vt palam fit, omnes creaturas ad nutum seruire DEO, vel in solatium & auxilium bonorum, vel in pœnam, exitiũque impiorum.

Quomodo serpentes illi fuerint igniti.

Secunda quæstio: Quomodo intelligendum est, illos serpentes fuisse ignitos? putârunt quidam, illud fuisse nouum quoddam, nec antea visum genus serpentum, anhelantium, atque ore spirantium ignem. Sed, cùm hoc sine ratione vel auctoritate dicatur, temerè dicitur: nec ad id commentum cogit nos historia illorum serpentium, quam tradit Sacra scriptura; illud propius vero fuerit, illos serpentes dici ignitos, quia statum emitterent vrentem & tanquam igneum: nam hanc vim esse Basilisco tradit Plinius in libro octauo cap. 21. his verbis: *Frutices non solum contactos; sed etiam afflatos necat, herbasurit, rumpit saxa.* Mihi satis verisimile fit, illos serpentes morsu infudisse venenum; quod per venas & membra diffusum, incredibili ardore cruciaret, & intolerandam accenderet sitim: quod genus serpentum Græco vocabulo appellatur *dypsas*, de quo Solinus cap. 30. Hæc scribit: *Dypsas sui necat; omnem enim absument humorem; lethalem inducit sitim.* Narrat Lucanus in libro nono, hoc genere serpentum in Libya percussos Catonis milites, incitatissimo cursu ad mare contendentes, atque in aquas falsas sese ingurgitantes interiisse. Adiuuat hæc interpretationem, quod in capite octauo Deuteronomij ita scriptum est: *Ductor tuus fuit DEVS in solitudine magna & terribili, in qua erat serpens statu adurens, & Scorpio ac Dypsas.* In Hebræo pro voce *Dypsas* est vox (zamion) quæ significat & sitim, & locum siticulosum.

Basiliscus Plinius.

Dypsas serpent. Solinus. Lucanus. Catonis milites quomodo perierint in Libya. Locus Deuteronom. cap. 8.

Quatuor causas, cur per serpentem voluit Deus sanare plagas serpentum.

Tertia quæstio: Cur voluit DEVS plagas serpentum sanare per adspæctum serpentis? ob quatuor nempe causas. Primò, vt per adspæctum illius serpentis recognoscerent Iudæi peccatum suum ob quod à serpentibus percussi fuerant, serióque de eo dolerent & pœnitentiam agerent. Deinde, vt agnoscerent seueritatem iustitiæ diuinæ aduersus eos qui perierant, eiusque misericordiam erga eos, quibus mortem effugere datum fuerat. Tum, vt sub illius serpentis effigie, illius facti & miraculi memoria perpetuò apud Iudæos maneret: quotiescunque enim serpentem illum adspiciebant Iudæi, animos eorum illius rei subibat recordatio. Denique, ob figuram Crucis CHRISTI & sacramentorum eius: sicut enim

DEVS

DEVS tunc miraculum illud facere voluit per corpoream quandam & sensibilem rem, quæ per se illius effectus prorsus inefficax erat: ita per sacramenta corporea & sensibilia spirituales effectus in animis hominum virtus diuina operatur. Dicunt Iudæi, Quomodo homo crucifixus dare vitam hominibus potuit? & nos vicissim illis dicamus, quomodo potuit serpens æneus sanare maiores vestros à serpentibus percussos? Dicunt Hæretici, Quomodo potest aqua Baptismi sanctificare animam hominis: quæramus & nos, Quomodo æs illud siue cuprum in similitudinem serpentis figuratum seruauit Hebræos ab interitu?

- 51 Quarta quæstio: Cur iussit DEVS serpentem illum fieri æneum? An quia æs cum sit ductile, & sequax ad voluntatem artificis, facile in quamlibet similitudinem figurari potest? An quia propter æris soliditatem atque firmitudinem, diuturnius facti illius monumentum apud posteros futurum erat? pro illa voce *æneum* Hebraicè est vox *Saraph* significans, ignitum: Serpens enim ille colore igneo signatus erat, aut ita figuratus, vt ore spirare flammæ videretur. Et hoc sanè quadrupliciter CHRISTI figura fuit. Quemadmodum enim ille videbatur serpens, nec erat tamen, omniq; carebat veneno: ita CHRISTVS videbatur homo peccator, quia mortalis & passibilis & subiectus legibus peccatorum hominum videbatur, vt in Circumcisione, in Baptismo, in crucifixione. Sed licet in similitudinem carnis peccati factus sit CHRISTVS, nullum tamen aut fecit aut contraxit peccatum; & vt dixit Apostolus, *Tentatum per omnia pro similitudine absque peccato*. Caro item eius per illud æs præsignata est, quia licet vulnerata & mortua sit, mansit tamen incorrupta, moxque immortalis atque impassibilis facta est: Et sicut serpens ille (ait Rupertus) igni conflatus est ab artifice: ita CHRISTI corpus non virtute feminis virilis, sed virtute Spiritus sancti formatum est, spirans ignem amoris, tum in omni vita sua, tum maximè in cruce. Denique, æs sonorum est; & prædicatio Crucis & mortis CHRISTI per omnem terrarum orbem personauit.

- 52 Quinta quæstio: Cur iussit DEVS illum serpentem exaltari? ratio historica eius facti requiratur, ea in promptu est: quo nimirum serpens ille & ab omnibus, & è longinquo posset adspici, cum

Cur serpens ille factus sit æneus.

Quomodo ille serpens quadrupliciter præfigurauit Christum.

Ad Hebr. 4.

Rupertus.

Cur Deus iussit exaltari serpentem duplex ratio: una historica, altera mystica.

mirabil.

E c 2

non

non nisi per eius adsp̄ctum, percussī à serpentibus sanandi essent. Sin autem ratio mystica & figuratiua perpendatur, id factum est quò expressiùs genus mortis CHRISTI in Cruce præsignaretur: atque hoc præcipuè spectauit Dominus supradictis verbis dicens: *Sicut exaltauit Moses serpentem in deserto &c.* Mortem suam Dominus appellauit exaltationem & in hoc loco, & infra cap. 12. illis verbis: *Cum exaltatus fuero à terrâ, omnia traham ad me ipsum.* Nimirum, CHRISTVS ipse propter mortem Crucis super omnia exaltatus à DEO est: & hominem ad cœlestis gloriæ participatiōnem extulit: & aëreas potestates nobis aduersarias debellauit: atque ita principales mundi partes omnes sacrauit: terram, ortu suo, conuersatione, & sepultura sua; aquam suo Baptismo, & super eam ambulando: Infernum, descendendo in Lymbum, & sanctos inde liberando: aërem, per mortem suam exaltatus in Cruce: cœlos, ascensu ad eos, & habitatione in ipsis. Aliquando etiam mors CHRISTI appellatur casus & deiectio, vt cum ipse dixit: *Nisi granum frumenti cadens in terra mortuum fuerit.* Et per hoc indicauit humilitatem suæ Passionis, eiusque humilitatis yberrium & amplissimum fructum: & demonstraui, quemadmodum frustranda esset spes Iudæorum, existimantium CHRISTI nomen, per Crucis mortem prorsus extinctum iri: sed contrà omnino euenit, per eam namque toto in mundo maximè celebratum & magnificatum fuit CHRISTI nomen.

Mors Christi
cur appelletur
exaltatio.

Mors Christi
cur appelletur
casus & deie-
ctio.
Ioan. 12.

Cur serpens
ille positus est
pro signo.

Luc. 2.

Sexta quæstio: Cur DEVS iussit serpentem poni pro signo? Pro illa voce *signo*, vox Hebræa variè redditur Latinè: quidam vertunt *palum*, alij *furcam*, alij *perticam*: sed propriè ea voce significatur vexillum militare. Iussit itaque DEVS serpentem illum poni in extremitate alicuius hastæ vexillaris: bene igitur Latinus interpres vertit, *signum*, nam etiam à Romanis appellabantur signa militaria. Et hoc figuram gessit CHRISTI Domini, quem prædixit Simeon, positum fuisse in signum, cui contradicendum erat à multis. Vel figura fuit Crucis CHRISTI, quæ futura erat vexillum Christianæ militiæ; sic vocat Ecclesia canens:

Vexilla regis prodeunt,

Fulget Crucis mysterium.

Et à Constantino in Maxentium pugnaturo visum est in cœlo
signum

signum Crucis fulgentissima luce figuratum, cum hoc dicto: *In hoc signo vinces.* Rufinus libro secundo historię Ecclesiasticę cap. 29. narrat, inter litteras Ægyptiorum, quę dictę sunt Hieroglyphicę, fuisse vnam quę similitudinem crucis habebat, cuius symbolum & interpretatio hæc erat, *Vita ventura.* Eratque apud sacerdotes Ægypti antiqua traditio, tunc demum desituram Ægyptiorum religionem, cum illud Crucis signum prædicaretur in mundo. Itaque, cum cępta est fides CHRISTI prædicari in Ægypto, plurimi sacerdotum ea traditione imbuti ac prædocti, Christianam fidem & disciplinam amplexati sunt. Quanta porro Crucis CHRISTI virtus futura esset, declarauit Dominus Ezechieli in signo THAV quod figuram Crucis habebat.

Memorabilis historia Rufini de Cruce Christi.

Locus Ezechieli cap. 9.

54 Septima quæstio: Cur voluit DEVS percussos à serpentibus sanari per illius serpentis adspæctum? Quia morsus illorum serpentum adeo exitiales erant, vt breui perimerent; ideo celerrimo, & præsentissimo fuit opus remedio: Serpens autem ille exaltatus, facilius & citius conspici, quàm tangi poterat à singulis qui percussi fuerant. Deinde, ne quis suspicaretur, vim illam sanandi fuisse naturalem; siquidem, omnis virtus naturalis agit per contactum, nulla verò per solum adspæctum patientis. Ad hæc, vt id esset figura eorum qui oculis fidei adspicientes in CHRISTVM, sanandi erant à peccatis. Credibile est, cum illo adspæctu serpentis coniunctum fuisse dolorem & pœnitentiam peccati quod fecerant, simulque fidem atque fiduciam diuini auxilij. Dupliciter autem illa pestis sublata est: nam qui percussi erant, adspæctu illius serpentis sanabantur: alij verò, ne percuterentur, serpentes vel occisi vel procul aliò reiecti sunt; vel eorum rabies & cupiditas nocendi, diuinitus mitigata & sedata est.

Cur per adspæctum illius serpentis potius quàm per tactum sanare voluit Deus percussos à serpentibus.

Quemodo illi percussi à serpentibus dupliciter sanabantur.

55 Verum dicit aliquis, istud remedium non fuisse generale, nec potuisse omnibus prodesse; non enim proderat cæcis, quippe qui serpentem illum adspicere non poterant. Respondeo, vel nullum fuisse tunc in populo cæcū, sicut nullus fuit in egressione Hebræorum ex Ægypto ægrotus, testante hoc Dauide illis verbis. *Et non erat in Tribubus eorum infirmus.* Et sicut per quadraginta annos peregrinationis eorum in deserto vestimenta eorum non sunt detrita, vt traditur in capite octauo Deuteronomij. Potest etiam ita

Dubitatio de illis qui inter percussos à serpentibus erant cæci, quemodo sanarentur. Psal. 104.

respondere: si fuere tunc aliqui in illo populo cæci, illos non fuisse à serpentibus percussos, quia non fuerunt ex numero eorum qui murmurauerant aduersus DEVM; vel fuisse de primis qui percussi fuerant & mortui ante illius serpentis exaltationem: aut satis illis fuit, quoquo modo poterant, in illum serpentem animum intendere cum fide & spe diuini auxilij, eumque si non corporeis, certè imaginariis & intellectualibus oculis adspicere.

*Cur serpens
ille non sit fa-
ctus ex auro
potius quam
ex ære.*

Octaua quæstio: Cur DEVS serpentem illum fieri iussit ex ære, 56 & non potius ex auro: fortasse ne præstantia materie aureæ Iudæis, per se satis ad superstitionem propensis, aliquam daret occasionem labendi in idololatriam. Nam etiam, cum esset ille serpens æreus, plurimi tamen postea inter Iudæos eum quasi diuinum quoddam nūmen adorauerunt, diuinoque ritu coluerunt, quod cum publicè, & à plurimis fieret, iustissima commotus indignatione, & sanctissimo diuini honoris zelo incensus Rex Ezechias serpentem illum confregit atque cōminuit, à temporibus vsq; Moysis ad suam ætatem, per septingentos circiter annos, religiosè conseruatum: atque in contemptum eius serpentis, appellauit eum *Nobestān*, quasi dicas, *paruum aś*, seu *frutulum aris*. Qua de re in capite Decimo octauo libri quarti Regum de Ezechia scriptum est his verbis: *Confregit serpentem aneum quem fecerat Moyses: siquidem vsq; ad illud tempus filij Israel adolebant ei incensum; vocauitq; nomen eius Nohestān*. Est præterea ratio quædam peculiaris cur serpens ille non sit factus ex auro; quo scilicet expressiùs præsignaret conditionē CHRISTI crucifixi, non habentis tunc corpus aureum, id est, gloriosum, sed æreum, multis nempe laboribus ærumnisq; obnoxium, multisque, verberum, & vulnere, tãquam ictibus contusum atq; percussum.

*Cur vnus tan-
tūm serpens
& non plures
facti sint.*

Nona quæstio: Cur vnum duntaxat serpentem iussit Deus fieri, 57 cōmodius enim fore videbatur, si multi fuissent facti & propositi oculis Iudæorum? Nam cum esset innumerabilis multitudo Iudæorum, aut nullo modo, aut ægrè admodum, nec nisi longo tempore, vnus serpens ab omnibus cerni poterat. Sed Respondendum est, potuisse vnum serpentem cerni ab omnibus quibus adspectus eius necessarius erat. Neque enim omnes Iudæi, sed aliqui tantum percussi fuerant à serpentibus; & vnus serpens, quia ingens admodum erat, & in sublimi positus, vsquequaque ab omnibus qui.

qui percussi fuerant etiam ex longinqua distantia cerni poterat. Et qui propinquiore erant, statim ut sanati fuerant, recedentes, locum appropinquandi remotioribus concedebant. Sanè, vnum fieri fatius fuit: non enim similis est ratio mali, & boni; mala enim non ex vna tantum causa homini contingunt, sed ex variis causis, & interdum contrariis; at malorum depulsio, bonorumque omnium largitio ab vna principali causa, qui DEVS est, prouenit, à quo vno omnia bona sunt expetenda, postulanda, & expectanda: sicut B. Iacobus dixit: *Omne datum optimum, & omne donum perfecte desursum est, descendens à patre luminum.* Atque ea ratione propriè significabatur, vnum fore tantum humani generis redemptorem, vnumque mediatorem DEI & hominum: nec esse aliud nomen vllum sub cælo, ut dixit B. Petrus, in quo oporteat nos saluos fieri. *Altorum 4.*

58 Decima quæstio: An Moyses intellexerit mysterium latens in illo serpente, quod ille significaret CHRISTI passionem & mortem in Cruce? Sine dubio credendum est, fuisse hoc mysterium Moyse patefactum à DEO: nam sicut alij Prophetæ intelligebant, quid significarent visiones imaginariæ sibi datæ à DEO: ita Moyses omnia illa sacrificia, omnesque cæremoniæ, quæ figuræ erant mysteriorum CHRISTI, quid significarent, intelligebat. Deinde, multi Prophetæ cognouerunt passionem CHRISTI, ut patet in Davide ex Psalmo vigesimo primo, & in Isaia ex capite quinquagesimo tertio, & in Daniele ex capite nono: & Petrus dixit, Spiritum sanctum præmonstrasse Prophetis, & per eos prænunciassè nobis passiones & glorias CHRISTI. Sed Moyses fuit Prophetarum præstantissimus, ut in extremis verbis libri Deuteronomij testatum est; cui nempe DEVS ore ad os, & facie ad faciem tanquam amicus amico loquebatur, & arcana sua indicabat: non igitur credibile est, hoc tantum mysterium passionis & mortis CHRISTI, summumque diuinæ sapientiæ consilium ei non aperuisse. *An Moyses intellexerit mysterium illius serpentis.*

59 Illud denique lectorem hoc loco admonere non abs re fuerit, Dominum nostrum, demonstrando illum serpentem Mosaicum figuram fuisse passionis & mortis suæ in Cruce, indicasse nobis, multa quondam in populo Hebræo instituta & acta, imaginem gessisse

gessisse aliarum rerum in populo Christiano olim gerendarum. Sic etiam B. Ioannes significauit, agnum illum paschalem quem comedebant Iudæi, figuram fuisse CHRISTI: & Paulus scripsit, transitum Hebræorum per mare rubrum sub ductu nubis, typum fuisse Baptismi Christiani; cuius etiam Baptismi virtutem, per Arcam Noë præfiguratam esse, dixit Petrus. Sed enim, in applicando huiusmodi figuras ad ea quorum figuræ sunt, curiosè illud spectare atque obseruare oportet, vt secundùm ea tantùm in quibus propriè præfigurant alia, congruè aptèque applicentur, non autem in aliis in quibus non gerunt eorum figuram: exempli gratiâ, serpens ille Mosaicus tribus potissimùm in rebus præfigurauit CHRISTVM; Primò, in exaltatione; sicut enim ille in deserto exaltatus est, ita CHRISTVS in Passione & morte sua exaltatus est in Cruce. Deinde, in virtute sanandi; sicut enim ille sanauit morsus serpentum; ita CHRISTVS sanaturus erat omnia peccata hominum. Ad hæc, in modo sanandi; sicut enim tunc percussu à serpentibus non sanabantur nisi adspicientes & intuentes in illum serpentem; ita sanandi erant homines à peccatis per intuitum fidei in CHRISTVM crucifixum & mortuum: in alijs verò rebus serpens ille non solum non fuit figura CHRISTI, sed etiam dissimilis admodum fuit CHRISTO: sex autem differentie notari possunt inter serpentem illum & CHRISTVM, quantum ad vim sanandi. Primò, sanabat quidem serpens ille, non tamen virtute sua: CHRISTVS autem virtute sua sanat peccata hominum. Deinde, ille serpens tantùm sanabat morsus serpentium: CHRISTVS omnia hominum mala tollit. Tum, serpens ille Iudæos duntaxat sanabat: CHRISTVS omnes homines sanandi virtutem habet. Ad hæc, ille serpens non nisi semel sanauit Iudæos, CHRISTI autem virtus sanandi valet in omne tempus. Præterea, serpens ille sanauit tantùm plagas corporales: Virtus CHRISTI efficax sanandi est omnia mala tam corporalia quàm spiritualia. Postremò, serpens ille dedit sanitatem non tamen inuiolabilem, & quam Iudæi amittere non possent: CHRISTI autem virtus dare potest sanitatem & corporalem & spirituales prorsus incorruptibilem.

DECIMA TERTIA DISPUTATIO.

Super illis verbis:

Sic enim D E V S dilexit mundum, vt filium suum vni-
 genitum daret; vt omnis qui credit in eum, non
 pereat, sed habeat vitam æternam. VER. 16.

60 **I**LLA coniunctio, *enim*, cùm sit causalis, indicat primam & principalem causam cur D E V S Filium de cælo miserit in hunc mundum, & voluerit mortem in Cruce subire. Ea quippe causa fuit amor D E I erga homines: cuius amoris magnitudinem exaggerauit C H R I S T V S his verbis tripliciter: Primò, ex comparatione diligenti & dilecti, id est, D E I & mundi: Deinde, ex magnitudine doni quod D E V S mundo dedit, id autem fuit vni-genitus filius eius, hoc enim fuit clarissimum & certissimum diuini amoris erga mundum argumentum. Ad hæc, ex magnitudine fructus ex tanto D E I dono prouenientis: Is autem fuit depulsio æternæ mortis, & sempiternæ vitæ donatio. Ex hoc vno loco satis apparet, meritò prædicationem doctrinæ C H R I S T I appellatam esse Euangelium, quæ vox significat lætum & faustum nuncium. Quid enim lætius auditu & iucundius nunciari potuit homini, quàm adedò ipsum diligì à D E O, vt eius causâ filium suum vnigenitum fieri hominem, & in Cruce mori voluerit? quis enim hoc audiens, & ex animo credens, desperet veniam peccatis suis, quocunque & quantacunque fuerint, facillè impetraturum se esse à D E O? ac non potius speret, quodlibet donum se à D E O consecuturum. Sic enim argumentatus est B. Paulus in capite octauo Epistolæ quam scripsit ad Romanos. *Qui etiam, inquit, proprio filio suo non pepercit, sed pro nobis omnibus tradidit illum; quomodo non etiam cum illo omnia nobis donauit?*

*Cur doctrina
Christi appel-
lata sit Euan-
gelium.*

61 Cæterùm, celeberrimæ huius Domini sententiæ omnes particule sigillatim excutiendæ ac pensitandæ sunt. Prima particula sic, quia nulla oratio sufficiens est declarando, vt par est, D E I erga hominem amor, vsus est: C H R I S T V S hac particula sic, quodammodo

F f modo

modo significans, id esse inenarrabile, atque incomprehensibile: valet autem *sic*, idem atque *adeo*, & *intantum*. Nam licet amor DEI, vt in DEO est, quia est ipsemet DEVS, sit infinitus, nec maior vnquam aut minor esse queat, ratione tamen effectus & doni, alius dicitur esse maior alio. Quoniam autem nihil potest esse maius, vel etiam par CHRISTO DEI filio quem nobis dedit, propterea amor quo voluit filium suum nobis dare, maximus atque inenarrabilis dicitur. Secunda particula DEVS. Hac voce DEI, multa hoc loco insinuantur, ex quibus magnitudo diuini amoris enotescit. Est enim DEVS res quædam infinite perfectionis, nullius indigens, nulli debitor, sed ad omnia sibi ipse sufficientissimus; quo indigent omnia, à quo vniuersa pendent, sicut enim Dauid dixit: *Aperis tu manum tuam, & implet omne animal benedictione: dante se illi, colligent, & omnia replebuntur bonitate.* DEVS est, cuius æterna est maiestas, immensa bonitas, incomprehensibilis sapientia, infinita potestas, inæstimabilis pulchritudo; atque hic talis & tantus DEVS, prior dilexit hominem, & ab æterno dilexit, & perseueranter dilexit, & diligendo, maximum ei bonum contulit.

Tertia particula *Dilexit*, dilectio DEI est prima causa omnium bonorum. 62 Cum enim in DEO sit potentia & voluntas, illa per se est indeterminata, vtpote per quam quodlibet, & quantumlibet, & quomodolibet potest à DEO effici. Voluntas autem diuina potentiam determinat & ad speciem operis faciendi, & ad magnitudinem eius, & ad modum faciendi, & ad locum, & ad tempus, aliasque circumstantias omnes, quibus comitatum est opus quod efficiendum est. Prima itaque ac summa causa omnium quæ sunt à DEO, est voluntas eius: quæ quidem semper cum summa ratione, consilio, sapientia, & rectitudine coniuncta est, licet hoc in particulari sæpe mortales lateat. Primus porro motus & affectus voluntatis humanæ amor est: hinc ceteri omnes affectus oriuntur, & pendent, vt spes, timor, gaudium, tristitia, & odium. Quocirca, primum omnium donorum, quæ homini dantur est amor, ex quo deinceps cetera dona, ordine & gradu suo proueniunt. Sed inter humanum amorem atque diuinum quinque sunt differentię. Primò, humanus amor excitatur à bonitate obiecti quod amatur; amamus

Quando
amor Dei di-
catur vel ma-
ior, vel mi-
nor, vel ma-
ximus.

Psal. 103.

Voluntas Dei
est prima cau-
sa omnium.

Quinque dif-
ferentię hu-
mani amoris
atque diuini.

amamus enim aliquid, quia est amabile, id est, bonum vel re ipsa, vel in opinione & æstimatione amantis. Contrà, diuinus amor amando aliquid facit ipsum bonum & amabile. Deinde, humanus amor est inefficax & sterilis boni, non enim per se vllum bonum facere potest in eo qui amatur: diuinus amor est fecundissimus, & fertilissimus bonorum omnium. Tum, D E V S nunquam amat quemquam, cui non tribuat aliquid boni; nec aliud D E O est amare, quàm benefacere. Ad hæc, fieri non potest vt D E V S amet aliquid amore concupiscentiæ, id est, cupiditate sibi acquirendi aliquid boni ex eo quod amat: sed semper amat vt aliis bonum tribuat. At verò, quia bonum quod est in rebus mouet homines ad eas res amandas; plerique hominũ, quæ amant, ea non propter se ipsa amant, sed sua causa, qui est amor concupiscentiæ: Paucissimorum enim est, nullo suæ vtilitatis respectu aliquid diligere, sed ob id tantum, quod illud per se sit amabile. Et quamquam D E V S quæcunque amat extra se, non propter illa, sed propter se ipsum amat ea, quia sic verè, ordinatèque sunt amabilia, cum ipse sit primum principium & vltimus finis omnium: nihil tamen amat D E V S suæ vtilitatis causâ, quasi ex re amata possit ei aliquid boni accedere, cum ipse sit bonorum omnium causa. Postremò, amor D E I non solum est causa bonorum omnium, sed etiam mensura.

*Dei amor mē-
sura omnium
bonorum.*

Itaque verè æstimantibus, tantus quisque est in bonis, quanto eum D E V S amore dignatus est; tantumque boni cuique tribuitur; quantum amoris sui D E V S ad ipsum ex æternitate voluit applicare.

- 63 Quarta particula *mundum*, nomine mundi significatur homo habitans in terra, quæ est infimus mundi locus. Quid autem est homo? bonorum omnium inops, malorum autem prædiues, peccatis sordidus, innumeris ærumnis atque miseriis obnoxius, indigneus D E I amore & beneuolentia, quin etiam ingratus & inimicus D E I, extremæque ac sempiternæ meritis supplicia. *Quid est homo?* (ait David) *quod memor es eius, aut filius hominis, quia visitas eum.* Magna profectò atque insignis fuit clemētia Davidis erga Semei, qui eum fedissimis cõuitiis & maledictis lacerauerat; maior etiam aduersus filium suum Absalonem, qui eum regno & vita deturbare conatus fuerat; verum hæc nihilo æstimanda sunt, præ vt fuit

*Quid nomine
mundi signi-
ficetur hoc la-
ce.*

Psal. 8.

Ad Rom. 5.

DEI erga homines clementia & charitas. Atque hoc exaggerans Paulus, *Commēdat, inquit, charitatem suam DEVS in nobis, quoniam cum adhuc peccatores essemus secundum tempus CHRISTVS pro nobis mortuus est.* Et paulò infrà: *Si cum inimici essemus, reconciliati sumus DEO per mortem filij eius; multò magis recōciliati, salui erimus in vita ipsius.* Vel nomine mundi significantur omnes homines per omnes mundi plagas, regionēsq; sparsi; & non vna tantum Hebræorum gens, exiguo quodam terræ angulo inclusa: vt significetur, hunc DEI amorem non ad vnā tantum gentem, sed ad omnes homines qui fuerunt, & qui sunt, & qui futuri sunt pertinere. Vel mundum dicere voluit potiùs quàm hominem, quòd hæc DEI erga hominem dilectio, non ipsum tantummodo decorauerit & clarificauerit, sed vniuersum etiam mundum: clarificato enim homine, totus penè mundus, qui continetur in homine tanquam in quodam compendio, clarificatus est. Etenim futura mundi post consummationem sæculi renouatio & glorificatio pendet ab hominis renouatione & glorificatione, vt præclare in capite octauo Epistolæ ad Romanos disputat Apostolus. Hac igitur hominis renouatione sublata, & mundum tanto decore, tantæque gloria, quam per hominem habiturus est, carere necessum fuisset. Patet igitur cur Dominus hoc locò mūdū dicere voluerit potiùs quàm hominem.

*Beneficium
Dei tributum
homini ad
mundi etiam
decorem &
gloriam perti-
nere.*

*Quæstio quomodo
Deus diligat mun-
dum, quem
iubet nos odif-
se.*

*Locus 1. Ioan.
3. & Iacob. 3.*

*Triplex in Sa-
cris litteris
significatio &
vulgaris hu-
ius vocis mū-
di.*
Ioan. 17.

Verum, quæstio minimè in præteritis relinquenda, existit hoc loco: Quomodo DEVS tantopere dilexit mundum, cum Sacra 63 scriptura iubeat nos fugere & odisse mūdum? Audiat lector Ioannem in secundo capite primæ Epistolæ suæ. *Nolite, inquit, diligere mundum, neque ea quæ in mundo sunt: Si quis diligit mundum, non est charitas Patris in eo.* Et Iacobus in quarto capite Epistolæ suæ sic ait, *Si quis voluerit amicus huius mundi fieri, inimicus DEI constituitur.* Ad hanc quæstionem ita respondendum est, vocabulum mundi vt significat hominem, tripliciter in Sacris litteris vsurpari. Primò pro vitiosis, & omnino mundanarum rerum amatoribus, & maxime pro reprobis: de quo mundo loquēs Ioannes in capite quarto Epistolæ suæ, *Ipsi, inquit, de mundo sunt, & de mundo loquuntur, & mundus eos audit.* Et Dominus noster dixit, se non rogare patrem pro mundo, & nec se, nec Apostolos suos esse de mundo. Et hunc mundum, quā talis est, non diligit DEVS, quin etiam odit, & ad cum

eum destruendum misit in terram filium suum: quod & ipse præstitit, sicut ipse dixit: *Confidite, ego vici mundum.* Atque huius mundi princeps & DEVS vocatur in scriptura Diabolus; & ex hoc mundo eiectus est à CHRISTO Diabolus, sicut ipse dixit: *Princeps huius mundi ejcietur foras.* Deinde, accipitur vox mundi nōnunquam pro hominibus prædestinatis, in hoc mundo peregrinantibus: atque huius mundi præcipuè Saluator dicitur CHRISTVS: de quo mundo loquens Paulus in cap. 5. posterioris Epistolæ ad Corinthios, sic ait: *Deus erat in CHRISTO mundū reconectans sibi.* Ad hæc, ponitur vocabulum mundi pro quibuscunque hominibus in terra degentibus siue bonis, siue malis, siue reprobis, siue prædestinatis, prout tamen ex natura sua, & ex sufficientia diuinæ gratiæ, capaces sunt æternæ salutis. De hoc mundo intelligitur illud quod in hoc ipso tertio capite paulò infrà scriptum est: *Non enim misit DEVS filium suum in mundum, ut iudicet mundum, sed ut saluetur mundus per ipsum.* De hoc autem mundo præcipuè intelligitur quod hoc loco dixit Dominus, *Sic DEVS dilexit mundum.* Pro salute enim omnium Filius DEI & homo factus est, & mortuus est: videlicet quod attinet ad sufficientiam virtutis mortis suæ: nam quod attinet ad efficaciam, & consecutum fructum, pro electis tantum mortuus est: ideoque CHRISTVS dixit Patri suo, *non pro mundo rogo, sed pro his quos dedisti mihi, quia tui sunt.* Atque huiusmodi distinctio & explicatio triplicis significationis huius vocabuli, *mundus*, complures tollit difficultates sæpe obuias legentibus sacras litteras.

- 64 Quinta particula: *Et filium suum vnigenitum.* Perpendat lector, quantum animo & cogitatione valet, nam pro dignitate ac merito rei æstimare non poterit, magnitudinem huius doni. Nihil profectò æquè carum DEO & pretiosum est, atque filius eius vnigenitus: quippe cui non minus quàm ipse sibi carus & pretiosus est. Septem res faciunt, ut inter homines, pater ardentissimè diligat filium suum. Primò, similitudo eiusdem substantiæ, cum hoc præterea quod eam filius habet ab ipso patre suo tanquam principali causa. Secundò, quia filius est hæres, & generis, & familiæ, & bonorum omnium patris. Tertio, quia per filium & nomen, & familia, & nobilitas patris propaganda & perpetuanda est. Quarto, si

*Septem res
quæ faciunt
ardentissimam
patris amorē
erga filium
suum.*

fuerit vnigenitus, & in quo vno tota domus inclinata recumbar. Quinto, si etiam filius per se sit amabilis propter multa & magna eius dona vel naturalia, vel eius acquisita studio & industria, vel supernaturalia diuinitus ei data. Sexto, si patrem ipse filius vicissim summè redamet, & reuerenter colat eiusque voluntati & iussis obsequentiissimus sit. Septimò, si talis fuerit filius, vt per eum pater quidquid vult, & prout vult, perficere queat. Hæc porro omnia, excellentius quàm cogitari possit, sunt in filio DEI: & præter hæc, sunt alia ipsius propria, nec cum vilo aliorum filiorum communicabilia. Primò, quia ipse est coæternus Patri suo: Deinde, quia est eiusdem omnino substantiæ, non secundum speciem tantum, sed etiam numero: tum, quia est prorsus eiusdem voluntatis, & potentia, & bonitatis, & sapientiæ cum Patre suo; ita vt idem omnino & semper yterque sentiat, velit, & faciat.

*Magnitudo
alicuius doni
sex modis esti
manda est.*

Sexta particula *daret*, ratio & æstimatio doni tantò maior est, 65
quàto donum ipsum per se maius est; vel quantò est carius & pretiosius danti; vel quantò est vtilius accipienti; vel quantò maiori beneuolentia & amore datur; vel quantò minori commodo dantis tribuitur aliis, vel quantò magis immerenti datur. Atque hæc omnia cumulatissimè ac perfectissimè in hoc DEI dono reperire ac cernere licet. Sunt autem tres gradus donorum DEI: in primo atque infimo gradu sunt dona naturalia & humana: in secundo & medio gradu sunt dona supernaturalia: in tertio & supremo gradu est hoc de quo nunc loquimur, DEI donum, quo Pater dedit eum, qui est eiusdem substantiæ cum ipso; quapropter dando eum, dedit bona omnia quæ ipse Pater habet: & filius factus homo dedit naturæ humanæ quam assumpsit, personalem suam vnitatem, & subsistentiam: & Spiritus sanctus in CHRISTO homine, & per ipsum in alios electos effudit omnem plenitudinem gratiarum.

*Dodecim
res, ad quas
Deus Filium
suum dedit
homini.*

Cæterum, quærat fortasse quispiam, ad quem finem, & in quod 66
bonum hominis DEVS Filium suum dedit homini? Sanè, dodecim ob res Pater Filium suum dedit homini. Primò, vt naturaliter etiam cognatione, propter humanæ naturæ communionem, frater esset hominis. Secundò, vt propter ipsam naturæ similitudinem, amabilius ipse & sociabilior fieret homini. Tertio, dedit in
magi

magistrum doctrinæ necessariæ ad æternā salutem hominis comparandam. Quartò, dedit in exemplum vitæ, quo & instruere-
tur, & incenderetur ad bene agendum. Quintò, dedit in ducem
vitæ, ut eum sequens homo, sine ullo errore perueniret ad vitam
æternam, sicut ipse dixit: *Qui sequitur me, non ambulat in tenebris*, Ioan. 8.
sed habebit lumen vite. Sextò, dedit in Principem & Imperatorem
insuperabilem spiritualis militiæ aduersus Dæmones. Septimò,
dedit in cibum & potum animæ nostræ ad nutrimentum æternæ
vitæ. Octauò, dedit in pretium redemptionis humani generis.
Nonò, dedit in hostiam & sacrificium placationis & propitiatio-
nis DEI erga hominem. Decimò, dedit in mediatorem DEI
atque hominum. Vndecimò, dedit in argumentum certissimum
futuræ resurrectionis hominum. Duodecimò, dedit in specimen
promissæ nobis ascensionis in cælum, & consummatæ felicitatis
humanæ secundum animam & corpus.

- 67 Septima particula: *Ut omnis qui credit in ipsum non pereat, sed ha-
beat vitam æternam*. Illud *omnis* indicat, diuini huius doni fru-
ctum esse generalem, & ad omne genus hominum, non ad vnam
tantum Hebræorum gentem, ut dona in veteri testamento Iudæis
data, pertinere. Illud *Qui credit in eum*, indicat modum conse-
quendi fructum huius doni, dignè credendo videlicet in CHRIS-
TUM: quo significatur, quanta sit facilitas adipiscendi tantum
bonum; & differentia legis Mosaicæ atque Christianæ. Illa enim Aitarum 15.
fuit admodum onerosa, & quodammodo importabilis, exigens,
sub interminatione mortis, plurimorum præceptorum obseruan-
tiam: Lex autem CHRISTI est onus leue, & iugum suauē, Matth. 11.
quirens fidem & amorem, quæ nullus hominum est, qui diuina
præuentus & adiutus gratia, præstare non possit. Illud *non pereat*,
significat interitum æternæ mortis, qui continet damnum
non adeptæ felicitatis æternæ, & sensum atque
perpeffionem suppliciorum æternorum. *Sed*
habeat vitam æternam, quæ est bono-
rum omnium cumulata æter-
næque possessio.

DECI

DECIMA QVARTA DISPVATIO.

Quomodo CHRISTVS Dominus illis verbis, vt omnis qui credit in ipsum, non pereat, sed habeat vitam aternam, soli fidei assignauerit virtutem depellendi aternam mortem, & obtinendi vitam aternam.

ILVD hoc loco quæstionē habet, quomodo CHRIS- 68
TVS Dominus rationem & vim consequendi æternam vitam soli fidei attribuat: nā & paulò suprà dixit: *Sicut Moyses exaltauit serpentem in deserto, ita oportet exaltari filium hominis, vt omnis qui credit in ipsum non pereat, sed habeat vitam aternam.* Idemque repetiit in hoc loco: & paulò infrà ait: *Qui credit in eum, non iudicatur:* & in hoc extremo tertio capite ita scriptum est: *Qui credit in Filium, habet vitam aternam:* Cùm tamen nec sola fides sufficiat iustificando & seruando homine; & in hoc negotio iustificationis hominis potiores atque principales sint partes charitatis quàm fidei; quod multis & manifestis Sacræ scripturæ testimoniis Doctores Catholici, aduersùs Hæreticos nostri temporis validissimè argumentantur atque confirmant.

*Quadruplex
solutio propo-
sitæ quæstio-
nis.*

Sed quatuor modis quæstionem hanc enodare possumus. Pri- 69
mò, dici potest, Dominum nostrum loqui hoc loco de fide formata & viua & perfecta, quæ per charitatem operatur; quàm B. Paulus in capite quinto Epistolæ ad Galatas valere plurimum dixit apud DEVM: in CHRISTO enim IESV, ait Paulus, *neque Circumcisio aliquid valet, neque praputium, sed fides quæ per charitatem operatur.* Idemque Paulus in capite decimo tertio prioris Epistolæ ad Corinthios: *Si habuero, inquit, omnem fidem, ita vt montes transferam, charitatem autem non habuero, nihil sum.* Fides potè quæ per charitatem operatur, aliis omnibus comitata est virtutibus. Deinde, potest illud etiam responderi, Dominum loqui de fide simpliciter & præcisè; ei verò assignare tanta bona, non quòd eorum illa sit vel sola vel princeps causa; sed quòd ea sit primum principium & fundamentum, & radix omnium bonorum spiritualium & diuinorum, sicut interpretatus est B. Augustinus in sermone 38.

de

de Tempore, & ex ipso Augustino interpretati sunt Patres Concilij Tridentini in capite octauo Decreti de iustificatione. Illud quoque dici potest, fidem CHRISTI, semel admissam receptamque animis nostris, demonstrando sceleratam & grauitatem peccatorum, & iustitiam DEI æternis peccata suppliciis punientis, & clementiam eius atque misericordiam erga peccatorum suorum dignè poenitentes, & bona æterna, iustè uiuentibus in cælo præparata; fidem, inquam, hæc omnia demonstrando, facile inducere hominem ad agendam poenitentiam per quam iustificationis gratiam percipiat, & per eam æternam mortem effugiat, & ita acquirat capeffendæ hereditatis æternæ. Illud denique responderi potest, quod ad eiusmodi quæstionem responder Augustinus in capite septimo libri de Prædestinatione sanctorum: Omnia, inquit, tribuuntur fidei, quia hæc prima nobis datur, qua impetrentur cetera: & in Epistola centesima quinta & centesima sexta differtis verbis ait, ideo Paulum dixisse, iustificari hominem per fidem, quia per fidem homo impetrat, & quodammodo meretur iustitiam. Verùm super hac re à nobis copiosè disputatum est in secundo Tomo selectarum Disputationum super Epistolam B. Pauli ad Romanos, in Disputationibus quas tractauimus super capite tertio eius Epistolæ.

Augustinus.
Concilium
Tridentinum

Augustinus.

DECIMA QUINTA DISPUTATIO.

Super illis uerbis:

Qui habet sponsam, sponsus est: amicus autem sponsi VER. 29.
qui stat & audit eum, gaudio gaudet propter & 30.
vocem sponsi: hoc ergo gaudium
meum, impletum est.

70



ULCHERRIMA est metaphora hæc sponsi & sponsæ, multa & sublimia aperte includens CHRISTI mysteria. CHRISTVM esse sponsum Ecclesiæ suæ tam militantis quàm triumphantis, docet nos pluribus locis diuina scriptura, ut in Psalm. 18.

Gg

Et

Et ipse tanquam sponsus procedens de thalamo suo. Et in capite nono Matthæi de Apostolis suis dixit: *Nunquid possunt filij sponsi lugere quandiu cum illis est sponsus? venient dies cum auferetur ab eis sponsus, & tunc ieiunabunt.* Hoc indicauit illa parabola Euangelica de Rege faciente nuptias filio suo, & illa de decem virginibus expectantibus sponsum, apud Matthæum cap. 22. & 25. Hoc etiam declarant illa Pauli verba, quæ sunt in capite quinto Epistolæ ad Ephesios: *Viri diligite uxores vestras, sicut & CHRISTVS dilexit Ecclesiam, & se ipsum tradidit pro ea, &c.* Et paulò infrà commemoratis verbis in matrimonij institutione à DEO dictis subdit: *Sacramentum hoc magnū est; ego autem dico in CHRISTO & in Ecclesia, & in libro Apocalypsis cap. 19. Gaudeamus & exulemus, & demus gloriam DEO, quia venerunt nuptie Agni, & uxor eius preparauit se: & datum est illi ut cooperiat se byssino splendente, & candido; byssinum enim, iustificationes sunt sanctorum.* Denique liber, qui inscribitur, Cantica Canticorum, in mutuo huius sponsi & sponsæ amore declarando totus versatur atque consumitur.

*Decem res
Christum de-
clarasse se spon-
sum esse Ec-
clesiæ.*

Sunt autem decem res quibus CHRISTVS declarauit, se 71
sponsum esse Ecclesiæ. Primò, summus amor quo eam dilexit, qualis nimirū esse solet inter sponsum & sponsam: quem CHRISTI amorem Paulus, cuius verba paulò suprā retulimus, proposuit quasi normam amoris quò viri diligere debent uxores suas. Et cum hæc sponsa CHRISTI pauper esset, & vilis, & morbofa, & captiua sub Diabolo; eam ipse sanguine suo redemit, sanauit, mundauit, locupletauit, & honorauit. Secundò, inter sponsum & sponsam intercedunt promissa & pacta mutue fidelitatis. Tertiò, inter sponsum & sponsam est insolubilis coniunctio. Quartò, perpetua societas atque conuictus. Quintò, communicatio bonorum omnium pariter atque malorum. Sextò, cooptatio sponsæ ad participationem nobilitatis & dignitatis & honorum atque opum sponsi. Septimò, fecundatio, & prolis generatio. Octauò, liberorum educatio, & familiæ domesticæ administratio. Nonò, discessurus sponsus ad longum tempus ab sponsa, ne capiat eam obliuio sponsi sui, singulare aliquid, eximiumque relinquit ei sponsus, tanquam sui monumentum, ad conseruandam in animo eius memoriam & amorem, sui que reditus desiderium, subinde in animo

animo sponsæ renouandum. Decimò, primò fit desponsatio, & contrahitur matrimonium; deinde consummatur, & sic fit perfecta, & imposterum prorsus insolubili copulatio sponsi & sponsæ atque hæc omnia sigillatim perpédenti facile fuerit, ea ad CHRISTVM & Ecclesiam accommodare.

- 72 Figura fuit huius inter CHRISTVM & Ecclesiam sponsalitij *Tres figura in Veteri Testamento sponsalitij Christi & Ecclesiae:*
 Isaac accipiens sibi vxorem ex terra longinqua gentilium per seruum suum Eliezer: & Iacob Patriarcha profectus in Mesopotamiam, laboriosoque viginti annorum seruitio dari sibi promeritus vxores Liam & Rachelem; hanc, synagogæ; illam, gentilitatis, figuram gerentem: Et in Rege Assuero & in Regina Esther. CHRISTVS igitur sponsus est, sancti verò appellantur vel filij sponsi sicut Apostolos suos appellauit CHRISTVS; vel amici sponsi, quemadmodum Ioannes Baptista appellauit se ipsum: qui tres amicorum sponsi proprietates indicauit, cum dixit: *Amicus autem sponsi statim audit, & gaudet propter vocem sponsi.* *Gen. 24. Infra 29. Matth. 9.*

- 73 Sed cur Ioannes qui tantopere gaudebat voce sponsi, non est secutus CHRISTVM, ei que perpetuo conuictu & discipulatu adhæsit? nempe, quia intellexit, aliter velle DEVM & ipsum CHRISTVM; priuatoque commodo & solatio suo prætulit obsequium diuinæ voluntatis, & publicam hominum vtilitatem. Si enim CHRISTI sodalis & discipulus fuisset, non tantam habuisset apud Iudæos auctoritatem, nec tanti fuissent ponderis testimonia, quæ de CHRISTO dixisset; existimantibus Iudæis, eum amoris causa, supra verum, prædicare CHRISTI dignitatem & laudes. Illud præterea dignum hoc loco est consideratione, quomodo Ioannes Baptista appellet se hoc loco amicum CHRISTI, cum antea indignum se esse dixerit, qui etiam vilissimum obsequium & famulatum CHRISTO exhiberet? Verum tunc Baptista loquebatur turbæ Iudæorum, cui CHRISTVS eotempore obscurus atque ignotus erat; ideoque CHRISTI dignitatem & præstantiam indicare & prædicare oportebat. Nunc autem loquebatur discipulis suis, indignationem & odium Ioannis aduersus CHRISTVM quodammodo excitare tétantibus; quibus conueniens erat declarare summum amorem & obseruantiam Ioannis erga CHRISTVM: ut intelligerent illi, Ioannem celebritate *Cur Ioannes Baptista non sit Christum secutus.*
Cur Ioannes eum appellet se amicum Christi qui ante dixit se indignum esse ut seruus esset Christi.

nominis & fame CHRISTI nullatenus dolere aut tristari, sed maiorem in modum letari & gaudere debere.

DECIMA SEXTA DISPUTATIO.

Super illis verbis:

VER. 21.

Non enim ad mensuram dat DEVS spiritum.

Duplex interpretatio, quomodo Deus non det spiritum ad mensuram.



74
VPLEX horum verborum est interpretatio. Altera est, istud esse dictum à B. Ioanne non tantum de CHRISTO, sed absolute atque in vniuersum esse dictum ab eo, in hanc sententiam: Non habet DEVS vnā tantum, & certam mensuram, qua dona sua metiatur hominibus; vt si vni dedit multum, non possit etiam aliis plus dare. Licet igitur mihi DEVS multa & magna tribuerit munera, illi tamen CHRISTO multò plura & maiora donauit; non itaque vos discipuli mei mirari, nedum indignari æquum est, si qui maior est apud DEVM quàm ego sum, maior quoque apud homines habeatur, & illius nomen atque fama clarior in dies & celebrior euadat, quàm mea.

75
Altera interpretatio est, quam ferè sequuntur huius Euangelij explanatores, & Theologi scholastici approbatunt. Isti sententiam hanc Ioannis Baptistæ ad CHRISTVM propriè pertinere arbitrantur, & in ea sententia subintelligendum putant pronomen *hunc*, vel *ipsi*, scilicet CHRISTO, hoc modo, (non enim dat CHRISTO DEVS spiritum ad mensuram.) Significatur itaque istis verbis, CHRISTVM infinitis partibus maiorem ac præstantiorem esse aliis omnibus sanctis: His namque spiritus gratiæ in parte & cum mensura datus est; CHRISTO autem sine termino & mensura. Quod autem sancti gratiam DEI habeant cum certâ quadam mensura & modo, aperte docet nos Apostolus in capite duodecimo Epistolæ ad Romanos illis verbis: *Vnicuique sicut DEVS diuisit mensuram fidei.* & in quarto capite Epistolæ ad Ephesios: *Vnicuique, inquit, nostrum data est gratia secundum mensuram donationis CHRISTI.* At CHRISTO, vt dixit hoc loco Ioannes Baptista, non ad mensuram dedit DEVS spiritum; quod perinde est quasi dictum esset, datam ei esse gratiam infinitam.

Omnes

Omnes itaque sancti, quasi catelli edunt de micis quæ cadunt de mensa Domini sui; CHRISTVS autē sedet æqualiter cum DEO patre ad mensam, eisdem pariter epulis vescens, eisdemque deliciis gaudens, eisdem diuitiis atque opibus affluens, eadem pollens omnipotentia, eadem honoris & dignitatis gloria fulgens, eodem imperio & dominatione cuncta regens, eadem permanens semper æternitate, eadem fruens foelicitate.

- 76 Verum, huic interpretationi aduersari videtur, quod cum gratia CHRISTI sit res quædam à DEO creata, necesse est eam esse finitam, testante scriptura in capite vndecimo libri sapientiæ, DEVM omnia fecisse & disposuisse in numero, & pōdere, & mensura; certus autem numerus, & certum pondus, & certa mensura, repugnant infinitati. Et anima CHRISTI cum sit finitæ capacitatis sicut etiam naturæ, non videtur posse capax esse infinitæ virtutis & gratiæ. Hanc quæstionem subtiliter & copiose & accuratè tractant scholastici Theologi in tertio libro sententiarum distinctione decima tertia, & B. Thomas in tertia parte quæstione septima; & ex hoc loco B. Ioannis, & verbis illis, *Non dat DEVS spiritum ad mensuram*, disputant & declarant, & an sit, & quemadmodum sit gratia CHRISTI infinita.

- 77 Theologorum autem de infinitate gratiæ CHRISTI sententiæ ac doctrinæ summa est huiusmodi. Triplicem aiunt gratiam CHRISTO, quæ homo est, esse datam, vnionis, habituales, & capitis. Gratia vnionis, licet finita sit subiectiue, id est, respectu naturæ humanæ cum persona verbi diuini vnitæ; est tamen infinita terminatiue, quia terminatur ad personam verbi quæ est infinita: & formaliter, quia propter diuinitatem personæ verbi subsistentis in illa natura humana, fuit ille homo CHRISTVS infinitè carus & gratus DEO: & effectiue, quia propter eiusdem personæ diuinæ infinitatem, quælibet actio & opus illius hominis fuit infiniti pretij & meriti apud DEVM. Gratia habitualis, cum sit qualitas quædam à DEO creata, & infusa animæ CHRISTI, per se ac simpliciter finita est: aliquo tamen modo dicitur infinita, quod videlicet non fuerit contracta ad aliquod genus gratiæ, vel ad certum aliquem eius gradum, vel modum eam habendi; sed omnem rationem gratiæ, & omni modo habuerit: idque tripliciter; Primò,

Triplex gratia Christi, quomodo fuerit infinita.

extensivè, quia omnia gratiarum genera continebat : deinde, intensivè, quia quodlibet genus gratiæ secundum summum cuiusque gradum, omnemque modum habebat : tum, subiectivè, quia omnem subiecti capacitatem talis gratiæ explebat. Gratia capitis CHRISTI etiã prædictis modis infinita dici potest : nam CHRISTVS omnia genera gratiarum sanctis impertiri poterat ; & gratiam communicare poterat cum infinitis hominibus, si essent infiniti homines : & per se sufficiens erat in infinitum. Et hæc quidem sunt, quæ de infinitate gratiæ CHRISTI strictim hoc loco libuit attingere.

Dare aliquid ad mensuram, vel cum mensura, & dare sine mensura, esse in Sacris litteris proverbiales locutiones, & quid propriè significet utraque locutio.

Illud porro nescire lectorem nolumus, has duas locutiones : *Dare aliquid ad mensuram, vel cum mensura, & dare aliquid non ad mensuram, vel sine mensura*, esse in Sacra scripturâ quasi proverbiales. Et illud, *Dare ad mensuram, vel cum mensura*, significat modicè & parcè dare ; nam quod subtiliter metiendo, vel numerando, vel ponderando damus, non largè, sed parcè dare volumus. Huius locutionis exemplum est apud Ezechielem cap. 4. *Aquam, inquit, bibes in mensura*. Et in capite septimo libri Iudith scriptum est, propter penuriam aquæ, datam fuisse populo aquam ad mensuram. Altera verò illa locutio, *Dare aliquid non ad mensuram, vel sine mensura*, significat dare illud largè, prolixè, copiosè ; cuius locutionis duo hic ponam exempla, alterum est apud Oseam : *Erit, inquit, numerus filiorum Israël, sicut arena maris, quæ est sine mensura*.

Alterum exemplum est in capite septimo prioris libri Esdræ, ubi scriptum est, regem Artaxersem iussisse dari Iudæis vinum & oleum, & quædam alia cum certa mensura ; at verò sal dari eis sine mensura.

CAPVT



CAPVT QVARTVM

EVANGELII IOANNIS.



T ergo cognouit IESVS quia audie- VERS. I.

runt Pharisei quòd IESVS plures
discipulos facit, & baptizat, quàm
ioannes,* (quamquam IESVS non
baptizaret sed discipuli eius)* reliquit
Iudeam, & abiit iterum in Galileam.

* Oportebat autem eum transire per
Samaritam.* Venit ergo in ciuitatem

Samaritana, quæ dicitur Sichar: iuxta prædium, quod dedit Iacob
Ioseph filio suo.* Erat autem ibi fons Iacob. IESVS ergo fatigä-
tus ex itinere, sedebat sic supra fontem. Hora erat quasi sexta.
* Venit mulier de Samaria haurire aquam. Dicit ei IESVS: Da
mibi bibere.* (Discipuli enim eius abierant in ciuitatem ut cibos
emerent.) * Dicit ergo ei mulier illa Samaritana: Quomodo tu
Iudeus cum sis, bibere à me possis, quæ sum mulier Samaritana?
non enim contutur Iudei Samaritanis.* Respondit IESVS, &
dixit ei: si scires donum DEI, & quis est, qui dicit tibi: Da mibi
bibere: tu forsitan petisses ab eo, & dedisset tibi aquam viuam.
* Dicit ei mulier: Domine, nequæ in quo haurias habes, & pu-
teus altus est: unde ergo habes aquam viuam? * Nunquid tu
maior es patre nostro Iacob, qui dedit nobis puteum, & ipse ex eo
bibit, & filij eius, & pecora eius? * Respondit IESVS, & dixit
ei: Omnis, qui bibit ex aqua hac, sitiet iterum: qui autem biberit

- 14 ex aqua, quam ego dabo ei, non sitiet in aeternum: * Sed aqua,
quam ego dabo ei, fiet in eo fons aquę salientis in vitam aeternam.
- 15 * Dicit ad eum mulier: Domine, da mihi hanc aquam, vt non
16 sitiam; neque veniam huc haurire. * Dicit ei IESVS: Vade, voca
17 virum tuum, & veni huc. * Respondit mulier, & dixit: Non
habeo virum. Dicit ei IESVS: Bene dixisti, quia non habes vi-
18 rum. * quinque enim viros habuisti, & nunc, quem habes, non est
19 tuus vir: hoc verè dixisti. * Dicit ei mulier: Domine, video quia
20 propheta es tu. * Patres nostri in monte hoc adorauerunt, & vos
21 dicitis, quia Ierosolymis est locus, vbi adorare oportet. * Dicit ei
IESVS: Mulier crede mihi, quia venit hora, quando neque in
22 monte hoc, neque in Ierosolymis adorabitis Patrem. * Vos ado-
ratis quod nescitis: nos adoramus quod scimus, quia salus ex Iu-
23 deis est. * Sed venit hora, & nunc est, quando veri adoratores
adorabunt Patrem in spiritu & veritate. nam & Pater tales
24 querit, qui adorent eum. * Spiritus est DEVS: & eos, qui ado-
25 rant eum, in spiritu & veritate oportet adorare. * Dicit ei mu-
lier: Scio quia Messias venit, (qui dicitur CHRISTVS) cum
26 ergo venerit ille, nobis annuntiabit omnia. * Dicit ei IESVS:
27 Ego sum, qui loquor tecum. * Et continuò venerunt discipuli eius:
& mirabantur quia cum muliere loquebatur. Nemo tamen dixit:
28 Quid queris, aut quid loqueris cum ea? * Reliquit ergo hydriam
29 suam mulier, & abiit in ciuitatem, & dicit illis hominibus: * Ve-
nite, & videte hominem, qui dixit mihi omnia quacunque feci:
30 nunquid ipse est CHRISTVS? * Exierunt ergo de ciuitate, &
31 veniebant ad eum. * Interea rogabant eum discipuli, dicentes:
32 Rabbi, manduca. * Ille autem dicit eis: Ego cibum habeo mandu-
33 care, quem vos nescitis. * Dicebant ergo discipuli ad inuicem:
34 Nunquid aliquis attulit ei manducare? * Dicit eis IESVS: Meus
cibus est vt faciam voluntatem eius, qui misit me, vt perficiam
35 opus eius. * Nonne vos dicitis, quòd adhuc quatuor menses sunt,
& messis venit? Ecce dico vobis: Leuate oculos vestros, & videte
regiones,

regiones, quia alba sunt iam ad messē. * Et qui metit, mercedem 36
accipit, & congregat fructum in vitam aeternam: ut, & qui seminat,
simul gaudeat, & qui metit. * In hoc enim est verbum verum: quia 37
alius est qui seminat, & alius est qui metit. * Ego misi vos metere 38
quod vos non laborastis: alij laboraverunt, & vos in labores eorum
introistis. * Ex ciuitate autē illa multi crediderunt in eum Samari- 39
tanorum, propter verbum mulieris testimonium perhibentis: Quia
dixit mihi omnia quaecunque feci. * Cum venissent ergo ad illum 40
Samaritani, rogauerunt eum ut ibi maneret. Et mansit ibi duos dies.
* Et multo plures crediderunt in eum propter sermonem eius. * & 41. 42
mulieri dicebant: Quia iam non propter tuam loquelam credimus:
ipsi enim audiuimus, & scimus quia hic est verē Saluator mundi.
* Post duos autē dies exiit inde: & abiit in Galileam. * Ipse enim 43. 44
IESVS testimonium perhibuit quia Propheta in sua patria hono-
rem non habet. * Cum ergo venisset in Galileam, exceperunt eum 45
Galilei, cum omnia vidissent quae fecerat Hierosolymis in die festo:
& ipsi enim venerant ad diem festum. * Venit ergo iterū in Cana 46
Galilee vbi fecit aquam vinum. Et erat quidā regulus, cuius filius
infirmabatur Capharnaum. * Hic cum audisset quia IESVS ad- 47
ueniret à Iudaea in Galileam, abiit ad eum, & rogabat eum ut de-
scenderet, & sanaret filiū eius: incipiebat enim mori. * Dixit ergo 48
IESVS ad eum: nisi signa, & prodigia videritis, nō creditis. * Dicit 49
ad eum regulus: Domine, descēde priusquā moriatur filius meus.
* Dicit ei IESVS: Vade, filius tuus viuit. Credidit homo sermoni, 50
quem dixit ei IESVS, & ibat. * Iam autem eo descendente, serui 51
occurrerunt ei, & nunciauērunt dicentes, quia filius eius viueret.
* Interrogabat ergo horam ab eis, in qua melius habuerit. Et di- 52
xerunt ei: Quia heri hora septima reliquit eum febris. * Cognouit 53
ergo pater, quia illa hora erat, in qua dixit ei IESVS: Filius tuus
viuit: & credidit ipse, & domus eius tota. * Hoc iterum secundum 54
signum fecit IESVS, cum venisset à Iudaea in Galileam.

Hh

IN



IN CAPVT QVARTVM DISPVATIONES SEXDECIM.



PRIMA DISPVATIO.

Super illis verbis:

VERS.2. Quamquam IESVS non baptizaret, sed discipuli eius.



IN proximo superiori capite Ioannes 1 Euangelista dixit, IESVM venisse in Iudæam, & ibi baptizâsse: hoc autem quemadmodum intelligi deberet, videtur idem Ioannes declarare voluisse hoc loco, cum dixit, IESVM non baptizâsse, sed discipulos eius: ergo IESVS baptizabat & non baptizabat; baptizabat quidē per discipulos; non baptizabat autem per se ac manibus suis.

Augustinus. ptizabat autem per se ac manibus suis. Hac ratione B. Augustinus in Tractatu 5. in Ioannem declarat quomodo dictum sit CHRISTVM & baptizâsse & non baptizâsse: baptizabat, inquit, quia ipse mundabat: non baptizabat, quia non ipse tingebat. Præbebant discipuli ministerium corporale; præbebat ille adiutorium maiestatis. Nunquam cessat IESVS à Baptizando, quia nunquam cessat à mundando: De IESV enim dixit Baptista: *Hic est qui baptizat.* Idem Augustinus similia horum scribit in Epistola centesima

ma

ma octaua quam scripsit ad Seleucianam, intelligere, inquit, debemus, IESVM quidem baptizasse præsencia maiestatis, non autem baptizasse manibus suis: ipsius enim erat baptismi sacramentum, ad discipulos autem pertinebat baptizandi ministerium. Sic Augustinus.

- 2 Verum, nonnullam habet quæstionem, An CHRISTVS per se ac manibus suis aliquos baptizauerit, an verò prorsus nullos: super hac enim re duas reperio doctorum sententias. Arbitrantur quidam, CHRISTVM manibus suis nullos baptizasse, sed propterea dici CHRISTVM baptizasse, quia eius discipuli, voluntate & iussu ipsius baptizabant alios, ipso CHRISTO principalem Baptismi effectum baptizatis conferente: nam quod nostra voluntate ac iussu fit ab iis qui à nostra potestate & gubernatione pendet, id à nobis fieri vulgo dicitur. B. certè Chrysostomus, quem sequitur hoc loco Theophylactus, in homilia 28. in Ioannem, & in homilia tertia super Acta Apostolorum ait, neminem fuisse à CHRISTO baptizatum; Apostolos autem baptismi Ioannis esse baptizatos, eodémque baptismi baptizasse alios, non autem baptismi CHRISTI: Argumenta quibus vtrunque probat, & solutiones eorum, nec non & refutationem sententiæ eius, videat lector apud Lyranum super hoc loco. Sanè, Iansennius hoc in loco putat, Chrysostomi & Theophylacti sententiam esse probabilem: idémque pluribus verbis persuadere contendit Melchior Canus in libro octauo de locis Theologicis in capite quinto. Simile quid Chrysostomo tradit Rupertus in libro tertio commentariorum in Ioannem super illis verbis tertij capitis: *Nisi quis renatus fuerit ex aqua & Spiritu sancto &c.* & super illis verbis eiusdem capitis: *Venit IESVS in Iudeam, & morabatur ibi cum discipulis suis, & baptizabat.*

- 3 Altera huic planè contraria est sententia, CHRISTVM per se ac manibus suis baptizasse aliquos, & præcipuè ipsos Apostolos. Nicephorus in capite tertio libri secundi historię Ecclesiasticę Euodius Apostolorum discipulum laudat auctorem, à quo proditum sit, CHRISTVM suis manibus baptizasse B. Petrum, à Petro baptizatum esse Andream & filios Zebedæi, qui baptizauerunt alios Apostolos, à quibus baptizati sunt septuaginta duo disci-

Au Christum per se ac manibus suis aliquos baptizauerit.

Chrysost.
Theophylact.

Lyranus.
Iansennius.

Mel. Canus.

Rupertus.

Nicephorus.

Euodius.
A quo baptizati sunt Apostoli, & discipuli Christi.

Petrus Canisius.

puli CHRISTI. Petrus Canisius, vir nostræ societatis doctus pariter ac religiosus, quinque libros scripsit de Beata MARIA, sanè quàm eruditos & pios, in primi libri eorum quinque capite nono non temerè affirmat, Beatam virginem fuisse baptizatà à CHRISTO, vel certè ab Apostolis baptismo CHRISTI; & huius sententiæ adstipulatorem, & probatorem nominat Albertum Magnum, qui in libro de laudibus Beatæ Mariæ virginis in capite octogesimo primo tradit, Beatam virginem omnia sacramenta nouæ legis, præter sacramentum ordinis, accepisse.

Albertus Magnus.

Hæc sententia valide firmari hac ratione potest, sacramentum Baptismi conditum fuisse à CHRISTO cùm ipse baptizatus est in Iordane, ait Nazianzenus in oratione in sancta lumistarum Epiphaniarum, & Augustinus in Tractatu quinto & decimo tertio in Ioannem, in Epistola centesima octaua ad Seleucianam, & in sermone trigesimo sexto de tempore, qui est primus de Dominica infra octauam Epiphaniæ; de hoc etiam concors est Scholasticorum Theologorum sententia in distinctione tertia libri quarti sententiarum, vbi hoc tradidit magister sententiarum; idemque sensit & docuit nos B. Thomas in tertia parte in questione sexagesima sexta in Articulo secundo. Si sacramentum baptismi à CHRISTO institutum est ab initio & ante vocationem Apostolorum, non utique frustra institutum est, sed vt prædicaretur & ministraretur hominibus, & salutifer eius fructus illis tribueretur. Et Apostolos, qui, vt Ioannes ait hoc loco, baptizabant, non aliquàm CHRISTI baptismo baptizasse putandum est: nec ipsi baptizassent alios, nisi prius ipsi baptizati fuissent; quomodo enim tantum Baptismi CHRISTI fructum non ipsi expetiuisent, & accipere voluissent? Si autem baptizati sunt, non sanè ab alio quàm à CHRISTO: CHRISTVS igitur aliquos baptizauit. Et hoc probare licet auctoritate B. Augustini hoc ipsum in suprà dicta Epistola centesima octaua perspicuè disertèque docentis: Non omnia, inquit, quæ circa CHRISTVM & Apostolos gesta sunt, in Sacris litteris scripta sunt. Scriptum est, quando Apostolus Paulus baptizatus est; quando autem baptizati sint alij Apostoli, scriptum non est; verumtamen etiam ipsos baptizatos esse, intelligere debemus; vel Baptismo Ioannis; sicut nonnulli arbitrantur;

Nazianzenus.

Augustinus.

Magister sententiarum.

Theologi Scholastici.

S. Thomas.

Augustinus.

Alterum 9.

vel,

vel, quod magis credibile est, baptismo CHRISTI. Neque enim ministerio baptizandi eos defuit Dominus, ut haberet ipse baptizatos seruos, per quos ceteros baptizaret. Sicut nec defuit ipse memorabilis illius humilitatis ministerio, quando eis lauit pedes; & petenti Petro, ut non tantum pedes, verum etiam manus & caput ei lauaret, respondit: *Qui lotus est, non indiget nisi ut pedes lauet, sed est mundus totus.* Vbi intelligitur, quod iam Petrus baptizatus fuerat. Haecenus ex Augustino.

5 Restant duæ hoc loco quaestiunculæ, paucis expediendæ. Altera est hæc: Si CHRISTVS baptizauit Apostolos, quomodo Ioannes præcisè dixit, ipsum non baptizasse, sed discipulos eius? An quia tantum ab initio baptizare cœpit, postea desinit baptizare? An quia paucissimos tantum, suos videlicet domesticos baptizauit, non autem externos & quoslibet ad Baptismum venientes? An quia munus hoc baptizandi suis discipulis iniunxerat, & ipse prædicationi verbi vacabat? Altera quaestio est, Cur CHRISTVS frequentare noluit munus baptizandi? duas eius rei satis idoneas & probabiles causas reddere licet. Primò, id fecit Dominus ut exemplo suo doceret Ecclesiæ prælatos, debere potius eos insistere prædicationi verbi diuini, quam frequenti administrationi Baptismi occupatos à prædicatione impediri: Baptismus enim per quemlibet exhiberi potest; at verbum DEI non à quolibet condignè atque vtiliter tractari potest. Quocirca Paulus in primo capite prioris Epistolæ ad Corinthios scripsit: *Non misit me Dominus, inquit, baptizare, sed euangelizare.* Deinde, ne quis putaret, solum

Si Christus baptizauit Apostolos, quomodo dicatur simpliciter non baptizasse.

Cur Christus noluerit per se munus baptizandi exercere.

Locus 1. ad Cor. cap. 1.

Baptismum à CHRISTO traditum, efficacem & salutiferum esse; vel Baptismum à meliori datum, esse meliorem.

Fuere quondam in hoc errore Corinthij, alij

se aliis præferentes, quod vel à Petro,

vel à Paulo essent baptizati,

quos eo in loco grauiter

inrepat Paulus.

SECUNDA DISPUTATIO.

*Super illis verbis:*VERS. 7.
& 8.

Venit mulier de Samaria haurire aquam: dicit ei

IESVS, da mihi bibere. Discipuli enim
eius abierant in ciuitatem, vt
cibos emerent.

VLIER illa Samaritana typum gessit gentilitatis 6
ante CHRISTI aduentum. Gentilis enim po-
pulus ad puteos Philosophorum currebat, vt hau-
raret aquam veritatis & sapientiæ: Philosophi enim
profitebantur habere se puteos aquæ viuæ, id est,
tradere posse hominibus rerum omnium scientiam, certamque
rationem bene, ac tranquillè, beatæque viuendi: sed profectò
mentiebantur, maiora ipsò effectu, & facultate sua proficientes at-
que promittentes. Habebat quidem Epicurus puteum, sed impu-
ræ voluptatis. Habebat Plato & Platonici puteum, sed adumbra-
tæ diuinitatis atque pietatis. Habebat Zeno & Stoici puteum, sed
simulatæ honestatis, & commentitiæ virtutis: talem enim profite-
bantur & iactabant virtutis perfectionem, qualem nec habebant
ipsi, nec mortalium quisquam, sine speciali auxilio DEI, habere
poterat. Habebat Pythagoras puteum, sed superstitiosæ religionis,
& magicarum vanitatum atque fallaciarum. Habebat denique
Aristoteles. Aristoteles puteum, sed eius duntaxat doctrinæ quæ sensuum mi-
nisterio & adminiculo comparari posset; in principali autem sa-
pientiæ parte quæ ad DEVM & res diuinas, & humanum ani-
mam pertinent, satis ieunus, & obscurus, atque perplexus fuit.
Erant itaque Philosophorum cisternæ dissipatæ, vt Hieremiæ simi-
litudine vtat, quæ non valebant continere aquas bonas & salu-
bres, sed aquas pestilentes bibentibus, vel certè bibentium sitim
nequaquam explentes.

*Necessitas &
vis gratia
Dei prae-
ueniens homi-
nem.*

Huic mulieri Samaritanæ non quærenti, imò prorsus ignorant 7
CHRISTVM, vltro ipse occurrit, multaque mysteria, & se ipsum
manifestauit, in quo agnoscimus necessitatem & vim gratiæ DEI
præue

præuenientis hominem, nihil de salute sua, vel etiam contraria salutis suæ cogitantem vocantis ad se, & ut venire queat adiutantis. Et hoc non solum cernere licet in gratia DEI iustificante ac sanctificante hominem, sed etiam in aliis DEI gratiis, quas vocant gratis datas. Apostolos ipse in mari piscantes, Matthæum in T^{er}lonio sedentem, Saulum Ecclesiam CHRISTI hostiliter insectantem vocauit ad Apostolatium. Saulem asinas patris sui quarentem, Dauidem patris sui gregem pascentem ad regie dignitatis & potentie fastigium euexit. Natiuitatem CHRISTI ante omnes nuntiabant Angeli pastoribus aliud agentibus, nec de ea re cogitantibus.

- 8 Sequuntur illa verba, *dicat ei IESVS, Da mihi bibere.* Sermocinandi cum illa muliere Samaritana initium fecit CHRISTVS à petitione potus; petiit autem potum, postquam illa mulier hauserat aquam ex puteo. Sed cur CHRISTVS tam durè cum muliere Chananæa, tam blandè verò cum hac muliere Samaritana egit? An quòd illa figuraret statum gentilitatis ante CHRISTI aduentum, quam tunc despexisse DEVS videbatur; hæc autem Samaritana referret statum populi gentilis post CHRISTI aduentum, quo tempore magnam DEVS erga illum benignitatem & misericordiam exhibuit? An potiùs ut illius maximam fidem & constantiam magis declararet in confusionem & condemnationem infidelitatis Iudæorum: Samaritanam verò blandè & affabiliter tractauit, ut eam, & per eam plures Samaritanos ad fidem alliceret? Petiit CHRISTVS potum ab illa muliere, ut hinc occasionem cum ea loquendi caperet; ipsa enim, & quia mulier erat, & quia Samaritana, non esset ausa prior & ultro CHRISTVM alloqui: vnde nactus loquendi opportunitatem CHRISTVS, non curauit postea potum ab ea petere. Non sum nescius, CHRISTVM fatigatum itineris labore, & ardore solis meridiani, sitibundum indiguissse potu: sed etiam scio, non ei fuisse opus ministerio illius mulieris ad bibendum: Cui enim Angeli esurienti ministrarunt cibos in deserto, cur non etiam sitienti potum præbuisent? Cur qui paucillum panis ad satietatem multorum millium hominum multiplicauit; non itidem vel vnâ aquæ guttam quo non suo tantum, sed multorum quoque potui sufficeret, multiplicare posset?

Matth. 4. &
9.

Act. 9.

1. Reg. 9. &
16.
Luc. 1.

Matth. 15.
Cur Christus
tâ durus erga
Chananæam
fuerit, erga
Samaritanam
verò tâ blandus
& affabi-
lis.

Cur Christus
potum petierit
à muliere
Samaritana.

Matth. 4.

Ibid. 14. &
15.

Numero. 21.
Iudicum 14
3. Reg. 19.
4. Ibid. 6.

Cur Deus
multa à nobis
petat.

posset: nimirum, ipse de petra Hebræis, ex maxilla asini Sampsoni, per Angelum Eliæ potum dedit. Poterat CHRISTVS sua diuina potentia facere, vt aqua illius putei ex imo vsque ad summum putei adscenderet; sicut Eliseus ferrum aquis demersum, supra aquas fecit adscendere. Petiit igitur CHRISTVS ab illa muliere potum, magis propter ipsius vtilitatem, quàm suam: quæ etiam de causa multa DEVS à nobis exigit, non suæ, sed nostræ vtilitatis causâ; quo scilicet nobis bene agendi, benèque merendi amplam suppeditet materiam. Petiit à nobis, quæ prior ipse dedit nobis; Scriptum enim est in priori libro Paralipomenon: *Quæ de tua manu accepimus, ea reddimus tibi.* Et quasi non sua essent dona, sed omnino nostra opera, ea rependit, & sempiterna mercede remuneratur.

Cur Christus
remansit solus.

Restant illa verba: *Discipuli enim eius abierant in ciuitatem, vt cibos emerent.* Solus remansit CHRISTVS, quò posset commodius, & sine pudore atque infamia illius mulieris, secreta eius vitia ei aperire: nec sanè præsentibus discipulis occasionem habuisset petendi ab illa muliere potum; nec tam longum cum ea miscendi sermonem. Consideret hoc loco lector paupertatem CHRISTI & discipulorum, & incuriam, neglectumque rerum corporalium, etiam quibus humano victui opus est: videlicet, iter facturi per gentem Samaritanam Iudæis inhospitalem atque infestam, non tulerant secum viaticum perficiendo itineri sufficiens; & alio loco scriptum est, discipulos CHRISTI præ fame, ex cibi inopia, velendo spicas comedisse. Hinc quoque apparet, CHRISTVM & discipulos eius non esse solitos victum ostiatim mendicatò quærere; sed habuisse in commune pecunias ad victum comparandum, ex elemosynis tamen religiosarum mulierum quæ CHRISTVM sequebantur, & necessaria illi ex suis facultatibus subministrabant: nam & legimus, Iudam habuisse loculos, curamque emendi ad communem CHRISTI & discipulorum victum pertinentia.

Vnde Christus
& discipuli necessaria
victui habebant.
Luc. 8.

Iou. 13.

Sed in quam ciuitatem discipuli abierant, vt cibos quærerent? 10
verisimile est iuisse eos in ciuitatem Sichem, propinquam ei loco
vbi remanserat CHRISTVS, quatuor nempe, vel quinque ho-
rarum itinere distantem; ea verò ciuitas postea denuò ædificata &
ampli

amplificata, & magnis, pulchrisque ornata est ædificiis ab Herode rege in honorem Augusti Cæsaris, atque eius nomine appellata, dicta enim est Sebaste, quod Latine sonat, *Augusta*. Hæc olim vocabatur Samaria, & caput fuit regni Israël, ac decem tribuum. Verum, cum CHRISTVS venisset discipulos suos intrare in ciuitates Samaritanorum, dixit enim illis, vt narrat Matthæus, *in viam gentium ne abieritis, & in ciuitates Samaritanorum ne intraueritis*, quomodo tunc eos ad ciuitatem Samaritanorum ire passus est? Sed scire conuenit, CHRISTVM tunc non omnem prohibuisse ingressum ad Samaritanos, præsertim verò necessarium victus querendi causa: sed vetuisse ingressum ad eos ad conuersandum cum ipsis familiariter & commercia tractanda; præcipuè vero ad prædicandum Euangelium; hoc enim seruauerat ad tempus post Passionem suam. Similiter Theologi Ecclesiasticæ legi quæ vetat agere cum excommunicatis, excipiunt aliquot causas, ob quas id, citra violationem legis, & sine crimine fieri licitum sit.

Locus Matth. cap. 10.

Quomodo discipuli iuerint in ciuitatem Samaritanorum, quibus ingressum ad eos Christus interdixerat.

TERTIA DISPUTATIO.

Super illis verbis:

Non enim contumuntur Iudæi Samaritanis.

VERS. 9.

Explicantur octo causæ mutui Iudeorum & Samaritanorum dissidij atque odij.

11 **N**ONNULLA de regione ac gente Samaritanorum hoc in loco paulò altiùs repetenda sunt, quo causæ tanti dissidij & odij, quantum fuisse olim inter Iudæos atque Samaritanos legimus, planiùs, pleniusque cognoscantur. Regio Samariæ quondam habitabatur à tribu Ephraim & à dimidia tribu Manasse. Dicta est Samaria à monte Somer, in quo monte Rex Israël Amri pater Regis Achab ædificauit ciuitatem, quam nominauit Samariam, Hebraicè Schomeron, vel ex nomine montis illius, vel ex nomine Domini à quo montem illum rex emendat: quæ ciuitas caput regni Israël & decem tribuum fuit.

Ii qua

qua de re scriptum est in libro tertio Regum cap. 16. Qui eam regionem colebant ante captiuitatem decem tribuum, communi vocabulo Israëlitarum appellabantur: sed Rex Assyriorum abductis in captiuitatem decem tribubus, pro illis misit ex variis ciuitatibus Moediarum, maximè verò ex Cuta colonos eius regionis; quamobrem longo postea tempore dicti sunt Cutæi, deinde Samaritani. Verùm, quia propter earum gentium idololatriam vehementer ea regio infestabatur à leonibus, missi sunt à Rege sacerdotes Iudæi, qui eos cæremoniis & ritibus Iudaicis imbuerent & erudirent, & ea ratione cessauit illa plaga. Sed postea illi miscentes cultum veri DEI cum superstitionibus gentium, simul DEVM Iudæorum, deosque aliarum gentium colebant: & consequentibus temporibus variis corrupti sunt erroribus à quodam Dositheo transfuga Iudæorum, & propriæ sectæ conditore, quem Epiphanius tractans Hæresim decimam tertiam ait fuisse ante CHRISTI aduentum; Egesippus verò scribit eum fuisse post CHRISTI tempora, imperante Romanis Nerone. Seducti etiam postea sunt à Simone Mago, vt in capite octauo libri de Actis Apostolorum refert Lucas.

Iudæi porrò similiter oderant & execrabantur Samaritanos, vt nos Catholici Hæreticos, & magnæ contumeliæ loco CHRISTVM Dominum appellarunt Samaritanum, dicentes. *Quia Samaritanus es tu, & Damonium habes.* quemadmodum si nos appellarimus aliquem Lutheranum vel Vgonotum; Cur autem Iudæi tantopere oderint, & abominati sint Samaritanos, octo causas reddere licet: Prima causa: quia Samaritani erant oriundi ex Assyriis, à quibus Iudæi maximis fuerant calamitatibus contriti, & abstractis in seruitutem decem tribubus, potentiam & amplitudinem Iudæorum maiorem in modum illi diminuerant & debilitauerant. Secunda causa: quia Samaritani possidebant regionem quæ pertinebat ad hæreditatem Iudæorum, quam scilicet Tribus Ephraim & dimidia Tribus Manasse tenuerant. Tertia causa: quia illi verum DEVM Iudæorum, & falsos gentium deos pariter colebant, miscebantque Iudaicas cæremonias cum superstitionibus Gentilium. Quarta causa: quia Samaritani pro sacris libris solos quinque libros Moysei recipiebant, cæteros autem omnes & histori

*Dositheus.**Epiphanius.**Egesippus.**Ioan. 8.**Octo causas, ob quas Iudæi abominantur Samaritanos.*

historicos, & propheticos, & sapiētiales libros abiiciebant. Quinta causa: quia Iudæos post reuerfionē eorū ex captiuitate Babylonica tēplum Domini ædificare aggressos, quoquomodo illi ab ædificatione deterrere & remouere conati sunt, sicut in capite quarto prioris libri Esdræ scriptum est. Sexta causa: Erant Samaritani inconstanti admodum, & simulata fide ac beneuolentia erga Iudæos: nam secundis Iudæorum rebus, iactabant se Iudæorum esse gentiles, sicut Alexandro magno fautori & benefactori Iudæorum, Samaritæ Iudæorum se cognātos esse professi sunt. At verò, aduersis Iudæorum rebus, vt in persecutione Antiochi Epiphanis, non modò se vt alienos, verum etiam vt inimicos atque infestos Iudæis gerebant, negantes, se oriundos ex Iudæis esse, sed partim ex Assyriis, partim ex Sidoniis ortos dicebant, sicut Iosephus libro vndecimo & duodecimo antiquitatum copiosè scribit.

Alexander Magnus.

Iosephus.

- 13 Septima causa, eaque grauissima, fuit huiusmodi: ædificā runt Samaritani templum in monte Garizim ad æmulationem templi Hierosolymitani, cui præfecerunt sacerdotes, & instituere sacrificia. Hinc exitit inter vtranque gentem de præstantia templi vehemens altercatio; in tantum prouecta, vt ad regem Ægypti Philometorem, quasi arbitrum & iudicem delata sit. Rex cognitis vtriusque gentis, diiudicatisque rationibus, sententiam Iudæis adiudicauit: sed nihilominus tamen perdurauit ea altercatio vsque ad tempora huius mulieris Samaritanæ; id enim intelligere licet ex illis eius mulieris verbis: *Patres nostri in monte hoc adorauerunt, vos dicitis quia Ierosolymis est locus, ubi adorare oportet.* Octaua causa: Samaritani magno, & pernicioso erant Iudæis scandalo: etenim quicumque Iudæorum propter violationem legis, vel ob alia scelera non poterant impunè ac tutò in Iudæa versari, transfugiebant ad Samaritanos: cuius perfugij fiducia, audaciores ad quæcunque flagitia patranda reddebant plurimos, vt in libro vndecimo antiquitatum narrat Iosephus. Ob has itaque octo causas Iudæi vehementer oderant & detestabantur Samaritanos.

Rex Ægypti Ptolemaeus Philometor.

Iosephus.

Samaritanos esse Christi & Apostolorum fuisse propensos ad pietatem, & ad fidem Christianam.

- 14 At enim verò, in tempore CHRISTI Domini & Apostolorum fuisse Samaritanos ad pietatem propensiores, & dociliores disciplinæ Euangelicæ, & ad fidem CHRISTI accipiendam paratiores, satis manifestum fit exemplo huius mulieris, & Samarita-

norum, quorum multos, biduo tantum cum illis versatus **CHRISTVS** ad fidem suam adduxit, ut in hoc ipso capite quarto narratur. Et inter decem leprosos à **CHRISTO** sanatos, vnus duntaxat, qui erat Samaritanus, ad agendas ipsi gratias regressus est, ob idque præconio Domini commendatus. Ille quoque infelix homo Hierosolymis profectus in urbem Hierico, & in itinere spoliatus à latronibus, grauitérque vulneratus, cum à Leuita & à Sacerdote illac prætereuntibus esset neglectus, à solo Samaritano benignè acceptus & curatus est. Denique, in primo anno post Domini passionem, Samaritana gens, prædicante Euangelium ei Philippo, verbum **DEI** recepit: cuius gentis ad **CHRISTVM** conuersionem tanti fecere Apostoli, ut ad eam magis erudiendam & confirmandam duo primarij Apostoli, Petrus & Ioannes profecti sint.

QVARTA DISPVATIO.

Super illis verbis:

VER. IO.

Qui biberit ex aqua quam ego dabo ei, non sitiet in æternum.

*Exponuntur quindecim causæ, ob quas gratia **DEI** sæpe in Sacra scriptura vocabulo & similitudine aquæ denotatur.*



SUPER hisce verbis duæ quæstiones diligenter explicandæ sunt: prior quidem, quæ tractabitur in hac quarta disputatione, Cur gratia **DEI** & hic, & multifariam alibi in Sacris litteris vocabulo & similitudine aquæ denotari soleat? posterior autem quæstio, quæ discutietur in proximè sequenti disputatione, hæc est, quomodo intelligendum sit, eum qui biberit aquam **CHRISTI**, id est, gratiam eius acceperit, non sitire in æternum?

*Sex effectus
gratia **DEI** si-
miles effecti-
bus aquæ.*

Cur autem gratia **CHRISTI** vocabulo & similitudine aquæ frequenter in Sacris litteris declaretur, complures, satisque probabiles causæ & rationes afferri possunt. Prima causa: gratia **DEI** sex habet spirituales effectus, perquàm similes corporalibus effectibus

atibus aquar. Gratia enim D E I mundat animam , eluens sordes peccatorum : gratia D E I restinguit ardorem concupiscentiæ : gratia D E I tollit sitim & cupiditatem rerum terrenarum : gratia D E I per affectum amoris conglutinat hominem cum D E O & cum proximo : gratia D E I fecundat animum, reddens eum fertilem bonorum operum : Et quemadmodum aqua , cum vnius sit naturæ, varios tamen in rebus variis effectus, & interdum contrarios gignit, vt in lilio colorem candidum , in Narcisso nigrum , in rosa rubrum , in viola purpureum;& in ficu producit dulcedinem, in absynthio amaritudinem : ita D E I gratia quibusdam præcipue tribuit spiritum humilitatis & timoris ; aliis spiritum fiduciæ & magnanimitatis; in quibusdam suscitatur spiritum mœroris & tristitiæ; in aliis lætitiæ atque hilaritatis : nonnullos fugere facit confortia hominum, & solitudines petere ; alios ad tractandos iuuant, & quosque homines incitat : Nonnullos erigit ad contemplationem, & in ea detinet ; alios incendit studio colendi vitam actiuam , eternaque virtutum officia exercendi.

- 16 Secunda causa : Aquarum partim de cœlo defluunt, partim scaturiunt è terra, partim ex mari per occultos terræ meatus permanent : Similiter gratia à solo D E O infunditur homini , & ex corde eius scaturiens exit foras edendo bonas actiones & præmio vitæ æternæ dignas: atque ex immenso illo mari gratiæ C H R I S T I per occultos quasi meatus & canales Sacramentorum ad animos hominum deriuatur. Tertiâ causa: gratia D E I in Sacris litteris vocatur fons , ob perennitatem atque indeficientiam : nominatur flumen propter abundantiam, perpetuumque cursum : dicitur puteus propter occultam gratiæ præsentiam , & quia laborem requirit hauriendi : appellatur mare, quia sæpe coniuncta sit cum multarum rerum asperitate & tanquam amaritudine , & quia per eam nauigamus, portum cœlestis gratiæ petentes. Quarta causa : diuina scriptura duplices facit aquas, alteras quidem cœlestes siue supercœlestes ; alteras verò terrestres ; & illas quidem potissimum inuitat ad laudandum D E V M , vt cernere licet in Psal. 148. & in Cantico trium puerorum: Sic etiam duplex est gratia vna consummata & beatifica , quam habent cœlites , quorum perpetua occupatio est, sine intermissione laudare D E V M : vt in eos verissime

*Cur gratia
Dei in Sacris
litteris vocetur
nominis
fontis . &
fluminis , &
putei, & maris.*

Psal. 83. illud Dauidis dici queat, *Beati qui habitant in domo tua Domine, in secula seculorum laudabunt te.*

Quinta causa: Sicut Philistæi omnes puteos quos foderat Isaac & serui eius, obstruxerunt, præter vnum puteū, sicut narratur in lib. Gen. cap. 26. Sic putei bonorum temporalium obstrui possunt, quia possunt ea bona nobis auferri, diuitias dico, honores, sanitatem, amicitias; at puteus diuinæ gratiæ nullo modo, nobis nolentibus, obstrui potest, gratia quippe DEI nulla vi potest inuito homini auferri.

Sacramenta esse tanquam aqua ductus diuinæ gratiæ.

Sexta causa: Holophernes videns Bethulienfes, nisi aqua eos deficeret, inexpugnabiles fore; conatus est aquam ab illis auertere, aquæ ductus intercidendo: ita Diabolus per Hæreticos conatur Ecclesiæ auferre legitimum usum & cultum Sacramento-
rum, quæ sunt tanquam aquæ ductus diuinæ gratiæ ad hominem.

Septima causa: legitur in lib. tertio Regum cap. 17. longo tempore non pluuisse super terram Israël; orante autem Eliâ, nubecula quædam è mari ascendens, paulatim adeo est dilatata, vt cælum vsquequaque obtegens largissimos fundere imbres: similiter DEVS super gentilem populum, vsque ad CHRISTI aduentum, non effuderat gratiæ suæ imbres; sed CHRISTO è mari passionis cælus ascendente, effusa est ingens copia diuinæ gratiæ, & singuli Apostolorum facti sunt tanquam flumina ad omnes terræ partes irrigandas ac fecundandas: & ad hoc non ineptè applicari posset illud quod in Psalmo sexagesimo quarto scriptum est: *Visitasti terram, & inebriasti eam, multiplicasti locupletare eam: flumen DEI repletum est aquis.* Huc etiam spectat illud Esaïæ vaticinium quod est in capite 43. *Ecce, inquit, ego facio noua, & nunc orientur, utique cognoscetis ea: ponam in deserto viam, & in inuio flumina: glorificabit me bestia agri, dracones & struthiones; quia dedi in deserto aquas, flumina in inuio, vt darem potum populo meo, electo meo: populum istum formauit mihi, laudem meam narrabit.* Huc etiam accommodari potest illud Mardochei somnium quod narratur in capite decimo libri Esther: Mardocheo visus est in quiete primò fons quidam paruus, mox in magnum flumen amplificatus, & redundans in aquas plurimas; postea mutatus in lucem & solem.

Locus Esaïæ cap. 43.

Locus Esther cap. 10. Somnium Mardochei.

Hac enim visione præfigurata est gratia Euangelij, continens aquam diuinæ

diuinæ gratiæ, qua lauātur peccata & bona cœlestia comparantur; & solem diuinæ sapientiæ tenebras errorum in toto mundo discutientis.

- 18 Octaua causa: dicitur aqua uiua, quæ continuato cum sua origine cursu perenniter fluit; & quàm altè oritur aqua, tam altè etiam potest ascendere. Sic se habet gratia, proueniens à DEO & ab ipso semper pendens & saliens ad vitam æternam: nam ut dixit Paulus: *Gratia DEI vita æterna*, neque enim aliud est gloria æterna, quàm ipsa gratia vsquequaque consummata; gratia est quasi semen, gloria est tanquàm fructus eius.

Ad Rom. 8.

Nona causa: quæadmodū si quis haberet fontē aque in terra viscera sua perpetuò interiora eius humectantē ac refrigerantem; nunquā ille sitiret: similiter affectus est qui gratiā DEI habet in corde suo; & hæc gratia dicitur salire in vitam æternam, quia producit opera bona, per quæ eleuatur homo ad merendum & comparandum præmium æternæ vitæ.

- 19 Decima causa: Maior est in hyeme aquarum copia quàm in æstate; & aqua salsa maris multò plures & grandiores fert pisces quàm aqua dulcis; & in aqua salsa facilius & tutius quàm in dulci nauigatur & natatur. Consimili ratione, gratia DEI rebus aduersis magis quàm secundis augefcit, & roboratur, & perficitur, ut luculentè Paulus in Epistola ad Romanos cap. 5. & in sua Catholica Epistola Iacobus demonstrarunt. Huius rei manifestum est illud argumentum, quòd Primitiua Ecclesia quò pluribus est agitata & conflictata persecutionibus, eò maioribus locupletata est diuinæ gratiæ diuitiis, maioribusque firmata præfidiis; nimirum in tolerandis malis fortior, & in bene agendo feruentior atque fecundior.

Gratia illustrior & fortior & perficior est in rebus aduersis quàm secundis.

- 20 Vndecima causa: licet homini sano & robusto aqua sufficit ad potum, plurimis tamen, propter infirmitatem valetudinis, salubrior est potus ex aqua & vino temperatus: Sic etiam, licet sola gratia per se sufficiens homini sit ad consequendam salutem animæ; gratiæ tamen adiungenda est doctrina, quò melius Ecclesia gubernetur, fideles erudiantur & in fide confirmantur, & aduersarij Christianæ disciplinæ validius profligentur. Huiusmodi potum miscet in CHRISTI Ecclesia diuina sapientia, & offert omnibus

Temperatum aqua & vini significat consuetudinem gratiæ cū doctrina, quàm salubre sit homini.

*Locus libri
Prouerbior.
cap. 9.*

omnibus ad bibendum; de quo scriptum est in capite nono libri Prouerbiorum: *Sapientia edificauit sibi domum, posuit mensam suam; miscuit vinum, omnesque inuitans ait: Venite, comedite panem meum, & bibite vinum quod miscui vobis.* Sola aqua non corroborat debilem stomachum; solum vinum inebriat, & cōturbat vsum rationis, pluresque parit morbos: vtriusque autem, vini & aquæ inuicem mixtio & temperatio, salubrem pariter facit atque iucundum potum.

*Locus Ezechiel.
cap. 47.*

*Visti Ezechielis
magnam
gratia Dei
vim præfigu-
rari.*

Duodecima causa: Propheta Ezechiel, vt narrat ipse in capite 21 quadragesimo septimo, vidit in spiritu torrentem aquæ ex templo DE I egredientis; qui, quascunque alias aquas, prius noxias, attingebat, continuò sanabat, & salubres ad potandum reddebat; gignebat præterea ingentes atque optimos pisces, & vtrinque in ripis suis pulcherrimas & fructuum optimorum feracissimas arbores procreabat: huiusmodi ferme est gratia DE I, quæ coniuncta cum diuitiis terrenis, & cum honoribus & dignitatibus humanis, & cum externis & profanis doctrinis, quæ res plerisque hominibus magnum animæ detrimentum afferre solent; eas res ipsa gratia reddit vtilis, pluriùmque bonorum fertiles. Decima tertia causa: In fontibus minor est aqua, & magis particularis; in fluminibus copiosior est atque vniuersalior; in mari Mediterraneo multò plus est aquæ quàm in fontibus vel fluminibus; in Oceano autem, qui est quasi matrix & origo aquarum, inestimabilis aquæ copia est. Similiter gratia DE I in minoribus sanctis, suæ tantùm vel paucorum saluti studentibus, est sicut aqua in fontibus: at in Apostolis, aliisque maximis sanctis plurimorum vtilitati deseruientibus, est gratia tanquam in fluminibus; in Beata autem Virgine est tanquam in mari; in CHRISTO autem tanquam in ipso Oceano.

*Quomodo
aqua cū terra
coniunctio de-
fignet coniun-
tionem gratia
cum libero
Arbitrio.*

1. ad Cor. 15.

Decima quarta causa: nec aqua sine terra, nec terra sine aqua 22 separatim consistere possent, sed vtraque indiget alterius admixtione & adminiculo: aqua enim indiget terra vt fundamento ad subsistendum: terra indiget aqua tanquam glutine, ne dissipetur, & in puluerem resoluatur, & vt per aquam fixandetur; terra enim penitus expers aquæ non modò sterileceret, sed in puluerem tota resolveretur. Ad eundem ferme modum se habet gratia DE I & liberum hominis Arbitrium: nam nec liberum Arbitrium quidquam valeret sine gratia; neque gratia sine libero Arbitrio faceret opera

opera quibus homo verè diceretur mereri vitam æternam. Vnde Paulus dixit: *Non ego autem sed gratia DEI mecum.* Decima quinta causa: quemadmodum omnia flumina exeunt ex mari, & denique reuertuntur ad mare, vt scriptum est in principio libri Ecclesiastice: ita gratiæ omnium Sanctorum CHRISTVS principium & finis est: nam vt suprà scripsit Ioannes, *De plenitudine eius nos omnes accepimus, gratiam pro gratia.* Et finis omnium sanctorum est, cõformes fieri imaginis filij DEI, vt Paulus dixit: vt CHRISTVS videlicet, qui caput est omnium electorum, habeat membra similia sibi, id autem est, sancta, sicut ipse sanctus est: vnde ipse dixit in Apocalypsi: *Ego sum principium & finis: & qui est principium creature DEI.*

Ioan. 1.

Ad Rom. 8.

Apoc. 1.

Ibid. 2.

QVINTA DISPUTATIO.

Super illis eisdem verbis:

Qui biberit ex aqua quam ego dabo ei, non sitiet in æternum.

VER. 10.

Declaratur, quomodo intelligendum sit, qui biberit aquam CHRISTI, eum non sitire in æternum.

23 **S**EQVITVR altera quæstio, quam suprà diximus esse in hac disputatione tractandam, Quomodo intelligendum sit, qui semel biberit aquam CHRISTI, id autem est, gratiam eius acceperit, eum non sitire in æternum: cum sæpe contingat, vt qui gratiam CHRISTI accepit, diuque tenuit, postea eam amittat, neque vnquam deinceps recuperet; & qui CHRISTI gratiam habet, etiam tunc cum eam habet, magis sitiat, testante hoc Domino: *Beati qui esuriunt & sitiunt iustitiam, quoniam ipsi saturabuntur.* Et de diuina sapientia scriptum est: *Qui edunt & bibunt eam, adhuc esurire & sitire eam.*

Matth. 5.

Ecd. 24.

Sex res in furi corporali inueniuntur.

Verum, quò distinctius, & enucleatius quæstio hæc tractetur, duo lectorem prænosse conuenit. Primò sciendum est, in siti corporali sex res inueniri: Prima est, defectus humidi & frigidi naturalis per caloris naturalis vim, & actionem consumpti: Secunda

Kk

res,

res, pœna corporalis, quæ ex illo defectu accidit homini cum crucians, si diu potus differatur: Tertia res, est ariditas & siccitas corporis humani, & nisi subueniatur, defectio virium & vitæ, ac denique interitus: & in ipsa terrâ defectus aquæ, quasi potus, facit eam sterilefcere, atque in puluerem resolui: Quarta res, est ardens desiderium potus, hoc autem est, appetitus frigidi & humidi, quo nimirum reficiatur id quod perditum fuerat: quinta res, in sitiiente, cum bibit, & dum bibit, simul est & desiderium amplius bibendi, & voluptas ex eo quod bibit. Sexta res, extincta iam siti accidit facietas potus, & fastidium amplius tunc bibendi; itaque si amplius biberet, qui sitim bene iam expleuit suam, non solum non biberet cum voluptate, verum etiam magno biberet cum fastidio.

*Duplex sitis
humani ani-
mi, altera tem-
poralium, al-
tera æternorum
bonorum: &
illa triplex,
hæc autem
quintuplex
est.*

Deinde, intelligendum est, duplicem esse sitim humani animi: 24
alteram quidem esse bonorum temporalium; alteram verò bonorum cœlestium & æternorum. Sitis bonorum temporalium triplex est: illa enim sitis & cupido bonorum temporalium est triplex; vel habendi bonum temporale quod non habetur; vel quod iam habetur, magis indies augendi; vel id conseruandi, &, quoad eius fieri queat, perpetuandi. Sitis autem & desiderium bonorum spiritualium & cœlestium, quintuplex est. Vna est, vt habeatur DEI gratia quæ non habetur, quam sitim habet peccator pœnitens, & ad iustificationem tendens. Altera sitis est, vt accepta iam gratia magis indies augeatur & conseruetur vsque ad finem. Tertia est, vt gratia consummetur per clarâ & beatificam DEI visionem atque fruitionem. Quartam sitim Beati habent in cœlis glorificationis suorum corporum; quæ tamen sitis est in illis sine pœna, quia certissimam habent illius spem, & quia illius dilatio facit ad maiorem DEI gloriam & cœlestis curiæ gaudium; de quo scriptum est in sexto capite libri Apocalypsis, & à nobis super eo ipso loco in tertio Tomo selectarum disputationum nostrarum in Apocalypsim, copiosè disputatum. Quinta quoque sitis in ipsis est beatis; qui semper videntes DEVM, semper videre eum desiderant, secundum illud B. Petri dictum: *In quem desiderant Angeli prospicere.* & illud diuinæ sapientiæ, quod est in vigesimo quarto capite libri Ecclesiastici: *Qui edunt me, adhuc esurient; & qui bibunt me, adhuc sitient.* Illud enim beatorum desiderium nec pœnam habet,

bet, & omne penitus excludit fastidium.

- 25 Duabus hisce rebus prenotatis, ad propositam suprà quaestionem respondendum est hoc modo. Gratia DEI dicitur tollere sitim hominis multas ob causas. Primò, quia DEI gratia, quantum in ipsa est, vim habet tollendi, & sitim & omnes defectus corporales; non quidem in hac vita, sed in futura vita post corporum resurrectionem, cum Beati, etiam corpore immortales atque impassibiles erunt: de illis enim scriptum est: *Non esurient neque sitient &c.* Si enim Moyse & Elias, etiam dum erant in corpore mortali & passibili, gratia DEI eos sustentante, totos quadraginta dies, sine fame, sitique perdurârunt; quantò magis id in beatis præstare poterit gratia consummata & beatifica? tollit præterea DEI gratia sitim hominis, quia immoderatam cupiditatem bonorum temporalium ei aufert; interiùs demonstrando ei breuitatem & instabilitatem, atque inanitatem eorum bonorum; quorum scilicet possessione non modò non extinguitur sitis humani appetitus, sed magis etiam incenditur. Contrà verò, gratia ostendit homini dignitatem & iucunditatem, æternitatemque bonorum celestium, quæ non solum omnem animi humani sitim & cupiditatem explere & satiare, sed etià sempiterno xpo vsque quaque beatum facere eum possunt.

Quibus modis gratia Dei auferat sitim homini.

Apo. 7. Exod. 24. & 34. Reg. 19.

- 26 Ad hæc, gratia tollit sitim spiritualement hominis, quia tollit peccatum, quod secum habet quadruplicem causam sitis. Etenim peccatum affert defectum frigidi & humidi, id autem est, beneuolentiæ ac fauoris diuini, quo refrigeratur, & recreatur, & sustentatur humanus animus. Peccatum item suscitatur inordinatum atque immoderatum desiderium bonorum temporalium, quod desiderium præsentia diuinæ gratiæ vel extinguitur, vel satis mitigatur & corrigitur: Huc spectat illa Salomonis in decimo tertio capite libri Prouerbiorum sententia: *Iustus comedit, & replet animam suam; uenter autem impiorum, insatiabilis.* iuxta quam sententiam & illa est Davidis: *Melius est modicum iusto super diuitias peccatorum multas.* Peccatum præterea perpetuo spirituali angore & mœrore cruciat animum hominis, sicut vehemens sitis corporalis ipsum corpus, propter pudorem uidelicet atque pœnitentiam malorum quæ homo admisit, & ob metum diuini iudicii ac vindictæ. Denique peccatum

Peccatū habere in se quadruplicem causam spirituales sitis hominis.

Locus Prouerb. cap. 13.

Psalm. 33.

catum facit perpetuam quandam animi ariditatem & sterilitatem; de quo nempe licet dicere illud Davidis: *Aruit tanquam testa virtus mea.* & illud, *Percussus sum ut fenum, & aruit cor meum, quia oblitus sum comedere panem meum.* Quasi diceret, quemadmodum herba solis ardore percussa, aut falce demessa, continuo exarescit: ita animus meus, propter admissum peccatum, diuinæ gratiæ humore defectus, arefcit, & sterilefcit, vt verè dici queat illud Davidis: *Anima mea sicut terra sine aqua tibi.* Quoniam igitur gratia DEI tollit omne peccatum mortale, ideo simul etiam tollit sitim spiritualem, vt dictum est, quadruplicem, quæ oritur ex peccato.

Quomodo gratia Dei sitim tollat in æternum.

Restat illud explicandum, quomodo gratia DEI si quis hominis tollat in æternum: cum satis constet, multos qui gratiam DEI acceperunt, postea eam amittere, & denuò ad pristinam sitim peccati redire. Dicendum itaque est, gratiam DEI, quantum in ipsa est, vim habere non modò semel auferendi homini peccatum, sed etiam perpetuò eum ab omni peccato seruandi: ex infirmitate tamen ac fragilitate naturæ nostræ, & ex volubilitate nostri liberi Arbitrij accidere, vt ex peccato ad gratiam, & ex gratia ad peccatum subinde mutemur. Quemadmodum, cum medici aiunt, hoc vel illud medicamentum habere virtutem sanandi hunc vel illum morbum, vel tuendæ ac seruandæ bonæ valetudinis, intelligi debet, habere medicamentum eam vim ex naturali sua facultate ac potestate, ac si eo medicamento agrotus in loco, & in tempore, & quomodo oportet, vtatur. Consimili etiam ratione intelligendum est illud, quod Dominum dixisse Iudæis, infra in cap. 6. huius Euangelij scriptum est: *Patres, inquit, vestri manducauerunt Manna, & mortui sunt, quia illud Manna virtutem habebat arcendi famem atque mortem, non in perpetuum, sed ad breue aliquod tempus. Qui manducat hunc panem, viuet in æternum.* Panis CHRISTI videlicet per se sufficiens est dare immortalitatem homini, nisi eius homo ipse impediat effectum. Ad eundem igitur modum intelligere oportet quod in hoc loco dictum est à Domino: *Qui biberit ex aqua quam ego dabo ei, non sitiet in æternum.*

Quid in hac disputatione sapius vsurpauit gratiæ vocabulum significet.

Sciat porro lector, nos in hac disputatione sapius vsurpasse vocabulum *gratiæ*, non tantum pro gratia habituali, qua ex iniusto fit homo iustus, vel etiam sit magis iustus; verum etiam pro omni auxilio

auxilio DEI, quo reuocatur homo vel præseruatur à malo; & firmatur in bono; istiusmodi enim auxilijs DEI, etiam præter gratiam iustificantem, opus est homini ad grauissimas tentationes vincendas, & ad bona opera quæ sunt ardua & heroica aggredienda & perficienda; præsertim verò ad perseverandum in bono usque ad finem.

- 29 Ergo, per sitim de qua in hoc loco Dominus locutus est, intelligere oportet vel immoderatam cupiditatem bonorum temporalium, vel spirituales defectus, quos fert secum peccatum, similes nimirum sex illis defectibus, quos in corporali siti reperiri, supra ostendimus; quod etiam in hac vita præstat DEI gratia. Sitim verò, cōsummata gratiæ & beatificæ DEI visionis, tollit in futura vita: omnem verò penitus sitim, etiam corporalem, tollet omnino post corporum resurrectionem; at sitim quam habent Beati, desiderantes videre semper DEVM quem vident, non tollit gratia; quia sitis illa sine vlla pœna est, imò summa cum voluptate, & vocatur sitis, quia excludit omne fastidium eius quod habetur; & ideo nunquam tollitur, & cum summa iucunditate permanet in omnem æternitatem.

SEXTA DISPVTATIO.

Super illis verbis:

Venit hora, & nunc est, quando veri adoratores:
adorabunt Patrem in spiritu & veritate.

VER. 23.

- 30 **V**ERBUM adorandi, in hoc loco omnem DEI cultum complectitur, licet propriè adorare significet reuerentiam quæ alicui exhibetur demittendo caput, vel genua flectendo, vel incuruando corpus, vel exosculando manus aut pedes. Nam quia hoc, in testimonium animi colentis & venerantis DEVM, in publicis templis & locis & in precationibus fieri solet, propterea omnis DEI cultus vocabulo adorationis designatur. Neque enim Iudæi dicentes, non licere DEVM adorare extra templum Hierosolymitanum,

Quid significet adorare & adoratio.

mitanum, intelligebant, non licere alibi vspiam, cum vel laudibus prædicare, vel precibus rogare, vel demissione corporis, externisque signis venerari: sed intelligebant, non licere cultum Mosaica lege præscriptum, externis sacrificiis, & caremoniis contentum, alibi quàm in illo templo, DEO adhibere. Et cum Dominus dixit, adesse iam tempus in quo tempore DEVS neque in monte Samaritanorum, neque in templo Hierosolymitano esset adorandus, non aliud significauit, quàm externum illum & Mosaicum DEI cultum, vno illo tantum loco circumscriptum, breui fore abolendum. Sanè, permagni refert scire, quænam sit vera DEI adoratio, ipsi grata, & homini salutaris: idcirco enim tanto pretio sui sanguinis redemit nos Filius DEI, vt sicut scriptum est: *Sine timore, de manu inimicorum nostrorum liberati, seruamus illi, in sanctitate & iustitia coram ipso omnibus diebus nostris*: & nonnunquam euenit, vt quo quis putat se honorare sibi que propitiare DEVM, ea ipsa re ipsum offendat, sibiq; redat infensum; quod bis Regi Sauli accidisse, proditum est in primo libro Regum. Etenim diabolus diuini honoris æmulus, & humanæ inuidens salutis, vsque ab exordio mundi verum DEI cultum corrumpere, impiis superstitionibus admixtis, quoquo modo conatus est.

Cæterum, veros adoratores appellat Dominus hoc loco, non solum qui vero cultu DEVM verum colunt, vt ea re Paganos falsorum deorum cultores excludamus; sed eos quoque qui perfecto cultu DEVM adorant, interiori nempe cultu fidei, spei, amoris, timoris, & laudis; vt hac re Iudæos etiam excludamus, & distinguamus Iudaismum à Christianismo. Nam etsi Christianismus non solum interiori cultu sed exteriori quoque constat: & Iudaismus non tantum exteriorem cultum, sed etiam interiorem habebat; legimus enim multifariam in sacris libris veteris Testamenti, DEVM requisuisse à Iudæis vt in ipsum crederent, & in ipso sperarent, ipsumque diligerent; nec solam circumcisionem carnis, sed multo magis circumcisionem cordis exegisse ab illis; Quin etiam abominatum esse omnes illorum cæremonias, quod præfatus inanes & vacuæ interioris DEI cultus essent. Attamen inter cultum Iudaicum & Christianum quatuor fuisse differentias animaduertere licet: Prima differentia est, hæc lex vetus frequentius inculcabat,

& ex

Quadruplex
differentia in-
ter Iudaismum
& Christiani-
smum circa
Dei cultum.

& expressius præscribebat exteriorẽ DEI cultum in externis ceremoniis, positum, quàm interiorem & spiritualem; quoniam Iudæi homines. scilicet rudes admodum & carnales, illius exterioris modi DEVM colendi, quàm interioris, dociliores & capaciores erant. Secunda differentia: Cultus DEI Mosæicus in externis positus ceremoniis, erat valde numerosus atque onerosus, & per se, parum fructuosus: Contrà verò, lex Euangelica præcipuè cultum interiorem & spiritualem præscribit; ætæternum verò, satis modicum, & vt ad promouendum spiritualem cultum apprime idoneum & utilem. Tertia differentia: externus ille cultus DEI erat Iudæis lege diuina constitutus, ob idque nulla ratione mutabilis: CHRISTVS autẽ paucissimas præscripsit ceremonias externas; nam quibus postea opus futurum erat, eas reliquit Apostolorum & Ecclesiæ iudicio condendas, pro varietate videlicet temporum, & locorum, & personarum, varias, atque variabiles. Quarta differentia: Datæ sunt Iudæis externæ circa cultum DEI ceremoniæ in tãto numero ac varietate, duas ob causas: tum, vt essent quasi vmbre & imagines maiorum & præstantiorum rerum, quæ tunc illis occultæ erant, postea verò, sũto tempore, manifestandæ & gerendæ erant. Tum etiam, vt illiusmodi ceremoniis populus ille carnalis, in cultu DEI veri detineretur atque cohiberetur, ne delaberetur ad idololatriam, ad quam & suo pte ipse ingenio, & diutina cum gentibus idololatriæ consuetudine, propensus erat. At externæ ceremoniæ Christianæ Ecclesiæ circa cultum DEI, neutram ob causam supradictam datæ sunt, sed trës alias ob causas. Primò, vt animus hominis, qui rebus sensibilibus excitatur & inducitur ad cognitionem & amorem rerum diuinarum; externis illis ceremoniis exhibendis ad spiritualem DEO cultum adhibendum facilius adduceretur. Deinde, vt illæ ceremoniæ, quasi quædam essent symbola atque insignia omnibus conspicua, quibus & Christianus populus ab aliis populis discerneretur, & ipsa Christianorum multitudo in vnã & vniformem colendi DEVM societatem & communionem adunaretur. Et, vt quia corpore & spiritu constat homo, vtroque etiam DEVM laudaret & coleret, corporalem ei, simulque spiritualem exhibens seruitutem.

*De causa
cur tot & id
varia data
sint Iudæis
circa cultum
Dei ceremoniæ
externæ.*

*Dua causa,
cur tot & id
varia data
sint Iudæis
circa cultum
Dei ceremoniæ
externæ.*

*Tres causa ex-
ternarum ce-
remoniarum
in Ecclesia
Christi circa
cultum Dei.*

Sed

Quid sit adorare Deum ut patrem.

Ad Rom. 8.

Sed perpendamus illa verba: *Adorabunt patrem in spiritu & veritate*. 32
 Proprium est adorationis Euangelicæ, ut DEVS adoretur tanquam Pater. Etenim in lege veteri ferè adorabatur, ut DEVS ultionum Dominus, & ut terribilis super omnes deos, spiritu videlicet timoris servilis. At in lege Euangelica misit DEVS in corda nostra spiritum Filij sui clamantem: *Abba pater*. Itaque adorare patrem, est colere DEVM ut pater est, filiali nimirum timore, fiducia, amore, ac religione. Vel significatur, impofterum Evangelicos adoratores adoraturos DEVM, non tantum more Iudeorum, uti DEVS vnus est secundum deitatis substantiam, verum etiam ut trinitus est secundum diuinarum personarum distinctionem, quæ in hoc loco significatur illis tribus vocabulis: *Patrem, in spiritu, & veritate*: nam veritas nomen est filio appropriatum; ut sit sensus: Adorabunt Patrem per Filium & Spiritum sanctum: sicut enim ad Patrem nemo venit nisi per Filium, nec ipsum cognoscit; ita nec Filium verè quisquam cognoscit nisi per Spiritum sanctum illustratus, edoctusque: Paulus enim in capite duodecimo prioris Epistolæ ad Corinthios affirmat, neminem posse dicere Dominum IESVM, nisi in Spiritu sancto. Quin etiam vera DEI adoratio, & oratio ad DEVM, singulari quadam ratione donum vocatur Spiritus sancti, testante hoc Apostolo in capite octauo Epistolæ ad Romanos illis verbis: *Nam quid oremus, sicut oportet, nescimus: sed ipse spiritus postulat pro nobis gemitibus inenarrabilibus*.

Quid sit adorare Deum in spiritu & veritate, plerique ponuntur interpretationes.

Sed quid est illud, in *spiritu & veritate*? illud in *spiritu*, excludit cultum DEI tantummodo corporalem, qualis ferè Iudeorum erat; illud, in *veritate*, excludit superstitiosum, & commentitium cultum falsorum deorum, qui vigebat apud gentes idolorum cultrices. Vel in *spiritu*, significat interiorem animi cultum, qui potest esse vitiosus, vel detrahendo, vel addendo aliquid veritati, neque enim indiget vel gaudet DEVS mendaciter coli, etiamsi videatur mendacium ad magnificandam eius gloriam conferre, & ideo adiunctum est illud; in *veritate*. Vel illud in *spiritu* dictum est quia corde creditur ad iustitiam, & additur in *veritate*, quia ore confessio fit ad salutem, ut scripsit Paulus in cap. decimo Epistolæ ad Romanos. Vel in *spiritu*, per vitam contemplatiuam solius DEI & diuinarum rerum contemplationi vacando; 33

Cap. 3.

In

In veritate per vitam actiua inferuendo salutis & vtilitatibus proximi, non lingua tantum & verbo, (vt dixit Ioannes in prima sua Epistola) sed opere & veritate ipsum diligendo. Vel implendo legem à DEO datam non secundum litteram & carnaliter tantum, vt Iudæi, sed spiritualiter; circumcidentes non carnem sed cor, lauantes animam à peccatis, non exteriorem carnem à legalibus immunditiis: & intelligentes, caeremonias illas corporales legis Moisaicæ, umbras & imagines fuisse legis Euangelicæ; idcircoque corporis umbræ, & figuræ veritatem esse præferendam.

- 34 Sequuntur illa verba: *Nam & pater tales querit, qui adorent eum.* Videlicet, propter Iudæorum ruditatem & cor admodum carnale, præscripsit eis DEVS illum cultum, plerumque externum & corporalem, vsque ad Messie aduentum: sed post CHRISTI aduentum, cum terra repleta est scientia & gratia DEI, quid mirum, si perfectiorem cultum DEVS ab hominibus requirat & exigit? Sane, honos & veneratio exterior non est planè verus honos si interiori honore careat: cum quippe nonnullis interdum exhibemus, quos odimus & contemnimus; & ideo cum DEVS aspernatur dicens: *Populus hic labijs me honorat, cor autem eorum* Isaia 29. *longè est à me.* Deinde, differentia temporis Euangelij atque legis Moisaicæ, facit etiam differentiam adorationis in veteri atque in nouo Testamento. Quādiu enim sub lege erant homines, erant tanquam paruuli sub elementis mundi huius seruientes: Postquam autem venit plenitudo temporis, perfectiora DEVS ab homine obsequia & virtutum officia postulat: *cum essem paruulus,* Ad Galat. 4. *Apostolus inquit in capite decimo tertio prioris Epistolæ ad Corinthios, loquebar vt paruulus, sapiebam vt paruulus, cogitabam vt paruulus: quando autem factus sum vir; euacuavi quæ erant paruuli.* Licet autem plerique Iudæorum carnaliter DEVM colerent, non pauci tamen spirituali eum cultu venerabantur, vt Prophetæ, aliique insignes virtute ac pietate viri: vt scitè dici possit, & olim in Iudaismo fuisse aliquos, vt ita loquar, christianizantes circa DEI cultum: & nunc in Christianismo nonnullos esse iudaizantes, sine interiori & spirituali cultu, & corporalibus tantum externisque caeremoniis, more Iudaico, DEVM adorantes & colentes.

- 35 Reliqua sunt illa verba, in extrema huius disputationis parte, à

Cur Domi
rituali potius
quàm corpo
rali gaudet
cultu.

nobis explicanda: *Spiritus est DEVS & eos qui adorant eum, in spi-
ritu & veritate oportet adorare.* Redditur istis verbis ratio, cur
adorantes DEVM in spiritu & veritate, sint veri adoratores,
& grati, acceptique DEO. Nam si DEVS est spiritus, & si-
mile gaudet simili: liquet profectò, ipsum delectari spiritali
adoratione potius quàm corporali: non ergo mirum, si requirat
ab homine spirituales hostias potius quàm pecudum victimas.
Quocirca per Dauidem dixit ipse: *Non accipiam de domo tua vitu-
los, neque de gregibus suis hircos.* & mox subdit: *Immola DEO sacri-
ficium laudis, & redde altissimo vota tua.* Huc item spectat illud Psal-
mi trigésimi noni commemoratum à Paulo in capite decimò Epi-
istolæ ad Hebræos: *Hostiam & oblationem noluit, corpus autem aptasti
mihi: holocaustomata pro peccato non tibi placuerunt.* Deinde, si DEVS
esset corporatus, delectaretur utique templorum amplitudine &
magnificèntia, altarium opulèntia, crebritate hostiarum, lumi-
num splendore, cantus modulatione, odoramentorum suauitate:
sed quia spiritus est, hæc ipsa sibi vult spiritaliter magis quàm
corporaliter exhiberi. Templum DEO gratissimum, est animus
ipse hominis; altare, cor contritum & humiliatum; victima, cor-
poris mortificatio, sui que abnegatio; lumina, fidei & scientiæ
DEI rerumque diuinarum claritas; cantica, diuinæ laudes, men-
te pura celebratæ; odoramenta, piæ ac feruæ præcationes. Nec
tamen illa corporalia & externa respuit & aspèrnat DEVS, imò
còplacita ei sunt, si conscia fuerint cum interno cultu, & ad eum,
hominem excitent atque promouèant: & hac ratione sapienter insti-
tuta sunt in Ecclesia Catholica, & vtiliter à fidelibus obseruantur.

In Hæreticos
externarum
Ecclesiæ cere-
moniarum con-
temptores &
opugnatores.

Nam quòd Hæretici nostri temporis ex hoc loco Ioannis, & ex
hoc CHRISTI sermone argumentantur, usum templorum & ex-
ternarum caeremoniarum, esse Iudaicum magis quàm Christianu-
m; sanè quàm inscìrè argumentantur, & in eo falluntur ipsi
hoc sentientes, falluntque alios, id ipsum eis credentes. Etenim,
CHRISTVS non dixit, DEVM non esse adorandum in tem-
plis; sed indicauit, fore breui ut adoratio DEI, cultusque, non
vno tantum templo Hierosolymitano, ut antea, circumscriberet-
ur; sed per omnes mundi regiones atque gentes celebraretur:
de quo nempe extabat illud Malachiæ illustrissimum vaticinium:

Locus Mala-
chiæ 1.

Ab

Ab ortu solis usque ad occasum magnum est nomen meum in gentibus; & in omni loco sacrificatur, & offertur nomini meo oblatio munda: quia magnum est nomen meum in gentibus, dicit Dominus exercituum. *Cyrillus Hierosolymitanus*
 Certe Hierosolymitanus auctor est, domum illam, in qua CHRIS-
 TVS nouissimam coenam egerat cum discipulis, & ubi Spiritum
 sanctum illi acceperant, quæ domus erat in monte Sion; Aposto-
 los consecrâsse in Ecclesiam, primam scilicet tempore omnium
 Ecclesiarum. Nec verò dicens CHRISTVS, adorandum esse
 DEVM in spiritu, propterea damnavit adorationem quæ corpo-
 ralibus fit cæremoniis; sed Iudaicam tantum adorationem, inter-
 næ ac spiritualis adorationis penitus expertem. Et verò, ipse
 CHRISTVS non rarò in faciendis miraculis usus est externis
 quibusdam cæremoniis erga DEVM, ut patet in miraculo mul-
 tiplicationis panum, & suscitationis Lazari mortui, & illuminatio-
 nis cæci nati, & in oratione quam in horto fecit ad Patrem.

Cyrillus Hierosolymitanus.

*Primum tẽ-
plum ab Apo-
stolis consecra-
tum, quod nũ
fuerit.*

Matth. 14. &

Ioan. 6.

Ibid. 11.

Ibid. 9.

Matth. 26.

SEPTIMA DISPUTATIO.

Super illis verbis:

Dicit ei mulier: scio, quia Messias venit, (qui dicitur VER. 25.
 CHRISTVS:) cùm ergo venerit, ille nobis annun- 26.27.
 ciabit omnia. Dicit ei IESVS, Ego sum
 qui loquor tecum.

37 **M**AGNA erat illo tempore expectatio Messie: per-
 vulgatum enim apud Iudæos tunc erat, instare iam
 aduentum Messie. Hoc autem facile Iudæi conie-
 ctare potuerunt ex illo vaticinio Patriarchæ Iacob,
 quod in quadragesimo nono capite libri Genesis
 scriptum est his verbis: *Non auferetur sceptrum de Iuda, nec dux de
 femore eius, donec veniat qui misseus est, & ipse erit expectatio gentium.*
 Quibus verbis significatum est, principatum & dominationem
 populi Iudaici mansuram penes eam ipsam gentem, nec transitu-
 ram ad Alienigenas, quoad Messias adueniret. Hoc autem vatici-
 nium Iudæi videbant tunc impletum esse; primus enim alienige-
 narum

*Quo tempore
venit Cory-
stus, magnam
eo tempore
fuisse apud
Iudæos, blas-
ph. aduentus
ut iam instã-
tu expecta-
tionem.*
*Vaticiniũ Iac-
ob de tempo-
re aduentus
Messie.*

narum regnum Iudaicum tunc obtinuerat Herodes, quo regnante natus est CHRISTVS. Atque hæc de proximo iam tunc Messie aduentu opinio percrebuerat etiam apud Samaritanos; quam illi hauserant, vel ex vulgatis Iudæorum sermonibus; vel ex libris Moyſi, in quibus erat illud vaticinium Iacob, quos libros de diuinis libris solos ipsi recipiebant. Verbum illud, *venit*, præſentis temporis est, significans, in proximo eſſe, iamque inſtare Meſſie aduentum. Quod autem adiungitur: *Cum venerit, annuntiabit vobis omnia*, ſatis indicat, Meſſiam allaturum hominibus ampliſſimam & clariffimam ſcientiam rerum diuinarum, & earum quæ homini conduceret ad æternam ſalutem, felicitatẽque comparandam.

Cur Dominus illi aperit indicauit Samaritanam & cæco nato ſe Meſſiam eſſe, & non ita Iudæis.
Ioan. 9.

Dixit ei IESVS, *Ego ſum qui loquor tecum*. Soli huic mulieri Samaritanæ ac peccatrici, & illi cæco nato quem Dominus illuminauit, & quem Phariſæi maledictis onuſtum ex ſynagoga eiecerunt, Dominus diſtinctè & expreſſè indicauit ſe Filium DEI & Meſſiam eſſe. Nam cum Samaritana mulier dixiſſet, cum Meſſias veniſſet, annuntiaturum fore eis omnia; Dominus dixit: *Ego ſum qui loquor tecum*, & cum illi cæco nato dixiſſet Dominus: *Tu credis in Filium DEI?* & reſpondiſſet ille; *Quis eſt Domine vt credam in eum?* Dixit ei IESVS: *Et vidiſti eum, & qui loquitur tecum, ipſe eſt*. At verò Iudæis vehemẽter Dominum vrgentibus, atque inſtantibus vt palam eis diceret, an ipſe eſſet CHRISTVS, dicebant enim, *quouſque animam noſtram tollis? ſi tu es CHRISTVS, dic nobis palam*. Nolu it Dominus hoc tam apertè & explicatè manifeſtare, quàm Samaritanæ & cæco. Nimirum, hi ſimplici & ſincero & religioſo animo id credituri erant: illi verò malitioſè ac perfidioſè id ipſum interrogabant; qualicũque Domini reſponſo abuſuri ad eum calumniandum, & quocunque poſſent modo perendum.

OCTAVA DISPUTATIO.

Super illis verbis:

Meus cibus est, ut faciam voluntatem eius qui misit me, VER. 34.
 ut perficiam opus eius.



CONSIDERET cum animo suo lector morem & studium CHRISTI Domini, quibuscum sermoninabatur, traducendi eos à cogitatione, sensuque, atque cura rerum corporalium & temporalium, ad meditationem & amorem rerum spiritualium & æternarum. Sicut igitur Samaritanam à siti & cupiditate aquæ corporalis auocauit ad desiderium aquæ spiritualis: ita deinde discipulis suis ad cibum corporalem inuitantibus eum, sermonem inseruit de cibo spirituali.

- 39 Vocabulum porro *cibi* variè admodum in diuina scriptura vsurpatur ad significandas res spirituales & diuinas. Primò cibi nomine significatur Regni cœlestis, æternæque felicitatis possessio: qua significatione vsus est Dominus cum dixit discipulis suis, *Ego dispono vobis, sicut disposuit mihi Pater meus regnum, ut edatis & bibatis super mensam meam, in regno meo.* Huc etiam illud pertinet quod Angelus Raphael dixit Tobix: *Ego cibo inuisibili, & potu qui ab hominibus videri non potest, vtor.* Secundò, cibi vocabulo significatur caro CHRISTI infra cap. 6. in illis verbis Domini, *caro mea verè est cibus.* Tertiò, significatur fides, siue credere in CHRISTVM sicut ipse dixit Iudæis: *Operamini cibum, qui non perit, sed permanet in vitam æternam: hoc est opus DEI, ut credatis in eum quem ille misit.* Quartò, designatur etiam nonnunquam cibi vocabulo profundior quædam, exactiorque rerum spiritualium & diuinarum cognitio, & spiritualis quædam perspicacia discernendi in omnibus rebus bonum à malo; secundum illud Pauli ad Hebræos cap. 5. *Perfectorum est solidus cibus, eorum qui pro consuetudine exercitatos habent sensus ad discretionem boni & mali.* Quintò significatur nomine cibi gratia internæ compunctionis, atque deuotionis erga DEVM, ut in Psalmo quadregesimo primo: *Fuerunt mihi lacryma mea panes die ac nocte, dum dicitur mihi quotidie, ubi est DEVS tuus?* Sextò, Ver-
- bum

Vocabulum cibi ad significandas res spirituales, per metaphoram vsurpatur decem modis in Sacra scriptura.

Luc. 22.

Tob. 12.

Iou. 6.

bum DEI, & præcipuè cœlestis sapientia, sicut in capite decimo quinto libri Ecclesiastici scriptum est: *Cibabis illum pane vitæ, & intellectus, & aqua sapientia salutaris potabis illum.* Septimò, ingens afflictio & tribulatio, ut in Psalmo septuagesimo nono: *Cibabis nos pane lacrymarum & potum dabis nobis in lacrymis in mensura: Posuisti nos in contradictionem vicinis nostris, & inimici nostri subsannauerunt nos.* Octauò, ipsa DEI iustitia, complectens omnem virtutum profectum, ut apud Matthæum cap. 5. *Beati qui esuriunt & sitiunt iustitiam, quoniam ipsi saturabuntur.* Nonò, obsequium voluntatis DEI & obseruantia mandatorum eius, ut in hoc loco: *Cibus meus est ut faciam voluntatem eius qui misit me:* Et Dauid in Psalmo decimo octauo, & centesimo decimo octauo dixit, eloquia & mandata DEI esse dulciora sibi super mel & fauum. Decimò, effectio bonorum operum, prout sunt merita vitæ æternæ, significantur nomine cibi; secundum quam significationem intelligere oportet illud quod scriptum est in capite decimo quarto libri Ecclesiastici: *Ante obitum tuum operare iustitiam, quia non est apud inferos inuenire cibum.* nimirum, qui sunt apud inferos, siue in purgatoriis pœnis, siue qui olim erant in limbo, extra statum sunt & erant operandi quidquam meritorie.

*Aliter bene
agere erat ci-
bus Christi,
& aliter est
nobis.*

Cæterum animaduertere hoc loco lectorem conuenit, aliter 40 obsequium voluntatis DEI, & mandatorum eius obseruantiam dici cibum esse nobis, & aliter fuisse cibum CHRISTO. Etenim, cibus quatuor præstat in nobis: refarcit enim & reficit humorem consumptum à calore naturali, debilitatè subleuat, roboratq; vires auget; & comedentem recreat & delectat: & ob has quatuor proprietates obseruatia diuinæ voluntatis & perfectio bonorum operum appellatur in nobis cibus. In CHRISTO autem eadem ista res vocatur cibus non nisi propter vltimam de supradictis quatuor proprietatem: CHRISTVS etenim nullam gratiæ vel amissionem vel diminutionem, vel etiam accretionem vnquam habuit; quippe qui ab initio suæ conceptionis consummata & immutabili præditus fuit gratia; & secundum partem superiorem animæ suæ, comprehensor fuit atque beatus.

*Quid sit hoc
opus Dei,
quatuor in-
terpretatio-
nes.*

Quod autem proximè adiecit Dominus *Et perficiam opus eius,* ita 41 quidam interpretantur, ut diuersum quid esse putent ab eo quod dixerat,

dixerat, *Ut faciam voluntatem eius qui misit me*, & Theophylactus quidem atque Euthymius per opus DEI significari putant legem DEI, quæ sine CHRISTI gratia & infirma, & inanis, & imperfecta, & ut oportet, inobseruabilis est; CHRISTVS autem & legem impleuit, & implendi eam nobis quoque virtutem dedit. Quocirca Paulus proficitur, se prædicando fidem supra legem, non destruere legem, sed eam magis statuere ac firmare. Alij opus DEI interpretantur ipsum hominem, qui singulari quadam eximiaque ratione nominari solet in sacra scriptura opus manuum DEI: Homo autem propter peccatum remanserat admodum imperfectus; ad quem usquequaque perficiendum CHRISTVS venit in mundum. Nonnulli opus DEI intelligunt ipsum mundum, qui per Incarnationem CHRISTI deificato homine, qui est parvus quidam mundus, totus etiam ipse mundus perfectus est; & renouatio mundi consequens glorificationem hominū quæ post resurrectionem futura est, effectus est ipsius gratiæ CHRISTI.

- 42 Sed vero similis fit, eandem rem esse significatam per illud, *ut faciam voluntatem eius qui misit me*, atque hoc, & *perficiam opus eius*. Hæc enim fuit voluntas DEI, ut CHRISTVS perficeret opus, quod DEVS Pater ei dederat ab ipso perficiendum: Hoc autem opus fuit, manifestare ac testificari mundo veritatem DEI; & per mortem suam saluare genus humanum, a seruitute peccati, potestateque Diaboli, ac reatu mortis æternæ vindicans ipsum. De illo dixit CHRISTVS Pilato: *Ego in hoc natus sum, & ad hoc veni in mundum, ut testimonium perhibeam veritati*. De hoc autem etiam ipse dixit: *venit filius hominis saluum facere quod perierat*. Et alio loco dixit, se non venisse ut iudicet mundum, sed ut mundus saluetur per ipsum. De hoc opere loquebatur CHRISTVS, cum orans Patrem dixit: *Opus consummaui quod dedisti mihi ut faciam*. Et in Cruce iam moribundus dixit: *consummatum est*. Disceant itaque prædicatores Evangelici & CHRISTI sectatores, hoc vnum esse debere opus eorum, hoc præcipuum negotium, in hoc vno gerendo, tractando, conficiendoque, omni studio & cura, omniq; corporis pariter atque animi contentione occupari & versari eos oportere, ut veritatem doctrinæ Euangelicæ, CHRISTI & Apostolorum modo, prædicent hominibus, eorumque procurandæ

Theophylact.
Euthymius.

Ad Rom. 8.

Quodnam fuit
opus Dei, quod
perficeretur
erat Christus.

Ioan. 18.

Luc. 19.
Ioan. 3.

Ioan. 17.

Ioan. 19.

Documentum
pertinens ad
prædicatores
Evangelicos.

curandæ salutis, studiosissime, & diligentissime insistant; ea re, non secus delectati, ac cibo ipsis suauissimo, maximèque salutari, atque necessario.

NONA DISPUTATIO.

Super illis verbis:

VER. 35. Nónne vos dicitis quòd adhuc quatuor menses sunt, & messis venit? ecce dico vobis, leuate oculos vestros, & videte regiones, quia albæ sunt iam ad messem.

Hunc sermonem Christi cum Samaritana, circa mensem Ianuarij esse habitum.

EX hoc loco coniecturam minimè dubiam facere licet, quo anni tempore CHRISTVS sermonem hunc habuerit cum illa muliere Samaritana; nimirum circa mensem Ianuarij. Significatur enim verbis suprà commemoratis, ab eo tempore, quatuor mensibus abfuisse tempus messis: in Palæstina verò regione scilicet calidiore quàm est Italia, messis fiebat inter Pascha & Pentecostem, id autem est, circa mensem Maij, vt ex vigesimo tertio capite Leuitici, & trigesimo quarto Exodi facile est cognoscere.

Quid significet nomen messis in Sacra scriptura.

Nomine porrò messis significatur hoc loco Fidelium collectio & congregatio in Ecclesiam DEI; cuius messores fuere Apostoli, aliique prædicatores Euangelici, eorùmque omnium princeps CHRISTVS Dominus: qui falce prædicationis promptos hominum animos, ab infidelitate in qua nati & nutriti fuerant, rescantes, in horreum DEI congregauerunt: idque paruo sæpe negotio, vt manifestum fuit in conuersione horum Samaritanorum, & in duabus primis Petri concionibus, ab eo statim post Spiritus sancti aduentum habitis. Secundùm eandem quoque significationem vocabulo messis vsus est CHRISTVS cum dixit: *Messis quidem multa, operarij autem pauci: rogate Dominum messem, vt mittat operarios in messem suam.* At verò idem apud Matthæum cap. 13. eodem vocabulo messis vsus est ad significandam collectionem electorum futuram in consummatione sæculi, & ab Angelis congregan-

Matth. 9.

Matth. 9.

Et Luca 10.

gregan

gregandam, & in horreum regni cœlestis inferendam, cuius messis Angeli futuri sunt messores. Rectè profectò tempus vtriusque aduentus Domini, similitudine messis designatur: messis enim in consummatione frugum & fructuū fieri solet: & vterque **CHRISTUS** aduentus in consummatione temporis factus est; prior quidem, in consummatione temporis à **DEO** præfiniti, secundum illud Pauli; *Vbi venit plenitudo temporis, misit DEVS Filium suum, &c.* *Al Galat. 4.* vt præparati homines per imperfectiorem Mosaicæ legis doctrinam, facîle per Euangelicam prædicationem colligerentur in horreū Domini, quæ est Ecclesia **CHRISTI**. Posterior autem aduentus **CHRISTI** fiet in consummatione sæculi: & sicut idoneum messi faciendæ tempus contingit ob præsentiam solis feruidè calefacientis terram; ita messis spiritualis ex præsentia solis iustitiæ, qui est **CHRISTVS** Dominus, fieri debebat.

- 45 Illis autem verbis, *Videte regiones, quia albae sunt iam ad messem*: *Tèpore Christi & Apostolorum erant gentes magis paratae ad fidem & salutis percipiendam quàm fuerant antea.* demonstrauit Dominus exemplo Samaritanorum, qui propter vnus mulierculæ de **CHRISTO** testimoniū, & biduanam dumtaxat Domini apud eos mansionem, tanta facilitatè & alacritatè, tantòque numero ad **DEVM** conuersi sunt; demonstrauit, inquam, Dominus eorum exemplo promptissimos fuisse id temporis hominum animos, & paratissimos ad percipiendam doctrinæ Euangelicæ veritatem; vt paruo labore prædicantium ad veritatis & salutis perceptionē adduci possent. Hanc igitur gentium promptitudinem, & quasi maturitatem quādam accipiendæ fidei Euangelicæ, qui nouit omnia, cognoscens Dominus, propterea dixit, fuisse tunc regiones albas ad messem. Sed illa maior tunc in gentibus preparatio & habilitas ad Fidem non proueniebat ex ipsarum virtutibus & meritis, quasi tunc meliores fuissent homines quàm vnquam fuerant antea; sed ex æterna **DEI** prædestinatione, qui multos tunc per omnes gentes habebat electos, quos deinceps vocaturus erat ad fidem, tam abundantem illis gratiam conuersionis impertiens, vt maxima facilitatè ad veritatem fidei & doctrinæ Euangelicæ amplexandam essent perducendi. Triplicem verò messorum huius messis fore fructum, indicauit hoc loco Dominus. Primum, quia illi sibi mercedem in metendo acquirerent magnam: alterum, quia fructum cōgregabant in vitam æternam,
- Mm quod

quod pertinet ad gloriam & gaudium ecclesiasticæ ciuitatis & curiæ: tertium, quia ingens ei qui seminauit gaudium afferent, videnti, suum in seminando laborem, nequaquam optato fructu esse frustratum.

DECIMA DISPUTATIO.

Super illis verbis:

Alij laborauerunt, & vos in labores eorum introistis.

Super illis etiam verbis:

Ipse IESVS testimonium perhibuit, quia Propheta in Patria sua honorem non habet.



ILLOS, qui antea laborauerant, & in quorum la- 46
bores introierunt Apostoli, Beatus martyr Irenæus intellexit fuisse sanctos Patriarchas & Prophetas veteris Testamenti: sic enim in quadagesimo secundo capite libri quarti aduersus Hæreses scriptum reliquit: cùm vnus esset Abraham in semetipso: præfigurabat tamen duo testamēta, in quibus alij quidem seminauerunt, alij verò messuerunt: in hoc enim (dixit Dominus) sermo est verus, quoniam alter quidem est qui seminat populus, & alter qui metet; vnus autem DEVS præstans vtrisque quæ sunt apta, semen quidem seminanti, panem verò ad edendum metenti: quemadmodum alter quidem est qui plantat, & alter qui adquat: vnus autem qui dat incrementum DEVS. Seminauerunt sermonem de CHRISTO Patriarchæ & Prophætæ, demessuit autem Ecclesia CHRISTI, hoc est, fructum percepit. Propter hoc & illi orabant habere cupientes tabernaculum in Ecclesia, Ieremia dicente, *Quis dabit mihi in deserto habitationem nouissimam?* vt & qui seminat, & qui metit, simul gaudeant in CHRISTI regno, qui omnibus adest, de quibus ab initio bene sensit DEVS, attribuens adesse eis verbum suum. Si quis igitur intentus legat Scripturas, inueniet

Irenæus.

Ioan. 4.

1. Cor. 3.

*Ierem. 9.
Iuxta 70.
Interprete.*

inueniet in eisdem de CHRISTO sermonem, & nouæ vocationis præfigurationem. Haftenus verba fuere Irenæi. Et hanc quidem interpretationem & sententiam Irenæi, plerique huius Euangelij explanatorum secuti sunt: illos, in quorum labores introierunt Apostoli, affirmantes fuisse sanctos Prophetas veteris testamenti, qui Hebræo in populo diuinis rebus imbuendo atque informando vehementer laborauerunt atque defudarunt.

- 47 Fuit porro laboris eorum multiplex causa. Prima causa: quod Iudæi, ob animum rudem & carnalem, agrè dociles & capaces erant rerum spiritualium & diuinarum. Secunda causa: quod difficillimè contineri poterant in cultu veri DEI, quod essent ad Idololatriam propensissimi. Tertia causa: cùm essent duræ cervicis, & incircumcisi cordis, vix sub iugum diuinæ legis subiici, & ad virtutum, bonorumque operum studium, cultumque adduci poterant. Quarta causa: laborem augere solet paruitas fructus, qui eo labore percipitur; Prophetæ autem perexiguum magni laboris sui fructum capientes, ingenti tristitia & dolore afficiebantur: contra verò, spes vberioris prouentus, copiosique fructus percipiendi, & iam percepti gaudium, maiorem in modum imminuit laborem, omnesque molestias abstergit. Quinta & vltima causa: quia eò maior est labor hominis, quò minùs DEI gratia iuuatur: DEVS autem in veteri testamento parcius gratiam suam hominibus largiebatur, abundantem eius donationem, & tanquam effusionem reseruans tempori noui testamenti & legis Euangelicæ. Quocirca tunc laboriosior erat hominum conuersio ad DEVM; similis nimirum nauigationi, quæ secundi venti flatu parum iuuatur, & laboriosa remigatione fieri debet. In tempore autem legis Euangelicæ copiosior gratia & prædicatoribus Euangelij ad conuertendos ad DEVM homines; & ipsis hominibus vt se se ad DEVM conuerterent, fidemque CHRISTI & religionem acciperent, data est: similiter, vt qui & secundis ventis adiuti, simul etiam remigatione vsi, magna facilitate & velocitate, felicitatēque nauigant: Non igitur mirum est, Apostolos minùs laborantes, maiorem tulisse fructum. Nec verò, quia plus laborauerunt Prophetæ quàm Apostoli, propterea existimandum est, maius illorum fuisse meritum & præmium; non enim magnitudo meriti & præmij

Quing. causa, cur Prophetæ plus laborauerint.

Nō quia maior fuit Prophetarū labor quàm Apostolorū, propterea quoque putandum est, maius fuisse illorum meritum & præmium.

principaliter æstimari debet ex magnitudine laboris, sed ex magnitudine gratiæ DEI & charitatis, quæ homo laborat propter DEVM.

*Cur Propheta
ferè honora-
tus non sit in
patria sua, dua
causa reddun-
tur.*

Super illa sententia Domini: *Propheta in patria sua honorem non 48
habet*: quam sententiam alij quoque tres Euangelistæ referunt, Matthæus cap. 13. Marcus 6. Lucas 4. quæri dignum est, vnde accidat, vt Propheta, vt plurimum: sic enim hoc intelligi debet, non honoretur in patria sua? sed huius rei duplex causa reddi potest. Altera, est mutua ciuium inuicem æmulatio, & inuidia, indignè ferentium, aliquem de suis, vel aliqua re, vel multis rebus æqualem ipsis, aut etiam inferiorem, præcellere ipsos honore, gloria, laude virtutis vel sapientiæ, & nominis celebritate. Sanè, Nazaræi, qui ciues CHRISTI habebantur, nihil in eo nisi humile & abiectum considerabant, ætatem iuuenilem, paupertatem ipsius & parentum, villitatem artis fabrilis, quam ipse, & qui pater eius putabatur Ioseph, exercebant, & quod litteras non didicisset. Altera causa est, quod nimia consuetudo & familiaritas adducere solet homines in contemptum aliorum: vitiis, quæ prius dum erant ignoti & absentes latebant, enotescuntibus, nec præsentia, vulgate de illis famæ respondente. Quo fit, vt longinqua, & externa, & prius ignota, & rara, licet per se minoris pretij sint atque dignitatis, apud homines tamen maiorem sæpe honorem & pretium habeant, quàm proxima, & domestica, & vsitata.

*Cur doctor &
predicator
verbi Dei,
apud eos, à
quibus ipse
contemnitur,
docere ac præ-
dicare nō de-
beat.*

Ioan. 8.

*Ioan. 8.
Matth. 7.*

Verùm, dicet fortasse quispiam, non propterea CHRISTVM 49
in patriam suam ire prætermittere debuisset, quod sciret, se ibi non esse honorandum; non enim ipse humanas laudes & honores aucupabatur, cum ipse dixerit, *ego gloriam meam non quero*. Sed respondendum est, CHRISTVM non sua causa, sed ob dignitatem & vtilitatem verbi DEI, irone in patriam suam superfedisse. Etenim, ferè accidit, vt cum doctor & prædicator verbi DEI contemnitur, etiam doctrina & prædicatio eius despiciatur; ad nihil profectò aliud proficiens, quàm vt sui contemptores, maioris culpæ, grauiorisque supplicij reos faciat. Admonet etiam nos Sapiens, ne sermonem effundamus, vbi non est auditus: & Dominus præcipit, ne sanctum demus canibus, nèue margaritas proiciamus ante porcos.

VNDE

VNDECIMA DISPUTATIO.

Super illis verbis:

Erat quidam regulus, cuius filius infirmabatur
Capharnaum.

VER. 46.

50 **V** I D E T U R, Latinus interpret Græcè legisse *basili-* *Quid significet nomen reguli.*
scos: quod Latine significat *regulum*, siue *paruum regem*: at Græci libri, qui nunc extant, & qui fuerunt tempore B. Hieronymi habent *basilicos*, quod so- *Hieronymus.*
 nat *regium* vel *regalem*: & hanc lectionem sequitur B. Hieronymus super capite sexagesimo quinto Esaïæ. Sed cur iste appellabatur regulus siue regius? an quodd esset stirpe & cognatione regia clarus? an quodd esset de præcipuis ministris, in ea regione, vel Cæsaris, vel Herodis: nam etsi Herodes, qui tunc erat, nomen regis non haberet, sed Tetrarchæ, habuit tamen in Galilæa potentiam & dignitatem similem, reginam & Archelaum eius fratrem similique dignitate præditum. Matthæus cap. 2. dixit regnasse in Iudæa. An quodd esset de primariis aulæ regis, quales nos (ait supradictò loco Hieronymus) appellare solemus Palatinos? An *Hieronymus.*
 quodd Græci eo vocabulo interdum designent quidvis valde magnificum & splendidum, & rege dignum? & ille fortasse potentia, dignitate, opulentia perinsignis in ea regione erat: quibus rebus fortasse confusus, non dubitavit Dominum rogare atque vrge-
 re ut secum descenderet in ciuitatem Capharnaum, ad sanandum filium suum.

51 Illud præterea in dubium vertitur: an ille regulus fuerit gentilis, an Iudæus. Gentilem fuisse non obscure significat Hieronymus in eo, quo dixi loco, & Cyrillus in libro secundo commentariorum in Ioannem cap. 122. Sed CHRISTVS Iudæis exprobrare solet idè, quod huic regulo dixit: *Nisi signa & prodigia videritis, non creditis*, & Paulus ait, Iudæos signa petere. Caietanus putat, istum regulum fuisse proselytum, nimirum gentilem Herodis, qui oriundus erat non ex Iudæis, sed partim ex Idumæis, partim ex Arabibus. B. Thomas tradit, istum regulum interfuisse nuptiis in Cana Galilææ. *B. Thomas.*

M m 3 lea

Ioan. 2. leæ factis, & ex eo miraculo, quod inibi fecit CHRISTVS, spem
Historia Scholastica. concepisse, filium suum à CHRISTO sanari posse. In historia Scholastica in capite quinquagesimo nono historiæ Euangelicæ, proditum est, hunc regulum fuisse Iudæum; quod mihi ad veritatis similitudinem videtur esse propensius.

DVODECIMA DISPVATIO.

Super illis verbis:

VER. 48. Dixit IESVS ad eum: Nisi signa & prodigia videritis, non creditis.

De tribus rebus necessarijs ad persuadendam hominibus Fidem CHRISTI: quibus rebus adhibitis, qui non accipiunt fidei doctrinam, sunt inexcusabiles: & primò de necessitate interioris auxiliij DEI ad credendum.

ET si Dominus cum solo Regulo loquebatur, eius respondens petitioni: numero tamen plurali vsus est, quòd suam hanc reprehensionem communem esse volebat illi cum alijs Iudæis: præsertim autem cum ciuibus eius Capharnaitis: exaggerans nimirum incredulitatem eorum, comparatione Samaritanorum, quorum multi sine miraculis tam facilè, tamque brevi tempore ad Fidem amplexandam adducti essent: isti verò non vnum, sed multa petebant signa: nec signa tantum, sed etiam prodigia: nec audire tantum, sed videre volebant. Inter signa potro & prodigia Theophylactus & Euthymius huiusmodi ponunt discrimen; quod signum sit miraculum non respectu facti, sed respectu modi faciendi, vt sanare febrim, aliòsque morbos; nam id etiam per artem medicinæ, & naturales medicamentorum facultates efficitur; At facere id solo tactu, vel solo etiam verbo, miraculum est excedens & naturalem, & humanam virtutem: prodigium autem est miraculum tam ratione facti, quàm ratione modi faciendi, omnino exuperans omnem & hominum & naturæ virtutem: huiusmodi fuere illa miracula solis cursum

*An discrimen
 aliquod sit inter
 signa &
 prodigia.
 Theophylact.
 Euthymius.*

sum sistere, quod fecit Iosue, vel retrò agere, quod per Esaiam factum est: & mortuos ad vitam reuocare: sicut fecit Elisæus; vel tonitrua & fulmina in aëre concitare, quod à Samuele: vel deuocare ignem de cælo, quod ab Elia factum legimus. At enim, tale hoc discrimen inter signa & prodigia perpetuò in Scriptura non seruatur, sed vtrunque vocabulum sine vllò significationis discrimine sæpe vsurpatur: & signa quidem non rarò generatim sumuntur pro quolibet & quantolibet miraculo & prodigio; & interdum ponitur vox, *signi*, pro maximo prodigio, vt apud Esaiam cap. 7. maximum illud prodigium, *Ecce Virgo concipiet & pariet filium*: Vocabulo, *signi*, appellatur: & Paulus dixit, Iudæos signa petere, & ipsi petebant à Domino signa de cælo: haud dubiè non quælibet signa, sed maxima petentes prodigia.

53 Hæc Domini sententia inuitat nos, vt quæstionem illam tractemus, An Fides CHRISTI sine miraculis possit homini ita prædicari & probari, vt si eam illè non accipiat, sit planè inexcusabilis? Principiò, illud scire hoc loco conuenit, tria concurrere ad Fidem animis hominum inferendam: horum trium primum est interius auxilium DEI illuminantis mentem, & inclinantis voluntatem hominis ad consentiendum prædicationi Fidei: Alterum, est ipsa prædication, & explicatio eorum, quæ homini credenda sunt: tertio in loco sunt miracula, quibus prædicata Fides comprobatur; quæ quidem probatio, cum sit supernaturalis, bene congruit Fidei, quæ est donum supernaturale. Harum trium rerum prima simpliciter necessaria est ad credendum: vt enim quisquam sine speciali DEI auxilio ita credat, vt credere opus est, fieri nequaquam potest, quod satis liquet ex illis diuinæ Scripturæ sententiis: *Nemo potest venire ad me, nisi Pater, qui misit me, traxerit eum: & omnis, qui audiuit à Patre & didicit, venit ad me.* Huc etiam pertinent illa: *Fides donum DEI est: & vobis datum est, non solum vt in eum credatis, sed vt etiam pro illo patiamini; & misericordiam cōsecutus sum, vt sim fidelis.*

Huius autem rei causa & ratio est huiusmodi: obiectū fidei Christianæ omnino superat captum humanæ mentis, nec sensuum iudicio, nec experimentorum exploratione comprehendi potest: multis etiam rebus, & celebratis vbique gentium doctrinis Philosophorum aduersatur; repugnat item naturalibus hominum appetitionibus

Quam sit necessarium homini ad credendum, Dei auxilium moueri eum interius.

Ioan. 6.

Ad Ephesios

2.

Ad Phil. 1.

1. ad Cor. 7.

titionibus & propensionibus; naturales dico, non quas habuisset natura hominis recta & integra, sicut à DEO creata à principio, est, sed quas habet natura hominis per originale peccatum vitata. Deinde, assensus fidei Christianæ non qualiscunque esse debet, sed cum Fides nitatur DEI reuelantis auctoritate, omnium certissimum atque firmissimum esse eum oportet; firmiorem nempe, quàm qui nascitur ex euidencia obiecti, vel per sensus, vel per intellectum cogniti; & pro cuius confessione ac defensione paratus esse debet, quisquis ritè ac dignè credit, quidvis pati & qualemcunque mortem oppetere. Sicut igitur nec potest ferrum ad magnetem accedere, nisi virtute eius affectum, & tractum; nec terrenus vapor in sublime tolli, nisi cælesti virtute tenuatus & calefactus; nec solem intueri, sine eius luce possumus: ita nemo Fidem, vt par est, accipere potest non antè speciali auxilio DEI adiutus. Ob huius profectò auxilij, saltem efficacis, defectum, eadem

Act. 17. Pauli prædicatio Athenis facta, à plerisque irrita & explosa est; ob eiusdem verò auxilij diuini efficaciam, à Dionysio Arcopagita, & à muliere Damari, & quibusdam aliis approbata & recepta est, nec solum infideli homini opus est auxilio DEI ad credendum, sed etiam fidelibus & iustis ad explicatè credenda noua Fidei dogmata, vt manifestum est ex illis verbis, quæ scripta sunt in *Actis Apostolorum cap. 16.* *Et quadam mulier nomine Lydia, purpuraria, ciuitatis Thyatirenorum, colens DEVM, audiuit, cuius Dominus aperuit cor intendere ijs quæ dicebantur à Paulo.*

Quàm sit necessaria homini ad credendum prædicatio & expositio doctrina fidei.

Ioan. 15.

Marc. ult.

Matth. ult.

Altera res, quæ necessariò requiritur ad credendum, est doctrinæ fidei prædicatio, & eorum quæ credenda homini sunt explicatio: & huius rei necessitatem satis indicauit Paulus illis verbis, quæ sunt in capite decimo Epistolæ ad Romanos: *Fides ex auditu, auditus autem per verbum CHRISTI: quomodo autem audient sine prædicante?* & Dominus ipse dixit de Iudæis: *Si non venissem, & locutus fuisset eis, peccatum non haberent: nunc autem excusationem non habent de peccato suo.* Qua etiam de causa Dominus post suam resurrectionem misit discipulos suos in vniuersum mundum, vt Euangelium prædicarent omni creaturæ, & docerent omnes gentes, sicut à Matthæo & Marco scriptum est. Nimirum, Christianæ fidei mysteria nullo alio sensu quàm auditu, in animos hominum penetrare,

penetrare, atque in eorum notitiam deuenire possunt: est itaque humana prædicatio & expositio doctrinæ fidei ad credendum homini necessaria secundum viam ordinariam: nonnunquam enim per extraordinariam & singularem quandam diuinæ providentiæ rationem, fides tradita est quibusdam nullo prædicante & docente eos homine, sed per diuinam reuelationem: quod quidem B. Paulus de se ipso testatur ita scribens in primo capite Epistolæ ad Galatas: *Notum vobis facio, fratres, Euangelium, quod euangelizatum est à me, quia non est secundum hominem; neque enim ego ab homine accepi illud, neque didici: sed per reuelationem IESU CHRISTI.*

DECIMA TERTIA DISPUTATIO.

De tertia re, quæ concurrit ad probandam homini fidem

CHRISTI, hoc est de miraculorum effectione;

& an ea res sit omnino & semper necessaria?

55 **T**ERTIA res, quæ concurrit ad tradendam fidem hominibus, est miraculorum effectio; sanè quàm conueniens probatio persuasioni fidei, eiusque perceptioni maxime conducens. Legimus in decimo quarto capite libri Exodi, Hebræos viso miraculo transitus ipsorum per mare rubrum, & submersionis in eo mari Ægyptiorum, timuisse Dominum, & credidisse DEO & Moyli famulo eius: Hæc sunt verba Scripturæ: *Timuit populus Dominum: & crediderunt Domino, & Moyli seruo eius.* Illa quoque vidua, cuius filium Elias excitauit à mortuis, viso eo miraculo dixit: *Nunc in isto cognoui quoniam vir DEI es tu, & verbum Domini in ore tuo verum est.* Et Israëlita, viso miraculo, quod fecerat Elias in mōte Carmeli, crediderunt: sic enim ait Scriptura; *Quod cum vidisset omnis populus, cecidit in faciem suam, & ait, Dominus ipse est DEVS, Dominus ipse est DEVS.* Et ideò de Iudæis dixit Dominus; *Si opera non fecissem in eis, quæ nemo alius fecit, peccatum non haberent.* Et ante Passionem suam mittens discipulos suos ad prædicandum Euangelium in ciuitatibus Iudæorum, dedit eis potestatem faciendi miracula.

Nu

Et

Marcap. ult. Et de illis ad prædicandam fidem CHRISTI per vniuersum orbem terrarum dispersis scripsit Marcus: *Illi verò profecti, prædicauerunt ubique, Domino cooperante, & sermonem confirmante sequentibus signis.*

At enim, licet ita ferè accidat, & plerique per miracula adducti sint ad credendum, & ubique terrarum hac ratione plantata sit CHRISTI fides, Ecclesiæque fundata: attamen etiam sine miraculis CHRISTI fides ita probari potest homini vt nō possit eam sine culpa reiicere, atque eam reiiciens, sit apud DEVM inexcusabilis atque dānabilis. Quatuor enim sunt hominū genera, quibus

Quinque rationes, quibus fides Christi etiam sine miraculis, euidenter probari Gētilibus possit.

Quales erant dii gētium & qualis apud eas cultus suorum deorum.

213.

Qui auctores antiqui scripserunt de vanitate & falsitate legū & Religionum, quæ erant apud gentes.

fides CHRISTI prædicatur; aut enim sunt gentiles, aut Iudæi, aut Hæretici, aut Catholici. Gentiles sine miraculis conuinci possunt, Christianam fidē esse veram, euidenterq; credibilem, his quinque rationibus. Prima ratio: Demōstrari euidenter potest, quaruncunque gentium leges, & religiones circa cultum diuinum esse vanas, & falsas, & absurdas, & quasdam etiam obscenas. Etenim, dii gentium erant vel animalia, vt apud Ægyptios; vel corpora ratione sensuque carentia, vt apud Chaldaeos cœli & Astra; vel homines natiui & mortales, vt apud Græcos Saturnus, & Iuppiter, & Mercurius; vel simulacra siue hominum, siue animalium, aliarumue rerum; de quibus simulacris lepidissimè sanctus Rex & Prophetæ Dauid illud cecinit: *Simulacra gentium argentum & aurum, os habent & non loquentur; oculos habent & non videbunt, aures habent & non audient, nares habent & non odorabunt, manus habent & non palpabunt, pedes habent & non ambulabunt, non clamabunt in gutture suo.* Denique dii gentium erant Dæmones, qui variis fallaciis deceptos homines ad sui cultum adduxerant. Cultus præterea diuinus apud gentiles vel erat perobscenus, vt in Sacris Priapi; vel erat furibundus & insanus, vt in Bacchanalibus & Lupercalibus; vel immaniter crudelis, vt in Sacris Saturni & aliis quibusdam, in quibus viuus homo mactabatur, atque immolabatur. Hanc primam rationem copiosè, luculentèque tractarunt Iustinus Martyr, Clemens Alexandrinus, Origenes, Tertullianus, Arnobius, Eusebius, Lactantius, Cyrillus, Theodoretus, in libris, quos scripserunt aduersus Religionem gentium, & B. Augustinus in libris de ciuitate DEI.

Secunda

57 Secunda ratio : Lex & Religio ac disciplina Christiana certissime & clarissime tradit ea omnia, quæ cuius homini necessarium est bene cognita & certa habere ad bene viuendum: exempli causa, de ipso DEO, de anima ipsius hominis, de ultimo eius fine, de modo eum finem assequendi. Docet enim hominem de DEO, ipsum esse virtutis ac potentie infinitæ, esse agens liberum, omnia intelligere atque infallibili providentia gubernare, esse misericordem pariter atque iustum, esse inspectorem omnium, quæ homines agunt, & loquuntur, & cum animis suis cogitant, eorumque arbitrum esse ac Iudicem, cuique hominum pro eius meritis vel supplicia, vel præmia summa æquitate dispensantem: de anima vero rationali docet, ipsam esse immortalem, & suam cuique homini propriam, & à DEO creatam de nihilo, infusamque corpori, libero pollentem arbitrio, capacemque æternæ beatitudinis; quam tamè beatitudinem sine DEI auxilio & gratia nullus mortalium adipisci possit. Vltimum denique hominis finem docet, post hanc vitam esse in clara DEI visione ac fruitione positum; fore etiam in consummatione sæculi corporum, in iustis & sanctis viris resurrectionem ad vitam immortalem & beatam.

58 Tertia ratio : demonstrari potest summa honestas, & integritas fidei & religionis Christianæ, & magna eius congruentia cum recta ratione. Nihil enim illa falsi continet; & licet quædam doceat, quæ superant captum humanæ mentis, nihil tamen tradit quod sit contrarium & repugnans rectæ rationi, nihilque præcipit, aut etiam permittit, quod vel umbram tantum, aut speciem aliquam habeat turpitudinis, quin summam à sui cultoribus exigit honestatem atque sanctimoniam. Quarta ratio : Tanta est legis Christianæ integritatis & puritatis atque sanctitatis præstantia, ut qui ad normam eius vitam suam, actionesque conformant & dirigunt, hi euadant omnibus, etiam ipsis gentilibus, valde amabiles, & venerabiles, & admirabiles. Enim verò, in solo Christianismo reperire licet opera quædam virtutum excellentissima, & quæ appellantur Heroica, ut apud gentiles insolita & propemodum inaudita, ita apud Christianos omni tempore usitata; huiusmodi sunt, perpetua virginitas, voluntaria paupertas, renuntiando bonis omnibus temporalibus quæ possidentur; voluntarium & perpetuum

Quæ res expressè tradat doctrina fidei Christianæ, necessarias cognitu cuius homini ad bene viuendum.

Quatuor genera Heroicorum virtutum & operum in Christianismo.

iugum obedientiæ sub aliorum hominum imperio, & voluntarium martyrium pro confessione fidei CHRISTI, ac legis eius obseruatione, morte quamuis atrocissima libenter suscepta. Et hæc quidem in Christianismo reperiuntur, non in vno aliquo tantum tempore, sed in omni tempore; neque in vna tantum aliqua regione & gente, sed per omnes mundi regiones & gentes, vbicunque viget obseruantia Christianismi; neque in vno aliquo genere vel statu hominum, sed in omni hominum conditione, ætate, sexuque; neque ad breue aliquod tempus, sed ab exordio religionis Christianæ ad hodiernam vsque diem.

Quinta ratio: Quæ docet doctrina Christianæ fidei de CHRISTO, ea omnia multis retrò sæculis tum à Prophetis Iudæorum, tum à Sybillis vatibus gentium celebratissimis prænuntiatur, ita prorsus euentura fore, vt suo quæque tempore contigerunt. Quæcunque enim in Christianismo gesta sunt, & prædictum fuerat ab illis esse gerenda; & quæ prædixerunt illi gerenda esse, ea planè gesta & completæ sunt in Christianismo. Hanc rationem siue argumentationem esse præualidam, firmari etiam potest auctoritate B. Augustini, qui non aliud esse putat valentius argumentum quàm hoc ad conuincendos gentiles & aduersarios Christianæ fidei, & ad eius fidei cultores in ea fide fulciendos, atque confirmandos. Augustini verba ex capite quadragesimo septimo libri decimi octauo de ciuitate DEI hæc sunt: Nihil est firmitus ad conuincendos quoslibet alienos, si hac de re contenderint, nostrosque fulciendos, si rectè sapuerint; quàm, vt diuina prædicta de CHRISTO proferamus, quæ in Iudæorum scripta sunt codicibus: quibus Iudæis auulsis de sedibus propriis, & propter hoc testimonium toto orbe dispersis, CHRISTI vsque quæque credit Ecclesia. Hæc Augustinus. His itaque quinque rationibus demonstrari potest, doctrinam fidei CHRISTI, etiam sine miraculis, probari gentilibus posse. Sanè, plurimi Samaritanorum, sine vllis miraculis,

CHRISTO apud eos biduo commorante crediderunt in eum: & Paulo Athenis prædicante, Dionysius Arcopagita, & Damaris, & quidam alij crediderunt in CHRISTVM.

DECIMA QUARTA DISPUTATIO.

Quemadmodum Iudei sine miraculis convinci queant, ut doctrinam fidei CHRISTI veram esse fateri cogantur.

60 **I**VDÆIS autem veritas doctrinæ fidei CHRISTI, sine miraculis potest euidēter his rationibus probari. Prima ratio: Probari hoc potest manifestis Sacræ scripturæ veteris Testamenti testimoniis, quæ Iudæi, non tantum ut verā approbant, sed etiā ut diuinitus ipsis data summa religione venerantur. Omnia autem, quæ à Prophetis de tempore aduentus Messia, de tribu & stirpe eius, de loco natali ipsius, de prædicatione & conuersatione eius in terris, de miraculis, de instituto & ratione vitæ ab ipso agendæ, de discipulis eius, de genere passionis & mortis, de propagatione legis & doctrinæ ipsius & Religionis, & cultorum eius, per vniuersum terrarum orbem; hæc, inquam, omnia quæ à Prophetis de Messia fuerant prædicta, in Domino nostro IESU CHRISTO omninò completa esse cernuntur. Necesse igitur est, Iudæos alterutrum horum confiteri; aut signa venturi Messia à Prophetis data ipsis, fuisse incerta & fallacia, ut-
Fortissimum dilemma aduersus Iudæos.

61 **S**ecunda ratio: Quæcunque de Mosaicæ legis abrogatione, de principatus & regni Iudaici euersione, & templi atque vrbs Hierusalem desolatione, populi quæ Hebræi repudiatione & abiectione vel à Daniele, vel ab aliis veteribus Prophetis, vel ab ipso Domino IESU, eiusque Apostolis & Prophetis, multò ante quàm euenirent, apertè, expresse quæ prænunciata sunt; & quæ de vocatione gentium, de multiplicatione Christianismi, de legis Evangelicæ per omnes terrarum oras promulgatione, & Ecclesiæ CHRISTI dilatazione, ab eisdem illis prædicta fuerant, ea iam sunt, ipso rerum euentu prædictionibus illorum omninò respondente, comprobata.

62 **T**ertia ratio: Nisi populus Hebræus esset à DEO prorsus abiectus

Nn 3 ctus

Etus & repudiatus, quid causæ fingi posset cur DEVS Iudæos per annos iam plus mille quingentos, in tot & tantis calamitatibus ac miseriis, extra patriam à DEO illis olim assignatam, sine templo, sine sacrificiis cæteroque solemnî cultu DEI, sine Prophetis, sine principe suæ gentis viuere pateretur? nam, excepta Messie nece, grauissimum omnium scelerum erat idololatria, & cædes Prophetarum, quæ tamen crimina non ampliùs quàm septuaginta annorum captiuitate punita sunt & vindicata: & populus Iudaicus post reuersionem ex captiuitate Babylonica vsque ad CHRISTI aduentum, neque publico idolorum cultu, neque Prophetarum cædibus, vt quondam, se exosum DEO & execrabilem fecerat. Hinc necessariò concluditur hanc tantam eorum calamitatem & miseriam nō alius pœnam esse criminis quàm necis Messie, quam in Domino IESV immani crudelitate perfecerunt.

Quarta ratio: Cur post necem Domini IESV, hoc tam diu- 63
turnum, & fœdum, & miserandum eius gentis excidium & exilium ad hodiernum vsq; diem perdurat? ipsi occiderunt Dominum IESVM, quod se filium DEI & Messiam esse diceret: si autem non erat is, quem se ille prædicabat; cum illi necando, non modò se nullo obstrinxissent scelere, sed rem sanctissimam, & DEO gratissimam fecissent, eum, qui sibi honorem DEI falsò arrogabat, de medio tollentes: quamobrem, ob id facinus, magis fuissent à DEO honorandi; maioribusque beneficiis, bonisque cumulandi: cum igitur contra omninò euenerit, vt post id temporis, vndique rebus maximè aduersis & calamitosi vexati, & acerbissimis malis contriti & oppressi fuerint; luce meridiana clarius est, & verissima fuisse quæ de se Dominus IESVS prædicauerat, & ipsos summa impietate & crudelitate eum necando, tanquam deicides, grauissimis quidem, sed iustissimis tamen à DEO suppliciis esse multatos. Multa alia in huiusmodi tractâdo argumenta ab antiquis doctoribus scripta sunt, vt à Iustino Martyre in Dialogo, quem habuit cum Tryphone Iudæo; à Tertulliano & Cypriano in his quæ scripserunt aduersus Iudæos; à Chrysostomò in quinque orationibus, quas contra Iudæos scripsit; ab Eusebio in octo libris de demonstratione Euangelica; ab Augustino in libro decimo octauo de ciuitate DEI.

Veteres au-
tores qui de
veritate fidei
Christi scri-
pserunt aduer-
sus Iudæos.

DECIMA QVINTA DISPV TATIO.

*Quomodo sine miraculis veritas Catholica fidei, ac doctrine
aduersus Hæreticos euidenter demonstrari,
ac probari queat.*

64 **A**D redarguendos porro, atque peruincendos Hæreticos non est opus miraculis: quamuis etiam hæc, in omnibus fermè temporibus, quibus celebriores vigerūt Hæreses, sæpe DEVS per viros Catholicos fecerit ad perfidiam Hæreticorum publicè, euidentèrque confutandam. Etenim, cum Hæreticis alia quadam ratione disceptandum, & quasi propriis quibusdam pugnandum est armis. Fidem itaque Catholicam esse veram, à CHRISTO nempe & Apostolis conditam, & inde ad nos vsque, intemerata & incorrupta integritate custoditam, probare oportet aduersus Hæreticos his fermè rationibus. Primùm ex Canonicis & diuinis Scripturis: deinde, ex Apostolicis traditionibus: tum, ex antiquissimis & œcumenicis Conciliis, in quibus & confirmata est fides nostra Catholica, & contraria Hæreticorum placita explosa & damnata sunt: ad hæc, ex consensu doctorum Ecclesiæ, qui ab eius Exordio, omnibus sæculis, ad vsque præsens Ecclesiæ tempus floruerunt: præterea, ex plurimis miraculis olim in testimonium & confirmationem Fidei Catholicæ, per viros Catholicos factis.

*Exponuntur
rationes, qui-
bus Catholica
fides & Do-
ctrina proban-
da est aduer-
sus Hæreticos.*

65 Quòd si nunc circa doctrinam Fidei erraret Ecclesia Catholica, in eodem quoque versata fuisset errore superiorum temporum Ecclesia: quippe vtriusque fidem & doctrinam prorsus eandem esse constat. Quomodo igitur verum esset illud CHRISTI promissum: *Et porta inferi non praualebant aduersus eam.* Illud quoque: *Ego vobiscum sum omnibus diebus usque ad consummationem sæculi.* Quomodo item vera esset Pauli sententia appellantis Ecclesiam CHRISTI domum DEI viuæ, columnam & firmamentum veritatis?

*Matth. cap.
16. & vlt.
1. ad Timo-
theum cap. 3.*

66 Hæreticos autem vti diuinis Scripturis ad sua dogmata probanda

da, & doctrinam Ecclesiæ Catholicæ oppugnandam, nimis profecto insulsum, nimisque ridiculum est. Has namque Scripturas unde obsecro acceperunt Hæretici, nisi ab Ecclesia Catholica, quæ habuit eas ante cuiuslibet Hæresis exortum? coguntur igitur Hæretici, velint nolint, credere, Catholicam Ecclesiam habere veram Scripturam. Nam quod hæc Scriptura sit Canonica, illa verò non sit, ex ipsa sacra Scriptura diiudicari non potest, cum id expressum in ea non sit. Et ut expressum esset, fidem tamen certam non faceret, quia eius rei expressio, diuino spiritu facta esset necne, certè sciri non posset. Ergo, certum iudicium internoscendi Canonicas Scripturas à non Canonicis, ex Catholicæ Ecclesiæ doctrina & auctoritate petendum est. Aut igitur Ecclesia Catholica falli potest circa Scripturas Canonicas, aut non potest falli: si falli potest, incerta igitur est Scripturarum Fides: si autem falli non potest, ergo similiter circa alia, quæ docet ad fidem pertinentia, falli non poterit: si enim in vno aliquo dixeris eam posse errare, nulla ratio afferri poterit, cur non in quolibet cæterorum ad fidem pertinentium similiter errare queat.

*Fortissimum
dilemma ad-
uersus Hære-
ticos.*

DECIMA SEXTA DISPUTATIO.

*Quibus rationibus veritas Doctrinæ Fidei, sine miraculis
demonstretur euidenter, atque probetur
hominibus Catholicis.*



ÆTERVM ad confirmandos homines Catho- 67
cos in Fide CHRISTI, quam acceperunt ac te-
nent, nullis opus est miraculis: sed instat ingen-
tis miraculi esse debet auctoritas diuinæ Scripturæ
tot modis à DEO comprobata. Sic dixit Abra-
ham diuici Epuloni, ut in capite decimo sexto historiæ suæ Evan-
gelicæ narrat Lucas; Si Moysen & Prophetas non audiunt, neque si quis
ex mortuis resurrexerit, credent, nimirum, facilius est vera miracula
simulare ac mentiri, quàm veritatem factarum Scripturarum
adulterare. Paulus etiam magis vult credi prædicationi Euange-
lij, quàm ipse fecerat Galatis, quàm Angelis, si diuersa prædica-
rent,

*Iacobus Luca
cap. 16.*

Ad Galat. 1.

carent, quia potest Sathanas transfigurare se in Angelum lucis. Deinde, maximum omnium miraculorum est conuersio totius ferme mundi ad fidem CHRISTI, facta per homines, nulla re humana spectabiles, sed etiam ignobiles, pauperes, & secundum mundanam sapientiam idiotas: sepugnantibus eorum prædicationi sapientibus huius mundi, & imperatoribus, ipsisque Dæmonibus. Conuersi autem ad Fidem CHRISTI sunt non tantum pauperes, & ignobiles, & idiotæ, & pueri, vel mulierculæ; sed innumerabiles potentia, nobilitate, diuitiis, prudentia ciuili, sapientia philosophica præcellentes, ætatēque virili ac senili fortes, ac maturi & graues: & hi, propter CHRISTI Fidem, quam acceperant, libentissimis animis passi sunt, omnibus se bonis temporalibus spoliari, & cruciabilissimo interitu necari.

68 Hanc sanè tantam mundi ad fidem CHRISTI conuersionem non potuisse sine multis & magnis miraculis fieri: aut si facta sine miraculis est, hoc ipsum esse maximum miraculum, & certissimum argumentum, CHRISTI fidem esse maximè credibilem. B. Augustinus acutè, doctè, verèque argumentatur in capite octauo libri vigesimi secundi de ciuitate DEI, ita scribens: Cur, inquit, nunc illa miracula, quæ prædicatis facta esse, non fiunt? possem equidem dicere, necessaria tunc fuisse, prius quàm crederet mundus, ad hoc vt crederet. Quisquis verò adhuc prodigia, vt credat, inquit, magnum profectò est ipse prodigium, qui, mundo credente, non credit. Hoc autem propterea isti dicunt, vt nec tunc illa miracula facta fuisse credantur. Vnde ergo tanta fide CHRISTVS cantatur, in cælum cum carne sublatus? unde temporibus eruditis, & omne quod fieri non potest respicientibus, sine illis miraculis, nimium mirabiliter, incredibilia credidit mundus? An fortasse credibilia fuisse, & ideò sine miraculis credita esse dicturi sunt? cur ergo & ipsi non credunt? breuis est itaque nostra complexio: Aut incredibili rei, quæ non videbatur, alia incredibilia, quæ fiebant & videbantur, (vt sunt miracula) fecerunt fidem: aut certè res maximè credibilis, vt nullis, quibus persuaderetur, miraculis indigeret, istorum nimiam redarguit infidelitatem. Hoc ad refellendos vanissimos istos homines dixerim: nam facta esse multa miracula, quæ attestarentur illi grandi & salubri

Acuta & vera B. Augustini argumentatio.

O o miraculo,

miraculo, quo CHRISTVS in cœlum cum carne, in qua resurrexit, ascendit, negare non possumus. Hæc enim in veracissimis libris conscripta sunt, & quod facta sint, & propter quod credendum facta sint. Hæc, vt fidem facerent, innotuerunt; & per fidem, quam fecerunt, multò clariùs innotescunt; leguntur quippè in populis vt credantur, nec in populis tamen, nisi credita, legerentur. Nam etiam nunc fiunt miracula in eius nomine, siue per Sacramenta eius, siue per orationes, vel memorias Sanctorum eius, &c. quæ deinceps persequitur Augustinus, nonnulla commemorans miracula suo tempore facta.

Magna item est veritatis Fidei CHRISTI persuasio & confirmatio, quam in homine iusto, & secundum legem DEI viuente facit interius testimonium Spiritus sancti, hoc ipsum eis persuaden-

Ad Rom. 8. tis; secundum illud Pauli: *Ipse Spiritus testimonium reddit spiritui nostro, quod Filij DEI sumus.* Et hoc planè indicant verba illa

Ioan. 7. Domini: *Si quis voluerit voluntatem eius facere, cognoscat doctrinam, utrum ex DEO sit, an ego à meipso loquar.* Ad hanc quoque

Lucas 1. Petri cap. 1. sententiam licet interpretari verba illa B. Petri: *Satagite, vt per bona opera certam vestram vocationem & electionem faciatis;* quasi

verbis istis significetur, qui effectiōi bonorum

operum studiosè ac sollicitè dediti, atque

intenti sunt, eis fidem CHRISTI,

ad quam vocati sunt,

veram & certam

videri.

CAPVT



CAPVT QVINTVM

EVANGELII IOANNIS.



OST hæc erat dies festus Iudeorum, VERS. I.

¶ ascendit IESVS Hierosolymam.

* Est autem Hierosolymis probatica piscina, quæ cognominatur Hebraicè, Bethsaïda, quinque porticus habens.

* In his iacebat multitudo magna languentium, cecorum, claudorum, aridorum, expectantium aquæ motum.

* Angelus autem Domini descendebat secundum tempus in piscinam: ¶ movebatur aqua. Et qui prior descendisset in piscinam post motionem aquæ, sanus fiebat à quacumque detinebatur infirmitate. * Erat autem quidam homo ibi triginta & octo annos habens in infirmitate sua. * Hunc cum vidisset IESVS iacentem, & cognouisset quia iam multum tempus haberet, dicit ei: Vis sanus fieri? * Respondit ei languidus: Domine, hominem non habeo, ut cum turbata fuerit aqua, mittat me in piscinam: dum venio enim ego, alius ante me descendit. * Dicit ei IESVS: Surge, tolle grabatum tuum, ¶ ambula: * Et statim sanus factus est homo ille: ¶ sustulit grabatum suum, ¶ ambulabat. Erat autem sabbatum in die illo. * Dicebant ergo Iudei illi, qui sanatus fuerat: Sabbatum est, non licet tibi tollere grabatum tuum: * Re-

pondit eis: Qui me sanum fecit, ille mihi dixit: Tolle grabatum tuum,

12 tuum, & ambula. * Interrogauerunt ergo eum: Quis est ille ho-
 13 mo, qui dixit tibi, Tolle grabatum tuum, & ambula? * Is au-
 tem, qui sanus fuerat effectus, nesciebat quis esset. IESVS enim
 14 declinauit à turba constituta in loco. * Postea inuenit eum IESVS
 in templo, & dixit illi: Ecce sanus factus es: iam noli peccare, ne
 15 deterius tibi aliquid contingat. * Abijt ille homo, & nunciauit
 16 Iudeis quia IESVS esset, qui fecit eum sanum. * Propterea per-
 17 sequebantur Iudei IESVM, quia hæc faciebat in Sabbato. * IESVS
 autem respondit eis: Pater meus usque modo operatur, &
 18 ego operor. * Propterea ergo magis querebant eum Iudei interfici-
 cere: quia non solum soluebat sabbatum, sed & patrem suum di-
 cebat DEVM, aequalem se faciens DEO. Respondit itaque IE-
 19 SVS, & dixit eis: * Amen, amen dico vobis: non potest Filius
 à se facere quidquam, nisi quod viderit Patrem facientem: que-
 20 cunque enim ille fecerit, hæc & Filius similiter facit. * Pater
 enim diligit Filium, & omnia demonstrat ei, quæ ipse facit: &
 21 maiora his demonstrabit ei opera, vt vos miremini. * Sicut enim
 Pater suscitatur mortuos, & viuificat: sic & Filius, quos vult,
 22 viuificat. * Neque enim Pater iudicat quemquam: sed omne iu-
 23 dicium dedit Filio, * vt omnes honorificent Filium, sicut hono-
 rificant Patrem: qui non honorificat filium, non honorificat Pa-
 24 trem, qui misit illum. * Amen, amen dico vobis, quia qui verbum
 meum audit, & credit ei, qui misit me, habet vitam æternam, &
 25 in iudicium non venit, sed transit à morte in vitam. * Amen,
 amen dico vobis, quia venit hora, & nunc est, quando mortui
 26 audient vocem Filij DEI: & qui audierint, viuent. * Sicut
 enim Pater habet vitam in semetipso: sic dedit & Filio habere
 27 vitam in semetipso: * & potestatem dedit ei iudicium facere, quia
 28 Filius hominis est. * Nolite mirari hoc, quia venit hora, in qua om-
 29 nes, qui in monumentis sunt, audient vocem Filij DEI: * & pro-
 cedent, qui bona fecerunt, in resurrectionem vite: qui verò mala
 30 egerunt, in resurrectionem iudicij. * Non possum ego à meipso
 facere

facere quidquam. Sicut audio, iudico: & iudicium meum iustum
 est: quia non quero voluntatem meam, sed voluntatem eius, qui
 misit me. * Si ego testimonium perhibeo de meipso, testimonium 31
 meum non est verum. * Alius est, qui testimonium perhibet de me: 32
 & scio quia verum est testimonium, quod perhibet de me. * Vos 33
 misistis ad Ioannem: & testimonium perhibuit veritati. * Ego 34
 autem non ab homine testimonium accipio: sed hæc dico ut vos sal-
 uifitis. * Ille erat lucerna ardens, & lucens: vos autem voluistis 35
 ad horam exultare in luce eius. * Ego autem habeo testimonium 36
 maius Ioannæ. Opera enim, quæ dedit mihi Pater ut perficiam
 ea: ipsa opera, quæ ego facio, testimonium perhibent de me, quia
 Pater misit me. * & qui misit me Pater, ipse testimonium perhibuit 37
 de me: neque vocem eius unquam audistis, neque speciem eius vi-
 distis. * & Verbum eius non habetis in vobis manens: quia quem 38
 misit ille, huic vos non creditis. * Scrutamini Scripturas, quia vos 39
 putatis in ipsis vitam æternam habere: & ille sunt, quæ testimo-
 nium perhibent de me: * & non vultis venire ad me ut vitam 40
 habeatis. * Claritatem ab hominibus non accipio. * Sed cognoui vos, 41. 42
 quia dilectionem DEI non habetis in vobis. * Ego veni in nomi-
 ne Patris mei, & non accipitis me: si alius venerit in nomine suo,
 illum accipietis. * Quomodo vos potestis credere, qui gloriam ab 44
 inuicem accipitis: & gloriam, quæ à solo DEO est, non queritis?
 * Nolite putare quia ego accusaturus sim vos apud Patrem. Est 45
 qui accusat vos Moyses, in quo vos speratis. * Si enim 46
 crederetis Moyse, crederetis forsitan & mihi: de
 me enim ille scripsit. * Si autem illius litteris 47
 non creditis: quomodo verbis
 meis credetis?



IN CAPVT QVIN- TVM DISPVATIONES VIGINTI SEX.

Narratur in priori parte huius capituli insigne miraculum hominis paralytici, iuxta Probaticam piscinam à CHRISTO sanati: in posteriori parte capituli exponitur sermo, quem ex occasione huius miraculi CHRISTVS habuit cum Iudeis.

PRIMA DISPVATIO.

Super illis verbis:

VERS. I. Post hæc, erat dies festus Iudæorum, & ascendit
IESVS Hierosolymam.

Disputatur, quis fuerit ille dies festus Iudæorum.



ILLUD, post hæc, indicare videtur, quæ
narrantur in hoc quinto capite, proxime
consecuta esse miraculum illud
filij Reguli à CHRISTO sanati, de
quo miraculo in extrema parte quarti
capitis scripsit Ioannes. Verum, non
ita res habet: illud namq; miraculum
filij Reguli, primum fuit eorum, quæ
CHRISTVS in Galilæa fecit post-
quam secundò ad eam venerat: post quod Ioannes proxime sub-
dit reditum CHRISTI Hierosolymam. At cæteri tres Euange-
listæ plurima CHRISTI acta & dicta in Galilæa, post secundum
eius aduentum, commemorant, quæ scilicet necesse est inter mi-
raculum filij Reguli, & miraculum Paralytici intercessisse. Quæ
igitur

Igitur intermedio illo tempore à CHRISTO acta sunt in Galilæa, ea possunt ad hæc nouem capita reduci. Primò: tunc facta est vltima vocatio quatuor Apostolorum, Petri & Andreæ & filiorum Zebedæi, Matthæi 4. Marci 1. Lucæ 4. Secundò: liberatio cuiusdam demoniaci, Matthæi 8. Tertiò: curatio socrus Simonis, Matthæi 8. Marci 1. Lucæ 4. Quartò: sedatio tempestatis, discipulis in mari periclitantibus, Matthæi 8. Marci 4. Lucæ 8. Quintò: liberatio duorum demoniacorum, qui erant in regione Gerasenorum, Matthæi 8. Marci 5. Lucæ 8. Sextò: curatio Paralytici per regulas demissi, Matthæi 9. Marci 2. Lucæ 5. Septimò: vocatio Matthæi ad Apostolatam, & disceptatio CHRISTI cum Phariseis & cum discipulis Ioannis de Ieiunio, Matthæi 9. Marci 2. Lucæ 8. Octauò: Resuscitatio filix Archifinagogi, & obiter sanatio Hæmorrhissæ, Matthæi 9. Marci 5. Lucæ 8. Nondò: Illuminatio duorum cæcorum, & demoniaci liberatio, Matthæi 9. His nouem supradictis consequens fuit historia Paralytici iuxta Probatam piscinam à CHRISTO sanati, & quæ deinceps acta & dicta narrantur in hoc quinto capite. Superiora verò illa nouem, quæ recensuimus, consulò prætermisisse creditur Ioannes, vt qui nouissimus omnium Euangelistarum eo consilio Euangelium scripserit, vt quæ ab aliis tribus tradita fuérant, ferè omitteret; prætermisita verò ab illis ipse suppleret. Ergo, cum vel Ioannes, vel alij Euangelistæ scribunt, (*post hæc*) esse factum hoc, vel illud, non semper significant proximam consequentiam rerum gestarum, neque continuatam rerum subsequentiæ cum antecedentibus, secundum ordinem temporum, connexionem: sed illud tantum indicare volunt, id quod, antea posteriori loco ab ipsis narratur, euenisse post id, quod antea ipsi narrauerant; post, inquam, vel proximè, vel aliquo temporis interuallo.

2. Sed ex illis verbis, *Erat dies festus Iudæorum*, non leuis quæstio existit, variis auctorum sententiis controuersa, quisnam fuerit dies ille festus Iudæorum, quem Ioannes hoc loco simpliciter, ac præcisè Festum appellauit; An festum Pascha, an Pentecostes, vel aliud aliquod de festis & sacris diebus, quos diuina lege præscriptos Iudæi anniuersaria celebrare, solemnes agebant. Cyrillus, Chrysostomus, Theophylact. Euthymius, Auctor Historiæ schola-

*Quis fuerit
ille dies Fe-
stus Iudæorū.
Cyrillus.
Chrysostom.
Theophylact.
Euthymius.*

sticæ,

*Historia Scholastica.
B. Thomas.
Lyranus.
Carthusianus.*

sticæ, Beatus Thomas, Lyranus, Carthusianus in explanatione huius loci arbitrantur, fuisse festum Pentecostes, quod quinquaginta diebus post festum Pascha agebatur. Nam cum supra in secundo cap. commemorasset Ioannes festum Pascha, quo tempore CHRISTVS eiecit de Templo vendentes & ementes, nec postea vsque ad hunc locum vllius festi mentionem fecerit, satis credibile est, festum, quod hic nominatur, fuisse proximum post festum Pascha; nullum autem propius erat, quàm festum Pentecostes.

Non fuisse festum Petres.

At enim, hæc sententia refellitur eo argumento, quod post illud festum Pascha CHRISTVS & moratus est in Iudæa, & inde postea proficiscens in Galilæam, in transitu per Samariam, sermonem habuit cum muliere Samaritana, quatuor mensibus ante tempus messis, ut ipse significauit illis verbis; *Nonne vos dicitis, quia adhuc quatuor menses sunt, & metis venit?* Metis autem fiebat in Iudæa ante festum Pentecostes, ut patet ex trigesimo quarto capite Exodi, & vigesimo tertio Leuitici, & ex tertio & quarto cap. lib. Iosue.

Caicranus & Canus.

Caicranus super hoc loco, & Canus in capite quinto libri vndecimi de locis Theologicis in solutione sexti argumenti putant, Festum, hoc loco à Ioanne commemoratum, fuisse festum hyemale, videlicet aut instaurationis secundi Templi, quod festum agebatur tertio die mensis Adar, qui erat vltimus mensis anni apud Iudæos, nostro Februario respondens, ut in capite sexto prioris libri Esdræ scriptum est: aut fuisse Festum sortium, siue Mardochei, quod in eiusdem mensis decimo quarto & decimo quinto die celebrabatur, sicut in capite nono libri Esther proditum est.

Non fuisse festum hyemale.

Verum, nec sententia hæc bene congruit cum illo CHRISTI dicto proximè supra commemorato, quo ex tempore CHRISTVS erat in Samaria, quatuor mensibus abfuisse tempus messis: & propterea non videtur credibilis hæc sententia, quod illa duo festa hyemalia, à Caicrano & Cano commemorata, minoris celebratatis erant apud Iudæos, quàm festa Paschæ & Pentecostes, & Tabernaculorum, ut quæ non hominum auctoritate, sicut illa hyemalia, sed DEI ipsius præscripto, & lege per Moysen data, essent constituta: Neutri igitur illotum duorum festorum hyemalium conueniens erat nomen, Festi, simpliciter & præcisè dicti: sicut hic appellatur.

Simili

6 Similior itaq; verò est sententia Irenæi in capite trigesimo nono libri secundi, & Ruperti super hoc loco, fuisse festum illud hic nominatum à Ioanne, festum Pascha: sic enim bene cohæret historia huius quinti capitis cum historia proximè præcedentis capitis: & satis apparet, quo modo cùm CHRISTVS erat in Samaria, distaret tunc quatuor mensibus tempus messis, quæ in Iudæa, ut supra dictum est, fiebat inter Pascha & Pentecostem. Hæc sententia duabus præcipuè rationibus validè firmatur: Altera ratio est, quòd in Euangelica historia non in vno tantum loco legimus, Festum Pascha nominari festum simpliciter, ut cernere licet apud Lucam cap. 2. apud Matthæum cap. 26. & apud ipsum Ioannem cap. 13. nusquam verò siue in Veteris, siue in Noui Testamenti Scriptura reperire est, aliud vllum festum, nisi Pascha, appellari festum simpliciter & præcisè. Altera ratio est, Ioannem solum ex Euangelistis, omnia festa Pascha, toto prædicationis CHRISTI tempore peracta, digessè, ac distinctè, expressèque notasse: quòd series prædicationis CHRISTI, & quot annos post Baptismum vsque ad Passionem suam prædicauerit, liquidius cognosci posset; & hoc ipsum de Ioanne tradunt antiqui patres, mox à me commemorandi. Sed enim, si festum hic nominatum à Ioanne non fuit festum Pascha, Ioannes profectò non nisi tria Pascha post Baptismum à CHRISTO acta commemorasset. Hoc autem est contra communem sententiam Patrum, qui tradiderunt, ex Ioannis Euangelio euidenter colligi, CHRISTVM quater post Baptismum suum egisse festum Pascha; id enim proditum est ab Eusebio in libro octauo de Demonstratione Euangelica in Disputatione de septuaginta Hebdomadis Danielis, & ab Epiphanio contra Hæresim quinquagesimam primam, & ab Hieronymo & Theodoro super nono capite Danielis, & ab aliis permultis. Illud præterea absurdi habet hæc sententia, quòd secundum eam efficeretur, CHRISTVM ne duos quidem annos integros prædicasse, nec vixisse ipsum, nisi vnum & triginta annos, paucis mensibus adiectis: siquidem tria Pascha duos tantum annos continent, & CHRISTVS initio anni trigesimi suæ ætatis baptizatus est.

Fuisse illud festum Pascha. Irenæus, Rupertus.

Festum Pascha nominari solere simpliciter, ac præcisè festum.

Christus quater egisse Pascha post Baptismum suum. Eusebius.

Epiphanius.

Hieronymus, Theodoretus.

7 Sed enim, illud aduersari videtur huic sententiæ, quod Ioannes

*Dua obiectio-
nes ultra pro-
ximam supe-
riorem senti-
tiam, quam
sequitur au-
dit.*

infra in principio textu capitis commemorat festum Pascha: si festum igitur hoc in loco nominatum fuisset Pascha: ab vno Pascha ad alterum Pascha transisset Ioannes, omnia vnus integri anni acta & dicta CHRISTI in præteritis relinquens, exceptis paucis quibusdam in hoc quinto capite ab eo commemoratis. Verum facile diluitur hæc obiectio: sæpe enim Ioannes extrema commemorat, intermedia prætermittens, vt quæ à cæteris Euangelistis abundè conscripta essent. Illud præterea posset obiici, ex hac sententia necessarîo alterutrum duorum concludi, vel CHRISTVM vixisse triginta quatuor annis: quod nec pluribus viris doctis, nec nobis probatur; vel à baptismo CHRISTI vsquè ad nuptias in Cana Galilææ factas non præterisse vnum annum: quod sanè multorum assensu comprobatum est. Sed extremum hoc nos minimè abnuimus: quin etiam vtrò concedimus; de quo, quia copiosè disseruimus suprà in Exordio secundi capitis huius Euangelij, nihil in præsentia dicemus.

SECUNDA DISPUTATIO.

Super illis verbis:

VERS. 2.

Est autem Hierosolymis Probatica piscina, quæ cognominatur Hebraicè Bethesda, quinque porticus habens.

*Varia lectio.
Beda.
Euthymius.
Theophylact.*



RÆCI Codices habent, *super Probatica*: Beda & 8 Euthymius legunt: *in Probatica*. Theophylactus in textu suo habet, *ad Probaticam*. Significatur secundum istos vocabulo Probatica, locus: vbi oues, & agni congregari, & asseruari solebant propter frequentes eorum immolationes in Templo; quotidiana certè duorum agnorum erat immolatio, vnus in sacrificio matutino, alterius in vespertino. Itaque piscina illa erat vel iuxta istum locum, vel intra, vel supra: in qua videlicet piscina oues & agni, vel eorum interanea, ante immolationem lauabantur à sordibus.

Lubet hic adscribere, quæ ad hunc locum pertinentia, in libro 9 de

de locis Hebraicis scripsit B. Hieronymus, & Rupertus super hoc loco, alique complures. Isti vocem illam, *Probatia*, legunt in nominatiuo, quasi nomen adiectiuum illius vocis, *piscina*. Vocem porro Græcam, *Probatia*, Latine vertens Hieronymus, appellauit pecualem; In qua, inquit, ostenduntur gemini lacus, quorum vnus hybernis pluuiis impleri solet; alter mire rubens, quasi cruentis aquis, antiqui in se operis signa testatur: Nam hostias in eo lauare à sacerdotibus solitas ferunt: vnde & nomen accepit. Sic Hieronymus. Similiter etiam vocabulum, *Probatia*, legisse videtur Theophylactus: licet enim in textu eius legatur, *ad probatiam*: in commentario tamen sumit vocem, *Probatia*, vt epithetum piscine, quam ita dictam esse putat, quod illuc oues ad sacrificium cogerentur.

S. Hieronymus,
Duo lacus in
Probatia.

Theophylactus.

- 10 Pro illa voce Latina, *Piscina*, vox Græca proprie significat, *Natatoria*: & hanc ipsam vocem Græcam, Latinus etiam interpret infra in capite nostro transtulit in vocem Latinam, *natatoria*: Cum inquit, *Vade, laua in Natatoria Siloe*: Piscina verò dicta est, non quod in ea viui pisces seruarentur: sed quia vel piscine haberet similitudinem, vel per abusum eius vocis vsitatum non solum vulgo: sed doctis etiam viris; quo magna quædam aquarum receptacula nominantur piscine: Et Plinius quodam loco ingentia quædam vasa lignea aquarum nominauit piscinas.

Quid piscina.

Plinius.

- 11 Dignum memoratu hoc loco, & cognitu est, quod Brocardus diligentissimus locorum terræ sanctæ explorator, & obseruator, atq; sculptor de hac piscina in libro suo scriptum reliquit: Ab area, inquit, templi contra Aquilonem, spatio iactus lapidis, est porta vallis, quæ ducit ad vallem Iosaphat, quæ vocatur etiam porta gregis, quod per eam introducerentur greges, in templo immolandi. Hanc portam intrantibus, ad sinistram est piscina probatica, in qua Narhinae lauabant hostias, quas bene lotas sacerdotibus tradebant in templo offerendas: quæ piscina porticus habuisse ostenditur. Ad dexteram est alia piscina grandis, dicta inferior, facta ab Ezechiarege. Verum scire conuenit, plures fuisse Hierosolymis piscinas in Sacra scriptura commemoratas. Prima piscina dicta est superior, quæ extra ciuitatem erat in via agri fullonis, de qua Isaias cap. 7. & in libro quarto Regum, cap. 18. Secunda pisci-

Brocardus.

Quinque
piscina Hierosolymis.

na est appellata inferior : quam construxit Rex Ezechias , cuius fit mentio in libro quarto Regum , cap. 20. & in libro secundo Paralipomenon , cap. 32. & apud Isaiam , cap. 22. & in libro Ecclesiastici , cap. 48. Tertia piscina nominata est (vetus) quam Isaias cap. 22. scribit fuisse inter duos muros. Quarta piscina fuit , cuius hoc loco meminit Ioannes , à Rege Salomone , in usum ministerij tem-

Iosephus.

pli constructa : quæ fortasse ea ipsa est , quam Iosephus in descriptione vrbs Hierosolymitanæ vocat stagnum Salomonis. Quinta demum piscina , siue Natatoria , dicta est Siloë , cuius infra in cap. 9. huius Euangelij fit mentio : & in cap. 3. libri Nehemix. Primum igitur in piscina Probatice , secundum Rupertum , & Euthimium & Theophylactum , Nathinæi lauabant hostias , à quibus acceptas sacerdotes iterum eas lauabant in decem luteribus seu conchis , vt traditur in capite quarto libri secundi Paralipomenon.

Rupertus.

Euthimius.

Theophylact.

Hostias , siue

victimæ in

templo Iudaico

immolandas , bi lauari

solebat.

Aristæus.

De abundantia

aquarum

in usus templi Hierosoly-

mitani.

Aristæas in ea historia , quam ipse scriptam reliquit de sua legatione in Iudæam : vnde celebres illos septuaginta duos interpretes sacræ Scripturæ secum duxit Alexandriam , ait , fuisse in Templo Hierosolymitano magnum , & perennem fontem : & sub terra circum ipsum Templum per quinque stadia fuisse magna & ampla aquarum receptacula , in quæ omnis aqua templi , & sanguis victimarum defluens , per subterraneos deinde meatus extra urbem eiceretur ; tanta copia & impetu , vt ingentis sonitum fluminis subterlabentis referret. Cornelius Tacitus in libro quinto Historiarum , de Templo Hierosolymitano scribens , Perennis , inquit , in eo fons , cauatisque sub terra montibus , piscinæ , ac cisternæ , colligendis , seruandisque imbris factæ.

Tacitus.

De vocabulo

Bethsaida.

Beda.

S. Hieronymus.

Circa illa verba , quæ cognominatur *Hebraicè Bethsaida* , sciendum est secundum lectionem Græcam legi , & Latine verti : (Bethesda.) Sic legit hoc loco Beda , & sanctus Hieronymus in libro de locis Hebraicis. Dixit autem Ioannes illud , *Hebraicè* , pro eo , quod est (Chaldaicè.) Eo namque tempore , vulgaris Iudæorum lingua erat ferè Chaldaica : Chaldaicè autem locus alicuius rei dicitur domus eius , vt , ager vocatur domus seminis ; & stabulum dicitur domus iumenti : significat autem vox , (Bethesda ,) domum effusionis , id est , locum , in quem ex tectis , aliisque locis editioribus ; vel ex eo lacu , quem Hieronymus dixit hybernis pluuiis impleri solitum , aquæ

Hieronymus.

aquæ defluentes recipiebantur. Alij eam vocem interpretantur domum benignitatis: sic appellatam, quòd eo in loco benignè acciperentur, & tractarentur pauperes ægroti, expectantes illic piscinæ motum. Verùm Latini Codices habent (Bethsaida:) & sic legunt ferè Latini interpretes: & Pagninus in libro de interpreta- Pagninus. tione nominum Hebraicorum ait, ea voce significari domum effusionis, id est, locum, in quem confluerent aquæ pluuiæ. B. Hieronymus in commentariis suis in Osæam, interpretatur eam Hieronymus. vocem, domum venatorum: Rupertus interpretatur domum Rupertus. frugum.

- 14 Cogitandum itaque est, circa illam piscinam fuisse quinque porticus, in quibus manebant ægroti, motum illius aquæ expectantes: hos autem Ioannes appellat languentes, cæcos, & claudos, & aridos. Languentes dicuntur, quos vulgò febricitantes appellant: aridi dicuntur contracti, vel qui partem aliquam corporis habent aridam; qualem habuit manum is, quem curauit CHRISTVS, de quo Matthæus scripsit: *Et ecce homo manum habens aridam*; & post pauca; *Tunc ait homini, extende manum tuam: & extendit, & restituta est sanitati: sicut altera.* De Rege quoque Hieroboam ita traditum est in capite decimo tertio libri tertij Regum; *Et exaruit manus eius, quam extenderat contra Prophetam Domini, nec valuit eam retrahere ad se.* Græca vox, qua vitur hoc loco Ioannes, significat aridum & mancum, & qui manum habet enervatam: mancus verò dicitur, quasi manu carens.

- 15 Sex autem res in illa Piscina erant admodum mirabiles. Prima, Sex res in illa piscina valde mirabiles. quòd sanabat quoslibet morbos. Secunda, quòd subito sanabat. Tertia, quòd non sanabat nisi vnum ex tot ægrotis. Quarta, quòd non sanabat nisi eum, qui ante alios omnes descenderat in aquam Piscinæ. Quinta, quòd eam vim sanandi non semper habebat: sed eo dumtaxat tempore, quo aqua eius Piscinæ agitata, & turbata erat. Sexta, quòd illa commotio & turbatio aquæ tam salutiferæ, fiebat ab Angelo, stans temporibus, è cælo in eam Piscinam descendente.

TERTIA DISPUTATIO.

Super illis verbis:

VERS. 4. Angelus autem Domini descendebat secundum tempus in Piscinam, & movebatur aqua: & qui prior descendisset in Piscinam post motionem aquæ, sanus fiebat, à quacunq; detinebatur infirmitate.



SCIT opera naturalia & ordinaria facit DEVS 16 per causas naturales & ordinarias; ita opera supernaturalia, & extraordinaria, ut sunt miracula, facit per causas extraordinarias; plurimum verò, per Angelos, principales diuinæ providentiæ ministros: & miracula quidem opinatur B. Gregorius fieri solere per ordinem Angelorum secundæ hierarchiæ, qui appellantur Virtutes. Nec dubitandum est, quin Angelus ille fuerit vnus de bonis & beatis Angelis: nam & malorum quoque Angelorum ministerio interdum vtitur DEVS, sed vtitur tamen in malis, id est, vel in ultionem impiorum, vel in tentationem & probationem bonorum hominum: ut in Iob. Quæ autem spectant ad salutem hominum, ea per bonos Angelos facit DEVS. Sed quis fuit ille Angelus? Tria dumtaxat Angelorum nomina reperiuntur expressa in Sacris litteris, Michaël, Gabriel, & Raphaël. Quidam itaque coniecturam faciunt, illum Angelum fuisse Raphaëlem, eò quòd Hebraica illa vox, Raphaël, Latine significat medicinam DEI, quasi hic Angelus faciendis miraculis ad medicinam & sanitatem hominum pertinentibus, à DEO fuerit destinatus.

Iob 1. & 2.
Quis fuerit
ille Angelus.

Vnde notum
Iudæis fuerat
illius Angeli
descensus in
piscinam.

Sed vnde compertum fuerat Iudæis, Angelum descendere solitum in piscinam? Fortasse à principio cuiuspiam viro sancto diuinitus eius rei facta est reuelatio, quæ postea diuulgata, & consecuto miraculi effectû comprobata, fidem eius rei in posterum firmavit. An potius, quia persuasum erat Iudæis, omnes extraordinarios & prodigiosos effectus diuinitus factos, ministerio Angelorum fieri solere?

Illud in dubio est, quoties, & quo anni tempore Angelus ille descendere

17

18

scenderet in piscinam. In historia scholastica in capite octogesimo primo super historia Euangelica traditur, id fuisse Iudæis incertum; & idcirco ægrotos, per totum anni tempus, piscinæ illius motum aquæ in eo loco expectare solitos. Cui tamen sententiæ obstat, quod Ioannes apertè dixit, Angelum descendere solitum secundum tempus: id autem est, statò & certo quodam tempore. Cyrillus, Chrysostomus, & Theophylactus arbitrantur, semel tantum in anno, & in festo Pentecostes Angelum illum descendere solitum in piscinam. Isti enim festum Iudæorum, initio huius quinti capitis à Ioanne nominatum, interpretantur festum Pentecostes, quod nos supra improbauimus. Coniectant alij, ter singulis annis descendisse Angelum in piscinam; in tribus videlicet præcipuis Iudæorum solemnitatibus, Pascha, Pentecostes, & tabernaculorum. Vero similis fit aliis, semel tantum descendisse Angelum in anno, & circa festum Pascha, sicut vnus tantum ægrotorum, isque primus descendendum in piscinam, sanabatur: sanè, festum Pascha primum erat anni apud Iudæos, multis in Ægypto factis prodigiis nobilitatum; quo etiam tempore CHRISTVS, cruentissima necandus morte, piscinam ex suo sanguine sanandis omnibus animorum morbis facturus erat: duo certè ex ipso verborum Ioannis contextu euidenter colliguntur: Alterum, certo anni tempore solitum descendere Angelum: Alterum verò, id fieri solitum circa festum Iudæorum: quod fuisse festum Pascha nos suprà ostendimus. Expectabant autem ægroti in eo loco, ut quisque ante alios, descensum in piscinam anteuenteret: & ad id commodum sibi locum anticipabant.

Quæritur, & quando Angelus descendebat in piscinam. Historia scholastica.

Cyrillus, Chrysost., Theophyl.

- 19 Cæterum, illud hoc loco quæri potest, An mira illa virtus sanandi, piscinæ tribueretur ab Angelo. Affirmat id Theophylactus, & B. Thomas: nam turbatio aquæ accidebat piscinæ ab Angelo: per illam autem turbationem existerat virtus illa sanandi: ergo & hæc ab Angelo proficiscebatur, & tribuebatur piscinæ. Addunt isti, illam piscinam, eò fuisse figuram nostri baptismi, quòd ut illa vim sanandi habebat non ex se, sed ex inuisibili operatione Angeli: sic aqua baptismi non ex se vim habet eluendi peccata, sed per inuisibilem Spiritus sancti operationem. Verum, contra sententiam hanc illud facere videtur, quòd Angeli nullum effectum

An illa virtus sanandi ægrotos, indicata esset piscinæ ab Angelo.

Theophyl. S. Thomas.

atum naturalem præstare possunt immediatè: sed per causas naturales inuicem applicatas: nulla est autem causa naturalis, quæ illi aquæ virtutem sanandi quemlibet morbum tribuere potuerit. Totâ igitur illa virtus sanandi à DEO erat: sed per Angelum, vt DEI administrum: & sicut in scholis dicitur, causam instrumentalem diuinæ virtutis: atque hoc equidem cenfeo sensisse B. Thomam, cum dixit, Angelum virtutem illam dedisse piscinæ: ad eum scilicet modum, quo dicere solemus sacerdotem in Sacramento confessionis remittere peccata, & conferre gratiam Sacramentalem.

B. Thomas.

QVARTA DISPVATIO.

Super illis verbis:

Et mouebatur aqua.

VERS. 4.

Cur illa virtus sanandi nō infuit aquæ, nisi mota, & turbata.



VR DEVS admirabilem illum effectum sanandi 20 ægrotos, per aquam illius piscinæ non quietam, sed commotam, & agitatam, atque turbatam fieri voluerit, nonnullas, sed coniecturales tamen, rationes asserre possumus. Prima ratio: vt ex illa tam insigni, & notabili aquæ agitatione, tanquam ex manifesto quodam indicio notesceret Iudæis, quando Angelus descenderet in piscinam, & vim sanandi aquæ tribueret; simulque manifestum esset ægrotis, quando in piscinam descendere eos oporteret. Secunda ratio: quò euidentius appareret, virtutem illam sanandi neque casu, & fortuitò illi aquæ contingere, neque ex illius aquæ, aut loci occulta quapiam naturali proprietate vel facultate provenire: sed extrinsecus omninò, & diuinitùs accedere. Tertia ratio: Vt hoc miraculum ad mysticam quoque intelligentiam referamus, illa commotio, & turbatio aquæ piscinæ, prænuntia quodammodo fuit eius turbationis, quæ in passione CHRISTI accidit, cum Dominus noster, vt ipse sub persona Dauidis prædixerat in Psalmo sexagesimo octauo, turbulentissimis atque fœuissimis dolorum & cruciatuum procellis agitur & conflictatur est: tunc corpus eius factum est quasi piscina sanguinis, quo perfusi

Turbationis illius aquæ mystica interpretatio pertinet ad multiplicem turbationem factam in passione.

ab

ab omnibus animi morbis lauemur. Quanta verò, id temporis, facta sit turbatio, narrat historia Evangelica: nempe facta est in ipso CHRISTO, & in horto cum Patrem oraret, & pendens in cruce: facta est in discipulis eius, deserto magistro diffugientibus: facta est in eclipsi solis contra vsitatum naturæ ordinem; in tremore terræ, in ruptione lapidum, in discissione veli templi, in patesfactione monumentorum, in turbatione Iudæorum, qui reuertebantur percutientes pectora sua. Et ipsa quidē prædicatio Euangelij per vniuersum terrarum orbem quid aliud fuit, quàm commotio, & turbatio quædam omnium gentium? per quam tamen turbationem credentibus Euangelio perfecta tribuebatur animorum sanitas. Denique, ipsum pœnitentiæ Sacramentum quid aliud est, quàm piscina habens aquam turbatam? Necessum enim est, veros pœnites recordatione suorum scelerum ingenti pudore, doloreque affici, & metu diuinæ iustitiæ, intimis animi sensibus penitus conturbari. Audi Davidis verè pœnitentis, lamentabiles voces, plenâque turbationis, & timoris; *SANA*, inquit, *me Domine, quoniam conturbata sunt ossa mea, & anima mea turbata est valde*: Et alio loco; *Commouisti terram, & conturbasti eam: SANA contritiones eius; quia commotus est*. Quæ verba aptè applicari possunt ad peccatorem pœnitentem; Homo enim, quia Adam post peccatum suum terra appellatus est à DEO, vocabulo, terræ, sæpe in Sacris litteris appellari solet.

Sacramentum pœnitentiæ simile esse illi piscinæ habenti aquam motâ, & turbatam.

Psalm. 139.

21 *Quandiu porrò duraret illa motio & turbatio aquæ, incomper-*
tum est: sit tamen credibile, fuisse eam breuissimi temporis: siquidem ea vni tantum ægrotorum, & ei, qui primus ante alios omnes descendebat in piscinam, proderat: quo sanato, superuacanea profectò deinceps fuisset longior aquæ motio, & turbatio; quippe nulli iam profutura. Vnde verò ea commotio, & turbatio illi aquæ accideret, variè traditur. Auctor historiæ Scholasticæ in capite octogesimo primo super historia Evangelica refert Traditionē quandā antiquam huiusmodi; Fuisse in fundo illius piscinæ lignum, quod postea inde extractum est, & ex eo Iudæi formauerunt crucem, in qua CHRISTVS crucifixus & mortuus est. Hoc itaque lignum, descendens de cælo Angelus ex fundo piscinæ extollebat, eoque agitabat & turbabat aquam. Alij eam turbatio-

Quandiu duraret illa motio aquæ piscinæ.

Vnde accidit illi aquæ turbatio eius. Historia Scholastica. Antiqua traditio.

Ita huiusmodi motio aquæ.

Qq nēm

nem referunt ad sanguinem, & sordes victimarum immolarum in Templo, defluentes in illam aquam. At enim illa turbatio aquæ sanantis ægrotos & rara erat, & nulla ex conspicua causa; sordium verò & sanguinis victimarum defluxus erat frequens, & penè quotidianus. Propius igitur vero est, eam motionem & turbationem aquæ factam esse ab Angelo per motum localem, vel diuinitus immisso aliquo vento: quemadmodum mare ventis agitari, turbarique cernimus.

QVINTA DISPVATIO.

Super illis verbis:

VERS. 4.

Et qui prior descendisset in piscinam post motionem aquæ.

An acri descenderent in piscinam durante motione aquæ; an vero statim post ea motio finita erat.



ILLUD, post motionem aquæ, non significat, (cessante iam, & finita motione aquæ.) Paulò enim supra dictum est, ægrotos expectasse motum aquæ, ut descenderent in piscinam: & paulò infra scriptum est, Paralyticum dixisse CHRISTO; Domine, hominem non habeo, ut cum turbata fuerit aqua, mittat me in piscinam. Illud igitur, post motionem aquæ, idem planè significat, atque si dictum esset, postquam cœpta erat fieri motio, & turbatio aquæ.

Quomodo cæci cognoscerent aquam moueri, ac turbari.

An totum corpus ægroti deberet in aquam immergi; an vna tantum pars aliqua corporis, non satis liquet; nisi quod sit admodum credibile, debuisse saltem eam corporis partem, quæ ægra erat, in aquam immergi, ita ut cæci aqua illa perfunderent oculos; claudi crura lauarent; paralytici totum id, quod paralytis comprehenderat, in aquam immergerent.

An aqua illius piscine extra ipsam

Cæterum, quæri posset, quomodo qui erant cæci, poterant illam aquæ motionem cognoscere. Poterant sanè, vel ipso tactu aquæ turbatæ; vel auditione sonitus excitati propter motionem, & turbationem; vel aliorum monitu, quos sibi ad id adiutores parauerant. An verò totum corpus ægroti deberet in aquam immergi; an vna tantum pars aliqua corporis, non satis liquet; nisi quod sit admodum credibile, debuisse saltem eam corporis partem, quæ ægra erat, in aquam immergi, ita ut cæci aqua illa perfunderent oculos; claudi crura lauarent; paralytici totum id, quod paralytis comprehenderat, in aquam immergerent.

Nec verò putet quispiam, cum piscina cōmota & turbata erat, si quis aquam inde acceptam ad ægrotos, qui extra piscinam erant, detu

detulisset, fuisse eam illis profuturam. Si enim ita fuisset, non tam cupidè, ac sollicitè expectassent ægroti motionem aquæ, ut descenderent in piscinam. Et non semel in hac narratione scriptum est, descensum ægrotorum in piscinam fuisse necessariū ad eorum sanitatem comparandam. Et hoc apertè indicat illud, quod dixit Paralyticus, se hominem non habere, qui eum, cū turbabatur aqua, mitteret in piscinam. Sed cur hoc? quia virtus illa sanandi non erat naturalis aquæ, nec in ea, extra illum locum, permanens: sed eo dumtaxat tempore, quo agitabatur, & in eo ipso loco, illa virtus aderat aquæ; fortasse ad eius loci commendationem. Solet enim DEVS vno potius in loco, quàm in alio miracula facere. Vel ob eam causam, quòd hac ratione laboriosior, & difficilior erat eius beneficij perceptio, plùsque studij, & diligentiz, ac curæ ab ægrotis requirebat, eorūque fidem, & spem, fiduciāque diuinæ opis vehementiùs acuebat. Denique, hoc etiam pertinebat ad commendationem vnitatis Ecclesiæ Catholicæ, cuius illa piscina ceu figuram quandam præferebat, extra quam ipsa etiam sacramenta, cæteroqui salutifera, nihil ea recipientibus prosunt.

SEXTA DISPUTATIO.

Super illis verbis:

Sanus fiebat à quacunque detinebatur infirmitate.

VERS. 4.

25



ON fuisse virtutem illam sanandi naturalem, id est, neque ex vilius naturalis causæ potentia, neque ex hominum artificio aliquo profectam; sed fuisse supernaturalis DEI potentiz, inde constar, quòd illa virtus non nisi vnum sanabat, nec nisi primum

descendentium in piscinam, & subito sanabat, & sanabat omnem infirmitatem: hæc autem in virtutem vel naturalem, vel humanam nullo modo conueniunt. Plinius quidem in capite centesimo tertio libri secundi Naturalis Historiæ plura cōmemorat aquarum miracula: sed partim fabulosa, partim naturalia opera, ut quæ ad causarum naturalium virtutes vel manifestas, vel occultas re-

Virtutis illam aquæ sanandi non fuisse naturalem, vel humane artis, quatuor ex rebus euidenter ostenditur. Plinius.

Qq 2

ferri

ferri queant: cùm & determinatum, & certum, & vniiformem vnum habeant effectum, eodémque semper fiat modo: sed ea ob raritatem effectus, & ob propriarum causarum ignorantem vulgo existimantur, & appellantur miracula.

Diximus paulò suprà, quosdam putasse totam illam sanandi virtutem datam piscinæ ab Angelo fuisse: alios verò esse opinatos, eam virtutem prouenisse à ligno in eam piscinam demerso, ex quo postea crux CHRISTI facta est. Addimus nunc id, quod refert Syluester in sua Rosa aurea in feria sexta primæ Dominicæ quadragesimæ; traditum esse à nonnullis, eò in loco, ex tribus seminibus datis ipsi Seth filio Adæ ab Angelo custode Paradisi terrestri, procreatam esse arborem, ex qua mira virtus illa sanandi accidebat piscinæ: sed hoc, quia est planè apocryphum, nullam meretur fidem. Neque illud probabile est, proditum licet à Theophylacto fuerit, ad commendationem legalium victimarum, quæ ibi lauabantur, virtutem illam collatam esse piscinæ. Nam id conuenientius fuerat, ab initio fieri cùm data est lex Iudæis, quò maius & studium, & religio animos eorum incesceret obseruandi legalia; quàm in tempore CHRISTI, proximè iam eorum abrogatione futura; cùm scilicet auctoritas, & existimatio eorum eleuanda potius, & minuenda esset, quàm augenda, & confirmanda. Conuenientius quoque fuisset, id miraculum esse factum cùm fabricatum est templum à Salomone, & in eo vno veri DEI cultus publicus est constitutus.

Sed qualis erat mirabilis illa virtus aquæ? non erat sanè qualitas aliqua inhærens in aqua, tanquam in subiecto: sic enim fuisset materialis, & corporalis, & ad vnum tantummodò effectum, & secundum vnum operandi modum determinata: non secus videlicet quàm est ipsa aqua, & naturales eius qualitates, frigiditas & humiditas. Nisi velimus sic fuisse illam virtutem in aqua, vt virtus sacramentalis baptismi ponitur à Theologis in ipsa aqua baptismali: longè tamen probabilius est, DEVM immediatè miros effectus illos sanandi operatum esse, cùm ab Angelo agitabatur aqua.

Illud porro admirationem habet, cur vnus duntaxat ægrotorum, & qui primus omnium descenderat in piscinam, sanaretur: Nimirum, voluit DEVS hoc suum beneficium ipsa raritate, &

confe

Traditio, quæ refert Syluester, sed apocrypha.

Theophylacti.

An illa virtus fuerit qualitas quadam inhærens in aqua, tanquam in subiecto.

Cui vnus tantum, & primus descenderat in piscinam, sanaretur.

consequendi difficultate magis commendare, quò optabilius, & gratius homini accideret: simulque vt liquidò cunctis notesceret, illud opus non esse hominum, nec naturæ: sed solum DEI, maximam tamen ab ægrotis cooperationem requirentis. Denique, secundum Cyrillum, talia fuerunt beneficia legalia solis tributa Iudæis: vni nempe tantum populo inter alios innumeros terræ populos. Similiter tanto studio, & contentione animi, atque corporis conari deberent Christiani vitam æternam adipisci, ac si vnus tantum, & primus eò tendentium, ad eam peruenire posset: idè enim dixit Dominus; *Regnum celorum vim patitur, & violenti rapiunt illud. Et, Contendite intrare per angustam portam, &c.* Et Paulus; *Omnes, quidem currunt: sed vnus accipit præmium: Sic currite vt comprehendatis.*

Cyrrillus.
Alexand.

Matth. 11.
1. ad Cor. 9.

- 29 Primum verò miraculum illius piscinæ innotuit Iudæis, vt supra diximus, vel casu aliquo, & fortuito, quopiam fortè ægroto, cum mirè agitatam sine manifesta causa cerneret aquam, seipsum in ea lauare volente, & confestim perfectam sanitatem accipiente: quo latè peruulgato, multis aliis experimentis eadem res confirmata est, & virtus illius piscinæ cognita: vel id per reuelationem DEI alicui factam, & mox ipso effectu comprobata pernotuit: vel quia perturbatio illa aquæ insolita erat, neque vlla eius in aperto esse causa cernebatur, fecit existimare homines, diuinitus id fieri, & magnum aliquid portendere: præsertim verò ægrotos, flagrantissima cupiditate sanitatis, quidlibet tentandi, & experiendi cupidos.

Quemadmodum primò innotuerit Iudæis virtus illius piscinæ.

SEPTIMA DISPUTATIO.

De initio, & fine illius miraculi: & cur ea res tam insignis, & memorabilis, à nullo, præter vnum Ioannem, scriptore prodita memoriæ fuerit.

30



Quo tempore primum cæperit, aut desierit miraculi virtus illius piscinæ, in obscuro est: sit tamen credibile, desuisse post passionem Domini: quo scilicet tempore omnium legalium virtus extincta est: cæpisse autem vel ipso tempore CHRISTI, vel pau-

De tempore, quo cæpit, & desit virtus illius piscinæ.

lò ante ortum eius, non est à fide alienum; quò nimirum Iudæorum animi præpararentur ad concipiendam fidem, & amorem Christiani baptismi: & per miraculum paralytici, mirabiliter eo in loco sine illa piscinæ virtute sanati à CHRISTO, admirabilior eis, & venerabilior auctoritas, & potentia eius existeret.

Cur miraculum illius piscinæ non sit scriptum ab alio Euangelistâ.

Cæterum, illud fortasse nonnullis mirandum accidet, cur hoc, 31 illius piscinæ miraculum ab aliis Euangelistis non sit commemoratum, cum res memoratu esset dignissima. Verum illi non susceperant, omnia, quæ ad CHRISTVM pertinebant, scriptis tradere: sed omnes quidem principalia CHRISTI mysteria: de cæteris verò alij alia, nec omnes omnia. Voluit etiam DEVS, insigniora quædam ab illis prætermitti, & à dilecto CHRISTI discipulo Ioanne suppleri, qui nouissimus omnium scripturus erat Euangelium. Enimverò, alij tres Euangelistæ nec miraculum CHRISTI in nuptiis factum, nec illuminationis cæci nati, nec resurrectionis Lazari quatrinduo mortui, nec Iudæorum, qui ad capiendum CHRISTVM venerant, unico eius verbo in terram prostratorum, scriptis suis prodiderunt.

*Ioan. 1.
Ioan. 9.
Infra 11.
Infra 18.*

Quomodo Iosephus non fecerit mentionem istius miraculi.

Illud tamen maiorem habet admirationem, quomodo Iosephus, 32 eius tam insignis miraculi, & quotquot annis fieri soliti, mentionem in libris suis fecerit nullam. Fuit enim Iosephus æqualis propemodum Apostolorum: præsertim verò Beati Ioannis: & scripsit libros Antiquitatum Iudaicarum: in eis præcipuè referens quæ insigniora, & mirabilia fuerant ab exordio eius gentis usque ad ætatem suam: in quibus libris, simulque in libris, quos fecit de bello Iudaico, subtiliter, copioseque persequitur quæ insigniora erant, & memoratu digna & in ciuitate, & in Templo Hierosolymitano. At enim, non omnia Iosephus in libris, quos reliquit scriptos, persecutus est: nam de celebri, & famoso apud Iudæos trium Magorum aduentu, in ipso CHRISTI ortus tempore; nec de infantium innocentium cæde, ab Herode immani crudelitate facta, cuius fama Romam usque permanavit ad Cæsarem, mentionem fecit vilam. Et quia virtus illius piscinæ, post passionem Domini desierat, aliquot videlicet annis ante ortum Iosephi, qui natus est Caligula imperâre Romæ: idè nihil miram est, rei iam pridem exoletæ notitiam, ad Iosephum non peruenisse. Si enim tempore

Math. 1.

61

E. P. O.

tempore

tempore eius istud miraculum perdurasset, haud dubie mentionem eius fecisset: quemadmodum simile quoddam miraculum Sabbatici fluminis non tacuit: sed in capite vigesimo quarto libri septimi de bello Iudaico diligenter enarrauit: quamquam cui mirum videatur, id esse à Iosepho prætermissum, quod ab aliis omnibus Euangelistis prætermissum est; cum id tamen ad declarandam, & magnificandam CHRISTI potentiam, & gloriam valeret plurimum:

Mirabilis historia Sabbatici fluminis apud Iosephum.

OCTAVA DISPUTATIO.

Super illis verbis:

Erat ibi homo triginta & octo annos habens in infirmitate sua, & dixit ei IESVS;
Vis sanus fieri?

VERS. 5.
& 6.

33



VIDAM illud, *triginta octo annos;* iungunt cum illo,

Erat ibi quidam homo, tanquam significetur, cum hominem expectasse in illo loco per triginta octo annos, ut posset ante alios in piscinam commotam ab

Angelo descendere: ex quo palam fieret, miraculum illius piscine, multis ante ortum CHRISTI, annis cepisse. Verum, contextus verborum magis indicat, pertinere, id ad tempus infirmitatis illius hominis. Atque huius Paralytici exemplo insinuat, nullum esse animi morbum tam inueteratum, & humana ratione incurabilem, quin à DEO sanari queat, & soleat: nullum dico esse peccatum tam enorme, aut immane, aut longinquo usu tam altè infixum animo, ut eius remissio non possit, & debeat à DEO expectari. Sed ut hoc verum est, ita verissimum & illud, magna peccata, magna pariter DEI misericordia indigere: quam diuinæ misericordiæ magnitudinem Dauid magni conscius flagitij, quod admiserat, supplex, & gemebundus illis verbis inuocabat, atque implorabat; *Miserere mei, DEVS, secundum magnam misericordiam tuam.* Consideret lector genus humanum per annorum plus quatuor millia plurimis morborum animi generibus egrum, atq; mor-

Decursum.

*Psal. 50.
Miserere mei, DEVS, secundum magnam misericordiam tuam.*

ribun

ribundum iacuisse, quoad CHRISTVS ipsum per mortem suam sanaturus aduenit. Duo illi numero triginta octo annorum deerant anni ad explendum quadragesimum annum, qui numerus completus est, & summam malorum, &, vt loqui solet Scriptura, completam hominis malitiam, & perditionem insinuat: qui duo anni si æquè adfuissent, incurabilis omnino fuisset eius morbus, & salus planè desperata. Ista verò duo, quæ deerant, equidem interpretor, nolle sanari, & desperare sanitatem: vel morte corporis præueniri, & ad æternam DEI reprobationem pertinere.

Cur illū præcipue infirmū sanare voluerit Dominus, quatuor causas.

Via sanus fieri? Illum præcipue hominem infirmum ex tam multis, qui eodem in loco erāt infirmi, sanare voluit Dominus: primò, quòd is esset infirmissimus, & miserrimus: Deinde, quòd omni esset destitutus humano auxilio ad comparandam sanitatem: tum, quòd magis in eo sanandò misericordia sua pariter, atque potentia eluceret: adhæc, quòd magis appareret per insignis Sacerdotum, & Levitarum inhumanitas, qui frequentes eo in loco, nullam illi misero, in tanto tempore opem tulissent.

Cur Christus interrogauit infirmum an vellet esse sanus, plures redduntur causas.

Sed cur eum interrogauit Dominus, an vellet sanus fieri? cū & ipse mentem, atque voluntatem eius optimè nosset: & nulli dubium esse posset, eum, qui tandiū eo in loco, tanto cum labore, & molestia, vnus dumtaxat recuperandæ sanitatis causa, mansisset, non solum velle; sed flagrantissimè cupere, summisque votis expetere sanitatem. Interrogauit sanè, vt eum ad spem erigeret consequendæ sanitatis: vt qui præsentis inibi aderant, eos ad expectationem miraculi excitaret: vt significaret, se paratissimum esse ad eum sanandum, nec aliud esse posse impedimento, aut moræ, quàm si ipse non vellet fieri sanus: vt ostenderet, quàm certum infirmo erat, se id velle; tam certum, atque indubitatum haberet, id CHRISTVM velle facere, & mox præstiturum ei: vt ex eius responso elucesceret miserrimus illius hominis status, & in ea miseria tanto tempore toleranda, mirā patientia, & constantia, atque humilitas animi, pietasque declararetur.

Ista Christi interrogatio velut vniuersa fuit catechismi Christiani.

Denique, huiusmodi interrogatio CHRISTI fuit tanquam exemplum quoddam, & formula interrogationum, quæ fiunt in Catechismo Christiano. Nam velle sanum fieri, duo continet, odium nempe infirmitatis, & desiderium sanitatis: similiter in eo, qui

nudi

quī ad CHRISTVM conuertitur, præteritorum peccatorū detestatio, atque odium, & bonæ vitæ semper in posterum agendæ desiderium, atque propositum, necessaria sunt. Ad consequendam igitur remissionem peccatorum, & DEÏ gratiam, nullius momenti est apud DEVM, nec in Ecclesia eius esse debet, hominis nobilitas, potentia, diuitiæ, sapientia, ætas vel sexus: sed hoc vnum exigitur, hoc super omnia æstimari debet, si verè cupiat ille, & obnixè petat se sanum fieri. Quamquam neque hoc ipsum velle fieri bonum, & iustum, à nobis ipsis habere possumus sine speciali auxilio DEÏ: DEVS enim, vt Paulus inquit, *operatur in nobis* Ad Philip. 2. *velle, & perficere pro bona voluntate.* Et vt idem ait; *Non sumus sufficientes cogitare aliquid ex nobis, tanquam ex nobis:* 2. ad Cor. 3. *quanto igitur minus ex nobis, tanquam ex nobis, velle possumus bonum pertinens ad salutem, & vitam æternam: infirmior quippe voluntas hominis est ad bonum amandum, quàm intellectus ad id cognoscendum.*

- 37 Postremò, illa Domini interrogatio, *Vs sanus fieri?* satis indicauit libertatem humanæ voluntatis, quæ neque à DEO, neque ab alia vlla causa siue naturali, siue humana vel ad malum, vel ad bonum cogitur, aut necessitate aliqua trahitur. Quod euidenter testatum est in capite decimo quinto libri Ecclesiastici, illis verbis; *Apposuit tibi aquam, & ignem: ad quod vuleris, porrige manum tuam. Ante hominem vita, & mors, bonum & malum. Quod placuerit ei, dabitur illi.* Et in capite quarto libri Genesis, Dominus dixit Chain: *Sub te erit appetitus tuus, & tu dominaberis illius.* Eodem spectat illud Apostoli in capite 7. prioris Epistolæ ad Corinthios; *Qui statuit in corde DEO firmus: non habens necessitatem: potestatem autem habens sua voluntatis, seruare virginem suam, bene facit.*

Libertas humana voluntatis.

Locus Ecclesiastici c. 15.

NONA DISPUTATIO.

Super illis verbis:

Domine, hominem non habeo.

VERS. 7.

- 38 **P**ERPENDAT, quæso, Lector illius Paralytici bonitatem ingenij, & animi mansuetudinem: non inuidet, non indignatur;

Multiplex emulatio illius Paralytici.

R r

gnatur;

gnatur; non accusat quemquam, non conuitiatur aliis, qui ipsum præuenientes, sanitatis fructū ei præripiebant: sed citra contumeliam aliorum, miseriam suæ conditionis simpliciter exponit. Simul etiā apparet magna eius patientia: diu enim expectās, & toties expectatione sua frustratus, nihil agit, nihilq; loquitur impatienter: non se diris deuouet, nō suum conceptū, & ortum execratur, non est querulus, nedum blasphemus aduersus DEVM: quæ virtus in calamitosis hominibus, & ingenti aliquo malo diu, multūque vexatis, eò admirabilior videri debet, quò rarior est. Extat quoque in isto eius responso mira longanimitas, & fiducia: non enim pluribus annis frustra expectata sanitate, eius desperabat consecutionem: sed quemadmodum de Abraham scripsit Paulus, *Contra spem, in spem credidit*. Quid igitur mirum si huic vni ægroto de vniuersa illa ægrotorum multitudine CHRISTVS Dominus largiri voluerit sanitatem?

Multiplum interpretatio mystica illius verborū, Hominem non habeo.

Ceterū, illud eius Paralytici responsum, *Hominem non habeo*, 39 secundum mysticam intelligentiam interpretatum, ad quemlibet peccatorem ritè accommodari potest: nimirum omnis, qui iacet in peccato, verè potest dicere, *Hominem non habeo*: quia omnis, qui peccat, ignorans est: rationali parte animæ, propter quam est homo, vitioso affectu obscurata; quamobrem, peccans, exuit quodammodo hominem, & fit; *Sicut equus & mulus, in quibus non est intellectus*: Et, *Comparatus est iumentū insipientibus, & similis factus est illis*. Vel, *Hominem non habeo*, id est, non habeo naturam humanam ita rectam, & integram, vt eam DEVS ab initio creauit, & iustitia originali ornauit: sed eam habeo peccatis vitiatam, deformatam, fœdatam, ac debilitatam. *Velle enim adiacet mihi: sed perficere non inuenio: sentio aliam legem in membris meis, repugnantem legi mentis meæ, & captiuantem me in lege peccati*. Vel, *Hominem non habeo*: quia vsque ad CHRISTI Domini aduentum non erat data hominibus potestas remittendi peccata: Quocirca, cū CHRISTVS dixisset cuidam Paralytico; *Remittuntur tibi peccata tua*, cœperunt, qui inibi aderant, eius dicti vel admiratione, vel indignatione cōmoti, mussitantes dicere; *Quis potest remittere peccata, nisi solus DEVS?* At mox viso sanati Paralytici tam euidenti miraculo, glorificauerunt DEVM, *qui dedit potestatem talem hominibus*.

*Luca 5.
Matth. 9.*

Vcl,

40 Vel, *Hominem non habeo*: quia multi pereunt, propterea quoddam non habent doctorem, à quo necessaria ipsis cognitu doceantur: vel pastorem, à quo spiritualibus alimentis reficiantur: vel rectorem, cuius consilio, & prudentia regantur, & si aberrauerint à bono, corrigantur, & ad rectam viam reducantur: vel medicum spiritualem, qui propulsandis animi morbis idonea, & efficacia præstet remedia: vel tutorem, & defensorem, cuius tutela, & præsidio aduersus inuisibilem hostium oppugnationes, aut Hæreticorum fraudes, & fallacias defendantur. Vel, *Hominem non habeo*: illum nempe hominem singularem, & vnicum hominem, simulque DEVM, ob idque appellatum Emanuel; de quo David dixit; *Misit verbum suum, & sanauit eos*: cuius alij homines, quicunque nominati sunt in Sacris litteris saluatores, vt Ioseph, Moyses, Iosue, Gedeon, Sampson & David, tanquam vmbra quedam, atque imagines fuerunt; nimirum hic homo solus verè potuit saluare; quia vt DEVS potuit persolvere debitum, quod humanum genus debebat DEO; & vt homo, per passionem, & mortem suam perfectissimè satisfacere. DEO potuit. Vel, *Hominem non habeo*, dicere potuit gentilitas ante CHRISTI aduentum: non enim habuit Moysen, nec Prophetas; nec legem scriptam à DEO accepit, nec diuinam Scripturam, nec DEI promissiones, nec diuinas reuelationes, nec oracula & responsa DEI, nec miracula, sicut habuit populus Iudaicus: ista porro ad percipiendam animi sanitatem magna sunt incitamenta, simulque adiumenta.

DECIMA DISPUTATIO.

Super illis verbis:

Dixit ei IESVS: Surge, tolle grabatum tuum, & ambula.

VERS. 9.

41 **C**HRIſTUS dicendo illi Paralytico, *Surge*, simul etiam perfectam dedit sanitatem, roburque ad sese magna facilitate in pedes erigendum. Loquebatur enim CHRISTVS tanquam

Rr 2 pote

potestatem habens, & sermo eius operatorius, atque efficax erat cuiuscunque rei, quam ipse facere vellet: quo declarabat, se verum esse DEVM, qui solo verbo creauit vniuersa: vt scriptum est:

Psal. 148.

Quid secundum mysticum sensum significet illud, Surge.

Dixit, & facta sunt: mandauit, & creata sunt. Surgere à peccato, est detestari peccatum, & firmissimo animi proposito deliberatum habere, nunquam deinceps peccare velle. *Surge*, qui iacebas æger peccatis; & abiectus ad rerum terrenarum amorem, tanquam humi reptabas: qui, vt brutum animal, prono animo, deiectioneque ad infima mundi bona curuus ingrediebaris: tolle nunc vultum tuum ad sublimia, & naturæ tuæ conuenientia, & propria bona. Sta rectus, vt spiritus carni, spiritui DEVS præsit. Suspice cælum, cuius & naturæ spectator natus es, & per DEI gratiam, habitator, atque possessor futurus es. Sic ille filius prodigus dixit: *Surgam, & ibo ad Patrem meum.*

Lucæ 15.

Quid sit grabatum.

Martialis.

Cur Christus iussit Paralyticum sanatum tollere grabatum suum.

Tolle grabatum tuum, & ambula. Grabatum erat genus lectuli, 42 vel lecticæ, vbi languidi, & paralytici decumbebant, eoque deportabantur in illum locum. Secundum lectionem Græcam scribi debet per duplex, *b*: quamobrem primum, *a*, producit: *Martialis* tamen id corripuit in quodam versu, cum dixit: Sed si nec focus est: mundi nec sponda grabati. Propterea verò CHRISTVS iussit Paralyticum à se sanatum tollere grabatum suum, quò manifestior esset perfecta illius sanitas: neque enim Paralyticus, nisi membris omnibus perfecte sanatis, totoque corpore firmissimè roborato, grabatum in humeros suos tollere, & portare potuisset. Ob eandem quoque causam in nuptiis vinum ex aqua factum iussit Architriclino gustandum offerri: & discipulos multiplicatorum panum fragmenta colligere, ac seruare: & leprosum à se sanatum sacerdotibus sese ostendere: atque ob eandem causam voluit in Sabbato istum Paralyticum curare, vt videntes eum Iudæi portare grabatum in Sabbato, quod ipsi putabant illicitum, causam ab eo requirentes, de patrato miraculo certiores fierent: non enim id fecit in contemptum legis, nempe venerat ipse non destruere legem: sed adimplere: sed quò testatus, & illustrius faceret miraculum: nisi enim factum esset in diè Sabbati, nemo aduertisset, nec miratus esset portare grabatum ab illo homine, nec causam eius rei interrogauisset: ideoque plurimis ignotum fuisset miraculum.

Ioan. 1.

Infra 6.

& alibi.

Matth. 23.

Matth. 5.

Sed

- 43 Sed age, verba ista; *Tolle grabatum tuum, & ambula*, secundum mysticum sensum, quam reddant sententiam, scrutemur, atque pensitemus. *Tolle grabatum tuum*: porta carnem tuam, quæ te prius portabat, & ad sua desideria trahebat; porta, inquam, domando eam; & rectæ rationis imperio subiiciendo. Porta proximū tuum; licet tibi grauis, & molestus sit; secundum illud Pauli; *Supportantes in charitate inuicem*. Et illud; *Alter alterius onera portate, & sic adimplebitis legem* CHRISTI. Porta peccata tua, quæ sunt onus grauissimū: sicut Dauid dixit; *Iniquitates meæ supergressæ sunt caput meum, & sicut onus graue grauata sunt super me*. Hoc igitur peccatorum onus porta ad Confessarium, qui dissoluens colligationes iniquitatum, ut ait Scriptura, exonerabit te tam graui pondere. Porta peccata tua semper ante oculos tuos, quò frequentius & vehementius doleas, quò gratior DEO sis, qui ea tibi remittit; quò sis humilior, & in posterum cautior. Sic Dauid; *Quoniam iniquitatem meam ego cognosco, & peccatum meum contra me est semper*. Porta huius mundi bona, quasi onus quoddam: *Diuitiæ si affluant, noli cor apponere*. Noli eorum immoderato trahi amore, nec in illis toto animi studio iacere. Porta patienter misérias huius vitæ, & reliquias peccatorum tuorum; sciens eas tibi relictas ad exercitacionem humilitatis, & patientiæ, & maiorem pro culpis tuis satisfactionem, maiusque meritum, atque præmij cœlestis incrementum.
- 44 *Ambula*. Ne putes quia sanatus es, & à peccatis liberatus, propterea te otiosum, & desidiosum esse posse; cum idèd potius à DEO sanatus sis, ut in bonis operibus, Deoque acceptis perpetuò verseris. Non quia sanatus es à peccatis, idèd putes te liberum, & immunem esse ab obseruantia legis diuinæ, & humanæ: cum idèd peccatis liberatus, & gratia DEI donatus sis, ut, & diuinam, & humanam legem plenè, atque ut oportet, seruare queas: *Qui diligit me, inquit Dominus, sermonem meum seruabit*. Ambula, ad anteriora te semper extendens; & quæ retrò sunt obliuiscens: sicut illa mystica Ezechielis animalia ibant, & non reuertebantur: Ambula, eundo de virtute in virtutem: Aut qui iustus es, iustificeris adhuc; Nec putes, dum in hac vita es, ad extremum te virtutum, & perfectionis peruenisse profectum. Denique serua illud, quod Abraham dixit DEVS; *Ambula coram me, & esto perfectus*. Et quod

Quid sit secundum mysticum sensum tollere grabatum.

Ad Rom. 12.

Ad Galat. 6.

Psalm. 37.

Esa. 54.

Psalm. 30.

Psalm. 31.

Quid sit, Ambulare.

Ioan. 14.

Philip. 3.

Ezechielis 1.

Apoec. ult.

Genesi 17.

Dauid in Psalmo primo ait; *Beatus vir, qui non abiit in consilio impiorum.*

VNDECIMA DISPUTATIO.

Super illis verbis:

VER. 16. Propterea persequabantur Iudæi IESVM; quia hæc faciebat in Sabbato. IESVS autem respondit eis: Pater meus vsque modò operatur, & ego operor. Propterea ergo magis quærebant eum Iudæi interficere: quia non solum soluebat Sabbatum; sed & patrem suum dicebat DEVM, æqualem se faciens DEO.

Calumniam Iudeorū adversus Christū quòd violaret diū Sabbathi, quinque modis ipse confutavit.

CALUMNIAS Iudæorum propterea Dominum 45
criminantium, quòd in Sabbato operaretur, aliàs ipse CHRISTVS variis modis depulit, atque confutavit. Primùm quidem exemplo Dauidis, qui panes propositionis comedit, quibus vesci, nisi sacerdotibus, fas non erat: Deinde, etiam ipsorum sacerdotū exemplo, qui diebus Sabbathi in purgando, & ornando templo, & præparandis sacrificiis laborabant: tum ipsorum Iudæorum, qui iumenta sua die Sabbathi in foueam lapsa extrahebant, vel aquatum agebant: præterea, argumento Circumcisionis, quæ in Sabbato fiebat. Nunc autem diuina quadam ratione, Deique ipsius exemplo sese defendit; simul etiam occupans, quod Iudæi ei poterant obiicere, ipsum esse contrarium DEO: quippè qui die septimo ab omnibus suis operibus cessauit, atque ob eam causam diem septimum sanctificauit, & ab omni opere vacuum esse præcepit. Hanc igitur CHRISTVS præuertens obiectionem, ait, DEVM quidem septimo die cessasse ab opere creationis mundi: eius namque molitio sex diebus absoluta, & consummata est; non autem cessauit omnino ab operando: Non enim Moyses dixit, ipsum cessasse ab omni opere simpliciter: sed ab opere, quod paterauerat, creando videlicet mundum: postea verò nunquam ab operando cessauit DEVS.

Voluit

- 46 Voluit sanè CHRISTVS Iudæos docere veram intelligentiam illius præcepti DEI de obseruando Sabbato. Nā etsi veritum erat secundum legem Moſis, eo die portare onera, aut quodcunque ſeruile opus facere: vt patet ex vigefimo capite Exodi, & Hieremix decimo ſeptimo, id tamen intelligendum erat, cū id fieret in ſeruitium hominum, & in vſus temporalis vitæ: nō tamen cū id poſceret ſalus animæ, vel neceſſitas proximi, & gloria DEI. Præcipua verò Sabbati obſeruatio, ad quam nempe omnis illa vacatio ſeruiliū operum referebatur, in eo potiſſimum erat, vt populus aliis curis, & laboribus ſolutus, DEI cultui & venerationi, & laudationi vacaret, & ab omni peccato, quod eſt opus maxime ſeruile, integrum ſe, purūque ſeruaret. Atque hæc ſpiritualis obſeruatio Sabbati appellatur ab Iſaia Sabbatum delicatum; *Si auer-* Vera intelligentia diuini præcepti de obſeruando Sabbato.
teris, inquit, ab iniquitate pedem tuum, &c. vocans Sabbatum delicatum. Locus Iſaia cap. 58.
- 47 *Pater meus vſque modo operatur.* Eſt duplex perpetua, & inceſſabilis DEI operatio: vna quidem generalis, & ordinaria: & hæc quidem quadruplex eſt. Rerum omnium conſeruatio, earundem gubernatio, & propagatio, & generalis concurſus DEI cum cauſis ſecundis ad omnem earum operationem. Altera eſt operatio particularis circa hominem, creando animas rationales in rerum generatione, illuminando hominem, & iuſtificando, & glorificando. Eſt alia operatio DEI, ſed extraordinaria, & præter viſitatum rerum ordinem, & ſupra omnem naturæ creatæ poſtatem: & hæc eſt miraculorum effectio. Hinc palam eſt, quā verè dictum Iudæis fuerit à Domino: *Pater meus vſque modo operatur.* Quadruplex ſit operatio Dei perpetua, & vſque ad finem mundi duratura.
- 48 *Et ego operor:* Hoc ſatis indicat, ipſum eſſe verum DEI filium, æqualēque Patri, cū ſe dicat æquē, atque Patrem quolibet tempore operari: ſimulque cū ait; *Pater meus:* & non Pater noſter. Hæc autem verba dictum habent ſenſum, vel hunc; Pater operatur omni tempore, ergo operans etiam ego omni tempore, non ſum vt contrarius DEO reprehendendus: vel hunc ſenſum; Pater meus & omnia, & omni tempore operatur; & ego ſimul, pariterque cum ipſo omnia, & omni tempore operor.
- 49 *Propterea ergo Iudæi quærebant eum interficere: quia patrem ſuum dicebat DEVM, æqualem ſe faciens DEO.* Quomodo Iudæi ex proximè commemoratis Domini verbis intellexerunt, ipſum facere

cere DEVM patrem suum, & se æqualem DEO: nempe, quia vocauerat DEVM patrem suum proprium; quia dixerat, se similiter quolibet tempore operari vt ipsum DEVM, quia dixerat se operari simpliciter, id autem est, omnia, sicut pater operatur. Et sanè, hoc Iudæi rectè intellexerunt: si enim in hoc errassent, aut ipse CHRISTVS errorem eorum correxisset, aut Euangelista ipse indicasset falsam eorum fuisse intelligentiam verborum CHRISTI: quemadmodum suprà, cùm Dominus dixit Iudæis:

Ioan. 2. *Soluite templum hoc, & in tribus diebus reedificabo illud.* Et alibi cùm monuit discipulos, vt cauèrent sibi à fermento Phariseorum, continuò Euangelistæ reiecerunt falsam eorum verborum intelligentiam, & veram indicarunt. Et verò, si falsa fuisset illa Iudæorum existimatio, debuit hoc Ioannes indicare, ne CHRISTVS putaretur affectasse diuinitatis honorem sibi nequaquam conuenientem: præsertim verò cùm id verba CHRISTI præ se ferre viderentur. Oportebat igitur eam verborum CHRISTI intelligentiam, quam Iudæi habebant, emendare: ne posterì hæc legentes in eundem impingerent errorem: rati DEVM esse, qui DEVS, non erat. Intelligentiores igitur fuere Iudæi istorum CHRISTI verborum, quàm Arriani negantes CHRISTI diuinitatem: illi enim veram eorum CHRISTI verborum sententiam animo suo conceperunt, rati, verbis illis significari CHRISTVM esse verum DEI Filium, Deoque patri æqualem: hi verò verba illa ad falsas, & impias interpretationes detorquebant: ne CHRISTVM esse verum DEVM fateri cogerentur. Sed in eo Iudæi errabant, quòd dicebant, CHRISTVM facere se æqualem DEO.

In Arriani. Lucifer quidem voluit se facere æqualem DEO: at CHRISTVS semper in forma DEI fuit, & ab æterno DEVS ex DEO genitus, non rapinam arbitratus est esse se æqualem DEO, vt ait Paulus. Nempe factitius DEVS, & recens est, & vero DEO secundum substantiam alienus: talem autem pro-

Factitius
Deus est falsus: Deus, quia & recens est, & Deus extraneus.
Ad Phil. 2.2. DEO coli vetuit DEVS per Moysen, cùm dixit; *Non eris in te. DEVS recens,*

Deuter. 32. *neque adorabis DEVM alienum.*

DVODE

DVODECIMA DISPUTATIO.

Super illis verbis:

Amen, amen dico vobis, non potest Filius à se facere VER. 19.
 quidquam: nisi quod viderit Patrem facientem;
 quaecunque enim ille fecerit, hæc &
 Filius similiter facit.

50 **I**N eo sermone CHRISTI cum Iudæis, qui deinceps narratur à Ioanne, quædam ponuntur sublimia, & diuina: quibus apertè diuinitas CHRISTI ostenditur. Alia item dicuntur humilia, & abiecta: quibus demonstratur natura humana ab ipso assumpta, qua minor est Patre, & similis nostri. Hac porro varietate CHRISTVS sermonem suum temperauit, vt rudes Iudæi audientes sublimia de ipso nequaquam scandalizarentur, ipsùmque continuò auersarentur; sed per humilia, & abiecta, quæ de se dicebat, mitigarentur. At verò fideles, & intelligentes rerum æstimatores, audiendo sublimia, ipsum esse DEI filium; & DEO Patri æqualem, & coæternum; ab ipso tamen omnia habentem, cognoscerent, ipsùmque nihilominus assumpta natura humana factum esse hominem, & ad humanæ mortalitatis, & humilitatis, & miseræ participationem descendisse intelligerent.

51 Illud præterea, ne quis fallatur, aduertere oportet, etiam cum de sua diuinitate Dominus in hac cum Iudæis sermocinatione loquitur, quosdam loquendi modos vsurpare, qui in rebus creatis, & humanis cum dicuntur, imperfectionem, & defectum significant: huiusmodi sunt illa; *Non potest filius à se facere quidquam, nisi quod viderit Patrem facientem: Sicut docet me pater: Omnia demonstras ei pater, & maiora his demonstrabis: non possum à me facere quidquam: sicut audio, & indico.* Hæc enim omnia in CHRISTO accipienda sunt, remota omni imperfectione, ac defectu; quatenus videlicet significant, CHRISTVM esse filium DEI, ob idq; & substantiam, & omnia bona habere à DEO Patre.

52 Illud, *Non potest Filius à se facere quidquam*, triplicem habet in-

Ss

terpre

Notabile documentum.

*Quid sit filius
nihil à seipso
facere, triplex
interpretatio.*

terpretationem. Primò quidem, vt id referatur ad eius humani-
tatem: & sic planissimus est eorum verborum sensus: sed non mul-
tùm congruens sententiæ verborum, & contextui sermocinati-
onis CHRISTI: deinde, vt referatur ad diuinitatem CHRISTI,
& significetur origo Filij à Patre; à quo sicut substantia, ita & om-
nis potentia Filij procedit. Hac certè ratione hæc verba interpre-
tati sunt Hilarius, & Augustinus: quæ tamen interpretatio non vi-
detur admodum cohærens, & conueniens ei, quod proximè ad-
iungitur; *Nisi quod viderit Patrem facientem*. Ad hæc, secundum
Chrysostomum, CHRISTVM nihil à se facere, significat, nihil
ipsum facere proprium, & quod Pater etiam non faciat; sed quid-
quid facit, id ipsum & placitum esse Patri, & ab ipso quoque fieri:
ex quo sequitur, nullam eius opus potuisse reprehendi à Iudæis,
cùm fuerit etiam opus DEI Patris: & indidem quoque conclu-
ditur, ipsum eiusdem omninò esse voluntatis, & potentiæ, ac
substantiæ, atque est ipse DEVS Pater. Nam quia omnis crea-
tura diuersam à DEO substantiam, & voluntatem habet, pro-
pterea potest facere aliquid ex se, quod non faciat DEVS, qua
tale est: vt deficere à rectitudine, & peccare: Sicut enim habet di-
uersam naturam, sic & diuersam voluntatem.

Iam verò illud, quod sequitur; *Nisi quod viderit Patrem facien- 53*
tem, explanatio est eius, quod proximè antecessit; *Non potest à se fa-*
cere quidquam: & illud, *Nisi*, positum est pro, (sed tantum,) vt sit hæc
sententia: Filius non facit quidquam proprium, quod non etiam
faciat Pater: sed tantum ea facit, quæ videt Patrem facere: vnde
manifestum fit eandem vtriusque naturam, potentiam, scientiam,
voluntatem, atque operationem esse. Illud porro, *quod viderit Pa-*
trém facientem, denotat, Filium potentiam faciendi, quæ facit, ha-
bere à Patre; nec habere eam casu, nec modo agentium natura-
lium: quæ sine cognitione ex necessitate naturæ agunt: sed habere
eam per intellectum, per quem scilicet genitus ipse est à Patre, à
quò habet, vt esse: sic scientiam, & visionem omnium rerum. Non
igitur significatur istis verbis, Filium, quotiescunque facturum ali-
quid est, respicere ad opus, quod tunc facit Pater, tanquam ad
exemplum: ad cuius similitudinem & ipse opus suum faciat: Sic
enim necessum esset, Patrem fecisse alium mundum, ad cuius simi-
litu

litudinem CHRISTVS hunc mundum fecerit: & cùm CHRIS-
TVS multa fecerit miracula, viuificando mortuos; illuminando
cæcos, sanando omnis generis infirmos; neceſſum fuiſſet, Patrem
horum ſimilia: ſed alia tamen, & eodem tempore feciſſe: quod
perſpicuè abſurdum eſt.

54 Illis autem, quæ proximè ſequuntur, verbis, *Quæcunque enim pa-
ter fecerit, ſimiliter filius facit*, ſignificatur, non modò quæcunque
facit Filius, ea quoque fieri à Patre: vnde liquet, nihil Filium fa-
cere diuerſum, nedum contrarium Patri: ſed illud etiam indica-
tur, quæcunque facit pater, eadem omnia facere Filium; vt intel-
ligatur, eadem eſſe in vtroque potentia rerum effectrix. Illud de-
nique, *ſimiliter*, non tantùm ſignificat, (quoque:) vel, (etiam:) ſed
idem quod, (eodem modo:) id autem eſt, pari, eadẽque po-
tentia, ſcientiã, voluntate, operatione. Dicuntur autem Pater, &
Filius eodem modo operari, non ad ſe inuicem conſiderati; Pater
enim à ſeipſo potentiam habet operandi; Filius autem eam acce-
pit à Patre: ſed reſpectu ipſorum operum, quæ fiunt extra ab vtro-
que: quoniam eadem ratione ad ea facienda concurrunt. Nec ve-
rò Pater, & Filius ad facienda opera concurrunt vt cauſæ inuicem
ſubordinate: quemadmodum ſolet homo generans hominem: ne-
que vt cauſæ partiales, ſicut multi fabricantes domum: neque vt
cauſa principalis, & cauſa inſtrumentalis, ſicut faber lignarius, &
ſecuris, ac malleus ad faciendam menſam, vel arcam: neque vt
cauſæ diuerſi generis: quemadmodum ad effectus naturales con-
currunt quatuor cauſæ; materia, forma, finis, efficiens: ſed vt vna,
eadẽque cauſa, vnicũque principium, vna, eadẽque poten-
tia, & ſcientia, & voluntate, eadẽque actione omnia faciens, con-
ſeruans, & gubernans. Sicut igitur ex operum æqualitate
demonſtratur æqualitas potentie operantium:

*Quid ſit ea,
qua Pater fa-
cit, ſimiliter
facere Filiũ.*

*Quomodo Pa-
ter, & Filius
ſimul concu-
runt ad ope-
randum.*

ita ex identitate modi operandi rectè

concluditur identitas nature,

potentie, ac voluntatis

operantium.

S. DECI.

DECIMATERTIA DISPUTATIO.

Super illis verbis:

VER. 20. Pater enim diligit Filium, & omnia demonstrat ei, quæ
 & 21. ipse facit; & maiora his demonstrabit, ei opera, ut
 vos miremini. Sicut enim Pater suscitavit mortuos, &
 vivificat; sic & Filius, quos vult, vivificat.

Is verbis causa redditur superioris sententiæ: Cur 55
 Filius omnia faciat, quæ Pater facit, & quæ videt
 Patrem facere; quia scilicet Pater summè diligit
 Filium; ob id quæ omnia sua ei demonstrat: nihil
 esse volens ignotum ipsi: nam hoc etiam apud ho-
 mines inter Patres & Filios servari cernimus, atque eò magis, quò
 maior est Patris amor erga Filium. Cæterum, illud expositionem
 requirit, quomodo Pater omnia demonstrat Filio. Non enim ut
 magister discipulo, quasi ea vel ignorantì, vel non recordanti: id
 enim maximam habet imperfectionem. B. Augustinus refert hoc
 ad æternam generationem Filij ex Patre: per quam Filius ut natu-
 ram à Patre: sic & notitiam, & visionem accepit omnium tam præ-
 teritorum, & præsentium, quàm futurorum. Augustino similiter
 sentit Cyrillus, ita scribens: Pater demonstrat Filio quæ facit, to-
 tum seipsum in natura Filij quasi depingens, ut quæcunque in se
 habet ipse, in Filio ea demonstrat. Nec illud, *Pater enim diligit
 Filium*, positum est tanquam causa huius, quod est, Patrem de-
 monstrare omnia Filio: nam sicut paterna dilectio Filij non est
 principium generationis eius: non enim Filius generatur per vo-
 luntatem, & amorem Patris: sed per intellectum: ita non est cau-
 sa demonstrandi omnia Filio: nam sic demonstrare, est generare:
 sed ponitur, secundum interpretationem B. Thomæ, tanquam
 signum, quo à posteriori cognoscitur, Patrem omnia demonstrare
 Filio.

Quemadmodum verò huic interpretationi congruat, quod 56
 proximè adiungitur, *Et maiora his demonstrabit ei opera*, subobscu-
 ram habet sententiam. Si enim demonstrare Patrem omnia Filio,
 non

*Quomodo Pa-
 ter dicatur
 demonstrare
 omnia Filio.
 Augustinus.*

Cyrillus.

B. Thomæ.

non est aliud secundum Augustinum, & Cyrillum, quàm ipsum ab æterno generare; æternitas autem DEI est omninò inuariabilis, & tota simul: similiter etiam demonstratio omnium, quam Pater facit Filio, est æterna: ob idque tota sciens, nec varietatem habens præteriti, præsentis, & futuri: quomodò igitur dicitur Pater demonstrare Filio, & in futurum demonstraturus? Sed enim hoc quatuor modis explicari potest. Primò sic: licèt æternitas DEI tota simul sit, quò tamen nobis innotescat: quoniam ipsa complectitur omne tempus; interminabilis, atque inuariabilis eius duratio, per differentias temporis præteriti, præsentis, & futuri, nobis notas, designari, & declarari solet. Sicut igitur verè dicitur Pater & generasse, & generare, & generaturus Filium: quia per hoc non aliud significatur, quàm Filium semper habere esse à Patre: ita verè dicitur Pater omnia & demonstrasse, & demonstrare, & demonstraturus esse Filio: quia per hoc indicatur, Filium semper habere à Patre scientiam omnium, siue præterita, siue præsentia, siue futura sint.

Quomodo Pater dicatur demonstraturus: maiora filio, quadruplex interpretatio.

- 57 Deinde, hoc ipsum ita Iansennius declarat: Patrem demonstrare omnia Filio, non aliud significat, quàm Patrem omnia facere, cognoscente ea Filio: per cognitionem eius nempe à Patre acceptam. Ac licèt Pater omnia cognoscat, quæ Filius facit: quia tamen cognitionem eorum non habet à Filio: sed à seipso; idcirco non rectè diceretur Filius omnia, quæ facit, demonstrare Patri. Ad hæc, sic etiam hoc posset intelligi: sicut verbum, (ostendere:) ita & verbum, (demonstrare,) non semper in Sacris litteris significat indicare, vel declarare: sed compluries ponitur pro eo, quod est dare, vel exhibere; vt in Psalmo 4. *Quis ostendet nobis bona?* & alio in Psalmo; *Ostende nobis, Domine, misericordiam tuam.* Quid autem sit ostendere misericordiam, declarat, proximè adiungens; *Et salutare tuum da nobis.* Clarissimè verò apud Paulum in quarto capite posterioris Epistolæ ad Timothæum, cùm ait; *Alexander erarius multa mala ostendit mihi.* Ergo sensus erit: Omnia, quæ Pater facit, & facturus est, dat, & dabit Filio, vt ea similiter ipse faciat. Dat, inquam, & dabit: quia potentia faciendi, quæ est in Filio, semper est à Patre. Postremò, hoc ipsum B. Thomas hunc in modum explicat: Patrem demonstrare Filio omnia, quæ facit, signifi-

Iansennius.

Verborum (ostendere) quid sapie in Sacris litteris significet. Psal. 34.

B. Thomas.

ficat hoc loco, DEVM manifestare aliis, se omnia, quæ fecit, & facit, & facturum est, per Filium fecisse, facere, & factum esse: & licet ostenderit, multa se prius fecisse magna, & mira per Filium: deinceps tamen demonstraturus erat maiora, quæ per Filium facturum erat. Sed quænam erant illa maiora, quæ Pater demonstraturus erat Filio, & per ipsum facturum? Tria nimirum, quæ CHRISTVS ipse in consequenti sermone suo mox declarat: quorum vnum fuit particularis resurrectio aliquot mortuorum: præsertim verò resuscitatio Lazari: quod miraculum super omnia commouit Iudæos: alios quidem ad potentie eius admirationem, & venerationem, & ad eius doctrinæ approbationem, & fidem: alios verò ad inuidiam, & odium, necemque quoquo modo ei machinandam. Alterum erit in fine mundi generale iudicium omnium hominum, quod ipse facturum est, & redditurus vnicuique secundum opera eius, vel æterna supplicia, vel gloriam sempiternam. Tertium erit quoque in consummatione sæculi: generalis nimirum resurrectio omnium mortuorum; aliorum quidem ad gloriam cœlestem: aliorum verò ad æternam damnationem, & poenam.

*Observandum
Cyrilli docu-
mentum super
voce, sicut.*

Super extremis verò disputationis huius verbis illis, *Sicut enim* § 8
Pater suscitatur mortuos, & viuificat: sic & Filius, quos vult, viuificat: doctè Cyrillus adnotauit, vocem illam, *sicut*, aliam vim, & significationem habere, cum ea vox ponitur in personis diuinis inuicem relatis; & aliam, cum ponitur in creaturis vel inter se, vel cum DEO comparatis. Cum enim ponitur in creaturis inter se comparatis, aliquando æqualitatem denotat: vt si dicatur; Sicut Petrus est animal rationale: ita & Paulus: interdum verò significat solam similitudinis cuiusdam participationem: vt si dicamus, argentum resplendere sicut lucem solis. Atque hac posteriori ratione vox, *sicut*, semper sumitur, cum dicitur in creaturis respectu DEI: vt cum Dominus dixit; *Eligite perfecti: sicut Pater vester cœlestis perfectus est.* Et alibi, *Vt diligatis inuicem: sicut ego dilexi vos.* Et alio loco; *Et ipsi vnum sint: sicut & nos vnum sumus.* At verò cum hæc vox, *sicut*, ponitur in diuinis personis, perfectam earum inter se denotat æqualitatem: vt hoc loco dicitur, Sicut Pater suscitatur, & viuificatur mortuos: ita Filium viuificare quoscunque vult. Et paulò infra dicitur; *Vt omnes honorificent Filium: sicut honorificant Patrem.*

Matth. 5.

Ioan. 15.

Ioan. 17.

Illud

59 Illud præterea sciendum est, diuinam Scripturam, quasi proprium quid DEI, prædicare, quod ipse suscitatur, & viuificatur mortuos: ut in trigesimo secundo capite Deuteronomij, & in 2. capite primi libri Regum; *Dominus mortificat, & viuificat: deducit ad inferos & reducit.* Et in Psal. 67. *DEVS noster DEVS salutes facienti: & Domini exitus mortis.* Et in alio Psalmo; *Ira in indignatione eius, & vita in voluntate eius.* Et Paulus ad Romanos 4. *Qui viuificat mortuos.* Qua etiam de causa in primo capite libri Apocalypsis, dicitur habere clauēs mortis, & inferni. Illud autem, *Quos uult, uiuificat*, indicat, non modò Filium omnia facere, quæcunque facit Pater: sed facere ea omnia sua voluntate, electione & arbitrio; non autem seruili obsequio, tanquam seruum, & ministrum, ab eo iussum, & coactum: Et hæc potestas CHRISTI viuificandi mortuos, est vnum ex illis tribus, quæ maiora prioribus demonstraturus erat Pater Filius, & per ipsum facturus.

Proprii Dei esse, viuificare mortuos.

DECIMAQVARTA DISPUTATIO.

Super illis verbis:

Neque enim Pater iudicat quemquam: sed omne iudicium dedit Filio.

VER. 22.

60 **D**ECLARATUR his verbis secundum opus ex tribus illis maioribus, quæ Pater demonstraturus erat Filio: id autem est, generale iudicium omnium hominum: simulque id valet ad probandum, quod proximè antecessit. Neque enim mirum videri debet, dedisse Patrem Filio potestatem suscitandi, & viuificandi mortuos: cum ei dederit absolutam potestatem iudicariam in omnes homines: quam potestatem diuina Scriptura ut propriam DEI agnoscit, & prædicat: ut in Psalmo 81. *Exurge DEVS, & iudica terram.* Et in Psalmo 74. *DEVS index est: hunc humiliat, & hunc exaltat.*

Quando Pater dedit Filio iudicariam potestatem. Chrysost. Hilarius, Theophylact.

61 Sed quando Pater hanc potestatem iudicariam dedit Filio? Secundum Chrysostomum, & Hilarium, & Theophylactum, dedit Filio

Augustinus. Filio eam potestatem, quando eum genuit: id autem est, ab æterno. Sed hoc rectè Augustinus refellit in primo libro de Trinitate: talem enim potestatem, quæ est, & vocatur potestas iudiciaria principalis auctoritatis, ita Filio dedit ab æterno Pater, ut eam tamen ipse nihilominus habeat: sicut ei dedit naturam deitatis, & scientiam, & potentiam omnium. At in hoc loco dicitur, Patrem non iudicare, quemquam: sed Filium tantum. Rectius igitur secundum Augustinum, & Cyrillum intelligitur, potestatem iudicandi datam esse Filio ea ratione: ut homo est: Quod scilicet omnium hominum iudex visibilis esset omnibus tam bonis, quam reprobis, visibile iudicium exercens, sensibilemque sententiam proferens. De eo namque iudicio loquitur in hoc loco Ioannes: quod in consummatione sæculi erga omnes homines exerceri debet. Pater igitur non iudicat quemquam: videlicet ut iudex visibilis omnibus, & per iudicium sensibile: alioqui Pater omnes iudicat iudicio inuisibili: auctoritas enim primaria iudicandi continens scientiam omnium iudicandorum, & sententiam iudicis decernentis præmia, vel supplicia, principaliter est ipsius DEI: executor tamen eius iudicij sub forma visibili erit CHRISTVS: ut homo est.

Quid sit, omne iudicium.

In illis autem verbis; *Omne iudicium dedit Filio*: illud, *omne iudicium*, 62 referri potest ad ipsum iudicium: quod est duplex; alterum, particulare cuiusq; hominis: quod fit post mortem vniuscuiusque: alterum verò, generale cunctorum hominum: quod fiet in consummatione sæculi. CHRISTVS itaque omne iudicium facit: & nunc particulare cuiuslibet hominis post mortem eius: & generale omnium hominum in fine sæculi. Potest etiam, (& hoc videtur probabilius) illud, *omne iudicium*, referri ad eos, qui iudicandi sunt: ut significetur, omnes hominès sine vlla exceptione subiectum iri iudicio ipsius CHRISTI: *Omnes enim nos*, inquit Apolos, *manifestari oportet ante tribunal CHRISTI.*

Quomodo Christus dicatur iudicare omnes, & non iudicare quemquam, triplex interpretatio.

At enim, huic sententiæ videtur esse contrarium, quod infrà in 63 capite octauo huius Euangelij scripsit Ioannes dixisse CHRISTVM Iudæis; *Ego non iudico quemquam*: nam iudicare omnes, & non iudicare quemquam, contraria inter se videntur esse: Sed non esse hæc contraria inter se, tribus modis declarari potest. Primò,

vt dicatur CHRISTVS non iudicare quemquam : quia in priori suo aduentu nō venit ad iudicandū, vt neque ad condemnandum homines : sed ad saluandum eos : sicut dictum est suprà in capite tertio, Filium hominis venisse in mundum, non vt iudicet mundum : sed vt saluetur mundus per ipsum. Deinde, CHRISTVS dixit, se non iudicare quemquam; nempe secundum faciem, & secundum carnem; sicut ipse exprobrauerat Iudæis, quibus proximè antè dixerat : *Vos secundum carnem iudicatis*. Ad hæc, dicens CHRISTVS se non iudicare quemquam, significauit se non iudicare solum; sed simul etiam secum iudicare Patrem. Nam mox subdit; *quia solus non sum: sed ego, & qui misit me, Pater: & in lege vestra scriptum est, quia duorum hominum testimonium verum est*.

- 64 Quod verò sequitur, *Vt omnes honorificent Filium: sicut honorificant Patrem*: dictum est, secundum Cyrillum propter superiora, quæ dicta sunt de æqualitate Patris, & Filij in faciendis omnibus: secundum autem Theophylactum, hoc dictum est propter proximè dictam iudicandi potestatem omnem, quam Pater dedit Filio. Et verò, vtroque nomine debetur CHRISTO honor diuinus, & æqualis Patri. Huiusmodi enim æqualitatem denotat illa particula, *sicut*: vt monet hoc loco Cyrillus: & nos de ea particula suprà docuimus. Et quia DEVS dixit, *gloriam meam alteri non dabo*. Et Dominus ipse dixit Diabolo ipsum tentanti; *Dominum DEVM tuum adorabis, & illi soli seruias*. In hoc autem loco dicitur Filius æquè honorandus esse, atque ipse Pater. Hinc liquidò intelligitur, Filium æquè DEVM esse; vt est ipse Pater, eique consubstantlem, atque per omnia æqualem. Nec tantum vult Pater Filium suum non dehonoriari: sed vult etiam ipsum honorari: non honorati Filij, quasi suam æstimans iniuriam. Hoc enim sonat illud; *Qui non honorificat Filium, non honorificat Patrem, qui misit illum*. Duplex porro tangitur his verbis ratio, cur sit honorandus CHRISTVS. Altera, quia Filius DEI est: altera, quia DEVS, mandata eius deferens ad homines. Nimirum, moris etiam apud homines est, tam Filium regis, quàm primarium, & summum regis legatum præcipuo quodam, & singulari, eximioque honore prosequi.

Cyrillus.

Theophyl.

Si Christus honorandus est ab omnibus, sicut honoratur Deus: Pater: ergo Christus est Deus, sicut Pater est Deus.
Esa. 42.
Matth. 4.

DECIMAQVINTA DISPVATIO.

Super illis verbis:

VER. 24. Amen, amen dico vobis, quia qui verbum meum audit,
& 25. & credit ei, qui misit me, habet vitam æternam, & in
iudicium non venit: sed transiit à morte ad vitam.
Amen, amen dico vobis, quia venit hora, & nunc
est, quando mortui audient vocem Filij DEI: & qui
audierint, viuent.

DECLARAT Dominus his verbis id, quod suprà dixe- 65
rat, datam sibi esse potestatem viuificandi quoscun-
que vellet. Loquitur autem de viuificatione animæ,
scilicet quæ continet peccatorum remissionem, & di-
uinæ gratiæ, cœlestiumque donorum donationem. Illud, *qui cre-*
dit ei, qui misit me, denotat duo præcipua Christianæ fidei mysteria:
Trinitatis videlicet & incarnationis. Dicitur autem credens DEO
habere vitam æternam, non absolutè: sed inchoatè: vel non posses-
sione: sed ipso iure, & spe possidendi eam: vel non in fructu: sed in
semine. Notanda porro sunt illa duo verba, *Venit & transijt*: nam
pro, *Venit*, Græcum verbum est quidem præsentis temporis: sed
quod nonnunquam ponitur pro futuro: & ita quidam ipsum acci-
piunt hoc loco; pro, *Transijt*, legunt in futuro, (transiet:) sed in-
dubiè legendum est in præterito, (transiit, siue transiuit:) vt patet
ex græca lectione: quamquam putant nonnulli positum esse hic
præteritum, more prophetico, pro futuro. Quocirca ex his verbis,
ob prædictam lectionis varietatem, duplex sensus existit. Si enim
legatur, *transiit*, in præteriti temporis significatione, erit hic sensus;
Non venit, pro non est venturus in iudiciũ, id est, in condemna-
tionem æternæ mortis: sed iam, etiam ante iudicij tempus, transiuit
à morte animæ, & à reatu æternæ mortis tam animæ, quàm corpo-
ris, ad certam spem, iusque possidendi æternam vitam. Sin autem
verbum, *transiit*, positũ sit, more prophetico, pro futuro, (transibit,)
sensus est; Non veniet in iudicium, siue condemnationem æternæ
mortis,

mortis, quam suis peccatis commeruerat: sed ex hac vita decedens transibit à morte corporis ad possessionem æternæ vitæ.

66 Sed enim prior sensus, vt Augustino, ita mihi probatur magis: cui nimirum maximè congruens est illa eiusdem Ioannis sententia in tertio capite primæ Epistolæ: *Nos scimus, inquit, quia translati sumus de morte ad vitam: quoniam diligimus fratres.* Vbi & illud obiter considerandum est, eo in loco vitam æternam à Ioanne tribui dilectioni, quæ hîc à CHRISTO tribuitur fidei: & sanè, utrâque Ad Gal. 3. ex virtute prouenit vita æterna: nam nec charitas esse potest sine fide, & fides non prodest ad comparandam vitam æternam, nisi ea, quæ per dilectionem operatur. Illud quoque animaduertendum est, non dici hoc loco eum, qui credit DEO, non venturum ad iudicium discussionis: cum Paulus affirmatè dixerit in capite quinto posterioris Epistolæ ad Corinthios, Omnes nos manifestari oportere ante tribunal CHRISTI: sed intelligendum est, dignè credentem DEO, non venturum in iudicium: scilicet, condemnationis diuinæ, quam ante fidem peccatis suis commeruerat.

67 Quod autem sequitur, *Venit hora, & nunc est, quando mortui audient vocem Filij DEI, &c.* non pertinet ad generalem resurrectionem mortuorum: vt indicant illa verba, *Venit hora, & nunc est:* quod non quadrat ad generalem resurrectionem mortuorum: quæ futura est in consummatione sæculi. Nec dicitur hoc loco omnes mortuos audituros vocem Filij DEI: sicut paulò infrà dicitur de generali resurrectione mortuorum: sed indefinitè dicitur; *Mortui audient vocem Filij DEI.* Et cum subditur, *& qui audierint, uiuent,* satis indicauit Dominus, non omnes vocem ipsius audituros: quod profectò ad generalem mortuorum resurrectionem minimè congruit. Locutus itaque est Dominus de particulari aliquorum resurrectione ad vitam rursus mortalem, facta vel per ipsum, vel per eius discipulos: quæ tamen, quasi argumentum quoddam, & specimen fuit tum spiritualis resurrectionis animæ à morte peccati ad vitam iustitiæ: tum futuræ resurrectionis corporum in Sanctis ad vitam immortalem, & beatam. Dicuntur autem mortui audire vocem CHRISTI: quia reuiuiscetes sentiunt effectum vocis CHRISTI reuocantis eos ad vitam: & quia sic obediunt voci CHRISTI reuocantis eos ad vitam, vt si dormientes, per eam

Pfal. 148.
Gen. 1.
Pfal. 32.
ad Rom. 4.

vocem excitati fuissent à somno. Quid autem mirum, verbo CHRISTI excitari à morte ad vitam homines: cum eius verbo omnia sint ex nihilo creata: *Dixit enim, & facta sunt. Verbo Domini cæli firmati sunt, & spiritu oris eius omnis virtus eorum.* Nimirum, ipse est, qui, ut dixit Apostolus, *vocat ea, quæ non sunt, tanquam ea, quæ sunt.*

DECIMASEXTA DISPUTATIO.

Super illis verbis:

VER. 26. Sicut enim Pater habet vitam in semetipso: sic dedit & Filio habere vitam in semetipso; & potestatem dedit ei iudicium facere: quia Filius hominis est.



O quod hîc dicitur, Patrem dedisse Filio habere 68 vitam in semetipso, tria significantur: primò, distinctio personarum Patris, & Filij: deinde, origo Filij à Patre: tum vnitas, atque identitas naturæ vtriusque personæ: Si enim diuersam Patri naturam haberet Filius, non vtique haberet vitam in semetipso: sed in Patre: sicut omnes res creatæ vitam habent in DEO. Et Paulus dixit; *In ipso vivimus, mouemur, & sumus.* Aliud porro est in diuinis personis habere vitam à semetipso, & aliud est habere vitam in semetipso: illud namque proprium est DEI Patris: quippè qui omninò est improductus, neque ab alio procedens, & est principium aliarum personarum diuinarum: hoc autem, habere, inquam, in semetipso vitam, ex æquo tribus personis diuinis conuenit.

Altorum 17.

Habere vitam in semetipso, quatuor significat.

Quatuor autem denotat, *habere vitam in semetipso.* Primò, ha- 69 bere in sua potestate: vt quando vult, & quotiescunque vult, & quomodocunque vult, & quibuscunque vult, possit vitam impartiri. Deinde, esse primum, & perennem, atque indeficientem fontem, ac principium omnis vitæ: omnibus rebus, quæ sunt extra DEVM, communicabilis. Sic fons dicitur habere aquam in semet

femetipſo : non autem flumen. Ad hæc , eſſe vitam per eſſentiam , & ſubſtantialiter ; ob idque infinite , & inuariabiliter : non autem per participationem , & accidentaliter , & definite , & mutabiliter. Poſtremo , non habere vitam aliunde , tanquam ab externo principio , & diuerſæ naturæ : nam licet Filius , & Spiritus ſanctus vitam habeant à Patre ; Pater tamen eſt principium internum , & conſubſtantiale tam Filio , quàm Spiritui ſancto.

- 70 Sed quando Pater dedit Filio habere vitam in ſemetipſo ? Secundum Cyrillum , dedit per incarnationem. Sicut enim tunc dedit illi homini eſſe DEVM : ita dedit ei habere vitam in ſemetipſo ; nimirum ratione diuini Verbi , quod ei tunc perſonaliter vnitum eſt : quamobrem ea donatio fuit illi homini gratuita , & per DEI gratiam ei facta. At ſecundum Auguſtinum , & Chryſoſtomum , Pater dedit Filio habere vitam in ſemetipſo per æternam generationem , per quam ſcilicet ſimul cum natura diuina Filius & hoc , quod eſt , habere vitam in ſemetipſo , accepit à Patre : illa tamen donatio non fuit gratuita : ſed naturalis.

Quando Pater dedit Filio habere vitam in ſemetipſo.
Cyrillus.

Auguſt.
Chryſoſt.

- 71 Circa illa verba ; *Dedit ei iudicium facere : quia Filius hominis eſt.* Sciendum eſt , Paulum Samofatenum hæreticum , qui dixit , CHRISTVM fuiſſe purum hominem , iunxiſſe hæc verba cum præcedentibus , in hanc ſententiam : *Quia CHRISTVS erat tantum Filius hominis* , id eſt homo , propterea non potuit à ſe habere poteſtatem iudicandi : ſed neceſſe fuit eam ipſi à DEO dari. Chryſoſtomus odio tam nefandi erroris , etiam huiusmodi lectionem , quaſi hæreticam damnauit , eo argumento , quòd ſi Pater dediſſet CHRISTO poteſtatem iudicandi : quia erat homo , pari ratione dediſſet eam cunctis hominibus : nam eſſe hominem , æquè omnium hominum commune eſt. At enim videtur immeritò ea lectione , (remoto Pauli errore) damnata à Chryſoſtomo ; quam Auguſtinus , & Cyrillus , & complures alij approbarunt ; licet ea lectione Paulus : vt hæreticis mos eſt , ad errorem ſuum aſtruendum fuerit abuſus.

Paulus Samofatenus.

Cyrillus.
Auguſt.

- 72 Chryſoſtomus verò , verba illa ; *Quia filius hominis eſt* , iungit cum eo , quod proximè ſequitur ; *Noliſte mirari hoc* : ad hunc ſenſum : Ne mirum vobis accidat , & incredibile , quod dixi de poteſtate iudicandi à DEO collata mihi : quia videtis me hominem eſſe ,

Excuteſtur leſio huius loci , & interpretatio Chryſoſtomi.

esse, pauperem, humilem, & obscurum : nam ita sum Filius hominis, ut simul etiam Filius DEI sim : atque hanc lectionem : ut cætera Chrysostomi, sequuntur Theophylactus, & Euthymius. Sed enim, prætorquam quòd hæc interpretatio interturbat rectam constructionem orationis, contextumque verborum huius loci illud præterea incommodi habet, quòd secundum eam, idem diceretur his verbis, quod supra dictum fuerat ; *Pater omne iudicium dedit Filio*. Excludit quoque præclaram, verèque Theologicam doctrinam, quam Theologi tradunt, & eliciunt ex eo, quod hic dictum sit ; Patrem dedisse Filio potestatem iudicandi : quia Filius hominis erat : quænam verò ista sit doctrina, ex iis, quæ mox subiiciemus, manifestum erit.

illud ; Quia Filius hominis est, tripliciter explicatur. Augustinus.

Planior igitur, & rectior, atque probabilior est lectio, quæ verba hæc iungit cum præcedentibus. Eius verò lectionis triplex interpretatio, & sensus esse potest. Primus sensus, secundum Augustinum, potestatem iudicandi, quam Pater ab æterno dedit Filio, ea ratione, qua DEVS est, dedisse quoque ei ab initio aliquo temporis, ea ratione, qua homo est : Itaque illa coniunctio, *quia*, sonat idem, quod quatenus : vel ea ratione, qua Filius hominis est. Alter sensus est : quia Iudex hominum, qui post resurrectionem erunt corporei, & visibiles, debet esse visibilis, & sensibilem proferre sententiam : Pater autem, & Spiritus sanctus non habent naturam visibilem : Filius verò & DEVS est inuisibilis, simulque homo visibilis : propterea data est ei potestas iudicandi : quia Filius hominis est. Tertius sensus est, quia Filius DEI, amore diuinæ gloriæ, & salutis hominum, usque eò se abiecit, & exinanivit, ut homo similis cæterorum hominum fieri dignatus sit, & ut seruus, & tanquam sceleratus, ab impiis hominibus iudicari, & condemnari se passus est : propterea in præmium tantæ humilitatis, potestatem iudicariam in omnes homines accepit à DEO : ut hoc simile sit eius, quod scripsit Apostolus de ipso CHRISTO in capite secundo Epistolæ ad Philippenses, illis verbis ; *Qui cum in forma DEI esset, non rapinam arbitratus est esse se aequalem DEO : sed semetipsum exinanivit, formam serui accipiens, in similitudinem hominum factus, & habitu inuentus ut homo*. Et postea subdit ; *Propter quod DEVS exaltavit illum, & dedit ei nomen, quod est*

est super omne nomen, &c. Et hinc docent Theologi, CHRISTVM per passionem suam tria sibi meruisse; exaltationem nominis sui apud omnes, & glorificationem sui corporis, & iudicalem potestatem in omnes homines.

- 74 Scire etiam convenit, tria requiri in eo, qui legitimè, & rectè iudicaturus est alios. Primò, legitimam potestatem iudicandi: deinde scientiam & hominum iudicandorum, & eorum, de quibus iudicandi sunt: tum, sincerum, atque incorruptum affectum in iudicando. Hæc tria in se fuisse CHRISTVS ipse hoc in loco indicavit. Potestatem quidem, cùm dixit; *Pater dedit Filio iudicium facere*: Scientiam, cùm infrà subdit; *Sicut audio, iudico, & iudicium meum iustum est*: Sinceritatem demum, atque integritatem animi in iudicando, cùm addidit, *quia non quero voluntatem meam: sed voluntatem eius, qui misit me.*

Tria requiri in eo, qui rectè iudicaturus est alios.


DECIMASEPTIMA DISPV TATIO.

Super illis verbis:

Vos misistis ad Ioannem, & testimonium perhibuit veritati. Ille erat lucerna ardens, & lucens: vos autem voluistis ad horam exultare in luce eius.

VER. 35.

De tredecim rebus in lucerna considerandis, & ad hominem, respectu gratiæ DEI, accommodandis.

- 75  VONIAM Iudæi iis, quæ CHRISTVS de se testificabatur, fidem habere recusabant, adhibuit ipse quatuor genera testimoniorum, contradictioni, & cauillationibus eorum minimè obnoxia: quorum vnum fuit testimonium Ioannis Baptistæ: alterum, quod opera sua de ipso perhibeant: tertium, DEI Patris sui, à quo missus fuerat in mūdum: quartum, diuinarum Scripturarum, in quibus ea, quæ de se CHRISTVS dicebat, prædicta fuerant. Quò autem testimonium Ioannis Baptistæ grauissimum, fidèque dignissimum fuisse ostenderet: & Iudæos, à quibus contemptum, & re

& reiectum illud fuerat, perfringeret; ipsum Ioannem illis verbis: *Ille erat lucerna ardens, & lucens*, mirè laudauit. Quorum verborum sententia, quò planius, & plenius explicetur: primùm, multa, & obseruatione digna, quæ in lucerna considerari possunt, exponemus: Deinde, cur Ioannes dictus sit à Domino lucerna ardens, & lucens, declarabimus: denique aliquot sanctorum Patrum de Ioannis excellentia sanctitatis, atque dignitatis illustria, & eximia testimonia, atque encomia referemus.

Multa, vt dixi, & obseruatione digna considerare licet in lucerna, cui comparatus est Ioannes, quæ ad hominem respectu gratiæ DEI aptari, & accommodari queunt. Primò, lucerna nullam à se lucem habet: sed eam capit extrinsecus. Secundò, licet per se lucerna non luceat: facta est tamen idonea, & accommodata ad lucem aliunde accipiendam, atque retinendam. Idem licet cernere in homine, respectu gratiæ DEI, quam à se non habet homo: sed à DEO factus est, & gratiæ, & gloriæ DEI capax. Tertiò, Lucerna non habente lucem, nihil inutilius, & abiectius videtur: contra verò, si bene luceat, & ad aspectum iucunda, & ad vsum commodissima est. Similis profectò est homo vel compos, vel expers diuinæ gratiæ. Quartò, Lucerna non se tota lumen accipit, vel reddit: sed exigua tantum quadam sui parte: sic homo in hac vita, secundum partem dumtaxat superiorem animæ illuminatur, & sanatur à DEO. Quintò, Lucerna subinde eget olco impleri, vt lucem conferuet; non sic est lumen stellarum: gratia quoque hominis viatoris, quò vel conferuetur, vel augeatur, variis eget tum humanis, tum maximè diuinis fomentis, & adiuuentis: non sic autem est gratia comprehensorum, & Beatorum in cælis. Sextò, debet subinde lucerna mundari, & purgari, ne restinguatur lumen, & quò charius luceat: siquidem multas creat sordes, & impedimenta bene lucendi. Septimò, facile potest lucernæ lumen extingui, vel à ventis, vel ab imbribus, vel aliis de causis: quapropter aduersus ista diligenter custodiri debet; vt nulla ex parte pateat extinctioni. Sic etiam homo thesaurum diuinæ gratiæ in vasis habet fictilibus, & fragilibus, variisque casibus, multisque periculis expositum.

Octauò; Sicut lumen intra lucernam debet bene claudì, ne ab extra

extraneis contrariis extinguatur: debet tamen aliqua sui parte esse pellucida, ut foras lumen emittat: sic gratia DEI, quam homo habet, bene custodienda est interiùs à vana gloria; secundum illud Domini dictum; *Attendite, ne iustitiam vestram faciat coram hominibus ut videamini ab eis*: debet tamen nihilominus sic lucere, ut aliis etiam adiumento, & emolumento esse queat, ad eorum animi salutem, & ad gloriam DEI: secundum illam Domini sententiam; *Sic luceat lux vestra coram hominibus, ut videntes bona opera vestra, glorificent patrem, qui in cælis est.* Nonò; Paruum est lucernæ lumen, & paucis illuminandis sufficiens, & usus eius est in remedium, & solarium nocturnarum tenebrarum: quoad scilicet diurnam claritatem sol nobis reddat. Decimò; Plurimum interest inter ipsam lucem, quæ datur extrinsecus lucernæ: & inter materiam, ex qua constat lucerna. Undecimò, lucernæ quatuor necessaria sunt, ut bene, ac diu lucere queat. Primò, vas ipsum lucernæ bene conformatum ad usum lucendi: deinde, oleum, vel cera, vel aliud simile, quo lumen nutriatur, & foueatur: tum myxus, siue ellychnium: quo lumen ipsum sustinet: ac demum, est ipsa lux. Similiter considerare licet, corpus hominis esse tanquam vas, mentem eius quasi myxum; at fidem, esse quasi lumen: denique charitatem, & bonorum operum effectiorem, esse tanquam oleum: quo lumen fidei fouetur, & nutritur. Duodecimò: lucerna extincta fatet: sed protinus, dum etiam calet, admota luminari, faciliè ipsum resumit. Decimotertiò: lucerna bene lucens in publico ponitur: sed ubi extincta est, continuò ab hominum aspectu remouetur.

- 78 Sed cur, & quibus rebus Ioannes similis fuit lucernæ? quia non erat ipse vera illa lux illuminans omnem hominem venientem in hunc mundum: sed erat prænuntius, & testis illius lucis: sicut supra dictum est; *Non erat ille lux; sed ut testimonium perhiberet de lumine.* Quia comparatus CHRISTO, paruum gratiæ ac sapientiæ lucem habebat: sicut lucernæ lux comparata luci solis. Quia ad paucos illuminandos, vnâ duntaxat Iudæorum gentem, missus à DEO fuerat. Quia usus illuminationis eius, brevis erat futurus; nempe, quoad gratia, & doctrina Euangelica mundo illucesceret. De hac sanè lucerna, quæ fuit Ioannes, interpretatur

Cyp. & quibus rebus Ioannes fuerit similis lucerna.

Istan. 1.

Cyrillus.

Locus Psalmi
131.Lucerna, quæ
fuit Ioannes,
quandâ fuerit
in veteri Te-
stamento figu-
ra.

Cyrillus, secundum allegoricum videlicet sensum, quod scriptum est in Psalmo centesimo trigesimo primo; *Paraui lucernam* CHRISTO *meo*. Eiusdem lucernæ, quæ fuit Ioannes, dici posset figura fuisse in veteri Testamento septuplex illa lucerna, quæ pendebat semper ardens, & lucens in sanctuario ante velum, quod erat opansum interiori Tabernaculo, quod vocabatur sancta sanctorum: de qua lucerna scriptum est in vigesimo quarto capite Leuitici.

Locus Matth.
cap. 5.

Dauid considerans vsum, & vtilitatem lucernæ discutiendis tenebris, & dirigendis hominum gressibus, in Psalmo vigesimo septimo DEVM appellauit lucernam suam: & in Psalmo centesimo decimo octauo, lucernâ pedibus suis dixit esse verbum DEI: & in capite vndecimo libri tertij Regum vocatur lucerna Dauidis, memoria ipsius, & conseruatio principatus, & regni in eius posteritate: & in tertio libro Regum Dauid appellatur lucerna populi Hebræi: id autem est, vnicum eius populi decus, & præsidium, atque solatium: Denique vita, & doctrina, & præclara opera sanctorum hominum: præsertim autem eorum, qui præsident Ecclesiæ, ac populo DEI, appellatur in Euangelio lucerna; Nemo, inquit, *accendit lucernam, & ponit eam sub modio: sed super candelabrum, ut luceat omnibus, qui in domo sunt*. His adde, quod scriptum est in capite decimo octauo libri Apocalypsis; in cœlestibus beatorum sedibus, & in illo æternæ felicitatis domicilio nullam esse lucernam: non enim emendicato, & diminuto lumine felices illæ in cœlis animæ illuminantur: sed illis DEVS est, ut vita, sic lux, & gaudium, & gloria sempiterna.

DECIMAOCTAVA DISPUTATIO.

Cur Ioannes dictus fuerit à Domino lucerna ardens, & lucens.



VNT quædam lucernæ nec ardentes, nec lucen-
tes: sed extinctæ, quin etiam fœrentes: ut sunt
indocti, & mali prælati: Aliæ sunt tantum lucen-
tes: sed non ardentes: ut qui doctrina præstant:
sed probitate, atque integritate vitæ carent. Aliæ
sunt

sunt lucernæ ardentes, & non lucentes; ut qui sunt ipsi quidem boni: sed indocti: ob idque sibi tantum, non aliis autem utiles. Sunt demum lucernæ ardentes pariter, ac lucentes: ut qui integritatem vitæ cum veritate, & præstantia doctrinæ coniunxerunt. Talis fuit Ioannes: nec fuit talis, tanquam vnus quilibet de istiusmodi hominibus: sed tanquam singularis, & eximius, & supra istos omnes. Quemadmodum porro Ioannes arderet, & luceret, disertè Sanctus Bernardus declarauit in quodam sermone, quem fecit super his ipsis verbis; *Ille erat lucerna ardens, & lucens*: ita scribens; Tantum ardere, parum est: tantum lucere, vanum est: lucere & ardere, perfectum est. Ardebat Ioannes tripliciter: erga seipsum, austeritate conuersationis: erga CHRISTVM, feruore deuotionis: erga proximum, constantia liberæ increpationis. Lucebat etiam tripliciter; Exemplo, digito, & verbo. Exemplo, seipsum ostendens ad imitandum: digito, CHRISTVM demonstrans Agnum DEI ad perficiendam peccatorum remissionem; Verbo, vitia hominum manifestans ad correptionem & emendationem.

*Quomodo
Ioannes fuerit
lucerna ardens,
& lucens, pul-
chrè declara-
uit Bernar-
dus.*

- 81 Neque verò Ioannis testimonium de CHRISTO idèd repudiare poterant: erat quippè Ioannes testis omni exceptione maior: cui scilicet omnia, quæ ad ritè testificandum necessaria sunt, cumulatè, & excellentèr aderant, eiusque testimonium dignissimum fide reddebant. Hæc autem sunt, auctoritas muneris, dignitas personæ, scientia rerum, de quibus testimonium dicitur: ac demum integritas vitæ, & sanctitas. Ioannes auctoritatem testificandi à DEO acceperat: secundum illud, quod suprà dictum est; *Fuit homo missus à DEO, cui nomen erat Ioannes: hic venit ut testimonium perhiberet de lumine.* Scientiam eorum, quæ testabatur, dupliciter habebat certam Ioannes: tum ex diuina reuelatione: tum ex signo, & miraculo columbæ: sicut dictum est suprà; *Qui misit me baptizare, ille mihi dixit; Super quem videris Spiritum descendentem quasi columbam, & manentem super eum, hic est, qui baptizat in Spiritu sancto. Et ego vidi, & testimonium perhibui quia hic est FILIVS DEI.* Quanta verò fuerit sanctitas Ioannis declarauit vita eius admirabili austeritate, & puritate, & sanctimonia: declarauit item estimatio Iudæorum, qui cum non ut hominem: sed ut Angelum mirabantur, & reueriebantur: in tantum profectò, vni multi in du-

*Non potuisse
Iudæi refra-
gari testimo-
nio Ioannis.*

Ioan. 1.

Ibid.

bitationem venirent, num ipse expectatus esset Messias: sicut indicat Lucas in capite tertio sui Euangelij. Videat lector luculentum Iosephi de Ioanne testimonium in capite decimo libri decimi octavi Antiquitatum Iudaicarum. Quin etiam vel ipse Herodes, quem seuerissimè Ioannes increpabat propter incestas, & abominatas Herodiadis nuptias, timebat ipsum, & libenter eum audiebat, & audito eo multa faciebat: sciens eum virum esse iustum, & sanctum: sicut refert Marcus in capite sexto. Sed super omnia demonstrant Ioannis excellentiam duo CHRISTI encomia Ioannis; Alterum, quod hoc loco est; *Ille erat lucerna ardens, & lucens.* Alterum, quod exposuit Matthæus capite vndecimo: referens illa CHRISTI verba de Ioanne dicta Iudæis; *Quid exiistis in desertum videre Prophetam? Etiam dico vobis: & plusquàm Prophetam. Hic est enim, de quo scriptum est: Ecce, ego mitto Angelum meum ante faciem tuam; qui preparabit viam tuam ante te. Amen dico vobis, non surrexit inter natos mulierum, maior Ioanne Baptista.*

DECIMANONA DISPUTATIO.

Commemorantur Joannis excellentia aliquot præclara, & eximia Patrum testimonia, & præconia: & declarantur illa Domini verba; Vos autem voluistis ad horam exultare in luce eius.



EX occasione laudationis Ioannis, quam fecit CHRISTVS, & hoc in loco retulit Euangelista, libuit mihi nonnulla Patrum de excellentia Ioannis præcipua, & perillustria testimonia, & præconia hic enarrare.

Ambrosius in sermone sexagesimo quarto, de eo sic ait; Ioannes præcedit cunctos, eminet vniuersis, antecedit Prophetas, supergreditur Patriarchas, & quisquis natus est de muliere, inferior est Ioanne. Cyrillus Hierosolymitanus in tertia Catechesi dicit, eum maiorem fuisse Elia in cælum raptò, & Enoch in Paradisum translato, & Mose legislatore, & Ieremia in matris ventre sanctificato. Fuisse eum ait prophetarum maximum, legis veteris terminum, initium Euangelij, noui Testamenti Archiducem. Augustinus

Iosephus.

Malachia 4.

Ambrosius.

Cyrillus Hierosolymitanus.

81

stinus super Psalmo vigesimo nono; Nihil, inquit, maius existit in genere humano, quàm Ioannes Baptista: idem sermone quarto de natiuitate Ioannis; Si nemo, inquit, in hominibus surrexit maior Ioanne: ergo qui Ioanne maior est, non tantum homo: sed **DEVS** est. Auctor imperfecti operis in Matthæum, in Homilia vigesima septima; Omnibus, inquit, sanctis maior est Ioannes, quo solus prior est **CHRISTVS**. Cyrillus ait, Ioannem peruenisse ad apicem virtutis & supremam iustitiæ perfectionem. Vide ipsum in libro secundo commentariorum in Ioannem in capite trigesimo quarto, & in Thesauro, libro secundo capite quarto. Eusebius Emisenus in homilia prima de Ioanne, ait, ipsum humanorum excedere mensuram meritorum. Sanctus Bernardus in sermone de excellentiis Ioannis Baptistæ affirmat, ipsum nouem Angelorum ordinibus sic esse insertum, vt ad ipsorum etiam Seraphinorum apicem euectus fuerit. Videat lector alia Ioannis præconia apud Augustinum in sermonibus de sanctis, in sermone vigesimo secundo; apud Isidorum in libro de Patribus veteris Testamenti: apud Chrysostomum in sermone centesimo vigesimo septimo.

- 83 Fuit sanè Ioannes virgo, fuit martyr, pro veritatis & iustitiæ prædicatione ab impio Herode obtruncatus capite: fuit Propheta Altissimi: de eo namque Pater eius prophetauit; *Et tu puer propheta Altissimi vocaberis.* Fuit Apostolus **DEI**: siquidem nomen Apostoli significat missum: & de eo supra scriptum est; *Fuit homo missus à DEO, cui nomen erat Ioannes.* Fuit quasi Patriarcha quidam noui Testamenti: fuit primus Euangelij præco; fuit Doctor ad prædocendos Iudæos missus: sicut eius Pater prædixit; *Præbis enim ante faciem Domini parare vias eius, ad dandam scientiam salutis plebi eius in remissionem peccatorum eorum.* Fuit denique tanquam parens, primusque magister Anachoretarum, & heremitarum, qui postea fuere sub lege Euangelica. Magnus planè Ioannes in conceptu suo, in ortu, in educatione, in victu, & vestitu, in prædicatione, in testificatione de **CHRISTO**, in regum increpatione, & in morte pro iustitia fortiter subeunda.

- 84 Illorum porro verborum; *Vos autem voluistis ad horam exultare in luce eius,* quatuor sunt interpretationes. Prima interpretatio; Ioannes dupliciter lucebat, tum propriæ sanctitatis luce, & conuersa-

Vv 3 tionis

Augustinus.

Auctor imperfecti operis in Matthæi.

Cyrillus Alexandrinus.

Eusebius Emisenus.

Bernardus.

Multiplex Ioannis Baptistæ dignitas, & sanctitatis excellentia. Luca 1. Ioan. 1.

Quid sit, lucis ad horam exultasse in luce Ioannis Baptistæ, quatuor interpretationes.

tionis suæ admirabili austeritate; tum demonstrando CHRISTVM, qui erat vera & æterna lux, & daturus erat credentibus in ipsum salutem, & gloriam sempiternam. Iudæi autem prioris lucis aspectu gaudebant, & delectabantur: sanctimoniam Ioannis admirantes, atque prædicantes: sed posteriorem lucem, unde ipsis sempiternum gaudium pòterat contingere, neglexerunt. Secunda interpretatio; Vos misistis ad Ioannem, interrogantes eum an ipse expectatus, & optatus esset Messias: vt si ille oblatum sibi tantum honorem acciperet, eq vos abuteremini ad me vehementius insectandum: & hoc vestro tam malitioso consilio, & machinatione gaudebatis, & exultabatis: sed ad horam, & breuissimum fuit præsumptum à vobis gaudium. Ioannes enim veritati testimonium perhibuit, negans se CHRISTVM esse, & me demonstrans esse, quem vos pro CHRISTO recipere renuitis. Tertia interpretatio; Istit Domini verbis arguitur magna, & turpis inconstantia Iudæorum: qui ab initio maximè gaudebant, & delectabantur prædicatione, & conuersatione Ioannis Baptistæ; sed breui cœperunt eum fastidire, & contemnere. Etenim Ioannes inuitabat, & incitabat eos ad amorem regis cœlestis, & desiderium æternæ vitæ: At Iudæi, quia carnales admodum erant, maximèque cupidi rerum terrenarum: bonorum verò cœlestium incuriosi, atque negligentes, doctrinam istam Ioannis, & exhortationes eius, vt minimè conuenientes cupiditatibus suis, aspernati sunt.

Quarta interpretatio: quæ videtur omnisi optima, est huiusmodi; Cum primùm Ioannes è solitudine prodiit in publicum, ingentem sui admirationem, & venerationem, expectationemq; cōmouit in animis Iudæorum: vehementer enim mirabantur inusitatam eius vitæ austeritatem, eximiam morum sanctimoniam, maximam rerum omnium terrenarum despicientiam, grauissimam prædicationis, & doctrinæ rationem, nouitatem baptismi, libertatem in reprehensione quorumlibet, vim, & ardorem in exhortando homines ad salutem ipsorum capeffendam. At primò itaque Iudæi valde gauisi sunt, tantum virum cœlitus sibi illo tempore missum, & datum à DEO fuisse: sed breue hoc fuit eorum gaudium: Nam cum primùm Ioannes cœpit, se, CHRISTI comparatione, demittere, & ablicere, illumque summis laudibus efferre, & Messiam esse,

esse, ac saluatorem mundi asserere; continuo Iudæi cœpêre Ioannem fastidire, auersari, & vsque eò vituperare, vt cum dæmonio agitari non vererentur dicere. Nam apud Lucam cap. 7. dixit Dominus; *Venit Ioannes neque manducans panem, neque bibens vinum: & dicitis; dæmonium habet.* Breuis igitur fuit lætitia, quam ex aduentu Ioannis ceperunt Iudæi. Locus Luca cap. 7.

VIGESIMA DISPUTATIO.

Super illis verbis:

82 Scrutamini Scripturas: quia vos putatis in ipsis vitam VER. 39.
 æternam habere; & illæ sunt, quæ testimonium
 perhibent de me; & non vultis venire
 ad me, vt vitam habeatis.

86 **I**LLUD verbum, *scrutamini*, tam in Græca, quàm in Latina scriptura est ambigux significationis. Potest enim esse vel indicatiui modi; vt plerique accipiunt; vel imperatiui modi: vt accepit Cyrillus; & hoc videtur ipforum cõtextui verborum magis congruere. Subditur enim; *Et illæ sunt, quæ testimonium perhibent de me.* Si enim esset imperatiui modi, dicendum erat: (quia illæ testimonium perhibent de me.) Accipiendo igitur illud, *scrutamini*, tanquam indicatiui modi: istorum verborum hic est sensus; Vos assidue versatis diuinas Scripturas, intenta lectiõne earum intellectum perquirentes: rati ex earum doctrina, & instructione posse vos æternam vitam consequi; quod sanè rectè putaretis: si eas, vt par est, intelligere studeretis. Iam verò, istæ ipsæ Scripturæ, quas vos tam studiosè lectitatis, non vno tantum in loco: sed passim, non solum obscure, & opertè; sed etiam apertè, expressèque testimonium de me perhibent: tantum abest, vt doctrinæ meæ, quam ego vobis prædico, sint contrariæ. Vos tamen partim odio mei, partim vitiõrum vestrorum caligine obcæcati, eas non intelligentes, non vultis venire ad me: per fidem scilicet accipiendo doctrinam meam, vt comparetis vobis vitam æternam: quam vos in ipsis Scripturis quæritis,

quæritis, & cuius me auctorem, & largitorem illæ testantur.

Illud itaque; *Vos putatis in ipsis habere vitam æternam*, non idè 87
 Dominus dixit: vt eorum opinionem, & spem reprehenderet: sed
 vt ostenderet infructuosum esse studium eorum, & inanem fidu-
 ciam: quia DEI Spiritu destituti, & sterili tantum verborum sen-
 tentiæ inhaerentes, ad verum Scripturarum intellectum, per quem
 sibi vitam æternam comparare possent, nunquam peruenirent. Per
 ipsas autem Scripturas consequi vitam æternam, est per earum
 perfectam intelligentiam, & fidem, & obseruationem peruenire
 ad vitam æternam: Sicut Paulus dixit Timothæo; *Ab infantia pri-
 mas litteras nosti, quæ te possunt instruere ad salutem.*

2. Timoth. 3.

Illud autem verbû; (scrutati,) multò plus significat quàm enol- 88
 uere, legere, considerare, & meditari sacras Scripturas. Eo namq;
 verbo significatur, sacram Scripturam non esse superficie tenus, &
 cursim, & oscitanter legendam: sed magno studio, ingenti auidi-
 tate, totâque animi intentione legi debere; ad imitationem, & mo-
 dum eorum, qui cupidissimi reperiendi aurum, quod intra terram
 est, omnes eius venas indagant, & scrutantur. Audi Lector, quid
 Salomon dicat in capite secundo libri Prouerbiorum: *Si quasieris,*
 inquit, *sapientiam velut pecuniam, & quasi thesauros effoderis eam, in-*
uenies scientiam Domini. Hinc etiam liquet, diuinam Scripturam
 non esse facilem intellectu, neque cuiuis peruiam: sed esse intel-
 lectum eius perobscurum, & abstrusum, & reconditum, & multa
 indigentem perscrutatione. Vnde Iob cap. 28. de Sapientia dixit:
Sapientia trahitur de occultis, & abscondita est ab oculis omnium viuen-
tium, volucres quoque cæli latet. Quocirca singulari opus est DEI
 illuminatione ad rectè intelligendas sacras Scripturas: quam illu-
 minationem Dauid petebat à DEO: *Da mihi,* inquit, *intellectum,*
& scrutabor legem tuam. Reuela oculos meos, & considerabo mirabilia de
lege tua.

Locus Prouer-
bior. cap. 2.

Psal. 118.

Dixit autem Dominus præcisè, & generaliter, *Scripturas*: non 89
 autem has, vel illas Scripturas nominauit: vt significaret, appro-
 bare se omnes Scripturas sacras, publico iudicio, & auctoritate sy-
 nagogæ; id temporis comprobatas. Vel potius id dixit: quia om-
 nes Scripturæ de CHRISTO testimonium perhibent. *Finis enim*
legis CHRISTVS: & omnes Prophetæ, qui fuerunt à Samuele, & de-
inceps

inceps annunciauerunt dies istos. Et Dominus duobus illis discipulis *Lucæ ult.*
euntibus Emaus; Incipiens à Mose, & omnibus Prophetis, interpretaba-
tur illis in omnibus Scripturis, quæ de ipso erant. Et in cap. decimo lib.
de Actis Apostolorum sic est: Huius omnes Scripturæ testimonium per- *Insigniora*
hibent. Sed age, aliquot insigniora testimonia veteris, & sacra Scri- *quædam testi-*
pturæ de venturo Messia, quæ ad vnum omnia in Domino IESU *monia veteris*
perfectè completa sunt; cursim in præsentia enarremus. Primo, *diuina Scri-*
Messiam, visibilem in terris futurum, & conuersaturum cum ho- *ptura de ven-*
minibus, prædictum fuerat à Baruch: Post hæc, inquit, in terris visus *turo Messia,*
est, & cum hominibus conuersatus est. Tempus aduentus Messia præ- *quæ in Domi-*
signauit Iacob Patriarcha, illis verbis: Non auferetur sceptrum de tu- *no Iesu per-*
da, & dux de semore eius: donec veniat, qui mittendus est: & ipse erit *fecta completa*
expectatio Gentium. Idem tempus aduentus, & passionis Messia *sunt.*
prænuñciauit Daniel per septuaginta hebdomadas annorum præ- *Baruch 3.*
finitum, Messiam ex Virgine matre conceptum iri, & nasciturum, *Genes. 49.*
prædixerat Isaia; Ecce Virgo concipiet, & pariet Filium. Messiam na- *Isaia 7.*
sciturum in ciuitate Bethleem, prædictum fuerat à Michæ, illis
verbis; Et tu Bethleem terra Iudæ, nequaquam minima es in principibus *Michæ 5.*
Iudæ: ex te enim exiet dux, qui regat populum meum Israël. Futurum
Messiam hominem pauperem, & humilem, & mansuetum, præ-
nunciaturum fuerat à Zacharia, illis verbis; Exulta satis filia Sion, iubila *Zacharia 9.*
filia Hierusalém: ecce rex tuus veniet tibi iustus, & saluator, & ipse pauper,
&c. Et Isaia; Nō clamabit, neque accipiet personā, nec audietur vox eius *Isaia 42.*
foris; calamus quassatus non cōteret, & linum fumigans non extinguet:
in veritate educet iudicium, non erit tristis, neque turbulentus. Messiam
prædicaturum fuisse pauperibus, & tristibus, & afflictis prophetauerat
Isaia; Spiritus Domini super me, ad annuncianum mansuetis misit me, *Isaia 61.*
ut mederer contritis corde, & prædicarem captiuis indulgentiam, & clau-
sis apertionem, ut consolarem omnes lugentes. Messiam occisum iri à
suis popularibus, & ciuibus Iudæis prædixit Daniel; Et post hebdo- *Danielis 9.*
madæ sexaginta duas occidetur CHRISTVS, & non erit eius popu-
lus, qui eum negaturus est. Genus futuræ mortis Messia, & acerbis-
simum eius, & causam ita descriperunt Dauid, & Isaia, ut non
rei futuræ prophetiam edidisse: sed rei iam gestæ historiam enar-
rasse videantur. Dauidis in psalmo vigesimo primo, & sexagesimo
octauo illa sunt verba; Dederunt in escam meam fel, & in siti mea po-

tauerunt me aceto: foderunt manus meas, & pedes meos: dinumerauerunt omnia ossa mea: diuiserunt sibi vestimenta mea, & super vestem meam miserunt sortem. De multis, quæ vaticinatus est Isaïas de ne-
Isaia 53. ce Messia, pauca tantum hic ascribam verba; Ipse vulneratus est propter iniquitates nostras, attritus est propter scelera nostra: posuit Dominus in eo iniquitatem omnium nostrum. Oblatus est: quia ipse voluit, & non aperuit os suum: sicut ovis ad occisionem ducetur, & quasi agnus coram tondente se obmutescet, & non aperiet os suum: cum scelera- tis reputatus est: & ipse peccata multorum tulit, & pro transgressoribus rogauit. Sunt & alia permulta huiusmodi testimonia Scripturæ de venturo Messia, quæ nos ad præsens commemorare supercedemus; quod super hac re in libro decimo commentariorum nostrorum in Danielem satis copiosè disputatum sit, super illis verbis capitis noni; Vt impleatur visio, & Prophetia.

VIGESIMAPRIMA DISPUTATIO.

Super illis eisdem verbis:

Scrutamini Scripturas.

De multiplici diuinarum Scripturarum scrutatione.

*Sextuplex
scrutatio ma-
la sacra Scri-
ptura.*



SCRUTATIO diuinæ Scripturæ multiplex esse po-
 test. Quædam enim scrutatio est mala, & noxia: alia
 verò est bona, & fructuosa. Mala porro scrutatio Scri-
 pturæ sextuplex reperitur. Prima est superba: eorum
 scilicet, qui ingenio suo confidunt se intelligentiam diuinarum
 Scripturarum consequi posse, & veritatem earum humana ratio-
 ne metiuntur. Istis per Isaïam dictum est; *Si non credideritis, non in-*
tellegitis. Secunda scrutatio mala, est temeraria: cum ea, quæ in
 diuinis litteris simplici fide, ac pietate accipienda sunt, nimis cu-
 riosa subtilitate indagantur, atque discutiuntur. Istis dictum est à
 Sapiente; *Qui scrutator est maiestatis, opprimetur à gloria.* Et in capi-
 te tertio libri Ecclesiastici; *Altiora se ne quasieris, & fortiora se ne*
scrutatus fueris; Non enim est tibi necessarium, ea, quæ abscondita sunt,
videre oculis tuis: plurima enim super sensum hominum ostensa sunt tibi.

Tertia

*Esai. 1.
Iuxta 70.*

Prov. 25.

Tertia scrutatio, est superuacanea, & infructuosa: in his tantum, aut præcipuè versari, quæ parum conducunt ad vitiorum expulsionem, & comparisonem virtutum, & pietatis erga DEVM, atque religionis incrementum. Istis dicitur in eodem capite tertio libri Ecclesiastici: *Qua tibi praecepit DEVS, ea cogita semper.* Et in capite vigesimo octauo libri Iob scriptum est: *Ecce, timor Domini, ipsa est sapientia: & recedere à malo, intelligentia.* Et Moyses in capite quarto Deuteronomij loquens de præstantia diuinæ legis, eiusque cultu, & obseruatione, dixit Iudæis; *Hac est vestra sapientia, & intellectus.* Dauid etiam in Psalmo centesimo decimo octauo; *Benti, inquit, qui scrutantur testimonia eius, & in toto corde exquirunt eum.* Et infrà ait, se legis diuinæ ardenti studio, & assidua meditatione, diligentique obseruatione, etiam maioribus suis, suisque magistris sapientiores esse factum; *Super omnes docentes me intellexi: quia testimonia tua sunt meditatio mea. Super senes intellexi: quia mandata tua quasiui.* Quarta scrutatio, est vana, & ambitiosa: eorum nempè, qui propterea student diuinæ Scripturæ, vt sapientes habiti, reuerenter colantur, & honorentur ab omnibus. Istis dici potest illud beati Pauli; *Scientia inflat, charitas verò adificat.* Quinta scrutatio, est mercenaria, & quæstiuosa: sanè quàm turpe est, diuinam Scripturarum scientiam vanalem facere, & quæstui subicere. Sexta scrutatio, est Diabolica: cùm propterea quis scrutatur diligenter, ac subtiliter Sacras litteras, vt verum earum intellectum deprauet, & Scripturæ testimoniis abutatur ad alios decipiendos, & oppugnandam veram Ecclesie Catholicæ doctrinam. Hoc faciunt Hæretici, magistrum suum imitati Diabolum, qui tentans Dominum nostrum in deserto, diuinæ Scripturæ testimoniis, in nonagesimo Psalmo productis, secundum falsam, & prauam eorum intelligentiam, abusus est. Atque huiusmodi quidem est sextuplex, quam exposuimus, mala, & noxia scrutatio diuinarum Scripturarum.

- 91 Contrà verò, bona, & utilis Sacræ Scripturæ scrutatio est, quæ fit cum fide, cum pietate, & humilitate; & fit in rebus fructuosis, & ad spiritualem animorum nostrorum profectum pertinentibus; & fit eo consilio, atque animo, vt & ipsi promoueamus in cognitione veritatis, in DEI amore, in exercitatione virtutum, & in

XX 2 errorum.

1. ad Cor. 8.

Matth. 23.

Qualis sit bona, & utilis diuina Scriptura scrutatio.

errorum atque vitiatorum euerfione; ut alios fideles in his, quæ ad fidem, & pietatem spectant, erudire, ac confirmare: infideles vero, veritatibusque hostes confutare, & profligare, ac demum Ecclesiæ Catholicæ prodesse quoquo modo possimus. Verissima enim illa beati Pauli sententia est in tertio capite posterioris Epistolæ ad Timotheum; *Omnis Scriptura diuinitus inspirata utilis est ad docendum, ad arguendum, ad corripiendum, ad erudendum in iustitia; ut perfectus sit homo DEI, ad omne opus bonum instructus.* Non igitur refert, quid studeas, aut scruteris: sed quo modo. Vnde Apostolus in capite octauo prioris Epistolæ ad Corinthios ait; *Si quis existimat se scire aliquid, nondum cognouit quemadmodum oporteat eum scire.*

Quemadmodum porro qui versantur in tractatione diuinarum Scripturarum, eis & studendum, & discendum sit, præclare docet eos Sanctus Bernardus in sermone trigesimo sexto super Cantica; hunc in modum scribens; Paulus non probat multa scientem: si sciendi modum nescierit: & fructum scientiæ in modo sciendi constituit. Sed quis est iste modus sciendi? Ut scias quo ordine, quo studio, quo fine quæque nosse oporteat. Quo ordine, ut id prius, quod est maturius, & opportunius ad salutem. Quo studio, ut id ardentius, quod vehementius ad amorem DEI promouet. Quo fine, ut non ad inanem gloriam, aut curiositatem, aut aliud simile: sed tantum ad ædificationem tuam, vel proximi.

Sunt enim qui scire volunt, eò tantum ut sciant: & hæc turpis curiositas est. Et sunt, qui scire volunt, ut sciatur ipsi, & turpis vanitas est: quos videlicet subfannat ille Satyricus; Scire tuum nihil est, nisi te scire, hoc sciat alter. Sunt etiam, qui scire volunt, ut scientiam suam vendant; pro mercede sua vel pecuniam, vel honorem exigentes, & turpis quæstus est. Sed etiam sunt alij, qui scire volunt, ut ædificent: & charitas est. Et item sunt, qui scire volunt ut ædificentur ipsi; & prudentia est. Ac de supradictis quinque generibus hominum scire studentium, duo tantum vltima scientiæ studio minimè abutuntur; quippe qui eò scire volunt, ut bene faciant: de quibus dictum est à Davide; *Intellectus bonus omnibus facientibus eum.* Ceteri autem, qui aliter scire student, audiunt quod scripsit Iacobus Apostolus; *Scienti bonum & non facienti, peccatum est illi.* Et Lucas; *Seruus sciens voluntatem domini sui, & non faciens*

Sanctus Bernardus.

Quinque genera eorum, qui student doctrinæ Sacrarum litterarum. Persius.

Psalm. 110.

Iacob. 4.

Luc. 12.

z X

faciens

faciens digna, plagis vapulabit multis. Haftenus ex sancto Bernardo:

VIGESIMASECVNDA DISPVTATIO.

Super illis verbis:

Ego veni in nomine Patris mei, & non accepistis me: si alius venerit in nomine suo, illum accipietis. VER. 43.

93 **Q**UID est, CHRISTVM venisse in nomine Patris sui? Hoc sanè, venisse missum à Patre; omnia facere ex eius voluntate, & mandato; nihil facere, aut docere, nisi auctoritate, potestatéque à Patre sibi data: denique in omnibus, quæ faciebat, aut docebat; non suam; sed Patris gloriam quæsuisse, & ad eius honorem omnia retulisse. Sed illud profectò, quod Iudæis Dominus dixit: *Si alius venerit in nomine suo, illum accipietis*: ita planè illis contigit: ut à Domino prædictum eis fuerat. Nam qui verum CHRISTVM accipere noluerunt, plures postea Pseudochristos, ingenti cum ipsorum exitio, receperunt. Simile est, quod de illis Paulus scripsit in secundo capite posterioris Epistolæ ad Thessalonicenses: *Ed quod, inquit, charitatem veritatis non receperunt: ut salvi fierent, misit illis DEVS operationem erroris, ut credant mendacio: ut inducantur omnes, qui non credunt veritati: sed consenserunt iniquitati.*

94 Multa extant in veteribus historiis exempla pseudoprophetarum, à quibus, post CHRISTI aduentum, seducti sunt Iudæi. Horum vnus fuit quidam Ægyptius, qui adiunxit sibi tria milia Iudæorum: de quo legenda sunt, quæ scripsit Iosephus in capite duodecimo libri secundi de bello Iudaico: & in capite sexto libri vigesimi antiquitatum Iudaicarum. Huius etiam pseudoprophetæ mentio fit in capite vigesimo primo libri de Actis Apostolorum. Deinde, sub Adriano Imperatore fuit alius, cognominatus Barchocheba; quod nomen significat astrum: cuius historiam videat lector apud Eusebium in capite sexto libri quarti hi-

*Ægyptius.
Iosephus.*

*Barchocheba,
Eusebius.*

XX 3 storia

Barcozba. storiz Ecclesiasticæ. Fuit alius præterea, cui nomen Barcozba; id
Galatinus. autem est, filius mendacij: de quo multa commemorat Galatinus
 in capite vigesimo primo libri quarti sui operis.

Denique in nouissimis mundi temporibus venturus est Anti- 95
Antichristus. christus, qui se verum esse Messia profitebitur, & iactabit: & quem
 Iudæi pro Messia accepturi sunt: vt veterum Doctorum, atque
 Patrum fert sententia. Nam quoddam Antichristus dicturus sit, se
 verum esse Messiam à DEO promissum Iudæis, & prædictum à
 Prophetis, à pluribus testatum Patribus, memoriæque proditum
 est. *Irenæus.* Irenæus in libro quinto aduersus hæreses de Antichristo lo-
Ambrosius. quens; Tentabit, inquit, se CHRISTVM ostendere. Ambrosius
 in caput vigesimum secundum Lucæ; Ex sacris; inquit, Scripturis
Theodoretus. disputabit, se CHRISTVM esse. Idem tradit Theodoretus su-
 per secundo capite posterioris Epistolæ ad Thessalonicenses. Cy-
Cyrellus Hierosolymita-
nus. rillus Hierosolymitanus in decimaquinta catechesi; Induct, in-
 quit, Diabolus quendam hominem, (Antichristum,) falsò se ipsum
 appellansem CHRISTVM: & per eam CHRISTI appellatio-
 nem, Iudæos, qui Messia aduentum expectant, decipientem. Per
 illum itaque alium, quem Dominus prædixit venturum in nomi-
 ne suo, & acceptum iri à Iudæis: multi de Patribus significatum
 esse putauerunt ipsum Antichristum: qui extremis mundi tem-
 poribus vêturus est. Hoc nempe scriptum reliquerunt Chrysosto-
Chrysost.
Cyrellus.
Hieronymus.
Augustinus.
Irenæus.
Theodoretus. mus, & Cyrillus super hoc ipso Ioannis loco: & Hieronymus in
 Epistola ad Algasiam; & Augustinus in vigesimo nono tractatu in
 Ioannem, & Irenæus in libro quinto aduersus hæreses, & Theodo-
 retus in Epitome diuinorum decretorum: vbi agit de Antichristo.

VIGESIMATERTIA DISPUTATIO.

Super illis verbis:

VER. 46. Nolite putare, quia ego accusaturus sum vos apud Pa-
 trem: est qui accusat vos Moses, in quo vos speratis.
 Si enim crederetis Mosi, crederetis forsitan & mihi:
 de me enim ille scripsit.

Iudæi

96 **I**VDÆI falsis criminationibus, fictisque calumniis infamabant CHRISTVM apud plebem: quasi hominem Mosi contrarium, eiusque legis contemptorem, atque violatorem: sed contrà, his verbis CHRISTVS demonstrat, se non modò contrarium non esse Mosi: sed quia Iudæi volebant ipsi credere, aduersarium, & accusatorem eorum fore Mosē. Non ego, inquit, accusabo vos, quòd credere mihi noluitis: sed ipse Moses, cui vos tantam habetis fidem, & tantoperè confiditis, accusat vos. Negat autem CHRISTVS, se accusaturum Iudæos: vel quia non solus ipse accusaturus eos sit: vel quia eius accusatio futura non sit necessaria: vel quia officium accusatoris non est conueniens CHRISTO: utpotè omnium futuro Iudici. Accusatio autem Mosi futura est iudicialis: ut quæ ad punitionem infidelitatis Iudæorum adhibenda sit. De eo autem Iudæos accusaturus est Moses, quòd ei credere noluerint: de quo ipse tam sæpe, tamque euidenter testificatus fuerit, multaque de ipso in scriptis suis prodiderit.

97 Sed videamus, ubi & quid Moses de CHRISTO Domino scripserit. Dupliciter profectò Moses de Domino nostro scripsit. Primò, variis modis eum præfigurando, & adumbrando: deinde, plura, & manifesta de eo vaticinia scribendo. Ac primò quidem Moses CHRISTVM variè figurauit: tum per seipsum, & in sua persona: tum per alias res, quæ in eius lege continentur. Per semetipsum figurauit Moses CHRISTVM variis modis. Primò; Hebræum populum seruitute Ægyptiaca liberando. Secundò; per mare rubrum, demersis in profundum mare Ægyptiis, illæsum traducendo eum. Tertiò, per virgam suam multa, & magna efficiendo prodigia. Quartò, in monte sublati in cælum manibus Amalechitas vincendo. Quintò; amaras aquas, iniecto in eas ligno, dulces faciendo. Sextò; impetrando manna in cibum populi, & aquam de petra eliciendo. Septimò; super monte Sinay promulgando Iudæis legem. Octauò; quia Moses non introduxit populum in terram promissionis: sed Iosue: qui propterea, cum antea Osee, vel Aaiſe nominaretur, postea, mutato nomine, appellatus est IESV, vel Iosue. Nonò; quia Moses mortuus est: sed non potuit inueniri corpus eius post mortem. CHRISTVS quoque

*Moses in se-
ipſo præfigura-
uit Christum
nouè modis.*

Deut. xlii.

Luc. 24. que mortuus est : sed quia resurrexit à mortuis , non potuit corpus eius inueniri in sepulchro : quocirca Angeli dixerunt : *Quid queritis uiuentem cum mortuis ? Non est hic : sed surrexit.*

Per quas res
in lege pre-
scriptas Moy-
ses præsfigura-
uerit Chri-
stum.

Moyſes etiam per alias res in eius lege præscriptas varie præ- 98
figurauit CHRISTVM. Primò, per agnum paschalem : cuius san-
guine tinctis superliminariis domorum , quæ inibi erant primo-
genita, seruabantur à cæde. Deinde , per serpentem æneum in su-
blime sublatum : cuius aspectu sanabantur percussis à serpentibus.
Ad hæc , per hircum emissarium : super cuius capite ponebantur
peccata totius populi. Denique, quia fugitiui, & exules, non pote-
rant, secundum legem Moyſis, in patriam reuerti ; priusquàm mo-
reretur summus Pontifex.

Vaticinia de
Christo à
Moyſe scripta.

Nec verò tantum figuratè , & adumbratè scripsit Moyſes de 99
Domino nostro : sed apertis etiam , expressisque sententiis, atque
vaticiniis. Primò, Genesis 3. ubi loquens DEVS serpenti de se-
mine mulieris, dixit : *Et ipsum contret caput tuum.* Secundò, Gene-
sis 22. dixit Dominus Abraham : *In semine tuo benedicentur omnes gen-
tes terre.* Tertiò, Genesis 49. *Non auferetur sceptrum de Iuda, & dux
de femore eius, donec veniat, qui mittendus est : & ipse erit expectatio
gentium.* Quartò, Exodi 3. *Obsecro, Domine, mitte, quem missurus es.*
Quintò, Numerorum 24. *Orietur stella ex Iacob, & consurget virga
de Israel, & percutiet duces Moab, vastabitque omnes filios Seth.* Sextò,

Locus Deute-
ronomy cap.
18.

luculentissimum, & grauissimum de CHRISTO testimonium, &
vaticinium in decimo octauo capite Deuteronomij à Moyſe scri-
ptum est, his verbis : *Et ait Dominus mihi, Prophetam suscitabo eis de
medio fratrum suorum, similem tui : & ponam verba mea in ore eius, lo-
queturque ad eos omnia, quæ præcepero illi : qui autem verba eius, quæ lo-
quetur in nomine meo, audire noluerit, ego ultor existam. Prophetam autem,
qui arrogantia deprauatus voluerit loqui in nomine meo, quæ ego non præ-
cepi illi, ut diceret : aut ex nomine alienorum Deorum, interficietur.* Istum
Prophetam non alium futurum fuisse, quàm Dòminum nostrum,
indubiè credendum est ; cum de eo interpretati sint ista verba
beatus Petrus, & Stephanus in tertio, & septimo capite libri de
Actis Apostolorum. Petri verba sunt hæc : *Moyſes quidem dixit : Quo-
niam Prophetam suscitabit vobis Dominus de fratribus vestris, tanquam
me ipsum audietis iuxta omnia, quacumque locutus fuerit vobis.* Step-
hanus

nus autem hæc dixit; *Hic est Moses, qui dixit filiis Israël: Prophetam suscitabit vobis DEVS de fratribus vestris, tanquā me, ipsum audietis.* Enimverò, simillimum vero est, cum CHRISTVS dixit hoc in loco Mosē scripsisse de ipso; hunc præcipuè Deuteronomij locum spectasse: eo namque loco fit mentio Prophetæ venientis, & loquentis in nomine DEI; & alterius pseudoprophetæ in nomine suo venientis & loquentis: sicut Dominus dixit hoc in loco; *Ego veni in nomine Patris mei, & non accepistis me: si alius venerit in nomine suo, illum accipietis.*

VIGESIMAQUARTA DISPUTATIO.

Aduersus Fauſtum hæreticum Manichæum, qui peruiaciter negauit, nullum fuisse de CHRISTO propriè scriptum à Moſe testimonium, aut vaticinium.

100 **F**AUSTVS Manichæus: vt refert beatus Augustinus in libro decimo sexto eorum triginta trium librorum, quos aduersus eum scripsit; totam hanc sententiam Domini: qua dictum est Mosē scripsisse de ipso, prorsus abiudicabat, & reiciebat; negans id fuisse à CHRISTO dictū, & à Ioanne in hac sua Evangelica historia proditum: sed falsò ab aliis fuisse adiectum: id verò tripliciter argumentabatur. Primò, si CHRISTVS dixisset Iudæis, multa de ipso scripsisse Mosē: proculdubio petiuisſent illi ab ipso, vt proferret locum aliquem, & testimonium Moſis de ipso; neque hoc referre Ioannes prætermiſſet. Deinde, verba hæc, quæ dicitur CHRISTVS locutus Iudæis, sunt valde inconſequentia, & incongrua, & ſecum ipſa pugnant. Si enim Iudæi ſperabant in Moſe: quomodo non credebant ei, vt exprobratur eis hoc loco? Et quomodo conſequens eſt, vt ſi Iudæi credebant Moſi, propterea credere deberent etiam CHRISTO; cum contrarium potius concludi deberet? Propterea enim illi CHRISTO non credebant; quia credebant Moſi, cui contrarium eſſe CHRISTVM putabant: certò hoc iactabant in publico, Dominum IESVM

Tria Fauſti Manichæi contra hunc locum argumenta.

s v m criminantes , tanquam Mosaicæ legis contemptorem , & violatorem.

Sed illud vehementiùs vrgebat Faustus, affirmans, nihil in Scri- 101
ptura Moyſis reperiri, quod expreſſè, ac propriè ad Dominum I E-
s v m pertineret : quamquam multa Catholici per accommoda-
tionem, & applicationem, ſecundum quandam analogiam, ad I E-
s v m ex Scriptura Moyſis transferre ſoleant: ex ſuo videlicet ma-
gis ingenio, & arbitrio , quàm ex proprio ſenſu Moyſis. Sanè, duo
ſunt teſtimonia Moyſis, quæ , vt de CHR I S T O expreſſè dicta,
crebro ſermone vſurpant Catholici : ſed neutrum profeçtò ad ipſum
I E s v m verè pertinet. Et vnum quidem teſtimonium eſt illud
paulò ſuprà commemoratum ; *Prophetam ſuſcitabo illis de medio fra-*
trum ſuorum , ſimilem tui. Hoc autem non pertinuiſſe ad I E s v m,
duobus hiſce argumentis probabat Faustus Nam nec I E s v s fuit
ſimilis Moyſi : ſed perquam diſſimilis : quemadmodum nempe
lex, & Euangelium. Et hoc D E I promiſſum, ſiue prædictum, li-
quidò conſtat, completum fuiſſe in Iosue, qui poſt Moyſen proxi-
mè ſucceſſit in principatum.

Locus Deute-
ronomij cap.
18.

Alterum teſtimonium : quod ex Scriptura Moyſis Catholici 101
transferunt ad I E s v m, eſt in vigefimo octauo capite Deuterono-
mij præditum à Moyſe, illis verbis, *Et erit vita tua pendens ante te, &*
non credes vitæ tuæ. Hoc interpretantur Catholici de I E s v pen-
dente , ac manente in cruce : cæci ſcilicet Iudæi non ſolùm non
crediderunt : ſed ei illuſerunt, & inſultarunt, & necem intulerunt.
Sed profeçtò , Faustus inquit ; illud dictum Moyſis , vnum eſt de
pluribus aliis eo loci commemoratis maledictis, & ſuppliciis, qui-
bus minatus eſt D E v s percuffurum , & puniturum ſe Iudæos, ſi
légem à ſe datam violaffent. Et germana illorum verborum hæc
eſt ſententia : Geres perpetuò vitam tuam pendentem ante te ; id
eſt, maximis conſciataberis , & premeris anguſtiis , & periculis , in
extremo vitæ verſans discrimine , & ſemper vitam agēs ex incerto
pendentem ; itaque viues, vt iam iam moriturus, omnique viuendi
præſidio, & ſpe deſtitutus. Et hæc quidem ille Faustus Manichæus ;
hæretico ; id autem eſt, contumaci, impudenti, ſuperbo, & blaſphe-
mo animo, atque ore contra ſactam huius loci Scripturam, & Do-
mini noſtri ſententiã, non minùs imperitè, quàm impiè diſputabat.

Locus Deute-
ronomij cap.
28.

VIGESIMAQVINTA DISPV TATIO.

Tria Fausti suprà dicta solvuntur argumenta.

103 **F**AUSTI calumnias, & blasphemias Beatus Augustinus in libro decimosexto eorum, quos aduersus eum scripsit, copiosè, doctèque confutauit. Nos in præsentia Fausto, ad tria eius, quæ suprà retulimus, argumenta breuiter dumtaxat respondebimus. Ad primum; Multa interuenire potuerunt, cur Iudæi non requisierint à Domino aliquod de ipso testimonium Moysis, quæ Ioannes non putauerit esse scriptis prodenda. Sanè, illud existimare licet, factum id esse à Iudæis astutè, ac malitiosè, ne prolato Moysis testimonio, manifestè ipsi redarguerentur, & conuincerentur contumaciæ, atque infidelitatis suæ.

104 Ad secundum, Nulla est in verbis Domini nostri inconsequen-
tia, nedum repugnantia. Etenim Iudæi in vniuersum quidem credebant vera esse, quæcunque scripserat Moyses: sed non credebant, ea ipsa scripta Moysis, eiusque dicta pertinere ad Dominum IESVM, & in eo compleri. Deinde; Si Moyses multa testificatus est de Domino IESV: vt ipse dixit, nōne consequens erat, Iudæos, qui repudiabant Dominum IESVM, testimonia quoque Moysis repudiare?

Ad tertium: Qua fronte, & quo ore ausus est iste Faustus negare, illud vaticinium à Moyse scriptum; *Prophetam suscitabo eis*, non esse dictum de Domino IESV: cū affirmatè tradant de eo fuisse scriptum à Moyse Beatus Petrus, & protomartyr Stephanus in libro de Actis Apostolorum, vt suprà commemoratis eorum verbis ostendimus? Ridiculè porrò Faustus demonstrare voluit, Dominum IESVM non fuisse similem Moysis; quinetiam fuisse dissimilem eius; nam vt quibusdam rebus fuit dissimilis: ita pluribus aliis fuit similis. Fuit enim vterque liberator populi: fuit vterque legislator: fuit ingentium prodigiorum, & miraculorum vterque patrator. Nec officit huic sententiæ, quod illud DEI vaticinium à Moyse scriptum quadret, & congruat in Iosue: nam & hic ipse Iosue multis rebus insignem, atque illustrem figuram, &

imagine[m] Domini IESV prætulit: vt quod illi aliquatenus congruit, id ex toto, perfectèque in Dominum IESVM conueniat.

Iam verò illud ex vigesimo octauo capite Deuteronomij; *Et 105*
erit vita tua pendens ante te, licet, vt maledictum ad Iudæos DEI
 legem violantes pertineat: aptissimè tamen quadrat ad Dominum
 IESVM: nec incongruum est existimare, illa ipsa maledicta, quæ
 in eo Deuteronomij loco recensentur à Mose, quasdam fuisse
 umbras aliorum grauiorum malorum animi, & corporis, quæ Iu-
 dæis erant, propter contemptam legem Euangelicam, Iesumque
 reiectum ab ipsis, atque interfectum, euentura.

VIGESIMASEXTA DISPUTATIO.

Duo ex illis ipsis Domini verbis ducta explicantur documenta.



N supra dictis verbis, quæ Dominus dixit Iudæis, & 106
 Ioannes retulit hoc loco, duo esse videntur digna ob-
 seruatione. Alterum est, CHRISTVM misisse Iudæos
 ad lectionem, & scrutationem sacrarum Scripturarum:
 cum dixit eis; *Scrutamini Scripturas*: quod inde veritas doctrinæ,
 quam prædicabat CHRISTVS: & infidelitas Iudæorum, qui
 eam reiiciebant, manifestè demonstraretur, & comprobaretur.
 Quod nobis certo debet esse documento, nullum valentius argu-
 mentandi genus aduersus Iudæos afferri posse, quàm quod ex di-
 uinis petitum, & depromptum est Scripturis. Nec aduersus dun-
 taxat Iudæos: sed etiam aduersus Gentes id valet plurimum: cum
 illis ostenditur, quæ de CHRISTO, & de eius lege prædicant
 Christiani, ea fuisse multis retrò sæculis, & in sacris libris scripta,
 testatæque & à sanctis vaticiniis prædicta. Nec sanè potest vlla eis
 incidere suspicio, ea vaticinia esse à Christianis cõficta: cum libros,
 in quibus ea continentur, multis annis ante CHRISTI aduen-
 tum Iudæi, Christianorum hostes, habuerint, hodièque habeant.
 Hac etiam de causa putat Augustinus, singulari quodam, & salu-
 tati consilio; & voluntate DEI factum esse, vt Iudæi per omnes
 mundi terras, cunctasque nationes dispersi fuerint: quò per eos
 noticia factorum voluminum permaneret ad omnes gentes: qui-
 bus

*Probatio Fi-
 des Christia-
 na ex Sacris
 veteris Testa-
 menti Scriptu-
 ris ducta, con-
 clussima est
 aduersus Iu-
 dæos, & Gen-
 tes infideles.*

Augustinus.

bus erat à Christianis fides, & lex CHRISTI prædicanda, & eorum voluminum testimoniis comprobanda. Itaque hoc genus argumentationis firmissimum, & validissimum esse censet Beatus Augustinus in capite quadragesimo septimo libri decimi octavi de Civitate DEI, & in capite vigesimo primo libri decimi sexti contra Faustum.

- 107 Alterum documentum, etiam hoc loco dignum observatione, præbent nobis illa Domini verba; *Si autem litteris illius non creditis, quomodo verbis meis creditis?* Quibus verbis Dominus hoc significat esse discrimen inter Moysen, & se: quòd ille multa literarum monumentis consignauerit, scriptisque prodiderit; ipse verò multa quidem locutus sit: nihil tamen à se scriptum reliquerit posteris. Narrat Augustinus in capite octavo, & nono, & decimo libri primi de Consensu Euangelistarum, fuisse à quibusdam gentilium peruulgatum, CHRISTVM aliquot libros scripsisse de artibus magicis: per quas artes & ille faciebat miracula, eisdemque artibus imbuti, infectique sectatores eius, similia quoque fecere prodigia. Sed istorum impudens mendacium manifestis argumentis redarguit, & refellit Augustinus eo, quo dixi, loco.

- 108 Cur autem CHRISTVS Dominus nihil à se scriptum reliquerit posteris, disputat Beatus Thomas in tertia parte quæstionis quadragesimæ secundæ, articulo quarto. Nimirum, decebat tantam CHRISTI auctoritatem, atque maiestatem, vt potius ipse faceret, quæ scribenda erant, quàm ipse scriberet: & reuclaret aliis, quæ scribi de ipso debebant, suamque illis auctoritatem commodaret. Et quia res CHRISTI, summè prædicabiles, & admirabiles erant, conuenientius fuit ad fidem eis rebus conciliandam apud infideles, scribi, & commemorari eas ab aliis, quàm ab ipso CHRISTO. Denique, voluit CHRISTVS, quæ suo instinctu, & impulsu scripturi erant alij: ea non minorem habere fidem, & venerationem, quàm si ab ipso scripta fuissent. Semel scripsisse aliquid CHRISTVM legimus in capite octavo huius Euangelij, cum aduersus accusatores mulieris adultere, inclinans se deorsum, digito suo scripsit in terra: de qua scriptura dicturi sumus tùm ad eum locum huius Euangelij ventum erit. Ferebatur etiam olim Epistola quædam CHRISTI, ab eo scripta ad Abgarum regem

Augustinus.

Augustinus.

S. Thomas.
Cur nihil à se
scriptum Christi
reliquerit posteris.

*Epistola Christi
ad regem
Abgarum.*

Edeſſæ : quam Epistolam refert Eusebius in capite decimo tertio libri primi de historia Ecclesiastica: sed eam Epistolam, vt apocrypham, Gelasius Papa reiecit in distinctione 15. cap. sancta Romana Ecclesia.

*Pythagoræ &
Socratem ni-
hil scripsisse.
Augustinus.*

Duo quondam apud Gentes Philosophorum memoratissimi, Pythagoras, & Socrates, nihil scripsisse perhibentur: quamquam Socrates, referente Beato Augustino in capite septimo libri primi de consensu Euangelistarum, dicatur scripsisse pauculis versibus fabellas Æsopi, impulsus, & coactus, vt ipse dicebat, à suo Dæmonio. Augustini hac de re verba sunt huiusmodi; Pythagoras; quo in contemplatiua virtute nihil tunc habuit Græcia clarius, non tantùm de se: sed nec de vlla re aliquid scripsisse perhibetur. Socrates autem, quem in actiua philosophia omnibus prætulerunt: ita vt etiam Apollinis testimonio sapientissimus omnium pronunciatus fuerit, Æsopi fabulas pauculis versibus profecutus est, verba & numeros suos adhibens rebus alterius. Vsq̃ue adedò autem nihil ille voluit scribere, vt hoc ipsum etiam se coactum imperio sui Dæmonis fecisse dixerit: sicut nobilissimus discipulorum

eius Plato commemorat: In quo tamen opere

maluit alienas, quàm suas exornare

sententias. Sic eo loci

Augustinus.

CAPVT



CAPVT SEXTVM

EVANGELII IOANNIS.



OST hæc abiit IESVS trans mare VERS. I.
Galilæe, quod est Tiberiadis: * & se- 2
quebatur eum multitudo magna: quia
videbant signa, quæ faciebat super
his, qui infirmabantur. * Subijt ergo 3
in montem IESVS: & ibi sedebat
cum discipulis suis. * Erat autem pro- 4
ximum Pascha dies festus Iudeorum.

* Cum subleuasset ergo oculos IESVS, & vidisset quia multi- 5
tudo maxima venit ad eum, dixit ad Philippum; Vnde ememus
panes, vt manducent hi? * Hoc autem dicebat tentans eum: ipse 6
enim sciebat quid esset factururus. * Respondit ei Philippus: Du- 7
centorum denariorum panes non sufficiunt eis, vt vnus quisque
modicum quid accipiat. * Dicit ei vnus ex discipulis eius, An- 8
dreas frater Simonis Petri; * Est puer vnus hic, qui habet quin- 9
que panes hordeaceos, & duas pisces: sed hæc quid sunt inter tan-
tos? * Dixit ergo IESVS; Facite homines discumbere: Erat au- 10
tem senum multum in eo loco. Discubuerunt ergo viri, numero
quasi quinque millia. * Accepit ergo IESVS panes: & cum gra- 11
tias egisset, distribuit discumbentibus: similiter & ex piscibus
quantum volebant. * Vt autem impleti sunt, dixit discipulis suis; 12
Colligite quæ superauerunt fragmenta, ne pereant. * Collegerunt 13
ergo,

ergo, & implenerunt duodecim cophinos fragmentorum ex quin-
 que panibus hordeaceis, quæ supersuerunt his, qui manducaue-
 14 rant. * Illi ergo homines, cum vidissent, quod IESVS fecerat si-
 gnum, dicebant; Quia hic est verè Propheta, qui venturus est
 15 in mundum. * IESVS ergo cum cognouisset quia venturi essent,
 ut raperent eum, & facerent eum regem, fugit iterum in montem
 16 ipse solus. * Ut autem sero factum est, descenderunt discipuli eius
 17 ad mare. * Et cum ascendissent nauim, venerunt trans mare in
 Capharnaum: & tenebrae iam factæ erant: & non venerat ad
 18 eos IESVS. * Mare autem, vento magno flante, exurgebat.
 19 * Cum remigassent ergo quasi stadia viginti quinque, aut trigin-
 ta, vident IESVM ambulantiem supra mare, & proximum na-
 20 uis feri: & timuerunt. * Ille autem dicit eis; Ego sum, nolite ti-
 21 mere. * Voluerunt ergo accipere eum in nauim: & statim nauis
 22 fuit ad terram, in quam ibant. * Altera die, turba, quæ stabat
 trans mare, vidit quia nauicula alia non erat ibi, nisi vna: &
 quia non introisset cum discipulis suis IESVS in nauim: sed soli
 23 discipuli eius abiissent: * alia verò superuenerunt naues à Tibe-
 riade iuxta locum: ubi manducauerant panem, gratias agente
 24 Domino. * Cum ergo vidisset turba: quia IESVS non es-
 set ibi, neque discipuli eius, ascenderunt in nauiculas, & vene-
 25 runt Capharnaum querentes IESVM. * Et cum inuenissent eum
 26 trans mare, dixerunt ei; Rabbi, quando huc venisti? * Respon-
 dit eis IESVS, & dixit; Amen, amen dico vobis: queritis me:
 non quia vidistis signa; sed quia manducastis ex panibus, & sa-
 27 turati estis. * Operamini non cibum, qui perit: sed qui permanet
 in vitam æternam, quem Filius hominis dabit vobis. Hunc enim
 28 Pater signauit DEVS. * Dixerunt ergo ad eum; Quid facie-
 29 mus vt operemur opera DEI? * Respondit IESVS, & dixit
 30 eis; Hoc est opus DEI, vt credatis in eum, quem misit ille. * Di-
 xerunt ergo ei; Quod ergo tu facis signum, vt videamus, &
 31 credamus tibi? Quid operaris? * Patres nostri manducauerunt

manna

manna in deserto: sicut scriptum est; Panem de cælo dedit eis
 manducare. * Dixit ergo eis IESVS; Amen, amen dico vobis: 32
 Non Moyses dedit vobis panem de cælo: sed Pater meus dat vo-
 bis panem de cælo verum. * Panis enim DEI est, qui de cælo 33
 descendit, & dat vitam mundo. * Dixerunt ergo ad eum; Do- 34
 mine, semper da nobis panem hunc. * Dixit autem eis IESVS; 35
 Ego sum panis vite: qui venit ad me, non esuriat: & qui credit
 in me, non sitiet unquam. * Sed dixi vobis quia & vidistis me, 36
 & non creditis. * Omne, quod dat mihi Pater, ad me veniet: & 37
 eum, qui venit ad me, non eijciam foras: * quia descendi de cæ- 38
 lo, non ut faciam voluntatem meam: sed voluntatem eius, qui
 misit me. * Hæc est autem voluntas eius, qui misit me, Patris: ut 39
 omne, quod dedit mihi, non perdam ex eo; sed resuscitem illud in
 nouissimo die. * Hæc est autem voluntas Patris mei, qui misit me, 40
 ut omnis, qui videt Filium, & credit in eum, habeat vitam æter-
 nam, & ego resuscitabo eum in nouissimo die. * Murmurabant 41
 ergo Iudei de illo, quia dixisset: ego sum panis viuus, qui de cælo
 descendi: * & dicebant; Nonne hic est IESVS Filius Ioseph, cu- 42
 ius nos nouimus patrem, & matrem? Quomodo ergo dicit hic:
 Quia de cælo descendi? * Respondit ergo IESVS, & dixit eis; 43
 Nolite murmurare adinuicem. * Nemo potest venire ad me, ni- 44
 si Pater, qui misit me, traxerit eum: & ego resuscitabo eum in
 nouissimo die. * Est scriptum in Prophetis; Et erunt omnes doci- 45
 biles DEI. Omnis, qui audiuit à Patre, & didicit, venit ad
 me. * Non quia Patrem vidit quisquam, nisi is, qui est à DEO, 46
 hic vidit Patrem. * Amen, amen dico vobis; Qui credit in me, 47
 habet vitam æternam. * Ego sum panis vite. * Patres vestri man- 48. 49
 ducauerunt manna in deserto, & mortui sunt. * Hic est panis de
 cælo descendens: Ut si quis ex ipso manducauerit, non moriatur.
 * Ego sum panis viuus, qui de cælo descendi. * Si quis manduca- 51. 52
 uerit ex hoc pane, viuet in æternum: & panis, quem ego dabo,
 caro mea est pro mundi vita. * Litigabant ergo Iudei adinuicem, 53

Zz

dicen

dicentes; Quomodo potest hic nobis carnem suam dare ad mandu-
 54 candum? * Dixit ergo eis IESVS; Amen, amen dico vobis:
 Nisi manducaueritis carnem Filij hominis, & biberitis eius san-
 55 guinem, non habebitis vitam in vobis. * Qui manducat meam
 carnem, & bibit meum sanguinem, habet vitam aeternam: &
 56 ego resuscitabo eum in nouissimo die. * Caro enim mea, verè est ci-
 57 bus: & sanguis meus, verè est potus. * Qui manducat meam car-
 58 nem, & bibit meum sanguinem, in me manet, & ego in illo. * Si-
 cut misit me viuens Pater, & ego viuo propter Patrem: & qui
 59 manducat me, & ipse viuet propter me. * Hic est panis, qui de
 caelo descendit. Non sicut manducauerunt patres vester manna,
 & mortui sunt. Qui manducat hunc panem, viuet in aeternum.
 60. 61 * Hæc dixit in synagoga docens in Capharnaum. * Multi ergo au-
 dieptes ex discipulis eius, dixerunt; Durus est hic sermo, & quis
 62 potest eum audire? * Sciens autem IESVS apud semetipsum
 quia murmurarent de hoc discipuli eius, dixit eis; Hoc vos scanda-
 63 lizat? * Si ergo videritis Filium hominis ascendentem: vbi erat
 64 prius: * Spiritus est, qui viuificat: caro non prodest quicquam.
 65 Verba, quæ ego locutus sum vobis, Spiritus, & vita sunt. * Sed
 sunt quidam ex vobis, qui non credunt. Sciebat enim ab initio
 IESVS, qui essent non credentes, & quis traditurus esset eum.
 66 * Et dicebat; Propterea dixi vobis, quia nemo potest venire ad
 67 me: nisi fuerit ei datum à Patre meo. * Ex hoc multi discipulorum
 68 eius abierunt retrò: & iam non cum illo ambulabant. * Dixit er-
 69 go IESVS ad duodecim; Numquid & vos vultis abire? * Re-
 spondit ergo ei Simon Petrus; Domine, ad quem ibimus? Verba vi-
 70 ta aeternæ habes: * & nos credidimus, & cognouimus quia tu es
 71 CHRISTVS Filius DEI. * Respondit eis IESVS; Nonne
 72 ego vos duodecim elegi, & ex vobis unus Diabolus est? * Di-
 cebat autem Iudas Simonis Iscariotem; hic enim erat traditurus
 eum, cum esset unus ex duodecim.



IN CAPVT SEXTVM

DISPV TATIONES

QVADRAGINTA SEX.

In priori parte huius sexti capitis narrantur duo CHRISTI miracula. Primò: miraculum multiplicationis quinque panum, & duorum piscium: deinde, miraculum sedatæ ab ipso in mari Tyberiadis sæuissimæ tempestatis: ob eam adductis in summum vitæ discrimen discipulis eius. In posteriori autem eiusdem capitis parte exponitur subobscurus ille quidem: sed planè celesti refertus doctrina sermo, quem CHRISTVS cum Iudæis Capharnaitis habuit de manducanda carne sua, & bibendo sanguine.

De miraculo multiplicationis quinque panum, & duorum piscium Disputationes octo.

PRIMA DISPV TATIO DE TEMPORE,

quo factum est istud miraculum.

Super illis verbis:

Erat autem proximum Pascha dies festus Iudæorum. VERS. 4.

In his verbis notauit Ioannes tempus, quo factum est hoc miraculum: instante scilicet festo Pascha. Quapropter equidem nescio, qua ductus ratione dixerit Beda, factum esse hoc miraculum eodem die: in diuerso tamen anno, quo die putat ipse CHRISTVM adoratum esse à Magis, & baptizatum à Ioanne, &

vinum ex aqua fecisse in nuptiis : in sexta nimirum die Ianuarij. Cum igitur hoc miraculum factum sit post illud paralytici sanati ad probaticam piscinam : quod etiam circa festum Pascha esse factum suprà ostendimus ; consequens est, hoc miraculum vno integro anno post illud esse factum. Ex quo apparet, Ioannem dicta, & facta CHRISTI per vnum integrum annum tacita præteriuisset: videlicet quæ ab aliis Euangelistis copiosè fuerant literis prodita, ea ipse retractanda sibi esse non putauit.

Sed enim dicit fortasse quispiam, etiam hoc miraculum multiplicationis panum satis accuratè scriptum fuisse ante Ioannem ab aliis tribus Euangelistis, Matthæo cap. 14. Marco cap. 6. Luca cap. 9. vt ob eandem istam rationem narratio huius miraculi omitti debuerit à Ioanne. Sed respondendum est, duabus de causis voluisse Ioannem commemorare hoc miraculum : tum vt manifestum faceret, qua ex occasione CHRISTVS sermonem illum de corpore, & sanguine suo cum Iudæis habuerit: nempe sumpta occasione ex miraculo facto multiplicationis panum: tum etiam quia voluit Ioannes historiam huius miraculi magis amplificare, exponendo insignes quinque circumstantias ab aliis Euangelistis prætermisissas: Primam, factum fuisse miraculum instante festo Pascha: Secundam, CHRISTVM, cum facturus esset hoc miraculum, ascendisse montem, & ibi sedisse cum discipulis: Tertiam, interrogatum fuisse à CHRISTO Philippum de ratione pascendi turbam: quæ ad ipsum conuenerat : & quid Philippus, & Andreas ad hoc responderint : Quartam, illos quinque panes fuisse hordeaceos ; & fuisse penes quendam puerum, qui illic aderat: Quintam, homines illos, viso tanto miraculo, voluisse CHRISTVM facere regem: idèoque CHRISTVM fugisse in montem.

Si miraculum illud aquæ in vinum mutatæ in nuptiis, vno anno factum est post baptismum CHRISTI : vt multi putant: consequens est, quo tempore miraculum hoc factum est, eo tempore CHRISTVM fuisse duorum, & triginti annorum: & factum fuisse hoc miraculum vno anno ante passionem, & mortem eius. Sin autem miraculum illud in nuptiis contigit eodem anno, quo CHRISTVS baptizatus est, consequens est, hoc miraculum esse factum tribus circiter mensibus post expletum trigessimum primum

Cur hoc miraculū multiplicationis panum iam expressit ab alijs Euangelistis, etiam Ioānes narrare voluerit.

Quinque circumstantiæ illius miraculi expressit à Ioāne, & ab alijs Euangelistis prætermisissæ.

Quem ætatis suæ annū ageret Christus, cum fecit hoc miraculum.

num annum ætatis CHRISTI.

4 Existimat Caietanus Ioannem Baptistam proximè ante hoc miraculum fuisse necatum ab Herode : quia Matthæus narrat, CHRISTVM audita Ioannis nece secessisse trans mare Tyberiadis, & fecisse hoc miraculum. Hoc si verum est, ex eo sequitur, occisum esse Ioannem Baptistam prope festum Pascha, & annos natum duos, & triginta, supérque nouem menses, & vno anno ante mortem CHRISTI : quanquam sancta Ecclesia festum decollationis eius sub finem mensis Augusti anniuersaria solemnitate celebret. At verò Iansennius arbitratur, longè post necem Ioannis hoc esse factum miraculum : eo probans id argumento, quòd Herodes auditis plurimis CHRISTI miraculis dubitare cœpit, num ille esset Ioannes à se interfectus, qui reuixisset, & illa miracula fecisset. Ergo omnia illa miracula CHRISTI facta fuerant post necem Ioannis: cùm ea tribuerentur Ioanni à mortuis resuscitato. Illud itaque, quod Matthæus scripsit cap. 14. *Quod cùm audisset IESVS, secessit inde in nauicula in locum desertum seorsum, &c.* non est referendum ad necem Ioannis Baptiste : sed ad id, quod idem Matthæus narrare cœperat, Herodem putasse occisum à se Ioannem reuixisse : vnde narrationem deflexerat ad causam necis Ioannis commemorandam. Cùm igitur CHRISTVS audiuisset in ea Herodem esse opinione : ideòque suæ etiam vitæ insidiarum, necemque sibi machinaturum: ne ob eam causam populus ad seditionem concitaretur : & quia ipse nec eo tempore, nec in Galilæa, nec ab Herode interficiendus erat, propterea CHRISTVS aliò secedere voluit. Et hæc Iansennij est sententia.

5 Sed profectò Augustinus in cap. quadragesimo quinto libri secundi de consensu Euangelistarum, suffragatur Caietano, scribens, illud de miraculis CHRISTI relatis ad Herodem, euenisse post hoc miraculum multiplicationis panum, & à Matthæo per anticipationem esse narratum.

Eiusdem quoque Bedæ sententiæ est ; & Auctor historiæ scholasticæ.

Z z 3 SECVN

SECUNDA DISPUTATIO.

De sextuplici varietate; quæ cernitur in enarratione huius miraculi apud Euangelistas: secundum varias nempe circumstantias: quarum alias alij exposuerunt; alij verò tacuerunt.

SE D sextuplex varietas, quam in Euangelistis ob- 6
feruare licet in expositione huius miraculi, est hu-
iusmodi: Primò; Alij tres Euangelistæ tempus diei,
in quo factum est hoc miraculum, indicarunt, di-
centes, fuisse tempus vespertinum. Lucas enim
cap. 9. ita scribit; *Dies iam cæperat declinare.* Marcus cap. 6. *Cum iam hora multis fieret.* Matthæus cap. 14. *Vespere autem facto.* Sed quo-
modò post factum hoc miraculum, iterùm dicit Matthæus, *Vespere facto* CHRISTVM solum fuisse in monte? An illud prius,
Vespere facto, intelligendum est, (facto iam initio vespertini tempō-
ris:) illud autem posterius, interpretandum est de vespertino tem-
pore iam completo, & in noctem desinente?

Secundò; Marcus narrat, homines illos discubuisse per quin- 7
quagenos, & centenos: Lucas dicit, eos discubuisse quinquage-
nos per conuiuia: Matthæus & Ioannes de hoc nullum verbum
fecerunt. Tertiò; solus Matthæus expressit, fuisse quinque millia
hominum, exceptis mulieribus, & paruulis: Alij Euangelistæ vi-
rorum duntaxat numerum commemorarunt. Quartò; Ioannes
narrat, CHRISTVM de panibus, & piscibus dedisse discumben-
tibus: cæteri autem Euangelistæ scribunt, CHRISTVM de pa-
nibus, & piscibus dedisse discipulis, vt ipsi pōnerent ante turbas:
quare dictum Ioannis interpretandum est; sicut in scholis loqui
solemus; mediātē, non autem immediātē.

Quintò; solus Marcus narrat, homines illos discubuisse super 8
viride scænum, id est, super viride gramen, siue herbam: nam Græ-
cè est ἄνθος; propriè significans gramen, siue herbam: & sic apud
Matthæum cap. 13. vertit Latinus interpretes in illis verbis; *Cum autem creuisset herba, & fecisset fructum*: vbi sermo habetur de tri-
tico. Et Marcus cap. 6. quæ appellauerat lilia agri, proximè pōst
vocat

vocat cœnum. Sextò ; Ioannes narrat CHRISTVM accepisse panes, & gratias egisse : tres alij Euangelistæ dicunt, illum accepisse panes, & suspexisse cœlum, & benedixisse illis, & fregisse. Atque hinc discimus, CHRISTVM antè cibum vti solitum benedictione : sicut etiam post cibum, gratiarum actione : nam Matthæus cap. 26. ait, post vltimam cœnam CHRISTVM cum discipulis dixisse hymnum : in gratiarum nempe actionem pro sumpta cœna.

Alor Christi in bene dicendo ante cibum, & in gratias agendis post cibum.

TERTIA DISPUTATIO.

De octo dissonantijs, quæ inter Euangelistas videntur esse in exponenda historia huius miraculi.

9 **P**RIMA dissonantia in eo videtur esse, quòd alij tres Euangelistæ narrant, CHRISTVM esse à discipulis sollicitatũ vt dimitteret turbam : at Ioannes significat, eum præuenisse discipulos, & interrogasse Philippum de modo pascendi turbam illam in eo loco : sed vtrunque profectò factum est ; vt docet Augustinus in libro secundo de Consensu Euangelistarum cap. 46. Illud tamen, quod narrant alij tres Euangelistæ, prius factum esse postea verò quod tradit Ioannes. Secunda dissonantia ; Ioannes ait, Philippum respondisse CHRISTO, ducentorum denariorum panes sufficientes non fore ad pascendam illam turbam, etiam si modicum quid vnusquisque acciperet : Marcus verò scribit, dixisse id discipulos. Sed hoc tripliciter solui potest ; Vel enim id prius dictum fuit à discipulis ; & post idem confirmatum à Philippo, cum est interrogatus à CHRISTO : vel id Philippus dixit & suo, & aliorum discipulorum nomine ; vt placet Augustino : vel Marcus posuit pluralem numerum pro singulari ; vt interdum fit in Sacra Scriptura. Tertia dissonantia ; Ioannes dixit, Andream dixisse CHRISTO, ipsos habere quinque panes, & duos pisces : quod tamen esse dictum à discipulis narrant alij Euangelistæ. Sed ad hoc similiter respondendum est, vt proximè responsum est ad secundam dissonantiam.

Augustinus.

Quarta

Quarta dissonantia; Ioannes dixit, illos quinque panes fuisse 10 penes quendam puerum: ceteri verò Euangelistæ scribunt, fuisse penes ipsos discipulos. Sed vel ille puer erat vnus de discipulis, & sectatoribus CHRISTI; vel eos panes ille ferebat in vsum discipulorum, eis ministrans; & per eum missos in cibatum discipulorum à religiosis feminis, vel hominibus. Nec verò nomen, pueri, semper in Sacris litteris denotat puerilem ætatem: nam Iosue, qui fuerat dux belli aduersus Amalechitas; vt narratur in capite decimo septimo Exodi; postea in eiusdem libri capite trigesimo secundo vocatur puer. Et Dominus noster post resurrectionem suam apparens discipulis, eos appellauit pueros: vt refert Ioannes in capite vltimo huius Euangelij. Quinta dissonantia; Lucas ait, homines illos discubuisse per quinquagenos: Marcus verò per centenos, & quinquagenos. Sed vel Lucas partem tantum attingere: Marcus verò totum comprehendere voluit. Vel maxima pars eorum hominum discubuit per quinquagenos; & idèd Lucæ hoc tantum visum est memorandum: Vel viri discubuerunt per quinquagenos; quod Lucas tantum spectauit: mulieres verò, ac paruuli per centenos: quod etiam commemorandum Marco visum est. Sexta dissonantia; Ioannes, & Lucas de numero illorum hominum loquentes aiunt, illos fuisse quasi quinque millia: at Matthæus, & Marcus simpliciter, & sine vlla restrictione loquentes, dicunt fuisse quinque millia. Verum scire conuenit, morem esse diuinæ Scripturæ, istiusmodi minutias numerorum nonnunquam exprimere: interdum autem tacere: sicut etiam partem numeri, quæ proximè abest à toto, & integro numero, nomine totius numeri efferre; de quo legendus est Beatus Augustinus in libro questionum in Exodum, in questione quadragesima septima; & in capite vigesimo quarto libri decimi sexti de Ciuitate DEI. Quamquam etiam apud Marcum, & Matthæum Græcè est illa particula, (ὡςτις); Latine significans, ferme; vel circiter. Septima dissonantia; Alij Euangelistæ tradunt, peracto miraculo pascendi turbas, CHRISTVM dimisisse eas: Ioannes verò ait, CHRISTVM fugisse in montem; quod sciret eos homines esse paratos facere ipsum regem. Sed vtrunque factum est. Illud quidem prius: hoc autem posterius. Octaua dissonantia; Post illud miraculum Matthæus, & Lucas

*Mos diuina
Scriptura in
commemoran-
dis numeris.*

Augustini.

& Lucas scribūt, CHRISTVM venisse Genesar, siue Genesareth: de qua terra legendus est Iosephus in libro tertio de bello Iudaico, *Iosephus.* capite decimo octauo: Marcus autem refert venisse eum Bethsaida: Ioannes verò Capharnaum. Verùm ad ista omnia loca venit IESVS cum discipulis non simul: sed paruo intervallo ea discursando.

QUARTA DISPUTATIO.

De diuersitate huius miraculi ab alio simili miraculo multiplicationis panum; quod narrant Matthæus cap. 15. & Marcus cap. 8. Et de significatione illorum nominum, cophinus & sporta, quibus in scribenda historia horum miraculorum vsi sunt Euangelistæ.

11



OC miraculum multiplicationis panū; de quo Ioannes scripsit hoc loco, diuersum fuisse ab alio simili miraculo; quod Matthæus & Marcus commemorant, ille cap. 15. hic cap. 8. quatuor ex rebus licet cognoscere. Primò; ex tempore: hoc enim miraculum multiplicationis panum, de quo Ioannes agit, factum est cū in proximo iam esset dies festus Pascha; vt ipsemet Ioannes dixit hoc loco: illud autem miraculum: quo tempore factum sit; Matthæus, & Marcus non indicarunt: Ammonius tamen in capite octauo harmoniæ Euangelicæ: & historia Scholastica tradunt, illud esse factum circa festum Pentecostes. Deinde ex numero panum, qui vtroque in miraculo multiplicati sunt. Nam in hoc miraculo Ioannes narrat fuisse quinque panes, & duos pisces: in illo verò miraculo dicitur fuisse septem panes, & paucos pisciculos. Ad hæc, ex numero hominum, qui satiati sunt. Nam Ioannes ait, fuisse quinque millia: in illo autem alio miraculo Matthæus, & Marcus scribunt fuisse quatuor millia virorum. Postremò, ex differentia reliquiarum panis, qui superfuit satiatis hominibus. Nam Ioannes ait, superfuisse duodecim cophinos: illi verò duo Euangelistæ tradunt superfuisse septem sportas.

*Ammonius.
Historia Scholastica.*

Aaa

Sed

Cophinus, & sporta quid significent.

Sed quid ista nomina; cophinus; & sporta, significant, paucis 12
 declarandum est. Cophinus, Græca vox, significat vas parvæ magnitudinis, & capacitatis: idémque Græcis significans, atque Latinis vocabulûm, corbis. Sportam autem fuisse maius quippiam, & capaciûs cophino; liquet ex eo, quod legimus in libro de Actis Apostolorum cap. 9. & ex vndecimo capite posterioris Epistolæ ad Corinthios, Paulum in sporta demissum fuisse per murum. Quare fieri potuit, ut septem sportæ reliquiarum non minus continerent, quàm duodecim cophini. Sed vnde in deserto cophini, & sportæ? An in tanta multitudine hominum piscatorum, & agricultorum, & aliorum, qui merces comportabant, videri mirum non debet repertos fuisse duodecim cophinos, & septem sportas? Vel erant in illa multitudine hominum, qui cophinos venditum ferrent Hierosolymam in die festo. Vel potius eo significatur, satiatis omnibus illis hominibus, tantum superfuisse fragmentorum panis, ut sufficeret implendis duodecim cophinis, vel septem sportis.

Vnde in illo deserto cophini, & sporta fuerint.

Iulius Pollux. Hefychius. Quod genus mensura fuerit cophinus: & sportula; quod fuerit apud Romanos genus numismatis.

Nonnunquam hæc nomina mensuram quandam significant: 13
 nam secundum Iulium Pollucem, & Hefychium, cophinus erat mensura Bæotica tam liquidorum, quàm aridorum, capiens tres congios; siue decem, & octo sextarios: sporta verò, siue sportula Romanis erat genus numismatis pendi solitum iis, qui salutationis, & comitatus causa, illustrium Romanorum cingebant latera; valens centum quadrantibus, siue duobus denariis, & dimidio: quò pertinet illud Martialis; *Da Baiana mihi quadrantes sportula centum*. Si cophinus igitur capiebat tres congios, siue decem, & octo sextarios; ut dictum est; duodecim cophini capiebant triginta sex congios, siue sexdecim, & ducentos sextarios. Quoniam autem modius capiebat sextarios sexdecim, erat minor cophino duobus sextariis. Duodecim itaque cophini tantum capiebant, quantum tredecim modij, & insuper dimidius modius.

QVIN

QVINTA DISPUTATIO.

De alijs quibusdam multiplicationibus rerum per miraculum factis, & in Sacra Scriptura commemoratis: & de multiplici proportionem quadam, & conuenientia, quæ cernitur inter hoc miraculum multiplicationis panum, & Sacramentum Eucharistie.

14 **A**LIA S quinque multiplicationes rerum per miraculum factas legimus in Sacra Scriptura veteris Testamenti. Harum prima fuit, secundum quam DEVS ex vna costa primiparæti Adæ totum Eux corpus formauit. *Genes. 2.* Duæ aliæ multiplicationes factæ sunt ab Elia; vt narratur in capite decimo septimo libri tertij Regum: & altera fuit in farina; & altera in oleo mirabiliter in usum Sareptanæ viduæ multiplicatis. Duas item alias multiplicationes fecit Elifæus; altera quidem in oleo; altera verò in viginti panibus hordeaceis; quibus centum viros satiauit: & de pane superfuit; vt scriptum est in quarto capite libri quarti Regum. Dominus etiam noster duas fecit multiplicationes panum; alteram septem panum ad pascenda quatuor millia virorum; alteram verò quinque panum in cibum quinque mille virorum.

15 Illud porro dignum est obseruatione, inter huiusmodi multiplicationem panum, & institutionem Sacramenti Eucharistie multiplicem videri esse quasi proportionem quadam, & conuenientiam; vt existimare liceat, illam panum multiplicationem fuisse quasi præparationem quadam ad præstruendam, & præmunendam fidem ei; quod postea fieri à CHRISTO debebat in condendo Sacramento Eucharistie. Vnde etiam CHRISTVS post hoc miraculum multiplicationis panum sermonem habuit cum Iudæis de Sacramento corporis, & sanguinis sui. Multiplex autem, quæ videtur esse proportio, & conuenientia inter illam multiplicationem panum, & Sacramentum Eucharistie, est huiusmodi: Primò, vtrouque CHRISTVS similis vsus est cæremoniis, sumendo panem in manus suas, benedicendo, gratias agendo, frangendo, & dando discipulis. Secundò, vtrouque

Sextuplex proportio, & conuenientia inter miraculum multiplicationis panis, & Sacramentum Eucharistie.

miraculum factum est circa tempus Pascha. Tertiò; quemadmodum illic quinque panibus corporaliter satiauit Dominus tot milia hominum: ita Sacramentali hoc cœlesti pane spiritualiter innumerabiles satiat fideles. Quartò; sicut illic plus superfuit, quàm fuerat antea: ita in hoc Sacramento vnum CHRISTI corpus sufficit pascendis cunctis fidelibus: nec vnquam consumitur, nec aliquatenus minuitur, semperque integrum superesse, infinitis aliis nutriendis sufficiens. Quintò; illic quinque panum facta est maxima multiplicatio; & in hoc Sacramento mira quædam fit quasi multiplicatio corporis CHRISTI: non quidem secundum eius substantiam: sed secundum esse Sacramentale; quod habet in hostia consecrata. Nam æquè illud multiplicatur; atque multiplicatur consecratio hostiæ. Et licet non sit hæc propriè dicta multiplicatio, nonnullam tamen habet eius similitudinem. Sextò; quemadmodum illic homines illo miraculo multiplicationis illuminati sunt; vt CHRISTVM non modò vt eximium Prophetam crederent, ac venerarentur: sed etiam vt regem sibi eum constituere vellent: ita fideles frequentando hoc Sacramentum, & intellectu agnoscunt, & affectu sentiunt illum esse Regem suum, & sese illius arbitrio, & voluntati quoquo modo regendos, & gubernandos libentissimè subiiciunt. Septimò; sicut illa panum multiplicatio fuit ratione humana incomprehensibilis: ita transubstantiatio panis in corpus CHRISTI; quæ fit in hoc Sacramento, omnem creatam exuperat intelligentiam.

Illud præterea sciendum est, quadruplicem in Sacris litteris panem commemorari. Nominatur panis, qui propriè dicitur, & est panis: panis, inquam, naturalis, & corporalis in vsum corporalis vitæ cunctis hominibus promiscuè datus: de quo David dixit; *Vt educas panem de terra, & panis cor hominis confirmet.* Alter panis nominatur, qui erat benedictus, & sanctificatus: tales olim erant in Tabernaculo DEI panes Propositionis, quibus vesci, nisi solis sacerdotibus, non licebat; vt Dominus dixit Iudæis apud Matthæum cap. 12. Et quondam in Ecclesia dabatur panis benedictus catechumenis: vt videre licet in capite tertio tertij Concilij Africani: & apud Beatum Augustinum in libro de Catechizandis rudibus; & in libro secundo de Baptismo paruulorum, cap. 26. hodièque in non

Quatuor panis genera in Sacris litteris commemorata.

Psalm. 103.

Leuit. 24.

*Ciciliæ Africani.
Augustinus.*

nonnullis regionibus datur populo panis benedictus in templis post sacrorum solemnias. Tertius panis est sacramentalis: de quo paulò infrà refertur sermo, quem CHRISTVS habuit; & inter alia dixit; *Panis, quem ego dabo, caro mea est pro mundi vita: & si quis manducauerit ex hoc pane, viuet in aeternum.* Quartus panis est metaphoricè, ac mysticè sic appellatus: nam & verbum DEI panis vocatur: & dicitur panis afflictionis, & angustiae, & doloris, & panis lachrymarum: secundum illud; *Cibabis nos pane lachrymarum.* Quinto etiam ipsa DEI visio, & fructio, & diuinarum rerum in beatis contemplatio, panis nominatur; quò spectat illud; *Beatus, qui manducat panem in regno DEI.*

SEXTA DISPUTATIO.

De varijs modis, quibus aliter illorum hominum fami subueniri poterat à CHRISTO: & de modo, quo subuentum ab eo est per multiplicationem panum.

17 **M**ULTIS, & varijs modis potuit CHRISTVS illorum hominum necessitati subuenire. Primò, per suam virtutem diuinam arcendo ab eis omnem sitim, & famem, & sine cibo & potu eos sustentando; quemadmodum seipsum in deserto per quadraginta dies, & antea Moysen, sine cibo, & potu, & sine fame vltra, & siti sustentauit. Secundò: cibos aliunde in eum locum adducendo vel per Angelos, vel per aues, vel per homines: vt in Elia, & in Daniele factum legimus. Tertiò; quinque illos panes non secundum numerum multiplicando: sed secundum molem augendo: sic tamen non fuisset tam euidentis vulgo miraculum: & id fuisset satis deforme, & laboriosum, atque operosum in panum partitione, & administratione. Quartò; alios panes, aliunde quocunque modo asportatos; vel de nouo creatos, prioribus quinque panibus addendo: sed ita non verè dicerentur quinque panes multiplicati, aut per quinque panes satiata esse quinque millia hominum. Quintò; potuit eorum quinque panum incrementum fieri per rarefactionem: vt quilibet panis secundum quantitatem extende-

Matth. 4.
Exod. 14. &
34.
3. Reg. 19.
Dan. 14.

retur in maximam amplitudinem. Sed hoc non fuit conueniens: quia necessum fuisset, panes illos rarefcere ultra raritatem aeris: nec propterea tamen plus habuissent substantiæ, nec maiorem vim nutriendi, nedum satiandi tot millia hominum: nec superesse potuisset tantum fragmentorum. Sextò, per additionem: & hoc dupliciter; vel ut cuilibet parti panis aliam de nouo creatam CHRISTVS adungeret: vel non per creationem; sed per conuersionem alicuius alterius rei in panem: qui modus videtur placuisse Beato Augustino declaranti hoc exemplo seminis; ex quo augescunt fruges: sed hoc differt, quòd ex semine corrupto augescunt fruges: hæc autem multiplicatio non est facta corruptis illis quinque panibus.

*Declaratur
modus admi-
randus; quo
illa multipli-
catio quinque
panum à Chri-
sto facta est.
Cur Christus
per illum mo-
dum multipli-
cationis saria-
re homines il-
los voluerit.*

Quo itaque modo illa quinque panum multiplicatio facta sit, 18 paulò subtiliùs, atque enucleatiùs declarandum est. Modus; quo CHRISTVS turbam illam hominum pascere, ac satiare voluit; fuit per multiplicationem illorum quinque panum: hunc autem præ cæteris modum CHRISTVS multis de causis elegit. Primò; quia eo uti voluit, quod habebat; & cibatus hominum idoneum, & præparatum erat: sed naturalem eius insufficienciam ad satiandam tantam illam hominum turbam, per miraculum multiplicationis eius suppleuit. Deinde, ut Apostoli: priuando se suo cibo, exercerent officium charitatis erga proximum: & experiendo discerent, quod datur proximo propter CHRISTVM, id non perire nobis: sed in maius emolumentum, atque lucrum verti. Ad hæc, quòd manifestum fieret, eos tantum panes satiare comedentem, & satiatis abundè superesse, qui Dominica, & Apostolica benedictione nobis dati sunt.

*De modo, quo
illa multipli-
catio quinque
panum facta
est.*

Illam porò quinque panum multiplicatio fiebat in manibus 19 CHRISTI, & in manibus discipulorum, & in manibus, atque ore comedentium. Sic enim euidentius fiebat omnibus miraculum, & minori labore, ac perturbatione fiebat panis distributio, & ministratio, & magis satisfiebat commoditati, & voluptati comedentium. Cogitare itaque, & existimare licet, illam multiplicationem panum ad hunc modum esse factam, CHRISTVS sumpsit quinque panes in manus suas & singulos diuisit in plurimas, & per exiguas partes, quarum vnaquælibet confestim secundum mo-
lem

lem aucta, & multò amplior facta est. Deinde, unicuique discipulorum vnā aliquam, vel plures illarum partium similiter diuisas, & continuò secundum molem auctas, porrigebat. Illi postea eas similiter diuidentes, & ex diuisione multiplicatas, & auctas tradebant in manus comedentium; quæ tum in manibus, tum in ore eorum magis, magisque multiplicabantur, & augeteiebant. Nec fortasse temerè putari posset, panem illum per CHRISTI benedictionem multiplicatum, longè maiorem habuisse vim nutriendi, & satiandi comedentes ipsum, quàm habeat panis vulgaris, & vsitatus.

SEPTIMA DISPUTATIO

de panibus hordeaceis.

Super illis verbis:

Est puer vnus hîc; qui habet quinque
panes hordeaceos.

VERS. 9.

20 **A**NTE alia satis mirari, simulque venerari conuenit, tantam CHRISTI, & Apostolorum eius victus paupertatem, atque vilitatem. Erat enim CHRISTVS cum duodecim Apostolis; erantq; plures alij eius discipuli, & sectatores, ad quorum tamen victum, & cibatum suppetebat non ampliùs quinque panes, eosque hordeaceos; & duos pifces. Magno sanè ad imitandū exemplo prædicatoribus Euangelij proposito. Eos namque, si volunt haberi imitatores CHRISTI, & Apostolorum, quorum in prædicando Euangelio funguntur munere, magnam in vestitu, & victu, & totius vitæ cultu, non modò delitiarum, & voluptatum: sed etiam commoditatum minimè necessariarum despicientiam præ se ferre oportet. Ferebat autem terra Palæstinæ satis copiosum, satisque laudatum hordeum; quod fuisse triplo vilioris pretij, quàm triticum, non obscurè significatur in capite sexto libri Apocalypsis, illis verbis: *Bilibres tritici denario, & tres bilibres hordei denario.* Qua de re nos in tertio tomo nostrarū Selectarū Disputationum in librum Apocalypsis, cum

*Exemplum, &
documentum
prædicatori-
bus Euangelij
obseruandum.*

in eorum verborum tractatione versaremur, copiosè differuimus.

*Memorabilis
historia som-
ni Gedeonis.*

Tria porrò de panibus hordeaceis satis mira, memoratūque di-
gna in Sacris litteris narrantur. Horum primum sit panis ille hor-
deaceus, per quietem visus, & victoriā Gedeonis aduersus Madi-
nitas portendens; de quo in septimo capite libri Iudicum ita scri-
ptum est; *Vidi somnium, & videbatur mihi quasi subcineritius panis ex
hordeo, volui & in castra Madian descendere: cūque peruenisset ad ta-
bernaculum, percussit illud, atque subuertit, & terra funditus coaquauit.
Respondit is, cui loquebatur; Non est hoc aliud, nisi gladius Gedeonis. Tra-
didit enim Dominus in manus eius Madian, & omnia castra eius. Cumq̃
audiuisset Gedeon somnium, & interpretationē eius, adorauit: Et reuersus
est ad castra Israel, & ait; Surgite; tradidit enim Dominus in manus
nostras castra Madian.* Commemorantur etiam in quarto capite li-
bri quarti Regum, viginti panes hordeacei, quibus per benedictio-

*De viginti
panibus hor-
deaceis mul-
tiplicatis ab
Elifae.*

nem Elifae multiplicatis satiati sunt centum viri: sic enim eo loci
dixit Elifaeus; *Da populo vt comodat: responditq̃, ei minister eius: Quan-
tum est hoc, vt apponam coram centum viris? Rursus ille ait, Da populo,
vt comodat: hac enim dicit Dominus; Comedent, & supererit. Posuit ita-
que coram eis, qui comederunt, & superfuit iuxta verbum Domini.* Est
præterea illud memorabile de pane, ex hordeo, aliisque rebus con-
fecto; quo vesci Ezechielem Prophetam iussit Dominus: & ab
ipso Ezechiele in capite quarto suæ Prophetiæ narratur his verbis;
*Sume tibi frumentum, & hordeum, & fabam, & lentem, & milium, &
viciam; & mittes ea in vas vnum, & facies tibi panes numero dierum;
quibus dormies super latus tuum: trecentis & nonaginta diebus comedes
illud. Cibus autem tuus, quo vesceris, erit in pondere viginti sateres in die.*

*Cur Christus
nō dederit il-
lis hominibus
vinum ad bi-
bendum.*

Sed cur CHRISTVS, qui panes, & pisces dedit illis homini-
bus ad manducandum; non item vinum dedit eis ad bibendum?
An quia CHRISTVS subuenire voluit illis hominibus multi-
plicando ea, quæ habebat ipse; panes dico, & pisces; vinum au-
tem ibi non habebat? Nec sanè illi turbat hominum piscatorum,
& agricultorum; quibus potus aquæ vsitatus erat, opus fuit vino:
nempe potus aquæ & naturalis est, & salubris homini; nisi cui for-
te infirmi admodum stomachi: DEVS autem per miracula sub-
uenire solet necessitatibus hominum: non autem voluptatibus, &
deliciis eorum indulgere. Neque in deserto Hebræi petierunt à

*Exod. 17.
Num. 21.*

Moyse

Moyse vinum: sed aquam, & carnes. Nec DEVM legimus per miraculum subueniendo necessitati hominum dedisse vinum. Neque contra hoc, quod diximus, facit miraculum illud vini ex aqua facti. CHRISTO in nuptiis: tum quia illud miraculum propriè factum est ad supplendum vini defectum; quod in illo conuiuio defecerat: tum etiam quia in conuiuiis nuptialibus; quæ satis copiosa, & lauta esse solent; vinum censetur inter res quodammodo necessarias, sine quibus eiusmodi conuiuia nec commodè, nec decenter agitari posse videntur: præsertim autem in locis, in quibus vini copia non deest.

OCTAVA DISPUTATIO.

Curtantoperè CHRISTVS refugerit haberi se ab illis hominibus, & coli tanquàm Regem.

Super illis verbis:

IESVS ergo cùm cognouisset, quia venturi essent; ut raperent eum, & facerent eum Regem, fugit in montem ipse solus. VER. 15.

23 **N**ARRAT Ioannes, homines illos tanto viso miraculo multiplicationis panum, voluisse CHRISTVM rapere, & facere Regem super ipsos: ob idque CHRISTVM solum fugisse in montem. Sed queri potest: cur tantoperè CHRISTVS refugerit constitui se ab illis hominibus Regem: nam reuera erat ipse Rex Iudæorum: sicut eum appellauerant Magi, statim ut natus fuerat, dicentes; *Vbi est, qui natus est, Rex Iudæorum?* Quin etiam ipse pendens in cruce non abnuìt, superponi sibi titulum illum; IESVS NAZARÆUS REX IUDÆORUM.

Sed respondendum est, multis de causis CHRISTVM defugisse illam regis appellationem, & honorem. Primo; quia alienum erat ab eius dignitate, ipsum ab hominibus cõstitui regẽ, qui constitutus fuerat rex a DEO: sicut ipse dixerat sub persona Davidis; *Ego autem constitutus sum rex ab eo super Sion montem sanctum*

Quinque causæ, ab quas Christus noluit se fieri Regem ab illis hominibus. Psal. 2.

Bbb eius.

eius. Deinde, quia homines illi: sicut etiam ceteri ferè Iudæi, magno in errore versabantur, existimantes Messiae regnum fore, aliorum more regum, temporale, & suppeditaturum ipsis maximam bonorum omnium temporaliū abundantiam. At in primo CHRISTI aduentu regnum eius tale futurum non erat: sicut ipse dixit

Ioan. 18. Pilato, *Regnum meum non est de hoc mundo.* Ad hæc, quia homines illi non tam ob CHRISTI reuerentiam, & deuotionem: quàm spe suarum utilitatum, ad id mouebantur. Præterea, bene nouerat CHRISTVS inconstantiam Iudæorum: qui quàm prompti erant tunc ad faciendum ipsum regem; tam prompti postea erant futuri ad ipsum persequendum, & occidendum; vsque adeò mobile Iudæorum erat ingenium, & ad peiora propius. Postremò, quia illi homines erant in ditione, & sub dominatu Herodis: quocirca id fieri non potuisset sine magna Herodis perturbatione, & CHRISTI persecutione. Nam si cùm magi venerunt Hierosolimam querentes natum regem Iudæorum, vehementer conturbatus est

Matth. 2. Herodes, & omnis Hierosolyma cum eo: vt scribit Matthæus: quanto maior fuisset istius Herodis perturbatio, audito, CHRISTVM fuisse à tot millibus hominum acclamatum, & constitutum regem?

Cur Christus in cruce non detrectauerit titulum Regis Iudæorum. Non detrectauit autem CHRISTVS in cruce pendens titulum regis Iudæorum: quia notum esse omnibus voluit, se per crucis mortem comparasse sibi regnum, & imperium in omnes; cui alia omnia imperia, & regna subiicienda erant: nempe vt impleretur illud Esaiæ vaticinium; *Cuius principatus super numerum eius.* Et illud Dauidis; *Dominus regnauit à ligno.* Sic enim hæc verba legunt, & citant Iustinus Martyr in Dialogo, quem habuit cum Tryphone Iudæo; & Tertullianus in libro tertio contra Marcionem; & plures alij Patres.

Scientiam futurorum conditionalium colligi ex hoc loco. Illud denique non abs re fuerit, vt quasi obiter lectorem admoneamus, scientiam, vt vocant, futurorum conditionalium; quæ à plerisque Theologis hoc tempore asseritur; satis euidenter posse ostendi, & probari ex eo, quod hîc scriptum est à Ioanne, IESVM cognouisse, si remansisset ipse in eo loco, futurum fuisse; vt homines illi venirent, & facerent eum Regem. Habuit igitur CHRISTVS scientiam, & cognitionem illius futuri conditionalis; (Si

ego remanfero hîc, venient homines isti, & facient me regem.) Et habuit scientiam, & cognitionem istius rei, non probabilem tantum, siue coniecturalem; sed omninò certam; & vt ita loquar, infallibilem: non enim in scientiam, & cognitionem CHRISTI vlla deceptio, aut error cadere poterat. Hoc nunc strictim attigisse, & tantum significasse lectori, satis fuerit: de quo scilicet à multis, magnisque huius memorie nostræ Theologis subtiles admodum, copiosæque scriptæ sunt disputationes.

DE MIRACULO SEDATÆ A

CHRISTO in mari tempestatis.

NONA DISPUTATIO.

Super illis verbis:

Mare autem, vento magno flante, exurgebat. Cùm re- VER. 18.
 migassent ergo quasi stadia viginti quinque, aut tri- 19. 20. 21.
 ginta: vident IESVM ambulantem supra mare, &
 proximum naui fieri; & timuerunt. Ille autem dixit
 eis; Ego sum, nolite timere. Voluerunt ergo accipere
 eum in nauim, & statim naus fuit ad terram, in
 quam ibant.

De diuersitate huius miraculi ab alijs duobus similibus miraculis; quæ narrantur ab alijs Euangelistis.

26 **Q**UEMADMODVM hoc miraculum diuersum esse liquidò constat ab alio simili miraculo; quod narrant Matthæus, & Lucas cap. 8. & Marcus cap. 4. ita idem esse, atque illud, quod tradunt Matthæus cap. 14. & Marcus cap. 6. equidem censeo. Siquidem & congruentia temporis, & contextus, atque consequentia historię; quæ in expositione huius miraculi cernitur apud illos tres Euangelistas, planè demonstrat; idem esse miraculum ab illis tribus narratum. Omnes etenim narrant, id miraculum contigisse

Bbb 2

post

post miraculum multiplicationis panum. Omnes item tradunt, IESVM ambulando super aquas, & sedata tempestate venisse cum discipulis in terram, quæ erat trans mare Tyberiadis, quam Matthæus, & Marcus appellant terram Genesar, seu terrâ Genesareth. At enim dicit quispiam, in eius miraculi narratione multa esse apud illos Euangelistas diuersa. Sunt sanè: sed eiusmodi diuersitas non arguit diuersitatem miraculi; si aliquot circumstantias eius vnus exponat; quas alius tacet. Nulla enim fermè est apud Euangelistas historiæ cuiuspiam narratio, in qua istiusmodi diuersitas non aliquatenus inueniatur.

*Diuersitas
inter Euan-
gelistas in
narratione
huius mira-
culi.*

Sed nos istam diuersitatem, quæcunque illa est, distinctè 27
enarremus. Matthæus, & Marcus tres circumstantias expresserunt à Ioanne tacitas: Primam, CHRISTVM venisse ad discipulos in quarta vigilia noctis; id autem est, prope lucem diei: Secundam; discipulos videntes CHRISTVM ambulantem super aquas, primò existimasse ipsum esse phantasma: Tertiam; ingressio CHRISTO in nauim, protinus cessasse omninò tempestatē. Solus Matthæus narrat, Petrum iussu CHRISTI venire voluisse ad eum ambulantem super aquas: sed cùm cepisset ambulare, & aliquatenus mergi, confestim à CHRISTO esse subleuatum; & molli-ter, tanquam modicæ fidei, reprehensum. Eos porro homines, qui tunc in ea naui erant, tanti spectaculo miraculi permotos adora-uisse eum, confitentes, ipsum verè filium DEI esse. Solus etiam Marcus duo narrat; Alterum, CHRISTVM, cùm esset in litto-re, vidisse discipulos suos in mari longè distantes, & vehementer periclitantes: Alterum verò, quòd CHRISTVS veniens ad eos, voluerit quasi præterire eos. Denique, Ioannes etiam duo commemorat ab alijs prætermis-²⁸sa; & quòd cùm CHRISTVS venit ad discipulos, iam illi remigauerant per viginti quinque, aut tri-ginta stadia: & quòd statim; vt CHRISTVS venit ad eos, nauiis fuit ad litus eius terræ, ad quam ibant.

*In miraculo
sedata à Chri-
sto tempesta-
tu, quinque
obseruari mi-
racula.*

Cæterum, si quis historiam huius miraculi attentè legat, pensi-
culatèque consideret, planè cognoscet, illud CHRISTI factum
sedatæ ab eo tempestatis, pluribus alijs miraculis fuisse comita-
tum. Primum miraculū fuit, quòd; vt refert Matthæus, CHRIS-
TVS in litore manens, discipulos suos in mari plus tribus mil-
liaribus

liaribus inde distantes, per densissimas noctis tenebras vidit, vehementer, periculoseq; periclitantes. Alterum miraculum; CHRISTVS pedibus suis super aquas maris, amplius tria milliaria ambulauit. Tertium miraculum; Petrus etiam iussu CHRISTI ambulauit super aquas; & ne id vel casu, & fortuito, vel naturæ quæpiam virtute occulta fieri putaretur, permisit CHRISTVS, Petrum aliquantisper, & aliquatenus mergi: sed cum confestim ipse subleuauit. Quartum miraculum; omnis illa ventorum vis, & turbulenta maris agitatio, CHRISTI iussu, protinus, & omnino compressa, atque sedata est. Quintum miraculum; statim vt CHRISTVS nauim illam ingressus est, ea nauis sine remigatione, & velificatione in littore esse inuenta est.

DECIMA DISPVATIO.

De ambulatione CHRISTI super aquas maris.

- 29 **S**ED qua ratione illa CHRISTI ambulatio super mare facta sit, disquiramus. Non falsum modò: sed impium etiam, diuinæque contrarium Scripturæ fuit dogma quorundam Hæreticorum, Valentini, & Manichæorum; qui dixerunt, CHRISTVM non habuisse verum corpus humanum: sed eius quandam tantum speciem, & similitudinem: vel eius corpus è cœlesti formatum esse materia; in similitudinem tamen humani corporis figuratum: ideòque facile super aquas ambulare potuisse. Sed istos manifestè refellit Paulus scribens; CHRISTVM factum, siue genitum fuisse ex muliere, & ex semine David. Et in secundo capite Epistolæ ad Hebræos, ait CHRISTVM habuisse carnem, & sanguinem; sicut habent alij homines, ita scribens; *Quia pueri communicauerunt carni, & sanguini, & ipse similiter participauit eisdem: vt per mortem destrueret eum, qui habebat mortis imperium, id est, Diabolum. Nusquam enim Angelos apprehendit: sed semen Abrahe apprehendit.*

Error Valentini, & Manichæorum super Christi corpore.

Ad Galat. 4.

Ad Rom. 1.

- 30 Illud verò, quod à nonnullis nec bonis philosophis, malisque Christianis dictum est, manifestam, & ridiculam habet non tantum sacræ doctrinæ: sed etiam humanæ philosophiæ inscitiam.

In eos, qui dicunt, corpus Christo naturaliter fuisse aequale ad pœdus.

Bbb 3 Quidam

Quidam enim dixerunt, corpus CHRISTI fuisse temperatum ad æqualitatem ponderis; & ob eam causam super aquis positum non fuisse grauius aquis, & super illas & nare, & ambulare potuisse. At enim vera philosophia docet, eiusmodi æqualitatem ponderis in humano corpore non posse reperiri: naturalis enim ratio temperamenti humani corporis exigit, ut in eo elementum terræ cæteris longè præponderet. Sed aduersus suprà dictos Hæreticos, & istos imperitos philosophos illud est valentissimum argumentum; quòd non tantum CHRISTVS ipse ambulauit super aquas: sed etiam Petro ambulandi super aquas potestatem dedit: ut de pluribus aliis viris sanctis taceam, quos per diuinam virtutem super aquas ambulasse, in probatis historiis proditum est memorie.

Quatuor modi, quibus fieri potuit illa Christi ambulatio super aquas.

Qua igitur ratione, quòve modo, illa CHRISTI super aquas 31 ambulatio fieri potuerit, breuiter ostendamus. Potuit id fieri quatuor modis. Primò; ut CHRISTVS impertiret corpori suo, & Petri vim quandam, similem eius, quam habebunt post resurrectionem glorificata hominum corpora propter dotem agilitatis. Deinde ut summæ illius maris aquæ, per diuinam virtutem ita solidarentur, & durarentur, ut humana vestigia sustinere possent: ad eum nempe modum, quo per aquas gelu constrictas, & concretas non solum homines: sed etiam equi, & currus transire possunt. Verum, si ita illud factum esset, non utique Petrus cœpisset mergi, timens ventum validum. Ad hæc, ut CHRISTVS suspenderet actum grauitatis in suo, & Petri corpore; id autem est, ne corpus sua grauitate vrgeret, & premeret aquas deorsum: quemadmodum vrendi actum in illo Babylonico igne suspendit, ne tres illos iuuenes in ardentem fornacem coniectos læderet.

Dan. 3.

Postremò; ut corpus portaretur super aquas: sicut Dæmon

Matth. 4.

Dan. 14.

tulit CHRISTVM per aërem supra pinnaculum

templi, & montem excelsum: & Angelus

tulit Habacuc ex Iudæa vsque

Babylonem.

SER

SERMO; QVEM DE CORPORE, ET sanguine suo CHRISTVS habuit cum Iudæis Capharnaitis, & coram Apostolis, aliisque discipulis, & sectatoribus suis; super quo sermone tractantur triginta tres Disputationes.

VNDECIMA DISPUTATIO.

*De occasione habendi hunc sermonem: & triplici manducatione
CHRISTI: & de diuerso huius sermonis exitu,
& successu respectu diuersorum
auditorum.*

32 **S**ERMONVM CHRISTI, quos Ioannes in hac sua Euangelica historia commemorat, hic habitus cum Capharnaitis de carne, & sanguine suo, quartum locum tenet. Ante cuius sermonis explicationem tria præmonere, ac prædocere lectori conuenit. Primò sciendum est, occasionem habendi hunc sermonem cepisse CHRISTVM ex miraculo multiplicationis panum ab ipso facto, & à Ioanne paulò suprà enarrato; tum quòd propter illud miraculum numerosissima hominum turba ad eum confluxerat: tum etiam quòd miraculum illud multiplicem haberet analogiam, & proportionem: quam nos suprà exposuimus, cum Sacramento Eucharistiæ. Cernens itaque CHRISTVS, turbam; quam in deserto satiauerat, ipsum cupidè sectari, eius cibi sæpiùs percipiendi auidiam; volens eam à corporalis cibi cupiditate ad desiderium præstantioris cibi spiritualis traducere, instituit hunc sermonem de diuinioris cibi, & potus dignitate, atque utilitate.

*Qua fuerit
occafus habendi hunc sermonem.*

33 Est autem triplex CHRISTI manducatio. Vna tantùm spiritalis: cùm citra sacramenti perceptionem, per interiores actus fidei, & charitatis CHRISTO vnimur, eiùsque gratiam nobis donatam exercitatione virtutum magis in dies nutrimus, & auge-
mus. Altera manducatio est tantùm sacramentalis; cùm indignè,

*De triplici
modo manducandi Christi.*

ac

ac sine villo fructu percipitur sacramentum Eucharistiæ. Tertiâ manducatio est simul sacramentalis, & spiritualis: cùm percipitur sacramentum Eucharistiæ cum fide, ac dilectione, & deuotione. Nos Chrysostomum, Augustinum, Cyrillum, Euthymium, Rupertum, Beatum Thomam, Lyranum, pluresque alios in primis graues, & nobiles secuti auctores, & germanæ verborum CHRISTI sententiæ inhærentes arbitramur, CHRISTVM de utrâque manducatione, hoc est, partim de spirituali, partim de sacramentali locutum esse in hoc sermone. Nam in priori parte sermonis, ab illa sententia; *Operamini cibum, non qui perit*, vsque ad illam sententiam: *Panis, quem ego dabo, caro mea est*; CHRISTVS loquitur de manducatione spirituali: idque planè indicant illæ sententiæ, quas sermoni suo interferit: *Qui venit ad me, non esuriat: & qui credit in me, non esuriat unquam. Nemo potest venire ad me, nisi Pater, qui misit me, traxerit eum. Omnis, qui audiuit à PATRE, & didicit, venit ad me; qui credit in me, habet vitam æternam*. In posteriori autem parte huius sermonis: ab illis verbis; *Panis, quem ego dabo*; vsque ad finem sermonis, manifestè loquitur CHRISTVS de reali, & sacramentali sui corporis manducatione; vt nos ostendemus cùm eò ventum fuerit. Priùs autem CHRISTVS egit de spirituali, quàm de sacramentali sui corporis manducatione: quia prior illa est, & debet hanc præcedere: sacramentum quippe Eucharistiæ non datur fructuosè, nisi in CHRISTVM credenti, & ipsum amanti.

De qua manducatione sui corporis loquitur Christus in hoc sermone.

Cord quibus humanis Christus hunc sermonem habuerit.

Qualis fuerit huius sermonis exitus, & successus.

Illud prætereà non est ignorandum, sermonem hunc esse à CHRISTO habitum Capharnai in Synagoga; non coram turbis tantum: sed etiam coram viris diuinæ legis, & sacræ Scripturæ peritis: vt patet ex eorum obiectionibus, & altercatione cum CHRISTO. Aderant autem inibi, præter duodecim Apostolos, alij etiam CHRISTI sectatores, & discipuli: de quibus multos hoc sermone CHRISTI offensos abiisse retrò, id est, à discipulatu eius descivisse, narrat Ioannes in fine huius capitis. Huius sermonis exitus, & successus fuit respectu diuerforum valde diuersus: nam Capharnaitæ verbis CHRISTI scandalizati vehementiùs ab eo sunt abalienati, & aduersus doctrinam eius obfirmati. Contra verò, Apostoli maiorem in modum sunt in eius fide, & amore confir-

confirmati: cùm enim ex illis quæreret CHRISTVS, an ipsi quoque abire ab ipso vellent, respondit Petrus, omnium scilicet aliorum Apostolorum nomine; *Domine, ad quem ibimus? verba vitæ æternæ habes: Nos credimus, & cognouimus quia tu es CHRISTVS Filius DEI.* Atque his quidem breuiter prænarratis, ad explicandum sermonem hunc CHRISTI: ipso nos iuuante, ac dirigente, ingrediamur.

DVODECIMA DISPVATIO.

Super illis verbis:

Quæritis me, non quia vidistis signa: sed quia manduca- VER. 26.
stis ex panibus, & saturati estis. Operamini non ci- & 27.
bum, qui perit: sed qui permanet in vitam æternam,
quem Filius hominis dabit vobis.

35 **I**LLIS verbis, *Operamini cibum*, significatur, omni studio, & opera, & labore contendendum esse, vt spiritualem, & diuinum cibum percipiamus: is quippè non ignauè desidiosus: sed nauiter laborantibus à DEO datur. Si enim nec humana virtus, nec scientia, nec ars sine magno, & diuturno labore comparari potest: quantò minus quæ supernaturalia, & diuina sunt, cùm tanto magis omnem facultatem humanam excedant?

36 *Super illis verbis; Non cibum, qui perit: sed qui permanet in vitam æternam*, animaduertere licet, duplicem esse cibum, qui perit; Alterum, corporalem cibum: alterum verò, cibum spiritualem. Cibus corporalis tripliciter perit. Primò; secundum partem eius excrementitiam; quæ foras à natura eiicitur: de qua intelligendum est illud, quod CHRISTVM dixisse discipulis refert Matthæus Locus Matth. cap. 15. *Quod in os intrat, in ventrem vadit, & in secessum emittitur.* Quomodo cibui corporali tripliciter pereat.
Deinde perit etiam cibus corporalis secundum partem alimentitiam, & vtilem: ea quippè corrupta, in substantiam viuientis, quod per eam alitur, conuertitur. Ad hæc, perit quoque cibus corporalis quantum ad munus, & vsum eius, & finem, qui est arcere fa-

Ccc mem,

mem, & nutrire corpus: hoc enim cibus semel sumptus ad breue duntaxat tempus præstat: paruo scilicet interuallo, redeunte postea fame, nouique cibi indigentia. Spiritualis verò cibus, qui perit, est humana laus, & gloria, & Sapientia: & demum quidquid, ad mentem, & spiritum hominum pertinens, non conducit ad vitam æternam. Omnia etenim, quæ istiusmodi sunt, licet à mortali-
 bus flagrantissimè expetantur, eisque, quasi delicatissimis cibus, illi iucundissimè pascantur, atque delectentur: temporalia tamen sunt, breuique peritura. *Scientia destruetur*, ait Paulus: & Ioannes; *Transit mundus, & concupiscentia eius*. Cuius & illud Pauli simile est: *Præterit figura huius mundi*.

*Quisquid sit ci-
 bus spiritua-
 lis, qui perit.*

1. ad Corin.

13.

1. Ioan. 2.

1. ad Cor. 7.

*Cibus, qui
 permanet in
 vita æternâ,
 quiforum sit.*

Cibus autem spiritualis, qui non perit, est diuina iustitia, & gratia: quæ homini datur à DEO; vel est ipsemet CHRISTVS, qui se in Sacramento dat nobis in cibum, & alimentum animæ nostræ ad vitam æternam. Hic verò cibus, quantum in ipso est, indefectibilis est, & permanens, atque perducens hominem vsque ad vitam æternam; licet sæpè deficiat, hominis culpa; propter libertatem humanæ volubritatis, ex bono in malum mirabilis. Hunc porro cibū dat CHRISTVS nō tantum, vt DEVS est: sed vt filius hominis: sicut ipse dixit hoc loco, id est, vt verus homo est: CHRISTVS enim nec carnem, & sanguinem suum in Sacramento dare nobis potuisset: nisi verus homo fuisset. Et admirabilis illa eius Sacramenti virtus dandi gratiam homini, & per eam perducendi eum ad vitam æternam, ex illius hominis passione, ac morte prouenit.

*Quomodo sa-
 cramentalem
 cibū nobis det
 Christus; vt
 est filius ho-
 minis.*

Sequuntur illa verba; *Quem Filius hominis dabit vobis*. Dixit in futuro; *Dabit vobis*: vel quia eum cibum Iudæi; quibus ista loquebatur CHRISTVS, nec tum petebant, nec ante petierant. Dicit itaque se daturum eis, si ab eo peterent: vel quia necdum CHRISTVS instituerat Sacramentum Eucharistiæ: nec abundantiam gratiæ suæ daturus erat hominibus ante corporis sui glorificationem, & missionem Spiritus sancti. Sed enim dicet fortasse quispiam, ista videri non satis inter se coherere, *Operamini cibum*: &, *Filius hominis dabit vobis*. Illud enim significat, illum cibum nostra opera, & labore comparari; hoc autem indicat, gra-
 tuitò eum donari nobis à CHRISTO. Sed profectò bellè ista congruunt

*Quomodo &
 nos operemur
 diuinū istum
 cibum, & ni-
 hilominus ta-
 men is dona-
 tur nobis à
 Christo.*

congruunt inter se. Ad comparandum namque cibum istum necesse est, nos per actiones nostras preparari, & idoneos fieri: ut ita nobis preparatis CHRISTVS cum cibum fructuosè largiatur: sed istud ipsum, idoneè nos preparare ad perceptionem eius cibi, diuini muneris est. Non enim tantum salutaris perceptio eius cibi: sed etiam idonea preparatio animi nostri ad eum cibum accipiendum, donum DEI est.

- 39 Nec animum cuiusquam subeat existimare, illis verbis CHRISTI: *Operamini non cibum, qui perit*, prohiberi Christianis, ne operentur, & laborent ut comparent sibi cibum corporalem. Non enim defuerunt Hæretici, qui hæc CHRISTI sententia in suæ obtentum, & patrocinium ignauiae, atque desidii abusi sunt. Aduersus quos valet illud Davidis, quod est in Psalmo centesimo vigesimo septimo; *Labores manuum tuarum, quia manducabis, beatus es, & bene tibi erit*. Paulus certè non verbis tantum: sed exemplo etiam suo cohortatus est Christianos ad laborandum manibus suis; ut cibum sibi parent, & eleemosynam aliis impertiri queant. Eius in tertio capite posterioris Epistolæ ad Thessalonicenses super ea re hæc sunt verba; *Ipsi scitis, quoniam non inquieti fuimus inter vos, neque gratis panem manducauimus ab aliquo: sed in labore, & in figatione, nocte, & die operantes, ne quem vestrum grauaremus. Non quasi non habuerimus potestatem: sed ut nosmetipsos formam daremus vobis ad imitandum nos: nam & cum essemus apud vos, hoc denuntiabamus vobis: quoniam si quis non vult operari, nec manducet. Audiuius enim, inter vos quosdam ambulantes inquietè, nihil operantes: sed curiosè agentes. Hi autem, qui eiusmodi sunt, denunciamus, ut cum silentio operantes, suum panem manducent*. Similia reperiet lector in quarto capite Epistolæ ad Ephesios; & in vigesimo capite libri de Actis Apostolorum. CHRISTVS igitur illis verbis non significauit, pro parando cibo corporali, nullo esse nobis modo laborandum: sed nos docere voluit, ante omnia & super omnia studendum nobis, & laborandum, atque contendendum esse, ut spiritualem animi nostri, diuinumque cibum percipere valeamus. Et hoc iuxta illud alterum CHRISTI dictum, est; *Querite primum* Matt. 6.

Regnum DEI, & iustitiam eius: & hæc omnia adijciuntur vobis.

Cecilia super DECL

DECIMATERTIA DISPVTATIO.

Super illis verbis:

Hunc enim Pater signauit DEVS.

VER. 27.



E Iudæi, putantes CHRISTVM esse tantum homi- 40
nem, cogitarent cum animo suo, cum maiora homi-
nis conditione de se prædicare: hanc CHRISTVS
præuertens eorum cogitationem, his verbis docet se,
licet natura similem aliorum hominum: per singularem tamen
DEI gratiam; qua fuerat à Patre, singulari, atque eximio quo-
dammodo signatus, esse cæteris hominibus longè præstantiorem.
Pro illo verbo Latino, *signauit*: Græcum verbum, quod est hoc
loco, propriè significat sigillauit: quo verbo etiam suprà cap. 3.
vñs est Ioannes: cum dixit: *Qui accipit eius testimonium, signauit*:

Ad Ephes. 1. quia DEVS verax est. Et Paulus scribens ad Ephesios ait, fideles
Triplex ratio,
& vsus si-
gnandi, siue
obsignandi res.
à DEO signatos esse in CHRISTO, & in Spiritu sancto. Signan-
di verò, siue obsignandi res triplex apud homines ratio, & vsus
esse solet: Vel quò res sic obsignatæ cognoscantur cuius sint: Vel
vt quibus nolumus eas res notescere, his opertæ ac ignotæ sint:
Vel etiam signantur res, quæ nobis præcipuè sunt pretiosæ, & raræ.

Septem modi,
quibus Chri-
stus à Deo
Patre signa-
tus est.
Cyrillus.

Septem autem modis obseruare licet, CHRISTVM à DEO 41
Patre fuisse signatum. Primò; secundum Cyrillum; quia dedit
ei ab æterno eandem suam naturam, propter quam est perfecta
DEI Patris imago: vt CHRISTI signatio non aliud fuerit, ni-
si æterna eius generatio. Sicut enim per signationem sigilli expri-
mitur in cera eius imago: sic per paternam generationem CHRIS-
TI, expressa est in eo figura substantiæ Patris. Secundò; signa-
uit eum Pater: vt interpretatur Augustinus: quia longè segrega-
uit eum ab aliis hominibus propter singularia dona gratiæ ei colla-
ta: secundum illud Pauli ad Hebræos cap. 7. *Talis decebat vt esset*
nobis Pontifex, sanctus, innocens, impollutus, segregatus à peccatoribus, &
excelsior cælis factus. En signaculum, inquit Augustinus: nam quæ
apposito sigillo signamus, ea volumus à cæteris rebus separari, &
discerni, neque cum aliis misceri, atque confundi. Tertiò; se-
cundum

Augustinus.

cundum Chrysostomum, signauit eum DEVS, quando fuit *Chrysoft.*
voci testimonio, & in baptismo, & in transfiguratione, & in vir-
tute tot miraculorum declarauit eum esse Filium suum, & docto-
rem, atque saluatorem mundi; & posse omnibus dare vitam ater-
nam. Quartò; signauit eum, propter gratiam vnionis hypostati-
cæ, per quam fuit homo mirabiliter signatus; id est, & homo si-
múlque DEVS: & quæcunque DEVS habet per naturam, tri-
buuntur illi homini per gratiam, & per admirandum illud signa-
culum vnionis hypostaticæ. Quintò; signauit eum DEVS; quia
constituit eum caput totius Ecclesiæ tam militantis, quàm trium-
phantis; & dedit illi gratiam non tantum particularem, & quæ
propria eius est: sed etiam vniuersalem, & quæ fons esset omnis
gratiæ hominibus conferendæ. Sextò; signauit eum, id est, posuit
eum pro signo; in quod aspicerent, & in quo sperarent omnes
gentes: secundum illud Esaïæ vaticinium; *Qui stat in signum popu-* *Esaia 11.*
lorum: ipsum gentes deprecabuntur. Quod etiam CHRISTVS ipse *Ioan. 3.*
significauit cum dixit Nicodemo; *Sicut Moyses exaltauit serpentem* *Num. 21.*
in deserto: ita exaltari oportet Filium hominis: ut omnis, qui credit in
ipsum, non pereat: sed habeat vitam æternam. Et Paulus ad Hebræos *Ad Hebr. 12.*
scribens; *Aspicientes, inquit, in auctorem fidei, & consummatorem*
IESVM, &c. Septimò; signatum esse aliquid, interdum in Sacris
litteris significat esse clausum, & occultatum; Angelus enim iussit
Danieli; *Claude sermones, & signa librum vsque ad tempus statutum.*
Et infra; *Vade Daniel; quia clausi sunt, signatique sermones vsque ad* *Dan. 12.*
præfinitum tempus. Hoc etiam modo DEVS signauit CHRI-
STVM, id est, abscondit, & occultauit. Erat foris homo: sed in-
tus erat DEVS: foris viator, intus comprehensor, & beatus.
Quocirca rectè Isaïas de eo dixit; *Verè DEVS absconditus.* Et Pau- *Isaia 45.*
lus; *In quo sunt omnes thesauri sapientiæ, & scientiæ absconditi.* Ergo, *Ad Colossen-*
Pater his septem modis quasi septem sigillis signauit CHRI- *1. 2.*
STVM: sicut liber ille, quem vidit Ioannes in dextera DEI se- *Apoc. 5.*
dentis in throno, erat clausus, septemque sigillis signatus: qui li-
ber, quomodo fuerit ipsius CHRISTI figura, copiosè docuimus
in tertio Tomo nostrarum selectarum disputationum in librum
Apocalypsis; & super illud caput quintum eius libri.

DECIMAQVARTA DISPVATIO.

Super illis verbis:

VER. 28. Dixerunt ergo ad eum; Quid faciemus, vt operemur
& 29. opera DEI? Respondit IESVS, & dixit eis;
Hoc est opus DEI, vt credatis in
eum, quem misit ille.



I XERAT IESVS; *Operamini cibum; non qui perit: sed* 42

qui permanet in vitam aeternam. Illi verò quæsierunt
ab ipso; *Quid faciemus, vt operemur opera DEI?* At
videtur, debuisse potiùs eos quærere, *Quid facie-*
mus, vt operemur istum cibum permanentem in

vitam aeternam? Sed sciendum est, eos vel nomine cibi non aliud
significari putauisse, quàm opus aliquod DEI: vel eos respexisse
ad illud CHRISTI verbum; *Operamini:* & idè quæsiuisse, qua-
ratione possent facere opus DEI, per quod assequantur eum ci-
bium. Et ad hoc respondit CHRISTVS illa verba; *Hoc est opus*
DEI, vt credatis in eum, quem misit ille: quasi diceret, fide oportet
vos quærere hunc cibum, credendo in eum, quem DEVS misit
in mundum; vt det eum cibum hominibus. Quadruplex autem

Quadruplex
opus Dei no-
minatum in
Scriptura.

Ioan. 17.

Ioan. 19.

Hieremia 48.
Serâdum 70.

Iob 14.

opus DEI nominatum in sacra Scriptura reperimus: quorum
vnum est redemptio mundi, & generis humani: de quo suprâ cap.
4. scriptum est; *Meus cibus est, vt faciam voluntatem eius, qui misit me,*
vt perficiam opus eius. Et ipse orans Patrem dixit; *Opus consummauit,*
quod dedisti mihi. Et in cruce iam moribundus dixit; *Consummatum*
est: opus scilicet redemptionis mundi per meam passionem, &
mortem. Deinde, omne mandatum, & obsequium, & ministe-
rium DEI, appellatur opus DEI: sic enim Hieremias dixit; *Ma-*
ledictus, qui facit opus DEI negligenter. Ad hæc, licet omnis crea-
tura sit opus DEI: singulari tamen quadam ratione homo appel-
latur opus DEI: secundum illud Iob; *Operi manuum tuarum por-*
rige dexteram. Et illud Davidis; *Opera manuum tuarum ne despi-*
cias. Opus denique appellatur DEI hoc loco ipsa fides CHRI-
STI; siue credere in ipsum CHRISTVM. Fides porrò dicitur
opus DEI; tum quia est donum solius DEI, secundum illud

Pauli;

Pauli; *Fides*, DEI donum est: tum quia eam à nobis DEVS exigit; cùm ait; *Credite in Domino DEO vestro, & securi eritis*. Et quia fides facit hominem quodammodo diuinum, eleuando ipsum ad cognitionem, & assensum diuinum, & supernaturalem.

Ad Ephesios, Secundo libro Paralipomenon cap. 20.

- 43 Verùm, dicet quispiam, Cùm sint alia DEI opera multò maiora fide; vt est charitas, & iustitia, siue gratia gratum faciens: cur CHRISTVS hoc loco solam fidem nominauit opus DEI? Respondeo, tres ob causas id esse factum. Primò; volebat CHRISTVS Iudæos paulatim abducere, & traducere à lege Mosaica ad Euangelicam: quæ duæ leges distingui solent per opera, & per fidem. Lex enim Mosaica dici solet lex operum, vel factorum: lex autem Euangelica, lex fidei; vt videre licet apud Paulum in tertio, & decimo capite Epistolæ ad Romanos. Nempe, vt Iudæi intelligerent, nudam obseruantiam operum legis Mosaicæ non sufficere ad consequendam salutem æternam: sed opus esse fide. Deinde, quia fides in homine iustificando est primum DEI opus; & magister rudem puerum docens litteras, primò docet prima rudimenta: ab hoc autem fidei opere incipere eos oportet, qui cibum illum CHRISTI spirituales, & diuinum, querunt, & comparare sibi student. His accedit, quia fides quasi fundamentum est aliorum omnium DEI operum, & donorum, & ad ea incitans, & inducens hominem. Si quis enim ductum fidei sequatur, haud dubiè procedet ad alia opera DEI efficienda, & à DEO petenda, atque impetranda.

Cur fides precipuè dicatur opus Dei.

- 44 Ergo, vt more & modo scholastico loquentes strictim, & summatim dicamus, fides septem modis dicitur opus DEI. Primò, & secundò, effectiue: tum quia fides à solo DEO producitur: tum quia fides eleuat mentem hominis ad supernaturalem, & diuinum assensum eius: quod ei credendum proponitur à DEO. Tertio; imperatiue; quia DEVS imperat nobis, & à nobis exigit fidem. Quarto; formaliter; quia fides est ex ordine donorum supernaturalium, & diuinorum. Quintò; obiectiue: quia fidei obiectum est ipse DEVS, & diuina eius mysteria. Sextò; fundamentaliter: quia est fundamentum omnium donorum DEI. Septimò; inductiue; quia sequens fidei ductum, inducitur, & perducitur ad alia omnia DEI opera, & dona expetenda, querenda, & impetranda.

Fides dicitur opus Dei septè modis.

DECIMAQVINTA DISPVATIO.

Super illis verbis:

VER. 32. Non Moyſes dedit vobis panem de cœlo: ſed Pater meus dat vobis panem de cœlo verum.

Explicantur quindecim differentie inter manna Moſaicum, & panem CHRISTI.

DIXERANT Iudæi CHRISTO, Patres ipſorum ac cepiſſe in deſerto per Moyſem manna; quod in Scriptura vocatur panis de cœlo; quocirca, ſi CHRISTVS vellet vt ipſi fidem haberent dictis, & promiſſis eius, tale aliquod ipſe quoque miraculum faceret, ſimilẽque eis cibum aliquem præberet. CHRISTVS itaque reſpondens eis, vult oſtendere verbis in titulo huius diſputationis ſuprà poſitis, panem, quem ipſe promittebat, eſſe longè diuerſum, multoquẽ præſtantiorem, atque optabiliorem; quàm fuerat manna per Moyſem datum patribus ipſorum: multiplex inter vtrunquẽ cibum ſiue panem denotans diſcrimen. Licet autem in hoc CHRISTI ſermone quindecim obſeruare differentias inter illud manna Moſaicum, & panem CHRISTI. Prima differentia; Manna dicebatur panis DEI: quia iuſſu DEI, & per miraculum eius potentie factus, & datus Iudæis erat: erat tamen panis materialis, & terrenus. Panis verò CHRISTI, qui eſt ipſemet CHRISTVS, verè panis eſt DEI: quia CHRISTVS ipſe verus eſt DEVS; & eo pano veſcitur DEVS per æternam, & beatificam ſuæ eſſentie viſionem. Secunda differentia; Manna vocabatur panis Angelorum, vel quia miniſterio Angelorum productus & datus Iudæis erat; vel quia putabatur mitti è cœlo: vbi ſunt Angeli: Vel vt eo modo loquendi ſignificaretur maxima eius cibi excellentia: nam de cibo aliquo delicatiſſimo, & ſuauiſſimo, & pretioſiſſimo ſolet vulgo dici, cum cibum eſſe Angelicum, vel diuinum. Panis autem CHRISTI veriſſimè panis eſt Angelorum; quia per eius contemplationem, & viſionem ſatiantur, & beatificantur mentes

mentes Angelicæ: nempe de tali cibo loquebatur Angelus Raphaël, cum dixit Tobix; *Videtur quidem vobiscum manducare, & bi-* Tobia 12.
bere: sed ego cibo inuisibili, & potu, qui ab hominibus videri non potest, vtor.

- 46 Tertia differentia; Manna non descendebat de cælo propriè dicto: sed de aëre, qui, more loquendi sacræ Scripturæ, sæpe dicitur cælum: Panis verò CHRISTI, qui est ipsemet CHRISTVS, descendit de cælo per assumptionem humanæ carnis: semper tamen in cælo manens secundum diuinitatis suæ maiestatem. Quarta differentia; Manna non erat verus ille panis, quem DEVS daturus erat mundo: sed erat quasi figura veri panis, qui est CHRISTVS: quamobrem Apostolus in cap. 10. prioris Epistolæ ad Corinthios; *Patres, inquit, nostri omnes eandem escam spiritualem manducauerunt, & omnes eundem potum spirituales biberunt:* nimirum in figura, vt ipse declarat: quia manducauerunt manna, & biberunt aquam ex petra productam: quibus rebus spiritualiter præfigurabatur CHRISTVS. Quinta differentia; Manna non erat cibus, & alimentum totius hominis: sed ignobilioris, atque vilioris eius partis; scilicet corporis: Panis autem CHRISTI pascit, & nutrit hominem secundum principalem eius partem: quæ est anima rationalis, intellectu, voluntate, ac memoria pollens. Sexta differentia; Manna non alebat, nec viuificabat nisi hominē viuum: CHRISTVS autem etiam vitā non habenti dat vitam: sicut ipsemet dixit; *Ego veni vt vitā habeant, & abundantius* Ioan. 10.
habeant. Septima differentia; Manna nō præseruabat à morte comedentes ipsum: vnde CHRISTVS in hoc sermone dixit Iudæis; *Patres vestri manducauerunt manna, & mortui sunt.* At panis CHRISTI vim habet seruandi perpetuè vitam spirituales, & præseruandi ab omni morte spirituali, quam affert peccatum, idcirco appellatum mortale. Octaua differentia; Manna non poterat mortuos ad vitam reuocare: Panis CHRISTI mortuis tam spiritualiter, quàm corporaliter vitam præstat: sicut ipse testatur; *Qui manducat hunc panem, viuet in æternum: & ego resuscitabo eum in nouissimo die.* Nona differentia; Manna vni tantum profuit populo Hebræorum: Panis CHRISTI datus est toti mundo: cunctis etiam mortalibus utilis, & necessarius est: sicut ipse dixit; *Quem Pater dat*

Ddd

mundo.

mundo. Decima differentia; Māna duravit tantū per quadraginta annos: panis CHRISTI; vt in sacramento est, durabit vsque ad finem mundi: sicut Paulus dixit; *Quotiescūque manducabitis panem hunc, & calicem bibetis: mortem Domini annuntiabitis, donec veniat.* Et ille panis sacramentalis permanet ad vitam æternam; tum quantum ad effectum: quia copiosam præstat gratiam, qua meremur vitam æternam: tum quia est ipsemet CHRISTVS, qui clarè visus in cœlis, beatorum omnium æternus est, & beatificus cibus. Vndecima differentia; manna fuit cibus, & quasi viaticum quoddam in peregrinatione duntaxat Hebræorum in deserto, nec permanens in terra, quam Iudæis promiserat DEVS: Panis autem CHRISTI & viaticum est in peregrinatione huius vitæ; & cibus, atque præmium est in cœlesti patria: de quo nempe in quodam hymno scitè dictum est à Beato Thoma; Se nascens dedit focium, conuescens in edulium, se moriens in pretium, se regnans dat in præmium. Duodecima differentia; vnum, & idem manna nec semper, nec diu proderat in cibum populis. Sed necessum erat, quotidie nouum manna colligere. Si enim manna vnus diei seruaretur in alterum diem, putrescens vermibus scatebat; & hac re significabatur legis, & legalium imperfectio, futuræque defectio: CHRISTI verò panis, qui est ipse CHRISTVS, permanet in omnem æternitatem, alendis, & viuificandis hominibus abundè sufficiens. Decimatertia differentia; manna dicitur habuisse omne delectamentum in ore, atque gustu comedentium ipsum: sed illud tantū erat corporale delectamentum: Panis autem CHRISTI habet omne delectamentum spirituale, & cœlestium bonorum suauitatem. Decimaquarta differentia; manna non dabat plenam homini refectionem: tantū enim supplebat defectum cibi: non autem potus: Quamobrem Hebræi post acceptū manna, murmurauerunt propter inopiam aquæ. CHRISTVS autem, qui se manducandum, & bibendum præbet homini; vtrumque præstat, & sine vllō defectu, & in perpetuum: sicut ipse dixit in hoc sermone;

*Qui venit ad me, non esuriet; &
qui credit in me, non sitiet
vquam.*

DECIMASEXTA DISPV TATIO.

Super decimaquinta differentia inter Manna Iudaicum, & panem CHRISTI: & de diuersitate miraculorum, quæ fuerunt in illo manna, & quæ sunt in pane CHRISTI.

47 **D**E CIMA quinta differentia inter manna Iudaicū, & panem CHRISTI, est huiusmodi; Multa in illo manna fuere miracula: sunt etiam miracula in pane CHRISTI: sed longè diuersa, & plura, atque insigniora, quàm fuerunt illa. Primum miraculum commemorari potest illud, quod circa saporem, & gustum eius continebat edentibus ipsum. Erat quidem naturalis sapor, & gustus ipsius manna; tanquam sapor similitæ cum melle, & quasi panis oleati. Sic enim in capite decimosexto libri Exodi scriptū est; *Erat manna quasi semen coriandri, album, gustusque eius quasi similitudo cum melle.* Et in capite vndecimo libri Numerorum, sic est; *Colligens populus manna, frangebat mola, siue terebat in mortario, coquens in olla, & faciens ex eo tortulas, saporis quasi panis oleati.* At verò per miraculum, illud manna in ore, & gustu comedentium exhibebat omne delectamentum, & omnis saporis suauitatem: & deseruiens vniuscuiusque voluntati, ad quod quisque volebat, conuertebatur. Hæc enim fermè verba sunt diuinæ Scripturæ, de Manna loquentis, in capite decimosexto libri Sapientiæ. Secundum miraculum in manna: Istud omne delectamentum, omnisque saporis suauitatem manna non quibuslibet præstabat ipsum comedentibus: sed bonis duntaxat, & piis viris. Impij namque, ac rebelles DEO Iudæi, non solum esu illius manna non delectabantur: sed etiam cum fastidio, & nausea ipsum comedebant, & leuissimum cibum, ac nihili appellabant: & quasi pro nihilo ipsum ducentes flagrantissimè concupiscebant Ægyptiacos pisces, & cucumeres, & pepones, & cæpe, & allia, & porros; quibus cibis vsi fuerant in Ægypto. Audiat super ea re lector, impia eorum verba; quæ refert Moyses in vndecimo, & vigesimo primo capite libri

Sex miracula fuisse in manna Iudaico.

Naturalis sapor manna, qualis fuerit.

Numerorum; *Quis dabit nobis ad vescendum carnes? Recordamur piscium, quos manducabamus in Aegypto gratis: in mentem nobis veniunt cucumeres, & pepones, porrique, & cape, & allia. Anima nostra arida est, nihil aliud respiciunt oculi nostri, nisi Man.* Et in capite vigesimo primo eiusdem libri; *Deest panis, non sunt aque: anima nostra iam nauseat super cibo isto leuissimo.* Tertium miraculum: solum manna plenè nutrebat manducantem ipsum, & roborabat, & augebat, & sanum seruabat. Quartum miraculum: Si manna ex vno die seruaretur in vsum alterius diei, nihil proderat: quinetiam putrescebat, scatens vermibus: At verò in die sexto collectum, & seruatum in vsum diei Sabbati, non corrumpebatur: sed ita conducebat ad eum vt in aliis diebus. Quintum miraculum: Quotidie in sex primis diebus hebdomadæ pluebat manna: nunquam autem pluit in die Sabbati; ad commendandam videlicet Sabbati sanctitatem; cuiusque diei religionem, atque obseruantiam in animis Iudæorum excitandam, & roborandam, atque conseruandam. Sextum miraculum; Per quadraginta annos; quibus Iudæi peregrinati sunt in deserto, quotidie pluit manna: postquàm autem ingressi sunt terram promissionis, nunquam pluit manna; in cibi supplementum, & vsum eis datum à DEO: de quo ita scriptum est in capite quinto libri Iosue; *Deseritque manna, postquàm comederunt de frugibus terra; nec vsi sunt vltra cibo illo filij Israel.* Et hæc quidem in illo manna Iudaico fuere miracula.

In Sacramento
Eucharistia,
nouè obserua-
ri miracula.

In pane autem CHRISTI, siue in Sacramento Eucharistia, in 48
que CHRISTVS seipsum dat manducandum nobis, longè plu-
ra, & maiora obseruare licet miracula. Primum miraculum; Idem
CHRISTVS in cælo manens, nec inde recedens, & sine vlla sui
mutatione locali, est realiter, & corporaliter in Sacramento Eu-
charistia. Secundum miraculum; Nec tantum sic est in vna ho-
stia consecrata: sed etiam simul est in omnibus hostiis, quæ per
omnem terrarum orbem consecrantur: quòd si forent infinitæ; in
omnibus simul, & similiter esset. Tertium miraculum; Et si cor-
pus CHRISTI in Sacramento habet omnem suam quantita-
tem, & colorem, & alias qualitates sensibiles; prout tamen est in
Sacramento, nec est visibiliter, nec quantitatiuè quantum ad si-
tum, & coextensionem eius ad locum. Quartum miraculum; Et si
corpus

corpus CHRISTI in se maius est, quàm hostia consecrata: attramen secundum esse, quod ibi habet, totum est in illa hostia, nec extra hostiam consecratam est: nec solum in tota hostia consecrata: sed etiam in qualibet parte eius totum est. Quintum miraculum; Si accidentia illa hostiæ consecratæ corrumpantur, & ex illis fortè generentur vermes, vel aliud quodpiam animal; in eorum generatione ingens fit miraculum: nam vel de nouo creatur materia prima; ex qua producatur forma substantialis illorum animalium: vt multi hoc tempore Theologi arbitrantur: vel, secundum Beatum Thomam: quod maius etiam miraculum videtur, quantitas, quæ fuerat hostiæ consecratæ, supplet locum materię primæ, & in ea producitur forma substantialis eorum animalium, quæ inde generantur. Sextum miraculum; Ipsa conuersio panis, & vini in corpus, & sanguinem CHRISTI: quæ proprio vocabulo appellatur à Theologis transubstantiatio, magni est instar miraculi: talis quippè transmutatio nec alia in re vlla reperitur, & præter omnem est ordinem, cursumque naturæ, & per nullam potestatem creatam: sed per solius DEI tantum omnipotentiam fieri potest. Septimum miraculum; Modus etiam ipse, quo talis fit transubstantiatio, non est sine miraculo: fit enim per verba consecrationis ritè, atque vt oportet, à sacerdote prolata. Itaque sicut naturaliter posita vltima dispositione in materia ad formam ignis producendam, infallibiliter in ea materia producitur forma ignis: ita prolatis à sacerdote verbis consecrationis, infallibiliter in hostia illa consecrata est ipse CHRISTVS. Octauum miraculum; Post consecrationem desinente tota substantia panis, & vini: accidentia tamen eorum non desinunt esse: sed manent: nec manent inhaerentia alij cuiuspiam subiecto: sed per se existunt. Quod profecto præter, & supra naturam est accidentium; quorum esse, (vt in scholis dicitur,) est inesse: quia sine subiecto nec produci, nec permanere naturaliter possunt. Nonum miraculum; Accidentia illa hostiæ consecratæ, etsi sunt sine substantia panis, & vini: habent tamen eandem virtutem naturalem; quam habebat panis, & vinum ante consecrationem, virtutem dico nutriendi, & augendi, & roborandi corpus hominis sumentis ipsa: cum tamen nutritio fiat per conuersionem substantiæ alimenti in sub-

stantiam viuentis. Propter hæc & alia miracula; quæ in hoc pane CHRISTI obseruari possunt, & quæ omnem creatam potestatem & faciendi, & intelligendi superant, canit Ecclesia in hymnis de festo corporis CHRISTI; *Quod non capis, quod non vides, animosa firmat fides præter rerum ordinem. Et, si sensus deficit, ad firmandum cor sincerum sola fides sufficit: præstat fides supplementum sensuum defectui.*

DECIMASEPTIMA DISPUTATIO.

Super illis verbis:

Nemo potest venire ad me, nisi Pater, qui misit me, traxerit eum.

VER. 44.

Explicantur in hac disputatione illa verba; Nemo potest venire ad me.

IN omnibus Ecclesiasticis Conciliis, in quibus ex pro- 49
fesso de gratia DEI, & de libero hominis arbitrio actum est; vt in Concilio Mileuitano, & Arausicano, atque Tridentino; ad demonstrandam necessitatem, & efficaciam diuinæ gratiæ, crebrò vsurpatur hæc Domini sententia. Beatus etiam Augustinus, & quicunque scripserunt aduersus Pelagianos initium fidei & conuersionis hominis ad DEVM attribuētes libero hominis/arbitrio, hac potissimùm Domini sententia falsum eorum dogma confutarunt. Sanè, sententia hæc Domini multa continet cognitu, obseruatūque dignissima; Quapropter diligenter, accuratēque tractanda est; & singula eius verba curiosè, obseruatēque pensitanda sunt.

Quam sit generalis necessitas diuinæ gratiæ.

Illud, *Nemo*, indicat, necessitatem diuinæ gratiæ non esse particularem, nec ad aliquos tantùm homines, & ad aliquod duntaxat certum tēpus pertinere: sed esse generalem, in omni tempore, & in omni hominū statu, atque conditione: tam in lege naturæ, quàm in lege scripta, & in Euangelica: nec solùm in statu naturæ corruptæ: verùm etiā in statu innocētæ, gratia DEI necessaria homini erat ad promerendā vitā æternam; nec solùm homini: sed etiā Angelo.

Illud

- 50 Illud verbum, *Potesť*, denotat, non solum opus esse gratia DEI ad efficiendum actum credendi: sed etiam ad habendum potentiam ad credendum. Verum, duplex est potentia ad credendum: Altera est remota, quæ non est aliud, nisi naturalis aptitudo ad recipiendam fidem, quæ communiter, & naturaliter in cunctis hominibus inest: de qua intelligendum est illud Augustini dictum, satis apud Theologos peruulgatum: Credere, gratiæ DEI est: posse credere, naturæ est: Illud tantummodò fidelium est; hoc autem promiscuè omnium hominum. Altera, est potentia ad credendum propinqua, quam qui habet, liberè potest, cum vult, elicere actum fidei: & hæc à Theologis appellatur habitus fidei: & hic à DEO infunditur hominum animis. Est enim supernaturale DEI donum: sicut Paulus dixit in secundo capite Epistolæ ad Ephesios; *Gratia, inquit, estis saluati per fidem, & hoc non ex vobis: DEI enim donum est.* Sed præter supradictas duas potentias est alia quædam tanquam intermedia ad eliciendum actum fidei, vel ad recipiendum fidei habitum: Et hæc est proxima ad hoc præparatio animi nostri, à DEO facta per illuminationem mentis nostræ, & inclinationem voluntatis ad credendum. Nam quæ credenda homini proponuntur: quia sunt supra caput humanæ mentis, neque præbent homini euidentiam suæ veritatis, propterea opus est diuina illuminatione mentis humanæ, & motione voluntatis.
- 51 Sequitur illud, *Venire ad me*: quod duo significat. Denotat enim libertatem humanæ voluntatis: siquidē ipsum venire, libera est hominis actio. Non igitur hæretici bene argumētabantur, hominem carere libero arbitrio: ex illo altero verbo Domini, quod est in hac ipsa sententia; *Traxerit*: nam qui dixit, *Traxerit*; ante dixerat, *Venire*: haud dubiè per, *Venire*, significans libertatem humanæ voluntatis; per, *Traxerit*, efficaciam diuinæ gratiæ infallibiliter, effectum suum in hominis animo habentis. Verbum porrò, *Venire*, simpliciter positum, significat quemcunque hominis accessum ad CHRISTVM; etiam primum accessum, qui fit per fidem: secundum illud Pauli; *Credere oportet accedentem ad DEVM.* Significatur igitur isto verbo, etiam ad credendum opus esse præueniente gratia DEI: contra id, quod dicebat Pelagius, reuelationem rerum credendarum à DEO esse: rebus autem diuinitus reuelatis, credere,

*De multipli-
ci potentia ad
credendum ea,
quæ sunt fidei
diuina.*

Augustinus.

*Venire, &
trahere quid
hoc loco signi-
ficent.*

*Quid signifi-
cet venire ad
Christum.*

Ad Hebr. 11.

Ad Philip. 1.

Quatuor mo-
di hominum
venire ad
Christum.

Psalm. 33.

Luca 15.
Matth. 11.

Matth. 25.

credere, à nobis, & in nostra esse potestate, reclamante Apostolo, illis verbis; *Vobis donatum est pro CHRISTO non solum ut in eum credatis: sed etiam ut pro illo patiamini.* Cæterum, quatuor modis venit homo ad CHRISTVM; vel per fidem: ut hoc loco significatur: & secundum illud Davidis; *Accedite ad eum, & illuminamini.* Vel per pœnitentiam; sicut filius prodigus dolens, & pœnitens venit ad patrem suum. Vel confugiendo ad CHRISTI præsidium, & auxilium; secundum illud; *Venite ad me omnes, qui laboratis, & onerati estis, & ego reficiam vos.* Vel ut homo remuneretur, & glorificetur à CHRISTO: sicut ipse sanctis suis dicturus est in die Iudicii; *Venite benedicti Patris mei, percipite regnum, quod paratum est vobis à constitutione mundi.*

DECIMAOCTAVA DISPUTATIO.

Super illis eisdem verbis:

VER. 44.

Nisi Pater traxerit eum.

Discutitur opinio quorundam aientium, non omnia bona, quæ à DEO electis, & prædestinatis dantur, dari eis propter meritum CHRISTI.

Cur tractio
hominis ad
Christum spe-
cialiter attri-
buatur Patri.



ET si tractio hominis ad CHRISTVM est opus 52 totius commune Trinitatis: sicut alia omnia, quæ DEVS extra se operatur: ea tamen specialiter attribuitur DEO Patri: quia ei peculiari quadam ratione appropriari solet potentia. Est autem omnipotentia DEI opus, trahere peccatorem ad pœnitentiam, & ad gratiam. Etenim Sancta Ecclesia in sua quadam ad DEVM oratione ait, DEVS, qui omnipotentiam tuam pauendo maxime, & miserando manifestas. Et illud Augustini celebre est, atque in primis fertur; Non minoris esse potentia iustificare impium, quàm fuit creasse mundum.

Augustinus.

Obseruanda est hæc sententia, & nonnullæ aliæ similes in sacra 53 Scriptura; *Nemo potest venire ad me, nisi Pater, qui misit me, traxerit eum.*

eum. Omne, quod dat mihi Pater, ad me veniet. Hæc est voluntas Patris mei, ut omne, quod dedit mihi, non perdam ex eo. Omnis, qui audiuit a Patre, & didicit, venit ad me. Omnis plantatio, quam non plantavit Pa-

Opinio quorundam doctorum.

ter meus cælestis, eradicabitur. Ex huiusmodi enim sententiis argumentati sunt quidam doctores Theologi; nec primam vocationem hominis ad CHRISTVM; nec æternam hominum electionem, atque prædestinationem ad vitam æternam, contingere homini propter meritum CHRISTI: sed propter solum DEI beneplacitum, æternumque propositum voluntatis eius. At, quod credenti in CHRISTVM donetur remissio peccatorum, & gratia iustificans, & potestas faciendi bona opera, quæ sint merita vitæ æternæ, & perseverantia vsque in finem: hæc, inquam, omnia propter CHRISTI meritum dantur homini. Duplex itaque faciunt isti genus diuinorum beneficiorum: Alterum, quod datur homini ob CHRISTI meritum: cuiusmodi sunt ea, quæ proximè commemorauimus. Alterum, quod planè gratuitò ex mera DEI bonitate, & citra cuiusvis meritum, etiam ipsius CHRISTI, donatur homini: & in hoc genere beneficiorum ponunt incarnationem CHRISTI, & æternam electionem hominum ad vitam æternam, & primam vocationem eorum ad CHRISTVM. Videtur huic sententiæ illud fidem facere, quod in illis diuinæ Scripturæ sententiis, quas suprà retulimus, tam prima vocatio hominis ad CHRISTVM, quàm æterna electio, & prædestinatio eius ad cælestem gloriam, assignentur DEO Patri: CHRISTI autem beneficium describatur, missos, & datos sibi à Patre homines recipere in societatem, & participationem bonorum suorum; eos videlicet iustificando, & magnificando, ac denique glorificando. Et hæc quidem istorum est sententia.

An beneficium æternæ electionis hominum ad vitam æternam, & prima vocationis eorum ad Christum, dentur eis propter meritum Christi.

54. At enim, isti sententiæ aduersari videtur id, quod in primo capite Epistolæ ad Ephesios scripsit Beatus Paulus: vbi loquens de DEO ait; *Qui benedixit nos in omni benedictione spirituali, in cælestibus, in CHRISTO.* Omnis itaque spiritualis, & ad cælestia bona spectans, DEI super homines benedictio, secundum Paulum facta est in CHRISTO: siue per CHRISTVM; id autem est, propter meritum CHRISTI: sed tam vocatio hominū ad CHRISTVM, quàm æterna electio eorum ad cælestem gloriam, sunt

Discutitur supradicta opinio.

Ecc spir

spirituales benedictiones DEI super homines: ergo ista contingunt homini propter meritum CHRISTI. Deinde in illo eodem loco, & paulò post ea verba, quæ proximè posuimus, scribit hæc Paulus; *Elegit nos in ipso ante mundi constitutionem, & prædestinavit nos in adoptionem filiorum per IESVM CHRISTVM.* Quibus verbis non obscurè significatur, æternam electionem, & prædestinationem hominum, factam esse propter meritum CHRISTI. Ad hæc, Beatus Ioannes in tertio, & decimotertio capite huius Euangelij ait, DEVM Patrem omnia dedisse in manu CHRISTI. Si omnia dedit in manu eius; ergo etiam æternam hominis electionem ad cœlestem gloriam, & primam eius vocationem ad ipsum CHRISTVM, dedit in manu eius; nempe, vt per ipsum, & propter meritum ipsius dentur hominibus. Præterea, CHRISTVS dixit: vt refert infrà Ioannes cap. 15. se vitem esse; sanctos autem esse palmites huius vitis. Sicut igitur omne bonum, quod est in palmitibus, ex virtute ipsius vitis provenit, & permanat ad ipsos palmites: ita omne bonum, quod datur electis, & prædestinatis, etiam ipsa eorum electio, & prædestinatio; datur eis propter virtutem, & meritum CHRISTI. Beatus etiam Ioannes in capite primo huius Euangelij, de CHRISTO scripsit illa verba: *De plenitudine eius nos omnes accepimus, & gratiam pro gratia: quia lex per Moysen data est, gratia, & veritas per IESVM CHRISTVM facta est.* Quibus verbis plapè significatur, omnem gratiam accepisse homines de plenitudine gratiæ CHRISTI. Non enim dixit, hanc, vel illam gratiam esse per CHRISTVM factam: sed præcisè, ac simpliciter, gratiam esse per eum factam, id autem est, omnem gratiam, quæ fit, & datur hominibus. Idem quoque confirmatur illis verbis; *Gratiam pro gratia:* quæ, secundum phrasim Hebraicam, satis in diuina Scriptura vsitata; significant omnem gratiam: sicut nos ostendimus, cùm in eorum verborum explicatione versaremur. Ergo si omnis gratia facta est per CHRISTVM, & de plenitudine gratiæ eius accepta: ex eo concludere licet, gratiam quoque electionis hominum ad vitam æternam, & vocationis ipsorum ad CHRISTVM, ex plenitudine gratiæ, ac meriti CHRISTI provenire. Denique isti doctores videntur satis restringere amplitudinem, eleuareque dignitatem, ac minuere virtutem,

tutem, atque pretium meriti CHRISTI, excludentes ab eo duo magna hominum bona; electionis eorum ad vitam æternam; & vocationis ad CHRISTVM. Nam quia CHRISTVS fuit homo, idémque DEVS, propterea meritum eius non humanum modò: sed diuinum etiam fuit: & idè infinitatem quandam habuit dignitatis, & virtutis, atque pretij apud DEVM: vt eius vis, & efficacia extendatur ad omnia bona, quæ sub meritum cadere possunt. Cùm igitur illa duo bona electionis ad vitam æternam, & vocationis ad CHRISTVM, cadere potuerint sub meritum CHRISTI: nullam enim super hoc fingi potest esse repugnantiam; negandum non est, ista etiam bona in CHRISTI merito contineri. Verùm hæc satis sunt: nam subtilior, exactiorque super hac re dissertatio, neque huius loci, neque instituti nostri est: sed Theologis scholasticis relinquenda.

DECIMANONA DISPUTATIO.

Explicatur subtilius, & copiosius illud verbum; Traxerit.

55



ILLUD verbum, *traxerit*, ex parte DEI trahentis, duas res denorat; DEI scilicet gratiam, quæ præuenit omnem præparationem humanæ voluntatis: nam, vt dixit Augustinus; qui trahitur, is antè non veniebat: si enim ultro, & sponte venisset, non esset tractus. Trahitur igitur, quia licèt ipse voluntariè veniat: præuentus tamen DEI gratia est, vt venire vellet, & posset. Deinde, significatur isto verbo; *traxerit*, efficacia diuinæ gratiæ, quæ nullo modo frustratur effectu, ad quem dirigitur à DEO. Quemadmodum enim, qui trahitur, non potest eo non moueri, quo trahitur ab alio: ita qui efficaciter à DEO mouetur ad CHRISTVM, necessariò ad eum venit, & ab eo iustificabitur. Dixi, necessariò; non quidem necessitate naturæ, vel coactionis: sed, vt loquimur in scholis, necessitate infallibilitatis. Hæc porro infallibilitas nititur tum immutabili decreto DEI voluntatis; tum certissimâ CHRISTI promissione, quam ipse & verbis suis tradidit, & ad perpetuam posterorum fidei confirmatio-

Verbum, traxerit, duo significat.

Augustinus.

Ecc 2 nem.

nem; scriptis etiam proditam, & testatam esse voluit. Hanc enim eius promissionem illæ continent eius sententiæ; *Omne, quod dat mihi Pater, ad me veniet: & eum, qui venit ad me, non eijciam foras.* Augustinus illud; *Non eijciam foras*: sic interpretatur, Ad meæ gratiæ, & iustitiæ, omniumque bonorum meorum participationem admittam. Huc etiam spectat illa eiusdem CHRISTI sententia; *Hæc est voluntas Patris mei, ut omnis, qui videt Filium, & credit in eum, habeat vitam æternam.*

Augustinus.

An possit homo voluntariè trahi ab alio.

Sed cum istud verbum, (trahere) significare videatur aliquid 56
involuntarium, & inuitum, atque repugnans, declarandum est quomodo id bene quadret ad eum, qui vocatus à DEO venit ad CHRISTVM; cum nullus hominis ad CHRISTVM spiritualis accessus; nisi planè voluntarius sit, aut homini utilis, aut DEO gratus, esse queat. Est itaque sciendum, in ipsa etiam tractione corporali posse fieri, ut quis trahatur ab alio non inuitus: sed volens, maximèque cupiens: trahitur is tamen quia propter infirmitatem corporis, non potest eò mouere se, quò venire cuperet; ut contingit paralyticis: similiter etiam homo, propter peccata adeò infirmus est; ut se ad DEVM mouere nequeat. Ut igitur denotetur hæc hominis infirmitas, significantissimè dicitur, ipsum trahi à DEO. Et quid de paralyticis suprà dixi, venit nunc in memoriam ille paralyticus Euangelicus, qui ab aliis deportatus est ad CHRISTVM, ut ab eo sanaretur; de quo ita scripsit Lucas cap. 5. *Et ecce viri portantes in lecto hominem, qui erat paralyticus, & querebant eum inferre, & ponere ante IESVM: Et non inuenientes, quare illum inferrent, præ turba, ascenderunt supra tectum, & per tegulas submiserunt eum cum lecto in medium ante IESVM.*

Quomodo in homine, qui trahitur ad Christum, sit aliquid involuntarium, & repugnans, & aliquid etiam voluntarium.

Deinde etiam in eo, qui venit ad CHRISTVM, cernere licet 57
aliquid involuntarium, & repugnans. Etenim duplex in homine pars distingui debet; superior, & inferior: illam vocare solet Paulus spiritum: hanc verò, carnem. Duplex item distinguendum est tempus: Alterum, præcedens ipsam DEI attractionem: alterum verò, in quò homo trahitur à DEO. Si consideretur tempus ante DEI attractionem, reperimus in homine aliquid involuntarium, & repugnans. Trahit enim DEVS hominem plerumque antea nolentem venire ad ipsum, & sæpius vocationi repugnan

gnantem. Sed eum DEVS trahendo facit; vt Augustinus ait, *ex* Augustinus.
 nolente volentem, ex repugnante amantem; ex renitente, secum
 consentientem, atque cooperantem. Illusterrimum habemus hu-
 ius rei exemplum in conuersione Beati Pauli; qui ante vocatio-
 nem ipsius non solum erat nolens credere in CHRISTVM: sed
 etiam credentes in ipsum atroci odio insectabatur, perdere eos cu-
 piens, omnemque Christianorum sectam de medio tollere. Hoc
 enim ostendunt verba illa Lucae; *Saulus spirans minarum, & cecidit in* Tocum Ali. 2.
discipulos Domini, accessit ad principem sacerdotum, & petijt ab eo epi-
stolas in Damascum ad synagogas; vt si quos inuenisset huius via viros, ac
mulieres, vincitos perduceret in Hierusalem. At verò cum à DEO vo-
 catus, & attractus est, ex nolente factus est volens; ex repugnan-
 te ipsi CHRISTO, factus est obsequens ei: id enim indicant ver-
 ba illa, quæ tunc ipse dixit; *Domine, quid me vis facere?* Sanè, vo-
 catio ista Pauli, verissimè, & aptissimè dici potest tractio ejus ad
 CHRISTVM: quia per magnam DEI virtutem compulsus quo-
 dammodo est venire ad CHRISTVM. Hæc indicant illa verba;
Cum iter faceret: contigit vt appropinquaret Damasco: & subito cir-
cumsussit eum lux de caelo: & cadens in terram audiuit vocem dicentem
sibi; Saule, Saule, quid me persequeris? Et paulò post; *Et tremens, &* ad 9.
stupens dixit, &c. & erat tribus diebus non videns, & non manducauit,
neque bibit. De huiusmodi tractionis genere loquens Sancta Ec-
 clesia in sua quadam ad DEVM oratione ait; *Et nostras ad te rebel-*
les compelle propitius voluntates.

- 58 Habet etiam homo peccator, dum trahitur à DEO, aliquid in
 se repugnans: carnem scilicet; licet mente consentiat DEO, &
 in ejus tractione, & vocatione acquiescat: nempe, per virtutem
 diuinæ gratiæ carnem suam eò trahit, quò tendit spiritus; inuitam
 licet, atque repugnantem. Nam quemadmodum corpus nostrum,
 propter grauitatem naturaliter fertur deorsum, non quit sursum
 ascendere, nisi trahatur per virtutem animæ: quæ quidem tractio,
 licet corpori; vt corpus quoddam mistum est, sit repugnans; vt
 est tamen corpus animatum, naturaliter ei conueniens est. Consi-
 mili quoque ratione, cum homo peccator sit grauis corde: sicut
 ait David; *Filij hominum vsquequo graui corde? vt quid diligitis va-* Tocum Psal. 4.
ritatem, & queritis mendaciam? Est enim naturali cupiditate pronus

ad terrena bona: nō potest erigere se ad cœlestia, & diuina; nisi eò trahatur per efficacem virtutem cœlestis gratiæ, quæ est tanquam anima animæ nostræ. Suprà dictam autē in homine carnis, & spi-

Ad Rom. 7. ritus inuicem repugnantiam docuit nos Apostolus scribens; *Condelector legi DEI secundum interiorem hominem: video autem aliam legem in membris meis repugnantem legi mentis meæ, & captiuantem me*
Ad Galat. 5. *in lege peccati, quæ est in membris meis.* Et alio loco; *Caro concupiscit aduersus spiritum, & spiritus aduersus carnem: hæc enim inuicem aduersantur, ut non quacunque vultis, illa faciat.* Hanc hominis in seipso
Augustinus. repugnantiam se in sua conuersione ad DEVM sæpius expertum esse, testatur Augustinus in libris suarum confessionum.

VIGESIMA DISPUTATIO.

Aliter hominem trahi à creaturis, & aliter à DEO trahi: & quibus modis ad se trahat DEVS hominem.

Quomodo creatura trahant voluntatem hominis.



TRAHITUR homo à creaturis, trahitur à DEO: § 9
 sed diuerso modo. Creatura enim non potest immediatè trahere voluntatē effectiuè: anima quippe rationalis, cuius potentia est voluntas: sicut in sui productione, atque conseruatione: ita in operatione sua à nulla creata causa immediatè pender effectiuè. Solum igitur creatura trahere potest hominem obiectiuè; vel quia ipsa est obiectum habens speciem boni conuenientis voluntati, & ab ea amati; vel quia ipsa tale aliquod obiectum ei offert. Hac ratione avarus trahitur à pecunia, ambitiosus ab honore, voluptuosus à voluptate, philosophus à veritate: denique, ut Poëta dixit; *Trahit sua quemque voluptas.* Sed huiusmodi tractio voluntatis à creatura non potest esse omninò efficax, nec infallibilem habere effectum: eum enim creatura sit finitæ naturæ, & perfectionis, atque bonitatis; non potest voluntati offerre, nisi bonum finitum: at voluntatis obiectum est omne bonum appetibile, quod infinitè patet.

DEVS autem & effectiuè, & obiectiuè trahere potest voluntatem

tatem : effectiue ; quia cum sit prima causa efficiens , & mouens , alias omnes causas , sibi subordinatas , & à se omnino pendentes mouet ad agendum , & cum omnibus concurrat effectiue ad omnes earum actiones . Trahit quoque D E V S obiectiue voluntatem : quia cum D E V S sit conditor voluntatis , & perfectissimam omnium rerum quoquo modo scibilium habens scientiam , optime scit , quibus bonis obiectis trahatur cuiuscunque hominis voluntas . Et cum sit infinite bonus , & potens , potest voluntati offerre omne bonum ab ipsa expetibile . Simpliciter tamen , nullum in hac vita est obiectum bonum , quod ex se necessariò trahat voluntatem : id enim proprium est D E I clarè visi à beatis . Quibus autem modis D E V S ad se in hac vita trahat hominem , indicauit ipse per Oseam illis verbis ; *In funiculis Adam traham eos , in vinculis charitatis* : quasi diceret ; Non traham eos funiculis , quibus trahuntur animalia , id est , non traham violenter : sed traham funiculis , quibus homines voluntariè , ac libenter trahi solent , id autem est , promissis , beneficiis , ostenso amore , oblata bonitate , reuelata veritate : & hoc declaratur illis proximè sequentibus verbis ; *In vinculis charitatis* . Cur autem D E V S trahat electos ad se per Hieremiam docuit nos illis verbis ; *In charitate perpetua dilexi te ; idèò attraxi te , miserans tui* . Hominis itaque attractio , quæ fit à D E O , & ad D E V M : ex æterna dilectione , & misericordia prouenit , quæ D E V S ab æterno dilexit , & elegit hominem ad vitam æternam , & in tempore vocauit eum efficaciter ad gratiam .

Locus Osea cap. 11.

Locus Hieremia cap. 31.

- 61 Necessitatem porrò , simulque efficaciam diuinæ tractionis ad ipsum D E V M , demonstraui sponsa loquens cum sponso illis verbis ; *Trabe me : post te curremus in odorem vnguentorum tuorum* . Quasi diceret , Nisi tu me traxeris , ego non curram post te , sentiens odorem vnguentorum tuorum . Sed quæ sunt ista sponsi vnguenta , quorum odore sponsa tracta à sponso , currit post ipsum ? Sunt quatuor . Primum vnguentum est indeficiens D E I clementia erga peccatores verè pœnitentes , quibus , vt in quodam Hymno canit Ecclesia , (culpæ , & supplicia remittit , & dat præmia .) Odorem huius vnguenti sponsa percipit ex illis D E I verbis ; *Nolo mortem peccatoris : sed magis vt conuertatur , & viuat* . Et ex illis ; *Derelinquat israh impius viam suam , & vir iniquus cogitationes suas , & reuertatur ad Dominum* ,

Locus Cantarum cap. 1.

Quatuor vnguenta sponsæ , quæ sunt odore capta sponsa , currit post ipsum . In festo Beata Magdalena Ezech. 18.

minum, & miserebitur eius, & ad DEVM nostrum: quoniam multus est ad ignoscendum. Tantæ igitur clementiæ DEI erga peccatores pœnitentes fiducia trahitur animus hominis ad DEVM, vt ab eo petat, & impetrare speret veniam peccatis suis.

Secundum sponſi vnguentum est feueriſſima eius iuſtitia ad- 62
uerſus peccatores impœnitentes, ſempiternis inferni cruciatibus, atque ſuppliciis eos punientis: cuius odorem vnguenti percipit ſpôſa ex illis Domini verbis; *Niſi pœnitentiã habueritis, omnes ſimiliter peribitis.* Et ex illis verbis Apoſtoli; *Secundum duritiã tuam, & impœnitens cor, theſaurizas tibi iram in die iræ, & reuelationis iuſti iudicij DEI: qui reddet unicuique ſecundum opera ſua.* Atque huius odore vnguenti vehementer animus hominis retrahitur à peccando; vel ſi iam peccauit, à perſeuerando in peccatis; vehementerque trahitur ad DEVM: vt ab eo ſuppliciter veniam peccatis ſuis petat, eiſque deinceps perpetuò ſeruire conſtituat, quò æterna euadat ſupplicia.

Tertium vnguentum eſt iuſtitia DEI benigniſſimè in cœlis 63
remunerans iuſtos æternis bonis, & gaudiis; quorum magnitudo, & præſtantia, nec verbis declarari, nec humanæ mentis intelligentia comprehendere poteſt. Huius vnguenti ſenſum odoris capit ſponſa ex illis verbis Scripturæ; *Oculus non vidit, nec auris audiuit, nec in cor hominis aſcendit, quæ præparauit DEVS iſs, qui diligunt illum.* Odore huius vnguenti validè trahuntur homines ad ſeruanda DEI mandata: ſicut Dauid ait; *Inclinauit cor meum ad faciendas iuſtificationes tuas propter retributionem.*

Quartum ſponſi vnguentum, cuius eſt odor fragrantiffimus, 64
& potentiſſimus ad trahendum animum hominis ad CHRISTVM, eſt exemplum paſſionis, & mortis CHRISTI, quam ille, ſumma voluntate, atque charitate, pro ſalute hominum obiuit, nempe Dominus ipſe dixit; *Ego, ſi exaltatus fuero à terra, omnia traham ad meipſum.* CHRISTVS enim, cùm eſſet verus DEVS, non ſolùm homo pauper, & humilis, humanarumque miſeriarum particeps, noſtra cauſa factus eſt: ſed acerbiffimam quoque, atque ignominioſiſſimam crucis mortem, ſciens, volensque perpeſſus eſt; vt DEVM, noſtris offenſum peccatis, placatum nobis, & propitium redderet: noſque à ſeruitute peccati, & poteſtate Dia-
boli,

boli, reatúque mortis æternæ redimeret; & per gratiam suam DEI filios, & diuinorum bonorum participes faceret. Huius tantæ CHRISTI erga homines charitatis contemplatio, fortissimè trahit animum hominis ad CHRISTVM: non modò vt eum colat, & diligat: verùm etiam vt ad quodcunque pro illius nomine subeundum, atque ferendum: quantumuis asperum, & cruciabile sit, horrendúmque humanis sensibus esse videatur, paratissimus, & promptissimus sit. Et hæc quidem sunt quatuor sponi vnguenta, quorum odore vehementer ad ipsum trahebatur sponsa, vt mirandum non sit, dixisse eam sponso; *Post te curremus in odorem vnguentorum tuorum.*

VIGESIMAPRIMA DISPV TATIO.

Tractatur illa questio; An, quòd homo non trahatur à DEO, semper sit culpa ipsius hominis.

65 **E**X eisdem illis Domini verbis; *Nemo potest venire ad me, nisi Pater, qui misit me, traxerit eum*, grauis existit questio; Si quicumque trahitur à DEO, venit ad CHRISTVM; & nemo venit ad CHRISTVM, nisi tractus à DEO: hominem autem trahi à DEO, non est in potestate ipsius hominis: sed in voluntate DEI: ergo qui non venit ad CHRISTVM; non sua culpa non venit: sed quia non est tractus à DEO: quapropter is non videtur in eo culpabilis, nec dignus pœna.

Ad hanc questionem communis, & peruulgata est responsio; *Communis responsio ad questionem.* Qui à DEO non trahitur; eum ponere obicem, & peccatis suis obstat vt in presenti non trahatur à DEO. Verùm, contra hoc solet illud obiici; Cùm omnes homines, qui gratia DEI non sunt præuerti, in peccatis sint, & obicem ponant; cur DEVS ex istis aliquos trahit, & alios non trahit?

Ad quod respondet Augustinus; *Augustinus.* Cur trahat hunc, & illum non trahat, noli iudicare; si non vis errare: Tu, si non traheris, cura vt traharis. Quo responso reuocare nos Augustinus voluit à curiosa huius rei serutatione, quæ in occultissima DEI latet prouidentia: simulque persuadere no-

bis voluit, quicumque trahuntur à DEO; benignissima eius misericordia trahi: quicumque verò non trahuntur, iudicio DEI plerumque nobis occulto; semper tamen iustissimo, non trahi. Ponam hinc ipsa Augustini verba; quæ sunt in Tractatu vigesimo sexto eius in Ioannem; & super istis verbis; *Nemo potest venire ad me, nisi Pater meus traxerit eum.* Magna, inquit, gratiæ est commendatio in istis verbis; nemo enim venit, nisi tractus. Quem trahat, & quem non trahat: quare illum trahat, & illum non trahat, noli velle iudicare; si non vis errare. Semel accipe & intellige: Non traheris, cura ut traharis. Sic Augustinus.

Chrysost.
Theophylact.
Euthymius.

Ad eandem porro quæstionem responsio Chrysostomi, Theophylacti, Euthymij, aliorumque complurium, esse videtur huiusmodi: Sicut magnes non quodlibet corpus indifferenter trahit ad se: sed tantummodò ferrum; quod habeat naturalem cum eo convenientiam: ita DEVS non quemvis hominum trahit: sed eos duntaxat, quos præparatione bonæ voluntatis, reperit idoneos, & dignos ut ab ipso trahantur: secundum illud; *Pax hominibus bonæ voluntatis.* Sic isti: quorum sententia, primo aspectu, fauere videtur Pelagianis, qui aiebant, initium fidei, & iustificationis nostræ esse à nobis: consummationem autem esse à DEO. Attamen satis constat, Chrysostomum pluribus locis docere apertè, gratiam DEI esse fontem omnium bonorum, & initium omnis boni, quodcumque in homine fuerit, ad spirituales eius salutem, æternamque vitam pertinens.

Luc. 2.

Explicatur
supradicta
Chrysostomi
sententia.

Tres Dei motus in hominis animo ante iustificationem eius.

Quò planius itaque Chrysostomi sententia intelligatur, scire 67
conuenit, ante iustificationem hominis, plures in eius animo, & varios esse DEI motus, quorum alij sunt priores, alij posteriores. Primus motus est ipsius intellectus hominis, illustrando eum ad considerandum id, quod homini bonum est, & conducens ad æternam eius salutem. Secundus motus est voluntatis, afficiendo, & molliter inclinando eam ad cupiendum, & desiderandum illud bonum, intellectui propositum. Tertius motus est ipsa tractatio hominis ad DEVM, continens efficacem persuasionem intellectus: quod bonum ei propositum sit homini conueniens, atque conducens: & item efficacem inclinationem voluntatis ad illud bonum volendum, & amplectendum. Ex his apparet, eum, qui
confer

consentit primo motui, idoneum fieri ad secundum motum: & qui primo, & secundo motui consentit, idoneum fieri ad tertium. Ex aduerso autem, qui renititur primo motui, non est idoneus ad secundum: & qui primo, & secundo renititur, minimè idoneus est tertio motui. Quicumque itaque secundum viam ordinariam trahitur à D E O, idoneus sit vt trahatur, supradictis duobus primis moribus consentiendo: id autem non à se tantum, aut potissimum, neque ex virtute liberi arbitrij: sed principaliter ex gratia D E I præueniente hominem, & idoneum faciente per illas duas primas motiones. Et hinc manifestum esse potest, quemadmodum supradicta Chrysostomi sententia sit intelligenda: sic autem intellecta non fauet Pelagianis: sed bene cum Catholica doctrina consentit.

VIGESIMASECVNDA DISPUTATIO.

Super illis verbis:

Fatres vestri manducauerunt manna in deserto, & VER. 49.
mortui sunt: hic est panis de cælo descendens,
vt si quis ex ipso manducauerit,
non moriatur.

68 **N**ON leuem hæc verba continent difficultatem. Vel *Quomodo intelligendū sit, Iudæos in deserto manducantes manna, esse mortuos: qui autē manducant panem Christi, non mori.*
enim agitur de morte corporali, vel de spiritali. Si de corporali: sicut Iudæi manducantes manna mortui sunt corporaliter: ita etiam Christiani manducantes panem CHRISTI moriuntur morte corporali. Si agitur de morte spiritali, falsum est, omnes Iudæos, qui manna in deserto manducauerunt, esse mortuos spiritaliter; id est, reprobatos à D E O, æternæque morte damnatos. Quod manifestè licet cernere in Moyse, Aaron, Phinees, Iosue, & aliis, qui manducauerunt illud manna, & D E O placuerunt. Quin etiam multi manducantes panem CHRISTI, moriuntur spiritaliter: quia indignè manducant eum panem: & sicut Apostolus dixit; *Iudicium sibi manducant, & bibunt.*

1. ad Cor. xij.

*Interpretatio
B. Augustini.*

Matthai 23.

Augustinus.

1. ad Cor. 11.

*Qualis prae-
paratio animi
requiratur
ante percep-
tionem sacra-
menti Eucha-
ristiae.
Matth. 6.*

Beatus Augustinus interpretatur hoc de morte spirituali; & illud, *Patres vestri*, intelligendum esse ait de Iudæis duntaxat incredulis, atque impiis: quales tunc in illo populo fuere quamplurimi: & quorum similes erant, quantum ad incredulitatem, isti Iudæi, cum quibus CHRISTVS hunc sermonem habuit: & ideo CHRISTVS illos appellauit Patres istorum. Similiter etiam alio loco de illis dixit: *Et vos implete mensuram patrum vestrorum; serpentes, genimina viperarum, quomodo fugietis à iudicio gehenna?* Augustini verba in Tractatu vigesimo sexto in Ioannem, sunt hæc: Quare illi manducantes manna mortui sunt? quia quod videbant, credebant; quod non videbant, non intelligebant: & ideo Patres vestri, quia vos similes estis illorum. Nam quantum ad mortem hanc visibilem, & corporalem, similiter nos morimur, qui manducamus panem CHRISTI de cælo descendentem. Quantum verò pertinet ad illam mortem; de qua terret eos Dominus, dicēs; *Patres vestri mortui sunt*. Manducauerunt illud manna Moyses, Aaron, & Phinees, & alij multi; qui Domino placuerunt, & ideo mortui non sunt; quia visibilem illum cibum spiritualiter intellexerunt, spiritualiter esurierunt, spiritualiter gustauerunt, vt spiritualiter satiarentur. Nam & nos hodie accepimus visibilem cibum; sed aliud est Sacramentum; aliud est virtus Sacramenti. Quam multi de altari accipiunt, & moriuntur, & accipiendo moriuntur; Vnde Apostolus dixit; *Iudicium sibi manducat, & bibit*. Nōne buccella Dominica venenum fuit Iudæ? & tamen accepit; & cū accepit; in eum Diabolus intrauit: non quia malum accepit: sed quia bonum malè malus accepit. Videte ergo fratres, panem cælestem spiritualiter manducantes, innocentiam ad altare apportare: peccata, etiam si sunt quotidiana; vel non sunt mortifera, ante quàm ad altare accedatis; attendite vt dicatis; *Remitte nobis debita nostra: sicut & nos dimissimus debitoribus nostris*. Si dimiseris, dimittetur tibi. Sic autem securus accede; panis est, non venenum. Ergo illi Iudæi manducantes manna mortui sunt: non quia malum erat manna; sed quia malè ipsum manducauerunt. Hactenùs ex Augustino.

Caietanus.

Videtur satis congrua, & probabilis horum verborum explanatio; quæ est apud Caietanum. Ait ille, differentiam inter man-

na Iudaicum, & panem CHRISTI, p̄enes mori & non mori, hic traditam à CHRISTO, intelligi debere secundum quandam proportionem. Ea verò proportio in eo consistit, quòd sicut manna datum est Iudæis ad tuendam eorum vitam corporalem: ita panis CHRISTI datus est mundo ad conseruandam vitam spiritualem. Hinc autem statim enotescit suprà dicta differentia: nam illud manna non potuit semper seruare vitam corporalem, cuius gratia dabatur: quomobrem Dominus dixit; *Patres vestri manducauerunt manna, & mortui sunt.* Panis verò CHRISTI semper vitam spiritualem præstat, cuius gratia datur; scilicet, quantum in ipso est: habet enim per se virtutem perpetuandi vitam spiritua-
 tualem.

- 70 Equidem puto, absolutam horum Domini verborum interpretationem fore huiusmodi; Patres vestri manducauerunt manna: vt viuerent; neque tamen per eius cibi esum perpetuam vitam consequi potuerunt; neque corporalem: quia mortui sunt: neque spiritualem: quia plurimi eorum peccauerunt. Panis autem CHRISTI præstat vitam simpliciter, & arcet mortem, tam corporalem, quàm spiritualem. De spiritali non est dubium: habet enim vim, quantum in ipso est, seruandi perpetuò vitam spiritualem. Idem quoque de corporali vita dici debet. Licet enim manducans panem CHRISTI, moriatur corporaliter; ad breue tamen tempus moritur: ita vt illa mors somnus appelletur in Scriptura. Iterum enim victurus est, & nunquàm vltra moriturus: quod ei præstabitur per gloriosam corporis resurrectionem. Vnde hoc loco dixit Dominus; *Et ego resuscitabo eum in nouissimo die.* Deinde manducans panem CHRISTI, ex ipso habet iam semen, pignus, & ius vitæ æternæ, suo tempore possidendæ per corporalem resurrectionem.

Authoris interpretatio.

SEQUITVR POSTERIOR PARS

sermonis Domini: incipiens ab illis verbis: *Et panis, quem ego dabo, caro mea est pro mundi vita:* in qua parte agitur de spiritali, simulque reali manducatione corporis CHRISTI, quæ fit in sacramento.

VIGESIMATERTIA DISPUTATIO.

*Probatur quatuor rationibus, in posteriori hac sermonis parte
agi de reali, & sacramentali perceptione corporis,
& sanguinis CHRISTI.*



CUM spiritualis manducatio corporis CHRISTI sit vniuersaliter, & simpliciter necessaria; & necessariò præcedat realem, & sacramentalem manducationem CHRISTI, quæ dignè, ac fructuosè fit: idcirco CHRISTVS cum in priori parte huius sermonis de spirituali māducatione satis dixisset; in posteriori parte eiusdem sermonis aggreditur explicare alteram manducandæ carnis suæ, bibendique sanguinis rationem, quæ & spiritualis est, simulque realis; & fit in perceptione sacramenti, multò sanè mirabilior, multoque perfectior.

Quod autem in supradictis verbis, à quibus incipit posterior hæc pars, & in aliis verbis deinceps sequentibus, CHRISTVS agat de spirituali, & reali manducatione sui corporis; qualis fit in perceptione sacramenti, quatuor rationibus in hoc loco demonstrare, ac probare volumus. Prima ratio; Verba, quibus vtitur Dominus in hac posteriore sermonis parte, secundum propriam eorum significationem, satis apertè ostendunt, agi hoc loco de reali māducatione corporis CHRISTI. Hoc enim indicant illa verba: *Panis, quem ego dabo, caro mea est: Caro mea verè est cibus, & sanguis meus verè est potus: Qui manducat meam carnem, & bibit meum sanguinem, in me manet, & ego in illo: sicut misit me viuens Pater, & ego vivo propter Patrem, & qui manducat me, & ipse viuet propter me.* Enimuerò illa verba, manducare carnem, & bibere sanguinem, realem vtriusque perceptionem non obscure significant. Si enim verba hæc nō significant hoc loco realè manducationem CHRISTI; qua ratione conuinci poterunt Hæretici sacramentarij, verba illa, quibus vsus est CHRISTVS instituendo sacramentum Eucharistiæ in vltima cœna, quæ sunt; *Manducate, & bibite*; non spirituales tantum: sed realem quoque manducationem significare?

Math. 26. Verba autem, quibus tunc vsus est CHRISTVS, hæc sunt; *Accipite,*

pite, & comedite: hoc est corpus meum. Et, *Bibite ex hoc omnes: hic est enim sanguis meus.* Verum profectò est documentum magni Basilij in Oratione nona in Hexameron, & Tertulliani in libro de carne CHRISTI, & Epiphaniij contra Hæresim sexagesimam primam, & Augustini in capite decimo libri tertij de doctrina Christiana; in tractatione diuinarum Scripturarum quærentibus literalem earum sensum, non esse discedendum à propria significatione verborum Scripturæ: nisi cùm manifesta falsitas, vel absurditas, quæ sequeretur verba secundum literalem sensum accepta, cogit nos ea figuratè intelligere, atque interpretari. Nihil verò absurdi est, si supradicta verba de reali manducatione Domini accipiantur.

Valde obseruandum quærentibus literalem sensum sacra Scriptura, documentum Basilij, Tertulliani, Epiphaniij, & Augustini.

- 72 Secunda ratio: Solebat CHRISTVS præcipua mysteria sua, quæ postea euentura erant, prædicere, ac prænuntiare, suosque potissimum prædocere: tum quò facilius postea, cùm euenirent, intelligerentur, atque crederentur: tum etiam ut manifestum esset, ea non casu, aut incito, & inuito CHRISTO: sed eo sciente, ac volente contigisse: hanc ob causam sæpius prædixit passionem, & mortem suam, & resurrectionem à mortuis, & ascensionem ad cælum, & aduentum Spiritus sancti. Cùm igitur sacramentum Eucharistiæ vnum esset de maximis Fidei mysteriis creditu difficillimis, plus quàm verisimile est, de eo CHRISTVM discipulos suos præmonuisse, ac prædocuisse: si autem id non fecit in hoc sermone; nusquam alibi fecit. Suffragatur huic sententiæ Augustinus in capite primo libri tertij de consensu Euangelistarum, scribens, propterea Ioannem describendo vltimam cœnam CHRISTI, nihil esse locutum de institutione sacramenti Eucharistiæ; de qua tres alij Euangelistæ prodiderunt: quia de eo sacramento alibi copiosè scripserat; hunc nimirum sermonem Domini enarrando. Chrysostomus quoque in Homilia octogesima tertia in Matthæum, tractans illa Domini verba; *Hoc est corpus meum*: quærit, quomodo discipuli istud audientes non sunt turbati; quin etiam quomodo non illi cohorrerint audientes illud; *Accipite; & manducate; hoc est corpus meum.* Quia, inquit, iam illi multò antè fuerant à CHRISTO præmoniti, & prædocti de eo, quod tunc faciebat; in hoc scilicet sermone, quem habuit cum Capharnaitis.

Notabile dictum Augustini, & Chrysostomi.

*Quis debet
craſeri ſenſus
litteralis ſa-
cra Scriptura.*

Tertia ratio; Is debet cenſeri litteralis ſenſus alicuius loci Scri- 73
pturæ ſacræ, ſecundum quem, id, quod in eo loco tradit Scriptura,
& clariùs, & plenius, atque perfectiùs adimpleri cernitur. Cùm
itaque CHRIS TVS in hac poſteriori parte ſui ſermonis agat de
manducatione carnis ſuæ, & potione ſanguinis, & promittat ſe da-
turum carnem ſuam in cibum, & ſanguinem ſuum in potum ho-
minibus; id autem multò clariùs, & perfectiùs impleatur per ſa-
cramentalem, & realem, ſimùlque ſpiritualem manducationem,
& potionem; quàm per ſolam ſpiritualem: hinc apertè concludit-
tur, CHRIS TVM hoc loco egiffe de manducatione ſui corporis,
quæ ſpiritualis eſt, ſimùlque realis atque ſacramentalis.

Quarta ratio ducitur ex illuſtriſſimis, atque grauiffimis auctori- 74
tatibus: primò quidem, magnorum Eccleſiæ doctòrum; vt Chry-
ſoſtomi, Auguſtini, & Cyrilli, qui hanc ſermonis Domini partem
interpretantes, apertè docent agi in ea de ſacramento corporis
CHRIS TI, in quo realiter ipſe percipitur à fidelibus. Iſtos verò
Doctòres ſecuti ſunt complures alij, qui cõmentaria in hoc Euan-
gelium ediderunt. Deinde ex omnium fermè ſcholasticorum
Theologorum conſenſu, qui de ſacramento Eucharitiæ, & ſacti-
ficio Miſſæ diſputantes, realem Domini in utròque præſentiam
probant, & declarant ex verbis CHRIS TI, quæ ſunt in hoc loco.
Tum ex ſacris Conciliis: in quibus aduerſus Hæreticos de reali
præſentia Domini in ſacramento Eucharitiæ actum eſt, & facta
decreta, CHRIS TI ſententiis, quæ ſunt in poſteriori parte hu-
ius ſermonis; ſulta, & munita. Ac demum ex ſenſu, & uſu Eccle-
ſiæ Catholicæ, quæ in feſto de ſacramento corporis Domini, in
quo ſacramento CHRIS TVS & realiter exiſtit, & realiter perci-
pitur à ſumentibus ſacramentum, pluribus utitur ſententiis ex
hoc loco ſumptis: quinetiam totum Euangelium Miſſæ ex poſte-
riori hac ſermonis Domini parte ſumptum eſt.

VIGESIMAQVARTA DISPVATIO.

*Exponitur contraria ſententia, quam ſecuti ſunt nonnulli
ſcriptores minimè obſcuri, neque ignobiles: & ratio,
qua ſulcitur ea ſententia, diluitur.*

75



CAIETANVS tamen & super hoc loco, & in tertia *Caietanus.*
 Parte B. Thomæ, super articulo duodecimo quæstionis
 octogefimæ, & Ruardus Taper Decanus celebris Aca- *Ruardus Ta-*
 demie Louaniensis in secundo tomo articulorum Lo- *per.*

uaniensium, in articulo decimo quinto, & Turecremata in Tra- *Turecrem.*
 ctatu de Ecclesia, aiunt, in hac posteriori parte sermonis CHRI-
 STI agi de manducatione corporis CHRISTI tantum spiritua-
 li: non autem sacramentali. In hanc quoque sententiam propen-
 sus videtur Thomas Valdensis in secundo tomo de sacramen- *Thomas Val-*
 tis cap. 92. & Nicolaus de Cusa in Epistola septima ad Bohemos, *Nicolaus de*
 & quidam alij Theologorum scholasticorum. *Cusa.*

76

Caietanus porro, & Ruardus Taper in locis proximè com-
 memoratis, hac ratione suam probare, ac persuadere voluerunt
 sententiam: Si CHRISTVS, inquiunt, in hoc sermone de reali,
 & sacramentali manducatione sui corporis egisset; aliquam pro-
 culdubio specierum sacramentalium, in quibus Eucharistiæ sacra-
 mentum conficitur, mentionem fecisset, vel significationem de-
 disset: modum quoque indicasset, quo fit consecratio panis, & vi-
 ni, & huius sacramenti confectio. Cum itaque his de rebus nul-
 lum verbum fecerit, satis apparet, hic tantum agi de spirituali
 manducatione corporis CHRISTI. Sed ista est sanè quàm le-
 uis, & infirma ratio. Si enim CHRISTVS in hoc sermone insti-
 tuisset sacramentum Eucharistiæ, non esset fortasse ista eorum
 aspernanda ratio: sicut in vltima cœna instituens hoc sacramen-
 tum, accepto pane dixit: *Hoc est corpus meum*: significans sacramen-
 talem speciem panis, sub qua corpus suum dabat manducandum.
 Similiter accepto calice vini dixit: *Hic est sanguis meus*: indicans sa-
 cramentalem speciem vini, sub qua sanguis eius in sacramento ac-
 cipitur à fidelibus. At hoc loco CHRISTVS non instituit sacra-
 mentum: sed promisit se id daturum: & ideò necessum non fuit
 indicare species huius sacramenti: sed satis fuit tria de eo præmon-
 strasse: primò, quid in eo daturus esset nobis; carnem scilicet, &
 sanguinem suum: Deinde necessitatem eius, vt potè sine quo
 hominis vita spiritualis constare non queat: tum effectum eius,
 qui est: manere in CHRISTO, & viuere propter CHRISTVM,
 & habere vitam æternam. Quanquam simpliciter falsum est, quod

*Discenturra-
 tio, qua su-
 pradicta opi-
 nio confirma-
 tur.*

isti auctores pro certo sumunt, nullam in hoc loco datam esse à CHRISTO significationem sacramentalium specierum : nam cùm dixit Dominus, *Panis, quem ego dabo, caro mea est* : non obscure significauit sacramentalem speciem panis, sub qua caro eius in hoc sacramento à fidelibus excipitur. Est quoque infirmum argumentum, quo vtuntur isti : Non agitur hîc, inquiunt, de sacramento Eucharistiae : quia nihil dicitur de modo confectionis eius, atque consecrationis : Sed hoc leue est argumentum : nam infra in sermone, quem habuit Dominus post cœnam, sæpius promissit aduentum Spiritus sancti super Apostolos, loquens de illo sensibili, & mirabili Spiritus sancti aduentu, qui factus est in die Pentecostes : nec tamen tum CHRISTVS prædocuit Apostolos modum : quo venturus erat Spiritus sanctus : videlicet in sono Spiritus vehementis, & in specie ignis, atque linguarum.

VIGESIMAQVINTA DISPVATIO.

Super illis verbis :

VER. 52. Panis, quem ego dabo, caro mea est pro mundi vita.



Æc verba explanantes Chrysostomus, Theophylactus, Euthymius, & Rupertus, affirmant, his verbis agi de reali mādicatione corporis CHRISTI, quam exhibuit in vltima cœna. Et quia super hoc valde insignis, & memorabilis est Chrysostomi &

Theophylacti sententia, & oratio, vtriusque verba hîc referre visum nobis est. Chrysostomi verba sunt huiusmodi in quadragesima homilia in Ioannem ; Vt non solùm per dilectionem : sed re ipsa in carnem CHRISTI conuertamur, per cibum id efficitur, quem nobis ipse largitus est. Per corpus enim suum se nobis commiscuit, & in vnum se nobiscum redexit, vt corpus vniretur cum capite : hoc enim maximè amantium est : nam serui Iob, suum erga illum amorem exaggerantes, dicebant ; *Quis det de carnibus eius ; vt saturemur* ? Id sanè præstitit Dominus, qui quò se arctiore nobis charitate astringeret, non solùm videri se à nobis, & tangi :

sed

*Locum
Iob. 31.*

sed etiam manducari voluit. Parentes aliis sæpè liberos suos tradunt alendos : ego autem , inquit CHRISTVS , meos mea carne alo , méque totum illis in cibum exhibeo. Ab hac igitur mensa , tanquam leones ignem spirantes , surgamus Diaboló formidabiles. Dæmones enim cùm in nobis carnem , & sanguinem Domini vident , protinus in fugam vertuntur : Angeli verò ad nos continuò accurrunt. Hactenus ex Chrysostomo.

- 78 Theophylactus explanans hæc Domini verba ; *Panis , quem ego* Theophyl.
dabo , caro mea est : ita scribit ; Non dixit Dominus ; Panis , quem
 ego dabo , figura carnis meæ est : sed dixit , *caro mea est* : Transfor-
 matur enim panis ille arcanis verbis , per benedictionem mysti-
 cam , & accessionem Spiritus sancti , in carnem Domini. Nec
 mirum videri debet , panem verti in carnem CHRISTI : id enim
 quotidie in CHRISTO eueniebat , dum nobiscum in terris mor-
 talem egit vitam : panis enim , & cibus , quem ipse quotidie sume-
 bat , in substantiam eius vertebatur , & deificabatur à CHRISTO :
 ita vt panis terrenus , & cibus humanus , caro DEI fieret. Sed
 dices ; Cur in hoc Sacramento non apparet caro CHRISTI ?
 Nempè nè præ timore , atque horrore , ab eius esu homines ab-
 horrerent : ideóque eam nobis exhibuit sub speciebus earum re-
 rum , quibus omnes assueti sumus , & libenter vtimur. Hæc Theo-
 phylactus. Verùm conuersio panis alimentitij , quo CHRISTVS
 nutriebatur , in corpus eius , multum differt à conuersione panis in
 corpus CHRISTI ; quæ fit in Sacramento Eucharistiæ , licèt per
 illam declarare , & probare hanc voluerit Theophylactus. Nam
 in illa post conuersionem manebat substantia materiæ panis ali-
 mentitij ; & addebatur substantiæ corporis CHRISTI , ipsum
 vegetans , & roborans , & augens in tempore augmenti. At verò
 in hac conuersione panis Sacramentalis in corpus CHRISTI ,
 post consecrationem nulla panis manet substantia , neque for-
 ma , neque materia , nihilque ex ipso pane additur substantiæ
 CHRISTI.

*Animadu-
 ersio in dictis
 quoddam Theo-
 phylacti.*

- 79 Præterea quòd in istis verbis Domini agatur de Sacramentali
 manducatione corporis eius , confirmare licet auctoritate Beati
 Augustini : Is enim in capite quinto libri decimi septimi de Ciui-
 tate DEI , scribit , hanc sententiam Domini : *Panis , quem ego dabo ,*

August.

caro mea est, pertinere ad Sacramentum, & sacrificium Domini: cuius imaginem tanto antè prætulit Melchisedech; panem, & vinum offerens DEO: idèmq; confirmat Augustinus in Epistola nonagesima quinta.

*Lectio Græca
huius lcci.*

Illud quoque sciat lector, secundum Græcam lectionem, bis in 80 hac sententia Domini poni verbum, *dabo*: hoc modo; *Panis, quem ego dabo, caro mea est, quam ego dabo pro mundi vita*. Sic enim habent codices Græci, & qui commentaria Græca in hoc Euangelium scripserunt. Quocirca licet in translatione Latina illud posterius, *dabo*, non sit expressum: videtur tamen esse subintelligendum. Rectè autem Beatus martyr Roffensis in eo lib. quem de Eucharistia scripsit aduersus Oecolampadium, ex hoc loco argumentatur, per illud duplex verbum, *dabo*, apertè significatam esse duplicem dationem carnis CHRISTI: priorem quidem in vltima cæna, instituendo Sacramentum Eucharistiæ: posteriorem autem in cruce, offerendo carnem suam in sacrificium DEO pro humani generis redemptione, ac salute.

*Roffensis
martyr.*

VIGESIMASEXTA DISPUTATIO.

Quomodo intelligendum sit, quod in his verbis dixit Dominus, panem esse carnem suam: & quoddam super hac re paradoxum Ruperti examinatur.

Lutherani.



VIDETUR difficilem habere intellectum, quod in 81 his verbis dicitur, panem, qui datur in Sacramento, esse carnem CHRISTI. Id enim suffragari videtur errori Lutheranorum, negantium transubstantiationem panis in carnem CHRISTI: & aientium, in Sacramento esse quidem CHRISTVM: sed manente tamen substantia panis. Quod etiam super his verbis scriptum reliquit Rupertus, id cautè legendum est: continet enim nescio quid, primo aspectu, planè falsum. Eius sententia est huiusmodi; Sicut, quia CHRISTVS in utero virginis carnem nostram assumpsit in vnitatem suæ personæ diuinæ, non miramur: imò catholicè dicimus, carnem esse DEVM, & esse verbum DEI: ita catholicè

*Paradoxum.
Ruperti.*

catholicè dicitur; Panis est caro CHRISTI: quia CHRISTVS cum panem assumpsit in vnitatem suæ personæ, & in corpus suum transtulit. Et hæc quidem est Ruperti sententia; quæ vt ipsa sonant verba, perspicuè falsa est. Multum quippè interest inter incarnationem CHRISTI, & Sacramentum Eucharistiæ: nam in illa mansit integra substantia carnis assumptæ; in hoc autem nulla manet substantia panis consecrati. In illa, est facta vnio hypostatica carnis humanæ cum natura diuina: in hoc autem nullo modo talis fit vnio: sed fit transubstantiatio panis in corpus CHRISTI.

- 82 Declarandum itaque est, quomodo verè dicatur panis esse caro CHRISTI; cum ante consecrationem non sit caro CHRISTI: post consecrationem autem, non sit panis, non manente panis substantia. Duobus id modis declarari potest. Primò, quia licet tunc non sit panis secundum substantiã: fuit tamen immediatè ante consecrationem, eique per consecrationem successit caro CHRISTI. Hoc etiam genere locutionis vtitur sacra Scriptura in capite septimo libri Exodi: vbi dicitur virga Moysis deuorasse virgas Magorum; id autem est, serpens à Moyse factus deuorauit serpentes factos à Magis: sed quia immediatè antè fuerat virga, & hæc mutata est in serpentem, appellatur serpens nomine virgæ. Deinde licet post consecrationem non sit panis secundum substantiam: est tamen species, & similitudo panis in accidentibus etiam tunc remanentibus; quæ tum quia referunt figuram panis; tum quia retinent naturales virtutes, & effectus panis substantialis, idcirco nomine panis appellantur. Solet enim diuina Scriptura similitudines rerum appellare nominibus ipsarum rerum: sic enim in quadragesimo primo capite libri Genesis scriptum est; *Septem spica plena, septem vbertatis anni sunt*: id verò est, significant septem annos vbertatis. Eodem spectat illud Euangelicum; *Semen est verbum DEI*: id est, significat verbum DEI. Sicut contrà, interdum res ipsæ appellantur nominibus similitudinum, per quas significatæ sunt: cuiusmodi est illud, quod Regi Nabuchodonosor dixit Daniel; *Tu es caput aureum*: pro eo, quod est; Tu significatus es per caput aureum illius statuæ, quam in somno vidisti.

*Declaratur
duobus modis,
quomodo pa-
nis dicatur es-
se caro Chri-
sti.*

*Duplex figu-
rata locutio-
nis genus in
sacra Scriptu-
ra vsitatum.*

Math. 13.

Daniel. 2.

VIGESIMASEPTIMA DISPVTATIO.

Super illis verbis:

VER. 53. Litigabant ergo Iudæi adinuicem, dicentes; Quomodo potest hic nobis carnem suam dare ad manducandum?



RO illo verbo, *litigabant*, Græcum verbum pro- 83
priè significat; pugnabant, siue decertabant adinuicem: sed quia id agebatur non armis: sed verbis, rectè Latinus interpres vertit, *litigabant*: quasi disceptantes inter se; quomodo dictū illud CHRISTI; *Panis, quem ego dabo, caro mea est*, intelligi deberet, & an esset vlllo modo probabile. Ex hoc autem loco perspicuè intelligitur, Iudæos illos Capharnaitas intellexisse, CHRISTVM supradictis verbis locutum esse de reali suæ carnis manducatione: quam, quia putabant esse impossibilem, propterea adinuicem litigabant, & disceptabant super illo CHRISTI dicto. Suprà etiam cū dixit CHRISTVS; *Ego sum panis viuus, qui de cælo descendi*, murmurauerunt isti Iudæi: non quia dixerat se panem esse: intellexerunt enim hoc eum dixisse per quandam mysticam, & spiritualem significationem: sed quia dixerat, se de cælo descendisse: & idè dicebant; *Nōne hic est IESVS filius Ioseph, cuius nos nouimus patrem, & matrem?* Quomodo ergo dicit hic, *quia de cælo descendi?* Hic autem, cū dixisset Dominus; *Panis, quem ego dabo, caro mea est*: intellexerunt illi, locutum esse ipsum de reali manducatione suæ carnis: sed quia putabant, manducationem illam fieri debere carnali modo: quo scilicet modo manducantur carnes animalium: idè super CHRISTI dicto, tanquàm omninò improbabilis, & absurdo, inuicem disceptabant.

Si autem illi Iudæi errauissent in eo, quod putabant CHRISTVM 84
illis verbis locutum esse de reali māducatione suæ carnis: sanè vel ipse CHRISTVS, vel certè Ioannes, qui hoc scripsit Euangelium, eorum detexisset, & correxisset errorem: Quemadmodum suprà in capite secundo, cū dixisset CHRISTVS; *Sol-*
nite

uite templum hoc : & Iudæi putassent id esse dictum de templo Salomonis : Ioannes falsam eorum intelligentiam corrigens , protinus adiunxit ; *Ille autem dicebat de templo corporis sui*. Et cum aliàs dixisset discipulis , vt cauerent à fermento Phariseorum ; & putassent discipuli propterea id dictum esse , quodd non tulissent panes ; proximè subiecit Euangelista , Dominum locutum esse de hypo- Matth. 16.
crisi Phariseorum , quam figuratè vocabulo , fermenti , denotauit. Hoc autem loco tantum abest , vt à CHRISTO. intelligentia verborum ipsius , quam habebant illi Iudæi , tanquam falsa reprehenderetur , & corrigeretur , vt multò etiam magis confirmaretur verbis illis proximè sequentibus ; *Amen , amen dico vobis ; Nisi manducaueritis carnem filij hominis , & biberitis eius sanguinem , non habebitis vitam in vobis*.

85 Caterum illa curiosè hoc loco pensitanda sunt istorum Iudæorum verba ; *Quomodo potest hic nobis carnem suam dare ad manducandum ?* Sunt enim verba infidelitatis , & diabolicæ fraudis plena. Nam , vt super hoc loco ait Chrysostomus , statim vt mentem Chrysost.
subit cogitatio incredulitatis , erumpit ex ore vox hæc ; Quomodo fieri potest ? per hoc vniuersam DEI Scripturam , omnes fidei articulos , omnia DEI miracula oppugnant. Sed extremæ dementiæ est , querere rationem in iis , quæ omnem rationem exuperant , & modum exigere in his , vbi res super omnem est modum : non secus profectò , quàm si quis vellet aut Oceanum cyathò exhaurire , aut mundum totum intra pugnum suum coarctare.

86 Dicunt Iudæi : *Quomodo potest hic nobis carnem suam dare ad manducandum ?* Sed respondeant ipsi nobis ; Quomodo DEVS vniuersum mundum ex nihilo creauit solo verbo suo ? Quomodo tot miracula in veteri Testamento facta sunt ? An dicent illa fuisse possibilia DEO ? Sed quomodo , ipsis videntibus CHRISTVS multiplicatis quinque panibus tot millia hominum satiavit ? Quomodo conuertit aquam in vinum ? Quomodo super mare ambulauit ? Quomodo mortuos reuocauit ad vitam ? Cur non ex illis , quæ oculis suis viderant , & manibus suis tractauerant , & magnam ex illis vtilitatem ipsi perceperant , didicerunt credere , etiam possibilia , & vera esse alia CHRISTI dicta , & facta , quæ ipsi non intelligebant ? Sed murmurationis istorum Iudæorum aduersus

Ex alijs Chrestis miraculis debuisse illos Iudæos credere , esse possibile , & vera , quæ de Sacramento sua carnis , & sanguinis Christus eis dicebat.

aduersus CHRISTVM figura olim fuit murmuratio Iudæorum in deserto aduersus DEVM, desperantium ab eo se in deserto ali, & sustentari posse: quam eorum murmurationem descripsit Dauid in Psalm. 77. illis verbis; *Male locuti sunt de DEO: dixerunt; Nunquid poterit DEVS parare mensam in deserto? quoniam percussit petram, & fluxerunt aquæ, & torrentes inundauerunt; Nunquid & panem poterit dare, aut parare mensam populo suo?*

Locus Psal.

77.

VIGESIMAOCTAVA DISPUTATIO.

In Hereticos sacramentarios, & in philosophos, propterea credere nolentes vera esse, quæ de sacramento corporis CHRISTI dicuntur, quòd ipsi non intelligant, quo ea modo fieri queant.



DICIT Hæreticus sacramentarius; Quomodo po-⁸⁷ test esse CHRISTVS secundum realem præsentiam suam in sacramento? Id enim non est intelligibile. Ergo, tu Hæretice, fidem metiris ingenio, & intelligentia tua: Non igitur credes mysterio Trinitatis, non incarnationis verbi DEI, non resurrectionis mortuorum. Dices enim, quomodo possunt hæc fieri: non enim humano ingenio, & ratione sunt intelligibilia? Neque tu credes sacrae Scripturae dicenti; corpus CHRISTI ianuis clausis ingressum esse ad discipulos: quomodo enim potest id fieri? Imò nihil denique credes, quod sit supra intellectum tuum, nullamque habebis fidem: ea quippè, secundum Apostolum, argumentum est non apparentium. Sed audi Augustinum in tertia Epistola, quæ est ad Volusianum istam arrogantiam grauissimis verbis hunc in modum deprimentem; Ipsa DEI virtus, quæ per inuiolata matris viscera CHRISTVM eduxit infantem, postea per ianuas clausas iuuenem introduxit. Si ratio quaritur, non erit mirabile: si exemplum poscitur, non erit singulare. Demus posse DEVM aliquid facere, quod nos fateamur inuestigare non posse. In talibus enim rebus, tota ratio facti, est potentia facientis. Sic Augustinus.

IOAN. 10.

Ad Heb. 11.

*Præclara, maximèque ob-
servanda. Braci
Augustinus ut-
sentia.*

Philosophus etiam quispiam infidelis dicet; Quomodo potest ⁸⁸
corpus

corpus CHRISTI & in cœlo manere immotum, & nihilominus tamen secundum realem præsentiam suam esse in sacramento?

Quomodo potest tantum corpus esse totum in paruuula hostia, & in qualibet eius parte? Quomodo potest esse corpus alicubi sine coextensione eius ad locum? Quomodo potest eodem tempore secundum realem præsentiam suam esse in omnibus hostiis consecratis per vniuersum terrarum orbem? Quomodo possunt accidentia esse sine subiecto? Quomodo sine substantia possunt habere vim nutriendi, & vegetandi, & augendi corpus fumentis sacramentum?

Contra philosophos obrepentes sacramenta Eucharistia.

89 Sed nos vicissim ab istis philosophis possemus quærere; non supernaturalia, & diuina; vt sunt fidei Christianæ mysteria, quorum ipsi rationem, & modum exigunt à nobis: sed naturalia, & sensibus nostris exposita, & manifesta, quærere, inquam, possemus quomodo illa fiant. Exempli gratia; Quomodo magnes ad se trahit ferrum, & in pyxide nautica vergit semper, & dirigit ad Septentrionem? Quomodo perpetuus in mari fluxus, & refluxus fiat: & cur non in omni mari: sed in quibusdam tantum locis fiat? Quomodo in aëre generetur Echo resonans, & referens verba humano ore formata, & prolata? Quomodo in speculis existunt quasi efficta, & expressa intuentium simulachra?

Multa in rebus naturalibus esse; quorum rationem, & modum philosophi expedire non queunt.

90 Sed in istis rebus naturalibus, & mirabilibus omnem superat mirabilitatem, quod traditum est memoriæ de pisce, qui à Græcis dicitur Echeneis, à Latinis remora. Hic ingentia nauigia magnis oneribus grauata, & incitatissimo cursu in mari delata, cum tantum semipedalis sit, adhærendo eis, sistit, & firmat immota. Dicat nobis philosophus, quomodo istud tantillus piscis efficere valeat. Labet referre hoc loco memorabilem de eo pisce historiam discretissimis verbis in capite secundo libri trigesimi secundi à Plinio scriptam: Omnia hæc, inquit, superat vnus, & paruus admodum pisciculus, Echeneis appellatus. Ruant venti licet, & sæuiant procellæ; imperat futuri, virisque tantas compefcit: & cogit stare nauigia: quod non vincula vlla valent, non anchoræ pondere irreuocabili iactæ. Infruat impetus, & domat mundi rabiem, nullo suo labore, non retinendo; nec alio modo, quam adhærendo. Hęc tantilla res satis est contra tot impetus, vt vetet ire nauigia.

Admirabile ingenium, & virtus piscis, qui appellatur remora; & præclara eius historia à Plinio scripta.

Rostratas naues, are, ferróque armatas semipedalis inhibere potest, ac tenere deuinctas pisciculus. Fertur Adriaco Marte tenuisse pratoriam nauim Antonij properantis circumire, & exhortari suos. Tenuit & nostra memoria Caij Principis ab Astura Antium remigantis quinquerehem: & statim causa intellecta exilientibus protinùs, qui id quærerent circa nauim, inuenère adhærentem gubernaculo, ostenderuntque Caio indignanti, hoc fuisse, quod se reuocaret, & quadringentorum remigum obsequio contra se intercederet. Constatat peculiariter miratum, quomodo adhærens tenuisset, nec idem polleret in nauim receptus. Qui tunc, posteaque vidère, eum limaci magnæ similem esse dicunt. Hæc Plinius.

*Responsio Philosophorū elucida-
tur.*

Non sum nescius, ad ista mirabilia, quæ proposui, vulgarem, 91
promptamque multorum esse responsionem, ista fieri propter occultas virtutes in rebus ipsis latentes, vel propter varias cœli, ac syderum influentias. Sed profectò non minùs verè, quàm lepidè à prudenti quodam, & diserto, doctóque scriptore dictum est, virtutes occultas, & influentias cœli, duo esse perfugia, & quasi asy-
la ignorantiæ philosophorum: Nam cum illi mirabilium effectuum naturæ veras, & certas, atque proprias causas explicare non queunt: protinùs ad ista confugiunt. Nónne satius foret, suam ingenuè confiteri earum rerum ignorationem, quàm ista dicere, quæ neque intelligant indocti, & docti rideant? Si igitur negari non potest, multa latere in natura rerum mortalibus ignota, &, vt ipsa sunt, inexplicabilia; cur tanto supercilio à nobis exigunt philosophi vt ea, quæ supra omnem sunt naturæ vim, supraque humanæ mentis intelligentiam, euidenter ipsis, & scientificè demonstremus? Sed hæc nos, licèt, qualia in se ipsis sint, euidenter demonstrare non possumus; demonstrare tamen euidenter possumus ea esse credibilia.

Verùm super ea re non est

hic differendi

locus.

VIGESIMANONA DISPVATIO.

Super illis verbis :

Amen, amen dico vobis ; Nisi manducaueritis carnem VER. 54.
 Filij hominis, & biberitis eius sanguinem, non
 habebitis vitam in vobis.

*De septem modis, quibus cogitari potest, CHRISTI carnem
 manducari ab hominibus : & quòd in his verbis agatur
 de reali, & sacramentali manducatione
 carnis CHRISTI.*

92 **S**EPTEM modis cogitari potest, CHRISTI car-
 nem manducari ab hominibus. Primò, carnali
 modo, & ita vt manducantur carnes animalium.
 Et hunc sensum, atque intellectum ex verbis
 CHRISTI conceperunt animis suis illi Caphar-
 naitæ, quibuscum Dominus hæc fermocinabatur : ideoque vehe-
 menter offensi, & abalienati à CHRISTO sunt. Deinde potest
 hoc accipi in malam partem, vt significet ardentem expetere exi-
 tium, & necem alicuius. Et ad hanc sententiam pertinet illud
 Davidis in psalmo vigesimo sexto ; *Dum appropiant super me nocen-
 tes, vt edant carnes meas.* Et hac ratione Iudæi hostes CHRISTI,
 vehementer cupiebant edere carnem CHRISTI. Tum in con-
 traria significatione, pro eo, quod est, ardentissimo amore quem-
 piam prosequi. Secundum hanc significationem accipiendum
 est illud, quod serui Iob de eo dixerunt ; *Quis det de carnibus eius,* ^{Locus Iob cap. 31.}
& saturemur? Ad hæc, mysticè, ita vt nomine corporis CHRISTI
 intelligatur Ecclesia Catholica, quæ est corpus eius mysticum : &
 manducare corpus CHRISTI significet incorporari Ecclesiae,
 & in eius vnitatem manere. Atque hac ratione Beatus Augustinus
 pluribus locis accommodat hanc sententiam ad mysticam intelli-
 gentiam, dicens, omnes baptizatos, eo ipso manducare corpus
 CHRISTI. Præterea, omninò spiritualiter manducare CHRI-
 STVM, per fidem nempe viuam meditando, & imitando passio-
 nem

nem Domini, in qua pro nobis caro eius crucifixæ est, & sanguis eius effusus. Sexto modo, tantum sacramentaliter; accipiendo tantummodò sacramentum, non autem rem sacramenti: quo modo manducant carnem CHRISTI, qui sacramentum Eucharistiæ indignè accipiunt. Septimo, & ultimo modo, sacramentaliter simul, & spiritualiter manducare corpus CHRISTI; quæ est perfectæ eius manducatio, de qua CHRISTVM in his verbis esse locutum secundum sensum literalem nos arbitramur.

*Auctores, qui
supradicta
Domini ver-
ba de reali, &
sacramentali
manducatione
Christi sunt
interpretati.
Cyrillus.
Euthymius.
Rupertus.
Theophyl.
Chrysost.*

Quod autem in his verbis agatur de reali, & sacramentali man- 93
ducatione corporis CHRISTI, probari potest multorum, ma-
gnorumque doctorum auctoritatibus. Cyrillus in libro quarto
commentariorum in Ioannem cap. 14. Euthymius, Theophyla-
ctus, & Rupertus, secundum literalem sensum, hanc Domini
sententiam interpretantur de sacramento Eucharistiæ. Chrysosto-
mus explanans hæc Domini verba, ita scribit; Capharnaïtæ puta-
bant impossibilem esse manducationem corporis CHRISTI:
CHRISTVS autem non solum eam possibilem esse; sed etiam
necessariam asserit, dicens; *Nisi manducaueritis carnem filij hominis,
& biberitis eius sanguinem, non habebitis vitam in vobis.* Et ne quis
putaret eum obscure, & parabolicè loqui, idè sæpius idem re-
petiuit, & pluribus verbis confirmauit. Sic ille. Si autem CHRIS-
TVS non loqueretur de reali manducatione, qualis fit in sacra-
mento, profectò admodum obscure, nec propriè: sed parabolicè,
ac figuratè locutus esset.

*Cyprianus.
Cassiodorus.*

*Augustinus.
Bernardus.*

Cyprianus.

Cyrillus.

*Cassilius Cabi-
lonense.*

Hanc quoque sententiam Domini, ita, vt diximus, interpretati 94
sunt Cyprianus in libro tertio ad Quirinum cap. 25. & 26. & Cas-
siodorus super psalmo centesimo nono, Bernardus in sermone
primo de Resurrectione Domini, Augustinus in Leuiticum quæst.
57. & libro primo contra Cresconium grammaticum cap. 25. &
libro primo de peccatorum remissione cap. 20. & in Tractatu vn-
decimo in Ioannem explanans illa verba, quæ sunt in capite secun-
do; *Ipse autem non credebat semetipsum eis.* Rursus Cyprianus in
Tractatu de oratione Dominica, & Cyrillus libro tertio in Ioan-
nem cap. 37. & Concilium Cabilonense cap. 46. docent, periculo-
sum esse, & detrimentosum diu abstinere à perceptione sacra-
menti Eucharistiæ; nec de hoc dubitari posse: quia Dominus dixit;
Nisi

Nisi

Nisi manducaueritis carnem filij hominis, non habebitis vitam in vobis. Sanctus Basilius in libro primo de baptismo capite tertio ita scribit; Sicut carnaliter generati non possunt carnalem vitam diu seruare, nisi cibo vtantur carnali: sic regenerati spiritualiter per baptismum, non possunt vitam, quam acceperunt, seruare, nisi nutriantur diuino cibo: de quo Dominus dixit; *Nisi manducaueritis carnem filij hominis, & biberitis eius sanguinem, non habebitis vitam in vobis.*

Basilius.

TRIGESIMA DISPVATIO.

Explicatur sententia quadam Beati Augustini aientis, supra dicta Domini verba esse accipienda non proprie: sed figurate, eisque significari meditationem, & communicationem passionis CHRISTI.

95 **B**EATVS Augustinus in capite decimosexto libri tertij de Doctrina Christiana, tradens regulam; qua cognosci, & iudicari queat, quando figurata sit locutio diuinæ Scripturæ: & quando non sit figurata; exemplum figuratæ locutionis ponit hæc Domini verba; *Nisi manducaueritis carnem Filij hominis, & biberitis eius sanguinem, non habebitis vitam in vobis.* Nam cum istis verbis aliquid præcipi videatur absurdum, ea profectò figuratè accipienda sunt: significatur autem istiusmodi locutione figurata communicandum esse passioni CHRISTI, & suauiter atque vtiliter memoria repetendum, quemadmodum caro CHRISTI pro nobis crucifixæ sit, eiusque sanguis effusus. Augustini verba sunt hæc; Si præceptiua locutio est, aut flagitium, aut facinus vetans: aut vtilitatem, siue beneficentiam iubens, non est figurata locutio. Si autem flagitium, aut facinus videtur iubere: aut vtilitatem, & beneficentiam vetare, figurata est locutio: qualis est in illis verbis Domini; *Nisi manducaueritis carnem filij hominis, & biberitis eius sanguinem, non habebitis vitam in vobis.* Facinus enim, vel flagitium videntur iubere: figurata igitur est oratio, præcipiens passioni Domini esse communicandum, & suauiter atque vtiliter recolendum

Augustinus.

dum memoria quia pro nobis caro eius crucifixa, & vulnerata est. Sic Augustinus.

Iansenius.

Iansenius ista Domini verba tractans in capite quinquagesimo nono suæ concordie Evangelicæ, hanc Beati Augustini sententiam, & verborum Domini interpretationem valde vrget; ex ea putans clarè demonstrari, in his verbis Domini non agi de reali manducatione carnis CHRISTI. At enim si propterea hæc sententia Domini non est propriè: sed figuratè accipienda: quia videtur aliquod præcipere flagitium, & quod absurdum sit; ergo etiam locutio CHRISTI in vltima cæna; cùm instituens sacramentum Eucharistiæ dixit; *Accipite, & manducate, hoc est corpus meum*: non esset propria: sed figurata: cùm similiter idem flagitium, & absurdum præcipi videatur: sicut volunt Hæretici sacramentarij: quod tamen nullo modo vult Iansenius.

Quemadmodum interpretanda sit supradicta Augustini sententia.

Nos itaque ostendamus quemadmodum ista Beati Augustini sententia minimè aduersetur sententiæ nostræ. Duobus modis interpretari licet dictū Augustini. Ac primò quidem suprà nos præmonuimus, in hac posteriori parte sermonis Domini agi de manducatione corporis CHRISTI non solum reali: sed etiam simul de spirituali. Si ergo in istis verbis Domini spectetur spiritualis manducatio, sine dubio figurata est locutio: & ad hanc solam respexit Augustinus, quia hæc erat prompta, & expedita ad intelligendum: realem verò, quæ fit in sacramento, manducationem corporis CHRISTI nō exclusit: sed tacuit; quia difficilior erat ad explicandum paucis verbis, & ipse obiter istud dixerat festinans ad alia.

Deinde illud quoque responderi potest, etiam sacramentalem manducationem corporis CHRISTI posse dici partim figuratam, & partim propriam. Propria dici potest ratione rei, quæ sumitur: nam verè, & realiter sumitur caro CHRISTI: figurata verò dici potest ratione modi sumendi; si comparetur huiusmodi manducatio cum manducatione aliarum carnum; quas lacerando, coquendo, & dentibus terendo, & in substantiam nostri corporis conuertendo, manducamus: hoc enim vulgo appellatur comedere carnes. In sacramento autè Eucharistiæ caro CHRISTI impassibiliter, atque inuisibiliter sumitur. Et sic intellexit Augustinus.

stinus. Præterea sacramentalis manducatio dicitur figurata; non quia fiat per tropum quendam, & metaphoram; ut volunt Hæretici: sed quia fit per signa sacramentalia panis, & vini; ut idem significet, figuratè sumi, atque in mysterio, & in sacramento sumi.

- 99 Illa porro verba; *Nisi manducaueritis, & nisi biberitis*: quia indefinite posita sunt, denotant indefinitum tempus: quo realiter, & sacramentaliter manducare oportet carnem CHRISTI. CHRISTVS enim noluit suo decreto, & præcepto sancire, quando, & quoties sumendum sit hoc sacramentum: sed id reliquit Ecclesiæ decernendum, & præcipiendum pro varia hominum deuotione, siue semel in anno, siue sæpius, siue etiam quotidie. Et verò, respectu sacerdotum, rectè dicitur quotidianum sacrificium, & quotidiana sacramentalis manducatio CHRISTI: qua etiam de causa appellari solet iuge sacrificium; præfiguratum olim Iudaico illo iugi sacrificio, in quo quotidie vnus agnus mane, & alter vesperei sacrificabatur.

An Christus certè, & definitum tempus manducandi carnem suam præstituerit.

Exod. 19.

TRIGESIMAPRIMA DISPUTATIO.

Soluuntur due rationes ex istis Domini verbis ductæ; quibus probari videtur, in his verbis non agi de reali, & sacramentali manducatione corporis

CHRISTI.

100



PRIMA ratio, qua vsus est Caietanus in tertia parte B. Thomæ super articulo duodecimo questionis octogesima, est huiusmodi; Hæc verba; *Nisi manducaueritis carnem filij hominis, & biberitis eius sanguinem, non habebitis vitam in vobis*, aperte demonstrant, hic agi de manducatione corporis CHRISTI simpliciter omnibus necessaria ad salutem: ut potè sine qua spiritalis vita animæ constare non queat; Id enim significant illa verba; *Non habebitis vitam in vobis*. At sine sacramentali manducatione CHRISTI potest constare vita animæ; per solum nempe baptismum, vel perfectam animi conuersionem ad DEVM: Ergo in istis verbis CHRISTVS non egit de reali, & sacramentali manducatione suæ carnis. Patet etiam hoc in paruulis

Caietanus.

paruulis baptizatis, qui multo tempore habent in se vitam gratiæ sine sumptione sacramenti Eucharistiæ.

Quomodo sacramentalis manducatio sit necessaria ad salutem.

Ad hanc rationem dupliciter potest responderi. Primò, dici potest sacramentalis manducatio esse simpliciter necessaria omnibus; sed vel in re, vel in voto, vt suo tempore sumatur. Nam etiam baptismus implicite continet votum percipiendi suo tempore sacramentum Eucharistiæ: Deinde illud etiam responderi potest; hîc non agi de prima acquisitione gratiæ, & vitæ spiritualis: sed de eius conseruatione, atque confirmatione. Hoc enim indicant verba illa, quæ subiunxit Dominus; *Qui manducat meam carnem, & bibit meum sanguinem, in me manet, & ego in illo.* Illud enim, *manet*, significat quandam continuationem, & conseruationem, & perseuerantiam in vita spirituali iam accepta. Quinetiam perspicue hoc declarant verba ipsa manducandi, & bibendi. Non enim manducamus, & bibimus vt acquiramus vitam corporalem, quam non habemus: sed vt quam iam habemus, reficiamus, & conseruemus. Sanè sacramentum Eucharistiæ institutum per se fuit à CHRISTO ad reficiendam, & roborandam, atque conseruandam vitam spiritualem.

Christum illis verbis agere tantum de adultis, non de infantibus.

Illud verò, quod allatum est de paruulis baptizatis, perinfirmum est argumentum. Hoc enim in loco CHRISTVS non agit nisi de adultis: nam manducare, & bibere, siue corporaliter sumantur, siue spiritualiter, actus sunt hominum adultorum: non autem infantium, & lactentium.

Altera ratio Caietani hæc est; Hæc verba Domini; *Nisi manducaueritis carnem filij hominis, & biberitis eius sanguinem, non habebitis vitam in vobis*: ex eo tempore, quo dicta sunt, obligabant homines ad manducationem carnis CHRISTI: sed non poterant obligare ad sacramentalem manducationem eius: quia tunc nondum erat institutum sacramentum Eucharistiæ: sed postea institutum à CHRISTO est in vltima eius cæna: ergo in istis Domini verbis non agitur de sacramentali manducatione corporis CHRISTI. Ad istam rationem licet respondere dupliciter: Primò; obligabant ista verba ad manducationem carnis CHRISTI tunc: sed non pro tunc, vt scholastica vtar locutione: sed pro eo tempore; quo institutum esset hoc sacramentum, eiusque necessitas, & obli

Quando ista Domini verba obligauerint homines ad manducationem carnis eius.

& obligatio sufficienter hominibus promulgata, & notificata. Quemadmodum etiam illa Domini sententia, quam ipse dixit Nicodemo Ioannis tertio; *Nisi quis renatus fuerit ex aqua, & Spiritu sancto, non potest introire in regnum DEI*, obligabat homines ad perceptionem baptismi; non quidem pro tunc: sed pro eo tempore, quo lex baptismi publicata esset mundo; ut copiosè, doctèque demonstrat B. Bernardus in Epistola septuagesima septima, quam Bernardus. scripsit ad magistrum Vgonem; & nos copiosè ostendimus supra in disputationibus nostris super tertium caput huius Euangelij, illam Domini sententiam tractantes. Illud quoque ad istam rationem potest responderi; ista Domini verba obligasse tunc, & pro tunc homines; non quidem ad sumendum realiter, & sacramentaliter corpus CHRISTI: sed ad credendum talem manducationem carnis eius possibilem esse; & ad sperandum, CHRISTVM suo tempore, instituto sacramento, daturum eam hominibus: Quemadmodum articulus Fidei de futura mortuorum resurrectione ad vitam immortalem, obligat omnes ad credendum possibilem esse carnis resurrectionem, & in tempore suo futuram.

TRIGESIMASECVNDA DISPUTATIO.

An ista Domini verba; Nisi manducaueritis carnem Filij hominis, & biberitis eius sanguinem, non habebitis vitam in vobis; de reali, & sacramentali manducatione, & potione accepta, faueant errori Hæreticorum aientium, sacramentum Eucharistie sub utràque specie etiam Laicis dari oportere.

104



FUIT hic error quorundam Hæreticorum apud Bohemos, qui appellati sunt Vssitæ, qui ex hac Domini sententia concludi putabant, sacramentum Eucharistie sub utràque specie dandum esse omnibus, etiam Laicis: quia Dominus apertè dixit; *Nisi manducaueritis carnem Filij hominis: quod fit sub specie panis: Et biberitis eius sanguinem: quod fit sub specie vini; Non habebitis vitam in*

vobis. Hoc argumentum vsque adeò validum quibusdam doctolibus catholicis visum est, vt negauerint, commodè ipsum aliter solui posse, nisi dicatur, CHRISTVM in his verbis non egisse de reali, & sacramentali manducatione suæ carnis: sed tantùm de spiritali manducatione: hac nempe ratione Turrecremata in Tractatu de Ecclesia, & Ruardus Taper in secundo Tomo articulorum Louanienfium, in tractatu articuli decimi quinti, respondent supradictò Hæreticorū argumento. Nos autem, quò clariùs cognoscatur infirmitas istius argumenti, magisque roboretur veritas sententiæ nostræ, multis modis respondebimus isti argumento.

Turrecrem.
Ruard. Tap.

Non posse ex
illis Domini
verbis verè
probari, sacra-
mentum Eu-
charistiæ sub
vtrâque spe-
cie Laicis da-
ri oportere.

Conc. Trid.
Conc. Const.

Ac primò quidem persuasum, ac certum esse debet omni viro¹⁰⁵ catholico, ex hac sententiâ Domini, etiam accepta de manducatione reali, & sacramentali, non posse concludi, sacramentum Eucharistiæ dandum esse sub vtrâque specie Laicis: quia hoc iam decretum fuit in Concilio Tridentino in capite primò sessionis vigesimæ primæ; idemque antea declaratum, & constitutum fuerat in Concilio Constantiensi aduersus istos Hæreticos congregato, in quo iste Vssitarum error ex professio discussus, & damnatus est. Deinde, in his Domini verbis non agitur de institutione sacramenti Eucharistiæ; & ideò propriè non traditur, sub vnâne specie; an sub duplici dandum sit: sed demonstratur, quid sit illud, quod CHRISTVS daturus esset hominibus in hoc sacramento; caro nimirum, & sanguis eius: Et idcirco hac de re præcipuè agit. Quoniam autem ad integritatem huius sacramenti, & ad efficaciam virtutis eius nihil refert dari sub vna, vel sub duplici specie: ideò Dominus in hoc suo sermone aliquâdo vtramque speciem sacramentalem significauit: vt in his verbis; *Nisi manducaueritis carnem Filij hominis, & biberitis eius sanguinem, &c.* Et in illis; *Caro mea verè est cibus, & sanguis meus verè est potus: Qui manducat meam carnem, & bibit meum sanguinem, in me manet, & ego in illo.* Interdum verò vnam duntaxat speciem sacramentalem significauit; ipsius videlicet panis: vt in illis verbis; *Panis, quem ego dabo, caro mea est.* Et in illis; *Qui manducat hunc panem, viuet in æternum.* Nonnunquàm etiam neutram significat speciem: vt in illis verbis; *Qui manducat me, & ipse viuet propter me.* Sicut igitur Hæ-

tici

tici vrgent hæc verba Domini, in quibus significatur duplex species sacramentalis; ita licet aduersus eos vrgere ea Domini verba: in quibus vnus tantum speciei sacramentalis datur significatio.

- 106 Enimuerò sciebat CHRISTVS fore in Ecclesia sua vt in aliquo tempore sacramentum Eucharistiæ sub vtrâque specie dispensaretur fidelibus: in aliis verò temporibus sub vna tantum specie. Sciebat etiam hoc sacramentum in Ecclesia à quibusdam semper sub vtrâque specie sumptum iri; vt à sacerdotibus: ab aliis verò; vt à Laicis, sub vna tantum specie. Idcirco in hoc suo sermone variè locutus est de hoc sacramento, quibusdam verbis duplicem eius speciem significans: in aliis autem verbis suis vnam duntaxat speciem indicans. Quanquam illud etiam verè dici potest, CHRISTVM per ista verba, manducare, & bibere, non tam significasse sacramentales species panis, & vini, quàm significare voluisse plenam refectionem spiritualem, quam dat animæ nostræ hoc sacramentum. Nam quia plena resectio corporalis constat cibo, & potu; idcirco plenam quoque refectionem spiritualem animæ nostræ significauit CHRISTVS per verba manducandi, & bibendi.

- 107 Repetendum quoque memoria est hoc loco documentum illud, quod in capite decimoseptimo libri tertij de doctrina Christiana tradit Augustinus: monet enim attentè considerandum, & obseruandum esse in Scriptura, cum dantur hominibus præcepta, quando dentur ea omnibus, & singulis hominibus; & quando non omnibus, & singulis: Exēpli gratia; *Diliges Dominum DEVM tuum ex toto corde tuo*; præceptum est pertinens ad omnes, & ad singulos homines: illud verò; *Crescite, & multiplicamini*; pertinet ad communitatem hominum: non autem ad singulos omnes homines. In hoc etiam sermone Domini aliquid præcipitur commune omnibus: vt est illud; *Qui manducat ex hoc pane, viuet in æternum*: aliquid etiam præcipitur, quod non omnibus, & singulis conuenit: sed pertinet ad communitatem fidelium, & Ecclesiæ, in qua sunt sacerdotes, qui conficiunt hoc sacramentum, & offerunt hoc sacrificium sub vtrâque specie: sine quorum ministerio neque constaret hoc sacramentum, neque fideles eo frui possent.

Documentum Augustini ad intelligētiā Scripturæ adducunt.

Deuter. 6.

Gen. 1. & 9.

& idcirco vitam spiritualement ex eo prouenientem habere non possent.

Thomas Val-
densis.

Thomas Valdensis in tomo secundo, capite nonagesimo se- 108
cundo, cum respondisset ad supradictum argumentum hæretico-
rum ductum ex his Domini verbis, negans, CHRISTVM in hoc
sermone egisse de manducatione reali, & sacramentali corporis
sui: sed de spiritali tantum: deinde non fidens huic responsioni
sue, quod infirmam esse animaduerteteret, & plurimorum, atque
maximorum doctorum sententiæ contrariam; in sequenti capite
nonagesimo quarto affert aliam quandam responsionem ad idem
argumentum, tanquam probabiliorem. Ea verò est huiusmodi:
Qui sumit sacramentum Eucharistiæ sub vna tantum specie, is
manducat carnem, & bibit sanguinem CHRISTI, quo ad rem
significatam, & quo ad gratiæ causalitatem, & virtutis sacramen-
talis efficaciam: licet non quo ad expressionem signi, & quo ad
evidentem representationem passionis CHRISTI. Quemad-
modum si illud manna Iudaicum plenam dedisset Iudæis fumen-
tibus ipsum refectiorem corporalem, auferendo famem, & sitim
corporalem; verè dici potuisset, Iudæos sumendo ipsum, mandu-
casse, & bibisse: quia per ipsum & cibi, & potus effectum, atque
fructum percepissent. Et hoc spiritualiter contingit dignè fumen-
tibus sub vna specie sacramentum Eucharistiæ.

Quomodo su-
men: sacra-
mentum Eu-
charistiæ sub
vna tantum
specie, verè
dicatur man-
ducare carnem,
& bibere san-
guinem Chri-
sti.

TRIGESIMATERTIA DISPVTATIO.

Super illis verbis:

VER. 55.
& 57.

Qui manducat meam carnem; & bibit meum sangui-
nem, habet vitam æternam, & ego resuscitabo eum
in nouissimo die. *Et paulò post:* Qui manducat meam
carnem, & bibit meum sanguinem, in me manet, &
ego in illo.

*Exponuntur sententiæ doctorum, qui hæc Domini verba de
reali, & sacramentali corporis CHRISTI
manducatione interpretati sunt.*

Beatus

109 **B**EATVS martyr Irenæus in lib. 4. aduersus Hæreses, *Irenæus.*
cap. 3. 4. & in quinto eiusdem operis libro, ex istis Do-
mini verbis probat, corpora nostra esse capacia im-
mortalitatis, & aliquando resurrectura cum dono in-

corruptibilitatis: quia nos alimur cibo, de quo Dominus clarè
dixit; *Qui manducat meam carnem, & bibit meum sanguinem, habet*
vitam æternam; & ego resuscitabo eum in nouissimo die. Hilarius in lib. *Hilarius.*

8. de Trinitate, ita scribit; De veritate corporis, & sanguinis Do-
mini nullus est relictus ambigendi locus. Est autem CHRISTVS
in nobis per suam carnem, quam in sacramento dat nobis; non
modò per consensum voluntatis, qui per gratiam fit: sed etiam
per naturalem quandam mansionem in nobis, atque vnionem.

Ipsè enim Dominus dixit; *Qui manducat meam carnem, & bibit*
meum sanguinem, in me manet, & ego in eo. Nestorius hæreticus ex *Nestorius.*

hac CHRISTI sententiâ probare voluit, duas esse in CHRISTO
personas; alteram quidem diuinam; alteram verò humanam: &
hoc sic ipsè argumentabatur; In sacramento Eucharistiæ verè co-
meditur CHRISTVS, sicut ipsè in hoc sermone sæpius dixit; sed
non comeditur DEVS; sed homo: ergo alia est in ipso persona

DEI, & alia est persona hominis. Ad hanc eius argumentatio-
nem respōdet Cyrillus in libro ad Eutropium, super decimo Ana-
thematisimo: respondet etiam Concilium Ephesinum in epistola
ad ipsum Nestorium, concedendo, verè, ac realiter sumi CHRIS-
TVM in sacramento: sed negando cōsequentiam Nestorij. Nam *Cyrillus.*
Concilium
Ephesium.

propter hypostaticam vnionem verbi DEI cum carne humana,
& DEVS dicitur homo, & homo DEVS: & caro hominis dici-
tur etiam caro DEI: quamobrem cum comeditur caro CHRIS-
TI, dicitur comedi caro DEI, & ipsè DEVS. *110*

110 **B**Eatus Augustinus in sermone vndecimo eorum sermonum, *Augustinus.*
quos inscripsit, De verbis Domini; hoc modo scribit; Nihil est tam
sanctum, nec tam salubre, quo peccator non possit vri ad suam
perniciem: sicut Apostolatu Iudas, & baptismo Simon Magus.
Quid enim sanctius, quid salubrius corpore Domini, de quo ipsè
dixit; *Qui manducat meam carnem, & bibit meum sanguinem, in me*
manet, & ego in eo. Ipsum tamen, cum primò fuit institutum hoc
sacramentum, Iudas manducauit: num igitur propterea Iudas *Math. 26.*

Cyrillus. mansit in CHRISTO, aut CHRISTVS in eo: *Cyrillus* in libro decimo commentariorum in Ioannem cap. 13. Communicatio, inquit, corporis CHRISTI, quæ sit nobiscum in sacramento Eucharistiae, facit ipsum CHRISTVM habitare in nobis corporaliter. Ipse enim dixit: *Qui manducat meam carnem, & bibit meum sanguinem, in me manet, & ego in eo:* non solum mansionem, quæ per charitatem intelligitur: sed etiam naturali quadam participatione. Si quis enim ceram igne liquefactam alij ceræ misceat liquefactæ, vnum quodammodo ex vtrâque fieri videtur: ita communicatione corporis CHRISTI, & ipse in nobis manet, & nos in eo. Non enim aliter mortalis natura corporis nostri ad immortalitatem traduci poterat: nisi ei coniungeretur corpus CHRISTI, habens in se naturalis vitæ indeficientem fontem. Si autem non credis mihi hæc dicenti, quæso te, vt credas Filio DEI testificantem: *Qui manducat meam carnem, & bibit meum sanguinem, habet vitam æternam, & ego resuscitabo eum in nouissimo die.*

TRIGESIMAQVARTA DISPUTATIO.

Explicatur sententia Basilij, Bernardi, & Augustini, qui hæc Domini verba non de reali, sed sacramentali: sed de spiritali corporis eius manducatione interpretati sunt.

*Psal. 90.
Basilij.
Bernardus.*



ED posset nobis opponi auctoritas magni Basilij in III Epistola 141. & sancti Bernardi super Psal. 90. *Qui habitat in adiutorio altissimi:* qui hæc verba CHRISTI non de manducatione reali, & sacramentali: sed de spiritali manducatione interpretati sunt, aientes verè manducati carnem CHRISTI, communicando passionibus eius; & conuersationem eius, & quæcunque in carne sua mortali egit, pie, & vtiliter meditando, atque imitando. Sed respondeo, istos doctores in eo loco non exclusisse realem manducationem corporis CHRISTI: sed illud tantum docere voluisse; quemadmodum realis manducatio corporis CHRISTI, nisi coniunctam secum habeat spiritualem manducationem: nec dignè, nec fructuosè fiat.

fiat. Illud etiam ostendere voluerunt, qua ratione fieri possit, ut etiam sine reali, & sacramentali perceptione corporis CHRISTI possimus in omni tempore & in omni loco, & quotiescunque, & quodocunque voluerimus, verè manducare carnem CHRISTI: verè, inquam, quod attinet ad spiritualem effectum, & fructum ex manducatione carnis CHRISTI prouenientem. Hoc autem fit per spiritualem manducationem, piè meditando, & studiosè, ac feruenter imitando actiones, & passiones CHRISTI, dum in terris fuit.

- 112 Posset etiam nobis opponi auctoritas Beati Augustini, qui in *Augustinus.* Tractatu 26. in Ioannem, hæc verba CHRISTI de spirituali, & mystica corporis eius manducatione interpretatur. Ait enim, manducare carnem CHRISTI, esse adhærere mystico CHRISTI corpori, quæ est societas electorum in Ecclesia. Ad hoc respondeo, Augustinum manifestè hanc Domini sententiam interpretatum esse eo in loco de reali manducatione corporis CHRISTI: sed illis verbis docere voluisse, sacramentum Eucharistiæ inter alia multa, quæ significat, præcipuè significare vnitatem corporis mystici, quæ est societas sanctorum. Quod apertè licet cognoscere ex verbis eius, quæ sunt huiusmodi; Huius rei, hoc est, vnitatis corporis mystici, sacramentum, in mensa Domini alicubi quidem quotidie; alicubi verò certis tantum dierum intervallis paratur, & ex mensa Domini datur: quibusdam quidem ad vitam; aliis autem ad exitium. Res autem ipsa, quæ hoc sacramento significatur, nemini potest non dignè ipsum sumenti contingere. Et paulò infra; Manducare carnem CHRISTI, est manere in eo, & ipsum in se manentem habere: ac per hoc, qui non manet in CHRISTO, non manducat spiritualiter carnem eius; licet dentibus premat sacramentum corporis, & sanguinis eius. Sed magis tantæ rei Sacramenta ad iudiciū sibi manducat, & bibit, quæ indignè sumere præsumit; Illa enim nemo dignè sumit, nisi qui mundus est. Hæc Augustinus. Ex cuius verbis hic commemoratis patet, illum non exclusisse realem manducationem carnis CHRISTI: sed voluisse docere, eam, nisi coniuncta fuerit cum spirituali manducatione, quam facit pietas mentis, & munditia cordis, & integritas vitæ, atque conuersationis, non modo

dò non prodesse quidquam : sed etiam obesse plurimum.

TRIGESIMA QUINTA DISPUTATIO.

Soluuntur duæ rationes, quibus probari videtur, CHRISTVM in supradictis verbis suis non de reali, & sacramentali: sed de spiritali tantum suæ carnis manducatione locutum esse.

PRIMA ratio est hæc : CHRISTVS loquens in 113 præsentī tempore de manducatione suæ carnis ait; *Qui manducat meam carnem, & bibit meum sanguinem, &c.* Quī modus loquendi satis apertè significat, illo etiam tempore, quo CHRISTVS hæc verba dixit, manducandam fuisse carnem suam; sed tunc caro CHRISTI non poterat manducari realiter, & sacramentaliter: quia tunc nondum erat institutum sacramētum corporis CHRISTI: sed postea institutum est in vltima cæna: ergo CHRISTVS in istis verbis locutus est de spiritali manducatione suæ carnis: non autem de reali, & sacramentali. Ad hanc rationem licet respondere dupliciter. Primò, cū CHRISTVS in hoc suo sermone prius egisset de spiritali manducatione sui corporis: deinde cepit agere de reali eius manducatione, incipiens ab illa sententia; *Panis, quem ego dabo, caro mea est, quam ego dabo pro mundi vita.* Sic enim hæc verba leguntur in Græca scriptura: vt nos etiam suprà monuimus lectorem. Hæc itaque Domini sententia est caput, & fundamentum; ex quo pendent, & quo nituntur sequentes deinceps sententiæ; & ad cuius interpretationem, & intelligentiam, cæterarum quoque interpretatio reuocanda, & accommodanda est. Cū igitur illa Domini sententia manifestè pronunciata sit non de præsentī: sed de futuro tempore; cæteras quoque sententias de futuro itidem tempore interpretari, & intelligere conuenit: vt tempus præsens positum sit pro futuro.

Deinde, est apud dialecticos genus quoddam propositionum, 114 in quibus verbum præsentis temporis positum non significat existentiam præsentis temporis: sed tantum denotat naturalem quandam,

dam, & necessariam connexionem prædicat cum subiecto: vt in hac propositione; (Quod volat, habet alas;) non significatur esse nunc aliquid, quod volet: sed hoc, quod est volare, habere necessariam connexionem cum eo, quod est habere alas. Similiter in hac propositione; (Hydropicus semper sitit;) non significatur nunc esse hydropicum aliquem sitientem: sed illud tantum, hydropisim habere semper coniunctam secum insatiabilem sitim. Consimili etiam ratione hæc sententia CHRISTI; *Qui manducat meam carnem, & bibit meum sanguinem, in me manet, & ego in illo;* non significat fuisse tunc, cum hæc verba dixit Dominus, manducandam carnem eius: sed tantum ostendit; digna carnis eius manducatio quem in manducante præstet effectum; illum scilicet, manere ipsum in CHRISTO; & CHRISTVM manere in eo.

- 115 Altera ratio, quæ demonstrare videtur, CHRISTVM in his verbis non esse locutum de reali, & sacramentali manducatione suæ carnis, est huiusmodi: De ea manducatione, suæ carnis locutus est CHRISTVS, quæ semper illum, quem ipse dixit, manducanti præstat effectum; manere scilicet ipsum in CHRISTO, & CHRISTVM in eo: sed hunc effectum non semper sacramentalis manducatio corporis CHRISTI præstat manducanti: vt patet in Iuda, qui sacramentum corporis CHRISTI sumpsit in ultima cena Domini: idemque patet in omnibus indignè sumentibus sacramentum Eucharistiæ: qui tantum abest, vt per hoc sacramentum fiant manentes in CHRISTO; vt eo ipso, quod sumunt indignè, longius à CHRISTO separentur: ergo CHRISTVS non est locutus de reali, & sacramentali manducatione sui corporis: sed de spiritali, quæ semper hunc præstat effectum manendi in CHRISTO. Tripliciter hæc ratio solui potest: Primo, sacramentalis manducatio, quantum in ipsa est, semper cum præstat effectum: quia semper virtutem habet ipsum præstandi. Si autem non semper hic effectus sequitur, id fit per accidens respectu sacramenti: prouenit enim ex sumente sacramentum: quia sumens indignè, obicem ponit ne talem, ipse à sacramento recipiat effectum. Deinde ratio ista concluderet, si nos diceremus, CHRISTVM in his verbis locutum esse de reali tantum, & sacramentali manducatione, suæ carnis: nos autem supra non semel

Quomodo intelligi debeat, manducantem corpus Christi manere in Christo, & Christum in eo.

*verbalis
autem
autem
autem
autem
autem*

Augustinus.

diximus, CHRISTVM in hac posteriore sermonis sui parte agere de perfecta manducatione sui corporis; nempe quæ realem, simulque spiritualement manducationem complectitur. His accedit solutio huius rationis, quam tradit Beatus Augustinus in sermone undecimo de verbis Domini. Ea verò est huiusmodi; Cùm non omnis, qui sumit sacramentum corporis CHRISTI, maneat in CHRISTO; manifestum est, cùm Dominus dixit; *Qui manducat meam carnem, & bibit meum sanguinem, in me manet, & ego in eo*: id non esse intelligendum de manducatione, quocunque, & qualicunque modo fiat: sed de sacramentali manducatione, quæ fit dignè, & debito modo. Quis verò sit iste debitus modus, CHRISTVS hoc in loco tacuit: sed postea fidelis CHRISTI discipulus Paulus expressè declarauit, scribens ad Corinthios illa verba; *Probet autem seipsum homo, & sic de pane illo edat, & de calice bibat: qui enim manducat, & bibit indignè, iudicium sibi manducat, & bibit, non diiudicans corpus Domini.*

Locus 1. Cor.
cap. 11.

TRIGESIMASEXTA DISPUTATIO.

Super illis verbis:

VER. 56. Caro mea verè est cibus, & sanguis meus verè est potus.

Probatur auctoritate illustrium doctorum, hæc verba pertinere ad sacramentum Eucharistie.

Origenes.
Cyrillus Hierosolymitanus.

Hilarius.
Ambrosius.
Eusebius, & Nissenus.
Cyrillus Alexandrinus.



Hæc verba de sacramento Eucharistie interpretantur, & ex ipsis probant veram, & realem corporis CHRISTI præsentiam in eo sacramento Origenes homilia 7. in librum Numerorum, Cyrillus Hierosolymitanus in mystagogica catechesi 4. Hilarius de Trinitate lib. 8. Ambrosius lib. 6. de sacramentis cap. 1. & libro quarto de fide cap. 5. Eusebius, & Nissenus homilia 5. in Sanctum CHRISTI Pascha. Cyrillus Alexandrinus lib. 4. commentariorum in Ioannem cap. 16: explanans hæc Domini verba, sic ait; Corpus CHRISTI ad immortalitatem nos nutriens, verè

verè est cibus : & idèd corpus CHRISTI, & membra eius vocamur : quia carnem, & sanguinem eius verè per benedictionem mysticam intra nos accipimus.

- 117 Beatus Augustinus hæc ipsa verba tractans in Tractatu 27. in *Augustinus.*
Ioannem, hunc in modum scribit : Cùm homines cibo, & potu id appetant, vt neque esuriant, neque sitiant : id verè non præstat nisi hic cibus, qui eos, à quibus sumitur, immortales facit. Quo etiam cibo significatur societas, pax, & vnitas fidelium in Ecclesia : ac propterea, sicut quidam homines DEI ante nos dixerunt ; Dominus noster carnem, & sanguinem suum in iis rebus exhibere voluit, quæ ex multis ad vnum aliquod rediguntur. Panis enim ex multis granis in vnum conficitur, & constat : vinum etiam ex multis acinis in vnum confluit.

- 118 Hoc ipsum confirmari potest auctoritate sanctæ Ecclesiæ, quæ *Auctoritas Ecclesiæ Catholica.*
in Missa de festo corporis CHRISTI legit Euangelium sumptum ex his Domini verbis, & incipiens ab hac sententia ; *CATO MEA VERÈ EST CIBUS, & SANGUIS MEUS VERÈ EST POTUS* : eo ipso satis indicans, ista verba pertinere ad realem, & sacramentalem manducationem corporis CHRISTI. Nec dici potest, Ecclesiam tunc adhibere ista verba, non secundum literalem sensum accepta ; sed per quandam tantum accommodationem : quemadmodum in festo de assumptione Beatæ virginis legit Euangelium de Martha, & Magdalena : hoc, inquam, rectè dici non potest : tunc enim id facit Ecclesia, cùm non reperit aliquid in Euangelio, reuera & propriè pertinens ad festum, quod celebratur. At in sacramento Eucharistiæ habebat Ecclesia scripta à tribus Euangelistis verba Domini, ab eo dicta cùm instituit hoc sacramentum, quæ poterat ipsa in Missa pro Euangelio legere. Cùm igitur hæc verba potius adhibuerit, quàm illa, apertè ostendit, verba hæc propriè pertinere ad sacramentalem corporis CHRISTI manducationem.

- 119 Quanquam autem cùm hæc verba dixit CHRISTVS, tunc *Quomodo in-*
non esset caro eius cibus sacramentaliter manducandus : erat ta-
men iam tunc ex æterna DEI Patris ordinatione, & voluntaria
CHRISTI acceptatione, atque oblatione, caro eius ordinata
ad cibum sacramentalem postea sumendum : & ex desiderio, quo
CHRISTVS flagrabat, instituendi hoc sacramentum, & dandi
redigendum sit, cum illa verba dixit Dominus, tunc fuisse carnem eius verè cibum.

Matth. 16. in eo carnem suam hominibus: de quo desiderio ipse dixit; *Desiderio desideravi hoc Pascha manducare vobiscum; ante quam patiar.* ob hæc igitur etiam tunc verè dici potuit caro CHRISTI esse cibus; Adice; quòd etiam eo tempore, quo dixit hæc verba Dominus; corpus eius verè dici poterat cibus: habebat enim in se omnia pertinentia ad cibum Eucharisticum nempe habebat carnem, sanguinem; animam, & diuinitatem. Vnum duntaxat tunc deerat, quòd tamen non pertinet ad rationem cibi: sed ad modum manducandi ipsum, qui est; inuisibilem rem sumere sub visibili specie panis, & vini: qui modus postea constitutus est, cum institutum fuit hoc sacramentum.

TRIGESIMASEPTIMA DISPUTATIO.

Quomodo caro CHRISTI dicatur esse verus cibus; cum ea multas cibi corporalis proprietates non habeat.

EXPLICARY hoc loco dignum est, quomodo caro CHRISTI esse dicatur verè cibus; cum ea quatuor veri cibi corporalis proprietates non habeat. Primo; cibus corporalis est nutrimentum corporis viuientis; sed non potest nutrire ipsum; nisi prius ipse secundum substantiam corrumpatur. Hoc nullo modo conuenit carni CHRISTI: ea quippe in sacramento sumitur non solum incorruptibiliter: sed omnino etiam impassibiliter. Deinde; cibus corporalis, vt fiat idoneum nutrimentum viuientis, amittit substantiam, & naturam, quam prius habebat, & mutatur in ipsam viuientis substantiam: Exempli causa; Erat antea panis, vel caro arietina, aut vitulina, vel piscis: sed cum fit nutrimentum corporis humani, desinit esse ista, quæ prius fuerat, & fit caro humana. At CHRISTI caro, quæ sumitur in sacramento, non mutatur in substantiam manducantis eam: sed contra potius manducans quodammodo mutatur in CHRISTVM; per ardentem scilicet dilectionis affectum, & arctissimam charitatis vnionem: sicut Dominus dixit Beato Augustino, quod ipse refert in capite decimo libri septimi suarum Confessionum; Cibus,

bus, inquit, ego sum grandium; cresce, & manducabis me: Nec tu me mutabis in te, sicut cibum carnis tuæ: sed tu mutaberis in me. Ad hæc, cibus corporalis virtutem, qua fit nutrimentum conueniens, & vtile nutriendo viuenti, potissimum accipit ab anima vegetatiua, & à calore naturali, qui est in viuente: per hæc enim primò conficitur in stomacho, & vertitur in chilum: postea transmissum ad hepær, ibi mutatur in sanguinem, qui per venas delatus ad partes corporis, usque agglutinator, denique mutatur in earum substantiam. Hoc dici non potest de carne CHRISTI, quæ vim nutriendi animum hominis non ab eo accipit; quin potius animus hominis virtutem, qua dignè, atque vtiliter à CHRISTO nutriri per hoc sacramentum queat; ab ipso CHRISTO accipit. Postremò, corporalis cibus, qualiscunque sit, non totus sit nutrimentum eius, à quo sumitur: quin etiam non parua eius pars, tantquam superflua, & inutilis, à natura reijcitur: ita vt pars cibi sumpti efficiatur nutrimentum; pars verò fiat excrementum. Sacramentalis verò cibus, totus, & ex toto conuenientissimus, atque vtilissimus est animæ nutrimentum: quod sit inutile, aut superfluum, habens prorsus nihil. Ergo, cum sacramentalis cibus, qui est caro CHRISTI, non habeat supradictas quatuor proprietates cibi corporalis, queritur, cur ea esse dicatur verè cibus.

121 Ad istam ergo quæstionem ita respondeo: Sacramentalis cibus verè conuenit cum cibo corporali, non quidem secundum ea, quæ in cibo corporali significant imperfectionem, & defectum: cuiusmodi sunt quatuor illæ proprietates cibi corporalis, quas paulò supra exposuimus: sed conuenit cum cibo corporali secundum ea, quæ non significant imperfectionem, vel defectum. Ea verò sunt huiusmodi; Reuera, & corporaliter manducari, ore sumi, intra corpus manducantis recipi, delectare, ac recreare manducantem: quod in eo consumptum, & perditum fuerat, instaurare, ac reficere, famem adimere, & molestiam ex ea prouenientem abstergere, manducantis corpus augere, ac roborare, ac demum vitæ longo tempore conservare, & mortem arceri. Hæc omnia secundum spirituales effectus similes istis corporalibus verè præstat animis nostris caro CHRISTI in sacramento à nobis dignè sumpta.

Omnes effectus cibi corporalis, quorū eandem similes præstat caro Christi in sacramento sumpta.

TRIGESIMAOCTAVA DISPUTATIO.

*De septem ciborum generibus, quorum comparatione caro
CHRISTI esse dicitur verè cibus.*

IN illis verbis; *Caro mea verè est cibus*; aduerbium
illud, *verè*, idem significat, quod perfectè. Caro
enim CHRISTI perfectò modo cibat, & nutrit
eum, qui dignè manducat eam in sacramento, &
bonos cibi effectus præstat ipsa perfectè. Ergo istud
aduerbium, *verè*, distinguit cibum carnis CHRISTI ab aliis ci-
bis, qui non sunt verè cibi, & quorum comparatione caro CHRIS-
TI esse dicitur verè cibus. Sunt autem septem istiusmodi cibo-
rum genera. Primus cibus, est cibus corporalis, qui secundum
vulgarem cibi appellationem propriè dicitur cibus. Is autem non
est verè cibus hominis: tum quia est cibus hominis tantum secun-
dum eius corpus: non autem secundum principalem eius partem;
intellectum dico, & voluntatem: tum quia seruat vitam, & arcet
mortem ad breue duntaxat tempus: Cibus autem CHRISTI
plenè nutrit, & reficit animum, & virtutem habet præstandi im-
mortalitatem corporis homini. Secundus cibus, est cibus omni-
nò spiritualis; vt verbum DEI, & cõtemplatio rerum cœlestium,
& obedientia voluntatis DEI, & mandatorum eius: sicut
CHRISTVS ipse dixit: *Cibus meus est vt faciam voluntatem eius,
qui misit me, & perficiam opus eius.* Sed hic non est verè cibus: non
enim propriè: sed metaphoricè, ac per similitudinem quandam
vocatur cibus. Non enim corporali modo sumitur, nec ore man-
ducatur, nec intra corpus nostrum recipitur: hæc autem habet sa-
cramentalis cibus CHRISTI. Tertius cibus, est cibus mundanus;
comparatio scilicet, & possessio diuitiarum, & honorum, atque
voluptatum huius mundi: quo cibo amatores huius mundi auidè
pascuntur, & iucundè delectantur: sed hic non est verè cibus: tan-
tùm enim abest vt manducantibus ipsum adimat famem, & cupi-
ditatem earum rerum, vt magis etiam augeat, & incendat.

Quartus cibus, fuit cibus à DEO datus Hebræis, & appella-
tum manna; quo DEVS nutriuit Hebræos per quadraginta an-

*Cibus corpo-
ralis non est
verè cibus.*

*Cibus omninò
spiritualis.*

Ioh. 4.

*Cibus munda-
nus.*

nos, quibus in deserto peregrinati sunt. Sed illud manna non erat verè cibus: quia erat tantum cibus hominis secundum corpus, nec nisi per quadraginta annos; & quia erat figura veri cibi, qui est CHRISTVS in sacramento: datum est enim illis manna non modò in præsens, & temporarium nutrimentum; sed etiam in figuram, & mysticam significationem huius cibi sacramentalis. Quocirca Beatus Paulus in capite decimo prioris Epistolæ ad Corinthios, loquens de Iudæis, qui comederant manna in deserto, ait; *Omnes eandem escam spiritalem manducauerunt.* Dixit, *spiritalem*: quia manducantes manna, quod habebat figuram, & mysterium cibi CHRISTI, etiam secundum spiritalem significationem, & intelligentiam, manducabant hunc cibum CHRISTI. Quintus cibus, fuit cibus arboris scientiæ boni, & mali, quæ erat in Paradiso: quem cibum Diabolus persuasit primis nostris parentibus edere; promittens eis per eius esum fore, ut fieret tanquam dii, scientes bonum & malum: sed iste cibus non fuit verè cibus; imò fallax; & mortiferus non solum illis primis hominibus: sed etiam omni eorum posteritati. Sextus cibus, fuit cibus arboris vitæ, quæ erat in medio Paradisi: qui cibus seruabat corpus hominis à morte temporali: sed non animum eius: nec dabat immortalitatem homini; cum arbor illa naturam haberet corruptibilem; sed tantum seruabat hominem à morte ad longum tempus: ut docet Beatus Thomas in prima Parte, quæstione 97. artic. 4. declarat, & probat tum auctoritate Beati Augustini, tum optima ratione philosophica.

- 114 Septimus cibus, est cibus Beatorum in cælo, quem illi comedunt super mensa CHRISTI in regno Patris eius; ut ipse promisit. Hic cibus licet verissimus cibus sit & quantum ad rem ipsam, quæ est CHRISTVS ipse & DEVS; & quantum ad effectum, & fructum cibi, qui est, immortalem & beatam vitam præstare: quo spectat tamen ad modum manducandi, non dicitur verè cibus; quia nec modo corporali sumitur, nec ore manducatur, nec intra corpus recipitur, quæ sunt propria cibi corporalis, qui propriè dicitur cibus, & ab eo nomen cibi per quandam similitudinem transfertur ad alia. Cibus itaque CHRISTI, qui datur in sacramento, est verè cibus: cum propter alia, tum quia corporali modo

Manna non fuisse verè cibum.
Exod. 16.

Locus 1. ad Cor. cap. 10.

32237
Cibus arboris scientiæ boni, & mali.
Genes. 3.

Genes. 1.
Cibus arboris vitæ.

B. Thomas.

Cibus Beatorum.
Luc. 22.

Cur cibus sacramentalis Christi dicatur verè cibus.

modo sumitur, pre manducatur, intra corpus recipitur, exhibetur sub specie veri cibi, id est, sub specie panis: quamobrem maximam habet similitudinem cibi corporalis quantum ad modum sumendi eum: quantum verò ad effectus cibi corporalis, habet & ipse eosdem omnes: sed multo excellentiori modo: ut nos paulò suprà docuimus.

TRIGESIMANONA DISPUTATIO.

Super illis verbis:

VER. 58.

Sicut misit me viuens Pater, & ego uiuo propter Patrem; & qui manducat me, & ipse uiuet propter me.

IN istis verbis continentur tres sententiæ cum quadam comparatione, ac similitudine. Prima est; *Sicut misit me viuens Pater*. Secunda; *Et ego uiuo propter Patrem*. Tertia; *Et qui manducat me, & ipse uiuet propter me*. Sed ut hæc tertia sententia congruè, aptèque respondeat duabus prioribus, & illi coniunctioni, sicut, initio positæ, suppleri, & addi debet coniunctio, sic, vel ita, hunc in modum; Sicut misit me viuens pater, & ego uiuo propter patrem; ita qui manducat me, & ipse uiuet propter me. Est autem ommissa hoc loco ista coniunctio secundum proprietatem, & consuetudinem linguæ Hebrææ: propter quam sacra Scriptura in eiusmodi comparisonibus solet eam omittere: ut in hoc loco, & in Oratione Dominica; *Erat voluntas tua, sicut in celo, & in terra*: pro eo, quod est, ita & in terra. Et Latinus quidem interpretes proprietatem seruans, locutionis Hebræicæ eam quoque omittit in Latina translatione: interdum tamen eam de suo addidit, ut absolutam redderet Latine sententiam: ut in Psalmo 47. *Sicut audiuimus: sic vidimus in ciuitate Domini virtutum*. Et alibi: *Sicut populus, sic sacerdos*.

Ceterum istis Domini verbis indicatur magnum discrimen inter sacramentalem cibum CHRISTI, & cibum corporalem. Qui enim manducat cibum corporalem, is nō uiuit propter eum cibum:

Documētum
in Scriptura
obseruandum
super particu-
la, sicut, &
sic, vel ita.

Joan. 17. 3.

Matth. 6.

Esa 24.

Discrimē in-
ter cibum cor-
poralem, & ci-
bum sacramen-
talem.

obom

cibum: cum enim cibum, qui manducatur, nec formaliter, nec effectiue sit viuens; non potest viuificare manducantem: imò verò cibum, qui manducatur, viuit propter manducantem. Nam cum per se careret vita, cum sit nutrimentum manducantis, conuertitur in substantiam eius, & fit animatus & viuens. Non itaq; manducans cibum corporalem, propter eum viuificatur: sed cibum propter manducantem viuificatur, & perficitur. At verò in sacramentali cibo contrà se res habet. Cum enim sit cibum viuus, & vitalis, qui manducat ipsum, viuit propter eum: non autem ille propter manducantem.

- 127 Hanc porro sententiam Domini pertinere ad realem manducationem CHRISTI, quæ sit in sacramento, apertè declaratum est in Concilio Tridentino in capite secundo sessionis decimæ tertie. Ex hac enim sententia ibi probatur, sacramentum Eucharistiæ habere vim dandi vitam dignè ipsum sumentis. Verba Concilij sunt hæc; Sumi voluit CHRISTVS sacramentum hoc tanquam spiritalem animarum cibum; quo alantur, & confortentur viucentes vita illius, qui dixit: *Qui manducat me, & ipse viuet propter me.*

Hanc Domini sententiam propriè ad sacramentum Eucharistiæ pertinere. Concilium Tridentinum.

- 128 Hoc ipsum confirmatur auctoritate Patrum, & doctorum, qui similiter hanc sententiam Domini de sacramento Eucharistiæ interpretantur. Dupliciter autem sententia hæc à Patribus explicatur secundum Chrysostomum, & Theophylactum, & Augustinum, & Bedam, & Rupertum: hoc modo; Sicut Pater, qui me ab æterno genuit, & in tempore misit in mundum, viuit, id est, perfectè, & substantialiter habet vitam; & ego viuo propter Patrem: ubi illud, *propter*; non significat accidentalem participationem, vel dependentiam causalem: sed tria potest denotare. Primò, vt significet principium originis: vt idem sit, *Viuo propter Patrem*: quod, viuo à Patre, & habeo vitam per originem generationis meæ à Patre. Deinde, vt significet vnionem Patris cum Filio; in hunc sensum; Et ego propterea viuo: quia Pater in me est, & ego, & Pater vnum sumus substantialiter. Ad hæc, vt significet rationem: cur Filius necessariò debeat esse viuens: hoc sensu; Si Pater meus est viuens, ego, qui naturalis Filius sum Patris viuentis, etiam viuens esse debeo: nempe Filius est consubstantialis

Probatur auctoritate Patrum, hanc sententiam Domini pertinere ad sacramentum Eucharistiæ. Chrysostomus. Theophylactus. Augustinus. Beda. Rupertus. Quid sit Christum viuere propter Patrem, exponitur tripliciter.

Patri : quamobrem viuens Pater gignit Filium viuentem.

*Altera interpretatio, quæ
est Cyrilli, &
Basilij.*

Altera interpretatio, quæ mihi satis videtur probabilis, est Cy- 119
rilli in hoc loco, & Basilij in Epist. 141. qui dictum hoc Domi-
ni referunt ad humanitatem **CHRISTI** vnitam personaliter di-
uinæ naturæ Verbi : vt sit hic sensus; Sicut ego, qua homo sum, vi-
uo propter Patrem, id est, propter diuinam vitam Patris, in me
personaliter habitantem : ita manducans me, viuet propter me
realiter, & corporaliter in ipso habitantem. Hilarius in libro octa-
uo de Trinitate, ex hac sententia probat, Patrem esse in Filio sub-
stantialiter, contra Arrianos : nam ait **CHRISTVM** dixisse, sicut
qui manducat me, viuit propter me : ita & ego viuo propter Pa-
trem : sed manducans **CHRISTVM**, viuit propter **CHRISTVM**
realiter, & substantialiter in eo habitantem ; ergo Filius **DEI** vi-
uit propter Patrem in ipso substantialiter manentem. Ex quibus
Hilarij verbis perspicuè liquet, hæc Domini verba pertinere ad
realem manducationem **CHRISTI**, quæ fit in sacramento : id-
circo enim commemoranda hoc loco esse duximus.

Hilarius.

QVADRAGESIMA DISPVTATIO.

*Explicatur comparatio, & similitudo, quæ traditur in istis Do-
mini verbis, inter Patrem viuentem, & **CHRISTVM**
viuentem propter Patrem : & eum, qui manducans **CHRI-
STVM**, viuit propter ipsum.*



N hac comparatione, & similitudine duo potissimum 130
perpendenda sunt ; & id, in quo fit ista comparatio, &
similitudo ; & ipsa ratio, & quasi fundamentum istius
comparationis, & similitudinis. Id, in quo fit compa-
ratio, & similitudo, est viuere : in hoc enim quodammodo con-
ueniunt tria illa, Pater, **CHRISTVS**, & manducans **CHRI-
STVM**. Est autè istud viuere, non qualecunque : sed viuere spiritua-
le, & supernaturale, & diuinum. In quo tamen viuere, vt scitè dixit
Rupertus, est dissimilis similitudo & dissimilitudo similis. Pater ha-
bet vitā diuinā substantialiter, & infinitè, nec ab alio, vel propter
aliud : sed à semetipso : **CHRISTVS** istam ipsam Patris vitam di-
uinam

Rupertus.

uinam habet propter Patrem. Et dupliciter; Primò; vt DEVS est; habet eam à Patre per communicationem eiusdem substantiæ, & vitæ, quam ab eo genitus accepit ab æterno. Deinde, eandem vitam diuinam habet CHRISTVS, vt homo est; non quidem per essentiam: sed propter vnionem personalem humanæ naturæ eius cum diuina natura: propter quam fit, vt quæ sunt propria DEI, etiam homini CHRISTO tribuantur.

- 311 Est præterea diuinum viuere non per se subsistens, & substantiale: sed participatum, & per gratiam communicatum homini. In hoc autem viuere primum, & supremum locum tenet anima CHRISTI, quæ vitam diuinam, quæ est per gratiam, perfectissimè habuit, non solum in se, & sibi: sed etiam vt principium vniuersale alios omnes electos viuificans: nam vt suprâ dictum est; *De plenitudine eius nos omnes accepimus.* In aliis porro electis omnibus viuere diuinum similiter est participatum per gratiam eis à DEO datam: sed particulari modo, & secundum certam quandam donationis diuinæ mensuram.

Joan. 1.

- 312 Ratio autem, & fundamentum, quo nritur ista comparatio, & similitudo, est vnio. Vnio enim Patris cum CHRISTO est ratio cur CHRISTVS viuatur propter Patrem: & vnio CHRISTI; qui manducatur in sacramento, cum manducante ipsum, est ratio cur manducans ipsum viuatur propter eum. Verùm in huiusmodi vnione, maxima est dissimilitudo. Etenim vnio Patris cum CHRISTO: vt DEVS est, est vnio substantialis, & eiusdem numero naturæ; ex quo fit, vt CHRISTVS habeat totam Patris vitam, & æquè perfectam, atque Pater ipse. Vnio autem Patris cum CHRISTO, prout homo est, & secundum vitam diuinam, quam habet Pater, est propter vnionem personalem naturæ humanæ CHRISTI cum Verbo habente diuinam vitam à Patre. Vnio autem CHRISTI cum eo, qui manducat ipsum, est realis quidem, & corporalis: sed neque est substantialis; vt in diuinis personis: neque personalis; vt in CHRISTO homine: sed quia CHRISTVS ipse in sacramento realiter, & corporaliter accipitur, & intra corpus nostrum recipitur, & tandiu intra nos realiter manet, dum inaniunt species sacramentales, quas sumpsimus: idcirco talis vnio CHRISTI cum manducante ipsum, appellatur

à Patribus vñio vera, realis, & corporalis: propter quam, dicunt ipsi, qui dignè manducant **CHRISTVM** in sacramento, eos fieri quodammodo concorporeos, & consanguineos **CHRISTO**.

QVADRAGESIMAPRIMA DISPVATIO.

De duplici vita diuina; & de nouem modis habendi diuinam vitam.



DVPLICITER dicitur vita diuina. Vno modo 133
proprie dicitur vita diuina, quæ est vita substan-
tialiter: & est vita æterna, & est infinita perfectio-
nis; qualis vita in rebus creatis esse non potest: sed
est in solo **DEO**. Et hæc vita tribus modis habe-
tur; Primo modo; huiusmodi vitam diuinam habet **DEVS** Pa-
ter; non ab alio, nec propter aliud: sed à seipso tantum. Secun-
do modo; hanc ipsam vitam diuinam Patris; & totam, & eandem
omniò habet Filius **DEI**; non tamen à seipso: sed à Patre, per
æternam sui generationem ab ipso. Tertio modo; hanc ipsam vi-
tam diuinam Patris, & Filij habet Spiritus sanctus, non à seipso:
sed à Patre, & Filio per æternam spirationem ipsius ab illis. Itaque
sicut Pater non potest verè dici viuere propter aliquem: ita Fi-
lius, ea ratione, qua dictum est, verè dicitur viuere propter Pa-
trem; & Spiritus sanctus propter Patrem, & Filium. Et hæc qui-
dem vita diuina substantialiter non est nisi in tribus diuinis perso-
nis: quarto tamen modo hæc ipsa vita est in **CHRISTO** homi-
mine: non quidem substantialiter: sed propter personalem vñio-
nem humanitatis **CHRISTI** cum Verbo **DEI**: propter quam,
secundum cõmunicationem idiomatum, quæ sunt propria **DEI**,
tribuntur homini **CHRISTO**.

*Quatuor mo-
di habendi vi-
tam diuinam
substantialiter,
& increatã.*

*Quinquemo-
di vita diui-
na participa-
ta.*

Altero modo, dicitur vita diuina non secundum substantiam: 134
sed secundum accidentalem quandam participationem vitæ di-
uinæ substantialis: quæ participatio fit per donum gratiæ gratum
facientis; per quam homo participat esse supernaturale, & viuere
diuinum. Huiusmodi potè vita diuina quinque modis habetur:
Primo modo; habuit eã plenissimè, & perfectissimè anima **CHRI-**

STI; non solum in se propter se: sed tanquam vniuersale principium, & quasi fons omnis vitæ diuinæ, quam participant omnes electi. Secundo modo; habent sancti vitam diuinam per gratuitum donum gratiæ gratum facientis; secundum variam, & disparatam mensuram donationis DEI, aliis plus, & aliis minus dantis. Tertio modo, hæc vita diuina peculiari quadam ratione communicatur dignè manducanti carnem CHRISTI in sacramento. Ipse enim dixit; *Qui manducat me, & ipse viuet propter me.* Ipse etiam dixit; *Qui manducat meam carnem, & bibit meum sanguinem, in me manet, & ego in illo.* Quarto modo, vita diuina communicatur intellectui hominis, vel Angelis, per vniõnem cum eo diuinæ essentia: tanquam obiecti intelligibilis & beatifici. Si enim ipsum intelligere, vt dixit Philosophus, est viuere; & quidem inter gradus viuendi, est perfectum viuere; intelligere, & videre diuinam essentiam: vt intelligunt & vident Beati; sine dubio est perfectum & diuinum viuere. Quinto modo, vita diuina non solum communicatur animæ: sed etiã in gloriosa corporum resurrectione communicabitur corpori per quandam ceu redundantiam gloriæ, ac felicitatis animæ in corpus: nam vita diuina est vita immortalis, & beata; corpus autem glorificatum habebit vitam immortalem, & beatam, ideoque vitam quoque diuinam.

XLII. DISPUTATIO.

Super illis Verbis:

Sciens autem IESVS apud semetipsum, quia murrarent de hoc discipuli eius, dixit eis; Hoc vos scandalizat? Si ergo videritis Filium hominis ascendentem, vbi erat prius. VER. 62. & 63.

435 **V** hæc verba sententiam reddant absolutam, illud est addendum. Quid dicetis? vel; An tum non credetis? sed quem ad finem hæc verba dixerit Dominus, subobscurum est: eaque obscuritas varias fecit explanatorum huius Euangelij super ea

Quorsum hæc verba Domini speltis, triplex doctorum sententia.

Chrysoſt.
Theophylaſt.
Caietanus.

re ſententias. Prima ſententia eſt Chryſoſtomi, Theophylaſti, & Caietani arbitrantium, CHRISTVM his verbis probare voluiſſe id, quod ſuprà ipſe dixerat, *Ego ſum panis vivus, qui de cælo deſcendi*: propter quod adverſus ipſum Iudæi murmuraverant. Ait itaque CHRISTVS, cur nō creditis me de cælo deſcendiſſe; cūm aperte viſuri ſitis me aſcendentem in cælum? Nam, ut ſuprà ipſe dixit: *Nemo aſcendit in cælum, niſi qui deſcendit de cælo*. Verūm propterea non videtur hæc ſententia probabilis: quia murmuratio illa Iudæorum lōgius diſtat ab hoc loco, pluribus aliis interpoſitis, quā ſi verba hæc ad eam congruē referri queant. Adijce, quōd illi murmuratiōi Iudæorum ſatis Dominus reſponderat illis verbis: *Nolite murmurare adinvicem: nemo poteſt venire ad me, niſi Pater, qui miſit me, traxerit eum, &c.*

Ioan. 3.

Auguſtinus.
Beda.
Rupertus.

Altera ſententia eſt Auguſtini, Bedæ, & Ruperti aientium, his 136 verbis CHRISTVM voluiſſe tollere falſam opinionem, quam habebant Iudæi credentes, carnem CHRISTI eſſe manducandam carnali modo, ferro laniatam, igne toſtam, dentibus contritam: Dicit ergo nunc Dominus illis, Si videritis me, impaſſibili carne mea, integro corpore, membrisque omnibus inuiolatis, aſcendere in cælum, tunc profeſſō cognoscetis carnem meam non eſſe manducandam carnali modo: ſed modo quodam ſacramentali, atque impaſſibili.

Cyriillus.
Euthymius.

Tertia ſententia, ſanē quā probabilis, eſt Cyriilli, & Euthymij. 137 Hi cenſent CHRISTVM his verbis voluiſſe, miraculum realis manducationis ſuæ carnis demonſtrare poſſibile eſſe, ex alio miraculo non minori aſcenſionis ſuæ carnis in cælum: quaſi hunc in modum argumentando: Videtur incredibile vobis, quōd ego poſſim dare meam carnem manducandam; & quōd ea manducata præſtet vitam æternam: ſed cūm videbitis hanc ipſam carnem meam, inſtar volucris, per aëra, virtute ſua in cælum aſcendere, & penetratis, & tranſcendiſis omnibus cælis, ad dexteram DEI Patris conſidere: nōne tunc credetis, id, quod de manducanda carne mea dixi, eſſe poſſibile? Sanē, moris eſt in diuina Scriptura, vnum miraculum probare per aliud miraculum: quemadmodum CHRISTVS Nathanaëli dixit: *Quia dixi tibi, vidi te ſub ficu, credis: maius hiſ videbis: Amen, amen dico vobis, videbi-*

Ioan. 1.


tis cælum apertum, & Angelos DEI ascendentes, & descendentes supra LUC. 1.
Filium hominis. Et Archangelus Gabriel miraculum incarnationis
 Filij DEI ex matre virgine sine virili semine, probauit ex alio
 miraculo generationis Ioannis Baptistæ ex matre sene, & sterili.

- 138 Ex his porro Domini verbis patet, & probatur euidenter,
 CHRISTVM esse locutum hoc loco de māducatione carnis suæ,
 non tantum spiritali: sed etiam reali, quæ fit in sacramento. Nam
 spiritalis tantum manducatio CHRISTI, neque adeo est ad-
 mirabilis, atque incredibilis: & exemplum corporalis ascensionis
 CHRISTI in cælum, ad probandam, vel demonstrandam spiri-
 tualem manducationem CHRISTI nihil facit: ad comproban-
 dam verò, & persuadendam realem manducationem eius, pluri-
 mum valet.

XLIII. DISPUTATIO.

Super illis verbis:

Spiritus est, qui viuificat: caro non prodest quidquam. VER. 64.

- 139  XVLTAnt hoc loco Hæretici sacramentarij, quasi Hæretici sa-
cramentarij.
 apertè his verbis demonstretur, manducationem car-
 nis CHRISTI, de qua hoc loco ipse locutus est, non
 esse realem; qualem Catholici faciunt in sacramento
 Eucharistiæ: sed esse tantum spiritualement, quæ fit per actus fidei,
 & dilectionis, & imitationis CHRISTI. Dominus enim dixit,
 carnem non prodesse quidquam: sed spiritum esse, qui viuificat.
 Sed isti satis inscitè, atque impudenter faciunt, qui clarissimam
 CHRISTI doctrinam tenebrosos infuscare ratiunculis suis, &
 per sanctissima eius verba fucare suos errores, & impia dogmata
 fallaciter persuadere conantur. Et CHRISTVS quidem hoc lo-
 co non dixit; (Caro mea non prodest quidquam:) sed dixit præ-
 cisè; *Caro non prodest quidquam.* Nam quod caro sua futura esset
 mundo salutifera, æternamque vitam allatura, superioribus illis
 verbis suis nos ipse docuerat; *Panis, quem ego dabo, caro mea est pro
 mundi vita. Qui manducat meam carnem, & bibit meum sanguinem,
 habet vitam æternam, & ego resuscitabo eum in nouissimo die.*

Est

Quomodo intelligendum sit carnem non prodesse quidquam: sed solum spiritum viuificare, varia interpretatione. Augustinus, Cyrillus.

Est itaque declarandum à nobis, quemadmodum intelligi debeat hæc Domini sententia, carnem nihil prodesse, & Spiritum tantum viuificare. Augustinus, & Cyrillus dupliciter interpretantur hæc verba. Primò quidem hac ratione; Caro per se, & nudè sumpta non potest conferre quidquam diuinum, nedum vitam æternam: at caro vnita personaliter diuino Spiritui viuificanti omnia, qualis erat caro CHRISTI, hæc caro potest dare vitam æternam. Deinde hoc modo; caro CHRISTI si tantum sumatur sacramentaliter, sine fide, ac dilectione, nihil confert: quia Spiritus est, qui viuificat; id autem est, quia tunc manducatio carnis CHRISTI prodest manducanti, cum habet adiunctam simul spiritualem manducationem, quæ fit per actus fidei, & deuotionis.

Chrysost. Theophylact. Euthymius.

Chrysostomus, Theophylactus, & Euthymius hunc in modum interpretantur hæc Domini verba: Caro, id est, doctrina, quam dedi de manducanda carne mea, carnaliter intellecta, non confert quidquam: si autem spiritualiter intelligatur, tunc viuificat. Sic isti. Sanè huic interpretationi satis consonat, quod proximè CHRISTVS subiunxit: *Verba, quæ ego locutus sum vobis, spiritus, & vita sunt*: id est, verba, quæ ego dixi de manducanda mea carne, spiritualiter intelligenda sunt: & sic intellecta vitam afferunt. Aiunt porrò isti doctores, doctrinam CHRISTI de manducanda carne sua, spiritualiter esse intelligenda: non quòd CHRISTI caro non sumatur realiter in sacramento: id enim suprà apertissimis verbis Chrysostomi commemoratis ostendimus: sed quia non

Carni Christi manducari, non carnaliter, sed spiritualiter, trius modis intelligi posse.

debet CHRISTI caro manducari carnali modo. Manducare autem carnem CHRISTI spiritualiter, & non carnaliter, tria significare potest. Primò, vt carnaliter manducare sit visibiliter, & passibiliter manducare; similiter vt carnes animalium: spiritualiter autem manducare, sit manducare in mysterio, & sacramento, inuisibili & impassibili modo. Deinde isto modo loquendi significatur, non sufficere solam realem manducationem: sed cum ea coniungendam esse spiritualem manducationem; qua spiritus hominis cum fide, & dilectione, ac deuotione realem manducationem comitatur, sine quo realis manducatio non prodest. Ad hæc, significatur etiam, non manducari carnem CHRISTI ad efficiendos corporales effectus; quales faciunt cibi corporales: sed


ad producendos effectus spirituales: ad gratiam scilicet augendam, virtutésque roborandas, & feruorem spiritus excitandum.

- 142 Beatus Augustinus in tractatu vigesimo septimo in Ioannem, *Augustinus.* suam interpretationem huius sermonis Domini cōcludit his verbis; Tōtum ergo, quod in hoc sermone de manducanda carne sua dixit, ad hoc nobis valeat, dilectissimi, vt non solum carnem CHRISTI edamus in sacramento: nam hoc & multi faciunt mali homines: sed comedamus eam, etiam vsque ad participationem Spiritus, vt Spiritu CHRISTI vegetemur. Et ne scandalizemur, si multi, qui nobiscum nunc sumunt temporaliter Domini sacramenta, in fine æterna habebunt tormenta.

XLIV. DISPUTATIO.

Super illis verbis:

Respondit ei Simon Petrus; Domine, ad quem ibimus: VER. 70.
Verba vitæ æternæ habes: & nos credidimus, &
cognouimus; quia tu es CHRISTVS
Filius DEI.

- 243  Æc à Petro facta confessio dignitatis, & diuinitatis CHRISTI; est persimilis eius confessionis, quam idem alio tempore fecit verbis illis, quæ Matthæus cap. 16. commemorans, ait; *Respondens Simon Petrus dixit; Tu es CHRISTVS Filius DEI viui.* Quam eius confessionem maiorem in modum approbans, & laudans CHRISTVS, dixit ei; *Beatus es Simon Bar-Iona; quia caro, & sanguis non reuelauit tibi: sed Pater meus, qui in cælis est. Et ego dico tibi; quia tu es Petrus, & super hanc petram ædificabo Ecclesiam meam; & porta inferi non præualebunt aduersus eam. Et tibi dabo clauēs regni cælorum: & quodcunque ligaueris super terram, erit ligatum & in cælis: & quodcunque solueris super terram, erit solutum & in cælis.* Queritur itaque hoc loco cur illam Petri confessionem, quæ hoc loco narratur à Ioanne, non minus illustrem, minúsque memorabilem, atque prædicabilem, quàm fuit hæc alio tempore ab eodem facta, & ab aliis tribus Euangelistis Matthæo cap. 16. Marco 8. Luca 9. enarrata,

Cur Christus hanc Petri confessionem non commendauerit, similiter ut alteram eiusdem, qua narratur Mat. thæi 16.

Mmm

nulla

nulla CHRISTVS commendatione profecutus sit, cùm hanc m-
rè commendauerit, & beatificauerit.

*Ad quæstionē
triplex respō-
sum.*

Respondent quidam, confessionem illam Petri narratam à tri- 144
bus Euangelistis, fuisse priori tempore factam: hanc verò narra-
tam hoc loco à Ioanne, fuisse postea factam: & quia iam illa fue-
rat à CHRISTO valde laudata; propterea non opus fuisse ite-
rum eam à CHRISTO commendari. Sed enim istos refellit rā-
tio temporum; Scrutanti enim rectam Euangelicæ historiæ chro-
nologiam manifestum fit, contra potius, illam confessionem Petri
fuisse posteriorem: hanc verò commemoratam à Ioanne hoc lo-
co, fuisse priorem. Respondent alij, Petrum illam confessionem
descriptam à tribus aliis Euangelistis, edidisse suo proprio nomi-
ne: hanc verò commemoratam hic à Ioanne, pronunciaſſe om-
nium nomine Apostolorum: inter quos cùm eſſet Iudas, qui non
credebat IESVM eſſe CHRISTVM, & Filium DEI; non erat
verum illud Petri dictum; *Nos credimus: quia tu es CHRISTVS
Filius DEI.* At enim non solum hanc confessionem: sed etiam
illam Petrus fecit nomine omnium Apostolorum. Hoc enim tra-
dunt Doctores: & in primis Hieronymus super illo Matthæi loco:
idque patet ex illa interrogatione Apostolorum, quam CHRI-
STVS proximè antè fecerat, dicens; *Vos autem quem me eſſe dicitis?*
Et proximè subsequitur; *Respondens autem Simon Petrus dixit; Tu es
CHRISTVS Filius DEI viui.* Ex quo satis apparet, Petrum di-
xisse hoc & suo, aliorumque Apostolorum nomine.

*Auctoris sen-
tentia.*

Illud verisimilius fit, & probabilius videtur; Petrum confesſio- 145
nem illam à tribus aliis Euangelistis enarratam eximia quadam, &
singulari pietate, ac religione, intimòque sensu animi, & per ſpe-
cialem quandam DEI reuelationem edidiſſe: præmiſſa CHRI-
STI valde ſeria, & graui Apostolorum illa interrogatione, *Quem
dicunt homines eſſe Filium hominis.* Et cùm illi expoſuiſſent aliorum
opiniones, ipſe interrogauit eos ſententiam ipſorum, dicens;
Vos autem quem me eſſe dicitis? Multa itaque concurrerunt
ad illam Petri confesſionem, quæ eam maximè
commemorabilem, atque prædica-
bilem fecerunt.

XLV. DISPUTATIO.

Super illis verbis :

Respondit eis IESVS; Nónne ego vos duodecim elegi, VER. 71.
& ex vobis vnus Diabolus est? Dicebat autem Iudam, Simonis Iscariotem: hic enim erat traditurus cum, cùm esset vnus ex duodecim.

146 **H**ÆC verba nonnullas ferunt quæstiones, silentio minimè suppressendas hoc loco. Harum quæstionum prima sit super illis verbis; *Nónne ego vos duodecim elegi?* quibus significatur, Iudam fuisse electum à CHRISTO. At infrà contrarium videtur CHRISTVS indicasse: nam in capite decimo tertio de Iuda loquens, aliis Apostolis dixit; *Non de omnibus vobis dico, ego scio quos elegerim. Sed vt adimplentur Scriptura; qui manducat meum panem, leuabit contra me calcaneum suum.* Ex quibus verbis videtur concludi, Iudam non fuisse à CHRISTO electum. Verùm facili quæstio hæc soluitur; si distinguatur nomen electionis. Est enim duplex electio; Altera quidem ad consortium sanctorum in æterna beatitudine, & ad participationem æternæ vitæ: & hæc non conuenit nisi prædestinatis ad vitam æternam: & hæc non fuit in Iuda; quippè qui reprobatus, & damnatus est: & de huiusmodi electione loquens CHRISTVS infrà cap. 13. significauit, Iudam non fuisse de numero eorum, quos ipse CHRISTVS elegerat. Altera est electio ad gradum aliquem muneris, & dignitatis in Ecclesia; Supremus autem gradus muneris, & dignitatis in Ecclesia est Apostolicus gradus, ad quem Iudas electus est à CHRISTO. Et de huiusmodi electione locutus est CHRISTVS in hoc loco, cùm dixit; *Nónne ego vos duodecim elegi?*

An Iudas fuerit electus à Christo.
Psalm. 40.

147 Illud porrò quod quidam dixerunt, Iudam non esse à CHRISTO electum ad honorem, & dignitatem Apostolatus; sed ad corporale quoddam ministerium procurandi, & dispensandi ea, quæ pertinebant ad victum CHRISTI, & Apostolorum; & quæ superessent, in eleemosynas pauperum erogandi; hoc, inquam, minimè

Ceteri eos, qui dixerunt Iudam non fuisse electum ad munus & dignitatem Apostolatus.

nimè verum est : Istis enim apertè contradicit sacra Scriptura; nempe Lucas cap. 6. scribit, **CHRISTVM** ex omnibus suis discipulis, & sectatoribus elegisse duodecim, quos & Apostolos nominavit, inter quos recenset Iudam. Et Petrus de Iuda dixit; *Qui connumeratus erat in nobis, & sortitus est sortem ministerij huius & Apostolatus.* Et idcirco David ministerium eius appellavit Episcopatum. De Iuda enim Petrus interpretatur illa verba Davidis, quæ sunt in Psalmo centesimo octavo; *Et episcopatum eius accipiat alter.* Hoc etiam probatur euidenter eo argumento, quòd Matthias electus est, & suffectus in locum Iudæ: est autem electus ad gradum muneris, & honoris Apostolici; quod indicarunt verba illa, quæ dixerant Apostoli in electione Matthiæ; *Tu Domine, qui corda nosti omnium, ostende quem elegeris ex his duobus vnum, accipere locum ministerij huius, & Apostolatus: de quo præuericatus est Iudas.*

Sed illud nobis quispiam fortasse obiiciet. Electio **DEI** est 148 immutabilis, & infallibilis. Si ergo Iudas fuisset electus à **CHRISTO**; non utique fuisset reprobatus, & damnatus; quomodo igitur intelligendum est illud, quod **CHRISTVS** dixit hoc loco; *Nonne ego vos duodecim elegi?* Beatus Augustinus responderet, **CHRISTVM** istis verbis non esse locutum de illis duodecim personis: sed de ipso numero duodenario, quem ipse in Apostolis ratum, & fixum, & inuiolabilem esse voluit. Nam quamuis Iudas defecerit, in eius tamen locum subrogatus est Matthias, & ita duodenarius Apostolorum numerus integer permansit. Sed isti expositioni ipsa **CHRISTI** verba non videntur suffragari: non enim **CHRISTVS** dixit; (Ego duodecim elegi:) sed dixit; *Ego vos duodecim elegi.* Illud enim, *vos*, apertè demonstrat, & propriè designat illas personas, & non tantùm ipsum numerum duodenarium. Potest itaque obiectio hæc ad eum modum solui, quo soluta est prima quæstio; adhibita scilicet distinctione duplicis electionis.

*Augustinus.
Quomodo sit
immutabilis
electio Dei.*

XLVI. DISPUTATIO.

*Cur Iudas hoc loco appelletur à CHRISTO Diabolus: & an
Iudas eo tempore, quo vocatus est à CHRISTO
ad Apostolatam, fuerit vir bonus, an verò
etiam tunc malus esset.*

149



VARI hoc loco potest, cur Iudam CHRISTVS *Iudas appella-
tus Diabolus.*

appellauerit Diabolum. Putant quidam, nomen
Diaboli hoc loco non esse nomen proprium signi-
ficans propriè Dæmonem: sed esse nomen com-
mune significans calumniatorem: & hoc nomen

tribui Iudæ, quòd eo esset ingenio, atque animo, vt dicta, factaque
CHRISTI, quoquo modo posset, calumniari soleret. Huic opi-
nationi videtur suffragari Beatus Hieronymus in commentariis *Hieronymus.*

suis in Matthæum, ita scribens; Iudas calumniabatur miracula
CHRISTI, existimans ea magicè fieri: sed verisimilius fit, quod
tradit Cyrillus, & plures alij, Iudam appellatum esse Diabolum *Cyrillus.*

in Matthæo; scilicet ad exaggerandam eius malignitatem, atque ma-
litiā, quòd ea Diabolica magis videretur, quàm humana. Simili
etiam locutione vti solent homines in vulgari sermone. Nam de
homine perditissimo, & malignissimo vulgè dici solet, iste est
Diabolus: Quemadmodum (inquit Cyrillus) qui adhæret DEO,
vnus spiritus fit cum eo: ita qui penitens adhæret Diabolo, & ipse
quodammodo fit Diabolus. Chrysostomus, Theophylactus, Eu-
thymius hoc CHRISTI de Iuda dictum, eodem modo inter-
pretantur.

*Chrysost.
Theophylact.
Euthymius.
An Iudas,
cùm est voca-
tus ad Apo-
stolatam, fue-
rit bonus, an
malus.
Augustinus.
Beda.
B. Thomas.
Chrysost.
Cyrillus.
Euthymius.
Lyranus.
Caietanus.*

150

Illud denique in quæstionem adduci potest; An Iudas eo tem-
pore, quo vocatus à CHRISTO est ad Apostolatam, fuerit vir
bonus, an malus. Augustinus putat, eum tunc etiam fuisse malum:
ideò autem esse vocatum, & electum à CHRISTO: quia CHRI-
STVS voluit eius malitia vti in commune bonum totius mundi.
Neque huic opinioni abnuir Beda: & Beatus Thomas eius astipu-
latorem, & probatorem laudat Ambrosium. Ex aduerso Chry-
sostomus, Cyrillus, Euthymius, Lyranus, & Caietanus verisimilius

Mmm 3 esse

esse putant, cum fuisse tunc virum bonum: neque enim conueniens, & decens fuisset, à CHRISTO eligi ad Apostolatam; supremum videlicet Ecclesiasticæ dignitatis, atque potestatis gradum, hominem pessimum, atque perditum; cum ipse ad quoslibet Ecclesiasticos gradus, non nisi viros bonos prouehi iubeat. Accidit res hæc per se in obscuro, & incerto sit: quis enim diuinare potest, qualis fuerit tum Iudas, cum est à CHRISTO vocatus, bonusne, an malus? ego tamen sum ad hanc posteriorem opinionem, tanquam rationi magis consentaneam propensior.

CAPVT





CAPVT SEPTIMVM

EVANGELII IOANNIS.



OST hac autem ambulabat IESVS VERS. I.

in Galilaam : non enim volebat in Iudeam ambulare : quia querebant eum Iudei interficere. * Erat autem in proximo dies festus Iudeorum, Scenopagia. * Dixerunt autem ad eum fratres eius ; Transi hinc , & vade in Iudeam , ut & discipuli tui videant

opera tua , qua facis. * Nemo quippè in occulto quid facit , & querit ipse in palam esse : si hac facis , manifesta teipsum mundo. * Neque enim fratres eius credebant in eum. * Dicit ergo eis IESVS ; Tempus meum nondum aduenit : tempus autem vestrum semper est paratum. * Non potest mundus odisse vos : me autem odit : quia ego testimonium perhibeo de illo , quòd opera eius mala sunt.

* Vos ascendite ad diem festum hunc ; ego autem non ascendo ad diem festum istum : quia meum tempus nondum impletum est.

* Hac cum dixisset , ipse mansit in Galilea. * Ut autem ascenderunt fratres eius ; tunc & ipse ascendit ad diem festum , non manifestè : sed quasi in occulto. * Iudei ergo querebant eum in die festo , & dicebant ; Ubi est ille ? * Et murmur multum erat in turba de eo. Quidam enim dicebant : quia bonus est. Alij autem dicebant ; Non : sed seducit turbas. * Nemo tamen palam loquebatur

- 14 batur de illo propter metum Iudeorum. * Jam autem die festo
 15 mediante; ascendit IESVS in templum, & docebat. * Et mira-
 bantur Iudei, dicentes; Quomodo hic litteras scit, cum non didi-
 16 cerit? * Respondit eis IESVS, & dixit; Mea doctrina non
 17 est mea: sed eius, qui misit me. * Si quis voluerit voluntatem eius
 facere: cognoscat de doctrina, utrum ex DEO sit; an ego à me-
 18 ipso loquar. * Qui à semetipso loquitur, gloriam propriam querit:
 qui autem querit gloriam eius, qui misit eum, hic verax est, & in-
 19 iustitia in illo non est. * Nonne Moses dedit vobis legem: & ne-
 20 mo ex vobis facit legem? Quid me queritis interficere? Respon-
 dit turba, & dixit; Daemonium habes: quis te querit interficere?
 21 * Respondit IESVS, & dixit eis; Unum opus feci, & omnes
 22 miramini. * Propterea Moses dedit vobis circumcisionem: (non
 quia ex Mose est: sed ex Patribus,) & in sabbato circumciditis
 23 hominem. * Si circumcisionem accipit homo in sabbato, ut non
 solvatur lex Mosi: mihi indignamini quia totum hominem sanum
 24 feci in sabbato? * Nolite iudicare secundum faciem: sed iustum
 25 iudicium iudicate. * Dicebāt ergo quidam ex Hierosolymis: Non-
 26 ne hic est, quem querunt interficere? * Et ecce palam loquitur, &
 nihil ei dicunt. Numquid verè cognouerunt principes, quia hic
 27 est CHRISTVS? * Sed hunc scimus unde sit: CHRISTVS
 28 autem cum venerit, nemo scit, unde sit. * Clamabat ergo IESVS
 in templo docens, & dicens; Et me scitis, & unde sim, scitis:
 & à meipso non veni: sed est verus, qui misit me, quem vos
 29. 30 nescitis. * Ego scio eum: quia ab ipso sum, & ipse me misit. * Que-
 rebant ergo eum apprehendere: & nemo misit in illum manus:
 31 quia nondum venerat hora eius. * De turba autem multi credi-
 derunt in eum, & dicebant: CHRISTVS cum venerit, num-
 32 quid plura signa faciet, quàm quæ hic facit? * Audierunt Pha-
 risæi turbam murmurantem de illo hæc: & miserunt Principes, &
 33 Pharisei ministros, ut apprehenderent eum. * Dixit ergo eis IESVS;
 Adhuc modicum tempus vobiscum sum: & vado ad eum,

qui me misit. * Quæretis me, & non inuenietis: & ubi ego sum, 34
 vos non potestis venire. * Dixerunt ergo Iudei ad semetipsos; 35
 Quò hic iturus est; quia non inueniemus eum? Numquid in di-
 spersionem gentium iturus est, & docturus gentes? * Quis est 36
 hic sermo, quem dixit; Quæretis me, & non inuenietis: & ubi
 sum ego, vos non potestis venire? * In nouissimo autem die magno 37
 festiuitatis stabat IESVS, & clamabat, dicens; Si quis sitit, ve-
 niat ad me; & bibat. * Qui credit in me, sicut dicit Scriptura, 38
 flumina de ventre eius fluent aquæ viuæ. * Hoc autem dixit de 39
 Spiritu, quem accepturi erant credentes in eum: nondum enim
 erat Spiritus datus; quia IESVS nondumerat glorificatus. * Ex 40
 illa ergo turba cum audissent sermones eius, dicebant; Hic est verè
 propheta. * Alij dicebant; Hic est CHRISTVS. Quidam au- 41
 tem dicebant; Numquid à Galilea venit CHRISTVS? * Non- 42
 ne Scriptura dicit; Quia ex semine David, & de Bethleem castel-
 lo, ubi erat Dauid, venit CHRISTVS? * Dissensio itaque 43
 facta est in turba propter eum. * Quidam autem ex ipsis volebant 44
 apprehendere eum: sed nemo misit super eum manus. * Venerunt 45
 ergo ministri ad Pontifices, & Phariseos. Et dixerunt eis illi;
 Quare non adduxistis illum? * Responderunt ministri; Num- 46
 quam sic locutus est homo; sicut hic homo. * Responderunt ergo 47
 eis Pharisei; Numquid & vos seducti estis? * Numquid ex 48
 Principibus aliquis credidit in eum, aut ex Phariseis? * Sed tur- 49
 ba hæc, quæ non nouit legem, maledicti sunt. * Dixit Nicodemus 50
 ad eos, ille, qui venit ad eum nocte, qui vnus erat ex ipsis:
 * Numquid lex nostra iudicat hominem, nisi prius audierit ab ipso, 51
 & cognouerit quid faciat? * Responderunt, & dixerunt 52
 ei; Numquid & tu Galileus es? Scrutare Scripturas,
 & vide quia à Galilea propheta non surgit.
 * Et reuersi sunt vnusquisque in
 domum suam.



IN CAPVT SEPTI- MVM DISPVATIONES DECEM.



PRIMA DISPVATIO.

*De connexione huius capitis cum superioribus: & de pluribus
CHRISTI factis, & dictis prætermiſſis in hoc
loco à Beato Joanne.*



TOTVM ferè hoc caput consumitur i
in enarrandis altercationibus, quæ in-
ter Iudæos, & CHRISTVM in festo
Scenopegiæ vltro, citroq; agitate sunt.
Sed ante omnia scire conuenit, inter
historiam proximi superioris capitis,
& historiam huius capitis septimi in-
tercessisse tēpus sex mensium; quantū
scilicet interfluxit inter festū Paschæ,
quod primo mense celebrabatur; & festum Scenopegiæ, quod age-
batur in septimo mense. Hoc toto tempore CHRISTVS in Ga-
lilæa versatus est: vel, vt Ioannes initio huius capitis dixit, secun-
dum phrasim Hebraicam, ambulauit in Galilæam. Quæ autem
isto sex mensium tempore à CHRISTO dicta, & facta sunt, eo-
rum narratione supersedit Ioannes; vt quæ ab alijs Euangelistis iam
essent literis prodita. Ista verò, quæ insigniora fuerunt, huiusmo-
di sunt; Sanata est filia mulieris Cananæ, Matthæi 15. Marc. 7.
Sanatus est à CHRISTO surdus, & mutus, Marc. 7. Septem pa-
nibus satiauit quatuor millia hominum, Matthæi 15. Marci 8. Il-
luminatus est cæcus in Bethsaida, Marci 8. Beatificatur confessio,
quam de CHRISTO fecit Petrus, Matthæi 16. Marci 8. Lucæ 9.

Trans

*Offe insignia
Christi facta,
& miracula,
quorum nar-
rationem præ-
termiſit Ioa-
nnes.*

Transfiguratus est CHRISTVS in monte, Matthæi 17. Marci & Lucæ 9. Elicitur à CHRISTO Dæmonium; quod non potuerant eiicere Apostoli; ibidem. Petrus statere in, ore piscis inuenito, pro CHRISTO, & pro se soluit didrachma.

- 2 Post hæc appropinquante festo Scenopegix; quod erat vnum de tribus illis festis, ad quæ celebranda lex iubebat Iudæos ascendere Hierosolymam: proficisci voluit CHRISTVS ex Galilæa in Iudæam, non solum propter celebrationem istius festi: sed etiam quoddiam in propinquo esset tempus passionis eius; vt significauit Lucas cap. 9. nominans id, tempus assumptionis CHRISTI. Etenim mors CHRISTI in Scriptura Euangelica variis nominibus denotatur. Appellatur enim assumptio, & baptismus, & excessus, & transitus, & exaltatio, & consummatio. Proficiscenti autem CHRISTO ex Galilæa in Iudæam transeunda erat Samaria; vbi duo acciderunt satis memorabilia. Alterum fuit, quodd Samaritanis hospitio cum vbique excludentibus, indignati Iacobus, & Ioannes vrgebant eum, vt igne cœlitus demisso tantam illorum inhumanitatem, sibi que factam iniuriam, & contumeliam vlcersceretur: sicut narrant Matth. cap. 19. Marcus 10. Lucas 9. Alterum fuit, quod in eo ipso itinere decem leprosi sanati sunt à CHRISTO, Lucæ 17. Denique peruenit CHRISTVS Hierosolymam medio festo Scenopegix: ea namque festiuitas per octo dies agebatur, & celebrabatur.


Passio, & mors Christi sex nominibus denotatur, & designatur in scriptura Euangelica.

SECUNDA DISPVATIO.

Super illis verbis:

Mirabantur Iudæi, dicentes; Quomodo hic literas scit, cum non didicerit.

VER. 16.

- 3  Ec dicebant Iudæi non admirantes excellentiam doctrinæ CHRISTI: sed simulantes ignorantiam modi; quo eam doctrinam ipse acquisiuisset, volebant odiosam, & suspectam reddere: scilicet, vt quæ humano studio non esset acquisita, Dæ-

Nnn 2

monum

*Malitia Iu-
daorum.*

monum magisterio crederetur accepta: Nam vt miracula eius: ita & doctrinam Dæmonibus acceptam referebant: hoc malitiosè agentes, vt quæ in eo mira erant, & fidem ei maximam, atque auctoritatem conciliabant, magica, & diabolica existimarentur, ob idque magis eum facerent inuisum, & exosum. Dicunt eum non didicisse literas, quia nouerant eius educationem in vrbe Nazareth; vbi à pueritia fabrilem artem cum Iosepho, qui pater eius putabatur, tractauerat. Non viderant eum libros versantem, nec studiorum causa vel Hierosolymam, vel alia loca; vbi sacræ literæ docebantur, frequentantem, neque cum Doctoribus, sciendi causa conuersantem. Dicunt itaque Iudæi; *Quomodo hic literas scit, cum non didicerit?*

*Cōfutatō In-
daorum.*

Verum ab istis Iudæis quæri vicissim potuisset; *Quomodo hic* 4
I E S V S; cum sit hominē mortalis, & passibilis, opera facit supra humanam facultatem, & planè diuina, illuminando cæcos, & viuificando mortuos? Vnde illi tantorum operum est potentia, indidem est doctrina: Quasi verò, scire literas possibile non sit, nisi quis eas ab alio didicerit. Quomodo igitur scientiam rerum omnium, quam vtique non didicerat ab alio, habuit Adam? quomodo tantam scientiam, & sapientiam habuit Salomon? Quomodo artem sculpendi, & pingendi habuit Beseleel? Quomodo Prophetæ res longè remotas, & obscurissimas sciuerunt? Oportebat considerare potius qualitatem doctrinæ, quàm modum habendi eam.

Exod. 36.

*Tres modi ac-
quirendi sci-
entiam.*

Cæterum scire conuenit, tres esse modos acquirendi doctrinam. Vnus est humanus; & hic est duplex; vel per propriam inuentionem; vel ab aliis discendo. Alter modus est diabolicus, per instinctum, & suggestum Dæmonis; quo modo sciuntur artes Magicæ. Tertius modus est diuinus: & hic triplex est; vel per singulares quasdam reuelationes, & inspirationes D E I: quemadmodum multa diuinitus Prophetæ docebantur; vel per habitus scientiæ à D E O infusos: & hac ratione Adam, & Salomon habuere scientiam rerum naturalium: vel per claram diuinæ essentia visionem: sicut Beati sciunt omnia in Verbo.


Rursus cognitio diuina, seu rerum diuinarum potest accipi 6
vel ab homine, vt eam acceperunt Iudæi à Mose, & Prophetis; &
Chri

Christiani ab Apostolis, & Euangelistis: vel ab Angelis, à quibus multa docti sunt Prophetæ: vel immediatè ab ipso DEO, à quo CHRISTVS Dominus, quà homo, scientiam rerum omnium habuit. Denique diuina doctrina vel per partes, & per intervalla temporum datur homini: & sic data est à DEO Prophetis: vel tota simul datur: quemadmodum data est CHRISTO. Huius diuersitatis exemplum quodammodo cernitur in vulgari Scriptura: quæ vel humana manu per partes successiue exaratur: vel quæ typis excusa, tota simul quadantenus exprimitur. Excuitur enim typis tota aliqua pagina, vel etiam plures: idque simul secundum omnes versus, & syllabas.

TERTIA DISPUTATIO.

Super illis verbis:

Respondit eis IESVS, & dixit; Mea doctrina non VER. 17.
est mea: sed eius, qui misit me.

7  VIA CHRISTVS erat DEVS & homo; erat quoque duplex eius doctrina. Altera, tanquam DEI, diuina; altera, tanquam hominis, humana. Doctrina diuina quatuor habet propria; quibus ab aliis omnibus doctrinis discernitur. Est enim æterna; est increata; est infinita; est substantialis DEO; quoniam re ipsa idem est cum substantia DEI. Hæc doctrina erat CHRISTI substantialiter: sicut est DEI Patris; non erat tamen CHRISTI originaliter: sicut enim substantiam diuinam non à se habebat: sed à DEO Patre per æternam generationem acceperat: ita quoque & doctrinam diuinam. Et de hac quidem doctrina diuina verè intelligi potest hoc Domini dictum; *Mea doctrina non est mea*. Patet enim ex his, quæ dicta sunt, doctrinam hanc diuinam & esse ipsius CHRISTI, & non esse ipsius.

Quatuor esse propria diuina doctrina.

8 Doctrina verò CHRISTI tanquam hominis, triplex fuit. Vna fuit beatifica; claram habens diuinæ essentiae visionem; & hanc ipse ab initio suæ conceptionis habuit, & per eam omnia sciuit.

Triplex doctrina Christi tanquam hominis.

Nnn 3 Hæc

Hæc autem non fuit ipsius, neque effectiue, neque meritoriè: non enim ipse mèruit sibi gratiam, & gloriam essentialem. Altera doctrina CHRISTI tanquàm hominis, fuit infusa à DEO animæ ipsius, omnes complexa habitus scientificos; per quam doctrinam homo CHRISTVS omnia naturaliter scibilia perfectissimè sciebat: & hæc doctrina CHRISTI non ab ipso tanquàm homine fuit: sed à DEO infusa animæ eius ab initio fuerat. Tertia doctrina CHRISTI tanquàm hominis, fuit acquisita, quam ipse tanquam homo viator, & cæterorum hominum, citra peccatum, similis, per virtutem intellectus passibilis & agentis, & ministerio sensuum, & per varias obseruationes, & experimenta sibi comparauerat. Hæc porrò doctrina, sicut magis esse ipsius dici poterat, quàm superiores: ita longè illis & dignitate, & perfectione scientiæ inferior erat. Hoc autem loco nomine, doctrinæ, significari videtur doctrina; non vt est habitus quidam inherens, & manens in hominis mente: sed vt ea verbis explicatur, & traditur aliis hominibus: vt hæc sit germana horum verborum Domini sententia, & interpretatio; *Mea doctrina*: quod ego vos doceo, & quod prædico esse vobis credendum, & agendum, *non est mea*, non est meum inuentum, ex proprio sensu, & arbitrio profectum: *sed eius, qui misit me*: sed est DEI Patris mei, qui misit me in mundum, cum me hominem fieri voluit, & docuit me hæc ipsa, quæ ego vos doceo: & mandauit mihi, vt ea nomine ipsius denunciarem, & traderem vobis. Vos itaque non meam: sed DEI doctrinam contemnitis, & abiicitis; nec mihi: sed DEO aduersamini.

Quod ita est homini, vt non sit Dei, id non esse bonū.

Sciendum præterea est, quod ita proprium est hominis, vt non sit etiam DEI, id nullo modo bonum esse posse: nempe omnis boni auctor est DEVS; & ad omne bonum, quod ab homine fit, & inchoandum, & promouendum, & absoluendum, tanquàm principalis causa eius boni, concurrit DEVS. Doctrina igitur, quæ ita est hominis, vt non sit etiam DEI, ea nec vera est, nec utilis homini, nec DEO grata esse potest. Dicens itaque Dominus; *Mea doctrina, non est mea: sed eius, qui misit me*: satis indicauit, doctrinam, quam ipse prædicabat, esse verissimam, & utilissimam, Deoque acceptissimam, & ab ipsis approbandam, & amplectendam.

Illud

10 Illud quoque hic aduertendum est, hoc esse, præter alia, discrimen inter gentiles philosophos, profanosque doctores; & inter diuinæ doctrinæ prædicatores, & doctores, atque scriptores; quod illi maximè studebant, & contendebant persuadere hominibus, doctrinam, quam ipsi profitebantur, & tradebant illis, esse nouam, nec ab villo priorum cognitam: sed suum esse inuentum, sui que ingenij fortum, & opus esse proprium: gloriosius enim fore sibi putabant, si nihil ab aliis didicisse, & accepisse viderentur: sed omnia sibi suo ingenio, suoque studio peperisse.

Discrimē inter Philosophos, & sacra doctrina prædicatores, atque doctores.

11 Contrà verò, Prophetæ, Apostoli, Euangelistæ, aliique diuinæ doctrinæ prædicatores, & doctores, atque scriptores, maximè studebant, & laborabant persuadere hominibus, doctrinam, quæ ab ipsis tradebatur, non esse ipsorum: sed esse à DEO profectam, & ab eo traditam ipsis. Atque hæc est causa, cur inter omnes diuinæ doctrinæ scriptores mira sit sententiarum, & doctrinæ consonantia, & concordia: cum inter gentiles philosophos maxima semper fuerit sententiarum varietas, atque dissensio. Apud illos enim non parua ducebatur ingenij laus, nec doctrinæ gloria, & sapientiæ existimatio, discipulos à magistris dissentire, & posteriores aduersari prioribus. Cum itaque CHRISTVS dixit; *Mea doctrina, non est mea: sed eius, qui misit me*; ostendit, doctrinam suam non esse philosophicam, neque humanam: sed esse diuinam, & à DEO sibi traditam, & DEI nomine eam ab ipso prædicari hominibus.

12 Solet etiam humana doctrina tribus præcipuè vitiis esse obnoxia; mendacio siue falsitati, & vanitati, & superbix. Hoc demonstrant illæ, quæ leguntur in Sacris litteris sententiæ; *Omnis homo mendax: Dominus scit cogitationes hominum: quoniam vanae sunt. Filij hominum usquequo graui corde, ut quid diligitis vanitatem, & queritis mendacium? Scientia inflat.* Ab huiusmodi vitiis penitus vacua, & pura est diuina doctrina. Eius namque principalis auctor, & doctor est DEVS, qui est ipsa veritas; ut neque ipse falli, neque fallere alios queat. Et apud Isaiam ait; *Ego Dominus docens te vilia.* Et secundum Iacobum Apostolum; *Sapientia, qua desursum est, pudica est, modesta, pacifica, suadibilis, bonis consentiens, &c.*

Hominū doctrina tribus vitiis obnoxia.
Psal. 115.
Psal. 95.
Psal. 4.
1. Cor. 3.

Esa. 48.
Iacob. 3.

13 Denique sententia hæc Domini: *Mea doctrina, non est mea: sed eius,*

eius, qui misit me : salutare admodum præbet nobis documentum. Vnicuique enim nostrum seriò cogitandum est, penitusque persuasum nobis esse debet, si quid boni est in nobis, qualecumque & quantumcumque sit, id magis esse à D E O, quàm à nobis; magisque D E I esse, quàm nostrum; quamobrem non esse id tribuendum nobis: sed acceptum D E O ferendum. Quod etiam

*Bona, quæ sūt
in nobis, quomodo
sint nostra. & non
sint nostra; &
quid magis
nō sint nostra,
quàm nostra.*

confirmat Apostolus illis verbis; *Quid habes, quod non accepisti? Si autem accepisti, quare gloriaris, quasi non acceperis?* Sanè, bonum, quod est in nobis, & nostrum est, & non est nostrum: sed magis non est nostrum, quàm est nostrum. Est quidem nostrum: quia datum nobis est ad vsum, & vtilitatem nostram; quia pertinet, & conducit ad ornamentum, & perfectionem animæ nostræ: quia possumus eo bono, si eo, vt oportet, vtamur, demereri nobis D E V M, & vitam æternam comparare. Non est autem nostrum; quia principalis eius auctor, & causa non sumus nos: sed D E V S: secundum illud Apostoli Iacobi dictum; *Omne datum optimum; & omne donum perfectum desursum est, descendens à Patre luminum.* Non est etiam nostrum; quia non est datum nobis vt id vanè iactemus, & venditemus, ac de eo superbè gloriemur; sed vt per id, quoad possumus, glorificemus D E V M, aliòsque iuueamus. Non est etiam nostrum: quia nobis non licet vti eo vtcumque nobis libitum fuerit: sed secundum regulam, & mensuram diuinæ voluntatis: nec sumus nos bonorum, quæ habemus, absoluti domini: sed tanquàm depositi cuiusdam, & commissi custodes; & talenti nobis traditi fructuatores; de quo scilicet à nobis exigenda subtiliter ratio est, quemadmodum sit à nobis conseruatum, & administratum, & cum lucro auctum.

Matth. 15.

QVARTA DISPVATIO.

Super illis verbis:

*VER. 27.
& 28.*

Sed hunc scimus, vnde sit: CHRISTVS autem cùm venerit, nemo scit, vnde sit. Clamabat ergo IESVS in templo docens; & dicens; Et me scitis, & vnde sim, scitis.

In

14 **I**N supradictis verbis Iudæorum duplex videtur esse contradictio. Altera est hæc; Dicunt Iudæi se scire, vnde sit Dominus IESVS: cum tamen infra in capite 9. huius Euangelij nattet Ioannes eos dixisse; *Nos scimus: quia Moysi locutus est* DEVS: *hunc autem nescimus vnde sit.* Altera contradictio est huiusmodi; Dicunt hic Iudæi, neminem scire; vnde Messias futurus sit. At paulò infra in hoc ipso sermone, testimonio Scripturæ confirmant, CHRISTVM ex semine Dauid futurum, & nasciturum in oppido Bethleem. Sed neutrum Iudæorum dictum veram continet contradictionem. Etenim Iudæi Dominum IESVM secundum aliqua cognoscebant, & secundum alia plura, & maiora ignorabant. Cognoscebant eum, quantum ad matrem eius Beatam MARIAM: quantum ad educationem in vrbe Nazareth; quantum ad fabrilem artem, quam à puero exercuerat; quantum ad doctrinam, quod à nullo eam didicerat; ac demum quantum ad veritatem naturæ humanæ; & quantum ad humilitatem, & paupertatem vitæ, atque conuersationis eius. Infra verò in capite 9. negant se scire vnde sit Dominus IESVS: id autem est, à quo fuerit missus ad prædicandum, & docendum alios: quis ei tantam dederit auctoritatem, & potestatem, quantam præ se ipse ferebat: à quo doctrinam, quam tradebat, didicerit, & acceperit. Nolebant enim fateri ipsum fuisse missum à DEO, & ab eo doctum: sicut de Mose fateri non dubitabant.

Quomodo Iudæi Dominum nostrum cognoscerent, & non cognoscerent.

15 Sed erant alia plura, & maiora in CHRISTO, quæ Iudæi nesciebant. Ea verò sunt hæc; ipsum & verum esse hominem, simulque verum DEVM: Ipsum esse verum, & naturalem filium DEI, ab eo genitum ante omnia sæcula: Ipsum esse DEO Patri coæternum, & consubstantiali, & æqualem: Ipsum, quæ homo erat, fuisse generatum ex matre virgine, sine virili semine; ideòque veram matrem habere in terris; non autem Patrem: Ipsam denique, licet secundum corporalem conditionem, & cōuersationem esset mortalis, ac passibilis, & pauper, atque humilis: secundum partem tamen superiorem animæ suæ, etiam cum in terris versaretur, esse gloriosum, & beatum. Ex his apparet, in supradictis verbis Iudæorum, quibus illi dicebant, se Dominum nostrum IES-

Quinque præcipua in Domino nostro Iesu, quæ non sciebant Iudæi.

s v m & scire, & non scire, non fuisse veram, secundum mentem ipsorum, contradictionem. Multò autem minus vlla fuit contraditio in verbis Domini, cum dixit hoc loco; *Et me scitis, & unde sim, scitis*. Et cum infra in capite 8. dixit; *Neque me scitis, neque Patrem meum*; satis enim declaratum à nobis est, Iudæos, secundum aliqua sciuisse Dominum, & secundum aliqua nesciuisse.

Circa verò alterum illud Iudæorum dictum, *CHRISTVS AUTEM CUM VENERIT, NEMO SCIT, UNDE SIT*; scire conuenit, Iudæos eo tempore putasse, Messiam, secundum aliqua fore notum hominibus; secundum alia verò occultum, & ignotum. Sex autem sunt, secundum quæ Messias futurus erat notus Iudæis. Primò, secundum Tribum, quia futurus erat de Tribu Iuda; vt prædixerat Iacob illis verbis; *Non auferetur sceptrum de Iuda, nec dux de femore eius, donec veniat, qui venturus est; & ipse erit expectatio gentiũ*. Deinde secundum genus, & familiam eius; quia futurus erat ex semine Dauid; vt ei *DEVS* iureiurando promiserat. Tum secundum natalem locum eius; quia, secundum Michææ vaticinium, nasciturus erat in vrbe Bethleem. Ad hæc, secundum tempus aduentus eius; quia venturus erat, cum primùm defecisset Principatus Iudæicus, transiens ad alienigenas: sicut in illo suo nobili vaticinio significauit Iacob; Et post illas septuaginta hebdomadas, quibus Daniel tempus Messie præsignauit. Præterea secundum miracula, quæ factururus erat in terris, quæ prædicta fuerant ab Isaia in capite 35. dando visum cæcis, surdis auditum, & claudis ingrediendi, & saliendi virtutem. Postremò, quia venturus erat maxima cum potestate, & gloria; & redempturus erat populum Israël, & subiecturus erat imperio sub alia regna; vt prædixerat Daniel in capite secundo, & septimo, & octauo.

At verò putabant Iudæi, secundum alia quædam Messiam fore ignotum hominibus; nonnullis diuinæ Scripturæ sententiis persuasi. Etenim Isaia in capite 53. de eo dixit; *Generationem eius quis enarrabit?* Deinde Dauid in Psalmo 109. de Messia dixit; *Tu es sacerdos in æternum secundum ordinem Melchisedech*. Ipsius autem Melchisedech & parentes, & genealogia, & tempus ortus, atque obitus ignota erant: vt scribit Apostolus in capite 7. Epistolæ ad Hebræos. Quinetiam ipse Michæas, qui natalem locum Messie præ-

Secundum sex res Messiam futurũ Iudæis notum.

Genes. 49.

Psal. 131.

Mich. 5.

Genes. 49.

Daniel. 9.

Secundũ quas res Messias futurũ esset ignotus.

Michæa 5.


præ

prænuñciauerat, significauit, ipsum fore incomprehensibilem, dicens; *Egressus eius ab initio, à diebus æternitatis.* Putabant quoque Iudæi, hoc ipsum fuisse significatum à Daniele per illum lapidem de monte excisum sine manibus, qui præfigurabat Messiam, & à quo portentosa illa statua præsignans regna huius mundi, percutsa & in puluerem redacta est.

QVINTA DISPUTATIO.

Super illis verbis:

Quæretis me, & non inuenietis, & ubi ego sum, VER. 34.
vos non potestis venire.

18  P V D explanatores huius Euangelij triplicem ego *Triplex interpretatio. Prima, Rupertii, & Caietani.* interpretationem horum verborum reperio. Rupertus, & Caietanus putant verba hæc in malam partem esse accipienda; in hanc scilicet sententiam: Non solum vos Iudæi me viuum persequimini: sed etiam mortuum. Quæretis enim me iam mortuum tenere clausum in sepulchro: sed non inuenietis. Exibo enim de sepulchro clauso, & à mortuis exurgam viuus, atque immortalis. Quæretis etiam, iniuriis me, atque contumeliis afficere, meique memoriam, & nomen meum ex animis hominum euellere, ac penitus delere; seruos quoque meos ubique hostili odio persequimini: sed non inuenietis, id est, nihil proficietis: nam & illi vestra persecutione magis in dies multiplicabuntur, magisque in confessione mei nominis, & in professione, atque prædicatione doctrinæ meæ confirmabuntur: meum quoque nomen per omnem terrarum orbem celebrabitur, & illustrius, atque gloriosius in dies exister.

19 Chrysostomus autem, & Theophylactus, & Euthymius referunt hæc Domini verba ad tempus obsidionis Hierosolymitanæ, quæ facta est sub Tito Romanorum Imperatore. Eo namque tempore cum Iudæi maximis versarentur in angustiis, grauissimisque malis, & calamitatibus premerentur, atque conflictarentur: multi ex ipsis quæsierunt Dominum nostrum, id est, recordati sunt eum

O O O 2 prædi

prædixisse ipsis omnia illa mala, quæ tunc patiebantur: recordati etiam sunt insignium virtutum eius, & miraculorum, & beneficiorum, quæ in ipsos contulerat: quamobrem eum sibi tunc adesse optassent: Sed vanum fuit, atque irritum istorum desiderium: in quos scilicet verè, aptèque dici potuit illud, quod per Salomonem Dominus dixit, *Quia vocavi, & renuistis: extendi manum meam, & non fuit, qui aspiceret. Despexistis omne consilium meum, & increpationes meas neglexistis. Ego quoque in interitu vestro ridebo, & subfannabo, cum vobis id, quod timebatis, aduenerit. Cum irruerit repente calamitas, & interitus quasi tempestas ingruerit: Quando venerit super vos tribulatio, & angustia. Tunc inuocabunt me, & non exaudiam: mane consurgent, & non inuenient me; eò quòd exosam habuerint disciplinam, & timorem Domini non susceperint, nec acquieverint consilio meo, & detraxerint uniuersæ correctioni meæ. Comedent igitur fructus viæ suæ, suisque consilijs saturabuntur.*

Peuerb. cap.

1.

Tertia interpretatio, quæ est Augustini, & Bedæ.

Altorum 1.

At verò Beatus Augustinus, & Beda hoc Domini dictum referunt ad eos Iudæos, qui post aduentum Spiritus sancti, cognita veritate doctrinæ CHRISTI, ad fidem eius conuersi sunt: & qui eum antea fuerant insectati, tunc piè colebant, & amabant: tales fuere illi Iudæi, qui in ipso die Pentecostes, prædicante Beato Petro, conuersi sunt ad CHRISTVM, quorum fuisse tria millia narrat Lucas. Isti ergo pro maximo duxissent beneficio si tunc ipsum Dominum, secundum præsentiam corporalem, videre, & alloqui, & suauissimis, atq; saluberrimis eius sermonibus frui potuissent. Illud porro, quod in supradictis verbis Dominus dixit; *Vbi ego sum, vos non potestis venire*, significat statum immortalitatis, & gloriæ CHRISTI futurum post resurrectionem eius à mortuis: in quo statu nec infideles Iudæi villo modo eum lædere poterant; nec ad eum propter peccatum infidelitatis peruenire: & fideles, quoad mortalem hanc vitam agebant, ad eum statum assumi non poterant. Dixit autem in præsentī tempore; *Vbi ego sum*: vel more Scripturæ ponens tempus præsens pro futuro; vel quòd iam ibi esset secundum Diuinitatem, vbi paulò post futurus erat secundum humanitatem; vel quia, etiam vt homo in terris existens, in cœlesti, & æterna gloria erat, & fuerat ab initio suæ conceptionis secundum superiorem partem animæ suæ.

10

21

SEXTA DISPVATIO.

Super illis verbis:

Dixerunt ergo Iudæi ad semetipsos; Quò hic iturus est; quia non inueniemus eum? Nunquid in dispersionem gentium iturus est, & docturus gentes?

VER. 35.

22 **I**N his verbis illud tantum videtur suboscuro, & explanationemque requirens; quid hoc loco significet dispersio gentium. Putarunt quidam, per dispersionem gentium hoc loco significatos esse Iudæos, qui extra Palæstinam habitantes, per varias dispersi erant regiones, Syriam, Ægyptum, Asiam, Græciam, & Italiam; vt nunc taceam decem Tribus Israël vltra Euphratem commorantes. Huic sententiæ suffragari videtur Beatus Petrus, hoc ipso nomine dispersionis denotans Iudæos; nam ad eos scribens in prioris Epistolæ suæ exordio sic ait; *Petrus Apostolus IESU CHRISTI electis aduenis dispersionis Ponti, Galaciæ, Cappadociæ, Asiæ, & Bithyniæ, &c.*

Quid hoc loco significet dispersio gentium.

23 Distinguebantur autem eo tempore quinque genera, siue gradus Iudæorum. In primo loco, tanquàm omnium honoratissimi, habebantur Iudæi Hierosolymitæ. In secundo loco erant Galilæi, & qui habitabant Palæstinam, quæ vocabatur Terra Promissionis; licet extra Hierusalem manerent. In tertio loco erant Iudæi, qui habitabant extra Palæstinam, per varias dispersi regiones: sed erant ex illis Iudæis, qui reuersi fuerant ex captiuitate Babylonica, & pertinebant ad Tribum Iudæ, & Beniamin. In quarto loco erant Iudæi ex decem Tribubus, quæ fuerant à Rege Assyriorum Salmanazar ductæ in captiuitatem, & vltra Euphratem collocatæ. In quinto & vltimo loco, & tanquàm omnium vilissimi, erant Samaritani, quos veri Iudæi, ne ipso quidem Iudæorum nomine dignabantur; & quia erant semi Iudæi, & semigentiles, contemptui, & odio habebant eos veri Iudæi.

Quinque genera siue gradus Iudæorum.

24 Sed enim altera sententia & plurimum, & probabilior est Chrysostomi, Augustini, & Ruperti. Hi dispersionem gentium inter-

Alter sententia de dispersione gentium, quæ est Chrysostomi, Augustini, & Ruperti.

O o o ;

pretan

pretantur ipsos gentiles, qui vocantur dispersi; tùm quòd essent, quantum ad eorum habitationem, per omnes ferè dispersi regiones mundi; tùm quòd non vna omnes lege, vnàque religione inuicem adunati essent: sed diuersissimis, ac sæpe contrariis distracti essent institutis, ac superstitionibus: cum quibus Iudæi, quoad possent, commercia inire, atque conuersari refugiebant. Hanc interpretationem planè comprobatur, validèq; confirmatur illud, quod istis verbis adiungunt Iudæi: *Et docturus gentes*. Vocabulum enim, *gentium*, in sacra Scriptura vsurpatur tanquàm significans omnes alios homines præter Iudæos. Significauerunt itaque Iudæi istis verbis, fortasse CHRISTVM derelictis Iudæis longè abiturum ad populos gentium, vt apud eas tutius ipse, atque utiliùs doctrinam suam prædicare posset. Hæc autem dicentes isti Iudæi, quodammodo nescientes prophetarunt. CHRISTVS enim; licet secundum corporalem præsentiam suam non erat iturus ad gentes; sic enim missus fuerat ad oues tantum Israël; erat tamén relictis Iudæis iturus ad docendas, & conuertendas ad DEVM gentes per Apostolos, & discipulos, aliòsque sectatores suos, qui cunctis gentibus Euangelium prædicaturi erant. Hoc autem apertè dixerunt postea Iudæis Paulus, & Barnabas. Sic enim scriptum est; *Tunc constanter Paulus, & Barnabas dixerunt; Vobis oportebat primum loqui verbum DEI; sed quoniam repellitis illud, & indignos vos iudicatis aterna vita, ecce conuertimur ad gentes: sic enim precepit nobis Dominus; Posui te in lucem gentium, ut sis in salutem vsque ad extremum terræ.*

SEPTIMA DISPUTATIO.

Super illis verbis.

VER. 38.

Qui credit in me; sicut dicit Scriptura, flumina de ventre eius fluent aquæ viuæ.



In his verbis illud; *sicut dicit Scriptura*, non parua habet quæstionem, in qua Scriptura veteris Testamenti sit illa sententia Domini: *Flumina de ventre eius fluent aquæ viuæ*. Videtur enim in Sacris libris, qui nunc extant, nusquam inueniri. Huius rei difficultas, & obscuritas varias fecit

fecit Doctorum super ea re sententias, & interpretationes: Prima Quingus sententia: & Prima est Chrysostomi, Theophylacti, & Euthymij. sententia est Chrysostomi, Theophylacti, & Euthymij, qui illud, *Sicut dicit Scriptura*, non iungunt cum eo, quod sequitur; *Flumina de ventre eius fluent*: sed cum eo, quod antecedit; *Qui credit in me*: in hanc videlicet sententiam; Qui credit in me, sicut Scriptura dicit esse credendum in me, In Scriptura enim prophetarum, pluribus locis traditum est, credi oportere in CHRISTUM. Verum duriuscula est interpretatio hæc; nam illud: *sicut dicit Scriptura*, iunctum cum illo, *Qui credit in me*, satis impropriam habet, atque incongruam & inusitatam in Sacris litteris locutionem: quapropter cæteri explanatores huius loci illud; *Sicut dicit Scriptura*, non cum præcedentibus: sed cum sequentibus verbis iungunt.

- 26 Altera sententia est Caietani, qui ait, si illud, *Sicut dicit Scriptura*: Secunda sententia, qua est Caietani. iungatur cum illo, *Qui credit in me*, reddi sensum indubie verum, & facilem intellectu: sin autem iungatur cum eo, quod sequitur, *Flumina de ventre eius fluent*, reddi sensum valde obscurum, & incertum: quia in Sacris libris, quos nunc habemus, non inuenitur hæc à Domino citata sententia. Dico autem, inquit Caietanus, non reperiri hanc sententiam in libris Sacris, quos nunc habemus; quoniã multos libros Prophetarum non haberi, qui fortè in tẽpore Domini nostri extabant, apparet ex libris Paralipomenon, in quibus fit mentio librorum Nathan, & Gad, & Ahia, & Addo, & Semie, & Ozia. Sic Caietanus. At enim mihi quidem certè non fit credibile fuisse tempore CHRISTI Scripturam vllam canonieam, & sacram, quæ postea perierit, & nunc non extet: præsertim verò cum id à nullo traditum sit veterum; qui in studio Sacrarum litterarum fuere diligentissimi & curiosissimi, & antiquitatis obseruantissimi atque peritissimi; Clementem dico Alexandrinum, Origenem, Eusebium, & Beatum Hieronymum. Nec id profectò latuisset Hebræos Rabbinos, à quibus tamen nullum ea de re verbum est factum.

- 27 Tertia sententia est Beati Hieronymi, quam complures alij secuti sunt. Is ait in sua Præfatione in Pentateuchum, & in libros Paralipomenon, multa testimonia veteris Scripturæ sacræ citari in nouo Testamento, quæ nō inueniuntur in libris Sacris secundum translationem septuaginta Interpretum: ea tamen inueniri in Tertia sententia, qua est sancti Hieronymi.
Scriptura

Scriptura Hebraica, quam in Latinum sermonem ipse conuertit. Inter alia verò testimonia Scripturæ citata in nouo Testamento, quæ non inueniuntur apud septuaginta interpretes: sed inueniuntur in Scriptura Hebraica, commemorat ipse hoc testimonium à Domino citatū in hoc loco: *Flumina de ventre eius fluent aqua viua*: quod apud septuaginta interpretes nusquam inuenitur; inuenitur autem in Scriptura Hebraica in libro Prouerbiorum. Et hæc quidem est Beati Hieronymi sententia. Sed quia ipse nullum libri Prouerbiorum locum nominatim ponit, propterea in obscuro, & incerto reliquit, ex quo eius libri loco depromptum sit hoc

Rupertus, B.
Thomas, &
Lyranus.

Domini testimonium. Rupertus, Beatus Thomas, & Lyranus putant esse sumptum ex capite quinto eius libri: non quidem expressis iisdem verbis: sed verborum duntaxat indicata sententia. Sunt autem in capite quinto libri Prouerbiorum

Locum Prouer.
cap. 5.


hæc verba; *Bibe aquam de cisterna tua, & fluenta putei tui: deriuentur fontes tui foras, & in plateis aquas tuas diuide.*

Discutitur
tertia senten-
tia.

At enim duo huic interpretationi valdè obstant: Primò, quòd 28 hanc ipsam sententiam sicut habet Scriptura Hebraica: ita etiam habet Græca translatio septuaginta Interpretum: quod tamen negat Beatus Hieronymus. Nisi forte dicat quispiam, quæ nunc extat Græca translatio sacrae Scripturæ, eam non esse germanam, & propriam translationem septuaginta Interpretum. Deinde illud aduersus istam sententiam præualidum est argumentum, quòd Salomon eo in loco, secundum literalem sensum, non agit de Spiritu sancto, quem accepturi erant credentes in CHRISTVM: sed hortatur maritum, vt posthabita muliere meretrice, vel adultera, soli adhæreat vxori suæ. Hoc autem apertè indicant verba illa, quæ proximè sequuntur; *Sit vena tua benedicta, & letare cum muliere adolescentie tue; cerua charissima, & gratissimus hinnulus: vbera eius inebrient te omni tempore, & in amore eius delectare ingiter. Quare seduceres fili mi, ab aliena, & foueris in sinu alterius?* Nisi quis fortè respondeat, istum Salomonis locum esse à Domino hæc citatum non secundum literalem sensum: sed mysticum; vel per quandam, vt dici solet, congruam applicationem, & accommodationem ad propositum suum: quod haud scio an inoffensis auri- bus à doctis, & piis viris audiendum sit.

OCTAVA DISPVATIO.

Explicantur alie due sententia super eadem quaestione.

29  VARTA sententia, quam omnium maximè Iansennius approbat, & laudat, est huiusmodi; Nul-
lam hoc loco citari à CHRISTO certam alicuius
sacrae Scripturae sententiam: sed tantum significata
esse ea diuinæ Scripturae loca, in quibus prædixit
DEVS per Prophetas ingentem Spiritus, & gratiae suae abundan-
tiam communicandam cum iis, qui credituri erant in Messiam:
quæ quidem Spiritus, & gratiae abundantia declarari solet in Scri-
ptura variis similitudinibus, & vocabulis aquarum; vt fontis, pu-
tei, torrentis, fluminis, & maris. Huiusmodi autem Scripturae lo-
ca, lectori in Sacris litteris minimè rudi, reperire non erit diffici-
le. Sed ille apud Isaiam cap. 41. perillustris est locus; *Egeni, & pau-
peres, inquit DEVS, querunt aquas, & non sunt; lingua eorum siti-
aruit. Ego Dominus exaudiam eos, & non derelinquam eos: aperiam
in supinis collibus flumina, & in medio camporum fontes: ponam deser-
tum in stagna aquarum, & terram inuiam in riuos aquarum.* Est quo-
que insignis, & luculentus alter ille locus apud eundem, capite
quadragesimo quarto; *Effundam, inquit, aquas super sitientem, &
fluenta super aridam: effundam Spiritum meum super semen tuum, &
benedictionem meam super stirpem tuam: & germinabunt inter herbas,
quasi salices iuxta praterfluentes aquas.* Ad hæc loca Isaiæ Dominum
nostrum spectasse in citatione Scripturae, quam fecit hoc loco, pu-
tasse videtur Beatus Cyprianus in tertia epistola libri secundi sua-
rum epistolarum.

*Quarta sen-
tentia,
Iansennius.*

*Beatus Cy-
prianus.*

30 Non minus, quàm hæc, placet mihi quinta sententia. Hæc
autem sic habet; CHRISTVM in hac citatione Scripturae illud
tantum significare voluisse; idem prorsus euenturum fuisse cre-
dentibus in ipsum, quod sacra Scriptura multifariam ait euenire
viris iustis, & sapientibus; vt ex eorum mente, atque ore profluant
gratiæ, ac sapientiæ flumina: quod indicatur apud Isaiam cap. 48.
*Ego Dominus DEVS tuus docens te utilia, & gubernans te in via, qua
ambulas. Utinam attendisses mandata mea; facta fuisset sicut flumen*

*Quinta sen-
tentia, qua
placet aucto-
ri.*

pax tua, & iustitia tua sicut gurgites maris, &c. Simile est, quod legitur apud Salomonem in capite 18. libri Prouerbiorum; *Aqua profunda, verba ex ore viri, & torrens redundans, fons sapientia.* Et paulò pòst; *De fructu oris viri replebitur venter eius; & genimina labiorum eius saturabunt eum.*

NONA DISPUTATIO.

Super illis verbis:

VER. 39. Hoc autem dixit de Spiritu, quem accepturi erant credentes in eum: nondum enim erat Spiritus datus; quia IESVS nondum erat glorificatus.



HÆC verba duas ferunt quæstiones; Alteram; quæ fuerit illa glorificatio IESV, ante quàm Spiritus sanctus non erat datus hominibus: Alteram verò; quomodo intelligendum sit, Spiritum Sanctum non esse datum hominibus ante glorificationem IESV; cùm negari nullo modo queat, ante Filij DEI aduentum in mundum, Spiritum sanctum in veteri Testamento datum fuisse quamplurimis; vt Patriarchis, & Prophetis, aliisque & viris, & mulieribus iustis, ac sanctis. Super priori quæstione tres sũnt doctorum sententiæ. Chrysostomus, Theophylactus, Euthymius, & Rupertus vocabulo, *glorificationis* IESV, significari putant passionem, & mortem eius. Mors enim crucis; vt antea summi erat dedecoris, & ignominia, & opprobrij, & pro maximis criminibus, & vilissimorum hominum erat supplicium: ita CHRISTO summum attulit honorem, & gloriam. Dederat autem CHRISTVS ante passionem suam discipulis potestatem eiiciendi Dæmonia, & sanandi morbos corporales: sed post crucem, & passionem suam dedit eis Spiritum sanctum, tanquàm per immolationem Agni immaculati iam reconciliatis DEO, & in eius gratiam, & amicitiam admissis. Pro hac sententia facit, quod Dominus ipse dixit infra cap. 12. *Ego, si exaltatus fuero à terra, omnia traham ad meipsum.* Et Paulus in secundo capite Epistolæ ad Hebræos ait; *Videmus IESVM propter passionem mortis gloria,*
& ho

Quæ fuerit illa glorificatio Iesu, tres doctorum sententiæ.

Prima sententia, quæ est Chrysostomi, Theophylacti, Euthymii, & Rupertii.

An glorificatio Iesu, fuerit passio, & mors eius.

& honore coronatum. Sed non videtur admodum probabilis hæc sententia. Nam etsi CHRISTVS per passionem, & mortem suam meruit glorificationem corporis, & nominis sui: non tamen in ipsa passione est glorificatus coram hominibus: sed humiliatus, & abiectus, & exinanitus: quemadmodum Paulus de eo dixit; *ad Philipp.*
Humiliavit semetipsum, factus obediens usque ad mortem: mortem autem crucis. Isaias quoque in capite quinquagesimotertio, multas, & varias, magnasque humiliaciones, & abiectiões in passione, ac morte ipsius Messiae futuras graphicè descripsit; appellans eum nouissimum virorum, & virum dolorum, & quasi leprosum, & humiliatum, & percussum à DEO, & attritum, atque vulneratum, & cui non erat neque species, neque decor, neque aspectus. Ergo passio, & mors CHRISTI fuit quidem causa meritoria glorificationis, quæ postea facta est in corpore, & in nomine eius: in ipsa tamen, propriè loquendo, non est Dominus IESVS euidenter, & coram hominibus glorificatus.

- 32 Beatus Augustinus, & Beda, & hos secuti complures alij, glorificationem IESV interpretantur eius resurrectionem. Per hanc enim glorificatus est IESVS in corpore suo; Tunc dixit ipse, *Da-*
ta est mihi omnis potestas in celo, & in terra. Tunc iussit discipulos prædicare Euangelium in omni mundo; per quod apud omnes gentes nomen eius clarificatum est. Sed enim licet hæc secunda sententia similior, & propior vero sit, quàm prima: attamen perfecta glorificatio non contigit Domino IESV ante ascensionem eius in cælum. Tunc enim verè, ac manifestè glorificatus est, cum
Secunda sententia, qua est Augustini, & Beda.
Tertia sententia, qua est Lyrani, & Caietani, & placet auctoribus.
Post Ascensionem Domini triduum modum datū esse hominibus Spiritum sanctū; quòd in modis antè datū non fuerat.

- 33 Ad posteriorem autem quæstionem sit hoc breue responsum. Non loquitur hoc loco Beatus Ioannes de qualicumque datione Spiritus sancti: sed loquitur tantum de quadam insigni, & eximia & singulari Spiritus sancti datione; qualis antè non erat facta: sed facta est post Domini Ascensionem in cælum: Dominus enim

IESVS post glorificationem suam, quæ potissimum facta est per Ascensionem eius in cælum, tribus modis dedit hominibus Spiritum sanctum, quibus modis ante non dederat. Dedit, inquam, & vniuersaliter, & abundanter, & sensibiliter. Dedit vniuersaliter; quia non vni, & alteri homini: sed & multis simul, & separatim propemodum innumerabilibus. Dedit non Iudæis tantum: sed etiam gentibus ex omni natione hominum, quæ sub cælo est, & vbique terrarum. Dedit abundanter; quia secundum omnem affluentiam, & exuberantiam gratiarum Spiritus sancti: gratias dico Spiritus sancti, tam quæ dicuntur gratum facientes, quàm quæ vocantur gratis datæ. Dedit sensibiliter; quia dedit per externa quædam signa conspiciua, & sensibus hominum manifesta; quibus euidenter declarabatur Spiritus sancti aduentus, & descensus super fideles: cuiusmodi signa erant, loqui variis linguis, & prophetare. Hoc itaque loco dicens Beatus Ioannes non fuisse Spiritum sanctum datum hominibus ante glorificationem IESV, locutus est de datione Spiritus sancti tribus hisce modis insigni; & qualis post Domini Ascensionem in cælum facta est.

DECIMA DISPUTATIO.

Exponuntur duodecim modi glorificationis IESV.

Duplex glorificatio Iesu in conceptione, & generatione eius.

ET SI Beatus Ioannes locutus est hoc loco de glorificatione IESV, quæ in eius Resurrectione, & Ascensione ad cælum facta est: non abs re tamen fuerit enarrare complures alios modos glorificationis Domini IESV. Primò; glorificatus est statim in sui conceptione, & generatione; quia secundum superiorem partem animæ suæ habuit beatificam DEI visionem, atque fruitionem, & cælestis gloriæ fœlicitatem. Secundò; tunc etiam glorificatus est ab omnibus Angelis, eum tanquàm Regem suum adorantibus; secundum illa Pauli verba in primo capite epistolæ ad Hebræos; *Et cum introducit primogenitum in orbem terræ, dicit; Et adorent eum omnes Angeli DEI.* Tertiò; glorificatus est in natiuitate sua per cælestem exercitum Angelorum annunciantium, & cele

Glorificatio Iesu in natiuitate eius.

celebrantium eam: & per nouam, & admirabilem stellam indicem ortus eius, quæ in cælo apparuit: & per Magos ab Oriente venientes, & ipsum tanquàm Regem, & DEVM adorantes. Quartò; glorificatus est in deserto; vbi erat cum bestiis: vt scribit Marcus; tunc enim Angeli famulabantur ei. Sic enim scribit Matthæus; *Et ecce, accesserunt Angeli, & ministrabant ei.* Quintò; sed ante hoc fuerat glorificatus in baptismo suo: tunc enim, vt narrat Matth. cap. 3. aperti sunt cæli, & Spiritus sanctus in specie columbæ descendit super eum, & vox DEI Patris de cælo missa est, dicentis; *Hic est Filius meus dilectus, in quo mihi complacui.* Sextò; glorificatus est insigniter in sua Transfiguratione; cum facies eius visa est resplendens tanquàm sol, & vestimenta eius candida sicut nix, & medius apparuit inter Moysem & Eliam; & audita est vox DEI Patris de eo dicentis; *Hic est Filius meus dilectus, in quo mihi bene complacui, ipsum audite.* Hanc IESV glorificationem Petrus in primo capite posterioris epistolæ suæ prædicat, & magnificat illis verbis: *Accipiens à DEO Patre honorem, & gloriam, voce delapsa ad eum huiusmodi à magnifica gloria; Hic est Filius meus dilectus, in quo mihi complacui, ipsum audite. Et hanc vocem nos audiuiimus de cælo allatam, cum essemus cum ipso in monte sancto.*

Luc. 1.

Matth. 1.

Glorificatio
Iesu in deserto.

Marc. 1.

Matth. 4.

Glorificatio
Iesu in baptismo.Glorificatio
Iesu in transfiguratione.

Matth. 17.

35 Septimò; glorificatus est in doctrina sua; quia cognitus est venisse à DEO magister: & quia manifesto DEI Patris testimonio declaratus est Doctor omnium, cum dixit; *Ipsium audite*: quia ipsum publicè docentem, etiam inimici, qui audiebant, admirati sunt, dicentes; *Nanquam sic locutus est homo*: quia doctrinam suam plurimis, & maximis, atque inauditis miraculis comprobatur: quamobrem dicebatur, *Vir Prophetæ potens in opere, & sermone.* Et Nicodemus glorificans eum dixit; *Scimus quia à DEO venisti, magister: nemo enim potest facere signa, quæ tu facis, nisi fuerit DEVS cum eo.* Octauò; etiam glorificatus est in sua Passione, & Morte: in qua tamen maxima eius fuit coram hominibus humiliatio, & abiectio. Est, inquam, tunc glorificatus per admiranda illa prodigia, quæ contigerunt & in cælo, cum sol, præter ordinem, & cursum naturæ eclypsatus est: & in terra, cum ipsa horribili motu contremuit, & petræ scissæ sunt; & in hominibus mortuis, qui resurrexerunt ad vitam: & in hominibus viuis, qui aderant illic, & visis illis prodigiis

Glorificatio
Iesu in doctrina.

Ioan. 7.

Luca ultimo.
Ioan. 3.Glorificatio
Iesu in passione, & morte eius.

Matt. 27.

Luc. 23.

Glorificatio
Iesu in resur-
rectione eius.Glorificatio
Iesu in Ascen-
sione eius ad
cælum.Glorificatio
Iesu in mis-
sione Spiritus
sancti.
Ioan. 16.Glorificatio
Iesu, qua fu-
tura est in cō-
summatione
saeculi, & in
extremo iu-
dicio.

Psal. 109.

giis glorificauerunt DEVM, dicentes: *Verè hic Filius DEI erat.* Et reuertebantur percutientes pectora sua. Nonò; Glorificatus est in sua Resurrectione: tunc enim perfectam sui corporis habuit gloriam: quæ consistit in quatuor illis gloriosi corporis dotibus; Impassibilitate, Claritate, Agilitate, & Subtilitate. Decimò; glorificatus est in Ascensione sua ad cælum; quantum ad habitationem in supremo cæli loco; & quantum ad excellentiam dignitatis, & potestatis super omnes cælicolas; & quantum ad sessionem suam in supremo throno ad dexteram DEI Patris. Vndecimò; glorificatus est in missione Spiritus sancti; sicut ipse prædixerat de eo: *Ille me clarificabit: quia de meo accipiet.* Tunc glorificatus est IESVS per suos discipulos, liberè, feruenter, & constanter nomen eius confitentes, doctrinam prædicantes. Tunc glorificatus est in multiplicatione Ecclesiæ suæ per vniuersum mundum, & per Euangelij prædicationem in omni terrarum orbe, & per clarificationem nominis sui apud omnes gentes. Duodecimò; Restat etiam nunc maxima quædam glorificatio IESV, quæ futura est in consummatione mundi; & in extremo, atque vniuersali iudicio hominum: tunc ipse cùm maxima potestate, ac maiestate veniet ad iudicandum omnes, & reddendum vnicuique secundum opera sua. Tunc perficietur, quod ei ascendenti ad cælum DEVS Pater promiserat, dicens; *Sede à dextris meis, donec ponam inimicos tuos scabellum pedum tuorum.* Tunc agnoscetur ab omnibus Rex regum, & Dominus dominantium. Tunc sublati omnibus aliis regnis, & imperiis regnabit ipse in cælo, & in terra, & super omnes creaturas.



CAPVT OCTAVVM

EVANGELII IOANNIS.



ESVS autem perrexit in montē Oli- VERS. I.

ueti : * & diluculo iterum venit in 2
templum, & omnis populus venit ad
eum, & sedens docebat eos. * Addu- 3
cunt autem Scribae, & Pharisei mulie-
rem in adulterio deprehensam : & sta-
tuerunt eam in medio ; * & dixerunt 4
ei ; Magister, hac mulier modo depre-

hensa est in adulterio. * In lege autem Moyses mandauit nobis 5
huiusmodi lapidare. Tu ergo quid dicis ? * Hoc autem dicebant 6
tentantes eum, vt possent accusare eum. IESVS autem inclinans
se deorsum, digito scribebat in terra. * Cum ergo perseuerarent 7
interrogantes eum, erexit se, & dixit eis ; Qui sine peccato est
vestrum, primus in illam lapidem mittat. * Et iterum se inclinans, 8
scribebat in terra. * Audientes autem vnus post vnum exibant, 9
incipientes à senioribus : & remansit solus IESVS, & mulier
in medio stans. * Erigens autem se IESVS, dixit ei ; Mulier, 10
vbi sunt, qui te accusabant ? Nemo te condemnauit ? * Quae di- 11
xit ; Nemo, Domine. Dixit autem IESVS ; Nec ego te con-
demnabo : Vade, & iam amplius noli peccare. * Iterum ergo lo- 12
cutus est eis IESVS, dicens ; Ego sum lux mundi : qui sequitur
me, non ambulat in tenebris : sed habebit lumen vitae. * Dixerunt 13

ergo

- ergo ei Pharisei; Tu de teipso testimonium perhibes: testimonium
 14 tuum non est verum. * Respondit IESVS, & dixit eis; Etsi
 ego testimonium perhibeo de meipso, verum est testimonium meum:
 quia scio vnde veni, & quò vado: vos autem nescitis vnde ve-
 15 nio, aut quò vado. * Vos secundum carnem iudicatis: ego non
 16 iudico quemquam. * Et si iudico ego, iudicium meum verum est;
 17 quia solus non sum: sed ego, & qui misit me, Pater. * Et in le-
 ge vestra scriptum est; quia duorum hominum testimonium ve-
 18 rum est. * Ego sum, qui testimonium perhibeo de meipso: & testi-
 19 monium perhibet de me, qui misit me, Pater. * Dicebant ergo ei;
 Ubi est Pater tuus? Respondit IESVS; Neque me scitis, neque
 Patrem meum: si me sciretis, forsitan & Patrem meum sciretis.
 20 * Hæc verba locutus est IESVS in gazophylacio, docens in tem-
 plo: & nemo apprehendit eum; quia necdum venerat hora eius.
 21 * Dixit ergo iterum eis IESVS; Ego vado, & quæretis me: &
 in peccato vestro moriemini. Quò ego vado, vos non potestis ve-
 22 nire. * Dicebant ergo Iudæi; Numquid interficiet semetipsum;
 23 quia dixit; Quò ego vado, vos non potestis venire? * Et dicebat
 eis; Vos de deorsum estis, ego de supernis sum. Vos de mundo hoc
 24 estis, ego non sum de hoc mundo. * Dico ergo vobis, quia morie-
 mini in peccatis vestris: si enim non credideritis quia ego sum,
 25 moriemini in peccato vestro. * Dicebant ergo ei; Tu quis es? Di-
 26 xit eis IESVS; Principium, qui & loquor vobis. * Multa ha-
 beo de vobis loqui, & iudicare. Sed qui me misit, verax est: &
 27 ego quæ audiui ab eo, hæc loquor in mundo. * Et non cognouerunt
 28 quia Patrem eius dicebat DEVM. * Dixit ergo eis IESVS;
 Cum exaltaueritis Filium hominis; tunc cognoscetis quia ego sum,
 29 & à meipso facio nihil; sed sicut docuit me Pater, hæc loquor: * Et
 qui me misit, mecum est, & non reliquit me solum: quia ego, quæ
 30 placita sunt ei, facio semper. * Hæc illo loquente multi crediderunt
 31 in eum. * Dicebat ergo IESVS ad eos, qui crediderunt ei, Iu-
 daeos; Si vos manseritis in sermone meo, verè discipuli mei eritis:

* & cognoscetis veritatem, & veritas liberabit vos. * Respon- 32 33.
 derunt ei; Semen Abrahæ sumus, & nemini seruiimus vnquam:
 quomodo tu dicis: liberi eritis? * Respondit eis IESVS; Amen, 34
 amen dico vobis; quia omnis, qui facit peccatum, seruus est pec-
 cati. * Seruus autem non manet in domo in æternum: Filius au- 35
 tem manet in æternum. * Si ergo vos filius liberauerit, verè li- 36
 beri eritis. * Scio quia filij Abrahæ estis: sed queritis me interfi- 37
 cere: quia sermo meus non capit in vobis. * Ego quod vidi apud 38
 Patrem meum, loquor: & vos, quæ vidistis apud Patrem ve-
 strum, facitis. * Responderunt, & dixerunt ei; Pater noster Abra- 39
 ham est. Dicit eis IESVS; Si filij Abrahæ estis, opera Abrahæ fa-
 cite. * Nunc autem queritis me interficere, hominem, qui veri- 40
 tatem vobis locutus sum, quam audiui à DEO: hoc Abraham
 non fecit. * Vos facitis opera Patris vestri. Dixerunt itaque eis 41
 Nos ex fornicatione non sumus nati: vnum Patrem habemus
 DEVM. * Dixit ergo eis IESVS; Si DEVS Pater vester esset: 42
 diligeretis vtiq; me. Ego enim ex DEO processi, & veni: ne-
 que enim à meipso veni: sed ille me misit. * Quare loquelam meam 43
 non cognoscitis? Quia non potestis audire sermonem meum. * Vos 44
 ex Patre diabolo estis: & desideria Patris vestri vultis facere.
 Ille homicida erat ab initio, & in veritate non stetit: quia non est
 veritas in eo: cum loquitur mendacium, ex proprijs loquitur: quia
 mendax est & Pater eius. * Ego autem si veritatem dico, non 45
 creditis mihi. * Quis ex vobis arguet me de peccato? Si veritatem 46
 dico vobis, quare non creditis mihi? * Qui ex DEO est, verba 47
 DEI audit: propterea vos non auditis; quia ex DEO non
 estis. * Responderunt ergo Iudei, & dixerunt ei; Nōne hæc 48
 dicimus nos quia Samaritanus es tu, & demonium habes? * Re- 49
 spondit IESVS; Ego demonium non habeo: sed honorifico Pa-
 trem meum, & vos inhonorastis me. * Ego autem non quero
 gloriam meam: est qui quærat, & inducet. * Amen, amen dico
 vobis: si quis sermonem meum seruauerit, mortem non videbit in

- 52 *eternum. * Dixerunt ergo Iudæi; Nunc cognouimus quia demoniū*
habes. Abraham mortuus est, & Propheta: & tu dicis: Si quis
 53 *sermonem meum seruauerit, non gustabit mortem in eternum. **
Numquid tu maior es Patre nostro Abraham, qui mortuus est?
 54 *& Propheta mortui sunt. Quem teipsum facis? * Respondit*
IESVS; Si ego glorifico meipsum, gloria mea nihil est: est Pater
meus, qui glorificat me, quem vos dicitis quia DEVS uester est,
 55 ** & non cognouistis eum: ego autem noui eum: Et si dixero quia*
non scio eum; ero similis vobis, mendax. Sed scio eum, & ser-
 56 *monem eius seruo. * Abraham Pater uester exultauit ut videret*
 57 *diem meum: vidit, & gauisus est. * Dixerunt ergo Iudæi ad eum;*
Quinquaginta annos nondum habes, & Abraham vidisti?
 58 ** Dixit eis IESVS; Amen, amen dico vobis, antequam*
 59 *Abraham fieret, ego sum. * Tulerunt ergo*
lapides, ut iacerent in eum: IESVS
autem abscondit se, & exiit
de templo.

IN



IN CAPVT OCTA- VVM DISPVATIONES SEXDECIM.

PRIMA DISPVATIO.

Super illis verbis:

Adducunt autem Scribæ, & Pharisei mulierem
in adulterio deprehensam, &c.

VERS. 3.

*An historia mulieris adulteræ sit canonica, & à Beato Ioanne
scripta: & quid super ea re scripserint Euthymius,
B. Hieronymus, Eusebius, & Caietanus.*



IN hoc capite octauo narratur historia mulieris adulteræ, & varij sermones, & altercationes inter CHRISTVM, & Iudæos habitæ. Sed an historia mulieris adulteræ sit Scriptura Canonica, & à Beato Ioanne scripta, disquirendum est. Nonnulli enim id negarunt, hisce argumētis adducti; Nullus Græcorum scriptorum, qui commentaria ediderunt in Euangelium Ioannis, historiam mulieris adulteræ nec in textu legit, neque in commentariis suis attigit. Audiatur, lector, quid super eare Græcus explanator huius Euangelij scribat Euthymius, tractans extrema verba præcedentis capitis scripti. Scire, inquit, oportet ea, quæ ab hoc loco habentur usque

Euthymius.

ad illa verba; *Iterum ergo locutus est illis IESVS, dicens; Ego sum lux mundi*, in exactioribus exemplaribus aut non inueniri, aut obelo confossa esse; eò quòd illegitima videantur, & addita. Et huius rei argumentum est, quòd ea nullus sit interpretatus. Nobis tamen animus est etiam hæc declarare, quòd vtilitate non careant; sicut & caput de muliere adultera, quod inter hæc ponitur. Sic Euthymius.

S. Hieronymus.

Deinde Beatus Hieronymus in libro secundo aduersus Pelagianos scribit, historiam mulieris adulteræ in multis codicibus Græcis, & Latinis reperiri in Euangelio Beati Ioannis: quibus verbis non obscurè significauit Hieronymus, eam in multis quoque aliis codicibus non inueniri. At si ea historia esset à Ioanne scripta, in omnibus codicibus inuenta fuisset. Eusebius in capite vltimo libri tertij de historia Ecclesiastica ait, eam historiam fuisse proditam à Papia discipulo Apostolorum, & reperiri in Euangelio, secundum Hebræos. Non sic autem de ea historia locutus esset Eusebius, si eam putasset à Beato Ioanne scriptam, & partem esse Euangelij eius.

Eusebius.

Caietanus.

Horum itaque grauium scriptorum auctoritas, & testimonium; non solum hæreticos fecit audaces ad hanc historiam abiudicandam, & abiiciendam; sed Caietano etiam animum fecit ad eius historię fidem eleuandam, minuendamque auctoritatem. Qui licet fuerit non minus catholicus, & pius; quàm doctus, & acutus; nonnunquam tamen quasdam minimè Catholicas, & pias sententias, & sacrę Scripturę interpretationes in suis libris secutus est. In exordio commentariorum suorum super hoc caput octauum ita scribit; Prima pars huius capituli cum tota historia mulieris adulteræ non est omnino authentica. Nam Hieronymus in libro secundo Dialogorum aduersus Pelagianos dicit, eam in multis Græcis, & Latinis codicibus inueniri. Dicendo autem, *in multis*, monstrauit non esse authenticam; sicut plerâsq; partes huius Euangelij. Quia tamen in Ecclesia legitur, tanquàm pars Euangelij; nos quoque illam exponemus. Hæc Caietanus. Et Paulò infra explanans illa verba huius capituli octauj, *Iterum ergo locutus est illis IESVS*, sic ait; Nulla continuatio præcedentis facti cum istis verbis subiuncta testatur, adiectionem esse præcedentem historiam

historiam de muliere adultera; nec immeritò ab illustribus doctoribus prætermisam. Sic ille. Miror equidem Caietanum, qui non est veritus dicere, historiam hanc mulieris adulteræ non esse authenticam, nec esse partem huius Euangelij: sed esse adiectitiam: cum ipse tamen fateatur, eam publicè in Ecclesia legi tanquam partem Euangelij Ioannis. Sed qui dicit Ecclesiam habere pro canonica Scriptura hanc historiam: quæ tamen reuera non est canonica; is profectò non obscure significat, catholicam Ecclesiam circa fidem, & auctoritatem huius historiæ in errore versari, & tot iam sæculis esse versatam; & vniuersum populum Christianum errore suo implicatum, atque deceptum teneri.

*Animadu-
ersio in senten-
tiam Caieta-
ni.*

SECUNDA DISPUTATIO.

Historiam mulieris adulteræ, canonicam esse, & à Beato Ioanne scriptam, breuiter probatur.

IN Concilio Tridentino, in sess. 4. & in decreto de Scripturis canonicis, hæc sunt verba; Si quis omnes libros sacre Scripturæ integros, & cum omnibus suis partibus; sicut in Ecclesia catholica legi consueuerunt; & sicut eos habet Latina editio vulgata, pro canonicis, & sacris non susceperit, Anathema sit. Et hæc quidem fuit Patrum in illo Concilio sententia, & decretum. Sed Ecclesia legit historiam mulieris adulteræ, tanquam sacram Scripturam, & partem Euangelij Ioannis, in Missa Sabbati post Dominicam tertiam quadragesimæ. Et Latina editio vulgata habet eam in omnibus libris, in hoc loco Euangelij Ioannis: ergo hanc historiam esse canonicam Scripturam, & esse Beati Ioannis, ab homine catholico, saltem post Tridentini Concilij decretum, dubitari nullo modo potest. Hoc etiam comprobatur auctoritate veterum Scriptorum. Ammonius in sua Harmonia Evangelica inter historias scriptas in Euangelio Ioannis, memorat hanc mulieris adulteræ: similiter etiam Athanasius in synopsi eandem quoque historiam, vt sacram, & Beati Ioannis refert, & Ambrosius in Epistola 58. & 76. & Augustinus in libro quarto de con-

*Concilium Tri-
dentinum.*

Ammonius.

Athanasius.

*Ambrosius,
Augustinus.*

Chrysoft.

sensu Euangelistarum cap. 10. & in Epistola 54. & 57. Quinetiam Chrysofostomus in homilia sexagesima in Ioannem, referens aliquot historias Euangelicas, inter eas quoque commemorat historiam mulieris adulteræ.

Cur historia mulieris adulteræ non fuerit olim in omnibus huius Euangelij codicibus.

Sed enim, dicet quispiam, si hæc historia esset à Beato Ioanne scripta; ea proculdubio in omnibus libris huius Euangelij siue Græcis, siue Latinis, & omni tempore fuisset: ac supra ostensum est, eam olim in quibusdam libris fuisse: in aliis non fuisse, & Græcos explanatores huius Euangelij eam non habuisse: & hæc quidem ratio principale fuit contrariæ sententiæ fundamentum, atque firmamentum. Equidem puto, causam istius varietatis exemplarium Euangelij Ioannis incompertam nobis esse: si mihi tamen liceat, quasi diuinando, cōiectare aliquid super ea re, dicam, eam varietatem duabus ex causis accidisse. Fortasse Beatus Ioannes in prima huius Euangelij editione hanc historiam omiserat: sed eius postea recordatus, dignamque iudicans eam; vt litteris prodita, in Ecclesia CHRISTI, & in Populo Christiano legeretur; in posteriori eiusdem Euangelij editione eam adiecit. Hinc factum est, vt prioris editionis exemplaria eam historiam non haberent: posterioris verò editionis codices haberent eam. Vel fortasse Beatus Ioannes ab initio in hac sua historia Euangelica posuit historiam mulieris adulteræ; sed qui postea scripturam eius in multa exemplaria transcripserunt, eorum partim in scribendo negligentes, nonnulla omiserunt, in quibus etiam fuit historia mulieris Adulteræ; partim verò diligentissimè omnia scribentes, non omiserunt eam historiam: atque hinc varietas illa codicum extitit: quibusdam eam historiam habentibus, aliis verò non habentibus.

TERTIA DISPVTATIO.

Super illis verbis.

VERS. 6.

IESVS autem inclinans se deorsum, digito scribebat in terra.



B omnibus huius Euangelij explanatoribus quaesitum est, quid fuerit illud, quod tunc CHRISTVS digito suo scripsit

psit

plis in terra. Curiosa profectò magis quæstio, quàm facilis ad explicandum: cùm nihil ea de re in Sacris litteris traditum, vel à Patribus pro certo proditum sit: quamobrem variant doctorum sententia, vel potiùs coniecturæ: quod in rebus incompertis, atque incertis fieri necessum est. Nos istas doctorum coniecturas cursim hoc in loco percausendo, satisfactum à nobis fore lectori existimamus.

Quid tunc in terra scripsit Christus, seu doctorum sententia.

Ambrosius in Epistola 58. & 76. quia CHRISTVM bis tunc scripsisse in terra narrat hoc loco Ioannes, putat ipse, in priori scriptione scripsisse eum sententiam illam, quæ est apud Hieremiam cap. 22. secundum translationem septuaginta interpretum, qua uti ferè solet Ambrosius; *Terra scribe hos viros abdicatos*: quo significabat Dominus IESVS, censores illos iam esse à DEO abiectos, & in numerum reproborum reiectos, quorum scilicet nomina non in cælo: sed in terra scribuntur: In posteriori autem scriptione opinatur Ambrosius CHRISTVM scripsisse illam, à se aliàs prædicatam, sententiam; *Festucam, quæ in oculo est fratris tui, Matih. 7. vides; trabem autem, quæ in oculo tuo est, non vides.*

Ambrosius.

7 Beda existimat CHRISTVM bis eandem illam sententiam scripsisse; quam etiam verbis expressit; *Qui sine peccato est vestrum, primus in illam lapidem mittat*: quasi diceret; Puniatur peccator: sed non à prævaricatoribus legis, & maiori dignis punitione. Haymo, & Lyranus, (quæ complurium aliorum est opinio) arbitrantur, CHRISTVM scripsisse tunc vniuscuiusque illorum accusatorum grauiora peccata: sic tamen ut sua cuique dumtaxat peccata; non aliis, notescerent. Nec ea Scriptura constabat litteris: sed notis quibusdam, & figuris, ad similitudinem speculi, sua cuique delicta representantibus. At enim; si fuisset ita factum, Iudæi, visa priori scriptione, continuò discessissent. At Ioannes scribit hoc loco, etiam postea instituisse eos sciscitari à CHRISTO sententiam eius de illa muliere adultera: Rabanus opinatur CHRISTVM scripsisse sententiam illam, quæ est apud Hieremiam cap. 17. *Domine, omnes, qui te derelinquunt, confundentur: recedentes à te, in terra scribentur: quia dereliquerunt venam aquarum viventium Dominum.*

Beda.

Haymo, & Lyranus.

Rabanus.

8 Augustinus, Rupertus, & Caietanus putant, CHRISTVM nullas

Augustinus, Rupertus, & Caietanus.

las tunc in terra literas formasse : sed illo exteriori gestu incli-
nandi se deorsum , & digito quasi scribentis in terra , mysterium
aliquod designasse , ac denotasse : quodnam verò id fuerit myste-
rium , quadruplex est interpretatio , Prima ; se maiestatem suam
diuinam inclinasse deorsum vsque ad terram , assumpta humana
natura ; vt saluum faceret genus humanum , quod perierat . Non
itaque eius esse quemquam punire , ac perdere , qui omnes venerat
saluos facere . Et hoc ipse ante dixerat Nicodemo , se in mundum
venisse , non vt iudicaret mundum : sed vt mundus per ipsum sal-
uus fieret . Secunda ; proprium esse DEI , iustitiæ seueritatem fle-
ctere , atque inclinare ad lenitatem , & suauitatem misericordiae :
nam vt dixit Iacobus Apostolus ; *Misericordia superexaltat iudicem*.
Tertia ; cùm illi Iudæi vehementer vrgerent CHRISTVM au-
ctoritate legis Mosaicæ , ipse digito scribens in terra significauit , se
Dominum , & conditorem fuisse illius legis : vtpotè quam ipse di-
gito suo scriptam in tabulis lapideis , eis per Moysem dederat .
Quarta ; significatum est illo CHRISTI gestu in terra scriben-
tis , diuersam admodum fore nouam , & Euangelicam legem à le-
ge veteri Mosaica : hæc enim scripta est in lapide , qui & durus est ,
& sterilis , atque infrugiferus ; quo significabatur illius legis &
rigor , atque durities , simulque inefficacia remittendi peccata , &
gratiam , atque virtutem largiendi : legem verò Euangelicam
CHRISTVS scripsit in terra , quæ est mollis , & frugifera ; quo si-
gnificabatur eius legis suauitas , & inæstimabilis fructuum eius
prouentus . Et ideò Dominus ipse dixerat ; *Tollite iugum meum super
vos , & inuenietis requiem animabus vestris : iugum enim meum suauis
est , & onus meum leue*.

Euthymius etiam putat , nihil à CHRISTO tunc in terra lite-
rarum esse scriptum : sed eum simulasse gestum illum scribentis in
terra ; vt sic , quasi rebus alijs intentus , importunam , & malitio-
sam illorum accusatorum interrogationem repelleret . Hoc nem-
pè solent interdum facere viri prudentes , cùm ad id , quod rogan-
tur , vel interrogantur , respondere nolunt ; alio vultum auertunt ,
aliudque cogitare se , atque agere simulant ; vt alij ab importuna
interrogatione , vel postulatione desistant . Illud denique comme-
morabile videtur hoc loco , quod scribit Beatus Augustinus in epi-
stola

Quod myste-
rium designa-
tum sit per il-
lam Christi
scripturam in
terra, quadru-
plex interpre-
tatio.
Ioan. 3.

Iacobi 2.

Exod. 31.

Matth. 11.

Euthymius.

Augustinus.

stola quinquagesimaquarta, CHRISTVM illis verbis, quæ respōdit istis Iudæis, *Qui sine peccato est vestrum*, primus in illam lapidem mittat; tantum eorum animis incussisse terrorem, atque tremorem, vt non modò accusare mulierem illam desisterent, deferuente intus sæuitia, & tremente conscientia: sed etiam se quamprimùm è conspectu CHRISTI subducere contenderent.

QVARTA DISPUTATIO.

Super illis verbis:

Dicebant ergo ei, Tu quis es? Dixit eis IESVS, VER. 25.
Principium, qui & loquor vobis.

10 **P**EROBSCVRVS est hic locus ad intelligendum, & ad explicandum perdifficilis; tum quia locum hunc multò secùs habet Scriptura Græca, quàm sonant verba Latina: tum etiam quòd nec ipsa Græca Scriptura facilem habet intellectum. Ego varias, quæ sunt apud doctores, loci huius interpretationes breuiter exponam. Beatus Ambrosius in capite secundo, & quarto primi libri in Hexameron, & in quarto capite libri tertij de Fide, hunc locum tractans ait; Iudæis interrogantibus Dominum, *Tu quis es?* respondisse ipsum; *Ego sum principium, qui & loquor vobis*, significantem his verbis, se DEVM simul, atque hominem esse: DEVM quidem, appellando se principium simpliciter, & præcisè; nimirum ex quo, & in quo, & propter quem sunt omnia: hominem autem ostendit se esse, dicendo; *Qui & loquor vobis*. Hanc interpretationem complures Latinorum explanatorum secuti sunt. Sed mirum profectò videri possit, Ambrosium, qui Græcè sciret optimè, cum tractaret hunc locum, Græcam eius scripturam non consuluisse. Si enim consulisset, planè vidisset, cum ea minimè congruentem esse interpretationem, quam ipse tradidit: Nam Græca vox significans principium, non est nominatiui casus: sed accusatiui: & in illis verbis; *Qui & loquor vobis*, pro illo relativo, *qui*, Græca vox vel est relatiuum neutrius generis, (*quod*:) vel est coniunctio significans (*quia*, vel *quoniam*.) Ex quo apparet, Græcæ

Prima interpretatio, quæ est Ambrosij.

Matt. 27.

Luc. 23.

Glorificatio
Iesu in resur-
rectione eius.

gijs glorificauerunt DEVM, dicentes: *Verè hic Filius DEI erat.* Et reuertebantur percutientes pectora sua. Nonò; Glorificatus est in sua Resurrectione: tunc enim perfectam sui corporis habuit gloriam: quæ consistit in quatuor illis gloriosi corporis dotibus; Impassibilitate, Claritate, Agilitate, & Subtilitate. Decimò; glorificatus est in Ascensione sua ad cælum; quantum ad habitationem in supremo cæli loco; & quantum ad excellentiam dignitatis, & potestatis super omnes cœlicolas; & quantum ad sessionem suam in supremo throno ad dexteram DEI Patris. Vndecimò; glo-

Glorificatio
Iesu in Ascen-
sione eius ad
cælum.Glorificatio
Iesu in mis-
sione Spiritus
sancti.
Iou. 16.

rificatus est in missione Spiritus sancti; sicut ipse prædixerat de eo; *Ille me clarificabit: quia de meo accipiet.* Tunc glorificatus est IESVS per suos discipulos, liberè, feruenter, & constanter nomen eius confitentes, doctrinam prædicantes. Tunc glorificatus est in multiplicatione Ecclesiæ suæ per vniuersum mundum, & per Euangelij prædicationem in omni terrarum orbe, & per clarifi-

Glorificatio
Iesu, qua fu-
tura est in cō-
summatione
saeculi, & in
extremo iu-
dicio.

cationem nominis sui apud omnes gentes. Duodecimò; Restat etiam nunc maxima quædam glorificatio IESVS, quæ futura est in consummatione mundi, & in extremo, atque vniuersali iudicio hominum: tunc ipse cùm maxima potestate, ac maiestate veniet ad iudicandum omnes, & reddendum unicuique secundum opera sua. Tunc perficietur, quod ei ascendenti ad cælum DEVS Pater promiserat, dicens; *Sede à dextris meis, donec ponam inimicos tuos scabellum pedum tuorum.* Tunc agnosceretur ab omnibus Rex

regum, & Dominus dominantium. Tunc sublati
omnibus alijs regnis, & imperiis regnabit
ipse in cælo, & in terra, & super
omnes creaturas.

Psal. 109.



CAPVT OCTAVVM

EVANGELII IOANNIS.



ESVS autem perrexit in montē Oli- VERS. I.

ueti : * & diluculo iterum venit in 2
templum, & omnis populus venit ad
eum, & sedens docebat eos. * Addu- 3
cunt autem Scribae, & Pharisei mulie-
rem in adulterio deprehensam : & sta-
tuerunt eam in medio ; * & dixerunt 4

ei ; Magister, hac mulier modo depre-
hensa est in adulterio. * In lege autem Moyses mandauit nobis 5
huiusmodi lapidare. Tu ergo quid dicis ? * Hoc autem dicebant 6
tentantes eum, vt possent accusare eum. IESVS autem inclinans
se deorsum, digito scribebat in terra. * Cum ergo perseverarent 7
interrogantes eum, erexit se, & dixit eis ; Qui sine peccato est
vestrum, primus in illam lapidem mittat. * Et iterum se inclinans, 8
scribebat in terra. * Audientes autem vnus post vnum exhibant, 9
incipientes à senioribus : & remansit solus IESVS, & mulier
in medio stans. * Erigens autem se IESVS, dixit ei ; Mulier, 10
vbi sunt, qui te accusabant ? Nemo te condemnauit ? * Quae di- 11
xit ; Nemo, Domine. Dixit autem IESVS ; Nec ego te con-
demnabo : Vade, & iam amplius noli peccare. * Iterum ergo lo- 12
cutus est eis IESVS, dicens ; Ego sum lux mundi : qui sequitur
me, non ambulat in tenebris : sed habebit lumen vitae. * Dixerunt 13

ergo

ergo ei Pharisei; Tu de teipso testimonium perhibes: testimonium
 14 tuum non est verum. * Respondit IESVS, & dixit eis; Etsi
 ego testimonium perhibeo de meipso, verum est testimonium meum:
 quia scio vnde veni, & quò vado: vos autem nescitis vnde ve-
 15 nio, aut quò vado. * Vos secundum carnem iudicatis: ego non
 16 iudico quemquam. * Et si iudico ego, iudicium meum verum est;
 17 quia solus non sum: sed ego, & qui misit me, Pater. * Et inle-
 ge vestra scriptum est; quia duorum hominum testimonium ve-
 18 rum est. * Ego sum, qui testimonium perhibeo de meipso: & testi-
 19 monium perhibet de me, qui misit me, Pater. * Dicebant ergo ei;
 Ubi est Pater tuus? Respondit IESVS; Neque me scitis, neque
 Patrem meum: si me sciretis, forsitan & Patrem meum sciretis.
 20 * Hæc verba locutus est IESVS in gazophylacio, docens in tem-
 plo: & nemo apprehendit eum; quia necdum venerat hora eius.
 21 * Dixit ergo iterum eis IESVS; Ego vado, & queretis me: &
 in peccato vestro moriemini. Quò ego vado, vos non potestis ve-
 22 nire. * Dicebant ergo Iudæi; Numquid interficiet semetipsum;
 23 quia dixit; Quò ego vado, vos non potestis venire? * Et dicebat
 eis; Vos de deorsum estis, ego de supernis sum. Vos de mundo hoc
 24 estis, ego non sum de hoc mundo. * Dico ergo vobis, quia morie-
 mini in peccatis vestris: si enim non credideritis quia ego sum,
 25 moriemini in peccato vestro. * Dicebant ergo ei; Tu quis es? Di-
 26 xit eis IESVS; Principium, qui & loquor vobis. * Multa ha-
 beo de vobis loqui, & iudicare. Sed qui me misit, verax est: &
 27 ego quæ audiui ab eo, hæc loquor in mundo. * Et non cognouerunt
 28 quia Patrem eius dicebat DEVM. * Dixit ergo eis IESVS;
 Cum exaltaueritis Filium hominis; tunc cognoscetis quia ego sum,
 29 & à meipso facio nihil: sed sicut docuit me Pater, hæc loquor: * Et
 qui me misit, mecum est, & non reliquit me solum: quia ego, quæ
 30 placita sunt ei, facio semper. * Hæc illo loquente multi crediderunt
 31 in eum. * Dicebat ergo IESVS ad eos, qui crediderunt ei, Iu-
 deos; Si vos manseritis in sermone meo, verè discipuli mei eritis:

* & cognoscetis veritatem, & veritas liberabit vos. * Respon- 32 33.
 derunt ei; Semen Abraham sumus, & nemini seruiimus unquam:
 quomodo tu dicis: liberi eritis? * Respondit eis IESVS; Amen, 34
 amen dico vobis; quia omnis, qui facit peccatum, seruus est pec-
 cati. * Seruus autem non manet in domo in aeternum: Filius au- 35
 tem manet in aeternum. * Si ergo vos filius liberauerit, verè li- 36
 beri eritis. * Scio quia filij Abraham estis: sed queritis me interfi- 37
 cere: quia sermo meus non capit in vobis. * Ego quod vidi apud 38
 Patrem meum, loquor: & vos, quæ vidistis apud Patrem ve-
 strum, facitis. * Responderunt, & dixerunt ei; Pater noster Abra- 39
 ham est. Dicit eis IESVS; Si filij Abraham estis, opera Abraham fa-
 cite. * Nunc autem queritis me interficere, hominem, qui veri- 40
 tatem vobis locutus sum, quam audiui à DEO: hoc Abraham
 non fecit. * Vos facitis opera Patris vestri. Dixerunt itaque eis 41
 Nos ex fornicatione non sumus nati: unum Patrem habemus
 DEVM. * Dixit ergo eis IESVS; Si DEVS Pater vester esset: 42
 diligeretis utique me. Ego enim ex DEO processi, & veni: ne-
 que enim à meipso veni: sed ille me misit. * Quare loquelam meam 43
 non cognoscitis? Quia non potestis audire sermonem meum. * Vos 44
 ex Patre diabolo estis: & desideria Patris vestri vultis facere.
 Ille homicida erat ab initio, & in veritate non stetit: quia non est
 veritas in eo: cum loquitur mendacium, ex proprijs loquitur: quia
 mendax est & Pater eius. * Ego autem si veritatem dico, non 45
 creditis mihi. * Quis ex vobis arguet me de peccato? Si veritatem 46
 dico vobis, quare non creditis mihi? * Qui ex DEO est, verba 47
 DEI audit: propterea vos non auditis; quia ex DEO non
 estis. * Responderunt ergo Iudei, & dixerunt ei; Nónne hanc 48
 dicimus nos quia Samaritanus es tu, & demonium habes? * Re- 49
 spondit IESVS; Ego demonium non habeo: sed honorifico Pa-
 trem meum, & vos inhonorastis me. * Ego autem non quero
 gloriam meam: est qui querat, & iudicet. * Amen, amen dico 50
 vobis: si quis sermonem meum seruauerit, mortem non videbit in 51

52 *eternum.* Dixerunt ergo Iudæi; Nunc cognouimus quia demoniū*
habes. Abraham mortuus est, & Propheta: & tu dicis: Si quis
 53 *sermonem meum seruauerit, non gustabit mortem in eternum.**
Numquid tu maior es Patre nostro Abraham, qui mortuus est?
 54 *& Propheta mortui sunt. Quem teipsum facis?** Respondit
 IESVS; Si ego glorifico meipsum, gloria mea nihil est: est Pater
 meus, qui glorificat me, quem vos dicitis quia DEVS vester est,
 55 * & non cognouistis eum: ego autem noui eum: Et si dixero quia
 non scio eum; ero similis vobis, mendax. Sed scio eum, & ser-
 56 monem eius seruo.* Abraham Pater vester exultauit vt videret
 57 diem meum: vidit, & gauisus est.* Dixerunt ergo Iudæi ad eum;
 Quinquaginta annos nondum habes, & Abraham vidisti?
 58 *Dixit eis IESVS; Amen, amen dico vobis, antequam
 59 Abraham fieret, ego sum.* Tulerunt ergo
 lapides, vt iacerent in eum: IESVS
 autem abscondit se, & exiuit
 de templo.

IN



IN CAPVT OCTA- VVM DISPVATIONES SEXDECIM.



PRIMA DISPVATIO.

Super illis verbis:

Adducunt autem Scribæ, & Pharisei mulierem
in adulterio deprehensam, &c.

VERS. 3.

*An historia mulieris adulteræ sit canonica, & à Beato Ioanne
scripta: & quid super ea re scripserint Euthymius,
B. Hieronymus, Eusebius, & Caietanus.*



IN hoc capite octauo narratur historia mulieris adulteræ, & varij sermones, & altercationes inter CHRISTVM, & Iudæos habitæ. Sed an historia mulieris adulteræ sit Scriptura Canonica, & à Beato Ioanne scripta, disquirendum est. Nonnulli enim id negarunt, hisce argumētis adducti; Nullus Græcorum scriptorum, qui commentaria ediderunt in Euangelium Ioannis, historiam mulieris adulteræ nec in textu legit, neque in commentariis suis attigit. Audiatur, lector, quid super ea re Græcus explanator huius Euangelij scribat Euthymius, tractans extrema verba præcedentis capituli optimi. Scire, inquit, oportet ea, quæ ab hoc loco habentur vsque

Euthymius.

ad illa verba; *Iterum ergo locutus est illis IESVS, dicens; Ego sum lux mundi*, in exactioribus exemplaribus aut non inueniri, aut obelo confossa esse; cò quòd illegitima videantur, & addita. Et huius rei argumentum est, quòd ea nullus sit interpretatus. Nobis tamen animus est etiam hæc declarare, quòd vtilitate non careant; sicut & caput de muliere adultera, quod inter hæc ponitur. Sic Euthymius.

S. Hieronymus.

Deinde Beatus Hieronymus in libro secundo aduersus Pelagianos scribit, historiam mulieris adulteræ in multis codicibus Græcis, & Latinis reperiri in Euangelio Beati Ioannis: quibus verbis non obscure significauit Hieronymus, eam in multis quoque aliis codicibus non inueniri. At si ea historia esset à Ioanne scripta, in omnibus codicibus inuenta fuisset. Eusebius in capite vltimo libri tertij de historia Ecclesiastica ait, eam historiam fuisse proditam à Papia discipulo Apostolorum, & reperiri in Euangelio, secundum Hebræos. Non sic autem de ea historia locutus esset Eusebius, si eam putasset à Beato Ioanne scriptam, & partem esse Euangelij eius.

Caietanus.

Horum itaque grauium scriptorum auctoritas, & testimonium; non solum hæreticos fecit audaces ad hanc historiam abiudicandam, & abiiciendam; sed Caietano etiam animum fecit ad eius historię fidem eleuandam, minuendâque auctoritatem. Qui licet fuerit non minus catholicus, & pius; quàm doctus, & acutus: nonnauquàm tamen quasdam minimè Catholicas, & pias sententias, & sacrę Scripturę interpretationes in suis libris secutus est. In exordio commentariorum suorum super hoc caput octauum ita scribit; Prima pars huius capituli cum tota historia mulieris adulteræ non est omninò authentica. Nam Hieronymus in libro secundo Dialogorum aduersus Pelagianos dicit, eam in multis Græcis, & Latinis codicibus inueniri. Dicendo autem, *in multis*, monstrauit non esse authenticam; sicut plerâsq; partes huius Euangelij. Quia tamen in Ecclesia legitur, tanquàm pars Euangelij; nos quoque illam exponemus. Hæc Caietanus. Et Paulò infrà explanans illa verba huius capituli octauj, *Iterum ergo locutus est illis IESVS*, sic ait; Nulla continuatio præcedentis facti cum istis verbis subiuncta testatur, adiectitiâ esse præcedentem historiam

historiam de muliere adultera; nec immeritò ab illustribus doctoribus prætermittam. Sic ille. Miror equidem Caietanum, qui non est veritus dicere, historiam hanc mulieris adulteræ non esse authenticam, nec esse partem huius Euangelij: sed esse adiectitiam: cùm ipse tamen fateatur, eam publicè in Ecclesia legi tanquàm partem Euangelij Ioannis. Sed qui dicit Ecclesiam habere pro canonica Scriptura hanc historiam: quæ tamen reuera non est canonica; is profectò non obscure significat, catholicam Ecclesiam circa fidem, & auctoritatem huius historię in errore versari, & tot iam sæculis esse versatam; & vniuersum populum Christianum errore suo implicatum, atque deceptum teneri.

Animaduersione in sententiam Caietani.

SECUNDA DISPUTATIO.

Historiam mulieris adulteræ, canonicam esse, & à Beato Ioanne scriptam, breuiter probatur.

IN Concilio Tridentino, in sess. 4. & in decreto de Scripturis canonicis, hæc sunt verba; Si quis omnes libros sacræ Scripturæ integros, & cum omnibus suis partibus; sicut in Ecclesia catholica legi consueuerunt; & sicut eos habet Latina editio vulgata, pro canonicis, & sacris non susceperit, Anathema sit. Et hæc quidem fuit Patrum in illo Concilio sententia, & decretum. Sed Ecclesia legit historiam mulieris adulteræ, tanquàm sacram Scripturam, & partem Euangelij Ioannis, in Missa Sabbati post Dominicam tertiam quadragesimæ. Et Latina editio vulgata habet eam in omnibus libris, in hoc loco Euangelij Ioannis: ergo hanc historiam esse canonicam Scripturam, & esse Beati Ioannis, ab homine catholico, saltem post Tridentini Concilij decretum, dubitari nullo modo potest. Hoc etiam comprobatur auctoritate veterū Scriptorum. Ammonius in sua Harmonia Evangelica inter historias scriptas in Euangelio Ioannis, memorat hanc mulieris adulteræ: similiter etiam Athanasius in synopsi eandem quoque historiam, vt sacram, & Beati Ioannis refert, & Ambrosius in Epistola 38. & 76. & Augustinus in libro quarto de con-

Concilij Tridentini.

Ammonius.

Athanasius.

Ambrosius, Augustinus.

Chrysoſt. ſenſu Euangelistarum cap. 10. & in Epistola 54. & 57. Quinetiam Chryſoſtomus in homilia sexageſima in Ioannem, referens aliquot historias Euangelicas, inter eas quoque commemorat historiam mulieris adulteræ.

Cur historia mulieris adulteræ non fuerit olim in omnibus huius Evangelij codicibus.

Sed enim, dicit quispiam, si hæc historia esset à Beato Ioanne scripta; ea proculdubio in omnibus libris huius Evangelij siue Græcis, siue Latinis, & omni tempore fuisset: ac supra ostensum est, eam olim in quibusdam libris fuisse: in aliis non fuisse, & Græcos explanatores huius Evangelij eam non habuisse: & hæc quidem ratio principale fuit contrariæ sententiæ fundamentum, atque firmamentum. Equidem puto, causam istius varietatis exemplarium Evangelij Ioannis incompertam nobis esse: si mihi tamen liceat, quasi diuinando, cōiectare aliquid super ea re, dicam, eam varietatem duabus ex causis accidisse. Fortasse Beatus Ioannes in prima huius Evangelij editione hanc historiam omiserat: sed eius postea recordatus, dignamque iudicans eam; ut litteris prodita, in Ecclesia CHRISTI, & in Populo Christiano legere- tur; in posteriori eiusdem Evangelij editione eam adiecit. Hinc factum est, ut prioris editionis exemplaria eam historiam non haberent: posterioris verò editionis codices haberent eam. Vel fortasse Beatus Ioannes ab initio in hac sua historia Euangelica posuit historiam mulieris adulteræ; sed qui postea scripturam eius in multa exemplaria transcripserunt, eorum partim in scribendo negligentes, nonnulla omiserunt, in quibus etiam fuit historia mulieris Adulteræ; partim verò diligentissimè omnia scribentes, non omiserunt eam historiam: atque hinc varietas illa codicum extitit: quibusdam eam historiam habentibus, aliis verò non habentibus.

TERTIA DISPVTATIO.

Super illis verbis:

VERS. 6. IESVS autem inclinans se deorsum, digito scribebat in terra.

A

B omnibus huius Evangelij explanatoribus quaesitum est, 6
quid fuerit illud, quod tunc CHRISTVS digito suo scri-

psit

plur in terra. Curiosa profectò magis quæstio, quàm facilis ad explicandum: cum nihil ea de re in Sacris litteris traditum, vel à Patribus pro certo proditum sit: quamobrem variant doctorum sententiæ, vel potius coniecturæ: quod in rebus incompertis, atque incertis fieri necessum est. Nos istas doctorum coniecturas cursim hoc in loco percausendo, satisfactum à nobis fore lectori existimamus.

Quid tunc in terra scripserit Christi, sex doctorum sententia.

Ambrosius in Epistola 58. & 76. quia CHRISTVM bis tunc scripsisse in terra narrat hoc loco Ioannes, putari ipse, in priori scriptione scripsisse eum sententiam illam, quæ est apud Hieremiam cap. 22. secundum translationem septuaginta interpretum, qua uti ferè solet Ambrosius; *Terra scribe hos viros abdicatos*: quo significabat Dominus IESVS, censores illos iam esse à DEO abiectos, & in numerum reproborum reiectos, quorum scilicet nomina non in cælo: sed in terra scribuntur: In posteriori autem scriptione opinatur Ambrosius CHRISTVM scripsisse illam, à se alias prædicatam, sententiam; *Festucam, quæ in oculo est fratris tui, Math. 7. vides; trabem autem, quæ in oculo tuo est, non vides.*

Ambrosius.

7 Beda existimat CHRISTVM bis eandem illam sententiam scripsisse; quam etiam verbis expressit; *Qui sine peccato est vestrum, primus in illam lapidem mittat*: quasi diceret; Puniatur peccator: sed non à præuicatoribus legis, & maiori dignis punitione. Haymo, & Lyranus, (quæ complurium aliorum est opinio) arbitrantur, CHRISTVM scripsisse tunc vniuscuiusque illorum accusatorum grauiora peccata: sic tamen ut sua cuique dumtaxat peccata; non aliis, notescerent. Nec ea Scriptura constabat litteris: sed notis quibusdam, & figuris, ad similitudinem speculi, sua cuique delicta repræsentantibus. At enim, si fuisset ita factum, Iudæi, visa priori scriptione, continuò discessissent. At Ioannes scribit hoc loco, etiam postea instituisse eos sciscitari à CHRISTO sententiam eius de illa muliere adultera. Rabanus opinatur CHRISTVM scripsisse sententiam illam, quæ est apud Hieremiam cap. 17. *Domine, omnes, qui te derelinquunt, confundentur: recedentes à te, in terra scribentur: quia dereliquerunt venam aquarum viuentium Dominum.*

Beda.

Haymo, & Lyranus.

Rabanus.

8 Augustinus, Rupertus, & Caietanus putant, CHRISTVM nullas

Augustinus, Rupertus, & Caietanus.

las tunc in terra literas formasse : sed illo exteriori gestu inclinandi se deorsum , & digito quasi scribentis in terra , mysterium aliquod designasse , ac denotasse : quodnam verò id fuerit mysterium , quadruplex est interpretatio , Prima ; se maiestatem suam diuinam inclinasse deorsum vsque ad terram , assumpta humana natura ; vt saluum faceret genus humanum , quod perierat . Non itaque eius esse quemquam punire , ac perdere , qui omnes venerat saluos facere . Et hoc ipse ante dixerat Nicodemo , se in mundum venisse , non vt iudicaret mundum : sed vt mundus per ipsum saluus fieret .

Secunda ; proprium esse DEI , iustitiæ seueritatem flectere , atque inclinare ad lenitatem , & suauitatem misericordiae : nam vt dixit Iacobus Apostolus ; *Misericordia superexaltat iudicem* . Tertia ; cùm illi Iudæi vehementer vrgerent CHRISTVM auctoritate legis Mosaicæ , ipse digito scribens in terra significauit , se Dominum , & conditorem fuisse illius legis : vtpotè quam ipse digito suo scriptam in tabulis lapideis , eis per Moysen dederat . Quarta ; significatum est illo CHRISTI gestu in terra scribentis , diuersam admodum fore nouam , & Euangelicam legem à lege veteri Mosaica : hæc enim scripta est in lapide , qui & durus est , & sterilis , atque infrugiferus ; quo significabatur illius legis & rigor , atque durities , simulque inefficacia remittendi peccata , & gratiam , atque virtutem largiendi : legem verò Euangelicam CHRISTVS scripsit in terra , quæ est mollis , & frugifera ; quo significabatur eius legis suauitas , & inæstimabilis fructuum eius prouentus . Et ideo Dominus ipse dixerat ; *Tollite iugum meum super vos , & inuenietis requiem animabus vestris : iugum enim meum suauis est , & onus meum leue* .

Euthymius etiam putat , nihil à CHRISTO tunc in terra literarum esse scriptum : sed eum simulasse gestum illum scribentis in terra ; vt sic , quasi rebus aliis intentus , importunam , & malitiosam illorum accusatorum interrogationem repelleret . Hoc nempe solent interdum facere viri prudentes , cùm ad id , quod rogantur , vel interrogantur , respondere nolunt ; alio vultum auertunt , aliudque cogitare se , atque agere simulant ; vt alij ab importuna interrogatione , vel postulatione desistant . Illud denique commemorabile videtur hoc loco , quod scribit Beatus Augustinus in epistola

Quod mysterium designatum sit per illam Christi scripturam in terra, quadruplex interpretatio.
Ioan. 3.

Iacobi 1.

Exod. 31.

Matth. 11.

Euthymius.

Augustinus.

stola.

stola quinquagesimaquarta, CHRISTVM illis verbis, quæ respōdit istis Iudæis, *Qui sine peccato est vestrum*, primus in illam lapidem mittat; tantum eorum animis incussisse terrorem, atque tremorem, vt non modò accusare mulierem illam desisterent, deferuescente intus fœuitia, & tremente conscientia: sed etiam se quamprimùm è conspectu CHRISTI subducere contenderent.

QVARTA DISPUTATIO.

Super illis verbis:

Dicebant ergo ei, Tu quis es? Dixit eis IESVS, VER. 25.
Principium, qui & loquor vobis.

10 **P**EROBSCVRVS est hic locus ad intelligendum, & ad explicandum perdifficilis; tum quia locum hunc multò secùs habet Scriptura Græca, quàm sonant verba Latina: tum etiam quòd nec ipsa Græca Scriptura facilem habet intellectum. Ego

varias, quæ sunt apud doctores, loci huius interpretationes breuiter exponam. Beatus Ambrosius in capite secundo, & quarto primi libri in Hexameron, & in quarto capite libri tertij de Fide, hunc locum tractans ait; Iudæis interrogantibus Dominum, *Tu quis es?* respondisse ipsum; *Ego sum principium, qui & loquor vobis*, significantem his verbis, se DEVM simul, atque hominem esse: DEVM quidem, appellando se principium simpliciter, & præcisè; nimirum ex quo, & in quo, & propter quem sunt omnia: hominem autem ostendit se esse, dicendo; *Qui & loquor vobis*. Hanc interpretationem complures Latinorum explanatorum secuti sunt. Sed mirum profectò videri possit, Ambrosium, qui Græcè sciret optimè, cùm tractaret hunc locum, Græcam eius scripturam non consuluisse. Si enim consulisset, planè vidisset, cum ea minimè congruentem esse interpretationem, quam ipse tradidit: Nam Græca vox significans principium, non est nominatiui casus: sed accusatiui: & in illis verbis; *Qui & loquor vobis*, pro illo relatiuo, *qui*, Græca vox vel est relatiuum neutrius generis, (*quod*:) vel est coniunctio significans (*quia*, vel *quoniam*.) Ex quo apparet, Græcæ

Prima interpretatio, quæ est Ambrosij.

Rrr scriptu

scripturæ loci huius, incongruam esse interpretationem Ambrosij. Verùm de Græca scriptura huius loci paulò infra enucleatius dicturi sumus.

Secunda interpretatio, qua est Augustini.

Altera interpretatio huius loci est ea, quam tradit Beatus Augustinus. Is putat, in his Domini verbis subintelligi oportere verbum, *credite*: hoc sensu: *Quæritis vos, quis ego sim*: Respondeo; credite me esse principium: nam vt hoc crederetis, factus sum homo: vt vobis loqui, & prædicare possem. Sed lubet verba ipsa Beati Augustini ex tractatu trigésimo octauo eius in Euangelium Ioannis hunc in locum transcribere. Ea verò sunt huiusmodi; Dixerunt Iudæi *CHRISTO*; *Tu quis es?* Ac si dicerent, quoniam abs te audiuius, *Nisi credideritis quia ego sum*: quid te esse credemus? Ad hoc respondit Dominus, *principium*: tanquàm diceret; credite me esse principium. Et addidit; *Qui & loquor vobis*: id est, quia humilis propter vos factus, ad ista verba descendi. Nam si principium; sicuti est, ita maneret apud Patrem, & non acciperet formam serui, & homo loqueretur hominibus; quomodo ei crederent, cùm infirma corda intelligibile verbum sine voce sensibili audire non possint? Ergo, inquit, credite me esse principium; quia vt credatis, non solum ego sum; sed & loquor vobis. Hæc Augustinus. In cuius verbis animaduertere licet, eum non legisse, *Qui & loquor vobis*: sed, *Quia & loquor vobis*. Hoc enim indicat eius interpretatio: quamquam Scripturæ textus, qui hoc loco est in eius commentario, similiter habet, vt nostra translatio Latina.

In Erasmi præinterpretatione Augustini.

Hæc interpretatio Augustini, vt est verissima, & admodum pia; ita, quin sit duriuscula, & quodammodo coacta, negari non potest. Sed audacior Erasmus non dubitauit dicere, eam parùm esse Theologicam. Cùm enim, inquit, ad rationem principij pertineat, non esse ab alio; non potest nomen, principij, simpliciter sumptum conuenire *CHRISTO*; qui à Patre genitus est: sed soli Patri conuenit, qui est principium non solum omnium, quæ sunt extra *DEVM*: sed etiam duarum personarum diuinarum, Filij & Spiritus sancti. Sed enim dum videri Erasmus voluit Theologototos, se imperitum Theologiæ, rudemque prodidit. Si enim in disciplina Theologica versatus esset, didicisset utique, nomen, *princi*

principij, dupliciter dici; tum ad extra, respectu creaturarum; tum ad intra, respectu diuinarum processionum, & personarum. Et prior quidem modo sumptum principium, simpliciter dicitur de qualibet persona diuina, & cuilibet personæ æqualiter conuenit. Quamobrem Paulus in 1. cap. Epist. ad Coloss. appellauit CHRISTVM principium, & ipse CHRISTVS in primo, & vltimo cap. lib. Apocalypsis appellat se Alpha & Omega, principium & finem. Posteriori autem modo, licet Filius DEI non dicatur principium simpliciter, sicut dicitur Pater; dicitur tamen, & est principium respectu Spiritus sancti: nam ipse & Pater sunt vnicum principium productionis Spiritus sancti.

Nomen, principij, dupliciter in Deo dicitur.

QVINTA DISPUTATIO.

Explicatur Græca lectio huius loci; eiusque tres alie interpretationes commemorantur.

13 **R**ÆCA lectio huius loci sic habet; *τὸν ἀρχὴν, ὅτι ἐλάλῃ ὑμῖν.* Illud *τὸν ἀρχὴν*, ponitur vice aduerbij, subintelligendo præpositionem *ἐν*, more Græcorum, qui similes accusatiuos ponunt pro aduerbiis; vt *τὸν ἀρχὴν*; id est, principio, vel primò. Et *τὸ τέλος*; id est, in finem, postremò, denique. Hoc igitur loco, *τὸν ἀρχὴν*, etiam ponitur aduerbialiter: & dupliciter sumi potest; vel vt significet initium ordinis: sicut apud Latinos, (principiò, imprimis, seu primò:) vel vt sit confirmantis, & asseuerantis, eandem vim habens, atque apud nos, (omniò, & prorsus.) Et sic vsus est, *τὸν ἀρχὴν*, Nazianzenus in sermone de Paschate Domini; & Galenus in libello de optimo docendi genere: vt citat hoc loco Erasinus. Pro relatiuo, *ὅτι*, Græce est *ὅτι*: quod si disiunctè scribatur, *ὅτι*, est relatiuum neutrius generis (quod,) sin autem scribatur coniunctè, *ὅτι*, est coniunctio (quia, vel quoniam,) vel infinitè sumitur pro (quod, siue vt,) sicut Latinè dicitur, quod tibi irascor, tibi imputa.

14 His expositis, commemorandæ sunt tres huius lectionis Græcæ interpretationes. Est itaque tertia interpretatio, quæ Chrysostomus.

Tertia interpretatio.

Chrysoſt.

ſtomo attribuitur : ſed quia Chryſoſtomus nimis præciſè , obſcureque loquitur : eam verò explicatiùs , & apertius tradit Euthymius , nos Euthymio assignabimus. Sumit Euthymius illud , *τιὸν δεῖχον*, pro eo, quod Latine eſt, (omnino.) Et illud, *ἐν* pro eo, quod eſt, (quod, vel vt.) Et illud verbum præſentis temporis, *loquor*, interpretatur per verbum ſubiunctiu temporis, (loquar :) & ſubaudiendum putat illud ; (Superfluum eſt ; vel, vos indigni eſtis.) At enim , in hac Domini oratione deſiderari verba aliqua, & ſuppleri debere. Euthymius itaque vult huiuſmodi eſſe horum Domini verborum ſententiam : Vos quæritis, quis ego ſim : omnino indigni eſtis vt loquar vobis, cùm id non ſtudio cognoscendæ veritatis interrogetis : ſed tentandi animo , vt ex verbis meis inſam calumniandi , & criminandi me poſſitis arripere. Sic Euthymius : ſed quia multa & inuertit , & addit , propterea eius interpretatio non videtur probabilis.

Quarta interpretatio.

Quarta interpretatio illud, *τιὸν δεῖχον*, ſumit pro eo, quod Latine eſt, (principio, vel à principio :) hoc ſenſu ; Quæritis, quis ego ſim : reſpondeo , quòd à principio loquor , vel locutus ſum vobis ; nimirum , me eſſe lucem mundi ; & plura alia , quæ vel paulò ſuprà in hoc ſermone de ſe dixit ; vel in aliis ſermonibus , quos habuiſſe eum cum Iudeis Hieroſolymitis narrauit ſuprà Ioannes cap. 5. & 7. Poſteſt etiam, ſecundum hanc interpretationem , illud, *τιὸν δεῖχον*, accipi pro eo, quod Latine eſt, (omnino ; vel, prorſus :) in hanc ſententiam ; Quæritis, quis ego ſim : non reſpondebo aliquid noui ; omnino ; vel prorſus id ſum , quod loquor, ſiue locutus ſum vobis. Quinta interpretatio ſumit illud, *τιὸν δεῖχον*, pro eo quod Latine eſt, (omnino) & illud *ἐν*, pro (quia.) Et vult, CHRISTVM his verbis non reſpondere ad illam interrogationem Iudæorum, *Tu quis es?* ſed confirmare id, quod proximè antè dixerat, *Niſi credideritis quia ego ſum, moriemini in peccato veſtro* : quali diecret, vos quæritis, quis ego ſim : ſed quia hæc veſtra interrogatio nimis curioſa, vel potiùs malitioſa eſt, ad eam non reſpondebo. Illud tantùm dico, omnino euenturum vobis quod prædixi : *Niſi credideritis quia ego ſum, in peccato veſtro moriemini.* Et hoc vobis eo iuſtius accider, quod ego id palam prædixi vobis. Hæc interpretatio, quia nihil habet implicatum, atque contortum, neque

Quinta interpretatio.

que incongruum: sed plana, & facilis est, aprèque coharens cum antecedentibus, & consequentibus verbis, propterea nonnullis omnium maximè placet.

SEXTA DISPVATIO.

Super illis verbis:

Responderunt ei Iudæi, Semen Abrahæ sumus, & VER. 33.
nemini seruiuimus vnquam: Quomodo
tu dicis, liberi eritis?

16 **I**MPVDENS mendacium: Aiunt isti, gentem Iudæorum nemini vnquam seruisse: cum ea tamen & sapi-
simè, & miserrimè plurimis gentibus barbaris, & im-
piis seruerit. Et hoc isti dicunt CHRISTO, quem
nihil; vt aliarum rerum, ita neque eorum, quæ in populo Iudæo-
rum ab initio gesta sunt, latere poterat. Sanè vera libertas homi-
nis duabus rebus censetur: si neque ipse seruiat cuiquam, vel an-
teà seruerit; neque maiores eius seruilis fuerint conditionis. Neu-
tro modo isti Iudæi veram libertatem tribuere sibi poterant: sed
mendaciter, atque impudenter sibi arrogabant. Etenim isti Iudæi, *Iudæos, tem-*
eo ipso tempore, quo hæc dixerunt, seruiebant Romanis: tunc *pore Christi,*
enim nomine Tiberij Cæsaris Romanorum Imperatoris, omnis *seruos fuisse*
Iudææ procurator, & gubernator erat Pontius Pilatus; vt indicat *Romanorum.*
Lucas initio tertij capitis historię suæ Euangelicæ. Et huius serui-
tutis clarissimum fuit indicium, publicum numisma, quo tunc Iu-
dæi utebantur, habens imaginem, & superscriptionem Cæsaris;
& ipsi Iudæi confessi sunt se Romanorum seruos esse, cum dixe-
runt Pilato; *Non habemus Regem, nisi Cæsarem.* *Ioan. 19.*

17 Iam verò maiores istorum Iudæorum sapi-
simè miserrimam seruitutem variis gentibus seruerunt. Principiò, cum essent in
Ægypto, longissima, & durissima seruitute pressi, & afflictati sunt
ab Ægyptiis. Deinde ingressi terrā Promissionis, & in tempore Iu-
dicum, sexies seruisse eos variis gentibus, scriptum est in libro Iu-
dicum: Primùm enim seruiuerunt Mesopotamitis: secundum, Cha-
nanæis:

*Quoties, &
quibus serui-
bunt, & quibus
gentibus ser-
uierint Iudæi.*

nanæis : Tertium , Moabitis : Quartum , Madianitis : Quintum , Ammonitis : Sextum , Philistæis. Postquam verò habuerunt Reges , regnante Sedecia Rege Iuda : ducti sunt in captiuitatem Babyloniam , & per septuaginta annos seruierunt Chaldeis. Post reuersionem autem ex captiuitate Babylonica in Iudæam , seruierunt primò Regibus Persarum ; postea Regibus Asiæ , & Græciæ ; denique Romanis , sub quorum dominatione erant CHRISTI tempore. Quo igitur ore , qua fronte ausi sunt isti Iudæi dicere CHRISTO : *Nos nemini seruiuimus unquam.* Noluit autem CHRISTVS tam manifestè eos mendacij arguere , & conuincere ; quòd aliis eorum maioribus , magisque perniciosis erroribus , & peccatis detegendis , & arguendis , atque etiam , si vellent ipsi , corrigendis , & sanandis intentus esset. Quo Domini facto etiam nos instruimur , vt si cum aduersario super graui quapiam re disceptamus , non quæcunque eius dicta ad confutandum , & reprehendendum arripiamus : sed leuia , & causæ aliena dissimulantes : grauiora tantum errata , & quæ rem ipsam , de qua disceptatur , propriè attingunt , vrgeamus.

SEPTIMA DISPUTATIO.

Super illis verbis :

VER. 34.

Amen , amen dico vobis ; quia omnis , qui facit peccatum , seruus est peccati.

De sex modis , quibus intelligi potest , peccatorem esse seruum peccati : & de septem malis , quæ sunt in seruitute peccati.



VM dicitur , *Seruus est peccati* , quid significet nomen , *peccati* , sex modis declarari potest. Primò , per peccatum , secundum nonnullos , significatur Diabolus , primus omnium peccator , primusque peccati suator , & perpetuus hominis ad peccandum incitator : Diaboli autem potestati subiectus , & mancipatus est,

est, quicumque manet in peccato; quam Diaboli seruitutem, & captiuitatem Paulus in secundo capite posterioris Epistolæ ad Timotheum declarauit illis verbis; *Et resipiscant à Diaboli laqueis, à quo captiui tenentur ad ipsius voluntatem.* Secundò; Potest etiam nomine, *peccati*, hoc loco significari carnalis concupiscentia, quæ est in homine, quam Paulus in capite septimo epistolæ ad Romanos non semel appellat peccatum, eiusque quasi tyrannicam potentiam, & hominis sub ea captiuitatem deplorat. Hæc autem concupiscentia fit peccando acrior, & ardentior, atque potentior: nec eam restringere, & rationi, ac legi DEI subiectam, & obedientem tenere potest, qui peccati onere grauatus est. Tertiò; significari potest peccandi habitus, & consuetudo, quæ sæpius peccando coaduit, & roborata est, & quasi in naturam conuersa: propter quam fit, vt ipsum peccare fiat homini tanquam quid naturale; ob eamque causam facile, ac delectabile, & difficile fiat peccati iugum excutere. Quartò; peccati nomine denotari potest animæ macula, quæ peccando contrahitur, & qua, sublato per peccatum gratiæ nitore, inficitur, & inquinatur, & turpificatur animus hominis. Hanc maculam ex animo eluere, sine DEI gratia nemo potest. Quapropter David lachrymabundus, atque gemebundus deprecabatur Dominum; *Dele iniquitatem meam: Psal. 50. amplius laua me ab iniquitate mea, & à peccato meo munda me.* Quintò; designari etiam potest reatus æternæ pænæ, quam peccando meretur homo: quisquis enim se peccato obstringit, simul etiam obligat se reatu luendi supplicia æterna: nec eo reatu, nisi per DEI gratiam exolui potest. Sextò; significari etiam potest nomine, *peccati*, perpetuus in peccatore conscientiaæ stimulus, & morsus, atque cruciatus, qui animum eius torquet dies & noctes; nec eo cruciatu leuari potest, nisi prius remisso, & deletò peccato: quod perspicue licet cernere considerando labores, & curas, & inquieti semper animi sollicitudines hominis vel auari, vel ambitiosi, vel infano carnali amore inflammati.

- 19 Quæ autem in humana seruitute corporali, & ciuili sunt onerosa, & aspera, & ignominiosa: eorum similia: sed multo grauiora, & acerbiora atque turpiora sunt in seruitute peccati. Principiò, miseram planè vitam agit seruus; malè comedit, malè

Septem mala seruitutis corporalis, & ciuilis, etiam in peccati seruitute reperi.

lè bibit, malè vestitur, malè habitat. Deinde, multùm vigilar, multùmque laborat, & sudat; quæ magis laboriosa, & vilia sunt ministeria imponuntur ei; quietem autem & breuem, nec solidam habet: tum frequenter à domino iniuriosè, & contumeliosè tractatur, nec rarò etiam verberibus, atque fustibus ceditur. Præterea multorum, & magnorum laborum suorum nullam sperat mercedem: sed omnis eius industria, omnisque labor, atque omne ministerium eius, etiamsi quæstuosum sit, nec ei quidquam apportat emolumenti: sed in solius Domini cedit lucrum. Ad hæc, seruus non permanet in domo domini sui; sicut in hoc loco dixit Dominus, id autem est, non habet ius permanendi in domo domini. Sed cum dominus, quandocumque libitum ipsi fuerit, iure suo potest domo eijcere. His accedit, quòd qui verè seruus est, non est ciuis, nec censetur pars ciuitatis; quamobrem nec ad ciuiles honores, & dignitates admittitur, nec ciuiliū munerum particeps est. Postremò, qui verè seruus est, non solum ipse seruilis est conditionis: sed quoscunque in sua seruitute genuerit liberos, similis eos seruilis conditionis & status miseria excipit, ac tenet. Septem hæc mala seruitutis corporalis, & ciuilis, facilè est transferre, & applicare ad seruitutem peccati: si quis eam, quæ inter vtramque seruitutem est, proportionem, & conuenientiam bene consideret, atque perpendat.

OCTAVA DISPUTATIO.

Super illis verbis:

VER. 35.

Si ergo vos Filius liberauerit, verè liberi eritis.

De sextuplici libertate hominis, & qua libertate

CHRISTVS donauit hominem.

Libertas voluntatis humana.

Libertas ciuili.



EXTUPLEX distingui potest hoc loco libertas 20 hominis. Prima est libertas voluntatis humanæ, quæ est naturalis; & opponitur coactioni, & necessitati; & appellatur liberum arbitrium. Secunda est libertas ciuilis, quæ opponitur ciuili seruituti; de qua

qua paulò suprà copiosè dictū est. Tertia est libertas carnis, quam ^{Libertas car-} amant, & colunt, & exercent homines carnales; quicquid eis li-^{nis.} bitum fuerit, qualecunque sit, nullo vel hominum, vel etiam DEI ^{in illis ut} respectu, nullaque legum vel humanarum, vel diuinarum habita-^{libertate a modo} ratione, sequentes, atque facientes; quæ profectò, non libertas: sed ^{in illis ut} misera potius appellanda est seruitus. Quarta est libertas à iugo, ^{Libertas à iugo legis Mo-} & à seruitute legis Moysiæ; in quam libertatem beneficio Evan-^{saica.} gelicæ legis asserti sumus. De qua libertate locutus est Paulus in capite septimo epistolæ ad Romanos, cum dixit: *Itaque fratres mei & vos mortificati estis legi per corpus CHRISTI, ut scitis alterius, qui ex mortuis resurrexit, ut fructificemus DEO. Nunc autem soluti sumus à lege mortis, in qua detinebamur; ita ut seruiamus in nouitate spiritus, & non in uetustate litteræ.*

- 21 Quinta libertas, est libertas spiritus, & gratiæ per CHRISTVM ^{Libertas Spi-} homini donata. Per hanc libertatem à seruitute peccati, & pote-^{ritus, & gra-} state Diaboli, reatūque mortis æternæ liberi sumus; de qua liber-^{tia.} tate Paulus in octauo capite epistolæ ad Romanos loquens, ait: *Lex spiritus vitæ in CHRISTO IESU, liberauit me à lege peccati, & mortis.* Et scribens Galatis, Vos, inquit, in libertatem vocati estis, fra-^{Ad Galat. 5.} tres, tantum ne libertatem in occasionem detis carnis. Ad hanc quoque libertatem spectat præclarum illud Zachariæ vaticinium, his ver-^{14. 31} bis à Luca pròditum: *Insurandum quod iurauit ad Abraham Patrem Luc. 1.* nostrum, daturum se nobis; ut sine timore de manu inimicorū nostrorum liberati, seruiamus illi in sanctitate, & iustitia coram ipso omnibus die-^{bus nostris.} bus nostris. Per hanc item libertatem spiritus DEVM colimus, non serui timore: sed libera voluntate, & filiali amore; & quæ ab eo præcepta nobis sunt, non metu supplicij: sed amore iustitiæ li-^{14. 31} benter, promptè, perseveranter & cum delectatione facimus.

- 22 Sexta libertas, est libertas gloriæ filiorum DEI; per hanc ^{Libertas gla-} ab omni seruitute corporali, & spiritali, & ab omni malo, & ^{ria filiorum} miseria tam corporis, quàm animi omninò liberamur; & hanc li-^{Dei.} bertatem in gloriosa corporum nostrorum resurrectione, & in consummata felicitatis nostræ possessione cōsequemur. Ad hanc libertatem pertinent illa Pauli verba, quæ sunt in octauo capite Epistolæ ad Romanos: *ipsa creatura liberabitur à seruitute cor-^{14. 31} ruptionis in libertatem gloriæ filiorum DEI: sed & nos ipsi primitiæ Spiri-*

An Christus donet homini omnem libertatem.
tus habentes & ipsi intra nos gemimus, adoptionem filiorum DEI expectantes, redemptionem corporis nostri. Et hæc quidem sunt sex hominibus libertates: quas omnes CHRISTVS donauit nobis præter libertatem carnis, & libertatem ciuilem. Non enim lex, & fides CHRISTI liberat fideles à ciuili seruitute hominum. Quamquam & has duas libertates mutat CHRISTVS in alias duas multò meliores: libertatem enim carnis, quæ miserrima est seruitus, mutat in libertatem Spiritus, quæ est vera libertas: ciuilem autem seruitutem fidelium commutat in cœlestem libertatem, ex seruis hominum faciens ciues Angelorum in illa cœlesti ciuitate Hierusalem, & hæredes æternorum, diuinorumque bonorum.

NONA DISPUTATIO.

Super illis verbis:

VER. 41. Nos ex fornicatione non sumus nati; vnum Patrem habemus DEVM.

DV O hisce verbis dixerunt isti Iudæi: Alterum; se non fuisse natos ex fornicatione; Alterum verò, se habere vnum Patrem DEVM. Et hoc quidem posterius, eatenus verum est, quòd ipsi eo tempore non erant idololatræ: sed externo cultu verum DEVM adorabant, & colebant. Prius autem illud eorum dictum, se non fuisse ex fornicatione natos, planè falsum erat. Nomen enim, *fornicationis*, dupliciter vsurpatum reperimus in sacris litteris; tum pro carnali fornicatione, quæ est propria, & vulgaris huius nominis notio; tum pro spiritali fornicatione, per quam denotari solet crimen idololatriæ. Nam quia Fideles inuiolabili fide, & indissolubili vinculo copulati sunt DEO, ad similitudinem mariti & vxoris; propterea cuiusmodi coniunctio animæ cum DEO, solet in sacra Scriptura nominari Desponsatio, Nuptiæ, Matrimonium. Violatio autem huius fidei, huiusque copulationis dissolutio appellari solet fornicatio, & adulterium; quibus nominibus frequenter vsi sunt Prophete; maxime verò Hieremias,

& Eze

*Idololatria
 sapè in sacris
 litteris appel-
 latur fornicatio.*

& Ezechiel; & istis multò antiquior David dixit; *Qui elongant se à Psal 71.*
te, peribunt; peruidisti omnes, qui fornicantur abs te.

24 Cùm itaque dixerunt isti Iudæi Domino, *Nos ex fornicatione non sumus nati;* falsum dixerunt: siue locuti sint de fornicatione carnali, siue de fornicatione spiritali. Nam si locuti sunt de fornicatione spiritali, quæ est idololatria, de qua eos fuisse loquutos indicant illa proxime sequentia eorum verba; *Vnum Patrem habemus DEVM,* falsum dixerunt: licet enim isti Iudæi tunc non essent idololatæ; nati tamen fuerant ex maioribus idololatræ: nempe Tribu Iuda, de qua Tribu erant isti Iudæi; (nam hæc sola Tribus, mixta cum Tribu Benjamin, reuersa fuerat ex captiuitate Babylonica, & regionem illam Iudææ tenebat.) Ea quippè sæpius in superioribus sæculis, ob crimen idololatriæ infamis, atque abominabilis fuerat; vt videre licet apud Hieremiam, & Ezechielem, qui multifariam hanc ei Tribui exprobrant impietatem. Sanè in libro tertio, & quarto Regum legimus, complures Reges Iudæ pessimos fuisse idololatræ, & publicè, posthabito veri DEI cultu, varia coluisse idola: ad quam idololatriam, exemplo Regum, etiam omnis ferme populus Iudæ trahebatur. Ergo isti Iudæi nati fuerant ex fornicatione spiritali, cùm à maioribus idololatræ esset progeniti. Sin autem isti de fornicatione carnali loquuti sunt, multò etiam apertius fuit eorum mendacium. Nam Tribus Iudæ, de qua Tribu erant isti, profeminata fuerat ex Iudæ filio, cui nomen fuit Phares; is verò non ex fornicatione: sed quod turpius, & probrosius est, ex incestu sui patris Iudæ cū nuru eius Thamar concubitu generatus est, vt in capite trigesimo octauo libri Genesis scriptum est. Non itaque ex fornicatione: sed quod execrabilius est, ex incestu isti Iudæi progeniti fuerant.

DECIMA DISPUTATIO.

Super illis verbis:

Vos ex patre Diabolo estis, & desideria patris
 vestri vultis facere: ille homicida
 erat ab initio.

VER. 43.
 & 44.



CONTRA illud Iudæorum dictum; *Vnum Patrem habemus DEVM*; Dominus dixit eis; *Vos ex patre Diabolo estis*: quasi diceret, mentimini: non enim DEVS: sed Diabolus est pater vester: licet enim illud eorum dictum aliqua ratione verum esse posset, vt supra indicauimus; simpliciter tamen, & absolute falsum erat. Dixit autem Dominus, istos Iudæos fuisse ex patre Diabolo; non quod ab eo creati, & generati essent: sed quod magnam in plurimis rebus similitudinem Diaboli in seipsis haberent: sicut filij multis rebus similes sunt suorum parentum. Habebant enim isti Iudæi Diabolica consilia, & desideria, & opera. Erat in illis Diabolicum quoddam odium veritatis, & amor mendacij, & insectatio veracium, & bonorum hominum. Erat superbia, & inuidia alienæ virtutis, & gratiæ. Et hoc indicare voluit Dominus, cum adiunxit, *Et desideria patris vestri vultis facere*. Adice, quod patris est sua voluntate, & arbitratu regere filios, eisque imperare quodcumque vult ab illis fieri: filiorum autem est paterna iussa capessere, & patrum dictis audientes esse, & plurimum mores paternos sectari, atque imitari, & inimicos esse eorum, qui inimici sunt patrum suorum. Et hoc quidem modo affecti erant Iudæi erga Diabolum, vt merito dicti sint à Domino, ex patre Diabolo esse. Ad extremum, filius succedit in possessionem hereditatis paternæ; & isti Iudæi possessuri erant hereditatem Diaboli, in sua malitia permanentis vsque ad finem. Est autem Diaboli hereditas ignis æternus, qui, vt Dominus dixit; paratus est ipsi Diabolo, & Angelis eius.

Matth. 23.

Sequuntur illa verba; *Ille homicida erat ab initio*. Duabus ex rebus, quæ sunt excellenter in Diabolo, Dominus ostendit, istos Iudæos esse Diaboli filios; id autem est, studiosissimos Diaboli sectatores, atque imitatores. Diabolus enim ab initio fuit homicida, & est mendax, & Pater mendacij; & isti Iudæi necem machinabantur Domino, & veritatem, quam eis prædicabat, vehementer oderant.

Quomodo
Diabolus fuerit
homicida.

Sed quomodo Diabolus ab initio fuit homicida? Nimirum quia statim vt creatus est homo, Diabolus seduxit eum, & ad peccandum induxit, quo & animæ, & corporis mortem incurrit homo: nec solum ille primus homo, qui peccauerat: sed vniuersa quoque

quoque posteritas eius, omnéque genus humanum. Quocirca scriptum est in libro Sapientie; *Invidia Diaboli mors introiit in orbem terrarum.* Et Paulus in capite quinto Epistolæ ad Romanos; *Per peccatum, inquit, mors intravit in mundum, & ita in omnes homines mors pertransiit.*


- 27 Illud, *ab initio*, significare videtur, ab initio creationis hominis, & in ipso propemodum initio mundi. S. Augustinus tractans hæc Domini verba de Diabolo, in capite decimo septimo libri vndecimi de Genesi ad litteram, & in capite decimo tertio libri vndecimi de ciuitate DEI, & sequentibus aliquot capitibus, istud, *ab initio*, tripliciter interpretatur: vel, ab exordio mundi, siue ipsius hominis: vel, quia ipse Diabolus fecit initium peccandi, & primus omnium peccauit: Vel, quia Diabolus ab initio, quo cepit peccare, & homicida esse, nunquam postea desinit peccare, nec desinit homicida esse.

VNDECIMA DISPUTATIO.

Super illis verbis:

In veritate non stetit, quia non est veritas in eo: cum loquitur mendacium, ex propriis loquitur: quia mendax est, & Pater eius. VER. 44.

Nomen, veritatis, in hoc loco quatuor modis sumi posse.

- 28  V M dicitur, diabolum non stetisse in veritate, nomen, *veritatis*, quatuor modis sumi potest. Primò; secundum Chrysoft. Theophylact. & Euthymiu, pro rectitudine iustitiæ: nā cum in hac rectitudine fuisset à DEO creatus, per superbiam in ea nō permāsit. Deinde sumi potest veritas hoc loco pro veritate Fidei, quam omnes Angeli, cum sunt creati, acceperunt à DEO. Erat autem inter alias Fidei veritates, & hæc veritas, non posse Angelos naturali facultate consequi vltimum finem suum: sed ad eum consequendum indigere supernaturali gratia DEI. In hac veritate non stetit diabolus, cupiens, & confidens se suis viribus naturalibus posse vltimum finem suum, ex-

*Chrysoft.
Theophylact.
Euthymius.*

*B. Thomas, &
Caietani.*

tremamque felicitatem sibi comparare. Atque hæc Beati Thomæ, & Caietani est interpretatio. Ad hæc, nomine, *veritatis*, significari hoc loco potest veritas illorum verborum, quæ DEVS dixit Adamo, vetans esum ligni sciëntiæ boni, & mali; Dixit enim ei; *In quacunq; die comederis ex eo, morte morieris.* In hac veritate non stetit Diabolus, cum ea consentiens, & in ea acquiescens: sed ei contradicere ausus est, insimulans DEVM & mendacij, & inuidiæ. Dixit enim Eux; *Nequaquam moriemini: scit enim DEVS, quod in quocunq; die comederitis ex eo, aperientur oculi vestri, & eritis tanquàm Dii scientes bonum, & malum.* Præterea nomen, *Veritatis*, hoc loco, secundum nonnullos, potest sumi pro ipso CHRISTO, qui de se dixit; *Ego sum via, veritas, & vita.* Ab initio enim, cum DEVS creauit Angelos, reuelauit eis DEVS, (secundum istos Auctores) hanc veritatem, fore aliquando, vt Filius suus vnigenitus, sibi que consubstantialis, & æqualis, assumpta humana natura, homo fieret: & vt ille homo esset Rex, & Dominus omnium creaturarum; & cui omnes non solum homines: sed etiam Angeli subiecti esse, & parere deberent. In hac veritate non stetit Diabolus, indignum excellentia sua ratus, subesse homini.

Genes. 1. & 3.

Ioan. 14.

Illud porrò, quod CHRISTVS de Diabolo adiecit; *Dum lo- 29*
quitur mendacium, ex proprijs loquitur: sententiam habet huiusmodi; Diabolus, quantum in ipso est, semper est mendax: quia vel quod loquitur, est mendacium; vel si non est mendacium, idè loquitur illud, vt per id faciliùs inducat homines ad aliquod perniciosum mendacium, & errorem; eo nimirum consilio interdum verum dicens, vt fallaciter falsa persuadeat. Si quando autem simpliciter verum dicit, & testimonium perhibet veritati; id non loquitur ex proprijs, id est, ad id loquendum propria sua voluntate non est adductus: sed diuina potestate coactus; vt ad maiorem

confusionem infidelium, maioremque fidelium

confirmationem, etiam Diabolus

testimonium perhibeat

veritati.

DVODECIMA DISPV TATIO.

*An Diabolus nunquàm fuerit bonus; idque colligatur ex eo
quòd CHRISTVS dixit, eum fuisse ab
initio homicidam.*

30 **D** VOBVS modis intelligi potest, Diabolum semper fuisse malum: vel quia naturaliter est malus, habens naturam malam: vel quòd non natura malus sit: sed propria voluntate peccando, statim vt creatus est, sit factus malus. Priori modo; Porphyrius Philosophus, vt refert *Porphyrius.* Augustinus in libro vndecimo de ciuitate DEI, dixit, esse quoddam genus Dæmonum, natura fallax, simulans DEOS, & animas defunctorum. Platonium certè dogma fuit; alios esse Dæmones natura bonos: alios verò natura malos. Fuit etiam hæresis Manichæorum, Dæmonem habere naturam malam. Sed hanc *Platonici.* sententiã refellit Dionysius Areopagita in libro de diuinis nominibus, in quarto capite partis quartæ, docens, nullam rem naturam suam esse malam, ne ipsum quidem Diabolum: idque confirmatur autoritate diuinæ Scripturæ aientis, *viditque DEVS cuncta, quæ fecerat, & erant valde bona.* Diabolus autem est inter cuncta, quæ DEVS fecit: non enim est increatus, vel ab alio principio, quàm à DEO, factus. Si autem à DEO factus est, non potuit ab infinitè bono opifice fieri opus malum, vel propter malum finem: sed bonus ipse factus est, & cum naturali propensione ad bonum: non particulare aliquod: sed ad bonum vniuersale, & vniuersaliter sumptum. Huiusmodi enim boni vniuersalis & cognoscendi, & volendi naturaliter capax est intellectiua natura. Quod autem in *Lucæ libri Sapientia cap. 12.* capite duodecimo libri Sapientie scriptum est de quibusdam hominibus; *Erat naturalis malitia ipsorum:* dupliciter intelligi potest; vel de valde inueterata, multumque roborata peccandi consuetudine, quæ est quasi altera natura, reddens id, quod secundum eam sit, tanquàm homini naturale; ideòque promptum, facile, iucundum, & delectabile; Vel intelligi potest de naturali inclinatione eorum hominum ad mala. Sunt enim quidam naturaliter valde propensi ad mendacia, ad iras, & rixas, ad furta, ad homicidia

cidia, ad intemperantiam cibi, & potus, & ad vitia carnalia. Illorum itaque hominum dicta est naturalis malitia; quia peccata, quæ faciebant, ex maxima eorum ad ista peccata propensione naturali proueniebant.

Si autem posteriori modo intelligatur, Diabolum semper fuisse ³¹ malum, non quia secundum naturam sit malus; sed quia in primo instanti suæ creationis propria voluntate peccando, factus sit malus. Ea sententia non est planè hæretica; estque dissimilis Manichæorum sententiæ, aientium, Diabolum natura sua malum esse; *Augustinus.* sed hac de re videat Lector copiosam, doctamque Beati Augustini disputationem in capite decimotertio libri vndecimi de ciuitate DEI; & in capite decimo septimo libri vndecimi de Genesi ad litteram. *B. Thomas.* Beatus Thomas in prima parte, in quæstione sexagesimatercia, eiusque quæstionis articulo quinto ait, istam opinionem fuisse à magistris reprobata, tanquàm erroneam: ipse verò Angelicus doctore non modò negat, Diabolum in primo instanti suæ creationis fuisse malum: sed affirmat, nullo modo potuisse tunc esse malum. Sanè admodum credibile est, Angelos omnes in primo instanti suæ creationis non solum fuisse sine peccato: sed etiam fidem, & gratiam DEI habuisse: nam cùm essent à DEO creati propter finem supernaturalem, quem virtute sua naturali consequi non poterant, consentaneum fuit, dari eis à DEO fidem, & gratiam, quibus ad consequendum eum finem opus illis erat.

Diabolum porrò non semper fuisse malum: sed aliquando fuisse ³² se bonum Angelum, & Augustinus, & alij quidam Patres, & Theologi scholastici, ex duobus Scripturæ locis argumentari solent, Prior locus est apud Isaiam cap. 14. vbi de Lucifero sub persona Regis Babylonis dicitur; *Quomodo de cælo cecidisti, Lucifer, qui mane oriebaris?* Et ad hoc quidam putant spectasse Dominum, cùm dixit discipulis suis, referente Luca in capite decimo suæ historię Euangelicæ; *Videbam Sathanam, sicut fulgur, de cælo cadentem.* Alter locus est apud Ezechielem cap. 28. vbi sub nomine regis Tyri, & per similitudinem voluptatum, & deliciarum Paradisi, describitur quanto in decore, & magnificentia, & in quot, & quantis bonis, & deliciis fuerit Lucifer, priusquàm peccaret, & è cælo eiiceretur.

Ex illis porrò Domini verbis; *Ille homicida erat ab initio, & in veritate* ³³

*Duo sacra
Scripturæ loca,
ex quibus Pa-
tres & Theo-
logi probant,
Diabolū fuisse
aliquando
bonum Ange-
lum.*

ritate non stetit; tantum abest, ut colligi queat, Diabolum semper fuisse malum; ut contrarium potius ostendi posse videatur. Si enim malus fuit, quia fuit homicida: sed in principio suæ creationis non fuit homicida; ergo tunc non fuit malus: non itaque Diabolum semper fuit Angelus malus. Quod autem in principio suæ creationis non fuerit homicida, ex eo manifestum est, quod homicida esse non potuit ante creatum primum hominem, qui creatus est in sexto die creationis mundi. Omnes verò Angeli à DEO creati sunt vel multò ante creationem huius mundi corporei: ut non paucis veterum doctorum visum est: vel, quæ vera est sententia, creati sunt in primo die creationis mundi. Similiter illud: *In veritate non stetit*; non obscurè significat, Diabolum fuisse aliquando in veritate: sed in ea non stetit, id est, perstitisse, siue permanisse: sed statim ab ea recessisse.

Ex verbis, quæ Christus dixit de Diabolo, non posse colligi semper eum fuisse malum, sed contrarium potius ostendi posse.

DECIMATERTIA DISPUTATIO.

Super illis verbis:

Abraham Pater vester exultavit ut videret diem meum: vidit, & gauisus est.

VER. 56.

34 **I**LVD; *exultavit ut videret*, significat, ipsum præ desiderio videndi gestiuisse; id autem est, flagrantissimo desiderio cupiuisse videre diē CHRISTI. Nomen autem, dici, hoc loco significat vel tempus aduentus CHRISTI in mundum, & quo in terris conuersatus est, & passus, & mortuus est: vel significat claritatem, & gloriam eius, vel humanam, vel diuinam, vel vtramque. Hac significatione vsus est Hieremias, cum dixit: *Diem hominis non desideravi*. Et Paulus; *Mihi pro minimo est, ut ab humano die iudicer*.

Quis fuerit dies Christi, quem tantopere cupiuit videre Abraham.

Hierem. 17. 1 ad Cor. 4.

35 Sed quando, & quomodo Abraham viderit diē CHRISTI, varix sunt doctorum sententiæ. Prima est Augustini, & Caietani, fuisse reuelatam Abraham à DEO claritatem, & gloriam æternitatis, & diuinitatis CHRISTI, & ex ea reuelatione ingenti eum fuisse affectum

Quando, & quomodo Abraham viderit diē Christi sex differentes sententiæ. Prima interpretatio, quæ est Augustini, & Caietani.

T t t factum

fectum gaudio. Aeternitas autē diuinæ generationis CHRISTI solet in Scriptura significari vocabulo, dici: vt in Psalmo secundo, *Ego hodie genui te*. Et apud Michæam, cap. 5. *Egressus eius ab initio:*

Secunda sententia, qua est Chrysostomi, & Euthymij.

à diebus aeternitatis eius. Secunda sententia est Chrysostomi, & Euthymij, diem Domini interpretantium tempus passionis eius: passionem autem CHRISTI tunc per diuinam reuelationem prauidit Abraham, cū immolare voluit filium suum Isaac, & pro eo immolauit hircum, quem vidit cornibus haerentem vepribus. Quocirca Paulus dixit, Abraham accepisse filium in parabola, id autem est, in similitudinem, & figuram vetrici CHRISTI.

Genes. 22. Ad Hebr. 11.

Tertia sententia, qua est Augustini.

Tertia sententia, quam tradit etiam Augustinus in Tractatu 36 quadragesimo tertio in Ioannem, refert hoc Domini dictum de Abraham ad id temporis, quo Abraham, cū mitteret seruum suum Eliezer in Mesopotamiam, vt indesumeret & adduceret vxorem filio suo Isaac, dixit ei, vt posita manu sua sub femore ipsius iuraret per DEVM cæli, &c. Quare significabatur, DEVM ex semine Abraham generatum iri hominem. Hæc historia in vigesimo quarto capite libri Genesis scripta est his verbis; *Dixit ad seruum seniore domus sue, qui præerat omnibus, quæ habebat: Pone manum tuam subter femur meum; vt adiurem te per Dominum DEVM cæli & terra, vt nō accipias vxorē filio meo ex filiabus Chanaanorū, inter quos habito, &c.* Et inde paulò infrā sunt hæc verba; *Posuit ergo seruus manum sub femore Abraham domini sui, & iurauit illi super sermone hoc.*

Quarta sententia, qua est Gregorij, & Bedæ.
Genes. 22.

Quarta sententia est Beati Gregorij, & Bedæ, aientium, tunc Abraham vidisse diem Domini, cū ei dictū est à DEO; *Benedicentur in semine tuo omnes gentes.* Intellexit enim, diuinitus illustratus, illud semen suum fore Messiam; sicut etiā Paulus in epistola ad Galatas interpretatus est. Quinta sententia est quorundam existimantium, Abraham vidisse diem Domini, quando tres vidit, & vnum adorauit. Secundum has verò quinque sententias intelligitur, Abraham vidisse diem Domini eo tempore, quō ipse vivebat in terris. Quod Caietanus putat euidenter demonstrari ex illo Iudæorum responso; *Quinquaginta annos nondum habes, & Abraham vidisti?* Quasi dicerent, quomodo tu nondum quinquagenarius, esse potuisti in tempore Abraham, & eum videre?

Sexta sententia placet auctori.

Sexta sententia, quæ mihi satis est probabilis, huiusmodi est; 37

CHRI

CHRISTVM esse locutum de visione Abrahæ, non corporaliter sed spiritali; nec de tempore, quo Abraham vivebat in terris: sed quæ iamdiu antea fuerat mortuus, & manebat in Limbo, & quo tempore CHRISTVS venit in terras factus homo. Hunc aduentum CHRISTI in terras ad saluandum genus humanum, cognouit Abraham vel ab Angelis: qui corporalem Domini ortum sicut annunciarunt hominibus in terra: ita, vt piè credi potest, nunciauerunt etiam Patribus in Limbo manentibus: vel cognouit à Sancto illo sene Simeone, qui CHRISTVM infantem suis oculis viderat, & in vlnas suas acceperat, & paulò post vita defunctus est: Vel cognouit à Ioanne Baptista, qui biennio antè Herodis gladio interfectus fuerat, & latissimo de CHRISTI aduentu, & prædicatione, & miraculis nuntio sanctos illos Patres in Limbo manentes ingenti gaudio affecit. Hoc autem cognito, propterea tantopere gauisus est Abraham, quòd per diuinam reuelationem cognitum haberet, beneficio CHRISTI & ipsis, qui erant in Limbo, patefactum iri aditum ad cælestem gloriam, denique visionem; & non solum posteros eius, Iudæos: sed hominum genus, per ipsum à seruitute peccati, & potestate Diaboli, reatuque mortis æternæ redemptum iri.

Luc. 2.

Ibid.

DECIMAQUARTA DISPUTATIO.

Super illis verbis:

Dixerunt Iudæi ad eum; Quinquaginta annos
nondum habes, & Abraham vidisti? VER. 57.

38

IN homilia quinquagesimaquarta Chrysostomi sic referuntur hæc verba Iudæorum, vt pro numeros; (quinquaginta); sit numerus; (quadraginta.) Ita enim legitur hic locus; *Quadraginta annos nondum habes, & Abraham vidisti?* In explicatione autem huius lectionis Chrysostomus nihil aliud dicit, nisi Iudæos hoc dixisse, quod putarent CHRISTVM ad eam ætatem prope iam accedere. Euthymius hanc lectionem, quæ habet numerum; (quadraginta,) veriolem esse opi-

Chrysost.
Sic ne legendum hoc loco (quinquaginta) an (quadraginta).

Euthymius.

Ttt 2

natur:

natum : sed proculdubio fallitur : omnes enim codices Latini, similiter vt omnes Græci, constanter habent numerum, (quinquaginta.) Et cum eo numero legit hunc locum Irenæus, alique Patres, & scriptores antiquissimi. Quinetiam Theophylactus, fidelissimus Chrysostomi, non sectator modò : sed etiam commentariorum eius quasi breuiator quidam, & in textu habet numerum; (quinquaginta;) eumque numerum in commentario suo interpretatur : vt verisimile sit, numerum illum ; (quadraginta,) mendosè à librariis in textu Chrysostomi positum.

Cur Iudæi dixerint, Christum non habuisse tunc quinquaginta annos, cum tunc necdum trigessimū tertium annum expleuisset, quatuor doctorum sententia.

Irenæi de Christi ætate non vera sententia.

Iosephus.

Caietanus.

Sed quæri dignum est, quomodo Iudæi tam longè aberrauerint 39 à vera CHRISTI ætate, existimantes, cum tunc non multum à quinquagesimo anno abfuisse, cum CHRISTVS eo tempore minor esset trigesimo tertio anno. Irenæus in lib. 2. aduersus Hæreses, cap. 39. & 40. ex hoc Iudæorum dicto argumentatur, CHRISTVM, cum est mortuus, non procul fuisse à quinquagesimo anno : sed hæc sententia repugnat historiæ Ecclesiasticæ, & Euangelicæ; sic enim mortuus esset CHRISTVS sexto circiter anno imperij Claudij Cæsaris. Nam decimoquinto anno Tiberij Cæsaris baptizatus est CHRISTVS, trigessimum tunc ætatis annum agens. Si autem mortuus esset propè quinquagenarius; id autem est, septem, vel octo & quadraginta annos natus, consequens esset, ipsum mortuum fuisse quinto, vel sexto anno Claudij Imperatoris : Tiberius enim imperauit viginti tres annos; & successor eius in imperio Caligula quatuor annos; post quem proximè tenuit Claudius imperium. Non igitur mortuus est CHRISTVS imperante Tiberio, quod historiæ omnes Ecclesiasticæ pro certo tradunt : nec mortuus esset sub Pontio Pilato Procuratore Iudææ; quod planè aduersatur historiæ Euangelicæ; Pilatus enim recessit à Procuratione Iudææ sub finem mortis Tiberij; vt tradit Iosephus libro decimo octauo Antiquitatum Iudaicarum. Nos etiam super hac re disseruimus in libro 11. in Danielem in explicatione quæstionis septimæ.

Caietanus opinatur, Iudæos veræ CHRISTI ætatis ignaros, 40 plus dixisse de CHRISTI ætate, quàm videbatur; quò iudicium ipsorum certius esset, minúsque contradictioni obnoxium. Aliorum est opinio, CHRISTVM propter grauitatem, quam vultu, verbis,

verbis , motu corporis , cunctisque actionibus suis præ se ferebat, seniore multò,quàm re vera erat,vulgo existimatum fuisse; præsertim verò, quòd assidui, grauésque labores prædicationis, & pedestris peragationis variorum locorum, iuventam eius quòdammodo senilem reddiderant.

- 41 Theophylactus arbitratur, istam quæstionem; cur Iudæi dixerint, quinquaginta annos; & non, quadraginta, esse curiosam, & vanam. Id enim dixerunt illi, non ratione aliqua ducti: sed quia tunc illis in mentem venit numerus quinquaginta, & non alius numerus. Addit tamen dixisse quosdam, in hoc dicto, Iudæos spectasse ad honorem anni Iubilei, & ad mēsuram sui sæculi, quod definiebant spatio quinquaginta annorum; & vt dixi, appellabatur annus Iubileus: & interdum appellatur in Scriptura, sæculum. Itaque volunt isti, in istis verbis hunc fuisse Iudæorum sensum; Tu nondum expleuisti hoc nostrum sæculum, quod est quinquaginta annorum, quomodo igitur videre potuisti Abraham, qui tot sæculis hanc ætatem nostram antecessit? Sanè, Abraham, secundum mensuram istius sæculi Iudaici, præcesserat illud sæculum CHRISTI, quadraginta fermè sæculis: inter ortum enim Abrahæ, & mortem CHRISTI, duo circiter annorum millia interfluxerant.

DECIMAQVINTA DISPV TATIO.

Super illis verbis:

Dixit eis IESVS; Amen, amen dico vobis, antequàm Abraham fieret, ego sum. VER. 58.

His verbis tres Hæreticorum errores apertè confutantur.

- 42 **P**AVCIS istis Domini verbis tres admodum insignes hæreticorum errores redarguuntur, atque destruuntur. Primus error fuit Atrianorum negantium CHRISTVM esse verum DEVM. At in illis verbis, quæ dixit CHRISTVS, *Ante Abraham ego sum*: illud; *Ego sum*, proprium est DEI: his enim verbis

Tet 3 DEVS

Evs. 3.

Cherintus.
Hebion.
Photianus.

Nestorian.

DEVS voluit Deitatem suam denotari, cum dixit Moyses; *Ego sum, qui sum*. Et Moyses de ipso dixit Iudæis; *Qui est, misit me ad vos*. Alter fuit error Cherinti, & Hebionis, & Photini, qui dixerunt, CHRISTVM non fuisse nisi purum hominem, nec fuisse ante matrem suam; cum ipse tamen Dominus dixerit Iudæis; ut refert hoc loco Ioannes; *Antequam Abraham fieret, ego sum*. Tertius error fuit Nestorij, qui dixit CHRISTVM, sicut habuit duas naturas: ita quoque duas habuisse personas; alteram quidem diuinam in natura diuina; alteram verò humanam in humana natura. Sed CHRISTVS, prout hæc loquebatur Iudæis, homo erat: & illud pronomen, *Ego*, personam designabat illius hominis loquentis: quam tamen personam ipse dixit fuisse ante Abraham; quod profectò de propria persona hominis verè dici non potuisset.

DECIMASEXTA DISPUTATIO.

Super illis verbis:

VER. 59. Tulerunt ergo lapides, ut iacerent in eum: IESVS autem abscondit se, & exiuit de Templo.



LLVD CHRISTI dictum; *Antequam Abraham fieret, ego sum*, iniquissimis animis Iudæi acceperunt, nec ferre potuerunt. Visum enim illis est ingens tanti Patris eorum Abraham conuitium, & contumelia, quod CHRISTVS se multò maiorem illo, & honorabiliorem faceret. Quin etià visa illis est intoleranda in DEVM blasphemia, quod CHRISTVS æqualem se DEO facere videretur, quam obrem lapidare eum voluerunt: quod hæc pæna, secundum legem Moysis, aduersus blasphemos esset constituta. Sedenim non solum malus fuit istorum zelus: sed furor etiam fuit planè ferinus, velle hominem occidere sine vllò (sicut vulgo dicitur) processu, sine auctoritate Iudicis, sine lata sententia, non præuia accusatione, non audita rei defensione, nullo etiam habito respectu, neque reuerentia templi, in quo erant illi cum Domino IESV. Non tamen mirum est, inquit Augustinus, si Iudæis durissima, & faxeæ habentes

corda,

corda, bonorumque omnium spiritualium sterilia, ad similes sibi lapides conferrent se.

- 44 Illud, *I E S V S autem abscondit se*, sic interpretatur Augustinus; *Augustinus.*
 Abscondit se *I E S V S*, non tanquam ille, qui proximè ante dixerat; *Antequam Abraham fieret, ego sum*: nec tanquam Verbum, quod *IOAN. I.*
 erat in principio apud *D E V M*, per quod omnia facta sunt: sed tanquam filius hominis, pro hominibus multa passurus, ac denique moriturus. Numquid magnum erat, ut illos Iudæos continuò dehiscens terra absorberet, & pro lapidibus inferos inuenirent; & accideret illis, quod Core, Dathan, & Abiron contigisse legimus in decimosexto capite libri Numerorum. Sic enim ibi scriptum est; *Dirupta est terra sub pedibus eorum, & aperiens os suum deuorauit illos cum tabernaculis suis, & vniuersa substantia eorum: descenderuntq; vini in infernum operti humo, & perierunt de medio multitudinis.* Non itaque magnum *D E O* erat, sic illos Iudæos punire: sed magis erat tunc commendanda patientia *C H R I S T I*, quàm exercenda potentia. Abscondit se igitur ab illis *I E S V S*, & tanquam homo à lapidibus fugit: sed vix illis, à quorum lapideis cordibus fugit *D E V S*. Ad hanc fermè sententiam locum hunc interpretatus est Augustinus.

- 45 Videtur itaque supradictis verbis significare Augustinus, *I E S V M* abscondisse se à Iudæis, fugiendo ne lapidaretur ab eis. Sed nec id apertè dixit August. & vera est sententia Theophylact. & Caietani, aliorumq; cōplurium, *C H R I S T V M* abscondisse se à Iudæis non fugiendo, & in aliquod latibulū abdendo se: sed efficiendo se inuisibilē illis. Hoc autē quinque modis potuit facere; vel suū corpus inuisibiliter transferēdo in alium locū: sic enim desinebat esse illis præsens, atque visibilis. Vel manendo quidem in eodem loco; suum tamen corpus nube quapiam, aut densato aëre circumte-
Theophylact. & Caietani.
Quinque modis Christus potuit se inuisibilem facere Iudæis.
 gendo; ita ut ad eius aspectum, Iudæorum visus penetrare non posset. Vel prohibendo ne corpus suum species visibiles, quæ vocantur intētionales, mitteret in oculos Iudæorum. Creditur enim in scholis Philosophorum, quidquid videtur, videri per species quasdam productas à re visa, & vsque ad oculos videntis diffusas. Vel sic afficiendo sensum visus illorum Iudæorum, ut viderent quidem *I E S V M*; non tamen agnoscerent eum, quia non in sua
 pro

propria forma repræsentabatur oculis eorum: similiter vt contigit duobus illis CHRISTI discipulis euntibus in Castellum Emaus, qui IESVM præsentem ipsis, & cum ipsis loquentem videbant, & audiebant, nec tamen agnoscebant eum; quia, vt narrat Lucas in capite ultimo historię suæ Euangelicæ; *Oculi eorum tenebantur, ne eum agnoscerent*. Postremò potuit etiam Dominus facere se inuisibilem illis præstringendo, & quadantenus cæcando eorum oculos; vt cæci essent, quoad ab illis discedens Dominus

Genes 19. exiret de templo. Ad hunc nempè modum Angeli Sodomitas in domum Lot per vim irrumperere conātes cæcitate percusserunt; vt domum, iuxta quam erant, inuenire non possent. Et DEVS ad preces Helisæi, milites à Rege Syriæ missoſ ad eum comprehendendum, percussit cæcitate ad breue tempus. Paulus quoque Elymam Magum prædicationi ipsius obsistentem cæcitate percussit, vt ad tempus aliquod solem videre non posset. At enim verisimi-

*4. Reg. 6.
AII. 13.*

le non fit, hoc factum esse in illis Iudæis: nam cùm esset res

admodum insignis, atque memorabilis, eam vtique

Ioannes nequaquàm tacuisset; sicut nec

sacra Scriptura tacuit in

supradictis locis.

CAPVT



CAPVT NONVM

EVANGELII IOANNIS.



I T prateriens IESVS vidit hominem VERS. 1.

cæcum à natiuitate : * & interroga- 2

uerunt eum discipuli eius ; Rabbi, quis

peccauit ; hic, aut parentes eius, vt

cæcus nasceretur ? * Respondit IE- 3

SVS ; Neque hic peccauit, neque pa-

rentes eius : sed vt manifestentur ope-

ra DEI in illo. * Me oportet opera- 4

ri opera eius, qui misit me, donec dies est : venit nox, quando

nemo potest operari. * Quamdiu sum in mundo, lux sum mundi. 5

* Hæc cum dixisset, expuit in terram, & fecit lutum ex sputo, & 6

liniuit lutum super oculos eius ; * & dixit ei ; Vade, laua in na- 7

tatoria Siloë (quod interpretatur Missus.) Abijt ergo, & lauit,

& venit videns. * Fraque vicini, & qui viderant eum prius : 8

quia mendicus erat, dicebant ; Nonne hic est, qui sedebat, &

mendicabat ? Alij dicebant ; Quia hic est : * Alij autem ; Nequa- 9

quam : sed similis est ei. Ille verò dicebat ; Quia ego sum. * Di- 10

cebant ergo ei ; Quomodo aperti sunt tibi oculi ? * Respondit ; Il- 11

le homo, qui dicitur IESVS, lutum fecit : & unxit oculos meos,

& dixit mibi ; Vade ad natatoria Siloë & laua. Et abijt, laui, &

video. * Et dixerunt ei ; Vbi est ille ? At ; Nescio. * Adducunt 12. 13

eum ad Phariseos, qui cæcus fuerat. * Erat autem Sabbatum, 14

Vvv quan

- 15 quando lutum fecit IESVS, & aperuit oculos eius. * Iterum ergo interrogabant eum Pharisei quomodo vidisset. Ille autem dixit eis; Lutum mihi posuit super oculos, & laui, & video. * Dicebant ergo ex Phariseis quidam; Non est hic homo à DEO, qui Sabbatum non custodit. Alij autem dicebant; Quomodo potest homo peccator hac signa facere? & schisma erat inter eos. * Dicunt ergo cæco iterum; Tu quid dicis de illo, qui aperuit oculos tuos? Ille autem dixit; Quia propheta est. * Non crediderunt ergo Iudei de illo; quia cæcus fuisset, & vidisset, donec vocauerunt parentes eius, qui viderat: * & interrogauerunt eos, dicentes; Hic est filius vester, quem vos dicitis quia cæcus natus est? Quomodo ergo nunc videt? * Responderunt eis parentes eius, & dixerunt; Scimus quia hic est filius noster, & quia cæcus natus est: * quomodo autem nunc videat, nescimus: aut quis eius aperuit oculos, nos nescimus: ipsum interrogate: ætatem habet, ipse de se loquatur. * Hæc dixerunt parentes eius, quoniam timebant Iudeos: iam enim conspirauerant Iudei; vt si quis eum confiteretur esse CHRISTVM, extra synagogam fieret. * Propterea parentes eius dixerunt; Quia ætatem habet, ipsum interrogate. * Vocauerunt ergo rursus hominem, qui fuerat cæcus, & dixerunt ei, Da gloriam DEO: nos scimus quia hic homo peccator est. * Dixit ergo eis ille; Si peccator est, nescio: vnum scio, quia cæcus cum essem, modò video. * Dixerunt ergo illi; Quid fecit tibi? quomodo aperuit tibi oculos? * Respondit eis; Dixi vobis iam, & audistis: quid iterum vultis audire? numquid & vos vultis discipuli eius fieri? * Maledixerunt ergo ei, & dixerunt; Tu discipulus illius sis: nos autem Moyse discipuli sumus. * Nos scimus quia Moyse locutus est DEVS: hunc autem nescimus vnde sit. 30 * Respondit ille homo, & dixit eis; In hoc enim mirabile est, quia vos nescitis vnde sit, & aperuit meos oculos: * Scimus autem quia peccatores DEVS non audit: sed si quis DEI cultor 32 est, & voluntatem eius facit, hunc exaudit. * A sæculo non est audi

auditum quia quis aperuit oculos cæci nati. * Nisi esset hic à 33
 DEO, non poterat facere quidquam. * Responderunt, & dix- 34
 runt ei; In peccatis natus es totus, & tu doces nos? Et eiecerunt
 eum foras. * Audiuit IESVS quia eiecerunt eum foras: & cum 35
 inuenisset eum, dixit ei; Tu credis in Filium DEI? * Respondit 36
 ille, & dixit; Quis est, Domine, ut credam in eum? * Et dixit 37
 ei IESVS; Et vidisti eum, & qui loquitur tecum, ipse est. * At il- 38
 le ait; credo, Domine. Et procidens adorauit eum. * Et dixit 39
 IESVS; In iudicium ego in hunc mundum veni: ut qui non vi-
 dent, videant; & qui vident, cæci fiant. * Et audierunt quidam 40
 ex Phariseis, qui cum ipso erant, & dixerunt ei; Numquid
 & nos cæci sumus? * Dixit eis IESVS; Si cæci 41
 essetis, non haberetis peccatum, nunc
 verò dicitis; Quia videmus:
 Peccatum vestrum
 manet.

Vvv 2

IN





IN CAPVT NONVM

DISPV TATIONES

OCTO.

PRIMA DISPV TATIO.

Super illis verbis :

VERS. 2. Rabbi, quis peccauit; hic, aut parentes eius, vt cæcus nasceretur?



In hoc nono capite narratur celebris historia cæci nati, quem in die Sabbati Dominus illuminauit. Exponitur etiam memorabilis inter cæcum illuminatum, pro CHRISTO; & Iudæos aduersus CHRISTVM tanquàm præuaricatorem legis, altercatio.

Ex hac interrogatione discipulorū CHRISTI apparet, eos fuisse id tem-

poris diuinarum rerum indoctos, & rudes. Nimirum hæc eorum interrogatio duplici videtur obnoxia reprehensioni. Videntur enim illi ponere quasi certum, & indubitatum, cæcitatem, & alia mala semper hominibus contingere propter eorum peccata: quod esse falsum, manifesto Beati Iob, & Tobie comprobatur exemplo.

Mala hominibus non semper accidere propter peccata.

Quinetiam sacra Scriptura pluribus locis testatur; vt aurum igni fit mundius, & illustrius: ita piorum animos rebus aduersis puriores, & clariores effici. Sanè in capite secundo libri Tobie, de cæcitate, quæ ei contigit, ita scriptum est; *Hanc tentationem idè permisit DEVS euenire illi, vt posteris daretur exemplum patientia eius; sicut & Sancti Iob. Nam cum ab infantia sua semper DEVM timuerit, & mandata eius custodierit, non est contristatus cõtra DEVM,*

quod

quod plaga cæcitatē euenerit ei: sed immobilis in DEI timore permansit, agens gratias DEO omnibus diebus vite sue. Et infra cap. 12. Angelus Raphaël dixit Tobix: *Quia acceptus eras DEO, necesse fuit, ut tentatio probaret te.*

2 Illa verò discipulorum interrogatio, an ille homo natus esset cæcus propter peccata sua, videtur insipiens, & fatua, aut certè impia. Quomodò enim ille ante ortum, & conceptum suum peccare potuerat? nisi fortè putauerint, animam eius fuisse ante corpus, eamque vel se varia in copora humana induere: qui fuit error Pythagoræorum: vel antequàm descendisset in corpus, peccasse; *Pythagoræi.* quo in errore versatus est Origenes. Vtrumuis autem dicatur, impium, & sacræ doctrinæ contrarium est. *Origenes.*

3 Illud tamen, quod dixerunt discipuli, an ille homo natus esset cæcus propter peccata parentum suorum, non prorsus extra rationem, & fidem erat. Non enim pauca in Sacris litteris leguntur exempla filiorum, qui propter suorum parentum scelera percussī sunt à DEO. Filius certè, quem Dauid per adulterinum concubitum cum Bethsabee genuerat, morte percussus à DEO est propter peccatum Dauid. Hoc enim ei prædixerat fore Nathan Propheta illis verbis, quæ scripta sunt in capite duodecimo libri secundi Regum: *Quoniam inimicos Domini blasphemare fecisti: propter verbum hoc; filius, qui natus est tibi, morte morietur.* Sed duplex est pœna; Altera est corporalis, secundum quam filios puniri propter peccata suorum parentum ostensum est: Altera est pœna spiritualis, quæ est priuatio diuinæ gratiæ, bonorumque spiritualium, quæ salutem animæ continent: secundum huiusmodi pœnam nunquàm filius punitur propter sui parentis peccatum. De hac nempe verissimum est, quod per Ezechielem dixit Dominus; *Exechiel. 18.* *Anima, quæ peccauerit, ipsa morietur: filius non portabit iniquitatem patris.* Si quis obiiciat, propter Adami peccatum omnes eius posteros puniri etiam pœna spirituali; id est, priuatione iustitiæ originalis, & gratiæ DEI, quam omnes posteri eius habuissent ab initio, si ille non peccasset, respondendum ei est, peccatum illud Adami, licet actualiter, & personaliter fuerit proprium eius: originaliter tamen fuisse commune omnium posterorum eius. Nam sicut omnes in eo erant tanquàm in prima radice totius generis

Quomodo peccata parentum puniuntur in filiis eorum.

Cur ob Adami peccatum posteri eius puniuntur sine eius peccato spirituali.

Ad Rom. 5.

humani: ita eo peccante etiam ipsi in eo peccauerunt: sicut Paulus de primo homine loquens dixit; *In quo omnes peccauerunt.* Quemadmodum itaque peccati Adami omnes posterius eius quodammodo participes fuerunt: ita poenarum, & malorum, quæ consecuta sunt illud peccatum.

*An propter
maiorum pec-
cata posteri-
orum prius-
tur diuinis
auxiliis inter-
ni, & exter-
ni.*

De auxiliis autem diuinis, quæ ad hominum conuersionem ad **D E V M**, & ad salutem animæ conducunt; vel externis; ut sunt prædicatores & miracula, & bonorum exempla; vel internis; ut est frequens illustratio mentis, & motio voluntatis ad bonum; hæc, inquam, diuina auxilia, propter peccata maiorum, posteris eorum subtrahantur, grauis est quæstio, neque in præsens disceptanda, atque diiudicanda. Non tamen videtur dubitari de auxiliis externis, quibus priuat posteros ob maiorum suorum peccata, ut cernere licet in populo Iudaico; in quo propter maiorum multiplicem diuinæ Legis præuersionem; maximè verò propter execrandam idololatriam, posterius eorum, etiam qui expertes erant istorum scelerum, longè à patria in captiuitatem abducti, priuabantur istiusmodi auxiliis diuinis; prædicationem dico Prophetarum, frequentationem templi, & in eo celebrationem **D E I** laudum, & sacramentorum oblationum, atque sacrificiorum participationem. Huc spectant verba illa, quæ sanctus iuuenis Azarias in captiuitate Babylonica dixit; *Non est in tempore hoc Princeps, & Dux, & Propheta; neque holocaustum, neque sacrificium, neque oblatio, neque incensum, neque locus primitiarum coram te; ut possimus inuenire misericordiam tuam.*

Danielis 3.

SECUNDA DISPUTATIO.

Super illis verbis:

VERS. 3.

Neque hic peccauit, neque parentes eius: sed ut manifestentur opera **D E I** in illo.



SIGNIFICATUR his verbis, cæcitatem illi homini accidisse non ob eius peccata, neque ob peccata parentum eius: sed ut per admirabilem cæcitatæ eius illuminationem à **CHRISTO** factam, manifestarentur hominibus opera **D E I**. Verum scire

seire conuenit, multiplicem esse corporalis cæcitatæ hominum causam. Ac primò quidem, alia est causa generalis, & priuatiua: alia verò est causa particularis, & positiua. Generalis, & priuatiua causa est peccatum Adæ, per quod humana natura spoliata est iustitia originali, cuius virtute mala omnia corporalia prohibebantur, & arcebantur ab homine. Hac iustitia originali priuata humana natura, ab Adamo in omnes deinceps homines propagata est; ideòque malis omnibus corporalibus obiecta, & obnoxia. Et hæc quidem causa, vt dixi, generalis, & priuatiua est.

Causa cæcitatæ, alia generalis, & priuatiua; alia particularis, & positiua.

- 6 Altera cæcitatæ causa est particularis: & hæc triplex est; vel naturalis, vel humana, vel diuina. Naturalis causa cæcitatæ, quæ est ab ortu hominis, tribui debet vitio materni vel paterni seminis, aut defectui virtutis formatiue ipsius fœtus in vtero matris; ob cuius virtutis defectum, organum oculi non, vt oportebat, formatum, incapax fuit virtutis visuæ. Cæcitatæ verò, quæ post ortum hominis ei contigit, particulares causæ variz sunt, de quibus medici disputant, eùm de causis agunt huiusmodi cæcitatæ. Humana causa cæcitatæ duplex est: vel enim quis per vim ab alio homine cæcatur, effossis oculis, aut corruptis: vel à seipso cæcatur: cùm ipse sibi causa est cæcitatæ, quæ ei accidit. Hoc autem fieri potest & cum vitio, & culpa hominis, & cum laude: Cum vitio, si cui ob intemperatiam cibi, potus, aut veneris cæcitas contingat. Cum laude, si ob assiduum luctum peccatorum suorum, vel frequentem, & copiosam in precando DEVM lachrymarum profusionem perdat quis visum, cæcusque fiat. Democritus Philosophus, quò expeditius, commodiusque philosophari posset, oculorum se luminibus priuauit. Hoc veteres illi ad magnam eius laudem, & gloriam retulerunt. Ego minimè laudauerim, quin etiam stultè factum putauerim, cùm sensus visus, vt indicat Aristoteles initio librorum Metaphysicorum, plurimum cōducatur ad philosophandum.

Particularis causa cæcitatæ triplex, naturalis, humana, & diuina.

Democritus.

Aristoteles.

- 7 Restat explicanda cæcitatæ causa, quam diuinam appellauimus; hæc autem duplex est. Quædam enim cæcitas effectiue naturalis est, à causa proueniens naturali: ordinatiue autem diuina est, quòd eam fieri permittens DEVS, ordinauit ad magnum aliquod bonum; Huiusmodi fuit cæcitas Tobiz, quæ ex calido hircundinum stercore in oculos eius delapso naturaliter facta est, & à

Diuina causa cæcitatæ duplex.

DEO

DEO ad illustrem virtutis eius probationem, & in exemplum posterorum ordinata fuit. Talis quoque fuit cæcitas huius cæci nati, à causa nimirum naturali facta: sed à DEO, vt per eius illuminationem diuina opera manifestarentur, ordinata. Altera cæcitas est omnino à DEO, non ex causa naturali facta: sed à DEO profecta: talis fuit cæcitas, qua Paulus percussus est à DEO in sua vocatione, & conuersione ad CHRISTVM; talis etiam fuit, qua per Paulum percussit DEVS Elymam illum Magum.

AB. 9.

AB. 13.

Cæcitas, diuina effectio, vel ordinatio contingens homini, ad sextuplicem finem refertur.

4. Reg. 6.

Cæcitas porro, quæ diuinitus homini accidit, ad sextuplicem 8 finem referri solet: vel ad virtutis probationem, & exemplum aliorum; vt cæcitas Tobix: vel ad insignem quampiam hominis conuersionem ad DEVM; vt cæcitas Pauli: vel ad contumaciæ, ac perfidiæ confutationem, atque punitionem; vt cæcitas Elymæ Magi: vel ad manifestationem diuinorum operum; vt cæcitas huius cæci nati: vel ad defensionem, & auxilium seruorum DEI: vt cæcitas, qua DEVS, ad preces Helisæi, percussit milites à Rege Syriæ missos ad comprehendendum Helisæum: vel ad hominis iusti præseruationem à malo, & exitio animæ suæ, ne per sensum oculorum alliciatur, & trahatur ad vitia. Qua etiam de causa viros iustos, & pios malis & calamitatibus corporalibus non raro solet DEVS affligere, interdum etiam vita priuare: de viro enim iusto illud in quarto capite libri Sapientix scriptum est; *Raptus est, ne malitia mutaret intellectum eius, aut ne scilicet deciperet animam illius.*

TERTIA DISPVTATIO.

Super illis verbis:

VERS. 3.

Sed vt manifestentur opera DEI in illo.



DUPPLICEM hæc verba sensum possunt reddere. 9 Alterum quidem huiusmodi; Vt manifestum fiat me DEVM esse, cuius sunt opera, quæcunque in mundo continentur. Eiusdem namque potestatis est, visum in homine fingere, qui antea in eo non erat; atque visum iam perditum, & extinctum restituere ac reformare.

re.

re. Alter verò sensus istorum verborum hic esse potest; Vt manifestum omnibus fiat, opera, quæ ego facio, ex voluntate, ac potestate DEI fieri; eaque certissimam fidem hominibus faciant, esse vera, quæ ego de me, & Patre meo prædico.

10 Cæterum variis admodum, mirisque modis opera DEI ab exordio mundi usque adhuc manifestata sunt, & usque in finem mundi manifestabuntur. Prima DEI operum manifestatio facta est in creatione mundi, rerumque omnium tam inuisibilem, quam visibilem: & per huius diuini operis manifestationem simul etiam manifestata est immensa DEI bonitas, & potentia, & sapientia. Secundò; Manifestata est iustitia DEI seuerissimè punientis peccata, in damnatione Luciferi, & Angelorum eius; & in Adami punitione, quæ non ipsum modò: sed omne genus hominum ex illo propagatum obstrinxit, & afflixit; in generali præterea diluuiò, per quod omnes, præter octo, perièrè mortales. Tertiò; Manifestata est singularis quædam misericordia DEI ergà dilectos seruos, & amicos suos in sancto Patriarcha Noè, mirabiliter seruando cum per arcam à diluuiò, & generali hominum exitio. Quartò; Manifestata est præcipua quædã, eximiãque DEI prouidentia, & cura erga populum suum; in educatione Hebræorum ex Ægypto, eorumdémque per desertum quadragenaria deductione, & introductione in terram promissionis. Quintò; Manifestata est diuini roboris, & fortitudinis præstantia in Samsone, cui tantum, DEI munere, robur corporis, & fortitudo fuit, vt quæ de eo narrantur in libro ludicum, ea maiora sint, & admirabiliora etiam fabulosis de Miloniani corporis robore, Herculeãque fortitudine quondam celebratis miraculis. Sextò; Manifestatum est diuinum opus aduersus grauissimas calamitates, & acerbissimos dolores, tristissimãque homini mala, iniuxtæ patientiæ in Iob & Tobia. Septimò; Manifestatum est opus diuinæ Sapientiæ in Salomone; cui DEVS tantam dedit sapientiam, quantam nullus mortalium, præter CHRISTVM Dominum, & Adamum, habuit vnquàm: Hoc enim indicant verba illa, quæ DEVS Salomoni dixit; *Dedi tibi cor sapiens, & intelligens, in tantum, vt nullus ante te similis tui fuerit, nec post te surrecturus sit.* Et paulò infrà scriptum est; *Dedit DEVS Salomoni sapientiam, & prudentiam multam nimis,*

Octuplex operum Dei manifestatio.

3. Reg. 3. & 4.

Xxx

& la

& latitudinem cordis, quasi arenam, quæ est in littore maris. Oñaud; altissimorum, & inscrutabilium DE I iudiciorum opera manifestata sunt in Iudæorum reprobatione, & abiectiōe: Gentium autem electione, & vocatione: & in duobus Regibus impiis, & populi DE I hostibus, Pharaonē Rege Ægyptiorum; & Nabuchodonosor Rege Chaldæorum. Ille multis DE I flagellis, & miraculis magis est in perfidia, & impietate obduratus: Hic autem per DE I flagella, & miracula emollicus est, flexusque ad pœnitentiam, & ad veri DE I agnitionem, & venerationem conuersus.

Hæc autem operum DE I manifestatio semper cum diuini nominis honore, & gloria coniuncta est: cum eorum autem hominum, apud quos fit manifestatio operum DE I, sæpè quidem ingenti bono spirituali, animorumque salute: nonnunquàm tamen maiori etiam malo, & exitio coniuncta est: Nam propter eorum hominum, (vt Pauli verbis vtat,) duriciam, & cor impenitens, per ea magis excecatur mens ipsorum, & obduratur cor, per quæ illuminari, & emolliri deberent. Hos tam diuersos effectus, qui manifestationem operum DE I apud homines consequuntur, clarissimè nobis liber Exodi demonstrat in Ægyptiis: illis enim tot, tantisque prodigiis, quæ DEVS per Moysen fecit in Ægypto, quidam Ægyptiorum commoti sunt, qui æquè affecti, & ad veri DE I cognitionem, & timorem, atque cultum adducti: plerique tamen eorum in sua contra DEVM contumacia, & perfidia, & impietate vehementius obfirmati, magisque animo excecati sunt. Solet porro DEVS per hanc manifestationem operum suorum comprobare veritatem doctrinæ quam prædicat is, qui ab eo missus est ad prædicandum; & declarare, atque confirmare

veritatem, & auctoritatem legationis, qua quis DE I nomine fungitur apud homines: sicut factum

est in Moysè, & in CHRISTO

Domino, & in

Apostolis.


QVAR

QVARTA DISPVATIO.

Super illis verbis:

Expuit in terram, & fecit lutum ex sputo, & liniuit
 lutum super oculos eius; & dixit ei, Vade, &
 laua in Natatoria Siloë, quod inter-
 pretatur, Missus.

VERS. 6.

- 12  V R CHRISTVS cæcum illuminaturus vti vo-
 luerit illis quatuor cæremoniis, quæ in supradictis
 verbis exponuntur, quatuor afferri possunt ratio-
 nes. Primò, vt illius cæci fidem, obedientiam atque
 humilitatem exerceret. Deinde, vt declararet, di-
 uinam sibi esse potentiam, cui deserviret omnis creatura ad quos-
 cumque ipse vellet vsus; etiam ad eas res, quibus perficiendis vi-
 detur inhabilis; sicut est lutum abstergendæ cæcitati, & mundan-
 do visui: tum vt ostenderet, se creatorem esse hominis; nam vt
 cum à principio formavit ex limo terræ; ita tunc per limum, &
 lutum in homine visum formabat. Ad hæc per istas cæremonias præ-
 signare voluit CHRISTVS figuram quandam, & imaginem bap-
 tismi Evangelici; nempe, vt lotio illius cæci in Natatoria Siloë,
 per quam illuminatus est, figura fuit lotionis baptismalis: sic quæ
 CHRISTVS ei lotioni præmisit, ea imaginem quandam prætu-
 lerunt eorum, quæ in catechumenis ante baptismum Ecclesia ob-
 servare solet. Itaque satis inscitè, atque scurriliter faciunt Hæretici
 illudentes Ecclesiasticis cæremoniis, appellando Iudaicas cære-
 monias, & præstigias. Constat enim, non solum in veteri Testa-
 mento DEVM multas tradidisse servandas à Iudæis cæremonias;
 sed etiam in nouo Testamento CHRISTVM in his, quæ agebat,
 variis vsum esse cæremoniis: vt in huius cæci illuminatione, &
 resurrectione Lazari.

*Explicatur
 ratio cære-
 moniarum, qui-
 bus vsus est
 Christus in
 cæco illumi-
 nando.*

Gen. 1.

Joan. 12.

- 13 Quòd autem CHRISTVS expuit in terram; vnde facto luto
 liniuit cæci oculos, significabat salutem hominum per incarnatio-
 nem CHRISTI factum iri: sputum enim ex capite defluit; &
 verbum æternum ex paterna mente procedit: sputum in terram

*Myrica in-
 terpretatur
 sputum Christi
 in terram, &
 luto ex eo fa-
 ctum.*

missum, & ex utroque factum lutum, indicabat Filium DEI missum in terras, factumque hominem. Et sicut lutum, incongruum, & inhabile videri poterat illuminando cæco; cum sit materia crassa, & sordida; ita CHRISTVS, quia erat mortalis & passibilis, & pauper & humilis, videbatur inualidus ad iustificandum, & beatificandum hominem.

Christum expuere in terram, denotat contemptum mundi, qui plurimum adducit ad illuminationem humana mentis.

Lutum posui super oculos, quid significet.

Psal. 50.

Christum ad bona sua avertimus per mala, quæ videntur contraria, nos perducere.

Matth. 5.

Matth. 18.

CHRISTVM autem expuere in terram, secundum mysticam 14 significationem, denotat contemptum terræ, & rerum terrenarum propter ipsum CHRISTVM. Magna enim ratio illuminandi cæcas hominum mentes, est contemptus huius mundi: nam sicut eius amor inordinatus, atque immoderatus cæcat animos hominum: ita contemptus eius propter CHRISTVM, & cœlestem gloriam, illuminat mentes hominum; vt in his, quæ ipsis ad salutem cognoscenda, & agenda sunt, verum à falso, & bonum à malo sine errore discernant. Lutum quoque oculis impositum significat, peccatum à nobis commissum, ante oculos mentis nostræ ponendum esse, & frequenti cogitatione pensitandum; quod faciebat Dauid, vt ipse ait: *Quoniam iniquitatem meam ego cognosco, & peccatum meum contra me est semper.* Illud, *contra me*, significat, *ante me, & coram me.* Sed illud lutum cæci oculis impositum, erat factum ex terra, & ex salina CHRISTI: in consideratione enim peccatorum, cum æstimatione prauitatis, & deformitatis eorum, & grauitatis offensæ DEI, miscere oportet cogitationem, & fiduciam CHRISTI clementiæ, ac misericordiæ: sola enim terra oculis imposita, cæcare potius, quàm eos illuminare potest. Denique sputo, id est, re contraria visui, CHRISTVS sanat, & illuminat visum: similiter nos CHRISTVS ad bona cœlestia, & æterna, quæ nobis promissit, per mala contraria perducit: per paupertatem enim spiritus perducit ad cœlestes diuitias: sicut ipse dixit: *Beati pauperes spiritu, quoniam ipsorum est regnum cælorum.* Per luctum, ad sempiterna gaudia; *Beati enim qui lugent, quoniam ipsi consolabuntur.* Per humilitatem, ad diuinos honores, & gloriam; *Qui cumque humiliauerit se; sicut paruulus iste, hic maior est in regno cælorum.* Per labores, ad sempiternam quietem. Per miseriam, ad cœlestem fœlicitatem. Per mortem denique, ad æternam vitam.

QVINTA DISPVATIO.

Super illis verbis:

Dixit ei; Vade, & laua in Natatoria Siloë, quod VERS. 7.
interpretatur, Missus.

15 **N**ATATORIA Siloë fuit magnum quoddam receptaculum aquarum ex fonte Siloë profluentium, & in eo loco collectarum, in vsum lauandi, & natandi. De fonte Siloë hæc scribit Beatus Hieronymus explanans illa verba Isaïæ, quæ sunt in capite octauo; *Pro eo, quod abiecit populus iste aquas Siloë, quæ vadunt cum silentio, &c.* Siloë fons est ad radices montis Sion, qui non iugibus aquis: sed incertis horis, diebúsque ebullit; & per terrarum concaua, & antra saxi durissimi decurrit: de quo dubitare non possumus; nos præsertim, qui in hac habitamus prouincia. In Euangelio secundum Ioannem legimus, quod cæcum à natiuitate, cuius oculos luto ex saliuâ sua facto Dominus linierat, miserit ad aquas Siloë. Quibus aquis cùm cæcus lauisset lutum, cæcitate deterfa, clarum oculorum lumen acceperit. Quod, præter signi magnitudinem, indicat, cæcitatem Iudæorum, omniumque incredulorum non aliter posse sanari, nisi Doctrina aquarum CHRISTI, quæ absque strepitu, & clamore verborum leniter fluit, tenebræ prioris purgentur erroris. Hactenus ex B. Hieronymo.

16 Alij præterea locorum, & rerum memorabilium terræ sanctæ scriptores tradunt, aquas Siloë esse claras & dulces, & vberrimas, & magno in pretio, & honore etiam apud Saracenos, & Turcas. Saraceni enim lauant se in his aquis; vt hircinum fœtorem, quo naturaliter fœtent eorum corpora, detergant; nec frustra id faciunt: ea namque lotione fœtor ille satis demitigatur atque minuitur. Turcæ verò magni faciunt aquas Siloë, quod eas sanandis oculorum morbis prodesse sæpiùs experti fuerint. Saraceni. Turca.

17 Sed cur Ioannes adiunxit illud; *Quod interpretatur, Missus?* Tres, opinor, ob causas. Primò, vt ostenderet, nomen illius fontis congruere cum ipso facto: & quod per ipsum illuminatus fuerit cæcus, Siloë.

Pfal. 106.

*Miraculum
originis fontis
Siloë: autho-
ribus Doro-
theo, & Epi-
phanio.*

cus, non ex natura eius fontis accidisse: sed ex virtute CHRISTI, quem DEVS in terras miserat ad sanandas infirmitates hominum: sicut Dauid dixerat, *Misit verbum suum, & sanauit eos*. Deinde significare voluit Ioannes, illud miraculum illuminati cæci in aqua Siloë, figuram fuisse Christiani baptismi, qui à Patribus appellari solet sacramentum illuminationis, quod mentes hominum illuminet per fidem eius, qui missus est à DEO Patre. Tertia causa est historica, quam commemorant Dorotheus in Synopsi, & Epiphanius in libro de vita prophetarum, fontem Siloë non esse ab initio factum naturaliter, & aliorum modo fontium: sed subito, & mirabiliter, ad preces Isaïæ, qui à DEO aquam in vsum populi petebat, diuinitus missum, & datum: ex quo nomen illud, Siloë, accepit.

*Iudicium au-
thoris de illu-
minatione
cæci, quæ di-
citur facta à
Vespasiano.
Suetonius.
Tacitus.*

Quoniam autem in duabus proximè superioribus disputatio-
nibus, super illuminatione cæci nati à Domino IESV facta co-
piosè disputatum est, non fuerit alienum, si hoc etiam loco de il-
luminatione cuiusdam cæci, quæ dicitur facta esse à Vespasiano
Imperatore, nostrum lectori breuissimè iudicium indicemus. Nar-
rat Suetonius in Vespasiano, idemque commemorat Tacitus in li-
bro quarto Historiarum, Vespasianum cuidam cæco flagitanti ab
eo, vt manu sua oculos ipsius tangeret, (Affirmabat enim, eà ra-
tione promissam diuinitus sibi fuisse restitutionem visus:) manus
ad mouisse oculis, visumque reddidisse. Sed hoc vel fabulosum est
vt alia multa de miraculis vulgo quondam iactata apud gentiles:
vel, si istud factum est, sine dubitatione dico, simulatam fuisse il-
lius hominis cæcitatem; nam vera, & perfecta cæcitas nullo aut
hominum, aut Dæmonum artificio, & adiutorio sanari potest: sed
per solam DEI potentiam, verorum miraculorum effectricem.
Credendum autem non est, DEVM ad eius miraculi effectio-
nem concurrere voluisse, vt honoraret Vespasianum, hominem
infidelem, falsorumque deorum cultorem. Nicephorus in capite
vigesimo quinto libri decimi quinti simile quoddam narrat mira-
culum, patratum à Leone, qui postea fuit Imperator: sed enim id
beatissimæ virginis MARIÆ interuentu, & ope factum esse af-
firmat.

Nicephorus.

SEXTA DISPVATIO.

Super illis verbis:

Scimus, quia peccatores **DEVS** non audit: sed si VER. 31.
 quis **DEI** cultor est, & voluntatem eius
 facit, hunc exaudit.

19 **D**EVM non exaudire peccatores, videtur esse falsum: idque manifestis redargui exemplis, Davidis, Regis Manassis, Magdalenæ, & latronis. Beatus certe Augustinus in tractatu quadragesimo quarto in Ioannem, & hoc ipsum dictum tractans, ait ipsum esse falsum; ita scribens; Si peccatores **DEVS** non exaudiret, frustra ille publicanus oculos in terram demittens, & pectus suum percutiens dixisset; **DEVS** *propitius esto mihi peccatori*, non tamen frustra dixit; nam ista confessione meruit iustificationem. Hæc Augustinus. At enim, istud ipsum dictum cæci illuminati, etiam in Sacris litteris sæpius testatum, & confirmatum legimus: David in Psalmo 65. *Iniquitatem si aspexi in corde meo, non exaudiet Dominus.* Et Filius eius Salomon in capite primo libri Prouerborum inducit **DEVM** hæc de peccatoribus loquentem; *Tunc inuocabunt me, & non exaudiam.* Et in capite vigesimo octauo eiusdem libri; *Qui declinat aures suas, ne audiat legem: oratio eius erit execrabilis.*

*An Deus
exaudiat pec-
catores.
Augustinus.
Luc. 18.*

20 Quemadmodum igitur sententia hæc vera sit, paulò distinctiùs expressiùsque declarandum nobis est. Primò; Peccator non permanens in voluntate peccandi: sed ex peccato cupiens emergere, nec petens, quæ ad peccatum spectant: sed potius quæ ad salutem animæ suæ, aut etiam corporis, nihil prohibet quin exaudiat a **DEO**. Secundò; Peccatoris oratio, & petitio aliquando exauditur propter dignitatem Ecclesiæ, cuius ille in peccando personam quodammodo induit, & cuius preceationibus utitur apud **DEVM**. Tertiò; Propter dignitatem sacrificij, quod in altari offertur **DEO**; per quod sacrificium petit ipse a **DEO**, quod habere desiderat. Quartò; Propter fidem, & deuotionem eorum

*Octo modi,
quibus pecca-
toris oratio,
& petitio
exaudibilis
est a Deo.*

rum, pro quibus postulat. Quintò; Propter merita, & suffragia sanctorum, quos ille apud DEVM pro se precatores, atque interuentores adhibet. Sextò; Propter firmitatem, & feruorem fidei, qua ille postulat à DEO: secundum illud Iacobi; *Postulet autem in fide nihil habetans.* Septimò; Quia quod postulat, ad magnam DEI gloriam, & communem hominum vtilitatem confert. Octauò; Peccatoris oratio non est impetratoria ex merito; neque ex dignitate personæ petentis: sed ex infinita misericordia, & benignitate DEI exaudientis. Videat Lector, quæ Beatus Thomas super hac re scripsit in secunda secundæ, in quaestione octogesima tertia, & in articulo decimo sexto.

S. Thomas.

An per hominem peccatorem fiant aliquando miracula.

Consimilis videtur illa sententia, quæ in hoc ipso capite supra 21 in versu 16. posita est; *Non potest homo peccator hæc signa facere.* Hoc dixerunt quidam Phariseorum pro defensione Domini IESV, aduersus alios Phariseos, qui propterea dicebant, ipsum non esse hominem à DEO: sed esse peccatorem, quòd operaretur in die Sabbati: sed istud dictum non videtur verum. DEVS enim prædixerat Iudæis: vt legitur Deuteronomij 13. etiam Pseudopphetas magna facturos signa, idémque prædixisse Dominum nostrum refert Matthæus cap. 7. & 24. Ad hoc respondendum est dupliciter: Primò; istam sententiam esse accipiendam non tantum omninò veram: sed quasi veram vt plurimum: tales enim esse solent sententiæ, quæ vulgo iactantur, & in omnium sermonibus celebrantur; rarò scilicet euenit, vt per homines peccatores vera fiant miracula. Deinde illa verba; *Hæc signa*, omnem tollunt difficultatem. Quid enim est, *Hæc signa*; nisi talia signa, qualia faciebat Dominus IESVS; tam insignia, & admirabilia, tam crebra, tanta autoritate, & maiestate facta, & facta in declarationem suæ sanctitatis, & confirmationem doctrinæ suæ; talia demum signa, qualia facturum esse Messiam, Prophetæ prædixerant.

Simile huius est, quod Nicodemum dixisse Domino,

Iuan. 3.

suprà retulit Ioannes; *Nemo potest hæc signa facere, quæ tu facis, nisi fuerit DEVS cum eo.*

SEPTIMA DISPVATIO.

Super illis verbis :

Et dixit ei IESVS: In iudicium ego in hunc mundum VER. 39.
veni, vt qui non vident, videant; & qui
vident, cæci fiant.

22 **D**VPLICEM hæc verba ferunt quæstionem. Et prior *Duplex quæ-
stio.
Iean. 3.*
quidem quæstio est hæc; Quomodo CHRISTVS
dicat, se in se iudicium mundi venisse, cum ipsemet
antèa dixerit Nicodemo, se in mundum venisse, non
vt iudicet mundum: sed vt saluetur mundus per ipsum. Poste-
rior quæstio est huiusmodi: Quomodo, qui cæci sunt, per CHRIS-
TVM videant; & qui vident, fiant per ipsum cæci: nam sicut
cæcos illuminari à CHRISTO, conueniēs est misericordix eius:
ita eos, qui vident, excæcari per CHRISTVM, videtur admo-
dum alienum, & abhorrens à CHRISTI bonitate.

23 Ad priorem quæstionem ita respondendum est: duplex esse iu- *Duplex iudi-
cium mundi
in alterū di-
scussionis, &
retributionis;
alterum verò
discretionis.*
diciū; quorum vnum est iudiciū discussionis & retributionis,
in quo discussis, & diiudicatis omnium hominum meritis, di-
gna vniuscuiusque hominum factis tribuuntur vel supplicia, vel
præmia. Ad exercendum huiusmodi iudiciū non venit CHRIS-
TUS in priori suo aduentu: sed venturus est in posteriori aduen-
tu, & in fine sæculi. Alterum iudiciū vocatur iudiciū discre-
tionis, quo per CHRISTVM, & per eius legem electi discer-
nuntur à reprobis: Sic enim DEI iudicio, & sententia decretum,
& constitutum est, vt quicumque per fidem, & dilectionem CHRIS-
TO vsque in finem adhæserint, salui sint, & beati: quicumque
verò eius doctrinam repudiauerint, sempiternis addicantur sup-
pliciis. Potest etiam dici, vocabulum illud, *Iudicij*, hoc loco si-
gnificare sententiam, & decretum DEI Patris, quod per CHRIS-
TVM manifestari, & exerceri voluit. Decretum autem DEI
Patris fuit hoc; Vt qui sua sapientia inflati, suæque nixi prudentia
placent sibi; nec alieno magisterio indigere se putant, repudien-
tur, & abiiciantur à CHRISTO: qui autem, iudicio mundi ha-
bentur

Y y

bentur

bentur rudes & insipientes, hi eligantur à CHRISTO; iuxta illud, quod ipse dixit DEO Patri suo; *Confiteor tibi, Pater Domine, cæli, & terra, quia abscondisti hæc à sapientibus, & prudentibus, & revelasti ea parvulis; ita Pater, quantum sic placitum fuit ante te.* Horum simillima scribit Paulus in primo capite prioris epistolæ ad Corinthios. Itaque in illis verbis, *Vt qui vident, cæci fiant*, illa coniunctio, *Vt*, non denotat causam: sed consequentiam rei. Non enim CHRISTVS causa fuit excecationis hominum: sed ex eo quod multi doctrinam eius aspernati, & auersati, miraculaque malignè calumniati sunt, consecutum est, vt illi desererentur, & abiicerentur à DEO, atque ea ratione vehementius in dies obfirmarentur in malo, magisque obcecarentur. Ex his autem, quæ dicta sunt, in promptu est responsio ad secundam quæstionem supra positam, Quomodo CHRISTVS in iudicium venerit, vt qui vident, cæci fiant.

OCTAVA DISPUTATIO.

Super illis verbis:

VER. 41. Dixit eis IESVS; Si cæci essetis, non haberetis peccatum; nunc verò dicitis; quia videmus, peccatum vestrum manet.

Duplex interpretatio
istorum verborum.



ORVM CHRISTI verborum duplex esse potest ²⁴ interpretatio. Altera est hæc: Si agnosceretis vos esse cæcos, vestramque cæcitatem sentientes, illuminari à DEO cuperetis, peccatum non haberetis; quia libenter accederetis ad eum, qui potest vos illuminare: sicut dixit David; *Accedite ad eum, & illuminamini, & facies vestrae non confundentur.* Altera interpretatio est huiusmodi; Si cæci essetis, id est; si inuincibilem haberetis ignorantiam veritatis; si diuinas Scripturas non haberetis; si nulla Prophetarum legissetis vel audissetis oracula; si Ioannis de me testimonia non audissetis; si ego ipse non venissem, & locutus vobis fuissem; si non fecissem opera, quæ nemo alius fecit, vestra profectò in-
credi

Psalm. 33.

Ioan. 16.

credulitas non imputaretur vobis ad peccatum. Atenim contra omnino se res habet: nam & vos supradictis rebus omnibus instructi estis, & vobis ipsis sapientes videmini, nec indigentes cuiusquam magisterio: idcirco peccatum vestrae incredulitatis non ex ignorantia: sed ex malitia profectum, prorsus inexcusabile est. Huc etiam spectant illæ, quæ in Sacris literis leguntur sententiæ; ut illa Simeonis; *Hic positus est in ruinam, & in resurrectionem multorum.* Et Petrus dixit, CHRISTVM credentibus esse lapidem electum, & pretiosum; non credentibus autem esse lapidem offensionis, & petram scandali. David quoque ait; *Populum humilem saluum facies, & oculos superborum humiliabis.* Et alio loco; *Excelsus Dominus, & humilia respicit, & alta à longè cognoscit.* Petrus quoque ait; *DEVS superbis resistit, humilibus autem dat gratiam.* Et per Isaiam dixit DEVS; *Ad quem respiciam, nisi ad pauperculum, & contritum spiritu, & tremementem sermones meos.*

Luc. 1.

1. Pet. 1.

Psal. 17.

Psal. 137.

1. Petri. 3.

Isa. 66.

FINIS OPERIS.

Hunc quartum tomum, qui continet ducentas quatuordecim disputationes super Evangelio B. Ioannis, Auctor ipse annos natus duos & septuaginta Lugdunum misit Horatij Cardon typis excudendum, anno ab ortu Domini millesimo sexcentesimo octauo.

Yyy 2 IN



INDEX
LOCORVM SACRÆ
SCRIPTVRÆ PRAECIPVORVM,
QVI IN HOC PRIMO TOMO DISPVTA-
TIONVM IN S. IOANNEM EXPLICANTVR, IN QVO,
 vt facilius in eo contenta reperiantur, tres litteræ adiectæ sunt,
 ex quibus a, principium paginæ. b, medium, & c, finem illius in-
 dicant.

Notandum insuper typographum paginarum numerum, quæ proximum continent, cum sequentibus non continuasse; sed eas sigillatim recensuisse. Unde factum est, vt in hoc indice numeri geminati reperiantur, & quidam ad proximum, alij ad sequentes dissertationes pertineant. Quare, si quid quærat Lector in vno numero, quod in eo non reperiat, alterum consulat numerum, in quo quæsitâ inueniet.

Ex veteri Testamento.

- Gen. 22. **B**enedicentur in semine tuo omnes gentes. 514.b
 Gen. 41. Septem spica plena septem vbertatis anni sunt. 421.c.
 Num. 11. **B**auferam de spiritu tuo, & dabo illis. 100.c
 Deut. 18. Prophetam suscitabo eis de medio fratrum suorum similem tui, & ponam verba mea in ore eius, &c. 352.c. 355.c
 Deut. 28. Et erit vita tua pendens ante te, & non credes vita tua. 354.b. 456.a
 3. Reg. 3. & 4. Dedi tibi cor sapiens, & intelligens, in tantum, vt nullus ante te similis tui fuerit 529.c
 3. Reg. 16. Non declinauit Dauid à viis Domino, excepto sermone Vria Hethæi. 13.c
 4. Reg. 9. Verbum mihi ad te ô Princeps. 20.b
 Iob 2. Pelle pro pelle, & cuncta quæ habet, homo dabit pro anima sua. 103.a
 Iob 31. Quis det de carnibus eius, vt saturemur. 427.c
 Psalm. 2.

INDEX.

<i>Pfal. 2. Ego hodie genui te.</i>	8. a
<i>Pfal. 4. Quis ostendet nobis bona.</i>	325. c
<i>Pfal. 50. Amplius laua me ab iniquitate mea, & à peccato meo munda me.</i>	
503. b. <i>Peccatum meum contra me est semper.</i>	532
<i>Pfal. 64. Flumen Dei repletum est aquis.</i>	54. a
<i>Pfal. 98. Moyses, & Aaron in sacerdotibus eius.</i>	81. c
<i>Pfal. 101. Percussus sum ut sænum, & aruit cor meum, quia oblitus sum comedere panem meum.</i>	260. a
<i>Pfal. 102. Potentes virtute ad faciendum verbum eius.</i>	15. b
<i>Pfal. 109. Dixit Dominus Domino meo.</i>	30. a
<i>Pfal. 109. Ex utero ante luciferum genui te.</i>	116. b
<i>Pfal. 109. Ante luciferum genui te.</i>	8. b
<i>Pfal. 118. Vinifica me secundum verbum tuum, & alij loci, ubi vinificare, idem est, quod conseruare.</i>	42. b
<i>Pfal. 131. Paravi lucernam Christo meo.</i>	54. c & 338. a
<i>Pfal. 134. Qui producit ventos de thesauris suis.</i>	204. a
<i>Pfal. 138. Ecce Domine tu formasti me, & posuisti super me manum tuam.</i>	41. b
<i>Prouer. 5. Bibe aquam de cisterna tua, & fluent a putei tui, deriuentur fontes tui foras, &c.</i>	480. b
<i>Prouer. 8. Cum eo eram cuncta componens. 23. c. & delectabar per singulos dies.</i>	36. b
<i>Prouer. 30. Quod est nomen eius, & quod nomen filij eius.</i>	18. a
<i>Eccle. 14. Ante obitum tuum operare iustitiam, quia non est apud inferos inuenire cibum.</i>	270. b
<i>Cant. 1. Trabe me, post te in odorem curremus unguentorum tuorum.</i>	407. c
<i>Sap. 8. Cum essem magis bonus, veni ad corpus incoinguinatum.</i>	67. a
<i>Sap. 12. Erat naturalis malitia ipsorum.</i>	511. c
<i>Eccle. 24. Qui creauit me requieuit in tabernaculo meo.</i>	79. c
<i>2. Isai. 6. Excæcia cor populi huius, & aures eius aggraua.</i>	51. b
<i>1. Isa. 6. Vidi Dominum sedentem super filium excelsum & elenatum.</i>	80. a
<i>Isai. 11. Qui stat in signum populorum, ipsum gentes deprecabuntur.</i>	389. b
<i>Isa. 55. Ecce testem populis dedi eum, ducem ac praeceptorem Gentibus.</i>	189. a
<i>Isai. 65. Qui benedicetur super terram, benedicetur in Deo Amen.</i>	194. c
<i>Ierem. 28. Maledictus qui facit opus Dei negligenter.</i>	390. c
<i>Ier. 31. In caritate perpetua dilexi te, & ideo attraxi te, miserans tui.</i>	407. b
<i>Ezech. 4. Aquam bibes in mensura.</i>	238. b
<i>Ezech. 18. Filius non portabit iniquitatem patris.</i>	525. c
<i>Dan. 2. Tu es caput aureum.</i>	421. c
<i>Ose. 11. In funiculis Adam traham eos, in vinculis caritatis.</i>	

INDEX.

*Agg. 2. Magna erit gloria domus huius nouissima, plusquam prima. 176. b. c.
& 177.*

Ex nouo Testamento.

<i>Luc. 24. Potens in opere & sermone.</i>	95. c
<i>Ioan. 19. Consummatum est.</i>	470. b
<i>Ioan. 21. Discipulus ille quem diligebat Iesus suscitandè hic locus tractatur. 2. 3</i>	
<i>Act. 1. Qui connumeratus est in nobis, & sortitus est sortem ministerij huius.</i>	
<i>460. a.</i>	
<i>Act. 12. Calcea te caligas tuas.</i>	124. c
<i>Rom. 5. Regnavit mors ab Adam in omnes homines, etiam in eos qui non peccauerunt.</i>	65. b
<i>Rom. 13. Non est potestas nisi à Deo.</i>	69. a
<i>Ephes. 1. Qui benedixit nos in omni benedictione spiritali in Christo.</i>	401. c
<i>Ephes. 3. Ut innotescat principatibus, & potestatibus in caelestibus per Ecclesiã multiformis gratia Dei.</i>	16. a b. 18. a b
<i>Philip. 2. Cum in forma Dei esset, exinaniuit semetipsum formam serui accipiens.</i>	76. c
<i>Colos. 2. In quo habitat omnis plenitudo diuinitatis corporaliter.</i>	85. b
<i>1. Timoth. 2. Deus vult omnes homines saluos fieri, & ad agnitionem veritatis venire.</i>	61. a
<i>2. Tim. 2. Et respiciant à diaboli laqueis, à quo captiui tenentur ad ipsius voluntatem.</i>	503. a
<i>Tit. 2. Et aduentum gloria magni Dei.</i>	26. a
<i>Heb. 1. Portans omnia verbo virtutis tue.</i>	27. b
<i>Hebr. 5. Perfectorum est solidus cibus.</i>	269. c
<i>Hebr. 11. Vnde eum & in parabola accepit.</i>	514. a
<i>1. Pet. 1. In quem (Spiritum sanctum) desiderant Angeli prospicere.</i>	114. a
<i>2. Pet. 1. Satagite ut per bona opera certam vestram vocationem, & electionem faciatis.</i>	290. b
<i>1. Ioan. 1. Quod fuit ab initio, & erat apud Patrem, & apparuit nobis.</i>	7. c
<i>1. Ioan. 4. Omnis spiritus qui soluit Iesum ex Deo non est.</i>	78. b
<i>Apoc. 1. Ego sum a & w, primus & nouissimus.</i>	80. c
<i>Apoc. 6. Bilibres tritici denario, & tres bilibres hordei denario.</i>	375. c
<i>Apoc. 13. Agnus qui occisus est ab origine mundi.</i>	127. a
<i>Apoc. 15. Oportet te iterum prophetare gentibus, & linguis, & regibus multis.</i>	12. a

Finis Indicis locorum S. Scripturæ.

INDEX



INDEX

ALPHABETICVS

RERVM, ET SENTENTIARVM,
QVÆ IN HOC PRIMO DISPUTATIONVM
IN B. IOANNEM TOMO CONTINENTVR; IN QVO,
vt dixi in superiore indice, adiectæ sunt tres litteræ: quæ in tres par-
tes paginas distinguentes, principium, medium & finem earum
demonstrant.

*Quod autem dictum est in priore Indice de numeris geminatis, maximè
est in hoc Indice observandum.*

A.



ABRAM quanto desi-
derio arserit videndi
diem Christi, & quis hic
sit dies Christi. [113. c.](#)
& [504. a.](#) Abraham quomodo seruū
suum adiurauerit, vt acciperet filio
suo vxorem. b. Abraham vidit Chri-
stum in limbo adhuc positus. [115. a](#)
Adorare & adoratio omnem Dei cul-
tum comprehendit. [161. c.](#) Adoratio
vera quæ sit, plurimum refert homi-
ni scire. [162. b.](#) Adoratores veros,
quos Christus appellet apud Ioan-
nem. [162. c.](#) Adorationis Euangelicæ
quid proprium sit. [164. a.](#) Adorare pa-
trem in spiritu & veritate quid sit,
diuersi modè explicatur. b. c. Adora-
tio exterior non est verus cultus, si
interiori careat. [165. b.](#)
Adorantes Deum in spiritu & veritate,
cur sint veri adoratores. [166. a](#)
Adorationem externam Christus non
reprobauit, sed eam quæ sine spiri-
tuali adoratione sit. [167. b](#)
Aduersa nou eueniant semper propter
peccata. [124. c](#)

Aduersariis nobiscum contententibus
non leuia eorum dicta, sed grauia
tantum debemus arguere. [302. b](#)
Adulteræ mulieris Historia, an sit scri-
ptura Canonica. [491. b.](#) Qui eam ca-
nonicam non esse dicant, & quibus
argumentis. [492. a. b.](#) Probatur esse
Canonica. [493. b. c.](#) Quomodo fa-
ctum sit, vt hanc Historiam multi
Græci codices non haberent. [494. a. b](#)
Quid fuerit, quod Christus coram se
posita adultera scripserit. [495. b](#)
Quorsum Christus scribendo se in-
clinauerit. [496. b](#)
Aeternitas generationis solet diei vo-
cabulo in Scriptura significari. [114. a](#)
Aeternitati diuinæ quomodo differen-
tiæ temporis accommodentur. [9. b. c](#)
Agni oblatio fuit apud Iudæos frequen-
tior, & potior. [126. b](#)
Ambulare quid mysticè designet. [317. c](#)
Amen Hebraicæ vocis triplex est signi-
ficatio, & quæ illæ sint. [194. b](#)
Amoris diuini, & humani triplex est dif-
ferentia, & pri-
us nihil amanti cōferat; diuinus sic:
[1. b](#)

INDEX ALPHABETICVS.

2. b Amare alium, & beneficium ei-
dem aliquod-conferre, sunt diuerſa. c
Amor diuinus cum beneficiis ſemper
eſt coniunctus. 3. a Amor humanus
ex bono aliquo in amato exiſtente
oritur: diuinus infundit in amato
bona omnia & eſt meſura bono-
rum omnium, quæ ſunt in amato. 6.
b. Amot eſt primus voluntatis hu-
manæ affectus. 12. 6. c. inter amorem
diuinum & humanum ſex ſunt diſfe-
rentiæ. 217. a
- Angeli quomodo abditas myſteriorum
Dei rationes per homines diſcant. 18.
b. c
- Angelus cuius opera piſcinæ aqua mo-
uebatur, quis fuerit. 302. b
- Angelus ille quo tempore in aquam de-
ſcenderet. 303. a. credibilis eſt fuiſſe
feſtum Paſchæ. b. an ab Angelo iſta
ſanandi virtus manaret, c. erat à Deo:
ſed per Angelum. 304. a. Angelus cur
illam commotionem fecerit. b. quo-
modo Angelus eam fecerit. 306. a
- Anima Chriſti habet diuinum viuere
perfectiſſimum. 451. b
- Animæ rationali quadruplicem vitam
tribuit Deus, & quæ illa. 46. c.
- Anima rationalis venit ab extrinſeco &
ſeparabilis eſt, etiam teſte Ariſt. 62. b.
- Animatum in diuerſa corpora transmi-
grationem Iudæi non cognouerūt,
119. a. b
- Animæ formatio in corpore mirabilis.
211. b. Animum in corpore eſſe tria
ſunt indicia, & quæ illa. c
- Animæ non peccauerunt, antequam ve-
nirent in corpora. 65. b. c.
- Annam B. V. matrem tres viros habuiſ-
ſe, qui dicunt, reſutantur. b. c
- Antichriſtus ſe pro Chriſto Iu-
dæis venditabit. 350. b
- Aqua viua quæ dicatur, & quomodo
gratiam repreſentet. 255. a
- Aquæ & vini alimentum ſalubrius eſt,
quàm ſola aqua, & quid hoc ſigni-
ficet. c
- Aquæ proprietates quomodo baptiſmi
effectibus reſpondeant. 198. c
- Aqua vera, & naturalis eſt propria ba-
ptiſmi materia. 199. a Aqua baptiſma-
lis quot modis fuerit in veteri lege
præfigurata. b
- Aquæ piſcinæ probatiæ cōmotio quid
ſignificauerit. 304. c. Aquæ illa turba-
tio quantum durauerit. 305. c. Aquæ
turbatio quomodo cognolci poterat
ab ægrotis. 306. a. Aqua non prode-
rat, niſi iis, qui in eam deſcenderant.
207
- Aquam piſcinæ non habuiſſe illam vim
aliqua ex cauſa naturali auctor de-
monſtrat. 307. c. Aquæ illi vnde ea
virtus acciderit, tradito quædam, ſed
apocrypha. 308. b. Aquæ virtus an
fuerit qualitas illi inhærens. c. per aquā
illam cur vnus ſanaretur. 309. a. aquæ
vis quomodo Iudæis innotuerit. b
- Aquæ hæc vis quando cœperit, vel
deſierit. 310. a
- Ariani hoſtes filij dei quomodo peruer-
terēt hæc verba, *Deus erat verbum*. 25.
a. b. reſelluntur valde acriter. b. c. Ver-
bum ſeu filius quando Deus vocatur,
ſæpe habet præpoſitum articulum.
26. a. *Arianorum* argumentum fuſſe,
quo probabant, Chriſtum ſecundum
diuinitatem factum eſſe, reſellitur.
97. c
- Aſtologiæ iudiciariæ opinio infania, &
ſutor eſt; cuius in Eccleſia auctor fuit
Bardeſanes, & poſtea Priſcillianus.
161. c
- Auguſtini ſentētia dicētis figuratè Chri-
ſti verba exponenda: in quibus agit
de S. Sacramento. 429. b. Non conti-
nent Chriſti verba flagitium, & faci-
nus. 430. a. Auguſtini ſententiæ ex-
ponitur. b. c
- Auxilium Dei cur ſit neceſſarium ad ſi-
dem conſequendam. 279. c. Hoc ma-
gis declaratur. 280. a. b
- B
- Baptiſmus à Chriſto tum primū inſti-
tutus.

INDEX ALPHABETICVS.

tutus est, cū ipse fuit in Iordane baptizatus. 244. b. Baptizati sunt à Christo Apostoli saltem aliqui, & ipsi baptizabant Christi baptismo. c. 245. a. Baptizasse cur Christus non dicatur, cū Apostolos baptizauerit. b. Baptizauit Christus cur Apostolos, nō alios. c. sine Baptismo neminem regnum dei introire posse, quibus figuris sit ostensum. 201. b. Baptismi figura; Spiritus S. aquis incubans in mūdi principio. 202. a. Baptismus ex passione Christi omnem vim suam habet. 216. c. Baptizabat Christus, & non baptizabat, hoc quomodo verum sit. 242. c. Baptizaueritne Christus aliquos suis manibus, vel non. 243. a. b. Baptizauit Christus B. V. & S. Petrum. 244. a. Baptismus necessarius omnibus tam paruulis, quàm adultis. 195. b. est baptismus secunda generatio; vnde melius baptizatus tenatus dicitur, quàm natus. c. Baptismus quibus nominibus à Scriptura, & patribus sit insignitus. 197. a. ad Baptismum quando cepti sumus obligari b. Baptismi materia aqua, efficiens est Spiritus. S. 198. b.

Beneficia Dei duorum esse generum, quidam arbitrantur, & quæ sint illa. 401. b. Beneficia omnia Dei propter Christum homini dantur. c.

Bethsaïda seu potiùs bethesda quid significet. 300. c.

Bonerges filij Zebedæi mendose dicuntur, & dicendi sunt Benereen. 135. c.

Bonum omne nostrum, magis est à Deo, quàm à nobis. 472. a. est nostrum & non est nostrum. b.

Bona omnia qualiacumque sint dantur per Christum. 101. b.

C

Cæremonias tot & tantas in veteri testamento cur Deus perscripserit, & in nouo cur hæ adhibeantur. 263. b. c. Cæremoniæ in Ecclesia cur institu-

tæ & receptæ sint. 266. c.

Cæremonias hæretici arguentes insicrè faciunt. 531. c.

Caietanus licet pius & Catholicus, sententias quasdam in suis scriptis minus pias & Catholicas inspersit. 492. c. arguitur grauitè quod Historiam mulieris adulteræ adiectionem esse censuerit. 493. a. Caietanus arguitur & cum eo hæretici, putans sine baptismo infantes saluari posse. 196. c.

Canā fuit duplex, vna maior, altera minor, & in qua harum sint nuptiæ celebratæ. 153. c.

Canon Apostolorum, qui continet catalogum sacrorum librorum est dubiæ fidei. 13. c.

Carnis sunt septem significationes in Scriptura vlitatæ, & quæ illæ sint. 71. c. 72. a. b. Caro pro toto homine frequenter sumitur, vt in hac sententia, *Verbum caro factum est.* 72. b. Cur dicatur in hac sententia, *Verbum caro factum*, non homo. 73. a. b. 74. a. Caro Christi quibus nominibus designetur in Scriptura. 81. a.

Caro Christi quomodo verus cibus dici potuit, etiam cū nondum esset instituta Eucharistia. 444. c. Caro Christi quomodo verè cibus dici possit, etiam si proprietates cibi quasdam non habeat c. Carnis Christi manducatio conuenit cum cibo, sed citra imperfectionem. 445. c. Caro Christi est verè cibus, id est, perfectè. 446. a. Carnis Christi manducatio realis probata est à Christo apud Ioannem. 455. a.

Caro per se non prodest, sed vnita personæ diuini Verbi, maximè. 456. a. d. Caro Christi manducanda doctrina, quomodo sit spiritualiter intelligenda. b. Caro Christi manducanda est sacramentaliter & spiritualiter. 457. a.

Catholici de fidei Christianæ veritate quomodo sine miraculis possint in-

INDEX ALPHABETICVS.

- formari ex Scripturis. 188.c
- Christus verus Deus & homo est in vna persona. 518. a. Christus cur se à Iudæis eum lapidare volentibus abscondiderit. 519. a. Christus non abscondit se à Iudæis fugiendo, sed se inuisibilem reddendo, quod quinque modis fieri potuit, & quibus. b. c. Christus non ita perstrinxit Iudæorum oculos, vt eum videre non possent. 520. a
- Christus dicitur vnigenitus quadruplici ratione, & quomodo. 91. a. b
- Christus fuit perfectionis infinitæ. b. Christus habuit triplicem gratie plenitudinem, habitualement, capitis, & vnionis. 94. a. Christi maxima fortitudo, in quot quibusue rebus enituit. 98. b. Christi fortitudo vbi prædicta. c. Christus homo Deum clarè vidit in hac vita. 107. b. Christus an vsus sit calceis, disputatur. 112. b. & fusiùs. 123. b. c. Christus non est vsus calceis, sed sandaliis. 124. b. Christus vocatur agnus septem ob causas, & quæ sint illæ. 125. b. Christus vocatur agnus à Prophetis, & Ioanne Euang. in Apoc. 126. c
- Christus cur agnus Dei dicatur. 127. b. Christus quomodo peccata mundi sustulerit. c. Christus quo die natus & baptizatus fuerit. 148. b. Christus cum matre quinquies satis durè loqui visus est. 160. b. Cur à Christo hoc factum sit. c. Christus non erat solitus, nisi rogatus, & in necessitate, miracula facere. 162. b. ex Christi facie splendor emicabat, quò ad se corda trahebat. 170. b
- Christus non fuit causa excecationis hominum, nisi consequenter. 518. b
- Christus est Iudæis lapis offensionis, & petra scandali. 539. b
- Christus quomodo se primum & nouissimum dixerit. 8. c. Christus verè est Deus, & id expressissimè Ioannes docuit. 16. b. Quibus modis doceatur ex Scriptura Christum esse Deum iuxta Hilariū. b. c. Alij septem modi, quibus ex Scriptura idem probatur. 27. a. b. Christus verum Dei Verbum & summum, & illi cæterum. 29. b. Christus quinque modis luxit Iudæis. 51. c. Christus assumpsit verè animam, & animam rationalem. 77. b. c. Christus in vna persona verè fuit Deus & homo. 78. b. contra Christi personā alij errores. c. Christus fuit simul comprehensor, & viator. 84. c
- Christus positus pro signo est, in quod aspicerent, & sperarent omnes gentes. 389. b. Christi meritum non humanum modò, sed diuinum est, & in se infinitatem quamdam complectitur. 403. a. Christi passionis exemplū mirum in modum valet ad trahendum homines ad ipsum. 408. c. Christum viuere propter Patrem quid sit, vbi illud, propter, tripliciter exponitur. 449. c. Christus cur hæc verba dixerit: Si ergo videriū & c. 454. a. b. Christi gesta, quæ intercesserunt inter ea, quæ dicta sunt, cap. 6. & 7. Ioānis. 466. b. c. Christus cur in in festo Scenopegiz Ierosolymam ascenderit. 477. b. c. Christus loquens cū Iudæis, cur dixerit, Vbi ego sum 476. c. Christus qua nos libertate donauerit. 506. a. Christus quo anno vitæ suæ sit mortuus. 516. b Christus est verus Deus. 517. c.
- Christus gratiæ omnium Sanctorum principium & finis est. 247. a. Christi tempore magna erat Iudæorum de aduentu Messiae expectatio. 267. c. & apud Samaritanos etiam. 268. a. Christus se apertè cæco nato & Samaritanæ Messiam & filium Dei esse manifestauit. b. Christi gesta inter curationem reguli, & curationem paralytici. 295. a. Christus in sermone cum Iudæis partim quædam de se sublimia, partim quædam de se humilia protulit, & cur. 321. a. Christus quomo

INDEX ALPHABETICVS.

- quomodo dicatur nihil à se posse facere. 32.a. Christus quæcumque facit, sua voluntate, & arbitrio facit, non tamquam seruus Patris. 327.a. Christo iudiciaria potestas data est, vt homini. 328.a. Christo debetur honor diuinus, sicut & Patri. 329.a. Christus æquè Deus est, ac Pater. b. Christo cur Pater dedit iudicandi potestatem, quia filius hominis est, hoc quomodo sit intelligendum. 334.b.
- Christus quomodo erat in cælo, quando cum Nicodemo loquebatur. 215.b. Christus sæpe mortem suam in cruce prænuñciauit. 216.c. Christo Dei filio nihil æquè carum Deo fuit, & quas ob causas. 229.c. 230.a. Christus est sponsus Ecclesiæ tã militantis, quàm triumphantis. 233.c. 234.a. Christus se Sponsum Ecclesiæ declarauit decem rebus. b. c. Christus, nec discipuli eius ostiatim mendicarunt, sed habebant bona in communi. 253.c.
- Christus quomodo se non credebat ijs, qui in ipsum crediderant. 183.c. Christi sermo cum Nicodemo tria mysteria ad salutem spectantia continet, & quæ illa sint. 186.b. Vbi is habitus fuerit. 187.a. Christus sublimiorem humanam naturam habuit, in qua à Deo magister venit. 189.c. Christus venit in mundum, vt per ipsum bene esset homini, non vt melius esset. 19.b. Christus quomodo dicitur solus in cælum ascendisse. 214.c. & descendisse de cælo. 215.b.
- Christus per passionem suam tria sibi meruit, exaltationem corporis, glorificationem nominis, & iudiciariam potestatem. 335.a. Christus de se quatuor assert testes omni exceptione maiores, vt se probet esse Messiam, & verum Dei filium. e. Christus nihil vniquam literis mandauit & cur. 351.b. Christus ante cibum vti solitus benedictione, & post cibum gratiarum actione. 367.a. Christum fideles frequentando Eucharistiam suum regem agnoscunt. 372.b. Christus rex Iudæorũ, cur nomẽ regis refugerit. 377.c. Christus vt homo dat Eucharistiam. 386.b.
- Cibus duplex, spiritualis & corporalis, & hic perit tripliciter. 385.c. Cibus spiritualis quis pereat. 386.a. qui nõ pereat quis sit. b. ad Cibum spiritualetm percipiendum præparari nos cõuenit, sed præparatis eum dat Christus. 387.a.
- Cibi nomen variè admodum vsurpatur ad significandas res spirituales 269.b. Cibus dicitur obsequium voluntatis Dei, & obseruantia mandatorum ipsius. 270.a. Cibus quatuor præstat homini, quæ obsequio diuinæ voluntatis accommodantur. c.
- Cibus corporalis quomodo vertatur in substantiam, ex qua fit nutritio. 445.b.
- Cibus corporalis non est verè cibus hominis. 446.b. Cibus spiritualis omnino quis sit, & hic non est verus cibus c. Nec cibus mundanus, & quis ille sit. ead. Nec manna. 447.a. Cibus arboris scientiæ boni & mali, & arboris vitæ quales fuerint. b. Cibus beatorum quis sit. c. Cibus sacramentalis verè cibus est. 448.a. inter Cibum sacramentalem & corporalem, quod sit discrimen. 449.a. Caro Christi est maximè salutaris cibus, & dici non potest non prodesse. 455.c.
- Cœcitatæ corporalis causã est generalis vel particularis, illa est peccatum originale. 517.a. particularis triplex, naturalis, humana, & diuina, & quæ illæ sint. b. c. Cœcitas quæ diuinitus accidit ad septuplicem causam referri potest, & quæ illæ. 528.a.b. in cœci nati illuminatione cur Christus cæremonis sit vsus. 536.a.
- Cognitio rerum matutina, & vespertina quæ sit. 45.c.

INDEX ALPHABETICVS.

- Concupiscentia peccatum ab Apost. dicitur, & fit peccando acriori & vehementior. 503.b
- Cophini & sportæ quæ vasa eset, & vnde in deserto eorum copia. 370.a.
- Cophinus mensuræ quoddam genus fuit, & sporta numismatis. b
- Corpus verum Christum non habuisse, Manichæi, & aliorum error fuit. 381.b. refellitur. c. Corpus Christi æqualis tēperantiæ & pōderis esse non potuit. 382.a. Corpus Christi quomodo super aquas ambulare potuerit. b. Corporis Christi māducatio duplex est, spiritualis tantum, & spiritualis & realis simul. 414.a. de his agitur apud Ioannem. b.c
- De Corporali Christi manducatione non agi, quæ rationes probent. 440. b. diluuntur. c. Corporalis manducatio quomodo præstet hūc effectum, vt qui māducauerit, maneat in Christo, & Christus in eo 441. b. c. Corporalis manducationis debitus modus quis sit. 442.b. Corporis Christi præsentiam qui demonstrent ex his verbis, *Caro mea verè est cibus*. c
- Corporis Christi manducatio in sacramento potest dici figurata. 430. c. Christus non definiuit tempus ad hanc manducationem faciendam, sed reliquit iudicio Ecclesiæ. 431.a. Corporis Christi manducatio est necessaria, vel in re, vel in voto. 432. a. ad manducationem quādo verba Christi obligant. 433. a. Corpora nostra resurrectionis capacia ideo sunt, quia Christi corpore aluntur. 437.a. Corporis Christi manducatio quomodo fiat. 438. c
- Corporis Christi duplex est datio, in Eucharistia, & cruce. 420.b.
- Corpus Christi potest intelligi septem modis ad manducandum dari, & primo carnali modo. 427. a. 2. pro desiderio mortis, & 3. pro vehemēti amore. b. 4. mysticè. 5. omnino spiritualiter. c. 6. sacramentaliter tantum. & 7. sacramentaliter & spiritualiter. 428.a.
- De reali & sacramentali manducatione Ioannes agit testibus magnis doctoribus. b. c
- Corporis humani formatio quot diebus in vtero matris fiat. 180.a. Corpus Christi quomodo in vtero matris formatum. b
- Creatio rerum tribus personis diuinis ex æquo competit. 34. b. c. Res quinque modis fieri possunt, quorum primus est creatio. 35. a. Creatura omnia bona sunt, & nihil verè & propriè est malum. c. in creatione rerum Dei sapientia maximè elucet, secundū quā in numero, pōdere, & mēsurā omnia constituit. 36. a. Creatura sunt omnia prout Deus voluit, & magna cum facilitate, ac delectatione. b. Creationi cur sit additum, & sine ipso factum est nihil. 37. a. b. Creatura in Deo est creatrix essentia & deitas. 43.b. Creatura omnia tribus modis etiam antequā fierent, in Deo sunt. c
- Creaturarum perfectiones mixtæ sunt cum triplici defectu, & qui sint illi. 44.b. Creaturæ vtrum in se habeant esse verius, quàm in Deo. 45. a. b
- Credens Deo habet vitam æternam, nō possessione, sed iure ipso. 330.b. Credens Deo venit ad iudicium discussionis, sed non condemnationis. 331.b
- Credere posse naturæ hominis est, credere autem est gratiæ opus. 68.b
- Credentes in Christum filij Dei cur dicantur. 70.c
- Crucis signum pro vexillo Constantino ostensum, & apud Aegyptios quid figura Crucis designaret. 222.a
- D
- Dæmonibus nullus fuit magis aduersarius, quàm Christus 192.c
- Dare ad mensuram vel cum mensurā prouerbiales locutiones sunt, & quid signi

INDEX ALPHABETICVS.

significant. 238. b. Dedit nobis Christus, quæ postea à nobis perit. 248. a.
 David vnde tantam copiam auri habuerit, ex qua postea templum Salomonicum est ædificatum. 172. c.
 Democritus, qui se excecavit, vt cõmodius philosopharetur, arguitur. 27. c.
 Demonstrare sicut & ostendere, pro dare in Scripturis ponitur. 325. c.
 Denuo 276. b. in sermone Christi de baptismo quomodo sit accipiendũ. 197. c.
 Deus eminenter quatuor modis rerum omnium perfectiones continet. 43. c. hoc triplici similitudine ex D. Dionysio sumpta declaratur. 44. c.
 Deus illuminat homines tredecim modis, & qui illi sint. 58. a. b. Deus quibus modis hominẽ in hunc mundũ veniẽt illuminet variẽ explicatur. 59. b.
 Deus speciali quadam ratione hominẽ illuminat, sed quæ illa sit. 60. a.
 Deus in populo Iudaico quomodo dictus sit habitare. 87. c. Quomodo iam in populo Christiano inhabitet. 88. a.
 Dei habitatio cum hominibus quanti facienda sit. b. c. Deum neminem vidisse quomodo scribat Ioãnes 106. b. hoc quomodo sit intelligendum. 107. a. Deus Pater numquam apparuit in visionibus, quæ sanctis viris factæ sunt, sed Deus filius. 114. b. Hoc tamen non planẽ compertum est. c. Deus Pater etiã antiquis visus est. 115. a. Dei opera. 115. a. miraculosa præstantiora sunt iis, quæ natura facta sunt. 163. a. Dei dilectio in homines est incomparabilis, quam Christus tripliciter exaggeravit. 225. b. Dei excellẽcia & magnitudo qualis & quanta sit. 226. a.
 Dei proprium est mortuos viuificare, & suscitare. 327. a. & iudicare. c.
 Deus aliquid potest facere, quod nos capere non possumus. 424. c.
 Deus Auctor omnis boni est, & ad omne bonum concurrat. 470. c.

Dij gentium quales olim fuerint. 282. b.
 Deorum apud gentes cultores quales fuerint. c. Dei operatio continua & perpetua quadruplex quæ, & aliq̃ etiã. 319. b. Deus factitius est falsus, & talis non est Christus, sed verus. 320. c.
 Diaboli hæreditas ignis æternus est. 508. b. Diabolus homicida quomodo ab initio fuerit. c. quid ibi sit ab initio. 509. a. quomodo in veritate non steterit, & quot modis ibi sumatur veritas. c. Diabolus quomodo sit à Christo separatus. 510. b. Diabolus quantum in ipso est, semper est mendax: & quando testimonium perhibet veritati, diuina potestate coactus id facit. c. Diabolus duobus modis potuit esse malus, vel natura, vel propria voluntate, qui cum natura malum dixerint. 511. a. non fuit natura malus. b. Diabolus an in primo suæ creationis instanti sua voluntate fuerit malus. 512. a. non est verum eum sic malum fuisse. b. fuit aliquando bonus, quod probatur. c. homicida ab initio quomodo sit dictus. 513. a.
 Dialectici vtuntur propositionibus, in quibus præsens tempus non denotat existentiam, sed connexionem naturalem. 441. a.
 Dilectio Dei causa est prima bonorum omnium. 226. b. est mensura bonorũ omnium. 227. b. Dei dilectio in homines qualis & quanta. 228. a.
 Discipuli Christi vt plurimum, & ignobiles & indocti fuerũt. 5. a. b. his tamen totus ferẽ mundus ad Christum adductus miraculosam mundi conuersionem esse testatur. b. Discipuli qui & quot fuerint virgines. 8. b.
 Discipuli qui interfuerunt nuptiis cum Christo, an fuerint Apostoli. 156. b.
 Discipuli Christi quibus rationibus sint ad credendum in eum perducti. 169. 170. a.
 Discipulorum interrogatio quis peccauit,

INDEX ALPHABETICVS.

duplici videtur reprehensioni obnoxia. 521.b.c
 Dispersio gentium quid significet. 477.
 a. Iudæorum quinque erant genera.
 a. Dispersio gentium quid significat.
478.a.ad hanc dispersionem gentiū
 Christus per Apostolos profectus
 est. b
 Doctrina Christi diuina & humana, il-
 lius proprietates quatuor, est Christi
 substantialiter, non est Christi origi-
 naliter. 469.b. humana fuit triplex,
 beata, infusa, & acquisita, & hæc quo-
 modo Christi fuerint, vel non. 470.a.
Doctrina mea non est mea, quid proprie-
 sit. b. Doctrina, quæ ita est hominis,
 vt non sit etiam Dei, non est vtilis,
 nec vera. c. inter doctrinam profa-
 norum Philosophorum, & Prophe-
 tarum discrimen notabile. 471.a.in
 doctrinis Philosophorum cur ma-
 gna dissensio, & in libris diuinis nulla.
b. Doctrinæ hominum vitia tria, à
 quibus abest diuina. c
 Doni alicuius magnitudo sex modis æ-
 stimatur, & qui illi sint. 230.b. Donū
 Dei, id est, Christus, quantum re-
 bus omnibus præcellat. c. Donum
 hoc, id est, Christum, ob quem finē
 Deus dederit homini, & dicitur ob
 res duodecim; & quæ sint illæ. 231.
 Doni huius fructus est generalis, &
 ad omnes homines pertinet. b

E

Ecclēsia prima Christianorum quæ
 fuerit. 267.a. Ecclēsiæ fides est eadē
 cum ea, quæ fuit à principio. 287.c
 Ecclēsia cur vtatur in Missa corporis
 Christi Euangelio, vbi dicitur, *Caro*
mea verè est cibus. 443.b
 Echeneis seu remoræ natura mirabilis.
425.c.exempla, quibus huius piscicu-
 li virtus comperta est. 426.a
 Electio & Prædestinatio an homini cō-
 tingat propter Christi meritum, an
 ex sola Dei voluntate. 401.a. facta est

propter Christi meritum, quod pro-
 batur. 402.a.b. Electio Dei quomo-
 do sit immutabilis. 460.b.
 Epiphaniæ die an diuersis temporibus
 Christus à Magis sit adoratus, bap-
 tizatus, & aquam in vinum verterit.
149.b.c
 Erasmus vel malè est Catholicus, vel
 Catholicum vbi se esse simulat. 215.c
 Errōtes septem de mundi creatione qui
 Ioannis verbis, *omnia per ipsum, &c.*
 confutantur. 31.b.c
 Euangelium Ioannis quantum præstat
 reliquis Euangelis. 15.c.ex Euange-
 lio Ioannis Angelos multa didicisse
 scribit Chrysost. quod discutitur. 16.
a. refutatur tribus argumentis. 17.ex-
plicatur sententia Pauli, qua nixus id
 affirmauit Chrysost. 18.a. Euangelij
 Ioannis principium legit Aug. in
 Platoniorum libris. 6.a. Euangelium
 rectè Christi doctrina dicitur, & cur.
225.b
 de Eucharistia qua occasione Christus
 sermonem habuerit. 343.b.in Eucha-
 ristia triplex est Christi manducatio,
 spiritalis, & sacramentalis, & vtra-
 que. c. Eucharistiam fructuosè non
 percipit, nisi in Christum credens, &
 eum amans. 384.b. De Eucharistia
 sermo Capharnai coram quibus ha-
 bitus sit. c. de Eucharistia & mandu-
 catione corporis Christi spiritali &
 reali agi apud Ioānem, probatur. 414.
b.c. de Eucharistia Christus præmo-
 nuit discipulos antequam eam insti-
 tueret. 415.c.de ea præcipui doctores
 agere Ioannem dicunt cap.6. 416.b
 in S. Eucharistia qualis fiat corporis
 Christi multiplicatio. 371.a
 Eucharistiæ materia non transit in ani-
 mal, quod de ea formatur, sed quid
 de ea fiat. 397.a.b. Transubstantiatio
 magnum est miraculum & modus,
 quo illa fit. b. Eucharistiæ accidentia
 per se subsistunt, & habent vim nu-
 triendi

INDEX ALPHABETICVS.

triendi. c. Eucharistiam qui comedūt quomodo non moriantur. 411. a. de Eucharistiæ spirituali & reali manducatione, qui dicunt apud Ioannē non agi. 417. a. eorum rationes refutantur. c. & 418. a. Eucharistiæ veritas Chrysostomi testimonio cōprobat. c. & Theophylacti. 419. & Augustini. 420. j. a. in Eucharistia qui Christi corpus esse negāt grauius, arguūt. 424. b. Philosophorum de ea quæstiunculæ retunduntur.

425. a

Eucharistiæ sacramentum ad reficiendam vitam spirituale institutum est. 432. i. b. Eucharistia an sub vtraque specie sumenda sit. 434. a. b. de Eucharistia Christus variè loquutus est, & modò vnā speciem commendauit, modò vtrāque. 435. a. in Eucharistia sub vna tantum specie corpus & sanguis Christi manducatur. 436. b. per Eucharistiam Christus manet in nobis, nos in eo. 438. a. Eucharistia inter alia multa significat vniōnem corporis mystici.

439. b

Eunomiani faciebant duplex Dei Verbum, vnum intimum, alterum externum. 28. c. eorum error refellitur. 29. b. c. Eunomianorum argumentis factis sit.

c. 29. a

Ezechielis visio magnam gratiæ vim præfigurans.

256. b

F

Faustus Manichæus quibus argumentis probabat Moysem nullū de Christo vaticiniū edidisse, 358. b. c. eiusdē mendaciū nihil Moysem de Christo expressè scripsisse, sed per accommodationem Catholicos ad Christum Moyse verba retulisse. 354. a. Fausti argumento primo respondetur. 355. a. & aliis.

b. c

Festum Paschæ nominari solet præcisè festum. 295. b. festa Paschæ omnia Ioannes solus numerauit, quæ fuerūt

inter baptismum, & passionem. c

Fides opus Dei est & cur sic dicatur. 391. a. fides septē modis dicitur opus Dei, & qui illi sint.

c

Fidei soli quomodo Christus rationem consequendæ æternæ salutis attribuat. 232. a. hoc quatuor dictum modis esse indicatur, & primo de fide caritate formata. b. alij modi.

233. a

Fides tribus modis crescit, & perficitur, extensiuè, intensiuè, & aliarum virtutum adiunctione. 170. c. ad fidem homini inserendam tria concurrere necesse est, auxiliū Dei, prædicationē, & miraculū. 279. b. fidei assensus quā firmus & certus esse debeat. 280. a. ad fidem quā sit prædicatione necessaria ostenditur. c. fides quandoque infunditur à Deo sine Doctore. 281. a. ad fidem quantum miracula iuuent. c. in figuris veteris testamenti, applicandis ad fidei mysteria explicanda, quid sit obsetuandum.

224. a

Filij propter peccata parentum puniri possunt corporaliter, sed non in animo. 525. b. filij Adæ quomodo ob peccatum patris etiam spiritualiter puniuntur. c. filijs an propter peccata parentum subtrahantur diuina auxilia externa, & interna, dubitatur, & de externis dubio caret.

126. a. b

Fœdus triplex cū hominibus deus peregit, & simul signo aliquo externo ob signauit, & quod illud sit.

201. c

Fornicatio duplex, vna carnalis, spiritalis altera, & quid hæc sit. 506. c. ex fornicatione Iudæi se natos esse negantes mentiti sunt. 507. a. b. imò verò ex incestu Iudæ cum Thamar profeminati sunt.

c

G

Generatio hominis boni magnum, & mors malū magnū. 66. a. Generationis humanæ materia quæ sit, & causa efficiens. 69. c. Generatio hominis est triplex, & quæ illa sit. 196.

a. b

INDEX ALPHABERTICVS.

a. b
Gentes Christi tempore & Apostolorū magis esse paratas ad recipiendam fidem, quā vllō alio tempore quomodo Christus in indict. 273. b. Gentiles quibus rationibus adduci possint ad fidem etiam sine miraculis. 284. b
Glorificatio Iesu mortem & passionem eiusdem designat. 482. b. Glorificatio Christi mors & passio eius dici non potest. 483. a. est resurrectio ipsius, vel potius ascensio. b. Glorificatus est Christus præter resurrectionem & ascensionem duodecim modis, & qui illi sint. 484. c. & 485. a. b
Glorificatio Christi in resurrectione consistit in quatuor corporis dotibus. 486. a. Glorificatio Christi futura est in extremo iudicio. b
Grabatum quod genus lecti sit, & cur Paralytico Christus tollere grabatū præceperit. 316. b. Grabatum ferre Christus præcipiens quid mysticè designauerit. 317. a
Gratiæ diuinæ necessitas his maximè verbis declarata est, *Nemo potest venire ad me.* & c. 398. b. Gratiæ diuinæ necessitas generalis est, declaraturque hac voce, *Nemo.* c. Gratiæ diuinæ est credere, posse credere naturæ est, hoc explicatur. 399. a. Gratia omnis per Christum facta est. 402. c
Gratiæ Dei sex effectus, aquæ effectibus similes, & qui illi. 253. a. Gratia Dei à solo Deo infunditur homini, & ex corde scaturiens, bona opera producit. b. Gratia est duplex vna consummata, alia huius vitæ. c. Gratia Dei tolli inuito homini non potest. 254. a. Gratia Dei magis rebus aduersis angescit, quam prosperis. 255. b. Gratia sine libero arbitrio nihil posset facere, nec liberum arbitrium sine gratia. 256. c. Gratia Dei quantam vim habeat ad tollendam sitim hominis. 259. a. b. Gratia Dei quomodo tol-

lat sitim in æternum. 260. b. Gratia Dei quid sit hic. c
Gratiam Dei homo ex se non habet, sed à Deo factus est illius capax. 336. b. Gratia vt conseruetur tum humanis tum diuinis auget fomentis. c. Gratia Dei à vana gloria interiori custodienda est, exteriori tamen alijs præluere debet. 337. a
Gratiam pro gratia nobis dari quid significet. 101. c. Gratia est donum voluntariè, gratuitèque datum. 102. b. Significat quamdam gratiæ vniuersitatem. 103. a. Gratia quot & quanta præbeat hominibus beneficia. 105. b. Gratia Dei non tollit liberum arbitrium. 109. a

Gratia Christo data quomodo sit infinita. 237. a. b. Gratia Christi triplex data est, vniōis, habitualis, & capitis, gratia vniōis est infinita terminatiuè. c. Habitualis & capitis quomodo sit finita vel infinita. 238. a. Gratia Dei præueniens in Samaritana ostenditur & aliis. 247. a. Gratia Dei cur sæpe sub nomine aquæ comprehendatur. 252. a

H

Hæretici citra miracula quomodo sint ab Hæresi reuocandi. 287. a. b. Hæretici dum ex Scripturis contra Catholicos agunt, infulsè agunt. 288. a. Hæretici ab Ecclesia Scripturas acceperunt. b
Hebraica phrasis est, *Quid mihi & tibi est mulier*, & quid significet. 161. b Herodes etsi tetrarcha fuerit, regiæ tamen potestatem similem habuit. 277. b
Homines omnes illuminantur à Deo sufficienter, sed non efficaciter. 60. b. Hominis cognitio triplex est, sensitiva, intellectualis naturalis, & supernaturalis. 147. b. Homo per mundum designatur, & quid sit homo. 117. c
Homi

INDEX ALPHABETICVS.

Homines carnales quàm stultè de viris bonis indicent. 210.b

Hominem non habeo, quot quantique homines dicere possint. 315.a

Iacob non vidit Deum, quâdo cum Angelo locutus est. 110.c. 111.a

Impius omnis cœcus corde est, quid faciet vt videat. 52.b.c

Incarnationis mysterium quibus figuris in veteri testamento adumbratum fuit. 79.c. quibus item similitudinibus à Patribus designetur. 81.b.c.

Similitudo à corpore & animo humano sumpta latius expenditur. 82.a.b.

Similitudo hæc qualia habeat dissimilia. 83.a.b. In Incarnatione octo facta sunt miracula, tria in anima, tria in corpore, duo in coniuncto.c.

84.a.b.

Ioannes Bapt. an priusquam eum baptizaret, Christum cognouerit, nouem sententiæ. 129.b.c. Ioannes non vidit super Christum bis descendisse columbam. 131.b. Auctoris de proposito quaestione sententia. 132.b. Ioannes tripliciter Christum cognouit.c. Ioannes Euang. fuerit sine sponsus in nuptiis in Cana Galilææ celebratis. 151.

b.c. hæc opinio falsa ostenditur. 152.

Ioannes Baptista qualis lucerna fuerit. 1339.a. Ioannes atdebatur tripliciter, b. Ioannis de Christo testimoniū omni exceptione maius quot modis fuerit. b. c. fuit creditus Messias. 340.

a. Christi de eo testimonia duo, b. de Ioanne præclara aliquot Patrum testimonia.c. 341.a.b. fuit Propheeta Altissimi, & multa similia, c. ad lucem eius quomodo Iudæi voluerint ad modicum tēpus exultare. 342.a. Ioan-

nem Iudæi tandem sunt aspernati, & neglexerunt. 343.a

Ioannes Baptista, amicus sponsi, id est,

Christi, cur ei perpetuò non adhæsit. 235.c. Cur se amicum sponsi id est Christi vocauerit. c

Ioannis Bapt. testimonia de Christo cur tam disertè Euāgelistæ exposuerint. 96.a.b. Ioannes quæ de Christo sit potissimum testificatus sunt sex, c. Ioannes quomodo post se venturum Christum dixerit. 97.b. Ioanem quomodo Iudæis in mentem venerit esse Eliam. 118.b. Ioannis sententiam *Cuius ego non sum dignus soluere corrigiam calceamenti*, cur omnes referant Euāgelistæ & quid sit. 121.a. b

Ioannis Baptistæ cur statim in initio Euāgelistæ mentionem fecerit. 132.a.

Cur homo dictus sit. b. Cur dicatur Angelus, & missus à Deo. 134.b. quomodo missus fuerit, & de varia Dei missione. 135.a. de Ioannis nomine. b. per Ioannem omnes credidisse quomodo sit intelligendum. 136.b

Ioanne Euāgelista laudatore ad Ioannem laudandum opus. 1.c. vbi se ipse laudari, maximè, etiam si humanæ laudis esset contemptor. 2.c. Ioannes solus nouit, quantum à Christo amaretur. 3.c. Ioannes antequam à Christo vocaretur, non fuit nobilis nec diues. 4.a. nec item literatus. c. Ioannes an fuerit Christi consanguineus, & primò non fuit filius prioris uxoris B. Ioseph. 6.a. nec filius sororis B. V. Ioannes non fuit Christi cognatus. 7.b. Ioanni cur Christus Ecclesiā non commiserit non fuit cognatio, sed ætas immatura. 8.a. virginem fuisse certissimum. b. Ioannes quæ ætate à Christo vocatus fuerit. 9.

b. non fuit pene puer. c. fuit viginti novem annorum, & mortuus est anno, centesimo, 10.a. Ioannes scripsit Euāgelium reuersus ab exilio, sub Nerua vel Traiano. 11.a. Euāgelium post Apocalypsum scripsisse ex quo loco Apoc. colligatur. 12.a. Euange-

l. 12.a. Euange-

l. 12.a. Euange-

l. 12.a. Euange-

l. 12.a. Euange-

l. 12.a. Euange-

Christi, cur ei perpetuò non adhæsit. 235.c. Cur se amicum sponsi id est Christi vocauerit. c

Ioannis Bapt. testimonia de Christo cur tam disertè Euāgelistæ exposuerint. 96.a.b. Ioannes quæ de Christo sit potissimum testificatus sunt sex, c. Ioannes quomodo post se venturum Christum dixerit. 97.b. Ioanem quomodo Iudæis in mentem venerit esse Eliam. 118.b. Ioannis sententiam *Cuius ego non sum dignus soluere corrigiam calceamenti*, cur omnes referant Euāgelistæ & quid sit. 121.a. b

Ioannis Baptistæ cur statim in initio Euāgelistæ mentionem fecerit. 132.a.

Cur homo dictus sit. b. Cur dicatur Angelus, & missus à Deo. 134.b. quomodo missus fuerit, & de varia Dei missione. 135.a. de Ioannis nomine. b. per Ioannem omnes credidisse quomodo sit intelligendum. 136.b

Ioanne Euāgelista laudatore ad Ioannem laudandum opus. 1.c. vbi se ipse laudari, maximè, etiam si humanæ laudis esset contemptor. 2.c. Ioannes solus nouit, quantum à Christo amaretur. 3.c. Ioannes antequam à Christo vocaretur, non fuit nobilis nec diues. 4.a. nec item literatus. c. Ioannes an fuerit Christi consanguineus, & primò non fuit filius prioris uxoris B. Ioseph. 6.a. nec filius sororis B. V. Ioannes non fuit Christi cognatus. 7.b. Ioanni cur Christus Ecclesiā non commiserit non fuit cognatio, sed ætas immatura. 8.a. virginem fuisse certissimum. b. Ioannes quæ ætate à Christo vocatus fuerit. 9.

b. non fuit pene puer. c. fuit viginti novem annorum, & mortuus est anno, centesimo, 10.a. Ioannes scripsit Euāgelium reuersus ab exilio, sub Nerua vel Traiano. 11.a. Euāgelium post Apocalypsum scripsisse ex quo loco Apoc. colligatur. 12.a. Euange-

l. 12.a. Euange-

l. 12.a. Euange-

l. 12.a. Euange-

l. 12.a. Euange-

l. 12.a. Euange-

l. 12.a. Euange-

l. 12.a. Euange-

l. 12.a. Euange-

l. 12.a. Euange-

l. 12.a. Euange-

l. 12.a. Euange-

l. 12.a. Euange-

l. 12.a. Euange-

l. 12.a. Euange-

l. 12.a. Euange-

l. 12.a. Euange-

l. 12.a. Euange-

l. 12.a. Euange-

l. 12.a. Euange-

INDEX ALPHABETICVS.

- lium quando scripserit. b.c. fuit scriptum Nerua imperante, vel Traiano. 13. b. Ioannes cur post tres Euangelistas Euangelium scripserit. 14. & prima est causa, quia ceteri multa pratermiserunt. c. secunda vt Cerinthi & Ebionis errorem confutaret. 15. a. b. Ioannes & ceteri Euangelistę cum scribunt *post hac*, non indicant temporis cōsequentiam. 197. b. Ioannes extrema commemorat, intermedia relinquens. 298. a.
- B. Ioseph an nuptiis interfuerit, quę in Cana Galilę factę sunt. 156. b. quę ætate fuerit cum B. Virgo ei nupsit. c. non fuit senex. 157. a. B. Ioseph nō habuit aliā ante B. V. vxorē, sed perpetuus virgo fuit. b. a. Iosephus Iudęus exponitur cum dicit Phariseos credidisse metempsychosim. 120. a. Iosephus historicus cur non meminerit miraculi ad piscinā probaticam fieri soliti. 310. c.
- Irenęus ad quinquagesimum annū suę ætatis Christum dicēs peruenisse, unde acceperit. 102. b.
- Iudę tribus mixta cū tribu Benjamin sola ex captiuitate reuersa est. 507. b. Iudę tribus Idololatrię scelere cōaminata fuit. c. Iudęi cur ex patre diabolo nati à Christo dicantur. 508. a. Iudęi quomodo tantum in ætate Christi aberrauerunt, vt Christum quinquagesimum ætatis annum attigisse dixerint. 516. c. Iudęi cur Christum lapidare voluerint, cum dixit, *antequam Abraham fieret ego sum*. 518. c.
- Iudęi, quibus rationibus citra miracula ad Christi fidē adduci possint 285. a. b. Iudęorum reprobatio, & reiectio est signum veritatis Christianę. c. Iudęorum istud perpetuum exilium, & calamitates ipsorum, atque miserię, quę non aliam ob causam, quā propter veri Messię cēdem eis obrigerūt, non possunt non eos ad fidem addu-
- cere*. 286. a. b. Iudęi occidendo Christum, si is non fuisset verus Messias, magnam apud Deum gratiam iniissent, at contrarium accidit, ergo is erat verus Messias, & pro tali eum debent recognoscere. b. c. Iudęi quomodo cognouerint Christum se facere Dei filium, & Deum. 320. 1. a. & in hoc fuerunt intelligentiores, quā Ariani. b. Iudęi Pseudochristos multos receperunt. 349. c.
- Iudęi cur in tāta luce, quā Christus attulit, caligauerint & sint obtenebrati. 52. b. c. Iudęi cur filij Dei sint dicti, & *primogeniti*. 70. b. Iudęorum legatio ad Christum non in Christi inuidiam facta est, sed alia de causa. 117. c. Iudęi in hoc valde hallucinabantur. 118. a.
- Iudęi quomodo non haberent peccatum, si cæci essent. 538. e. Iudęorum peccatum incredulitatis est prorsus inexcusabile. 539. a.
- Iudęi cur Ioannem Bapt. Eliam esse putauerint. 120. c.
- Iudęi Christum de Magia suspectum reddere volebant, ob doctrinam nemine docēte comparatam. 468. a. Iudęi resutantur. b. Iudęi quomodo Christum scirent, & non *scirent*. 473. a. Quę de illo ignorauerint. c. eorum impudens mendacium. 501. b.
- Iudęi Christum post mortem quęsaturi dicuntur malo animo ad ipsum *persequendum*. 475. b. vel etiam quęsierunt, quando tempore excidij eius auxilium implorārūt. 476. a. vel quęsierunt, quando ad eum cōuersi sunt. b.
- Iudęi cur per omnes mundi plagas dispersi sint. 356. c. Iudęi Messiam regē futurum temporālē sperabant. 378. a.
- Iudęi serui erant Romanorum, quādo cum Christo loquebantur. 501. c. quot postea gentibus & populis eorū maiores seruierint. 501. a.

Iudas

INDEX. ALPHABETICVS.

Iudas an fuerit electus à Christo, & quomodo partim fuerit, partim non. [459. a. b.](#) Iudas verè electus à Christo ad Apostolicam dignitatem. [460. a.](#) Iudas quomodo à Christo diabolus sit vocatus. [461. a. a. b.](#) Iudas an tempore electionis bonus fuerit. c. Probabilius est fuisse bonum. [462. a.](#) Iudicium Dei duplex in morte & post conflagrationem mundi, vtrumque exercet Christus. [348. c.](#) Iudiciaria potestas Christo homini cur data sit. [334. c.](#) in Iudæe, vt perfectè suo munere fungatur, tria requiruntur, quæ Christus habuit. [331. b.](#) Iudicium duplex est discussionis & retributionis vnum, & alterum discretionis. [337. b.](#) Iudicium illud non venit facere Christus, sed hoc posterius c. Iudicium etiam Dei Patris sententiam & decretum Christus venit facere manifestum. [338. a.](#) Iudiciũ hoc quale sit. [b.](#) Iustitia Dei seuerissima in peccatores plurimum valet ad eos trahendos [408. a.](#) & iustitia benignissima benefacta remunerans. [b.](#)

L

Laborandum nobis est, si diuinum cibum percipere volumus. [385. b.](#) Laborandum Christiano manibus suis ad viuendum. [387. b.](#) Laurentius Valla nostrum interpretem malè redarguit. [90. a.](#) Libertas humanæ voluntatis, neque ad malum, neque ad bonum cogitur. [313. b.](#) Libertas vera duabus in rebus consistit, si neque tu seruiaris, neque maiores tui. [501. b.](#) Libertas hominis sextuplex est, & quæ illa sit. [504. c.](#) [505. a.](#) Libertas spiritus & gratiæ, quæ, & qualis sit. [505. b.](#) Libertas filiorũ Dei quæ sit. [c.](#) Lucernæ tredecim proprietates, quæ ad hominem respectu gratiæ Dei ac-

commodari possunt. [336. b. c.](#) Lucernæ quatuor necessaria sunt, vt bene luceat. [337. a.](#) Lucernæ cur Ioannes Baptista similis perhibeatur. c. Lucernæ vsus & vtilitas quibus modis mysticè à Dauide sit expressa. [338. b.](#) Lucernæ quædam nec ardentes, nec fœtentes. [c.](#)

Lutũ ex suo sputo cur Christus facere voluerit, & quid hoc sputum designauerit. [132. a.](#) Luto ad sanandos oculos cur Christus vti voluerit. [c.](#)

M

Macedoniani quomodo peruerterent illa verba, quod factum est in ipso. [39. b. c.](#) & Manichæi. [40.](#) Vtraque lectio, & intentio horum hæreticorum arguitur. [b. c.](#)

Maldonati interpretatio horum verborum, *Spiritus ubi vult spirat*, auctori maximè probata. [211. a.](#)

Malitia quorundam quomodo naturalis dicatur. [512. a.](#)

inter Manna & panem, quem Christus Iudæis daturus erat, multiplex differentia. [392. b. c.](#) Manna dictum est panis Angelorum: sed Eucharistia ratione potiori sic dicitur. c. Manna fuit tantum figura Eucharistia. [393. b.](#) Manna non seruabat à morte comedentes, Eucharistia sic. c. Manna fuit viaticum in peregrinatione: Eucharistia tum viaticum est, tum in altera vita [præmium. 394. b.](#) Manna supplebat defectum cibi, Eucharistia, & cibum & potum suppeditat. c. in Manna multa fuere miracula: in Eucharistia plura, & maiora. [395. b.](#) Manna habuit omnem saporis suauitatem, sed probis tantum, non improbis. c. Miracula [alia. 396. a. b.](#) Eucharistia quot & quanta continet miracula. [397. a. b.](#) Manna in deserto qui manducauerunt mortui sunt, de quibus hoc in-

INDEX ALPHABETICVS.

- telligatur.** [412.a.b.](#) Caietani interpretatio & Auctoris. [413.a.b.](#)
- Maria V.** nullū profusus in tota vita peccatum **habuit.** [159.](#) a. M. V. quando Christus locutus est, *Quid mihi & tibi est mulier*, quid voluerit significare, quatuor modis ostenditur. [c.160.a.](#)
- Maria virgo** cur dicatur Dei mater, licet corporis tantum substantiam præbuerit. [82.](#) c. contra M.V. tres errores mali ex illis verbis, *Quid mihi & tibi est mulier*, breuiter arguuntur. [157.](#) c. an in illa fuerit aliqua iactantię labes, dum Christo dixit, *vinum non habent.* [158.b.](#)
- Matrimonij** tres dies siue tempora, & quę sint illa. [147.](#) c. **Matrimonij** tria bona, fides, proles & sacramentum, quibus personis signata sint. [153.b.](#)
- Messias** secundum sex etas notus Iudæis, & quę illa fuerint. [474.a.](#) & secundum alia erat iisdem ignotus. [c.](#)
- Messis** quando fieret in Palæstina, & quid per messem designatur. [272.b.](#)
- Messis** nomine vtriusque aduentus Christi tempus rectè designatur. [273.](#) a. Messores triplicem mercedem recepturos esse, quomodo Christus indicauerit. [c.](#) Messores & seminantes cum diuersi esse dicantur, quinam sint hi iuxta nostrum **Irenæum.** [274.c.](#)
- Metreta** vini mensura capiebat duodecim congios, & cōgius sex sextarios, sextarius vnam foglietam, & quintam partem illius. [164.c.](#)
- Miracula** sunt sigilla, quibus doctrina, quę prædicatur, ostenditur esse vera. [190.](#) c. Miracula quę facta sunt à Christo, non per aliam, quàm per Deipotentiam fieri **potuerunt.** [191.b.](#)
- Miracula** Christi impij homines quibus causis tribuerunt. [c.](#) Miracula Christi vera fuerunt, eorum testimonio qui ea **viderunt.** [192.](#) b. Non fuerunt facta Dæmonum artificio, & machinamentis. [c.](#) Non fuerunt virtute naturali perpetrata. [193.](#) a. Miracula Christi sine infinita Dei potentia fieri non potuerunt. [c.](#)
- Miraculum** maximum est conuersio totius mundi facta per homines imperitos, & ignaros. [189.a.](#) sine Miraculis mundi conuersio facta non est, aut hoc, si sine miraculis factum est, miraculum est. [b.](#)
- Miraculum** Christi primum, an illud fuerit, quod in Cana factum est. [169.](#) b. c. Non fuit primum absolute, sed ratione eorum, quibus gloriam suam manifestauit. [168.a.](#) Miracula Christi nō debuit facere in infātia, & pueritia. [b.c.](#) per Miraculū hoc quā gloriam suam Christus manifestauerit. [169.a.](#) **Miracula Christi** mouerunt Apostolos, vt Christum sequerentur. [171.b.](#)
- Miracula** Deus solet facere vno potius in loco, quàm in alio. [307.](#) b. Miracula multa ab alijs Euangelistis prætermissa Ioannes refert. [310.b.](#)
- Miraculum** quinque panum quo tempore sit factum. [364.](#) a. hoc Miraculū cur Ioānes copiose exponere voluerit ab alijs antea expositum. [b.](#) in Miraculi huius expositione inter Euangelistas sextuplex **varietas.** [366.a.](#) octo dissonantię, quę inter Euangelistas **reperiuntur.** [367.](#) b. Miraculum quinque panum fuit diuersum à miraculo septem panum. [369.](#) b. sine Miraculo panū quomodo potuerit Deus famitatorum virorum succurrere. [373.c.](#)
- Mors** Christi varijs nominibus in Scripturis dicitur. [467.b.](#)
- Mortui** quomodo vocem Christi audiant. [331.c.](#)
- Mosaicę & Christianę legis** differētia. [231.](#) c. Mosaici & Christiani cultus quatuor differentię. [263.a.](#) Sub Mose erant aliqui Christianizantes, vt sub Christo aliqui sunt Iudaizantes. [265.c.](#)
- inter Mosem & Christum, antithesis præla

INDEX ALPHABETICVS.

præclara, quæ Christi excellentia demonstratur. 103. c. inter Mosaicam & Evangelicam leges quæ sit differentia. 104. b. Moyses legis veteris promulgator fuit, Christus nouæ auctor, & largitor. 105. c. Mosem vidisse Deum qui Partes scribant. 107. c. Qui dicant non vidisse. 108. b. c. quæ sententia ab Auctore probatur. 109. a. b. Moses non vidit Deum in mente. 110. a. Quomodo Deum vidisse dicatur.

112. a

Moses Iudæorum accusator futurus est, eo quodd in Christum credere noluerint. 351. a. Moses varijs modis de Christo testificatus est. b. in quibus ipse eum præfiguratus est. c. Mosi de Christo vaticinia. 312. b

Multiplicationes rerum septem factæ in Scriptura memorantur, & quæ sint illæ præter multiplicationem panum. 371. a. b. inter multiplicationem panum & S. Eucharistiam, quæ sit proportio & conuenientia. c. Multiplicatio quinque panum quomodo sit facta. 374. b

Mundi nomine cur homines Euangelista significauerit, dicens, *Sic Deus dilexit mundum*. 118. b. Mundum cur Deus diligere dicatur, cum Scriptura vetet illum diligere. c. Mundus tripliciter in Scriptura dicitur. a. Sumitur pro Prædestinatis. 129. a

Mundi & Dei in proponendis huius vitæ bonis & malis quanta sit differentia. 166. c

Mysteria sua solebat Christus prædicere, ac prænunciare. 415. b

N

Nasci ex Deo quod sit, & quibus in rebus consistat hæc natiuitas. 70. a

Nascitur homo flens, nudus, & curuus, & quid hoc significet. 196. a

Nathanael an fuerit ex Christi discipulis vnus, præcisè id negat August. 136. b. Affirmat Rupertus c. Rationes quæ

probant hunc fuisse Apostolum & eundem, qui Bartholomæus dictus est reijciuntur. 135. b. c. Nathanael non fuit ex numero Apostolorum. 138. c. idè nō est, qui Bartholomæus dictus est. 139. b. An fuerit de numero septuaginta duorum discipulorum dubium est. 140. a

Nestorij erroris fundamentum quale sit, & euertitur. 87. a. b

Nestorij argumentum duas personas in Christo asserentis, dissoluitur. 437. b

Nicodemus sex maxime in rebus insignis fuit, & memorabilis, & quæ illæ fuerint. 187. b. c. Nicodemi nomine Euangelii quoddam euulgatum fuit, & Christi causâ martyr occubuit 188. a. ad Christum cur Nicodemus noctu venerit. b. Nicodemi hæc verba, à *Deo venisti magister*, nouem res de Christo continet, & quæ illæ sint. 189. a. b. Nicodemus quædā à Christo percunctatus est, priusquam illū de Baptismo Christus instrueret. 194. b

Nihil tripliciter in Scriptura sumitur. 37. c

Nisi particula frequenter à Christo usurpata ad ostendendam rei necessitatem. 195. a

Nominis impositio à Deo variè facta. 135. b

Nuptiæ quæ in Cana Galilææ sunt celebratæ, à qua tertia die factæ fuerint. 146. a. b. Illius diei mystica interpretatio. 147. a. b. Nuptias spirituales quomodo Christus cum homine tertia die faciat. c. Nuptiæ in Cana Galilææ quo anno & tempore sint celebratæ. 151. b. nuptiis his cur Christus interesse voluerit. 153. a

O

Opera Dei miris modis manifestata sunt, & primò per creationem rerum omnium. 129. a. deinde in punitione Angelorum & hominum, &

A a a a i

INDEX ALPHABETICVS.

- deinceps in multis aliis. b.c. Operum Dei manifestatio coniuncta semper est cum Dei gloria, & cum hominum honore, vel etiam malo. 530.b.O. Operum Dei manifestatio comprobatur veritatem doctrinæ, quæ quis prædicat. c
- Opera bona veritatem Christianæ doctrinæ maximè ostendunt.
- Opus Dei in Scriptura nominatum est quadruplex: & primum est generis humani redemptio. 390. b. alia Dei opera. c
- Opus Dei, quod Christus perficiendū venerat, quodnam sic. 271.a. fuit manifestare mundo veritatem Dei, & saluare homines per suam mortem. b. Opus prædicatorum quale esse debeat. c. Opera ordinaria facit Deus per causas naturales, extraordinaria, per supernaturales. 302. b
- Origenis error Ioānem Baptistam cum Christo incarnatum, Angelum fuisse 53.c. reijcitur hic error, & probatur Angelum non posse incarnari. 54. a. Origenis error animas in cælo peccasse, & propter peccatum in corpora fuisse detrasas, vnde sumptus. 63.b. refutatur. 64.b. c. & deinceps.
- Origenis error filium Dei non videre Dei essentiam reijcitur. 112.c. 113.a
- P
- P**anis in Scriptura quadrupliciter memoratur. 372.c. Panis benedictus in quibusdam Ecclesiis datur. 273.a. Panis hotdeacei tria miracula in Scriptura narrata. 376. a
- Panem Christi qui manducat, quomodo non moriatur. 413.c. Panis qui datur in Eucharistia, an sit corpus Christi. 420. c. Panis quomodo verè dicatur esse corpus Christi. 421. b
- Panem fore Christi corpus Carpharnatæ intellexerunt. 421. b. si in hoc errassent Euangelista, vel Christus eos correxissent. c
- Paralytici curatio ad piscinam, quando facta sit. 294.c. hæc curatio quonam die festo acciderit, an Pentecostes. 296. a. vel in festo renouationis secundi templi. b.c. fuit in festo Pasche. 255. a
- Paralyticus quot annis infirmus fuerit, & quid designet. 311. b. Hunc cur Christus potissimum curandum delegerit. 312.a.cum cur Christus interrogauerit, an sanari veller. c. patientia eius & modestia commendatur. 314.a. Paralytici. verba exponuntur. c
- Passionis Christi expressissima figura Serpens in deserto eleuatus. 217. a. Passiōe Christi quomodo serpens æneus representatur. b
- Patris & Filij vna & eadem potentia est, & voluntas. 323. b. Patrem facere ea, quæ similiter Filius facit, quid sit. 323. b. Pater & Filius quomodo cōcurrant ad vnum, eundemque effectum. c. Pater quomodo omnia Filio demonstraret. 324.b. Pater Filio quomodo sit maiora demonstraturus. 325.a. Pater quæ maiora Filio sit demonstraturus. 326. a. Pater non indicat quemquam iudicio visibili, sed inuisibili omnes. 328.b
- Patrem esse substantialiter in Filio, & proinde Filium Patri esse consubstantialem, vnde probetur. 450.1. b. Pater habet vitam diuinam substantialiter in se, & Filius habet vitam diuinam propter Patrem. c. Patris & Filij vnio qualis sit. 451. b
- Pauli vocatio verè dici potest tractio ad Christum. 405.b
- Paulus Samosatenus quid de Christi diuinitate senserit, & vnde suum errorem sumpserit. 333.b. Refellitur. c
- Paupertas Christi & discipulorum eius, & necessariorum eius incuria. 248.b
- Peccans omnis ignorans est, & hominē exiit

INDEX ALPHABETICVS.

exiit. [314.b](#)
 Peccata magna magna Dei misericordia indigerit. [311.c](#). à peccato surgere quid sit. [316.b](#)
 Peccata mundi, quæ Christus sustulit, quæ sint. [128.b](#). Peccatum originale est totius mundi peccatum. [c](#)
 Peccati seruus sex modis aliquis, qui in peccato est, dici potest, & qui illi sint. [503.a.b](#). Peccati seruitus omnia habet, sed grauiora, quæ insunt in ciuili seruitute. [c.504.a](#)
 Peccatores Deum non exaudire an verum sit. [55.b](#). Peccatores quibus modis Deus exaudiat. [c](#). Peccatores an & quomodo signa & miracula facere possint. [536.b](#)
 Peccatum affert homini quadruplicem scilicet spirituale. [559.c](#)
 Per, præpositio, quatuor modis sumitur. [32.b](#). Quomodo sumenda sit cum dicitur, omnia per ipsum facta sunt. [33.b](#). Per, præpositio, significat causam principalem, & tribuitur Patri. [c](#). Per Verbum cur omnia dicantur facta non per Patrem, vel Spiritum S. [34.a.b](#)
 Petri nomen quando fuerit ei à Christo impositum. [134.b](#). ei fuit primum inditum, quando id Ioannes scripsit. [c](#). Petrus & Andreas sæpius vocati à Christo leguntur. [140.b](#). quæ certa in his sint. [c](#). Ter sunt diuersis temporibus à Christo vocati secundum quosdam. [141.b](#). bis tantum vocati sunt [142.b](#)
 Petri confessio de Christo duplex fuit, sed cur vni datum est præmium, alteri non. [457.c](#). Non fuit, quia alia fuit prior, hæc posterior, sed quia maiori deuotionis sensu prolata est. [458.c](#)
 Philosophi gentiles habuerunt puteos, sed adumbratæ veritatis, non aquæ viuæ; quod de præcipuis ostenditur. [246.b](#). habuerunt cisternas dissipatas. [c](#)
 Philosophi quibus in questionibus na-

turalibus muti planè sint. [425.b](#). Philosophorum ignorantia duo sunt per fugia, & quæ. [426.c](#)
 Plato tres Deos distinctos posuit, Patrem, [157.m](#), & omnia mundi. [19.a](#)
 Plenum gratia & veritatis, non ad Ioannem, sed ad Verbum est referendum. [92.b](#). Plenum gratia & veritatis cur Verbum dicatur. [c](#). Plenitudo alicuius rei dupliciter attendi potest, quo duplici modo Christus habuit gratia plenitudinem. [93.b](#). Plenitudo gratia fuit Christo propria, nec alijs est comunicabilis. [94.c](#). Plenitudo gratia triplex est, sufficiens, superabundans, & superfluens. [100.b](#). De plenitudine eius, quam vni hic habere præpositio, de. [c](#)
 Pœnitenti duo sunt necessaria, odium vitæ præteritæ, & sanctæ postmodum vitæ desiderium. [313.a](#)
 Pœnitentiæ sacramentum per aquæ turbationem designatur. [305.b](#)
 Potentia credendi triplex, & quæ illæ sint. [399.a](#)
 Prædicator in loco vbi contemnitur, cur prædicare non debeat. [276.c](#)
 Prædicatores magnam in victu, & vestitu comoditatum despicientiam præ se ferre debent. [375.c](#)
 Principium significationes plurimas habet, sed duas præcipuè. [b.c](#). Præcipua est, qua principium pro initio durationis qualiscunque ea sit, sumitur. [7.b](#)
 Principium qui & loquor vobis variæ expositiones, & prima Ambrosij. [493.b](#). Alia Augustini horum verborum interpretatio. [498.a](#). Erasmi in hanc interpretationem censura reprehenditur. [c](#). Principium dupliciter dicitur in Theologia, ad intra, & ad extra [499.a](#). Horum verborum græca lectio quæ sit, & eius expositiones. [b.c](#). prima est expositio Euthymij. [500.a](#). aliæ duæ expositiones. [b.c](#)
 Probatica piscina vnde dicta sit. [298.c](#). Proba

INDEX ALPHABETICVS.

- Probatia nomen est adiectiuum, & cur dicatur piscina, cum in ea non essent pisces. 199.a. Probatia piscinae descriptio ex Brocardo. c. Piscinae multae fuerunt Ierosolymus. 300.a. circa Piscinam iacētes ægroti describuntur. 301.b. sex res in illa Piscina mirabiles fuerunt. c
- Prophetæ intellexerunt ea, quæ ab illis prædicta sunt. 214.a
- Prophetæ qui Iudaicum populum excoluerunt, cur in eo excolendo plurimum elaborauerunt. 275. a. b. Prophetarum labor, & si maior fuerit, quam Apostolorum, non ideo tamen illi maius præmium reportarunt. c. Prophetæ cur in patria sua minùs quàm alibi honoretur. 276.a
- Pueri nomen nō semper puerilem aetatem denotat. 368.b
- Puteos habuerunt philosophi gentiles, sed adumbratæ veritatis. 246.a.b
- Pythagoras & Socrates nihil litterarum monumentis mandarunt. 358.b.
- Q**uadragesima annos habere, vel quinquagesima an Christum Iudæi dixerint. 516.a
- Quasi & tamquam, non similitudinem, sed rei veritatem indicant. 96.b
- Quomodo fieri potest, etumpit statim atque cogitatio incredulitatis mentem subit. 423. b. Hæc vox omnia Christi miracula euertit. c
- R**egeneratis ex Spiritu licere facere, quodcumque voluerint error, vnde sumptus sit. 212. c. Regenerati, ex Spiritu non indigere magisterio alterius, sed per se Scripturas intelligere, alter error est ex eodem loco sumptus. 113. a. confutantur. b.
- Regis titulum in Cruce cur Christus nō refugerit. 378.c
- Regnum Dei videre, & regnum Dei intrare idem sunt, & quid sit Regnum Dei quatuor expositiones. 200.b. Regnum Dei duplicem habet statum, vnum in hac, alterum in altera vita. 201.a
- Regulus G. βασιλευς, vel vt nunc legimus βασιλεύς, apud Ioannem quid significet & cur sic dictus sit. 277. a. b. An fuerit gentilis, & dicitur fuisse Iudæus. c. Illi facta increpatio ad quos pertineat. 278.b
- Religio Christiana quæ & qualia doceat rationi maximè consentanea. 283.a. eius summa honestas, & cōgruentia cum recta ratione. b. reddit eos, qui eam externis gentibus prædicant, & amabiles, & admirabiles. c. Religionis Christianæ mysteria fuisse à Prophetis Iudæorum, & variis gentiū Sybillis prædicta quantam vim habeat, ad eius veritatem ostendendam. 284.b. Religionis Christianæ magna est cōfirmatio testimonio Spiritus S. quod in corde hominis iusti facit. 290.b
- Res vna sit alia cū sui mutatione quinque modis, & qui sint illi. 71. b. & quatuor modis vna res sit alia sine vlla sui mutatione, & qui illi. c
- Resurrectio quædam particularis mortuorum à Christo facta est, generalis fiet. 331.b
- Romani in cōiuiis eos, qui sibi erant carissimi iuxta collocabant. 116.a
- Romanorum in cōiuiis mos fuit in lectis pedibus bene lotis accumbere. 125.a
- S**abbati violationem, quibus modis Christus à se depulerit. 328. b
- Sabbato etiam Deus operari probatur à Chri

INDEX ALPHABETICVS.

- Christo: c. Sabbati obseruationis quæ sit vera intelligentia. [319.a](#)
- Per Samariam cum Christus iter haberet, duo contigerunt memorabilia. [467.b](#)
- cum Samaritana cur tam blâdè Christus locutus sit, qui tam duriter cum Chananaea locutus est. [247. b.](#) ab ea cur Christus potum petierit. c. cum Samaritanis, cum vetuerit Christus discipulis habere commercium, cur illi in eorum ciuitatem ingressi sint. [249. b.](#) Samaria vnde dicta, & qui eam habitauerint. c. Post captiuitatē decem tribuū, qui eam habitauerint. [250. a.](#) corrupti fuerunt multis erroribus. b. Samaritanos cur Iudæi oderant, & dicuntur esse octo causæ. [c](#)
- Samaritanorum & Iudæorum magna fuit de templo altercatio, & quinam illud verum templum possiderent. [251. b.](#) ad Samaritanos transfugerūt, quotquot ex Iudæis scelera commiserant. c. Samaritani Christi tempore ad fidem, & religionem propensiores fuerunt. [252. a](#)
- Scientia certa Dei futurorum conditionalium ex quo loco colligatur. [378. c.](#) Scientiam acquirendi triplex est modus, & Scientiam multi acquisierunt, sine doctore & magistro. [468. b. c.](#) Scientia rerum diuinarum varijs modis haberi potest, & quibus. [469. a](#)
- Scripturæ diuinæ mos est vñ miraculū per aliud probare. [454. c.](#) Sicut dicit Scriptura, &c. hoc vbi in Scriptura habeatur, & primo Chrysostomi sententia. [479. a.](#) aliarū sententiæ Caietani, & Hieronymi. [b. 480. a.](#) reiciuntur. [b](#)
- Scripturæ hæc verba, *Flumina de ventre eius fluent aqua viua*, non haberi in tota Scriptura est Iansenij sententia. [481. a.](#) Quæ autem per eum Scripturæ loca delignentur. [b. c](#)
- Scripturæ à litterali sensu discedendum, non est, nisi manifesta obftet falsitas, aut absurditas. [415. a.](#) Scripturæ litteralis sensus quis censendus sit. [416. a.](#) in Scriptura præcepta quodque dantur singulis & omnibus, & quædam communitati, sed non singulis. [435. b](#)
- Scrutari Scripturas an Christus Iudæis præceperit, vel indicauerit. [343. b.](#) Scrutari Scripturas maius quiddam est, quàm legere, vel enoluerē, & quid sit. [344. b.](#) Scrutatio Scripturæ multiplex & varia. [346. b.](#) Scrutatio Scripturæ vana, & diabolica quæ sit. [347. b.](#) Scrutatio Scripturæ bona & utilis quæ sit. [c](#)
- Scriptura est perobscura, & multa indiget perscrutatione. [344. c.](#) Scripturæ insigniores, quæ de Christo testimonium perhibent. [435. a. b. c. 346. a. ad](#) Scripturas intelligendas diuina illuminatione opus est. [344. c.](#) Scripturis quomodo sit studendum, aliisque scientijs. [348. b. c.](#) Scripturis nullū est valentius argumentum tam contra Iudæos, quàm contra Ethnicos. [366. b](#)
- Serpentum poena cur Deus in deserto Hebræos afflixerit. [217. c.](#) Serpentes illi quomodo igniti fuisse dicantur. [218. b.](#) Serpentum plagas cur Deus ad specu serpentis sanare voluerit. c. Serpentem æneū cur Deus voluerit fieri. [219. b.](#) Quatuor ob causas Christi passionem hic serpens representabat. c. Cur Serpens in deserto exaltatus fuerit. [220. a.](#) Serpentem æneum pro signo cur Deus poni voluerit. c. a. Serpentibus perculosos cur Deus voluerit Serpentis ad specu curari. [221. b.](#) Mosi à Serpentibus cæci aliqui an fuerint. c. Serpētem cur Deus ex ære, non ex auro fieri voluerit. [222. b.](#)
- Serpentem cur vñ tantum Deus fieri voluerit, non plures. [222. c.](#) Serpentis mysterium, id est, Christi passionem illo serpente præfiguratam, an Moses intellexerit. [225. b.](#) Serpens Mosai.

B b b b

INDEX ALPHABETICVS.

- cus tribus maximè in rebus Christū præfigurauit. 224. in alijs rebus diffimiles. c
- Sic particula, cum dicitur, *Sic Dem dilexit mundum*, quid denoter, 226.a
- Sichem ciuitas ab Herode amplificata in honorem Augusti Sebaſte appellata est. 242.a
- Sicut, particula per Hebraiſmum non habet coniunctam particulam sic, vel ita, quæ tamen intelligitur. 448.b
- Sicut, particula aliter cum de diuinis personis agitur, sumitur, & aliter cum de creaturis, vel inter se, vel cum Deo comparatis. 326. b. c
- inter Signa & prodigia an aliquod sit discrimen. 278. c. tale discrimen in Scriptura non habetur. 279.a
- Signandi res triplex est apud homines ratio. 388. 1. a. Signatus est Christus à Patre septem modis, & qui illi ſint. b. c
- Siloë fons vbi eſſet, & vis aquarum illius fontis, & quanta ſint in veneratione aquæ illius fontis apud Turcas & Saracenos. 533. b. Siloë cur Ioannes adiunxerit, quod interpretatur *Missus*. 534. a. Siloë fons vnde originem habuerit. b.
- in Siti corporali ſex res inueniuntur, & quæ illæ. 257. c. Sitis duplex est, bonorum temporalium & æternorum, & illa etiam triplex est, & hæc quintuplex. 258. b. c. Sitis quid ſit apud Ioannem, quam gratia extinguit. 261. a
- Spiritus, id est, venti quinque proprietates, quomodo conueniant Spiritui S. 207. b. 1. item 208. a. b. Spirituali viro adaptantur proprietates, quæ conueniunt Spiritui S. 209. a. b. Spiritum quomodo non dare ad menſuram Deus dicatur: idque duobus modis exponitur. 236. a. hoc de Christo intelligitur. c. Spiritus est Deus, & ſic ſpiritali potiùs, quàm corporali cultu delectatur. 266. a
- Spiritui S. quomodo illud, *ſed quacumque audiet, loquetur*, poſſit accommodari. 10. b. c. Spiritus an pro vento hic ſumatur, *Spiritus vbi vult ſpirat*, vel pro Spiritu S. 202. b
- Spiritum S. Christus dedit Apoſtoliſ poſt aſcenſionem, tribus modis, quibus antè non dederat. 482. a
- Spiritus vbi vult ſpirat*, tres venti hîc proprietates designantur. 203. a. Spiritus quinque aliæ proprietates, vt pro vento ſumitur. 204. b. Spiritum non ſumi hîc pro vento, quæ rationes probent. c. ſed *refelluntur*. 205. a. Qui hæc verba de Spiritu S. interpretantur. c. Spiritus S. proprietates his verbis explicatæ. 206. a. b
- Sponſalitij Christi & Eccleſiæ quæ ſint in Scriptura figuræ, & quot. 235. a
- Studentium quinque ſunt genera ex D. Bernardo præclare. 348. c

T

- T**Abernaculum ſæpe pro corpore humano uſurpatur. 86. c
- Talenti valor varius fuit ſecundum diuerſas regiones. 172. c. Talentum apud Hebræos duplex, vnus ſanctuarij, alter communis. 173. b
- Tempeſtatis ſedatæ miraculum idem est, quod Ioannes & Matthæus, Marcuſque commemorant. 374. c. diuerſitas narrationis non facit diuerſitatem miraculi. 780. a. b. Sodatæ tempeſtatis miraculum, multis alijs fuit coniunctum. b
- Templum Ieroſolymitanum ter fuit diuerſis temporibus conſtructum, & primò à Salomone. 171. c. Templi Salomonici conſtructio qualis, & eius magnificentia. 172. c. Expensæ quibus hoc templum factum est. 173. a. Templum Salomonicum quamdiu ſteſcit. 174.

INDEX ALPHABERTICVS.

- rit. 174. a. Templum Zorobabelis quor annis constructum fuerit, & de eo verum est quod dicunt Iudæi. 175. c.
- Templum Zorobabelicū quamdiu steterit, & quantæ in eo impensæ factæ sint. 175. b. c. Longè fuit inferius templo Salomonico. 176. a. Aggæus cur prædixerit secundi templi maiorem futuram gloriam, quàm primi, de hoc, Hebræorum commenta. b. c. Templum secundum ab Antiocho profanatum. 175. a. b. eius gloria, qua præcessit primum, fuit quia Christum recepit. c. Templum Herodis quando constructum, & eius magnificientia. 178. b. Hoc templum non fuit nouum, & diuersum à secundo templo. 179. a. quamdiu steterit. b. ad instar huius templi secundi quomodo Christi corpus dicatur formatum esse quadraginta sex diebus ab Aug. 180. a. b. Templum Deo gratissimum animus humanus est. 266. b. in Templo fuit magnus fons, & sub terra magna aquarum receptacula. 300. b.
- Tenebras quid vocauerit S. Ioannes scribens, & lux in tenebris lucet. 42. c. Intellexit homines præcipuè, qui peccatis detinentur. 50. b. vel etiam Iudæos perfidos, quos Christus doctrina sua non illuminauit. 41. b.
- Trahi verbum duo denotat, & gratiam præuenientem, & efficaciam. 403. c. Trahi quis potest non inuitus, sed volens, maximèque cupiens tractione corporali. 404. b. Trahendo Deus facit ex nolente volentē. 405. a. Trahit peccator carnem suam rebellem, & inuitam ad Christum. c.
- Trahitur homo à Deo, & à creatura diuersimodè. 406. b. Tractio à creatura infallibilem effectū non habet, Deus autem effectiuè & obiectiuè trahere potest. c. Trahit Deus visus hominem ad se in altera vita necessariò, in hac vita non, sed solū amoris fomentis. 407. a. b. an qui à Deo non trahitur, sua culpa non trahatur. 409. b. Tu si non traheris, cura vt traharis Aug. responsū.
- Trahitur homo à Deo ad Christum, sed præcedentibus aliquibus motibus. 410. c. Quomodo quis fiat idoneus, vt trahatur ex illis motibus, per gratiam præuenientem excitatis. 411. a.
- S. Trinitatis opus est tractio ad Christū, Patri tamen tribuitur. 400. c.

V

- Venite Christum in nomine Patris quid sit. 349. c.
- Venire in mundum, & exire de mundo quid sit. 62. b.
- Venire in hac Christi sententia, nemo potest venire, & c. denotat libertatem arbitrij. 399. c. Venire ad Christum quatuor modis homo dicitur, & quibus. 400. a. Veniens ad Christum homo aliquid in se inuoluntarium patitur. 404. c.
- de Verbo Dei quæ tradit Ioannes in 1. cap. sex sunt, & quæ illa. 4. c. de Verbo Dei Philosophi qui scripserint D. Ioannis Euangelio consentanea. 5. a. Amelij verba de Deo Verbo ex Ioāne transumpta. c. Verbi Dei æternitas quomodo in Scriptura declaretur. 8. b.
- Verbum cur Ioannes in principio Euangelij potiùs nominauerit quàm filiū. 21. a. b. Verbum erat apud Deum, his verbis sex denotatur, & quæ illa sūt. 21. a. b. Verbum est diuina persona per se subsistens. c. Verbum est distincta à Patre persona, & non confusa. 21. a. Verbum cum dicitur esse apud Patrem, vel cum, vel in, vel ex, vel de & similibus, quàm vim habeant hæ præpositiones. 21. b. c. Deus erat Verbum. Verbum est subiectum, Deus prædi-

INDEX ALPHABETICVS.

eatur. 14. c. Verbum seu Filius quādo Deus dicitur, præpositum habet articulum quādoque. 16. a. Verbi Dei cum Parte cōiunctio, quomodo eterna fuisse declaratur. 18. b. Verbum Dei factum nō est. 31. c. per Verbum quando omnia facta dicantur quinque documenta extrahuntur & quæ illa. 38. a. b. Verbum est verus Deus. c. de Verbo cur potius dictum sit *erat*, quā *fuit*, *vel est*. 10. c. Verbi æternitas quater per Verbum *erat* indicata est contra errorem Arii, & Photini. 11. a. Verbi æternitas etiam per verbum *fuit* & *est*, indicata. b. contra Verbi æternitatem Arianorū argumentum futile dissolvitur. 12. a. b. Verbum etsi productum, est tamen æternum, quod multis modis ostenditur. b. c. in qua significatione Filius sit Verbum. 14. a. b. Verbum Dei dictum est ad similitudinem mentalis. 15. b

Verbi decem sunt significationes in Scriptura v̄sitate, & quæ illæ. 13. b. Verbum mentis est significatio maxime accommodata loco Ioannis. 14. c. inter Verbum diuinū & humanum mentale, quæ sit similitudo & dissimilitudo. 16. b. c. 17. a. b. Verbum diuinum fuit notum in Scripturis sub hac appellatione ante incarnationē. c. Verbū Dei Chaldaica versio vsurpat loco nominis ineffabilis. 18. b. c. Verbum Dei Prophani scriptores ante Christum prædicauerunt, sed in duobus errarunt. c. Verbum Dei quidam ex antiquis etiam sermonem appellarunt. 19. b. Verbum aptius dicitur Filius Dei, quā sermo. 20. a. & quā ratio. c

Verbum omnia conseruat, & per illud perdurant omnia. 41. b. Verbum est lux hominum ob septem proprietates, quæ sunt in luce, & quænam illæ sint. 47. a. Verbum cur dicatur lux hominum, cuius rei quatuor sunt causæ.

38. a. Verbum cur dicatur lux hominum, non Angelorum. c. 46. a. Verbum lux vera est tripliciter. 57. b. Verbum Dei qui receperunt, quomodo potestatem habeant filij Dei fieri. 68. a. b. Sex modis hoc fieri posse ostenditur. c. ex quibus sextus: maxime probatur, qui est habere auctoritatem. 69. b. Verbū per incarnationem nouo modo esse cœpit in mundo. 71. b. Verbum quomodo caro factum sit, sine sui mutatione. 76. b. Verbū, quomodo exinanitum dicatur sub forma hominis, etiam si nullam passum sit mutationem. c. Errores qui ex illis *Verbum caro factum est*, emerferunt. 77. b

Verbum inhabitasse in nobis tripliciter dicitur 85. a. b. Verbum habitauit in nobis, quia nobiscum est cōuersatus. c. Verbum posuit tabernaculum suū inter homines. *ἰσχυρωσιν.* 86. b. Verbum in sinu esse Patris quid denotet. 115. c

Verum & veritas tribus modis in Scriptura vsurpantur, & quibus. 57. c

Veritas quatuor modis sumitur, quibus Christus plenus veritatis dicitur. 95. a

Vespasianus Imp. quomodo cæcum illuminasse dicatur, quam rem Auctor fabulosam planè & fictam iudicat. 534. b. c. in Vespasiano laudando Plinius qua amplificatione vsus sit. 3. c

Victus Christi, & Apostolorū eius paupertas, & vilitas. 375. c

Vidimus gloriam eius quam vim habeat. 89. b

Viduar in veteri testamento non tenebatur nubere, imò laudantur quæ viduitatem seruauerunt, vt Iudith. 7. a

Vinum in nuptiis ex aqua factum fuit rubrum non album. 263. c. Vinum rubrum in Scriptura commendatur. 164. a.

Vinum quantum ex aqua factum sit. 164. c. 165. a. vinum quomodo ex aqua factum sit. 165. b. c. idem miraculum

INDEX ALPHABETICVS.

- culum aliquoties repetitum narrat
Epiphanius. 166. a. mystica interpretatio. b.c
- Vinum cur Christus dum panes multiplicauit populo non dederit. 376.c
- Vinum cur in nuptiis factum sit. 377.a
- Visionem Dei neque in coelis, neque in terris nullum consequi posse quidam opinati sunt. 113. b. hæc opinio reprobatur. c. Visionem Dei Christus duplicem habuit, vnā, quā Deus, alteram quā homo. 190.a
- Vita pro conseruatione, & viuificare pro conseruare in Scriptura sumitur. 42.a. Vita triplici ratione Verbum dicitur. 46.a
- Vitam habere in semetipso quando Pater dedit Filio. 333.b
- Vita æterna modo fidei, modo dilectioni tribuitur, quia ex utraque prouenit. 331. a. Vitam habere in semetipso, & vitam habere à semetipso sunt diuersa. 332.b. Vita in semetipso habere quatuor denotat. c
- Vita diuina duplex est, vna substantialis, & hæc tribus modis habetur. 451. b. Vitam diuinam Christus vt homo, quomodo habeat. c. Vita alia diuina habetur per participationem; & hæc quinque modis habetur. c. 453. a. Vitam habent beati intelligendo Deum. b. Vitam etiam diuinam habebunt corpora post resurrectionem. c
- Viuetium quatuor sunt gradus ex Arist. & qui illi. 46.b
- Vnguenta quorum odore sponsa trahitur ad Christum sunt quatuor, & quæ illa. 407.c
- Vnio nostra cum Christo quæ sit per sacramentum, qualis. 453.c
- Voluntas Dei duplex, vna beneplaciti, altera signi, seu antecedens. 56.a
- Vox in Scriptura rebus inanimatis tribuitur. 203. b. Vox Spiritus S. quæ sit. 206.c
- Vt, non denotat causam, sed consequentiam rei. 338.b

Deo Iesu Christo laus & gloria.



~~252.340~~

Bbbb

ANT 4411437

Errata sic corrigenda.

Pag. 7. lin. 2. leg. Ioannes verò. 8. lin. 5. dixit David in Psal. 80. 15. 28. esse factos.
pag. 7. 26. reperitur. 66. a fin. 2. esse in mundo. 81. a. a fin. ad Clidonium. 84. suppo-
tabatur. 89. 26. manifestata. 128. 28. articulo secundo. 131. 30. quem solum 139. a fin.
3. incomptum 152. a fin. 5. confilio, ac proposito. 164. a fin. 12. coagios. 2. poccalia.
197. a fin. 2. Hebraice. 203. 4. cognoscibilis. 28. sonus. 212. a fin. 3. necessarius. 246. a
fin. 3. ignorant. 256. 11. reddebat. 259. a fin. 11. humanus. 277. 1. regis. 297.
15. Pascha. 320. a fin. 4. per Dauidem & ad marg. Psal. 80. 364. a fin. 5. tringia. 411.
16. Patres vestri. 437. a fin. 5. perniciem. 456. 24. intelligendam. 461. 10. exaggeran-
dam. 498. a fin. Theologoratos. 525. a fin. 3. proprium eius. 526. 12. incensum.



